



BIBL. NAZ.

Vitt. Emanuele III

165

D

22





86N

TRACTATUS

DE

BENEFICIIS ECCLESIASTICIS

CAROLI GAGLIARDI

OLIM IN REGIO NEAPOLITANO ARCHI-GYMNASIO IURIS CANONICI
PROFESSORIS IN CATHEDRA DECRETI DEIN EPISCOPI MURANI

CUM ANIMADVERSIONIBUS ATQUE ADDITAMENTIS

IOSEPHI ROMANI

OLIM UTRIUSQUE IURIS ANTECESSORIS ET IN ARCHIEPISCOPALI NEAP. LYCEO
EIVSDEM CATHEDRAE SUBSTITUTI

NUNC

EPISCOPI S. ANGELI LOMBARDORUM ET BISACCII

Editio altera auctior et emendatior



TOMUS UNICUS



NEAPOLI

EX TYPOGRAPHEO AD SIGNUM ANCHORÆ

—
MDCCLII



CULTORIBUS SACRAE IURISPRUDENTIAE

IOSEPHUS ROMANUS

Quum iamdiu eo intendissem animum, ut ecclesiasticae Iuventuti in studiis sacrorum Canonum pro meis viribus opitularer, post editas *Iulii Laurentii Seloagii Institutiones* multis additamentis locupletatas, illuc converli curas, ut Iuris Canonici partes ad praesentem fori statum maxime necessarias evolvendas susciperem, novisque auxiliis adolescentes praesertim clericos communirem. Inspectis autem argumentis, quae propius ad rem iudiciariam pertinent, duo potissimum, de Iure nempe patronatus, et de beneficiis se mihi deligenda, et exponenda obtulerunt. Hunc igitur aggressus laborem ad communem utilitatem *Commentarium Caroli Gagliardi de Iurepatronatus* plerisque illustrationibus exornatum typis recudendum curavi. Hac itaque editione ab adolescentibus Iurisprudentiae incumbenlibus benigne excepta, eiusdem Cl. Viri *Tractatum de Beneficiis*, quae nunc potissima ecclesiastici Fori pars est, praelo commisi. Idcirco autem hunc Auctorem proponendum selegi, quod prae sexcentis optimaе notae Scriptoribus, qui utriusque Iuris consultissimi in hac sparta ornanda desudarunt, atque doctissima Commentaria scripserunt, eum excolendae Iuventuti opportuniorem esse censi.

Iamvero quousque Ethnici in Christianam Religionem immatissime saevierunt, praedia, quae Christifideles passim Eccle-

siae offerebant, laud magna fuisse compertum est. At cum pax diu exoptata sub Constantino Imperatore illi affulsit, permulta bona et Principum munificentia, et fidelium liberalitate ipsi Ecclesiae obvenerunt tum ad Templi Dei decorem promovendum, tum ad alimenta sacra munia peragentibus praestanda, tum denique ad pauperum inopiam per Clericorum ministerium sublevandam. Quo factum est, ut Res Beneficiaria novam veluti faciem induerit, novisque legibus creverit. Etenim labentibus saeculis Ecclesiae Moderatores permulta sanxerunt, quae non solum beneficiorum naturam, proprietates, erectionem, consociationem, ac divisionem, verum etiam iura, et officia iis adnexa, nec non causas, quibus illa amittantur, respiciunt. His accesserunt innumerae Principum leges ad ipsius Ecclesiae utilitatem latae, quum eorum sit Fidem, et ecclesiasticam disciplinam, quae candore, et puritate sua animos percellit, pro virili tueri, atque eorum intersit, ut Imperium cum Sacerdotio amice conspiret, et D. O. M. auxilio suffultum efflorescat. Quamobrem in sanctiones de ecclesiasticis beneficiis tot virorum doctissimorum commentaria, interpretationes, tractatus ad gravissimas controversias dirimendas in lucem prodierunt.

Verum ex Scriptoribus, qui hactenus Canonicae Iurisprudentiae interpretandae operam dederunt, alii doctrinam universam de beneficiis iciume, atque exiliter tradiderunt, alii in hac materia pertractanda tam late pervagati sunt, ut inutiles prorsus, ac molestas rerum expositiones persequendo, ingenti librorum mole tyrones opprimerent, fastidiumque sine operae pretio crearent: nonnulli vero, si Nostrates excipias, in id studium minime incumbuerunt, ut ea attingerent, quae ad Neapolitani huiusce Regni politiam pertinent. Contra Carolus hic Noster, acriter, ut erat ingenio, scribendi rationem delegit, quae nec sicco genere exaresceret, nec redundanti copia superbiret, sed memor illius praecepti, quod Tullius (1) mandavit: *omnia facile discuntur, si tantum sumas quantum opus sit*, Rem Beneficiariam universam, ut subiecta materia postulabat, paucis uno sub adpectu incolumi claritate proposuit.

Itaque istud scripturae genus Iuventuti maxime profuturum ratus, ex publici Iuris scitis, Sacerdotii, et Imperii fines distinguens, non luxuriantem eruditionem congressit, nec rebus criticis nimium indulsit, sed e purioribus fontibus haustas genui-

(1) De Orat. III. 23.

nas canonum sententias, eorumque rationes, et variationum causas mira dexteritate, atque sapientia investigans, tanta perspicuitate, et facilitate enucleavit, ut vel mediocribus ingeniis pateant. Nec patrios usus, receptosque apud nos in hac re mores egregius ille Doctor neglexit: sed omnes leges, constitutionesque, necnon Ecclesiarum consuetudines recensendo, universam beneficiorum disciplinam, quae ad suam usque aetatem in Regno Neapolitano obtinuerat, pleno, absolutoque labore complexus est.

Tanto operi ea desunt dumtaxat, quae sequens aevum pro rerum vicissitudine, ac temporum varietate vel abrogavit nova instituens, vel derogavit. Ut igitur in hoc eximio Caroli Gagliardi tractatu nihil desideretur, utque adolescentes, qui ad Iuris Ecclesiastici scientiam adipiscendam accedunt, omnia, quae ad hanc rem nostram pertinent in promptu habeant, ea singula, quae de beneficiis Iure novissimo in Ditionibus citra Pharus statuta, inveniunturque sunt, in additionibus colligenda duxi.

Accipite igitur, adolescentes optimi, Tractatum istum pluribus incrementis auctum, ex quo penitentiorem de Re beneficiaria intelligentiam assequenti, magno Ecclesiae, et Reipublicae bono vosmetipsos ad sacra munia sustinenda aptos exhibeatis. Valete.



DE BENEFICIIS ECCLESIASTICIS

In authenticis Iuris Canonici voluminibus titulus hic, etsi haud extet inscriptus, eandem nihilominus materiam continet, quam rubrica V. libri III, Decretalium *de praebendis, et dignitatibus*. Namque beneficium heic non accipitur (1) latissime pro quolibet benefacto, quo amicos vel parare, vel colere solemus (2), nec pro privilegio (3), nec pro feudo (4), nec per antiphrasim (5) pro maleficio, et culpa: sed utique pro iure percipiendi redditus ecclesiasticos, vel stipendia clericalia propter spirituale officium, nedum recitandi horas canonicas, sed Missas etiam celebrandi, Ecclesiae inserviendi, aliudve ministerium spirituale obeundi. *Quis enim militat suis stipendiis umquam? Quis plantat vineam, et de fructu eius non edit? Quis pascit gregem, et de lacte gregis non manducat? Numquid secundum hominem haec dico? An et lex haec non dicit? Scriptum est enim in lege*

(1) Aristotel. lib. II. *topicor. cap. 17* ait: *Considerare quot modis quidque dicatur, utile est ad perspicuitatem: facilius enim intelligit quispiam quid ponit, si explanatum fuerit, quot modis dicatur.*

(2) Seneca lib. 1. *de benef. cap. 6.* dicit beneficium esse benevolam actionem, quae gaudium, vel honorem tribuit accipienti.

(3) Quo sensu Bonifacius VIII. in cap. 16. *de regulis iuris* in VI. ait: *debet concessum a Principe beneficium esse mansurum.* Et facultas respondendi de iure a Principe alicui largita beneficium dicta est in *l. Neratius 191. D. de reg. iur.*, et a Iustiniano in §. 6. *Inst. de hered. qualit.* dicitur Hadrianus speciali beneficio praestitisse cuidam 25. annis maiori veniam aditae hereditatis.

(4) Huiusmodi significatio frequentissime usurpatur in libris feudorum, qua re-tenta S. August. *serm. 1. in vig. Pent.* inquit: *Notum est, quod milites saeculi beneficia temporalia a temporalibus dominis accepturi prius militaribus sacramentis obligantur, et dominis suis fidem se servaturos profitentur.*

(5) Ulp. in *l. ex damni 40. §. 2. D. de damno infecto, et suggrundis.* Si quia aliter communem parietem presserat, vel oneraverat, ideoque damnum contigit: con-sequens est dicere detrimentum hoc, quod beneficio eius contigit ipsum aareire de- bere. Ibidem in *l. inter omnes D. de furtis* res dicitur beneficio furto abesse.

Moyſis (1) : non alligabis os bovi trituranti. Numquid de bobus cura eſt Deo? An propter nos utique hoc dicit? Nam propter nos ſcripta ſunt : quoniam debet in ſpe, qui arat, arare; et qui triturat, in ſpe fructus percipiendi. Si nos vobis ſpiritualia ſeminavimus, magnum eſt, ſi nos carnalia veſtra metamus? Nescitis quoniam qui in ſacrario operantur, quas de ſacrario ſunt, edunt, et qui altari deſerviunt, cum altare participant? Ita et Dominus ordinavit iis, qui Evangelium annunciant, de Evangelio vivere. Hucusque Apoſtolus (2).

Quoniam vero multiformis pro temporum varietate ſuccedit eccleſiaſtica diſciplina tam alendi miniſtros altaris, et clericos, quam proventus Eccleſiae adminiſtrandi, et pauperibus diſpensandi: tot tantaeque vicissitudines conſtitutionum, et morum prodire, ut hanc beneficiorum materiam quammaxime involutam, obſcuramque effecerint. Quo tamen facilius ea cognitu fiat, ſtudioſis tyronibus potiores regulas ad beneficiariam rem attinentes pro viribus ſatagam ex voluminibus Iuris pontificii tam vetuſti, quam recentioris, ex Regulis Cancellariae, ac praxi Curiae Romanae, aliarumque fori eccleſiaſtici conquirere, et maiori, qua potero, perſpicuitate ſimul, ac brevitate exponere in ſequenti capitulorum ſerie.

Primum equidem de origine, et progreſſu eccleſiaſticae pecuniae, ac beneficiorum dicere inſtituo. Deinde quid, et quotuplex ſit beneficium, diſſeram. Mox quomodo fundentur, et erigantur, deque illorum qualitatibus, reſervationibus, et affectionibus. Dein de perſonis, quae illa conferunt, et quibus conferuntur. Poſt de collatione, cuiusque formis: de precum veritate, ſubreptione, et obreptione in impetrationibus: de clauſulis, et exequutione Litterarum Apoſtolicarum. Tum de poſſeſſione, ac ſequeſtro, de fructibus, ac ſpolio. Ad extremum de modis, quibus amittuntur, et vacant.

CAP. I.

De origine beneficiorum.

- I. Oblationes fidelium Chriſtus Dominus in oculis apoſtolicis ſervavit.*
- II. In communi vivebant credentes in Eccleſiae incunabulis, et offerebant collectas ex bonis ſuis pecunias in manus Apoſtolorum, et ſacerdotum.*
- III. Diaconos ad eas adminiſtrandum praepoſuerunt quum Apoſtoli, tum ſucceſſores Epiſcopi.*
- IV. Diſtributio ſacris miniſtris, et pauperibus fiebat ad meſuram laboris, et neceſſitatis.*
- V. Superfluentes in una Eccleſia oblationes aliis egentibus Eccleſiis diſpensabantur.*

(1) Deuteronom. cap. 25. verſ. 5.

(2) Epiſt. 1. ad Corinth. cap. 9. verſ. 7. ad 15. eademque ſere ſcripſit iſ Timotheo diſcipulo ſuo Ephesi Epiſcopo epiſt. 1. cap. 5. verſ. 18. ex idolothytis haec ſcribendi occaſionem nactus.

- VI. Ut ecclesiasticos thesauros diriperent, persecutionum aeo Principes plerumque martyrio christicolae affecerunt.
- VII. A communi domo, et vita Clerici paulatim declinantes sportulas suas in pecunia maluerunt.
- VIII. Praedia, et proventus immobilium adquiri Ecclesiis non se-rebant persecutiones tyrannorum, nec Principum leges.
- IX. Tertio tamen saeculo bona immobilia Ecclesiae nancisci moribus coeperunt.
- X. Constantinus M. primum Ecclesiis indulsit publicam facultatem bona possidendi.
- XI. Pro submovendis autem fraudibus clericorum viduas, et pupillos circumvenientium in auferendis eorum bonis opportunae leges fuerunt editae.
- XII. Atque inofficiosas bonorum dispositiones in Ecclesiae favorem exheredatis liberis SS. Patres maxime detestabantur.
- XIII. Usque ad saeculum quintum benefactoribus non permissum praescribere pium aliquod onus, quod explere sacri altaris ministri cogerentur.
- XIV. Vetus clericorum vita communis ferme non alia erat, quam hodierna Regularium.
- XV. Nullus Ordinibus ecclesiasticis initiabatur, nisi ad inservendum certae Ecclesiae perpetuo addiceretur.
- XVI. Ob iniustam Episcoporum administrationem, oeconomi de clero in singulis Ecclesiis quinto saeculo constituti.
- XVII. Tum quatuor in partes divisio proventuum ecclesiasticorum imperata.
- XVIII. Pauperum, et fabricae portiones ipsis Episcopis, et ecclesiasticis personis relictas cum onere administrandi fuisse.
- XIX. Sexto circiter saeculo Episcopi simul, et clerici ad suam derelinquendam Ecclesiam bellorum frequentium devastatione coacti, aliis Ecclesiis primo vacantibus incardinari coeperunt.
- XX. Sensim hinc Ordinum collatio a collatione praebendarum se-iuncta, et ordinatio clericorum sine titulo Ecclesiae irrepsit.
- XXI. Eodemque tempore praedia Ecclesiarum concessa clericis praesertim benemeritis, et pauperibus ad usumfructum.
- XXII. Peculiares praeterea oblationes singulis Ecclesiis etiam pre-sbyteralibus, earumque ministris attributae, soluto dumtaxat Episcopis iure cathedralico.
- XXIII. Nono saeculo usurpatum est in Ecclesia beneficii vocabu-lum, ut significaret praedium Ecclesiae ad usumfructum, alicui beneficentia Episcopi concessum.
- XXIV. Concessum semel beneficium, mortuo beneficiario, poterat olim Episcopus vel alteri conferre, vel Ecclesiae incorporare.
- XXV. Laici interea potentes sacrilegam potestatem quum dispo-

nendi de praediis, et beneficiis ecclesiasticis, tum Ecclesias ipsas conferendi attentarunt sibi vindicare.

XXVI. Eliminatis laicorum usurpationibus, plurimae prodierunt sanctiones, et Regulae Cancellariae novam beneficiorum disciplinam complectentes.

XXVII. Dignitates omnes, et praebendas lata beneficii acceptio complectitur, quas officium modo superius, modo inferius distinguit.

XXVIII. Ministerium, seu officium singulis ecclesiasticis revocabiliter olim arbitrio Episcopi demandabatur: deinde concessum in titulum perpetuum, et irrevocabile.

XXIX. Plures dignitates, et gradus beneficiorum, et praebendarum instituti sunt ad conservandam, et augendam Ecclesiae disciplinam.

I. Ex Iure divino pecunia Ecclesiae, Resque beneficiaria primaevam traxit originem: ex moribus deinde, et constitutionibus quum novae, tum veteris disciplinae paulatim adolevit, excrevitque. Apostolis quidem, ac discipulis Christus Dominus praecepit (1), ne portarent sacculum, neque peram, neque calceamenta; sed manerent in quacumque domo edentes, et bibentes, quae apud illos sunt: dignus est enim, ait, operarius mercede sua. Et rursus: nolite solliciti esse animae vestrae quid manducetis, neque corpori quid induamini: haec enim omnia gentes mundi quaerunt. Pater enim vester scit, quoniam his indigetis. Quaerite primum regnum Dei, et iustitiam eius, et haec omnia adiicientur vobis. Vendite quae possidetis, et date eleemosynam. Facite vobis sacculos, qui non veterascunt (2). Ad suam nihilominus informandam Ecclesiam ipsemet Dominus, cui ministrabant Angeli, pecuniam, aliaque a fidelibus oblata conservari iussit, et exportari per Iudam Iscariotem loculos habentem, ut indigentibus suorum discipulorum, et pauperum humanitus consuleret (3). Exemplum Domini, ait Augustinus (4), accipe conversantis in terra. Quare habuit loculos, cui Angeli ministraverunt, nisi quia Ecclesia ipsius loculos suos habitura erat? Quare furem admisit, nisi ut eius Ecclesia fures patienter toleret? Tunc igitur primum ecclesiasticae pecuniae formam fuisse institutam, quum haberet Dominus loculos, et a fidelibus oblata conservans, et suorum necessitatibus, aliisque indigentibus tribuens, expressit idemmet S. Pater (5).

II. Apostolorum aeo in Ecclesia Hierosolymitana multitudinis credentium erat cor unum, et anima una: nec quisquam eorum, quae possidebat, aliquid suum esse dicebat, sed erant illis omnia communia. Nec quisquam egens erat inter illos. Quotquot enim possessores agrorum, aut domorum erant, vendentes offerebant, si vellent, pretia eorum, quae vendeabant, et ponebant ad pedes Apostolorum: dividebat autem singulis, prout cuique opus

(1) Lucae cap. IX., et X. vers. 4. — (2) Lucae cap. XII. vers. 33.

(3) Ioannis cap. XII. vers. 5. et 6.

(4) S. August. in can. exemplum 12 C. 12. q. 1.

(5) Idem in can. habeat 17. eadem C. et qu.

erat (1). Hierosolymis itaque credentes ferro omnes communiter convivebant. Secus vero in aliis Ecclesiis; propterea quod multiplicato fidelium numero universalis bonorum temporalium communitas inter laicos retineri nequisset, qui suis in domibus cum familia commorantes privatis sumptibus alebantur vel de redditu bonorum, quae possidebant, vel de labore manuum suarum (2). Singulis tamen diebus congregabantur omnes, et offerebant sigillatim Ecclesiae, quod unusquisque collegisset, et insimul orabant, sacrisque vacabant (3).

III. Collectas Hierosolymis oblationes parum temporis administrarunt

(1) Actor. cap. IV. vers. 32 ad 35. Ad vendendum vero, et offerebatur Apostolis pretia rerum suarum cogebatur nemo: sed sua quisque sponte vel retinebat sibi, vel Ecclesiae donabat, ut liquet ex B. Petri Apostolorum Principis oraculo, qui Ananiae, et Saphirae coniugum voluntarium fraudem, et mendacium damnavit, et subito morte punivit, inquit: *Anania, cur tentavit Satanias cor tuum mentiri te Spiritui S.*, et fraudare de pretio agri? *Nonne manens tibi manebat, et vendidisti in tua erat potestate?* Actor. cap. V. vers. 3.

(2) Paulus hinc Timotheo scripsit epist. 1. cap. 5. vers. 16: *Si quis fidelis habet viduam, subministret illi, et non gravetur Ecclesia, ut iis, quae veras viduae sunt, sufficiat.* Quibus ex verbis patet universos fideles Ephesi non vixisse communem vitam. Communem vivendi formam aevi apostolici specialim amplexi fuere olim haeretici *Apotactitae*, *Encratitae*, et *Apostolici*, qui maiorem in Ecclesia Christi perfectionem affectantes compellebant homines ad omnium rerum abdicationem, perfectamque communionem eo pacto, ut nemini aliquam in hoc mundo rem, tamquam propriam possidere permitterent. Effutiebant enim impossibile esse divitiis, et res temporales possidentibus intrare in regnum coelorum. *Apotactitae* dicebantur, scilicet renunciantes mundo, a verbo graeco ἀποτακται, quod significat renuncio. *Apostolici*, quia vitam apostolicam imitari iactabant. *Encratitae* demum, id est continentis, seu temperantes, a verbo graeco ἐγκρατειν, id est contineo. De quibus ita S. August. de haeresib. cap. 40. *Apostolici, qui se isto nomine arrogantissime vocaverunt, eo quod in suam communionem non reciperent utentes coniugibus, et res proprias possidentes. Sed ideo isti haeretici sunt, quoniam se ab Ecclesia separantes nullam spem putant eos habere, qui utuntur his rebus, quibus ipsi carent. Encratitis isti similes sunt: nam et Apotactitae appellantur.* De iisdem agit etiam S. Epiphanius haeres. 61. num. 4. Eundem Apostolicorum errorem sequuti sunt *Eustatiani*, quos damnavit Synodus Gangrensis circa ann. 340. coacta Gangris in Paphlagonia in Diocesi Ponti Polemoniacy, quae nunc Turcis dicitur Kiongal, Binghamus tom. VII. orig. eccles. lib. XVI. cap. 12. §. 1. In eos poenae haeresis promulgatae sunt in l. 7. Cod. Th. de haeticis.

(3) De collectis, quae fiunt in Sanctos, scripsit idem Apostolus epist. II. ad Corinth. 16: *sicuti ordinavi Ecclesiam Galatiae, ita et vos facite. Per unam sabbathi unusquisque vestrum apud se ponat, recondens quod ei bene placuerit, ut non cum venero, tunc collectae fiunt. Cum autem praesens fuero, quos probaveritis per epistolas, hos mittam perferre gratiam vestram in Ierusalem.* Fleury lib. 1. hist. eccles. num. 47. opiantur collectas has in locum illarum auri oblationum successisse, quas ex provinciis omnibus ad Ierosolymitanum templum transmittentur Hebraei, de quibus sic tradit Cio. in orat. pro L. Flacco. Cum autem Iudaeorum nomine quotannis ex Italia, et ex omnibus vestris provinciis Hierosolymam exportari solet? Flaccus sanxit edicto, ne ex Asia exportari liceret. Quis est, iudices, qui non hoc vere laudare possit? Exportari aurum non oportere, quum suae antea Senatus, tum me Consule, saepissime iudicavit. Huic autem barbarae superstitioni resistere, severitatis multitudinem Iudaeorum flagrantem nonnumquam in concionibus pro republica contemnere, gravitatis summae fuit.

Apostoli (1); donec scilicet diaconos elegerint, viros boni testimonii constitutos super opus ministrandi mensis, tamquam peculiaries collectarum administratores. Tum in ceteris pariter Ecclesiis Apostoli, eorumque Successores ordinarunt nedum presbyteros, verum etiam diaconos, ut Episcopi liberiori praedicationi, sacraeque liturgiae vacarent: cura oblationum, mensae communis, et pauperum diaconis demandata, qui singulis clericis, et pauperibus necessaria vitae alimenta suppeditabant ex communibus proventibus sine ulla superfluitate iuxta illud Apostoli: *habentes alimenta, et quibus tegamur, his contenti sumus. Nam qui volunt divites fieri, incidunt in tentationem, et in laqueum diaboli, et desideria multa inutilia, et nociva, quae mergunt homines in interitum, et perditionem* (2).

IV. Quapropter non aequalis arithmetice fiebat distributio, sed ad proportionem inaequalis et laboris, et personarum necessitatis, Apostolo sic praecipiente: *Qui bene praesunt presbyteri, duplici honore digni habeantur, maxime qui laborant in verbo, et doctrina* (3). Quandoquidem maiorem laborem exstantes maiori opus habent alimonia, atque adiumento. Hinc constitutum, ut ubi agapes, seu sacras epulas laici spontanea pararent, suam Episcopo absenti servarent portionem; necnon cantoribus, lectoribus, ostiariis: diaconis vero, et presbyteris praedicationi strenuam operam navantibus duplices sportulas seponerent.

V. Sicubi tamen in una Ecclesia oblationes redundarent, aliis pauperioribus Ecclesiis quoque dispensabantur. Sancti Petrus, Iacobus, et Ioannes, ut divos Paulum, et Barnabam Evangelii consortes acceperunt, iisdem ad varia Orbis loca dimissis commendarunt eleemosynas colligere pro Ecclesia Hierosolymorum: pro qua collectas iam egisse Macedoniae, et Aethiopiae innuit idemmet Apostolus doctor gentium (4). Eiusdem collationis momiuit Corinthios adhortando, ut pararent repromissam benedictionem pro pauperibus Hierosolymorum (5). Compertum praeterea habetur Prophetam Agabum Antiochiae famem magnam praedixisse futuram in universo terrarum orbe: *Discipuli autem, prout quis habebat, proposuerunt singuli in ministerium mittere habitantibus in Iudaea fratribus: quod et fecerunt mittentes ad seniores per manus Barnabae, et Sauli* (6). Romana Ecclesia christianis per diversas provincias ad fodienda metalla, ceterasque poenas exolvendum damnatis pecuniam transmittere non omisit: quippe quae inter ceteras Ecclesias amplissimis affluebat oblationibus. Quumque a Marcione circa annum 170. oblata semel quinque millia aureorum accepisset: eidem ab orthodoxa fide recedenti totam illico pecuniam restituit, abhorrens bona haeretici, tamquam coinquinata.

VI. Principes idcirco infideles, post Commodi Imperatoris mortem anno 192. sequutam, ad Ecclesiam Christi persequendam saeculo III. ob id potissimum incendebantur, ut divitias christianorum sibi usurparent, pecuniarum vel cupidi, vel indigentes. Id quod satis liquet ex divi Laurentii, quem S. Xystus II. diaconum suum Romae ordinaverat, martyrio in

(1) Actor. cap. II. vers. 45., et cap. IV. vers. 55.

(2) 1. Ad Timotheum cap. VI. vers. 8.

(3) Cit. epist. 1. ad Timoth. cap. 5. vers. 17.

(4) Ad Rom. cap. V. vers. 25., et sequ.

(5) Epist. II. ad Corinth. cap. 9. vers. 5.

(6) Actor cap. XI. vers. 29. et 30.

persecutione Decii Imperatoris peracto an. 258. Inhiant enim impio persecutori thesauros Ecclesiae, illosque efflagitanti, sanctus diaconus, qui antequam vinculis manciperetur, prudentissime eos expendit in pauperes, ostendit ipsorum pauperum greges, in quorum victu, ac vestitu incolas ab omni periculo condiderat facultates.

VII. Quo autem tempore divites erant Ecclesiae, eodem clerici vitam aggressi sunt vivere lauiorem. Nam plures eorum fastidientes communem vitam, et mensam praeoptabant in privatis domibus morari, portionem communis pecuniae vel diurnam, vel mensuram, vel diuturniorem a diaconis Episcopo mandante accipientes: quum adhuc obventiones in mobili tantum pecunia consistentes ab Episcopis per diaconos administratae perpetuam divisionem non admisissent. Hinc Tertullianus, qui floruit circa annum 200. ait in apologetico (1): *Omnia indiscreta sunt apud nos praeter uxores; in eo loco consortium soloimus, in quo solo ceteri homines consortium exercent.* Quibus verbis refellit Nicolaitas, discipulosque Carpocratidis, et Epiphani, qui communes mallebant mulieres, non aliter, quam cetera bona. S. Cyprianus autem loquens de mensura divisione proculdubio sensit de pecuniaria: quum erogari singulis mensibus nequeant esculenta, quae praestantur quotidie (2). Idemque sanctus Episcopus deplorat circa medietatem saeculi tertii inolitam clericorum corruptelam, qui dormitorium, et coenaculum commune fugiebant, arguens trucissimam Decii persecutionem Deo volente contigisse ad mores eiusmodi reformandos. Thomasinus (3) notat ex Tertulliano, Eusebio, et S. Cypriano distributiones fieri consuevisse modo in esculentis, modo in pecuniis. Ex B. Cypriano itidem notat Cironius fratres *sportulantes* fuisse appellatos, qui sportulas, seu alimenta, vel stipendia sportularum separatim accipiebant ab Ecclesia (4). *Ut et sportulis iisdem cum presbyteris honorentur, et divisiones mensurnas aequatis quantitatibus partiantur,* ait S. Cyprianus (5). Quibus verbis S. Episcopus mandavit, ut Lectori Celerino, et Aurelio tribuerent mensuras sportulas, et pecuniarum partes instar presbyterorum: pinguiore enim erant presbyterales, quam clericales sportulae, regulariter, ut supra meminimus.

VIII. Tyrannides interea persecutorum cum omnem Ecclesiis, et coetibus christianorum facultatem adimeret acquirendi, vel retinendi praedia, fixosque redditus, opes ecclesiasticae ideo consistebant in pecunia, rebusque pretiosis mobilibus. Quandoquidem collegia, et congregationes pro Religionis etiam intuitu improbabant omnino leges, ac submovebant: nisi auctoritas Principis, vel magistratus aucta publicam facultatem concessisset ex lege Solonis (6).

IX. Sed postquam Valerianus Imperator post annum 254. captivus Aedessae factus est per Saporem Persiae Regem, Gallieno eius filio Augusto

(1) Tertull. relatus a Romanis Correctoribus in *can. dilectissimi* 12. qu. 1.

(2) S. Cyprianus *lib. V. epist.* 5. 28, alias 34., et 66., alias 1.

(3) *Par. 3. lib. 2. cap. 12.*

(4) Inn. Cironius in *paratit. de praeb. et dign.*

(5) S. Cyprian. *cit. ep. LXVI. In honore sportulantium fratrum* (ait) *tamquam et decimas ex fructibus accipientes.*

(6) Eam recenset Caius Iureconsultus in *l. sodales 4. et ult. D. de collegiis, corporibus illicitis.*

regni curas negligente leges Romanas impune transgrediebantur praesertim in Italia, Gallia, et Africa. Interea non pauci praedia, aliaque stabilia Ecclesiis christianis legare, ac donare non dubitarunt. At ea postmodum ineunte saeculo IV, anno scilicet 302, fisco vindicare Diocletianus, et Maximianus Imperatores in decima, et suprema Ecclesiae persecutione: excepta Gallia, ubi confiscationes exequi passus non est Constantinus Clorus Imperator, S. Helenae vir, qui christianos nil oderat, sed immo consilium eorum probabat, quod exulare, exercuciari, et mori mallet, quam idolis contra conscientiam thurificare: ratus infidelem Deo servare fidem Principi suo non posse. Octoque post annos Maxentius Ecclesiae Romanae bona omnia restituit.

X. Tandem Constantinus Magnus, agnita Fidei christianae veritate, generalem edidit legem, qua pacem Ecclesiae universae tribuit, ac facultatem largitus est nedum Ecclesias publice construendi, et coetus fidelium in eisdem congregandi, ut sacris liturgiis, et orationibus inibi vacarent: sed acquirendi etiam quocumque titulo, et possidendi bona stabilia, quorum redditus clericis, et pauperibus alendis addicerentur, aliisque piis operibus explendis. Sic enim ipse rescripsit ad populum: *Habeat unusquisque licentiam sanctissimo catholico, venerabilique concilio decedens bonorum, quod optavit, relinquere. Non sint cassa iudicia. Nihil est quod magis hominibus debetur, quam ut supremae voluntatis, postquam aliud iam velle non possunt, liber sit stylus, et licens, quod iterum non redit, arbitrium* (1). Exinde multas opes, et amplissimas possessiones brevi compararunt Ecclesiae christianorum usque ad gentilium invidiam (2).

XI. Ad evellendas postea fraudes clericorum viduas, et pupillas circumvenientium, et donationes bonorum variis calliditatibus extorquentium, opportuna leges editae sunt. Etenim Imperatores Valentinianus I, Valens, et Gratianus ad Damasum Pontificem rescripserunt anno 320: ut *ecclesiastici viduarum, ac pupillarum domos non adeant, sed publicis extermineantur iudiciis, si posthac eos adfines earum, vel propinqui portaverint. Censuerunt etiam, ut memorati nihil de eius mulieris, cui se privatim sub praetextu religionis adiunxerint, liberalitate quacumque, vel extremo*

(1) Constantin. in l. 4. *Cod. Th. de Episc. et cler.*, et l. 1. *C. de sacros. Eccl.*

(2) Id refert Ammianus Marcellus lib. 27. Gratianus autem in *can. futuram* 15. C. 12 qu. 1. haec habet: *Futuram in gentibus Ecclesiam Apostoli praevidebant, ideo praedia in Iudaea minime sunt adepti, sed pretia tantummodo ad fovendos egentes. At vero, quum inter turbines, et adversa mundi succresceret Ecclesia, eo usque pervenit, ut non solum gentes, sed etiam Romani principes, qui pene totius orbis monarchiam tenebant, ad Fidem Christi concurrerent. Et quibus vir religiosissimus Constantinus primus fidem veritatis adeptus licentiam dedit per universum orbem sub suo degentes imperio non solum fieri christianos, sed etiam fabricare Ecclesias, et praedia tribuere posse constituit. Ab illo tempore, et deinceps viri religiosissimi non solum possessiones, et praedia, quae possederant, sed etiam semetipsos Domino consecrarunt, aedificantes basilicas in suis fundis in honorem SS. Martyrum per civitates, ac monasteria innumera, in quibus coetus Domino servientium conveniret. At canonem istum esse apocryphum, falsoque inscriptum Melchiali Papae, qui sedit anno 312, satis indicant Romani Corrotores, adnotantes modo relata verba omnia subtaxat haberi in scripto de primitiva Ecclesia, et munificentia Constantini subnexo post decreta Melchialis in collectione Isidori mercatoris octavo saeculo compacta.*

iudicio possint adipisci: et omne in tantum inefficax sit, quod alicui horum ab his fuerit derelictum, ut nec per subiectam personam valeant aliquid vel donatione, vel testamento percipere. Quin etiam si forte post admonitionem legis eiusmodi aliquid iisdem eae foeminae vel donatione, vel extremo iudicio putaverint relinquendum: id fiscus usurpet (1). Cuiusmodi legem B. Hieronymus apertio fatetur editam fuisse pro submovendis fraudibus clericorum inhiantium bona viduarum, et pupillarum (2). Sub Valentiniano II., Theodosio, et Arcadio, anno circ. 390. insuper Tatiano Pr. Pr. rescriptum, ut vidua annorum sexaginta, quae transferretur ad diaconissarum consortium, nihil de monilibus, et suppellectili, nihil de auro, argento, ceterisque clarae domus insignibus sub religionis defensione consumat: sed universa integra in liberos, proximos, vel in quoscumque alios arbitrii sui exstimatione transcribat: ac si quando diem obierit, nullam Ecclesiam, nullum clericum, nullum pauperem exscribat heredes. Careat namque necesse est viribus, si quid contra vetitum circa personas specialiter comprehensas fuerit a moriente confectum (3). Sed paucos post menses idem Valentinianus eidem praefecto rescribens, praedictam legem de diaconissis, vel viduis promulgatam statuit: ne quis videlicet clericus, nec sub Ecclesiae nomine mancipia; suppellectilem, praedam veluti infirmi sexus despoliator invaderet, et remotis adfinibus, ac propinquis ipse sub praetextu catholicae disciplinae se ageret viventis heredem: satenus maluit esse revocatam, ut de omnium chartis, si iam nota esset, auferretur; nec quisquam aut litigator ea sibi utendum, aut iudex noverit exequendum (4).

XII. Interim S. Augustinus inter alios Patres detestari non omisit corruptelam bona legandi, et relinquendi Ecclesiae, posthabitis, exhereditisque liberis, sic inquit: Quicumque vult exheredato filio heredem facere Ecclesiam, quaerat alterum, qui suscipiat, non Augustinum; immo Deo propitio nullum inveniet (5). Verum non renuebat S. Episcopus partem virilom accipere, inquit: Si quis irascitur filio suo, et moriens exheredit eum, si videret, non eum placarem? non ei filium reconciliare deberem? quomodo ergo cum filio suo volo ut habeat pacem, cuius appeto hereditatem? Sed plane sic faciat, quod saepe hortatus sum: unum filium habet, putet Christum alterum; duos habet, putet Christum tertium; decem habet, Christum undecimum faciat, et suscipio (6).

XIII. Largiebantur autem Ecclesiis saeculo etiam quarto, et quinto oblationes, et pecuniarum, et praediorum siue ullo peculiari onere missa-

(1) Valentin. I. Valens, et Gratian. in l. 20. C. Th. de Episcop. et cler.

(2) S. Hieron. ep. 2. ad Nepotianum, pudet dicere, an, sacerdotes idolorum, mini, et aurigae, et scorta hereditates capiunt, solis clericis, ac monachis hac lege prohibetur: et prohibetur non a persecutoribus, sed a principibus christianis. Nec de lege conqueror, sed doleo, cur meruerimus hanc legem. . . Provida, severaque legis cautio: et tamen nec sic refrenatur avaritia. Per fideicommissa legibus illudimus; et quasi maiora sint Imperatorum scita, quam Christi leges timemus, et Evangelium contemnimus.

(3) Valentin. II. Theod., et Arcad. in l. 27. C. Th. eodem tit.

(4) Valentinianus Veronae rescribens in l. 28. eodem tit.

(5) S. Augustinus in c. quicumque vult, 43. C. 17. qu. 4. Quod infra fusius explicabitur cap. XVIII. num. 5. et seq.

(6) Idem in can. si quis irascitur 8. C. 13. quaest. 2.

rum, vel fabricae construendae, vel eleemosynarum, dicatas tamen divino cultui ad universitatem piorum operum, alimoniae praesertim clericorum et pauperum arbitrio Episcopi dispensatoris. Et nemo adhuc clericorum, vel pauperum sibi aliquid privatim peculiari iure adrogabat: sed omnes proventus communiter impendebantur secundum regulam Apostolorum. Antiochena Ecclesia ter mille pauperes alebat, et ultra, ut aevo suo refert B. Chrysostomus (1). Actius Episcopus Constantinopolitanus (sub Theodosio iuniore anno 405. vivente adhuc B. Chrysostomo exule) pecuniam publicam suppeditabat Ecclesiae Nicoenae in Bitynia, ad quam innumeri pauperes fluebant, unoque die recensiti decem mille fuerunt (2). Romana Ecclesia sub Cornelio Pontifice mille quingentos homines ex infirmis, peregrinis, vinculisque mancipatis alebat, praeter clericos (3).

XIV. Clerici ob id privatim nil possidentes canonicam vitam servabant in communi substantia, in communi obedientia, in communi dilectione, non aliter quam hodie nunc viget in coenobiis, conventibus, et monasteriis Regularium. Si ego, aiebat S. Hieronymus, *pars Domini sum, et funiculus hereditatis eius, nec accipio partem inter ceteras tribus; sed quasi levita, et sacerdos vivo de decimis, et altaris oblatione sustentor: habens victum, et vestitum, his contentus ero, et nudam crucem nudus sequar* (4). Nemo ad clericatum promovebatur, nisi communem vivendi formam profiteretur. Cum nostrae congregationis fratres, non solum facultatibus, sed voluntatibus propriis in ipsa Ordinationis susceptione renunciaverint, et se per promissam obedientiam penitus aliorum potestati, et imperiis in Christo, et pro Christo subdiderint: certum est eos nihil habere, possidere, dare, vel accipere debere sine superioris licentia, scribit S. Augustinus (5).

XV. Ordinabantur itaque clerici, eodemque tempore describebantur in matricula clericorum certae Ecclesiae addictorum, cui manciperentur

(1) S. Chrysost. homil. 67. in *Matth.* Cogita tecum, ait, quot viduis, quot virginibus quotidie succurrat Ecclesia Antiochena. Iam enim numerus earum in catalogo adscriptus ad tria millia pervenit.

(2) Chrysost. hom. 86. in *Matth.* Gratia Dei, inquit, centum millia hominum huc Antiochiam convenire opinor, quorum singuli si unum panem quotidie pauperi cuiquam offerrent, omnes certe pauperes abundarent: si unum unusquisque obulum tantummodo, nemo penitus indigeret: nec tot probra, et convicia sustineremus, quod nimium ad possessiones animus intente. Et Possidius in vita S. Aug. cap. 23. haec habet: Dum forte (ut adaelet) de possessionibus ipsis invidia clericis fieret, adloquebatur plebem Dei malle se ex collationibus plebis Dei venire, quam illarum possessionum curam, vel gubernationem pati: et paratum se illis cedere, ut eo modo omnes Dei servi, et ministri viverent, quo in veteri Testamento leguntur altari deservientes de eodem participare.

(3) Euseb. lib. 6. cap. 43.

(4) S. Hieronym. in can. clericus 5. C. 12. quaest. 1. Consonat S. Ambros. in can. cui portio 6., alique Patres eadem C. et quaest.

(5) S. August. in c. non dicatis. 11. eadem C. et quaest. Idemque serm. 50. ait: Cum Episcopo Augustino sic vivunt omnes cohabitatores eius, quomodo scriptum est in actibus Apost. Omnes clericos meos tales invenit, quales desideravi. Et Possidius in vita S. Aug. cap. 25. scribit: cum ipso semper clerici una etiam domo, ac mensa, sumptibusque communibus alebantur, et vestiebantur. Sozomenus lib. 6. cap. 31. fert in Aegypto communem quoque clericorum vitam in Ecclesia Rinoecuratae viguisse.

ad inserviendum, eique velut cardini suo affigebantur eatenus, ut in illa perpetuo residentes cum conclicricis officium, et ministerium Ordini suo adnexum personaliter explerent: sublata prorsus facultate recedendi, illoque nexu dissolvendi seipsos sine proprii Episcopi auctoritate, sicuti liquet ex Concilio Niceno (1), et Chalcedonensi (2). S. Augustinus Episcopus Hipponensis constituerat nullum ordinare clericum, nisi qui secum manere vellet communiter: aliter si quis vellet a proposito recedere, illi tolleretur clericatum, tamquam deserenti sanctae societatis promissum, coeptumque consortium. Enthecam clericis habere non permisit, et eum, qui habere voluisset proprium, et de proprio vivere, clericum amplius non esse (3). Sed postmodum prudentissime mutavit consilium, dum inquit: *qui volunt habere aliquid proprium, quibus non sufficit Deus, et Ecclesia sua, maneant ubi volunt, et ubi possunt, non eis aufero clericatum: nolo habere hypocritas. Malum est cadere a proposito, sed peius est simulare propositum* (4). Prosper S. Augustini discipulus ait: *non proprias sunt, sed communes Ecclesiae facultates* (5). Et rursus: *clerici quoque, quos pauperes, aut voluntas, aut nativitas fecit cum perfectione virtutis, vitae necessaria sive in domibus suis, sive in congregatione viventes accipiant* (6). Quumque B. Chrysostomus seorsim a Clero victum de communi pecunia sumeret, cum nemine umquam comedens, vel ob nimis austeram vivendi disciplinam, vel ob cibaria difformia, quibus imbecilla eius valetudo opus habebat, quemadmodum ex coniecturis opinabantur: apud populum contra S. Episcopum conspirare, et crimini vertere separatam eiusmodi cibi sumptionem aggressi sunt, qui liberam illius correctionem aegre ferebant (7).

XVI. Quarto saeculo exeunte quum Theodosius M. duobus natis suis imperium divisisset anno 395., Occidentem scilicet Honorio, et Orientem Arcadio tribuens, factum est, ut disciplina Ecclesiae occidentalis alia esse inciperet ab ea Ecclesiae orientalis. Interea Episcopi immoderatum arbitrium sibi arrogabant in quibuslibet rebus ecclesiasticis iuxta vetustas Patrum regulas. Nam in can. 37. vulgo Apostolorum ita cautum habebatur. *Omnium rerum ecclesiasticarum curam Episcopus gerito, et eas dispensato quasi inspectante Deo.* Et soli Episcopo tamquam oeconomio libera potestas dispensandi res ecclesiasticas, easque per manus presbyterorum, et diaconorum administrandi eatenus dabatur, ut in Deo soli rationem red-

(1) Conc. Nic. cap. 15., et 16. apud Grat. in can. 10., et 23. C. 7. qu. 1.

(2) Conc. Chalced. can. 6.

(3) S. Aug. in can. nolo, ut aliquis 10. C. 12. quæst. 1. *Quia placuit illis, ait, Deo propitio socialis hæc vita, quisquis cum hypocritis vixerit, quisquis inventus fuerit habens proprium, non illi permitto, ut inde faciat testamentum, sed delebo eum de tabula clericorum. Interpellet contra me mille Concilia, naviget contra me quo voluerit; ait certe ubi potuerit, adiuvabit me Deus, ut ubi ego Episcopus sum, illic clericus esse non possit.*

(4) Idem in can. certe ego sum 18. ead. C. et quæst.

(5) Prosper. lib. 2. de vit. contemplat. cap. 9. in can. 13. eadem C., et quæst.

(6) Idem in can. sacerdos. 9. C. 1. quæst. 2.

(7) Id feri Socrates lib. 6. hist. Ecclesiast. cap. 4. Exinde liquet variam extitisse disciplinam vitæ clericalis, quæ in aliquibus Ecclesiis communis erat, secus in aliis: cum nullus canonum universalium communionem eiusmodi imperasset.

deret (1). Si tamen res in proprios usus convertisset Episcopus, et Ecclesiae redditus, vel agrorum fructus sine presbyterorum, vel diaconorum consilio, seu sententia administraret; suisque cognatis, vel fratribus, vel filiis praeberet facultates, et per haec rationes Ecclesiae laederentur: eum reddere Synodo provinciae rationem debere, atque Synodus Antiochena (2). Quum vero procedentibus temporibus aequitatem Episcopi minime servarent in eiusmodi administratione, ac dispensatione damno pauperum, et fabricae, non minus quam subditorum clericorum: ad suppressandas diuturnas istorum querelas Patribus Concilii Chalcedonensis *can. 26. anno 451. placuit: omnes Ecclesias habentes Episcopum, etiam oeconomum habere de proprio Clero, qui gubernet Ecclesiae res cum arbitrio sui Episcopi, ut non sine testimonio sit gubernatio ipsarum rerum ecclesiasticarum* (3). Tum Leo, et Anthemius Imp. anno circ. 467., permisserunt Oeconomis ecclesiasticis facultatem dandi ad usumfructum fundos Ecclesiae ad certum tempus ea cautione, ut qui eo beneficio usus fuisset, dum superstes foret, tantundem reddituum Ecclesiae ante mortem refundat, et fundum ipsum restituat cum immobilibus omnibus (4).

XVII. Paulo post Romanum Imperium interiit cum Romulo Augusto anno 475., quum Odoacris Gothorum rex Italiam invasisset: exindequenedum civilis politia, sed ecclesiastica etiam notabiles vicissitudines subiit in Ecclesia Occidentali, praesertim vero quod ad quadripartitam reddituum Ecclesiae divisionem in Episcopum, Clerum, fabricam, et pauperes, ut submoverentur querimoniae Clericorum una et pauperum ob fraudes, et usurpationes Oeconomorum, et Praesulum. Sed in Occidente primus omnium eandem commemorat S. Simplicius post annum 497: ubi rescripsit de redditibus Ecclesiae, et oblationibus fidelium unam portionem Episcopo remitti debere; duas fabricis, alendisque peregrinis, simul et pauperibus profuturas, ab Onagro presbytero administrandas, ultimam Clericis dividendam pro singulorum meritis; et insuper praecepit Gaudenzio, ut tres illas portiones, quas triennio praecedenti sibi tantum vindicaverat, restitueret (5). Deinde Gelasius, qui sedere coepit anno 492, mandavit eandem fieri partitionem quadruplicem (6). Quam plane animadvertit Thomassinus praecedentibus quoque saeculis servatam fuisse moribus sine praecepto expressi canonis (7).

XVIII. Verumtamen in singulis Ecclesiis non aequalis arithmetice fiebat eiusmodi quatuor partium distributio, sed habita proportione ad con-

(1) Ex lib. 2. *const. Apostol. cap. 31, et 32, et lib. 8. cap. 30. Concil. Tolet. antiquum ad Episcopi ordinationem pertinere, praesertim dotem Ecclesiae collatam. Consonant sequentes canonem ibidem, Concilium Martini Bracarense in can. Episcopus 7. C. 10. quaest. 2, tribuit Episcopo potestatem res Ecclesiae dispensandi eis, qui necessitatem haberent.*

(2) Synod. Antioch. an. 341. *can. 25. Videsis Bingham. tom. 2. lib. 5. cap. 6. § 2.*

(3) Conc. Chalced. in *can. quia in quibusdam 4. dist. 89.*

(4) Leo et Anthem. in l. 14. *C. de sacrosantis Ecclesiis.*

(5) S. Simplic. ep. 3. ad Florentinum Equitium, et Severum Episcopos in *can. de redditibus 28. C. 12 q. 2.*

(6) Gelasius ep. ad Episcopos per Lucaniam, et Brutios in *can. quatuor. 27. eadem C. et qu.*

(7) Thomassin. tom. 3. lib. 2. cap. 13. num. 1.

ditiones personarum, loci, ac temporis. Partes pauperum, et fabricae relictæ sunt Episcopo, et Ecclesiasticis personis cum onere illos alendi, et istam sartam tectam habendi. Quinimmo clericalem portionem reddituum diu postea indivisam dispensare curavit Episcopus, idem per Oeconomum, vel Archidiaconum (1). Praedia enim adhuc in communi possidebantur ab Ecclesiis sub vocabulo patrimonii. Romana quippe Ecclesia patrimonium divi Petri obtinebat in Gallia, Sicilia, Africa, et alibi: Ravennatensis, et Mediolanensis nedum intra confines earumdem Dioecesium, sed etiam in Sicilia. De talibus patrimoniis saepe meminit divus Gregorius M. in suis epistolis.

XIX. In Regnis Italiae post memoratam Imperii ruinam Praesules cogebantur Ecclesias suas derelinquere vitandi furorem invadentium, ac bellantium tyrannorum; atque alio commigrantes praeficiebantur inibi Ecclesiis externis, statim ac illae vacarent, eisdemque incardinabantur. Unde promanarunt presbyteri, et clerici *cardinales*, nimirum advenae perpetuo addicti ad inserviendum alienae Ecclesiae, tamquam cardini suo, extra dioecesim Episcopi sui ordinatoris, vel extra Ecclesiam, sub cuius titulo sacris Ordinibus erant initiati, ut liquet ex epistola divi Gregorii ad Fortunatum Episcopum Neapolitanum (2).

XX. Quum vero Ecclesia, et praebendas conferre coepissent Episcopi separatim ab Ordinibus saeculo sexto, factum est, ut veterem sanctissimam disciplinam, quam maxime laefactaret frequens praebendarum, et Ordinum separatio: itemque frequentissima ordinatio Clericorum vagantium, scilicet sine ullo Ecclesiae titulo, eatenus ut canones posteriores ad moderamen tanti abusus constituerint Episcopos teneri ad alendos clericos sine titulo promotos (3). Cuiusmodi corruptela residentiam quoque clericalem relaxavit, moremque invexit Ecclesiis inserviendi per substitutos, antiquis canonibus omnino incognitos.

XXI. Sensim interea Episcopi concesserunt iure usufructuario, aut precario, vel ad vitam, vel ad tempus praedia ecclesiastica clericis, vel monachis captivis, et peregrinis iuxta morem Ecclesiae Romanae, ut liquet ex decreto Symmachi Papae (4). Exinde inducta est divisio praediorum

(1) Quandoquidem in communi Ecclesiae Cathedralis, et Matricis aerarium omnes ecclesiasticae obventiones inferebantur, ex quo singulis inferiorum Ecclesiarum quoque Ministris alimenta distribuuntur: quemadmodum e contrario omnes clerici servitio Cathedralis, et matricis Ecclesiae, non autem inferiorum adscribebantur generatim, de quorum collegio mittebantur ad loca dioecesis, et parochiae singula. Eandem disciplinam usque ad medietatem quinti saeculi vixisse Constantinopoli, sat innuit Theodorus Lector *lib. 5. pag. 353. edit. Vales.* laudatus a Binghamo *tom. 2. orig. eccl. lib. 5. cap. 6 § 1.* scribens Marcianum primum Ecclesiae Oeconomum a Gennadio an. 460. constitutum fuisse cum facultate distribuendi Clericis unuscuiusque Ecclesiae oblationes earumdem Ecclesiarum peculiares.

(2) S. Greg. M. in *can. fraternitatem 5. dist. 5, et can. relatio C. 21. qu. 1, et alibi.*

(3) Alex. III. in Cone. Later. cap. *Episcopos 4. de praebendis.* Videsis Inst. Iuris Canonici 1. tit. 31. de *Presbyteris* num. 5.

(4) Symmachus in IV. Synodo Rom. seu Palmari an. 504. cap. 4, et *ap. ad B. Caesarium Arelat. Episcop. sub consulatione Probi.* Qua de re infra fusius disseretur in cap. IX. de *beneficiis*.

ecclesiasticorum nedom singulis Ecclesiis, et monasteriis: verum etiam singulis clericis, praesertim emeritis, qui beneficentia Episcopi praebendas illarum obtinebant. Primam beneficiorum speciem sic introductam advertit Spondanus (1).

XXII. Novae itidem oblationes bonorum fiebant particularibus Ecclesiis, et consequenter earumdem clericis, et ministris, qui ob honorem cathedralae episcopali debitum partem aliquam Episcopo tribuere debebant, quae dicta est *cathedraticum* (2).

XXIII. Et quoniam Ecclesia Dei in terreno imperio constituta consuevit politiam suam cum civili, quoad res ferret conformare, ac vocabula rerum, et Ministrorum spiritualium saepe a civilibus mutari: Patres Concilii Moguntini anno 813 (3) primi omnium *ecclesiasticum beneficium* appellarunt praedium ecclesiasticum liberalitate Episcopi concessum alicui ad usumfructum, instar regii, et profani *beneficii*, feudi nimirum, seu praedii fiscalis, quod Romani olim Imperatores, deindeque Germani, et Itali, alique Reges concedere consueverunt militibus, qui praeclare gessissent in bello, vel eosdem alliciendi gratia ad illustriora patranda facinora, munusque suum rectius perficiendum, vel ut vacantes tandem a militia ipsi beneficio imperiali haberent unde viverent. Sic enim est appellatum, quod mero dantis beneficio, ac liberalitate possideatur.

XXIV. Verum concessionibus ecclesiasticorum beneficiorum ita ex arbitrio Episcopi tunc pendebant, ut semel factas revocare quidem sine rationabili causa non posset vivente beneficiario: sed eo defuncto libera esset Episcopo facultas vel conferendi vacans beneficium alteri, vel illud communi Ecclesiae aerario incorporandi, ac restituendi, quousque perpetui tandem effecti sunt tituli beneficiorum, ut notat Thomassinus (4).

XXV. Adhaec turbationes Regum, et Principum Italiae maximam quoque in rebus ecclesiasticis secum ferebant confusionem, laicis bona Ecclesiarum, immo et Ecclesias ipsas, et potestatem eas conferendi usurpantibus per quatuor effeciter saecula, de quorum sacrilegis manibus clerici ambitione affecti per simoniam illas accipere non dubitabant. Hinc innumera propemodum scandala, pro quibus profligandis summi Pontifices, et Patres perplura celebranda Concilia, et epistolas rescribendo, plurimas canonicas sanctiones edidere pertinentes ad rem beneficiariam, ad collationem, provisionem, atque administrationem Ecclesiarum, et beneficiorum, quae passim habentur in collectanea Gratiani, et volumine Decretalium Gregorii IX, ceterisque subsequentis canonum compilationibus.

XXVI. Accesserunt postmodum variis ex causis Regulae Cancellariae Apostolicae, quas in praxi potissimum adhibet Curia Romana in beneficiis conferendis, et servare debent exequutores Apostolici, Episcopi, et Iudices ecclesiastici pro quotidianis fori controversiis definiendis, cum limi-

(1) Spondanus in *epitome ad an. 502. num. 6.*

(2) Ex Conc. Bracharensi in *can. placuit. 1. C. 10. qu. 3.* Pelag. in *can. illud te 4.* Gelas. in *can. nec numerus 5.* Conc. Tolet. VII. in *cap. inter caetera 8. eadem C. et qu.*

(3) Conc. Mogunt. in *cap. 1. de Ecclesiis aedificandis. Quicumque ecclesiasticum beneficium habent, ait, omnino adiuvant ad tecta Ecclesiae restauranda, vel ipsas Ecclesias emandandas.*

(4) Thomas. *tom. 3. lib. 2. cap. 19. num. 8.*

tationibus tamen, quae Iuri nostro municipali consonant. Istarum Regularum originem, ac vim alibi tam exposui generatim (1). Quae vero ad beneficia pertinent, in hoc tractatu singulatim exponuntur.

XXVII. Generale nomen *beneficii* multiplices continet species et maiorum, et minorum (2). Omnes quippe dignitates, et personatus, etiam pontificalis, et episcopalis, sive cum cura animarum, sive sine cura, omnesque canonicatus, praebendae, ac minores tituli appellantur beneficia; quum omnibus, et singulis competat ius percipiendi redditus ecclesiasticos ob munus ecclesiasticum. Differunt autem inter se propter ministerium, et officium gradus modo superioris, modo inferioris.

XXVIII. Initio quidem Episcopi arbitrio, nutuque suo mittebant per Ecclesias, ac titulos sive urbium, sive pagorum presbyteros, diaconos, et clericos inferiores, ut fidelibus Sacramenta ministrarent, verbum Dei annuntiarent, ac pauperum, et pupillorum necessitatibus praesto essent, eosdemque ad libitum revocabant. Sed paulatim utilitas disciplinae suavitudo ibi permansurae ex moribus Ecclesiae universae tam Occidentalis, quam Orientalis, quos plane mores firmatos, probatosque in Synodis antiquis legimus (3).

XXIX. Deinde variae dignitates in Ecclesiis Cathedralibus, Collegiatis, et Conventualibus Canonicorum institutae sunt: nimirum Archidiaconi, Archipresbyteri, Praepositi, Decani, Primicerii, ceterorum vel propter necessitatem, atque utilitatem Ecclesiarum, vel propter maiestatem divini cultus, maioremque splendorem, vel ut affirmant Patres Tridentini, ad conservandam, augendamque ecclesiasticam disciplinam: ut qui eas obtinerent, pietate praecellerent, aliisque exemplo essent, atque Episcopos operis, et officio iuvarent (4). De omnibus sigillatim actum est lib. I. Institutionum Canonicarum, quod ad officium, et uniuscuiusque munus dignoscendum: quod vero ad naturam, et qualitates, effectusque beneficii spectat, in sequentibus capitibus speciatim disquiretur.

ADDITAMENTA

DE TITULO IN ORDINATIONE REQUISITO.

I. Ecclesiae in antiquis monumentis *Tituli* dicebantur vel a Sanctorum titulis, quibus dicatae erant, vel quia inde Clerici nomen, titulumque sumerent.

II. Vetus autem est ecclesiastica disciplina, et quidem ex instituto apostolico, quae Clericos omnes sive maiores, sive minores ad certam Ecclesiam, seu titulum ordinari iubet. Apostolus enim (5) per civitates consti-

(1) Lib. 1. Inst. Canonic. tit. 7. num. 10, et seqq.

(2) Honor. III. Episcopo Tull. rescribens in cap. tua nobis 32. de verb. sign. declaravit praebendas, et maiora beneficia generali beneficiorum nomine contineri.

(3) Conc. Ancyranum an. 314. can. 13. Neocaesareense eodem anno can. 13. Antiochen. an. 341. can. 9, et 10, Laodicea, an. 320, alias 364. can. 6, et 17, Chalcedon. can. 6, cetera passim.

(4) Trid. in cap. cum dignitates 12. sess. 24. de reform.

(5) Epist. ad Tit. 1.

tuendos Episcopos mandat: necnon illis curam commendat catholici gregis, in quo Spiritus Sanctus eos posuit Episcopos (1).

III. Quamobrem primis Aerae Christianae saeculis tum Concilium Ancyranum (2), tum Neocaesarcense (3) idipsum diserte constituunt (*). Quam porro antiquam disciplinam Chalcedonensis Oecumenica Synodus hoc canone penitus confirmavit (4): *Neminem ἀπολαύμενος nec Presbyterum, nec Diaconum, nec omnino aliquem eorum, qui sunt in Ordine ecclesiastico, nisi specialiter in Ecclesia civitatis, vel pagi, vel martyrio, vel monasterio is, qui ordinatur, adsignetur.*

IV. Quibus sane verbis illud dumtaxat colligi datur, quadruplicis nempe generis Ecclesias a Synodo recenseri, quibus addici in ordinatione sua Clerici poterant: Ecclesia civitatis erat ipsa Cathedralis, aut alia ex minoribus urbanis: Ecclesiae pagorum Tituli Curati dicebantur in pagis constituti, itemque Oratoria in villis, agrisque ad privatorum utilitatem aedificata. *Martyria* Ecclesiae erant super sepulcra Martyrum constructae, appellatae etiam *Memoriae Martyrum*, *Martyrum Concilia*, seu Ecclesiae (*). In *Monasteriis* demum privata sacella extabant, quorum titulo Presbyteri Sacramenta ministraturi ordinari poterant, ac proinde sacra illi peragebant in gratiam Monachorum, qui veteri disciplina omnes laici erant.

V. Labentibus saeculis tum Urbanus II. veterem disciplinam confirmavit (5), tum Carolus M. in Capitularibus illius executionem praescripsit, tum denique Lateranense Concilium sub Alexandro III. aperte sanxit (6): *ut Episcopus si aliquem sine certo titulo, de quo necessaria vitae alimenta percipiat, in Diaconum, vel Presbyterum ordinauerit, tamdiu necessaria ei subministret, donec in aliqua ei Ecclesia convenientia stipendia clericalis vitae adsignet: nisi forte talis ordinatus extiterit, qui de sua, vel paterna hereditate subsidia vitae possit habere; quam sanctionem Innocentius III. vel in promovendis ad Subdiaconatus Ordinem extendit (7).*

(1) Act. Apost. XX. — (2) Can. XVIII. — (3) Can. XIII.

(*) Eo tempore, quo maxime vigeat isthaec disciplina pauca exempla ordinationum sine titulo ob Ecclesiae universalis utilitatem extant. Profecto Hieronymus epist. LXI. ad Pammach. scribit ea conditione a Paullino Antiochenae Ecclesiae Episcopo Presbyteratum accepisse, ut sibi ad Monasterium reverti liceret. Flavianus quoque eiusdem Paroeciae Antistes Macedonio insigni Anachoretae indulsit, teste Theodoret (hist. relig. cap. XLII.): ut postquam in Sacerdotium Domini dedicatus esset, in desertum reverti posset. His adde Paullinum, qui a Lampadio Barcinonensi absolute etiam fuit Presbyter ordinatus, nullique Ecclesiae mancipatus. Is enim epist. VI. ad Severum inquit: *ea conditione in Ecclesia Barcinonensi consecrari adductus sum, ut ipsi Ecclesiae non adligarer, in Sacerdotium tantum Domini, non in locum Ecclesiae dedicatus.*

(4) Can. VII.

(*) Tribus Aerae Christianae saeculis fideles tempore persecutivis in privatis fornicibus, vel inanis sepulturae, et praesertim in Martyrum sepulturis ad sacra celebranda conveniebant. Statim vero ac illis pax affulsit, in locis, ubi erant Coemeteria, ad divinum cultum publice promovendum Ecclesias construere curarunt. Hinc apud veteres Scriptores *Coemeteria*, *Martyria*, et *Sepultura Martyrum* pro ipsis Ecclesiis usurpantur.

(5) Can. II. dist. 70. — (6) Can. V.

(7) In Cap. XVI. de Praebendis, et Dignitatibus.

VI. Iamvero Tridentini Patres iure novissimo Chalcedonensis Synodi vestigiis inherentes edixerunt: *ne quis deinceps Clericus saecularis ad Sacros Ordines promoveatur, nisi prius legitime constet eum beneficium ecclesiasticum, quod sibi ad vitam honeste sufficiat, pacifice possidere* (1). Is sane titulus veteri Clericorum additioni ad certam Ecclesiam respondet, in qua illi muneribus fungerentur suis, et unde alimenta perciperent. Rursus ibidem decernunt: *patrimonium vero, vel pensionem obtinentes, ordinari posthac non possint, nisi illi, quos Episcopus iudicaverit assumendos pro necessitate, vel commoditate Ecclesiarum.*

VII. Tandem praestabit haec integra reiicere, quae pactis initis tum inter Benedictum XIV., et Carolum III. olim Regem Nostrum, tum inter Pium VII., et Ferdinandum I. vel utriusque Scilliae pietissimum Principem ad rem constituta fuerunt.

VIII. Profecto Concordatorum lege an. 1741 (2) salubri consilio Tridentinum decretum renovari placuit, proutque eantem Clericos omnes ad Sacros Ordines titulo beneficii, vel Capellaniae perpetuae promovendos esse. Tum ibidem decernitur hanc sanctionem ad initiandos ad primam clericalem tonsuram protrahendam: hisce vero satis esset beneficium, Capellania perpetua, vel pensio ecclesiastica, cuius redditus, deductis oneribus medietatem exaequaret reddituum patrimonii dioecessani: altera medietas autem in collatione Subdiaconatus suppleretur. Denique constitutum, quod dumtaxat in vera utilitate Ecclesiarum Regni liceret Clericos patrimonii titulo promoveri, cuius redditus definiri placuit non citra ducatos neapolitanos 24., nec ultra 40. ex rebus immobilibus percipiendos.

IX. Quod vero spectat ad Conventionem novissimam an. 1818. art. XXI. statutum, quod inspectis temporum circumstantiis, ne Ecclesiasticis ad vitam sustentandam necessaria desint, patrimonii sacri taxa ita augeatur, ut nec minor sit ducatis 50., nec 80. maior. Tum in eo decretum, quod Clerici titulo ecclesiastici patrimonii ad sacros Ordines promovendi fundos exhibeant hypothecae vinculo minime obnoxios, et Tribunal Civile Provinciae de pertinentia, et libertate bonorum iudicet, eiusque sententiam Curiae Ecclesiasticae requirant: qua tamen non indigent qui beneficii, vel Capellaniae titulo ad Ordines promoventur.

Praeterea sancitum, quod Clericis, qui Sacerdotio dedicantur beneficii, aut Capellaniae titulo, cuius annuus redditus ad taxam praefinitam non pertingat, ex aliis praediis constituetur quantum taxae integritas definivit. Excipiuntur tamen illae Dioeceses, in quibus taxa ecclesiastici patrimonii in maiori summa canonice constituta reperitur, respectu quarum nihil innovetur.

X. Verum successu temporis nonnulla passim pro Regni Nostri Dioecibus sancita fuerunt, quae titulum in Ordinatione requisitum respiciunt, quaeque tum Apostolicae Sedis auctoritate, tum pietissimi Regis nostri ad sensum confirmata novissima obtinent iura. Quare ea hic adferre non abs re me facturum puto. Et sane Episcoporum Commissio ad id delegata censuit.

1. Clerici omnes, qui in huiusce Regni Receptitiis Ecclesiis praefinitae

(1) Sess. XXI. cap. II.

(2) Cap. IV. n. 1. et seq.

portionis iure gaudent, dummodo fructus dioecesanum patrimonii taxam exaequant, ut beneficiarii ad sacros Ordines promoveri possunt.

2. Capellaniae amovibiles ad nutum, necnon illae, quarum redditus ex rebus mobilibus percipiuntur, Tituli canonici ad sacrorum Ordinum promotionem fieri nequeunt.

3. Capellaniae super immobilibus institutae, quae ad laicorum Confraternitates, aliaque venerabilia Loca pertinent, licet sint amovibiles, a promovendis tamen ad Maiores Ordines, ut tituli ecclesiastici exhiberi possunt, dummodo ipsi in publico instrumento ab omnibus, qui eidem Confraternitati adscripti sunt, vel a Locorum administratoribus eligantur, ea simul adiecta conditione, ut perpetuo eodem titulo perfruantur.

4. In beneficiis, aut Capellanis, quibus onus inhaerent singulis annis centum Missas celebrandi Titularis Dioecesanum Episcopum adire potest: is autem pro qualibet Missa, detracta elemosyna septem assium iuxta taxam praefinitam, potest etiam, si velit aliquam deductionem Titulo inferre, ut ad sacros Ordines ille promoveatur.

5. Denique Regio Rescripto sub die V. Octobris an. 1839. id omne executioni mandari cautum, quod Supremi Concordati Executores opinati fuere, et iam ab utraque Potestate hisce verbis confirmatum.

Patrimonii sacri taxa in novissima Conventione an. 1818. art. XXI. definita pro illis Regni Dioecesisibus, quae egestate laborant, et in quibus brevis sit Clericorum numerus spatio 15. an. ad ducatos 24. vel 25. reducatur. Elapso vero hoc temporis intervallo tum Sedis Apostolicae Nuntius, tum Rerum Ecclesiasticarum Minister Episcoporum postulationibus ad aliud tempus prorogandum indulgeant. Interea Supremi Concordati Executores ab utraque Potestate delegantur ad Antistitem petitiones excipiendas, et definitive declarandum quibusnam Dioecesisibus ius illud tribuatur.

C A P. II.

Quid et quotuplex sit beneficium.

- I. Canonistae a Theologis discrepantes in definitione beneficii naturam principalem ponunt in iure percipiendi redditus: Theologi contra in iure ministrandi.*
- II. Definitio Theologorum magis naturam officii exprimit, quam beneficii.*
- III. Ius percipiendi redditus, et ministrandi, non autem ipsa perceptio, et ministratio beneficium constituit.*
- IV. Quumque spirituale sit ius beneficii, nonnisi clericis confertur.*
- V. Et confertur in perpetuum, quia clericus a beneficio semel obtento amoveri nequit, secus quam a capellania laicali.*
- VI. Sine auctoritate Episcopi beneficium constitui non potest.*
- VII. Requisita omnia, et naturam beneficii habent fratantiae in Parochiis Neapolitanis.*
- VIII. Quatuor divisiones beneficiorum inspecto officio proponuntur.*

IX. Duæ aliae inspectis personis conferentibus.

X. Aliae inspectis personis beneficiariorum.

I. Definiunt Canonistae beneficium esse ius spirituale perpetuum percipiendi redditus ecclesiasticos auctoritate ecclesiastica constitutum propter spirituale officium, seu ministerium. A theologis vero dicitur esse ius perpetuum in Ecclesia ministrandi auctoritate Episcopi constitutum cum adnexo, ac inseparabili iure percipiendi fructus ecclesiasticos (1). Itaque iuxta Canonistas natura beneficii principaliter consistit in iure percipiendi redditus, et consequenter in iure ministrandi, seu officium obeundi. At secundum theologos in iure ministrandi principaliter, atque in iure percipiendi redditus consequenter.

II. Dicturus autem ipse quid sentiam, censeo theologos officium potius, quam beneficium definire: quorum alterum ab altero nimis differre satiliquet ex sacris canonibus. Bonifacius VIII. apertissime ait propter officium dari beneficium ecclesiasticum (2). Nam canones numquam admittunt separationem officii a beneficio ecclesiastico. Synodus Tridentina pariter definiuit: beneficia ad divinum cultum, atque ecclesiastica munia obeunda esse constituta (3). Liturgia proprie dicitur ministerium (4). Id quod magis agnoscunt perspectat habentes originem beneficiorum: affirmante ad hanc rem Baronio (5) possessiones Ecclesiarum clericis ad vitam concessas beneficia dici coepisse, eo quod, ut scribit Symmachus, benemeritis concedi liceret. In hoc tractatu potissimum inspicimus beneficium. De officio autem singulorum graduum ecclesiasticae hierarchiae tam superiorum, quam inferiorum, puta dignitatum, personatum, canonicatum, et praebendarum, aptius agimus lib. I. Inst. Can.

III. Beneficium ecclesiasticum plane consistit in iure percipiendi redditus, et ministrandi, non autem in ipsa perceptione bonorum, et ministo-

(1) Omnis quidem, quae a ratione suscipitur de aliqua re institutio, debet a definitione proficisci, ut intelligatur quid sit, de quo disputatur, inquam cum Tullio de offic. lib. I.

(2) Bonif. VIII. in cap. quia XV. et fin. de rescriptis in VI.

(3) Trid. in cap. cum beneficia 3. sess. XXI. de reform. Idipsum ex lege Moysae probantur, quae Levitis decimae sunt attributae pro ministerio, et officio levitico. Excebat (ait Dominus Numer. cap. XVIII. vers. 5. et seq.) in custodia Sanctuarii, et in ministerio altaris, ne oriatur indignatio super filios Israel. . . Omnia, quae sanctificantur a filiis Israel, tradidi tibi Aaron, et filiis tuis pro officio sacerdotali legitima sempiterna. . . Filiis Levi dedi omnes decimas in possessionem pro ministerio, quo serviunt mihi in tabernaculo foederis. . . Et comedite eas in omnibus locis vestris tam vos, quam familiae vestrae, quia pretium est pro ministerio, quo servitis in tabernaculo testimonii. Hoc etiam expressit Iustinian. (6) volens compelli clericos ad suum implendum officium: nam qui consueverunt, ait, vel fundarunt sanctissimas Ecclesias pro sua salute, et communi Republicae, reliquerunt illis substantias suas, ut per eas debeant sacrae Liturgiae fieri, et ut in illis a ministrantibus piis clericis Deus colatur.

(4) A Suida verb. liturgia. Et Methaphrastes in vita SS. Petri, et Pauli, ita scribit: Domino sacrum obeuntes ministerium.

(5) Baron. ad an. 502. num. 36.

(6) In l. 42. § 10. C. Episc. et Cler.

rio : non aliter, quam hereditas in iure consistit, non in bonis hereditariis (1).

IV. Idemque ius non temporale quidem, sed *spirituale* est: quoniam eo clerici tantum sunt capaces, laici nequaquam (2).

V. *Perpetuum* praeterea dicitur, quia sacris canonibus quum antiquis, tum recentioribus constitutum est ecclesiasticum officium, et beneficium cuique semel collatum tamdiu possideat, quamdiu is vixerit, vel donec beneficiarius ipse illud sponte sua dimiserit, vel ob crimen in foro suo patet factum confessus, aut convictus eo privetur (3). Episcopus autem, et summus etiam Pontifex iure nequit sine causa criminis rite ostensa, aut sine spontanea possidentis renunciatione illud adimere, nec aliis, eo superstitite conferre (4). Eodemque iure non possunt ecclesiastica beneficia quum liberae collationis, tum de iure patronatus conferri ad tempus, vel

(1) Papinianus in *l. hereditas* 50. *D. de petit. heredit.*

(2) Id quod plenius explicabitur infra cap. IX. *de beneficiis*.

(3) Clericali militiae adscripti, et Altari servientes ordine indelebili, perpetuoque officio, ut stipendia, et alimenta vitae simul perpetua recipiant ab ea, cui servant Ecclesia, naturalis ratio postulat. Hinc Episcopos, presbyteros, diaconos, ceteros clericos perpetuo maicipis officio inserviendi Ecclesiae suae, praebendas ex communi olim redditibus accipere ad vitam consuevisse tradunt canones XIII., et XIV. vulgo Apostolorum. Officia tum ipsa Episcopi, Sacerdotis, Diaconi, et reliquorum Ordinum firma catenus, et perpetua fore comprobavit prima Synodus Nicaea, ut decreverit eorum singulos ministerio Ecclesiae suae velut ostium cardui suo adfixos in perpetuum cum adnexo iure participandi de communibus praebendis, nec licere unquam iis de uoa ad aliam transire: *can. non oportet* 19. *C. 7. qu. 1.* Si qui vero *Ecclesiastica statuta non custodientes recesserint ab Ecclesia sua... cum omni necessitate cogantur, ut redeant ad Ecclesiam suam: alias excommunicari eos oportet*, iunxit eadem Synodus oecumenica in *can. si qui vero* 23. *ead. C. et qu.* Consuevant mores, constitutionesque posteriores. Concilium Cabilonense II. an. 513. *can. 4.* haec habet: *Inventum est, quod multi arbitrii sui temeritate, et quod est gravius, ducti cupiditate presbyteris quibuscumque absque consensu Episcoporum Ecclesias dant, vel auferunt. Unde oportet, ut, canonica regula servata, nullus absque consensu Episcopi cuilibet Presbytero Ecclesiam det: quam si iuste adeptus fuerit, hanc nonnulli gravi culpa sua, et coram Episcopo canonica severitate amittat.* Alexander III. in *cap. querimoniam* 9. *de iurep.* absurdum censuit, ut ad singulas patronorum secundum humanam conditionem mutationes Ecclesiarum ordinationes mutentur: et vicissitudines Ecclesiarum ab advocatis, vel aliis presumantur. Idemque in *cap. consultationibus* 19. *sod. tit.* rescripsit non debere iustitutum ad praesentationem patroni putativi beneficiarium a beneficio removeri, dummodo praesentans in possessione praesentandi tunc reperiretur.

(4) Ioannes Papa in *can. haec quippe est* 10. *C. 3. qu. 6.* Salomoni III., et ultimo Britonum regi rescripsit Episcoporum electionem et sedibus suis in Concilio provinciali decretam ab Archiepiscopo Turonensi tunc valere, si canonica fuisset: *quod si, ait, Episcopi electi insontes fuerint declarati: his amotis, qui illis subrogati sunt, Ecclesias suas ipsi recipiant.* Innocentius III. in *cap. inquisitionibus* 11. *de accusat.* distinguendum pariter censuit in iudicio criminali, utrum sit tale crimen, quod Ordinis executionem suscepti, aut retentionem beneficii impediret. . . alioquin secundum personae merita, et qualitatem excessus poenam poterit iudicantis discretio moderari. Quoniam vero crimina inferant iacturam, privationemque beneficiorum, in *cap. ult.* huius tractatus exponom. Huc etiam spectant quae dixi de censura suspensionis *ab officio, et beneficio* in *lib. IV. Inst. Can. tit. XVIII. num. 97. 99. et seq.*, et de poena depositionis *ibidem* num. 100., et *seq.*

sub conditione revocabili (1). Hanc ipsam perpetuitatem ferunt *capellaniae collativae*, quae idcirco a beneficiis laicalibus, et manualibus, et Capellaniis ad nutum mobilibus distinguuntur. Enimvero *capellania*, quae generatim accepta significat beneficium, et munus capellani, aut *ecclesiastica*, aut *laicalis* est. *Capellania ecclesiastica*, quam ideo nuncupant *collativam*, quia per canonicae collationis bullas ab Ordinario loci personis dumtaxat ecclesiasticis confertur, nil differt a beneficio ecclesiastico, praeterquam in nomine. Ideoque non potest ea capellanus privari, quoadusque vixerit: perinde ac ceteri omnes beneficiarii, qui semel quaesitum ius et possessionem legitimam in beneficiis ecclesiasticis tuto retinent ad vitam (2). At *laicalis* capellania eatenus ad nutum mobilis fere est, ut sine ulla caussa nequeat capellano auferri, et alteri concedi per patronos, aliosque habentes ius illam conferendi, nisi lex foundationis obstiterit.

VI. Sola insuper *auctoritate ecclesiastica* constituitur beneficium: quia nisi Episcopus, locive Ordinarius probaverit foundationem beneficii, aut nisi capellaniam a piis disponentibus relictam erexerit in titulum ecclesiastici beneficii, nullimode potest beneficium ecclesiasticum consistere, seu ecclesiasticam qualitatem habere (3). Et hinc origo discriminis intelligitur inter beneficium profanum, et sacrum, seu capellaniam laicalem et collativam. Si quis enim capellaniam aliquam fundaverit cum onere celebrandi Missas, aliasque functiones hierarchicas obeundi non requirens, aut expresse prohibens Ordinarii dioecessani auctoritatem, manusque appositionem: ista permanebit mere laicalis: cum idcirco poterunt fundator ipse, eiusque successores conferre sine ulla Episcopi institutione Presbytero, vel ad nutum mobili, vel in perpetuum, sicuti voluntas fundatoris, vel patroni statuerit. Bona vero, et redditus istiusmodi capella-

(1) Gl. in *can. pastoralis*. C. 7. qu. 1. verb. *gubernare*. Vivian. de *iurep. lib. 1. cap. 1. num. 65.*, Piton. *alleg. 24.*

(2) Conc. Arelatense VI. an. 813. *can. 14.* decrevit, ut *laici Presbyteros absque iudicio proprii Episcopi non eiciant de Ecclesiis, nec alios immittere praesumant. Quia quando Presbyteri ab Episcopis in parochiis ordinantur, necesse est ut ab ipsis Episcopis diligenter instructi Ecclesias sibi deputatas accipiant.* Consonat *can. 4.* Conc. Cabilonensis II. paulo superius excerptus. Ne putes duos hos canones arbitrium smovendi capellanos beneficiarios ab Ecclesiis de iurepatronatus, laicorum Episcopis cum consensu patronorum tribuisse. Nam loquuntur de sola translatione capellanorum de una in aliam eiusdem parochiae vel Cathedralis Ecclesiam, sive capellam, sive praebendam, quae vigeat saeculo IX., instar mobilium oeconomorum parochialium. Videsis priscos hac in re mores expositos *lib. 1. Inst. Can. tit. XXX. de parochiis n. 14.*

(3) Id etiam ex legibus, moribusque paganorum patet. Ulpianus tradit sacra loca esse, quae publice sunt a pontificibus dedicata: locumque publicum tunc sacrum fieri posse, quum Princeps, velut Pontifex tunc maximus: eum dedicavit, vel dedicandi dedit potestatem, *l. sacra loca 9. D. de rer. divis. Si quis ergo privatim sibi sacrum constituit, sacrum non est, sed profanum*, inquit Marcianus in *l. in tantum 6. § 3. D. eodem*. Hinc recte Hormisdas Papa, qui saeculo sexto sedit, discrimen inter sacrum, et non sacrum adstruit ex auctoritate, ac permissione Episcopi vel accedente, vel deficiente, *can. nullus Presbyter 25. de cons. dist. 1.* Idipsum confirmat Gelasius in *can. pie mentis 16.*, et *can. Frigentius 27. C. 16. qu. 7.*, et Clemens III. in *cap. nobis fuit 25. de iurep. Videsis dicta lib. III. Inst. Canon. tit. IX. num. 28.*, et dicenda inferius *cap. III. num. 6.*, et *seq.*

nise, tamquam laicalia possidere etiam, et administrare poterunt heredes fundatoris, ipsique patroni laici, cum onere implendi onera foundationis per idoneam, puta ecclesiasticam personam, et Missarum stipendia persolvendi: quum tamen redditus beneficiorum ecclesiasticorum percipiantur directe, atque immediate per beneficiarios ipsos, exclusis etiam patronis iuxta regulas in praxi receptas, traditasque a Doctoribus (1): nisi fundator speciatim capellaniam laicalem una cum redditibus reliquerit possidendam personis ecclesiasticis in sacerdotali, vel clericali saltem Ordine constitutis, qui tunc bona, et redditus capellaniae ad vitam ipsimet possidebunt, ac percipient.

VII. Ex dictis liquet *beneficiatos parochiarum* non immerito a Neapolitanis appellari clericos illos, et Presbyteros, quibus privatim datum est ab Archiepiscopo ius concomitandi cadavera fidelium ad ecclesiasticam sepulturam, et emolumenta funerum percipiendi iuxta taxam synodicam. Ipsorum enim singulis Archiepiscopus per canonicas bullas confert *fratantiam*, ut aiunt, cui naturam meri ecclesiastici beneficii esse intelligimus, et fatemur cum M. A. Genuensi (2); ex eo quod *fratantia* nihil aliud est, nisi ius spirituale perpetuum percipiendi emolumenta funeraria, quae sunt redditus ecclesiastici, auctoritate Archiepiscopi constitutum propter spirituale officium deferendi ad sepulturam ecclesiasticam defunctos christifideles.

VIII. Dividuntur in primis beneficia, inspecto officio, in *maiora*, et *minora*. Idem in *curata*, et *sine cura*, puta animarum. Rursus in *residentialia*, cum onere scilicet residendi, et *simplicia* sine residendi onere. Datum in *compatibilia*, quae simul ab uno retineri possunt, et in *incompatibilia*, quorum scilicet coniunctim retentio uni prohibita est. Alia insuper *uniformia*, quae scilicet eiusdem sunt nominis, et officii; alia *difformia* sunt, quibus diversus titulus, et officium est. Et rursus alia *duplicita*, quae nimirum adnexam habent dignitatem, et iurisdictionem, qualia sunt Archidiaconatus, Archipresbyteratus, cetera id genus; alia *simplicia* sine dignitate aliquas, et iurisdictione, uti sunt capellaniae, tituli que simplices Ecclesiarum.

IX. Inspectis autem personis conferentibus, primo dividuntur in *reservata*, vel *affecta*, quae nimirum pertinent ad Pontificiam collationem; et *non reservata*, *neque affecta*. Hinc *monoculare* ab affectis, et reservatis excipiunt, ita dictum, quoties in una Ecclesia unum dumtaxat beneficium extat, Ecclesiaeque Praelatus illud ipsum solum conferendi potestatem habet (3). *Manuale* ad nutum conferentis datur cum arbitrio revocandi,

(1) Apud Barbo. *lib. III. Iur. Eccles. cap. V. B. Hieronymus ad Damasum Papam in can. quia Sacerdotes* 13. C. 10. qu. 1. scripsit, elemosynas, et oblationes, ut ne laici administrarent, vel concederent, easque id attentantes Papa perpetua excommunicatione coecreret. Curam solummodo invigilandi, et Metropolitano, tum Regi etiam denunciandi, ut bona, et redditus Ecclesiarum nullum patiantur detrimentum, laicis patronis indulgit Synodus Toletana IV. in *can. noverint*. C. 10. qu. 1. Videsis. *tract. de iurepat. cap. I. n. 24. et 25.*

(2) M. A. Genuensis in *prax. Cur. Archiepisc. Neapol. cap. 7. n. 9.*

(3) De monoculari beneficio loquitur Clement. 1. §. in *cessationibus de vent. eccl. comm.* his verbis: *ipso hoc unico lumine privare nolumus, nec debemus.*

quandocumque sibi placuerit (1). Secundo, alia sunt *electiva*, quae ad alicuius electionem conferuntur; alia *de iurepatronatus*, quae ad praesentationem patronorum; et alia *collativa*, quae ad liberam Ordinarii, vel alterius collationem pertinent. Rursus alia *de mensa*, quae scilicet per unionem perpetuam sunt incorporata Mensae vel Episcopi, vel Abbatis, vel Capituli (2).

X. Inspectis denique personis, quibus conferuntur, vel sunt *regularia*, quae non nisi Regularibus, vel *saecularia*, quae saecularibus tantum clericis conferri possunt. Insuper vel sunt *patrimonialia*: quae scilicet originariis alicuius loci incolis tantum conferuntur ex privilegio, vel statuto, vel consuetudine, tanquam a *patrilibus* eius loci pro filiis suis fundata; vel *praestimonialia*, exinde dicta, quod obeuntibus *praestantia munia* vel studii, vel militiae, vel alterius praeclari officii debeantur (3). Isthac vocabula saepenumero adhibentur in tractatus decursu, eum in finem, ut una beneficiorum species ab alia maxime distinguatur, canonesque diversum us inter easdem constituentes a tyronibus intelligantur facilius.

ADDITAMENTA

DE ECCLESIIS RECEPTITIIS.

I. Antiqua est Ecclesiae disciplina inde usque ab Apostolis fere induta, quae Episcopos, et Clericos omnes suis Titulis adscriptos esse iubet, in quibus ii et sacra munia ad dominici gregis utilitatem obirent, et unde alimenta perciperent.

II. Quum autem in novissima Concordatorum lege an. 1818. de Minoribus Ecclesiis in Ditionibus citra Pharum extantibus, quas *Receptitias* vocant, nulla dispositio constituta fuerit, ea propter Pius VII. Summus Pontifex Litteris Apostolicis, quae incipiunt *Impensa* die XIX. Aug. an. 1818. nonnulla sanxit, quae hic paucis referre non abs re erit.

III. Et in primis Ecclesiae *Receptitias* aliae sunt *numeratae*, quibus scilicet Clericorum numerus ad sacra peragenda designatus addicitur: aliae *innumeratae*, quae ut plurimum sunt curatae, et generatim universos locorum Ministros excipiunt: reddituum autem portiones sive menstruas, sive annales illis tribuendas esse praescribitur.

Tum iisdem Litteris decretum, quod ab Ecclesiae Pastoribus illi dumtaxat hisce Titulis adscribantur, qui sanctitate, et doctrina ita praesulgeant, ut ad explendas diversas sacri ministerii partes sint idonei, ac

(1) Talia sunt beneficia cuncta Regularium ex cap. *monasterium* § *tales de statu Monach.*

(2) Glossa in *Clement. 1. de suppl. neglig. Praelat.* verb. *de mensa.*

(3) Praestimonii vox pro beneficio, et officio ecclesiastico usurpata saepe occurrat, praesertim in cap. *ult. de concess. praeb.* in VI: et Trid. in cap. IX. sess. 14. *de reform.* et cap. XVIII. sess. XXIII. *de reform.* Alex. III. in cap. *conquerente* 6. *de cler. non residentibus*, fert collatum clerico G. beneficium, puta praestimonium 20. solidorum super Ecclesia Presbyteri R., qui sibi necessario vitae vix poterat ex ea percipere.

proinde cautum fuit, ut examen coram Dioeceseos Episcopis, vel eorum Vicariis Generalibus, et tribus ex Synodaliibus Examinatoribus institueretur: quos vero ceteris magis idoneos illi iudicaverint, iisdem ius conferrent, atque in possessionem designatae portionis immitterent.

Denique sancitum, quod nulla interponi possit appellatio ab episcopali decreto ad Superiorem Iudicem.

IV. Iam vero quae nunc paucis uno sub adaspectu proposuimus, iuvabit iam latius exponere, heic recensendo quae successu temporis de hisce Ecclesiis constituta fuerunt.

Et sane Episcoporum Commissio ad rem delegata, cui Apostolicae Sedis Nuntius praest, pleraque instructiones emisit Regio Rescripto sub die XVIII. Novemb. an. 1822. confirmatas, quas dicere adgredimur.

1. Ecclesiae omnes Receptitiae cuiusvis naturae sint in limine foundationis, licet etiam Cathedralibus, aut Collegialibus Titulis fuerint adnexae, Clerum numeratum habeant: quem nimirum Episcopi inspectis locorum circumstantiis, fidelium numero, reddituumque copia, designabunt.

2. Clerici, qui praevio examine in Litteris *Impensa* praescripto praefinitae reddituum partis iure gaudent ad Sacros Ordines promoveri possunt, quippe quod isthaec addictio, ut ecclesiasticus titulus agnoscitur. Excipiuntur vero Presbyteri, quibus huiusmodi tituli etiam conferri possunt.

3. Episcopi in partitione reddituum onera dumtaxat illis inhaerentia detrahant, non vero praestationes annuas, quae ad Procuratores, Exactores, aliosque spectant: isthaec enim officia ab Ecclesiae Titularibus exerceri debent, ac proinde Dioecesani Antistites, coacto Presbyterio, statuta conficiant, ut ea vel gradatim, vel vicissim Titulares ipsi peragant.

4. Missorum legata Ecclesiae praediis adnexa minime detrahantur, quippe quod Titulares illis satisfacere debent. Si vero ingens sit earum numerus, tunc Episcopi, venia a Sede Apostolica impetrata, iuxta pontificium rescriptum illum minuant.

5. Qui ecclesiasticis functionibus non intersit, distributiones ab Episcopo praefinitas, illisque adnexas non lucretur, quibus dumtaxat praesentes fruuntur.

6. Paroeciis, quae sufficientem Congruam non habent, dos ex Ecclesiae Receptitiae redditibus, servata forma art. VII. Concordati, constituetur, quae saltem tertia parte maior ceteris portionibus esse debet: redditus vero extantes Presbyteris, quos elegerit Episcopus Parochi Coadiutores, conferantur.

Si vero Ecclesiarum redditus sint magni momenti, tunc ii in maiores, et minores portiones distinguantur, quarum illae Presbyteris de Ecclesia optime meritis, hae vero ceteris locorum Ministris conferantur. Isthaec autem divisio omittatur in Receptitiis, quae Cathedralibus, et Collegialibus Ecclesiis sunt adnexae, eo quod possunt Episcopi dignioribus canonicalem praebendam conferre.

7. Titulares omnes residentiae lege teneri constituitur, adeo ut ultra tres menses aine iusta causa a propria Ecclesia abesse nequeunt: in transgressores autem Episcopus poenas a Tridentina Synodo latas irroget. Adhaec si beneficium incompatible vel in eadem Receptitia, vel alia Ecclesia ii adipiscantur, horum portio ipso iure vacabit.

8. Distributiones, quas Clerici non receperint, quippe qui sacris officiis

non interfuerint, inter **Ecclesiae Titulares**, **Parocho** non excepto, singulis annis dividantur.

9. **Ecclesiae redditus** si augeantur, aut aliqua portio vacaverit, tunc incrementum, et vacantis tituli fructus **Titularibus** cedant.

10. **Iura adventitia Titulis Curatis** adnexa pro medietate ad **Parochum** pertinent: altera vero medietas inter **Titulares** subdividatur.

11. **Parochus**, qui personaliter, vel per alium in ducendo funere, et iustis, ac parentalibus absolvendis **Clericis praesit**, ex **fideliū oblationibus** duplicem portionem recipiat.

12. **Taudem curent Episcopi** laudabilem consuetudinem, quae in quibusdam **Receptitiis** extat persolvendi officia in **Choro sartam**, tectamque servare: in aliis vero ad eam promovendam sedulo incumbant.

V. **Praeterea Carolus Rosini** olim **Puteolanae Dioecesis Episcopus**, **Vir bono Ecclesiae natus**, deque **Re litteraria optime meritus** in eo animum intendit, ut in huiusce Regni **Dioecesibus** ad maximam **Religionis utilitatem** plures **Receptitiae** instituerentur **Ecclesiae**, earumque statuta quamprimum ederentur. Hinc articulos generales composuit, quos singulos **pientissimus Rex Noster Ferdinandus I. Regio Diplomate** sub die **VI. Septembris 1824.** confirmavit.

VI. **Hic quoque ea referri praestat**; quae **Episcoporum Commissio** labentibus annis censuit, quaeque vel **Regis Rescriptis** sunt confirmata.

Et 1. **Oeconomus Curatus Paroecialis Ecclesiae viduae Pastore**, quae duobus hominum millibus non constat, singulis annis ex eiusdem **Ecclesiae Congrua 60.** ducatos percipiat: si vero illi praesit, quae numerum quinque millium **Animarum** continet, 80.: in ceteris tandem, quae maiorem **fideliū numerum** retinent, 100. habeat: reliqui autem **Congruae redditus** aequis partibus inter **Titulares** dividantur, **Oeconomo** non excepto, vel **Parocho** etiam, si **Titulus** ob ipsius suspensionem vacaverit.

Isthaec dispositio illas etiam **Ecclesias** respiciat, in quibus **reddituū** portiones maiores sint **ducatis 60.**, quippe quod **animarum cura** **Oeconomo** commissa **Titulo vacante**, novum officium ei impositum ceneatur.

Oeconomus vacantis **Tituli Curati Canonici** adnexi ex eius praebenda annalem portionem recipiat relate ad duplicem quintam **reddituū** portionem. In ducendo vero funere omnes **Oeconomi** duplicem portionem ex **fideliū oblationibus**, ut **Parochi** recipiant. **Reg. Rescr.** sub die **XXII. Ianuar, 1825.**

2. **Tempore elapso sex mensium** si **titularis** ad **Subdiaconatus Ordinem** minime sit promotus, vacantia portio ius, praevio concursu, digniori conferatur: facultas tamen **Episcopia** inest tempus prorogandi, ut ille **Sacerdotio** dedicaretur.

Si **examen** instituitur, **Clerici** etiam, qui suae aetatis annum **XIX.** iam expleverint, et in **Seminariis**, vel **Lyceis** doctrina, morumque honestate praestiterint, dummodo alii aetate proveciores non extiterint, admittantur. **Reg. Rescr.** sub die **XXIX. Mai. 1830.**

3. Si **Ecclesiarum redditus** ob diversas temporum vicissitudines deminutionem patiantur, **Dioecesani Episcopi** **Congruam** **Parochis** detrahant, inspecto **fideliū numero** iuxta taxam in **novissima Conventione** praefinitam: reliqui **redditus** si extent, ut quaedam pars **beneficii** inspiciantur, ac proinde **detractioni** subiacent, ut ceterae **Titularium** portiones. Quod

si isthaec deminutio sit magni momenti, et perpetua, tunc Episcopi novas constitutiones pro hisce Ecclesiis exhibeant, quae iuris ordine servato revideantur, et confirmentur.

Si vero fidelium liberalitate Receptitiis Ecclesiis praedia largiantur, ac proinde earum redditus reale recipiant incrementum, Episcopis facultas inest vel alios Titulos pro Clericis ad sacros Ordines promovendis constabilire, vel inspecto fidelium numero, incrementum inter Titulares exstantes dividere, eorumque portionibus addicere. Reg. Rescr. sub die XVI. Iul. an. 1831.

4. Parochi, qui ex Ecclesiae redditibus Congrua dumtaxat In Novissima Concordatorum Lege praefinita fruuntur, Missarum oneribus, quae Ecclesiae praediis sunt adnexa, satisfacere non tenentur, sed tantummodo diebus festis iuxta Canones Missas, pro populo celebrent. Quod si illorum Congrua taxam exuperet, tunc agnoscitur incrementum ut species portionis Curato Titulo adnexae, ac proinde Missarum legatis vel ipse satisfaciatur. Reg. Rescr. sub die XXVIII. Septembris an. 1831.

5. Vicarii Capitulares, Sede vacante, Receptitiae titulos iuxta specialem Constitutionem *Impensa* conferre possunt, immo maiorem portionem minoribus Titularibus concedere. Reg. Rescr. sub die XXVIII. Septembris 1831.

6. Episcopi Dioecesani pro ecclesiastica Iuventute in re sacra erudienda Titulares in suis Seminariis eligere possunt, quo temporis intervallo residentiae legi il minime sunt obnoxii.

Parochis, qui ecclesiasticis functionibus in Receptitiis non intersint indulgere potest Episcopus quoad distributiones illis adnexas ob Animarum curam, cui sedulo incumbant.

Receptitiis Ecclesiis Presbyteros quoque addicere possunt Episcopi ad titulum sacri patrimonii, et absque concursu. Reg. Rescr. sub die XXIV. Martii 1829.

Titularis Archipresbyter Curatus, qui ut prima dignitas praebendam titulo adnexam habet, et ex Receptitiae redditibus ut Curatus Congrua perfruitur, necnon distributiones quotidianas recipit, is Missarum oneribus Ecclesiae adnexis satisfacere debet.

Omnes Titulares, qui ex decreto Dioecesanæ Curiae ante promulgationem Constitutionis *Impensa* lato aliqua portione gaudent, absque examine ad maiores gradus, veteri optione penitus abrogata, admitti possunt.

C A P. III.

De fundatione et erectione beneficiorum.

I. Nascentur beneficia per fundationem.

II. Quae tam aedificationem, quam dotationem complectitur.

III. Eaque fit sola fundatoris voluntate.

IV. Suam voluntatem, causasque fundandi asserens exponit fundator in priori parte instrumenti: in posteriori autem disponens revera fundat.

- V. Bona sua quisque valet in fundationem beneficiorum largiri, quae ipso iure Ecclesiis, et beneficiis adquiruntur: at decimas, et ecclesiasticos redditus inconsulto Episcopo accipere Canoniceis, et monachis prohibitum.*
- VI. Erectio fit adsensu Episcopi aecedente ad fundationem, quo deficiente, nullum beneficium potest ecclesiasticum fieri, sed profanum remanet.*
- VII. Praxis postulandi, et consciendi erectionem traditur.*
- VIII. Titulum ecclesiastici beneficii ad certum altare sub invocazione alicuius Sancti constituit erectio, qui titulus, et aram, et capellam significat.*
- IX. Lapidis erectio in titulum in sacris paginis usurpata.*
- X. Ad certum altare fundata capellania in dubio praesumitur volita per fundatorem ecclesiastica.*
- XI. Plura in uno altare beneficia erigi possunt.*
- XII. Sine dote sufficienti novum erigi beneficium non debet.*
- XIII. Conditiones a fundatore volitas, luri etiam communi contrarias fere debet Episcopus erigens adprobare.*
- XIV. Easque semel adsensu Ordinarii probatus nequit fundator mutare, nisi mutatio noceat nemini, et Episcopi accesserit auctoritas.*
- XV. Per quadragenariam observantiam fere status beneficii mutatur.*
- XVI. Qualitatibus, et oneribus fundationis potest solus Pontifex derogare.*
- XVII. In erectionibus nil praeter cathedraticum Episcopo debetur.*
- XVIII. Inferiora beneficia aliquando eriguntur in titulos maiores.*
- XIX. Collegiatam Ecclesiam olim iure communi poterat Episcopus erigere: ex decretis tamen S. C. Cong. solus Papa erigit.*
- XX. Cathedralis erectio ad Sedem Pontificiam pertinet.*
- XXI. Itemque saecularis in regularem, vel regularis in saecularem Ecclesiam mutatio.*

I. Beneficia utique non nascuntur, sed fiunt, ait Abbas (1). In actu primo scilicet materialiter per fundationem, et in actu secundo reipsa per erectionem.

II. Inspectis canonibus antiquis, ac decretalibus recentioribus fundatio accipitur pro constructione, simul ac dotatione Ecclesiarum, vel Capellarum; verusque fundator is dicitur, qui nedum ad structuram Ecclesiae fundum, sed etiam dotem sufficientem pro aedificatione, pro alendis ministris, aliisque necessariis ad Dei cultum rite peragendum confert: at qui vilem tantummodo aream dederit, vix benefactor appellari poterit (2). Nam

(1) Abb. Panormit. lib. 1. cons. 54.

(2) Wan-Expen par. II. tit. 15. cap. 3.

ex Concilio Aurelianensi ante praefinit, qui aedificare vult Ecclesiam, quae ad luminaria, et ad custodiam, et ad stipendia custodum sufficiunt, et ostensa donatione sic demum aedificet (1). Ideoque nonnullis perperam visa est solius fundi datio, et fundatorem efficere, et iuspatronatus adquirere (2). Quandoquidem fundatores illi rectissime nuncupantur, et passim, qui annuos redditus pro fundo, seu dote alicuius beneficii, vel capellaniae relinquunt, etiam in Ecclesia, et capella per alios constructa; atque instrumenta foundationis dicuntur testamenta, aliaeve scripturae, quibus dos beneficii constituitur.

III. Sola voluntas fundatoris parit foundationem, qui libere valet in foundationis limine quascumque conditiones, et leges praescribere etiam Iuri communi positivo contrarias; dummodo bonis moribus, et legi divinae, aut naturali non adversentur: earumque observantia, executio, et conservatio ad Ius publicum pertinet, quatenus tamquam leges inviolabiles non contemnantur, ne fideles ab Ecclesiis aedificandis, ac dotandis retrahantur (3).

IV. Publico hinc foundationis instrumento fundator declarat Ecclesiam, vel Capellam, vel altare, vel beneficium sub invocatione, ac titulo alicuius Sancti fundare pro redemptione animae suae iuxta formulam in vetustis foundationibus usitatam (4), vel pro suffragio animarum et sui ipsius, et parentum, maiorumque suorum, vel pro devotione sua erga eundem Sanctum; donatione irrevocabili constituit, atque designat pro dote, ac fundo illius hoc, illudve praedium, et ea bona stabilia fructifera certis finibus describenda, annuosque redditus eorumdem; quos rector, vel beneficiarius, vel capellanus percipiet quotannis ad vitam cum onere celebrandi tot Missas, quot voluerit, aliaeque onera ab seipso praescripta implendi, cumque aliis conditionibus, ac legibus sibi bene visis. Quare in priori parte instrumenti exponitur, et asseritur causa impellens, et finalis fundandi, et intentio fundantis: in posteriori fit actus praecipuus donationis, et foundationis, ipsa nimirum dispositio fundatoris.

V. Schisma investiturarum quoadusque perstitit, Praelatos Ecclesiarum, Episcopos, Abbates laici potentiores per annulum et virgam investiebant, et sine auctoritate ecclesiastica pro arbitrio instituebant, ac destituebant, decimas, et proventus ecclesiasticos usurpando. Cuiusmodi sacrilegas invasiones quum Concilia diversa, et plurima censuris, et anathematibus extrudissent: saeculo demum X, atque XI. per plures laici religione, ac poenitentia ducti, quidquid Iuris ecclesiastici rapuerant, in funda-

(1) Conc. Aurelian. in *can. nemo Ecclesiam* 9. *de cons. dist. 1.*

(2) Id aptius exponitur in *tract. de iurepatr. cap. 5.*

(3) Pelag. in *can. Eleutherius* 30. et *pen. C. 18. qu. 2.* rescripsit conditiones tempore, quo dedicatum fuerat monasterium, convenias, et positas ab Eleutherii Episcopi matre fundatrice, servari oportere. Clementia. *quia contingit 2. de relig. domib.* Trid. in *cap. ratio postulat* 5. *sess. 25. de ref.* decrevit, ne qualitatibus, aut oneribus in erectione, seu fundatione beneficiorum iniunctis quid umquam derogetur. Hinc subobscura, vel non omnino recta videtur ea regula, quam ex *arg. l. 46. C. de Episc. et cler., et Nov. 101. cap. 10.* Balsamon eruit, quod nimirum leges, et statuta a fundatoribus dicta, nisi canonibus adversentur, vim et robar obtineant.

(4) Pro remedio animae suae quidam nobilis contulit quasdam terras monasterio de Melios, ut refert Gl. in *cap. cum dilecti* 6. *de donation. verb. in casu.*

tiones monasteriorum, et Ecclesiarum saepissime conferebant sub quae-
sito colore donationis, et cessionis, quum non merae liberalitatis, et piga-
tis causa id ipsi agerent. Et saepenumero non iis Ecclesiis, quibus bona
erant ablata, restituebant, ut par erat, sed aliis monachis potius, et Ca-
nonicis donare simulabant. Quare pluribus canonibus constitutum est, ne
amplius inconsultis Episcopis monachi, et Canonici decimas, et ecclesiasti-
cos proventus accipere praesumerent, ex decreto praesertim Urbani II. (1),
et pluribus S. Gregorii VII. sanctionibus, et epistolis (2).

VI. Foundationem ecclesiastici beneficii perficit erectionis decretum, sci-
licet adsensus, et adprobatio Episcopi, seu Ordinarii: sine quo fundatum
beneficium erit *profanum*, et appellari tunc solet *capellania laicalis*, aut
legatum pium. Ex decreto Hormisdæ, *nullus presbyter in Ecclesia conse-
crata aliud altare erigat, nisi quod ab Episcopo loci sanctificatum est. vel
permisum: ut sit discretio inter sacrum, et non sacrum* (3). Gelasius Papa
Senecioni Episcopo rescripsit, ut dedicationem, et benedictionem impen-
deret tam Ecclesiae S. Viti a Iulio fundatae, quam altari SS. Michaelis
Archangeli, et Martini a Fringentio extructae, ad suam parochiam, seu
dioecesim pertinentibus (4). Clemens III. *Ecclesiam non nisi cum adsensu
Dioecesis* constructam adprobat (5). Ceteris autem Presbyteris episcopali,
vel quasi iurisdictione carentibus hanc erigendi altaris, vel beneficii eccle-
siastici potestatem canones vetant antiquissimi (6), et leges imperiales (7).

VII. Quare fundator beneficii vivens, vel eiusdem heres exhibere Or-
dinario debet authenticum instrumentum foundationis continens congruam,
et sufficientem dotationem super bonis stabilibus, onera, et conditiones
volitas: et libello postulare, ut adsensus Ordinarii desuper impertiat,ur,
sique fiat erectio beneficii. Ordinarius autem viso instrumento huiusmo-
di, ubi concurrant omnia necessaria ad beneficii naturam, et bona sint
sufficientia, decretum suum interponit, quo Ecclesiam, vel capellam sub
invocatione, ac titulo alicuius Sancti recenter constructam, vel beneficium,
seu capellaniam certo altari iamdiu relictam erigit in titulum perpetui be-
neficii ecclesiastici, eique dotem a fundatore constitutam applicat: eodem-
que tempore adprobat conditiones a fundatore volitas, quae sint adpro-
bandae, et reiicit reiiciendas: reservato iure cathedralico, et salvis Eccle-
siae parochialis iuribus.

(1) Urban. II. an. 1095. circiter in *can. congregato* 2. C. 16. qu.

(2) S. Greg. VII. in *can. decimas* 1., *can. pervenit* 3., *can. si quis deinceps* 12.
ead. C. et qu.

(3) Hormisdas an. 514. creatus Pontifex in *can. nullus presbyter* 25. *de cons.
dist.* 1. Videsis quae dixi lib. III. *Inst. Canonic. tit. 9. num. 28.*

(4) Gelas. in *can. pia mentis* 26., et *can. Fringentius* 27. C. 16. qu. 7.

(5) Clem. III. in *cap. nobis fuit* 25. *de iurepatr.*

(6) *Can. 32.* vulgo Apostolor. ita se habet: *Si quis presbyter, contempto suo Epi-
scopo, seorsum congregationem faciat, et aliud altare figat, quum nihil ad piete-
tem, et iustitiam pertinens in Episcopo damnaverit, deponatur tanquam dominan-
di cupidus. Deponantur etiam reliqui clerici, quicumque ei se adiunxerint.*

(7) Iustinianus Nov. LXVII. cap. 1. omnibus generatim prohibuit Ecclesias ae-
dificare, nisi Episcopus orationem antea in loco faciat, et Crucem figat, publicum
processum illic faciens, et causam manifestam omnibus statuens. Videsis dicta
in tract. de iurepatr. cap. 1. num. 16.

VIII. Sine titulo quidem consistere non potest erectio ecclesiastici beneficii: qui accipitur heic pro Ecclesia ipsa, vel capella, vel ara alicui Sancto dicata ad tutelam hominum, a titulo derivatus: quia titulum Romani appellabant arcem urbis altissimam, quae pro specula iuserviebat civitatis, ac longe prospiciendo illam custodiebat, tutabatur, defendebat (1). Sensus inde translate titulum quandoque pro peculiari Ecclesiae parte, seu altare conspicuo accipere Scriptores consueverunt. *Singuli Presbyteri debent ab Episcopis ordinari, et poni per singulos titulos suos*, ait auctor apocryphae decretalis Anacleti (2); scilicet per singulas Ecclesias iuxta receptam Glossae interpretationem (3).

IX. In sacris quoque Litteris vetustissima est vox erigendi ad rem nostram congruenter accomodatam. *Surgens Jacob mane tulit lapidem, quem supposuerat capiti suo, et erexit in titulum*, ait sacer textus Genesis (4). Et in libris Regum legitur, quod Absalon erexerat sibi, cum adhuc viveret, titulum, qui est in valle Regis. *Dixerat enim: non habeo filium; et hoc erit monumentum nominis mei; vocavitque titulum nomine suo, et appellatur manus Absalon usque ad hanc diem* (5).

X. Ideo iureconsultissimus Fr. M. Pitonius recte innuit, fundatio capellaniae ad certum altare ordinata ostendat in dubio fuisse volitam ere-

(1) Dominicus Marci in *hieroglyphico* verb. *titulus*, ex Varrone *lib. 6. de ling. latin.*

(2) Anaclet. in *cap. Episcopi 4. dist. 80.* In primitivae Ecclesiae monumentis saepe occurrit vox *titulus* pro Ecclesia. In libro enim Pontificali in vita Marcelli Papae *to. 1. Concil. p. 94.* sic habetur: *Hic fecit coemeterium via salaria, et viginti quinque titulos in urbe Roma constituit, quasi dioeceses, propter Baptismum, et Poenitentiam multorum, qui convertebantur ex paganis, et propter sepulturas martyrum.* Et matrona quaedam, nomine Lucina vidua . . . domum suam nomine tituli B. Marcelli dedicavit, ubi diu, nocturne hymnis, et orationibus Domino Iesu Christo confitebantur. *Iis auditis a Maxentio, misit, et iussit in eadem Ecclesia iterum planctus sterneret, ut ibidem animalia catabuli congregata starent, et ipsis Marcellus deserviret.* In *cp. 4. Pii ad Iustum Vicon. tit. 1. Conc. pag. 577.* presbyter Pastor titulum condidit, et digne in Domino obiit. Unde vero istius vocis applicatio ad Ecclesias exprimendas promanaverit, non consentiant eruditi. Baronius *an. 119. num. 5.* sic ait: *Unde acciderit, ut domus fidelium in sacrum usum conversae, quas nos Ecclesias dicimus a maioribus tituli dicerentur, paucis aperendum. A rebus fiscalibus videtur accepta esse nomenclatura. Tituli namque impositione rem aliquam sibi fisco solitus erat vindicare, atque Principi consecrare: ut quam ait Imperator. «Tituli vero quoque adiectione praedia nostris sunt» consecranda substantiis, nonnisi publica iustificatione proponantur. Fuisso huiusmodi titulos veluti quaedam, quae regiam repraesentarent potestatem, vel imaginibus Imperatorum, vel nominis ipsorum inscriptione insignita, multa sunt, quae poterunt demonstrare». Binghamus *lib. VIII. orig. Eccl. cap. 1. § 10.* eam amplectitur sententiam, quae opinatur tituli nomen acceptum a titulo beneficii illis Presbyteris dato, quibus committebantur, seu conferebantur. Et refert alteram Medii opinionem, quod in dedicatione Ecclesiarum nomen, seu titulus Domini nostri Iesu Christi inscribi solitus, quemadmodum in praediis, et dominus olim tituli, et nomina dominorum inscribebantur, denominationem eiusmodi tribuerit Ecclesiis: indeque pariter Basilicas fuisse easdem nuncupatas, utpote quae ad dominum pertinerent.*

(3) Glos. in *cap. dudum Ecclesia 34. de elect.* verbo *intitulatam*.

(4) Genesis *cap. 28. vers. 18.*

(5) Lib. II. Regum *cap. 18. vers. 18.*

ctionem capellaniae ecclesiasticae, verumque beneficium collativum, quod solum erigi dicitur in altare sub invocatione alicuius Sancti (1). Nam legato pio, et capellaniae laicali repugnat erectio facienda in altare: citatque ad id firmandum auctoritatem Lotterii, et Rotae Romanae (2).

XI. Cum vero spiritualia non occupent locum: nil implicat, ut in uno, eodemque altare plura beneficia erigantur (3). Addit Cardinalis de Luca, in eodem altare, eademque Capella reapse consistere plura diversae naturae beneficia: alia scilicet liberae collationis, alia iurispatronatus, quae diversae quidem personae obtinent cum diversis oneribus, et legibus maioris, vel minoris servitii, aut residentiae (4).

XII. Ex Concilio Bracarense II. unusquisque *Episcoporum meminerit, ut non prius dedicerit Ecclesiam, nisi antea dotem basilicae, et obsequium ipsius per donationem chartulas confirmatum accipiat: nam non levis culpa est ista temeritas, si sine luminariis, vel sine substantiali sustentatione eorum, qui ibidem servituri sunt, tamquam domus privata consecratur Ecclesia* (5). Proventus itaque in dotem beneficiorum adsignandi esse debent sufficientes arbitrio Episcopi iuxta locorum, et personarum qualitatem. Enimvero Iustinianus Imperator edixit, ut *Episcopus definat mensuram, et ad luminaria, et ad sacrum ministerium, et ad incorrumpendas domus custodiam, et observantium alimonia, et si sufficienter habere viderit, faciet prius donationem eorum, quae futura sunt, deputari: et ita domus aedificetur* (6).

XIII. Conditiones a fundatore volitas Episcopus debet regulariter adprobare, etiam Iuri communi positivo contrarias (7): puta quod praesentari, et institui clericos etiam septiennis debeat; non obstante lege Tridentina, et Concordatorum, qua aetas quatuordecim annorum exigitur in eis, qui beneficium ecclesiasticum velint obtinere, primamque tonsuram clericalem suscipere. Vel quod fructus omnes vacante beneficio impendantur in sacra suppellectilia, vel Ecclesiae fabricam, aliudve pium opus: tametsi Iure Communi ad Cameram Apostolicam pertinent. Id genus aliae. Eas autem sine causa renuens Dioecesanus admittere ab Archiepiscopo, aliove Superiore monebitur, vel cogetur, vel denegatus adsensus re cognita supplebitur. Si tamen reiiciendae sint ob turpitudinem, vel quod naturae beneficiorum repugnent, ubi scilicet fundator vellet beneficium fore conferendum laico, vel ad tempus, vel deficientibus clericis de familia vocata dos redeat ad heredes profanos, aut quid aliud eiusmodi: suum et Episcopus, et Metropolitanus adsensum iure merito denegabunt. Cumque adsensus Ordinarii formam fundationi, atque erectioni tribuat, et quasi contractum inter Episcopum et fundatorem constituat, consequens est, ut tenor eiusdem adsensus in primaeva erectione concessi po-

(1) Fr. M. Pitonius de contr. patr. alleg. 49. num. 1.

(2) Lotter. de re beneficiaria lib. 1. qu. 30. Panimoll. dec. 21. et Rota coram Emerix iun. dec. 1100.

(3) Id Rota declaravit coram Penia dec. 1394, et Card. de Luca de iurepatr. dist. 17. num. 2.

(4) Card. de Luca ibidem num. 2.

(5) Conc. Bracar. II. in can. placuit qu. 2.

(6) Iustin. Nov. 67. cap. 2.

(7) Glos. in cap. cum dilectus 8. de consuetud. verbo constitutum.

tius, quam nuda fundatoris voluntas, attendendus sit. Nam Pelagius Papa servandas rescripsit eas conditiones, quas tempore dedicationis inter Episcopum Cardellum, et matrem Eleutherii Episcopi fundatricem ambo convenissent (1).

XIV. Leges autem semel in foundatione praescriptas, et ab Ordinario firmatas tam ipse fundator, quam heres, et successor eius nequit contra Ius positivum, vel in alicuius praeiudicium, accedente etiam consensu Episcopi mutare. Nam ius quaesitum sive Ecclesiae libertati, siye quibuslibet personis tolli non potest, nec debet. Sane Innocentius III. rescripsit statutum a Moriensi Episcopo ad petitionem patronorum Ecclesiae Andrensis factum, nec Iuri communi, nec privilegio derogare (2). Sed ubi novae conditiones, vel mutationes sint legibus Ecclesiae, ac publico Iuri consentaneae, nullumque aliis inferant praeiudicium, superaddi, ac fieri possunt, accedente Episcopi auctoritate, et patronorum voluntate (3).

XV. Statum beneficii mutari aliquando per quadragenariam observantiam, seu legitimam praescriptionem, censuit Bonifacius VIII (4), et notat Vivianus (5): atque in dubio capellaniam laicalem censi beneficium ecclesiasticum, si constet de una episcopali collatione, vel institutione Ordinarium, addit Rebuffus (6). Sed in claris quando fundator noluit capellaniam esse beneficium, non sufficit eam fuisse collatam velut beneficium spatio 40. annorum: sed requirunt alii tempus immemorabile ex regula Bonifacii VIII (7), alii omnem tunc praescriptionem abiciunt, ut pia fundatoris voluntas vim legis habeat perpetuam nullo temporis lapsu quam longissimo, nullaque cuiuslibet auctoritate (praeterquam suprema) commutandam, nec violandam (8).

XVI. Ceterum ex Tridentino, quando ex beneficiorum quorumcumque erectione, seu foundatione qualitates aliquot requiruntur, seu certa illis one-

(1) Pelag. in can. *Eleutherius* 30. seu pen. C. 18. qu. 2.

(2) Innoc. III. in cap. *cum dilectus* 8. de consuetud. ibique Glos. verb. *constitutum*, et Fagnan in cap. *conquerente de cler. non resident.* num. 4. Hinc impubes 14. annis minor nequit post foundationem adsensu Dioeceseo perfectam, consummatamque idoneus fieri nova fundatoris conditione ad clericatum, beneficiumque sui patronatus obtinendum. Quomodo nec patronatus alicui certae familiae, aut personae in ea reservatum adimi voluntate posteriori.

(3) Vivian. lib. 2. de iurepatr. cap. 8. num. 10.

(4) Bonifacius VIII. in cap. *cum de beneficio* 5. de prob. in VI. statuit beneficium ecclesiasticum clericorum saecularium debere illud intelligi, quod tanto tempore ab uno, vel pluribus saecularibus clericis institutis in eo rectoribus extitit continue, ac pacifice gubernatum, ut praescriptio legitima sit completa: etiamsi ante, vel post religiosi quandoque ministraverint in eodem.

(5) Vivian. par. 2. de iurep. lib. 6. cap. 6. n. 61.

(6) Rebuff. in prax. benefic. de pacifica poses. num. 349.

(7) Bonif. VIII. in cap. *Episcopum* 1. de praescript. in VI. Azorius autem laudatus a Garzia par. 7. cap. 7. num. 34. in hoc etiam casu quadragenariam admittit praescriptionem, arg. cit. cap. *cum de beneficio*.

(8) Pias fidelium voluntates violare, equum non est, ex Tridentina sententia in cap. *sicuti legitimo* 9. sess. 15. de ref. Ultimamque voluntatem cuiusque non nisi iusta, et necessaria causa commutari auctoritate Sedis Apostolicae posse, decrevit eadem Synodus in cap. in commutationibus 6. sess. 32. de reform.

ra sunt iniuncta, eis non derogetur (1). Nemo quidem inficiatur suprema Pontificis maximi potestate derogari posse legibus foundationis, attamen praesumuntur citra eius mentem extortae huiusmodi derogationes, quae laicorum iuribus officunt: ideoque servatis servandis suspendi earum executionem dissentientibus patronis praxis ostendit.

XVII. Placuit supra laudato Concilio Bracarenensi, ut quoties ab aliquo fidelium ad consecrandas Ecclesias Episcopi invitantur, non quasi ex debito munus aliquod a fundatore requirant, sed si ipse quidem aliquid ex suo voto obtulerit, non respiciatur: si vero aut paupertas illum, aut necessitas retinet, nihil exigatur ab illo (2). Sed nomine cathedratici ob honorem cathedrae episcopalis non amplius, quam duos solidos Episcopo permittitur accipere (3), vel aliquid iuxta taxam vetustis moris (4).

XVIII. Inferiora quandoque simplicia beneficia eriguntur in Canoniciatum, seu dignitatem, seu personatum cum residentia, vel in parochiam cum cura animarum, vel in Collegiatam, vel in Cathedrali. Novam parochiam vel filialem, vel matricem potest Episcopus erigere propter augmentum cultus divini, si parochianis difficile sit suam adire parochiam, ubi pluviae hyemali tempore inundant: dummodo antiqua parochia tantis redditibus abundet, ut etiam Minister illius congruam valeat sustentationem habere (5).

XIX. Collegiatam quoque Ecclesiam cum collegio Canonico saecularium, quae Capituli, et collegii iura perpetuo habitura sit, erigi posse auctoritate Episcopi innuit Clemens III. (6). Ibi Glossa interpretatur conventuale dici, in qua duo, vel tres de collegio sunt (7). Neraius Priscus tres facere existimat collegium, et hoc magis sequendum est, inquit Marcellus iureconsultus (8). Consonat Lucius Papa rescribens, ut nullus in Ecclesia, ubi duo, vel tres fuerint in congregatione, nisi eorum electione canonica Presbyter eligatur (9). Inibi Glossa notat duos facere congregationem, tres collegium: licet retineri possit in uno ius collegii (10), decem hominibus conflare populum (11), et pluribus, quam decem, vel quindecim turbam (12). Petrus tamen Rebuffus testatur istiusmodi erectionem fieri solitam Papae auctoritate (13). S. Congregatio Concilii coepit ab hac anno

(1) Trid. in cap. ratio postulat 5. sess. 25. de reform.

(2) Conc. Bracarense II. in can. placuit 1. qu. 2.

(3) Ex eodem Conc. Bracarensi in can. placuit 1. Pelag. ad Cresconium Siciliae defensionem in can. illud te volumus, 4. et can. illud magnitudinem 19. Conc. Tolet. VII. in can. inter cetera 8. C. 10. qu. 3.

(4) Gelas. in can. nec numerus 5. ead. C. 10. qu. 3.

(5) Alex. III. in cap. ad audientiam 3. de Eccles. aedificand. Trid. in cap. Episcopi 4. sess. 21. de ref. Huc spectant quae dixi lib. 1. Instit. Can. tit. 50. n. 6.

(6) In cap. nobis fuit 25. de iurepatr.

(7) Ad id probandum Glossa laudat cap. 1. de electione.

(8) Marcellus in l. Neratius 85. D. de verb. sign.

(9) Lucius in cap. nullus 1. de elect. Huius al capituli auctorem incertum esse commonet Antonius Augustinus, quem ipsum alii Pio, alii Alexandro inscribant: Lacio vindicat Emmanuel Gonzalez.

(10) Ulpian. in l. sicut 7. §. ult. D. quod cuiusque univers. nom.

(11) Conn. Tolet. XVI in can. unio 3. C. 10. qu. 3.

(12) Ulpian. in l. Praetor ait 4. §. 1. et seq. D. de vi bonor raptor.

(13) Rebuff. in praxi beneficiaria par. 1. de erect. in collegiatum.

1623. declarare ad Apostolicam Sedem dumtaxat pertinere Collegiarum erectiones (1).

XX. Cathedralis quidem erectio nonnisi a Summo Pontifice fieri potest (2). Communi autem iure facultatem habet Episcopus et erigendi officium simplex in Ecclesia cathedrali, et antiquam redintegrandi cum consensu Capituli dignitatem, quae sua in Ecclesia primum extiterit, dein suppressa fuerit, novam vero dignitatis institutionem, erectionemque ad Romanum tantum Pontificem spectare, consentiunt Doctores (3).

XXI. Regularis etiam in saecularem Ecclesiam, et contra saecularia in regularem quandoque mutatur, et erigitur sola Pontificis auctoritate: cuius est derogare Concilio Chalcedonensi praecipienti, ut *quae semel dedicata sunt monasteria cum consilio Episcoporum, maneant perpetuo monasteria* (4). Urbanus III. auctoritate apostolica indulgit cuidam Episcopo regulares Canonicos ordinare in Ecclesia saeculari, de qua in Episcopum vocatus fuit: si Episcopus dioecessana consensisset sine praeiudicio clericorum saecularium, quibus, donec vixissent, necessaria tribui mandavit (5). His quidem casibus prioribus beneficii titulus omnino extinguitur per suppressionem, eiusque redditus incorporantur, et per novam erectionem alteri titulo, seu beneficio uniuntur.

ADDITAMENTA

DE ECCLESIIS COLLEGIATIS.

I. In Regno Neapolitano pleraeque Ecclesiae fidelium liberalitate fundis auctae in Collegiarum dignitatem iuxta canones ad divinum cultum

(1) Fr. M. Pitonius *to. 4. discept. eccl. 116. num. 30.* Io. B. Rigant, in *Reg. IV. Cancell. to. 1. §. 2. num. 95.*

(2) Innoc. III. in *cap. vovit ille 1. de sede vacante alig. innov. et in cap. quod translationem 4. de offic. legati.* Sacris enim canonibus cautum quum sit, ut quae numquam Episcopos habuere dioceses, ac civitates, non habeant, ex Conc. Chartag. II. in *can. felix 50. C. 16. qu. 1.* iis derogandi arbitrium supremae solum Potestati est omnino liberum et voluntarium. An legitima causa id postulet Papa, solet antea inquirere auditis partibus in Concistorio, aliove coetu Praesulum, cui tale negotium mandaverit excutiendum. Libellos Cleri, populiue civitatis S. Germani, qui erectionem vel restitutionem Episcopatus in eadem civitate flagitaverant, Benedictus XIII. in Concilio Romano iudicibus querelarum in eo ipso Concilio deputatis remisit, qui die 18. Maii 1725. decreverunt querelas contra Abbatem Cassinensem, eiusque iurisdictionem quasi episcopalem reiiciendas fore, perpetuumque silentium expetente Episcopatus erectioni seu restitutioni imponendum. Id quod ipso Pontifex firmavit *const. inscrutabilis*, pridie nonas Aug. 1725. impressa in *append. spaius Conc. Rom. num. 8.*

(3) Abbas in *cap. cum accessissent 8. de constit. num. 4.* Fagnan. in *cap. dilecto de praebendis num. 7.*, Corrad. in *prax. benefic. lib. 2. cap. 2. num. 28.*, Card. Petra ad *const. 2. Eugenii III. sect. unic. num. 35.*, Benedictus XIV. *lib. VII. de Syn. dioecesa. cap. 65. num. ult.*

(4) Cono. Chalced. in *can. quae semel 4. C. 19. qu. 3.*

(5) Urban. III. in *cap. ad audientiam 5. de Eccles. aedific.*

promovendum erectae fuerunt. Sub Militari autem Regimine ecclesiasticae sanctiones, quae illas respiciunt, conculcari penitus visae sunt.

II. Atvero Clementissimus Rex noster Ferdinandus II, qui Maiorum suorum in Ecclesiam voluntatem eximia pietate non tantum aequare, sed et praegredi, atque antecellere in dies videtur, Regio Rescripto sub die V. Octob. 1839. Collegiarum examen Supremis Concordati Executoriis committendo, sanxit:

III. Praeter Collegiatae Ecclesias, quae foundationis, et erectionis titulo gaudent, in posterum quoque, ut Collegiatae agnoscerentur aliae Ecclesiae, quae ob temporis diuturnitatem, rerumque vicissitudines illo careant, ac proinde probationes suppletorias Titulares exhibebunt, quarum una dumtaxat satis erit, dummodo ex ea collegialitas eruatur.

Tum ibidem statuit hanc sanctionem Ecclesias in Dioecesis huiusce Regni extantes non respicere, quas iam iuxta Antistitum consultationes Episcoporum Commissio, cui Apostolicae Sedis Nuntius praest, Receptitias agnovit, atque ex Litteris Apostolicis *Impensa* iam ibi locorum Ministri adscripti sunt.

Denique in eo cautum, quod Supremi Concordati Executores Canonico-rum petitiones exciperent, probationes suppletorias disculereut, et Ecclesiarum collegialitatem iuxta canones declararent.

IV. Quamobrem ab hisce Supremis Viris, collatis consiliis, nonnullas Ecclesiae in Ditionibus citra Phrum extantes collegialitatis iuribus potiri quotidie agnoscuntur, et in integrum cum omnibus praerogativis non sine fidelium utilitate restituuntur.

V. Iamvero nonnulla haec adferre praestat, quae tum de potestate erigendi Collegiatae, tum de illarum probationibus canones edixerunt.

VI. Et principio Collegiarum erectionem usque ad annum 1623; quo tempore contraria decreta S. Congregationis Concilii lata fuerunt ad Episcopos spectasse compertissima res est.

VII. Profecto iure antiquo expresse constitutum (1) quamlibet Ecclesiam sola interveniente Episcopi Dioecesani auctoritate in Collegiatam erigi posse.

VIII. Iure Decretalium quoque sancitum Episcopi consensum in earundem Ecclesiarum erectione dumtaxat requirendum. Ita enim rescripsit Clemens III. (2): *quod si quis Ecclesiam cum adsensu Dioecesani construxit, ex eo iuspatronatus acquirit: ceterum in Conventuali Ecclesia non electioni Praelati faciendae, sed iam factae honestius patroni postuletur assensus*: et Urbanus II. precibus adhaerens cuiusdam fundatoris, qui Collegiatam Ecclesiam instituere exoptabat, rescripsit, ut a sola Episcopi voluntate is penderet quoad foundationem, et erectionem (3). Hinc Rota Iuris Regulam secuta, quae praecipit titulorum validitatem tempore stipulationis esse desumendam: *in stipulationibus id tempus spectamus, quo contrahimus* (4), die XXVIII. Novemb. an. 1692. diserte idipsum decla-

(1) Decret. can. 73. caus. 12. q. 2. Can XIII; et XX. ead. quacat.

(2) In Cap. nobis fuit XXV. de Iurepatr.

(3) Cap. V. de Eccles. aedific.

(4) De Reg. iuris L. 144. §. 1.

ravit (1). Quare Pitonius (2): erectio Collegiarum, inquit, poterat fieri auctoritate Episcoporum de eo tempore, quo nondum supervenerant contraria decreta S. Congregationis Concilii, quae supervenerunt de anno tantum 1623; ut reprobatis contrariis firmavit Rotae Auditorium coram Emerix Junior. decis. 1084. n. 2.: quae opinio tenetur in praxi, quia dum status Collegiae non est recens, sed antiquus, non est necessarium ostendere ad-sensum Apostolicum, qui est praesumptus ab observantia centenaria, ut scribit Lotterius de re beneficiaria Lib. 1, quaest. 14. n. 52.: Rota in Augusta Canonatus Provinciae Moguntinae 26. Iunii 1709. §. Constituto coram Molines. Tandem Benedictus XIV. de hisce Titulis disserens (3): de Collegialitate, inquit, non est dubitandum, licet anno 1564. erecta fuisset sola Episcopali interveniente auctoritate, cum tunc temporis vigeret opinio inter Doctores, et in Tribunalibus recepta, quod Episcopus iusta intervenientis causa erigere posset, et instituere Collegiam, uti plane habetur in Decis. 1084. coram Emerix Junior.

IX. Ex praemissis igitur liquido patet potestatem Collegias erigendi usque ad ann. 1623. penes Dioecesanos Episcopos fuisse: ex eo tempore vero usque ad praesens Sedi Apostolicae omnino illam reservari.

X. Quod autem spectat ad probationes status collegialis Ecclesiae plura haec animadvertenda censemus.

XI. Nimirum cum possessio in iure sit factum non minus reale, ac ipse titulus: factum externum, et continuum, quod ius adquisitum demonstrat, idcirco ne dominia sint incerta, utque finis esset litium, leges civiles latae fuerunt, quae ad praescriptionem pertinent, tamquam remedium ad civium iura tuenda necessarium. Itaque eandem vim praescriptioni illae tribuunt, quam aperte reclamant transactiones, et res indicatae: ut sunt iudicio terminata, transactione composita, longioris temporis silentio finita (4). Unde cum possessor pacifice, et publice praerogativis suo iuri adnexis tempore a lege ad praescriptionem inducendam definito utitur, titulos exhibere non cogitur, qui ob temporis diuturnitatem, rerumque vicissitudines forsitan perierint.

XII. In Collegiatis Ecclesiis vero centenariam praescriptionem Canones requirunt, quo diutissimo temporis intervallo Sedis Apostolicae ad-

(1) Communiter erat inter DD. opinio, cui etiam pluries nostrum Tribunal adheruerat, quod ex iusta, et rationabili causa, ut saltem eum divinis officiis, et aliis precibus saluaretur piis defunctorum voluntatibus circa Missas, quae ob defectum Sacerdotum adimpleri non poterant, licitum esset Ordinariis locorum Ecclesias erigere in Collegiatis, ut per Text. in Cap. Quoniam de vita, et honestate Clericorum firmant ibi Abb. antiq. n. 1. Io: Andr. n. 3. Panormit. n. 2.; et 6. Garzias de beneficiis par. XII. cap. 5.; secundum quam opinionem iudicari debet de eius temporis erectione, licet deinceps ob superventus declarationes S. Congregat. interpretationi S. Conc. Trid. praepositae contraria invaluerit, ut notat Rota decis. XXV. n. 12. coram sanct. mem. Alexandr. VIII: et utcumque se res habet, semper consuetudo, seu praesumptio succurrit, cum erectio reperiretur saltem in implicito statu validitatis, ac Ecclesia semper fuerit in opinione, et figura Ecclesiae Collegialis.

(2) Discept. Eccles. CXVI. par V. pag. 97.

(3) Tom. I. quaest LXIV. edit. Bassan. pag. 37.

(4) L. 260. ff. de verbor. signif.

sensum praesumunt. Ad rem Card. Petra in Commentariis ad pontificias constitutiones: *praescriptio, inquit, validitatem erectionis inducit per spatium centum annorum, et consensus Papae praesumitur, si fuerit in statu Collegialitatis saltem implicito, donec contrarium declaratur: ex antecedenti enim statu collegialitatis praesumitur eius continuatio: DD. in L. sive possidetis C. de probat. (1). Cui proprie, aptisque verbis respondet Lotterius (2), et Rota quoque adhaesit (3). Quamobrem ecclesiasticae sanctiones defectu tituli erectionis probationes suppletorias exhibendas esse decernunt, quibus Ecclesiae collegialitas eruatur, uti expresse constituit Innocentius III. (4). Hinc eadem Rota die XXVII. Iunii 1707. censuit: *deficiente etiam fundatione, et privilegio apostolico, ex inditiis, et coniecturis satis manifestari potest Collegialitas* (5).*

XIII. Denique potissima indicia haec referre duximus, quibus Ecclesiae collegialitas iuxta canones eruatur.

Et 1. Ex immemorabili existimatione Collegialitatis, iunctis enunciativis antiquis (6).

2. Ex Apostolicis Litteris ad Ecclesiarum Collegialium Canonicos directis (7).

3. Ex proprio Collegii sigillo (8), dummodo insignia exprimat ipsius Ecclesiae: quippe quod Capitulis, et Collegiis adprobat, ut observat Gonzalez (9), licet tantummodo illo uti ad faciendam publicam fidem.

4. Ex communi arca, et massa (10).

5. Ex convocatione Titularium de mandato Canonici principalis Dignitatis illorum Capitis, et congregationibus capitulariter factis (11).

6. Ex electione, vel collatione Canonicatus facta per Capitulum, et Canonicos ad rem congregatos (12).

7. Ex possessione tradita Canonicatum cum adsignatione stalli in choro, et loci in Capitulo facta per Canonicos capitulariter congregatos (13).

8. Ex iuramento dato a beneficiariis de servandis constitutionibus, statutis, et consuetudinibus ipsius Ecclesiae (14).

9. Ex venditionibus, locationibus, aliisque contractibus capitulariter initis (15).

(1) Comentar. Constit. VII. Innocent. IV. n. 13.

(2) De Re Beneficiaria Lib. I. quaest. 14. n. 52.

(3) Decis. die XXVI. Iunii 1709. coram Molinaeq. §. *Constitio*.

(4) In Cap. *Postulasti de iurep.*

(5) Decis. 482. Matheronen. Archipresbyt. coram Kaunitz.

(6) Rota par. 16. recent. decis. 234. n. 5. Felin. in Cap. *cum causam* n. 4. de *probat.*

(7) Cap. *Statutum de Rescriptis* in VI.

(8) Cap. *dilecta de excessibus Praelat: Cap. significavit de appellat.*

(9) Commentar. ad cit. cap. *dilecta*.

(10) Barbosa de *Canonic.* cap. 2. n. 6.

(11) Barbosa loc. cit. n. 6: Vivian. de *iurepat.* part. 2. lib. 8. cap. 3.

(12) Rota par. 4. recent. tom. 2. decis. 465.

(13) Barbosa lib. II. *Iur. eccles.* cap. VII. n. 7.

(14) Fagnan. in Cap. *postulasti de iurep.* n. 5., aliique passim.

(15) Rota par. 16. recent. 9. decis. 960. n. 5.

10. Ex animarum cura , quae sit penes Capitulum , licet habitu tantum (1).

11. Ex actibus S. Visitationis, in quibus a Dioecesano Episcopo Ecclesia Collegialis dicatur (2).

XIV. Itaque ex praedictis, aliisque sufficientibus coniecturis Ecclesia existimari debet Collegiata, licet de eius fundatione, et privilegio non constet, ut etiam censuit Sacra Rituum Congregatio (3).

XV. Illud postremo animadvertendum maxime censemus, quod in iure minime praescribatur, ut indicia, et coniecturae, quas exposuimus simul concurrant in eadem Ecclesia, ut collegialibus gaudeat praerogativis, sed aliquas ei inesse satis erit, iuxta decisionem S. Rotae (4), ex quibus illius status argui possit.

C A P. IV.

De unione beneficiorum.

I. Per unionem erecta beneficia mutantur , augentur , deminuntur , supprimuntur.

II. Unio seu ad vitam , seu temporanea intuitu personarum omnino vetita.

III. Perpetua vero , et realis ob utilitatem Ecclesiae permittitur.

IV. Quae vel aequae principalis , vel accessoria est.

V. Aequae principalis conservat singulis beneficiis unitis statum suum.

VI. Sed accessoria extinguit , ac supprimit statum unius , et alteri subiicit.

VII. Cathedralis Ecclesias unire Sedes Apostolica solummodo potest , ac solet ea in re voluntatem Regis requirere.

VIII. Beneficia vero cuiusque dioecesis proprius ut Episcopus uniat: inferiores Praelati, et Ordinarii locorum potestate uniendi destituuntur.

IX. Qua nihilominus potitur Capitulum Sede vacante sine possessorum praeiudicio.

X. Reservata vel affecta , vel devoluta ad Summum Pontificem ob Ordinarii negligentiam beneficia non potest Episcopus unire iure ordinario , et generali.

XI. Sed parochialibus primum Ecclesiis egenis, ut Episcopus uniat etiam affecta , et reservata , iure speciali cautum est.

(1) Lotter. quaest. 14. n. 93.

(2) Rota decis. 482. coram Ludovico.

(3) S. Congregat. Rit. in una Capituloquens. 16. Ianuar. 1620.

(4) Rota decis. 584. n. 2. par. 4. div.

- XII. Secundo in favorem Seminarii.*
XIII. Post vacationem vero, necnon fixae, continuaequae reservationi obnoxia beneficia Pontifices vetarunt Seminario uniri.
XIV. Benedictus XIV. unionem, nonnisi post novam taxam in subsidium permisit pro Seminariis.
XV. Regni Neap. mores a Seminarii taxa, et unionem non eximunt Mensas Episcopales, Capitula, et beneficia liberae collationis.
XVI. Unionem nulla resignatio et provisio impedit ex Tridentino, cui tamen Summus Pontifex in praxi derogare solet.
XVII. In Cathedralibus, et Collegiatis insignibus Episcopi cum consensu Capituli possunt praebendis tenuibus beneficia simplicia etiam unire.
XVIII. Exponitur ea in re decretum Tridentinum.
XIX. Canonico Poenitentiario praebenda primo vacatura uniri debet.
XX. Necnon Canonico Theologo.
XXI. Benedictus XIII. utrique Canonico ut praebenda primo vacatura constituitur, iterum sanxit.
XXII. Unius dioecesis beneficia cum illis alterius unire non licet.
XXIII. Nec parochiales Ecclesias monasteriis, abbatiis, aut praebendis.
XXIV. Nec beneficia liberae collationis beneficiis de iure patronatus, nec vicissim haec illis sine consensu patronorum.
XXV. Uniones Apostolica etiam auctoritate factae, nonnisi ex legitimis causis coram Ordinario rite ostensis, vocatisque vocandis adprobantur.
XXVI. Antiquas uniones in favorem Ecclesiarum iurispatronatus potestas laica tuetur.
XXVII. Regula Cancellariae praescribit in unionibus expressionem certi valoris, litterasque pontificias committi ad partes, vocatis vocandis.
XXVIII. Alia regula uniones a Papa defuncto factas, effectumque non sortitas revocat.
XXIX. Sex praecipuae quaestiones in causis unionem excutari solent.
XXX. Quaestiones de unionum validitate, aut nullitate ex adiunctis rerum, et legibus congruis definiendae.
XXXI. Ob necessitatem, vel utilitatem Ecclesiae tantum unio canonibus permittitur.
XXXII. Quorum interest, ii omnes vocandi, et audiendi.
XXXIII. Tacita veritas, vel exposita falsitas enervat vim unionis.
XXXIV. Ante unionem, vel eius executionem citandi, audiendi sunt patroni, possessores beneficiorum, Capitulum, vel Deputati pro Seminario, omnesque generatim interesse habentes.

XXXV. Cathedralium unio post maturam rei discussionem facta nullas fere quaestiones palitur.

XXXVI. Secus, ante quam fiat.

XXXVII. In dissolvenda unione eae ipsae leges, et conditiones fere usuveniunt.

I. Erecta beneficia non semel mutationem, augmentum, deminutionem, aut suppressionem unione canonica sortiuntur: quam Rebuffus definit esse adnexionem beneficiorum, seu Ecclesiarum ab Episcopo, vel alio Superiore factam (1).

II. Olim fieri solebat saepius contemplatione alicuius personae ad eius vitam duratura, quae ideo per illius mortem expirans, appellabatur unio *temporanea*, seu *personalis*. Sed eam improbant sacri canones (2). Synodus etiam Tridentina sancivit, ne plura beneficia incompatibilia per viam unionis ad vitam reciperentur, aut retinerentur (3). Quoniam docente Fagnano unio ad vitam non est proprie unio, sed magis quaedam palliata dispensatio prohibita pluralitatis (4).

III. Vera unio perpetua, et realis est, quae sit contemplatione Ecclesiae ob causam publicae utilitatis, vel necessitatis, posthabito respectu personarum, eaque lege, ut in perpetuum duret.

IV. Dividitur in *socialem*, seu *aeque principalem*, et *servilem*, seu *inaequalem*, quam *subiectivam*, vel *accessoriam* nuncupant. Alterutra earum species ex tenore decreti, et bullarum unionis inspicienda est: et ubi haec deperiverint, ex observantia, et usu rerum, qua vetusto, qua recentiori, quae suam, ut effectus causam plerumque indicant.

V. *Socialis*, aut *aeque principalis* unio suum cuique Ecclesiae primarium statum, dignitatem, iurisdictionem, omniaque iura cum singulis honoribus, et oneribus integra, et immota conservat: perinde ac si essent duae verae Ecclesiae sub unius regimine titularis beneficiarii, seu rectoris. Haec fere numquam usurpatur in beneficiis inferioribus. At in Ecclesiis Cathedralibus non raro occurrit (5), quarum unaquaeque, ut ante unionem, sic suo subest Metropolitano post unionem (6). In collationibus idcirco, atque impetrationibus utraque debet nominatim exprimi.

VI. *Servilis* vero, seu *accessoria*, seu *subiectiva*, in beneficiis inferiori-

(1) Rebuff. in *prax. benef. par. 1. tit. de unionibus*.

(2) Conc. Toletanum XVI. in can. unio 3. C. 10. qu. 3. constituit, ut plures Ecclesiae uni nequaquam committantur Presbytero: quia solus per totas Ecclesias nec officium valet persolvere, nec populis sacerdotali iure occurrere, sed nec res easum necessariam curam impendere.

(3) Trid. in cap. quicumque 4. sess. 7. de reform.

(4) Fagnan. in cap. exposuisti 33. de praeb. num. 6.

(5) Instante Carolo Utriusq. Sic. Rege Benedictus XIV. Collegiatam Ecclesiam Terlitii in Cathedrali primo erexit, eamque continuo uniit aequae principaliter cum Episcopali Ecclesia Iuvenacii hac lege, ut una alteri subiecta nullimode foret, sed ambae Concathedrales per se constiterent ex aequo. Id liquet ex *const. Unigenitus* XIV, seu pontificiis bullis sub pumblo datis 16. Nov. 1749., et impressis to. III. Bullarii eiusdem Pontificis, ubi formam licet huiusce unionis inspicere.

(6) Ex traditis a Fagnano in cap. novit 1. ne Sede vacante.

bus frequentior, nomen, ac statum unius, vel plurium beneficiorum destruens, et immutans, alteri Ecclesiae, aut beneficio tamquam superiori, et principali adeo subiecat Ecclesiam unitam velut inferiorem, et accessoriam, ut haec talem sortita unionem nullas retineat prioris status prerogativas: sed efficiatur membrum, seu praedium, seu pars alterius, titulumque simul. et naturam amittat suam, manentibus tantum oneribus, et proventibus (1). Adsumit autem illius, cui unita est, nomen, ipsiusque privilegiis gaudet, et usibus se conformat (2). At iura propria non smittit, quae ad Ecclesiam principalem, cui est unita, transferuntur (3). Quomodo nec iura, quae diversis dioecesanis debentur, unio isthaec minuit, nec laedit, nec mutat (4). Tertiam speciem addit Emmanuel Gonzalez (5), quae duae Ecclesiae ita in unum veluti corpus commiscuntur, et coalescunt, ut una ex duabus fiat. Sed hanc ipsam ab altera specie unionis accessoriae, sc. subiectivae puto nil differre.

VII. Cathedrales Ecclesias insimul unire potest Summus dumtaxat Pontifex plenaria, qua pollet potestate in universi orbis Ecclesiis (6): quemadmodum Rex duas provincias, plurave regna potest in unum redigere (7). Discretio autem potestatis spiritualis a temporali lure divino constituta postulat, ut episcopales Sedes, Ecclesiaeque Cathedrales mundanis provinciarum, et civitatum mutationibus, quae temporali Regum potestate fiunt, minime subiacent (8). Verum consuevit Sede Apostolica volunta-

(1) Idem Benedictus XIV. petitionibus Caroli Emmanuelis Sardiniae Regis indulgens Cathedralem Ecclesiam erexit in oppido Pinarolii Prov. Taurinensis, in quo Abbas S. Mariae Ord. Cisterciensis, iurisdictionem quasi episcopalem habebat, Sedemque Episcopalem statuens in Collegista Ecclesia S. Donati eiusdem oppidi, huic alteram S. Mauriti collegialem Ecclesiam submisit, et *subiectiva* uniono adnexuit: *cons. in sacrosancta* 66. quam dedit 23. Dec. 1748, tom. II. Bullar.

(2) Alex. III. in *cap. recolentes* 3. *de statu monachorum*.

(3) B. Gregor. M. in *cap. quia monasterium* 2. *de relig. domib.*

(4) Honor. III. in *cap. sua nobis* 9, et *fin. de confirm. utili*. Monasterium in fundo Marciano Dioecesis Nucerae in Campania situm, quod hostilitas Longobardorum ita desolavit funditus, ut ne unus inibi monachus superfuisset; B. Gregorius M. Monasterio Surrentino ea lege univit cum omnibus bonis, et actionibus ipsius, et Abbati Agapito utriusque regimen demandavit, ut sua cuique iura Surrentino, et Nucerae Episcopis inviolata servarentur, in eoque idcirco non Surrenti, sed Nucerae Praesul iurisdictionem dioecesanam haberet, *cap. ne rebus* 2. *de relig. domib.* Confer Alex. III. decretalem in *cap. cum saeculum* 13. *de iurep.*

(5) Gonzalez in *cap. sicut unire* 8. *de excess. Praelat.*, ubi laudat *cap. recolentes* 3. *de stat. monach.*, et *cap. cum dilectus* 6. *de his, quae vi.*

(6) S. Greg. M. *can. et temporis* 44., et *can. postquam* 45. *C. 16. qu. 1.*

(7) Nov. VIII., et XXIV. Imperiali auctoritate non semel civitates, populi que diversi coaluerunt in unum, sicut Albani, et Romani apud Livium: de quibus ita canit Ovid. *fastor. lib. VI.*

Haec ubi narravit, Tacitum, sortemque Quirinum

Binaque cum populis regna coisse suis.

Et lae communi socios, generosque receptos:

Illa nomen iunctis Iunius, inquit, habet.

(8) Nicol. I. in *can. lege Imperatorum* 1. *dist. 10.* haec S. Innocentium I. descripsisse ad Alexandrum Antiochenum Episcopum tradit. *Seiscritariz. utrum divisis imperiali iudicio provinciis, ut duae metropoles fiant, sic duo metropolitan*

ti Regum, et Principum saecularium obsecundare quum in erigendis novis, tum uniendis, seiungendisve antiquis Cathedralibus Ecclesiis (1). Legato autem a latere nequaquam licebit duos episcopatus insimul unire, nec unum in duos viceversa discindere sine mandato speciali Sedis Apostolicae: quamvis ei pontificias vicos Papa generatim mandaverit (2).

VIII. Sicuti unire Episcopatus, atque potestati subicere alienae, ad Summum Pontificem pertinere dignoscitur: ita Episcopi est Ecclesiarum suae Dioecesis unio, et subiectio earum, Coelestinus III. rescripsit (3), quoniam plenam obtinet dispositionem Episcopus Ecclesiarum omnium suae Dioecesis (4). Sed ut Episcopi dispositio sit legitima, consensus est Capituli sui requirendus (5). Iure communi, et ordinario: secus ubi Tridentina Synodus, vel Sedes Apostolica speciatim nonnullas unionum species mandat Episcopis, posthabito etiam Capituli consensu. Inferiores autem Praelati, et Abbates, quamvis ordinariam habeant iurisdictionem, nequeunt beneficia unire. Nam Coelestinus III. quum rescripsisset facultatem eiusmodi ad Episcopos pertinere: sane videtur Ordinarios locorum Episcopis inferiores exclusisse (6). Quare consentientibus Abbatibus Episcopus dioecesanus unionem conficiet in casibus a Iure permissis (7): nisi praescriptio longaeva talem Abbatibus potestatem quaesivisset, quoniam iura eiusmodi episcopalia praescribi non prohibent sacri canones (8). Vicario Episcopi nec etiam licebit sine mandato speciali uniones beneficiorum conficere (9), quia exceptas insimul cum iure conferendi.

IX. Sed Capitulum episcopali Sede vacante valet unionem conficere, et comprobare: propterea quod ea pertinet ad Episcopalem non Ordinem, sed iurisdictionem. Potestas autem iurisdictionis ad Capitulum, seu Capi-

Episcopi debeant nominari? Non visum est ad mobilitatem necessitatum humanarum Dei Ecclesiam commutari, honoresque, aut divisiones perpeti, quas pro suis causis faciendas duxerit Imperator. . . Ecce quemadmodum imperiali iudicio verbis suis Nicolaus inquit, non possunt ecclesiastica iura dissolvi.

(1) Innocentius III. in cap. 1. ne Sede vacante aliquid innovetur, collaudat Regis postulationem pro dissolvenda unione Ecclesiae Glastoniensis cum Bathoniensi, quam suus fecerat praedecessor. Ecclesiam Terlitii hoc in Regno erectam in Cathedrali a Benedicto XIV., praevia Regis Caroli postulatione, aliamque Pinarolii in provincia Taurinensi ad petitionem Sardiniae Regis, cum unione congrua alterius Ecclesiae paullo superius dictum est.

(2) Innoc. III. in cap. quod translationem 4. de offic. legati.

(3) Coelestin. III. in cap. sicut unire 8. de excess. Praelator.

(4) Innoc. III. in cap. nisi specialis 3., et cap. quod translationem 4. de offic. legati. Consonat apocrypha ep. Anacleti in can. una quaeque 15. C. 3. qu. 6.

(5) Innocentius III. in cap. pastoralis VII. de donat. et cap. tua nuper VIII. de his, quae fiunt a Praelat. sine cons. Capit. Gonzalez in cit. cap. sicut unire num. 4.

(6) Coelest. III. in cit. cap. sicut unire. Idipsum arguit Rebuffus in prax. benefic. tit. de unionibus num. 32.

(7) Clement. ne in agro 9. adhaec de statu monachor. et cit. cap. sicut unire.

(8) Innoc. III. in cap. auditis XV. de praescript., et cap. cum venissent VI. de institutionibus, et Gl. in Clement. 1. de reb. eccles. non alien. verb. proprii.

(9) Rebuff. in prax. benefic. tit. de union. benef. num. 37. Gallemort. in remiss. ad idem. cap. 15. Trid. sess. 24. tit. 6.

tularem Vicarium tota pertransit ex communi Doctorum sententia (1) : dummodo nil detrahat ipsa iuribus episcopalibus (2). Quo igitur iure nequit Capitulum conferre beneficia ad liberam solius Episcopi collationem spectantia (3), eodem prohibetur per viam unionis disponere de talibus beneficiis, iura episcopalia tunc diminuentis (4).

X. Episcopum iuro ordinario non posse reservata, et affecta Sedi Apostolicae beneficia unire, praeterquam in nonnullis casibus mox edisserendis, iam liquet. Sed ea ipsum posse unire beneficia suae Dioecesis, dummodo non sint exempta, quorum collatio ob suam negligentiam esset devoluta ad Papam, censet Barbosa (5): ea innixus ratione, quod aliud sit ius devolutionis a iure unionis. *Devolutio* enim refertur ad titulum, impediens, ne Episcopus titulum, seu perpetuam beneficii devoluti administrationem conferre valeat: *unio* autem respicit proprietatem, seu originariam, directamque Episcopi potestatem super omnibus suae Dioecesis beneficiis. Propterea negligentiae poenam non extendi a casu devolutionis ad casum unionis opinatur. At S. Congregatio Concilii contra censuit Episcopo ius non esse devoluta ad Sedem Apostolicam beneficia uniendi, tamquam affecta, et reservata in ipso unionis tempore (6).

XI. Ex Tridentino autem decreto possunt Episcopi etiam tamquam Sedis Apostolicae delegati iuxta formam iuris, sine tamen praesudicio obtinentium, facere uniones perpetuas quarumcumque Ecclesiarum parochialium, et baptismalium, et aliorum beneficiorum curatorum, vel non curatorum cum curatis propter earum paupertatem, et in ceteris casibus a Iure permissis: etiamsi dictae Ecclesiae, vel beneficia essent generaliter, vel specialiter reservata, aut qualitercumque affecta. Quae uniones etiam non possint revocari, nec quoquo modo infringi vigore cuiuscumque provisionis, etiam ex causa resignationis, vel derogationis (7). Si plebs autem offerat inopi Ecclesiae parochiali congruam dotem, vel necessariae ad eam restaurandam impensas: tunc non licebit Episcopo expaupertatis causa ipsam alteri parochiae unire; sed tempus indicere sufficiens, in quo promissa possit plebs adimplere (8). Et ubi plebs unioni adversetur probabilem causam exponens, audienda est: quum sua intersit proprium in sua Ecclesia parochum habere (9). Ut autem iuris forma servetur, consensus Capituli, et patronorum concurrere simul debet (10). Synodus enim Tridentina cum uniones beneficiorum hoc decreto Episcopis mandaverit iuxta formam iuris; ius vero commune praesertim

(1) DD. in cap. un. de maiorit., et obedient. in VI.

(2) Rebuff. in prax. benef. tit. de devolutione num. 100.

(3) Honor. III. in cap. illa II. ne Sede vacante.

(4) Gonzalez in cit. cap. sicut unire 8. de excess. Prael. num. 4.

(5) Barbosa lib. V. Jur. eccles. cap. 16. num. 31.

(6) S. Congr. Conc. in Sulmonensi 13. Iunii 1711, apud Rigant. to. 2. in comm. ad Reg. 13. Cancell. num. 122, ex pluribus DD. sententia.

(7) Trid. in cap. ut etiam 5. sess. 21. de reform.

(8) Ex decreto S. Congr. Conc. in Aversana 5. April. 1704, apud Rigant. to. 2. commentar. in Reg. 13. Cancell. num. 137.

(9) S. Congr. Conc. in Fulginatensi 21. Nov. 1722., Wan. Espens. par. 2. Jur. eccl. tit. 29. cap. 3. num. 15. Rigant. to. 2. in Reg. 22. Cancell. n. 61.

(10) Ex cap. novit 4. quanto 5. tua nuper 8. et cap. pastoralis 9. de his, quae sunt a Prael. sine cons. Capituli.

Clementinarum generatim Capituli consensum in unionibus episcopali auctoritate faciendis exigit (1) : colligitur exinde capitularem Canonicorum consensum omnino requiri (2), eumque valere, tam si praecesserit, quam si concomitetur, vel subsequatur unionem (3). Si vero Capitulum sine probabili causa dissenserit: S. Congregatio Concilii, re cognita, consuevit Episcopis expositam unionem, eo non obstante, permittere (4).

XII. Praeterea pro Seminario episcopali adolescentium substando, quia ad collegii fabricam instituendam, et mercedem praeceptoribus, et ministris solvendam, et ad alendam iuventutem, et ad alios sumptus certi redditus erunt necessarii. . . *Episcopi cum consilio duorum de Capitulo, itemque duorum de Clero civitatis. . . ex fructibus integris mensae episcopalis, et Capituli, quorumcumque beneficiorum Dioecesis partem aliquam, vel portionem detrahent; et cum portionem sic detractam, nec non beneficia aliquot simplicia cuiuscumque qualitatis, et dignitatis fuerint, vel etiam praestimonialia; vel praestimonialia portiones nuncupatas, etiam ante vocationem sine cultus divini, et illa obtinentium praeiudicio, huic collegio applicabunt, et incorporabunt. Quod locum habeat, etiamsi beneficia sint reservata, vel affecta: nec per resignationem ipsorum beneficiorum, uniones, et applicationes suspendi vel ullo modo impediri possint: sed omnino quaecumque vacatione, etiamsi in Curia, effectum suum sortiantur, et quaecumque constitutione non obstante, ex alio eiusdem Tridentinae Synodi decreto (5). Si formam hanc Tridentinam non servaverit Episcopus in unione beneficiorum: ea remanebunt Sedi Apostolicae reservata (6). Itaque in primis consilium quatuor Deputatorum antea exquirat necesse est ad necessitatis causam expendendam: tametsi illud si fuerit negantium, sequi non cogitur (7): nec poterit id ipsum consensus totius etiam Capituli supplere (8) 2, quod erectum revera sit, non erigendum Seminarium (9) 3, quod taxa praeces-*

(1) Clement. si una 2. de reb. Eccl. non alienand.

(2) Ex iteratis S. Congr. Cone. decretis, Rotaeque Romanae decisionibus, et probatis Doctorum auctoritatibus apud Rigan. loc. cit. num. 139: quidquid aliter nonnulli senserint.

(3) Gonzales in cap. sicut unius de excess. Praelat. num. 5. Rota dec. 318. num. 41. par. 5., et alibi apud Rigan. loc. cit. num. 142.

(4) Praevertim Episcopo Fulginatensi die 21. Nov. 1722, et die 30, Ian. 1723, opud Rigan. ibidem num. 143.

(5) Trid. in cap. cum adolescentium aetas 18. sess. 23. de ref.

(6) Rota par. 13. rec. dec. 307. num. 20. et 21. Cong. Datariae 21. Decemb. 1703. contra Episc. Ferentinum, apud Rigan. to. 1. in Reg. 1. Cancell. §. 10. num. 42. et 43. Haec enim Regula l. Cancellariae cit. §. 10., et ult. palam reservat Sedi Apostolicae beneficia omnia, de quibus per Ordinarios locorum, aut alios collatores contra Concilii Tridentini decretorum formam dispositum fuerit.

(7) Rota in Nucerina paganorum beneficii 6. Iunii 1702. §. hoc autem, et 28. Novemb. eiusdem anni §. paruit coram Crispo dec. 149. et 171. apud Rigan. to. 2. in Reg. 13. Cancell. num. 86.

(8) Rigan. to. 2. in comm. ad Reg. 13. Canc. num. 8.

(9) S. Congr. Cong. in Giennensi an. 1588. approbante Xysto V. per litteras in forma Brevis datas 26. Octobris eiusdem anni, et in Nullius 8. Iunii 1595, censuit unionem beneficiorum ab Episcopo factam Seminario reipsa, et nondum erecto nullam, et irritam esse. Tum in Nullius 3. Martii 1597. censuit non posse uniri beneficia Seminario, si iuxta formam ipsius Concilii unionis tempore minime ere-

serit super ecclesiasticis redditibus mensae episcopalis, et Capituli, et beneficiorum omnium dioecesis (1): 4. quod non omnia dioecesis beneficia, nec maxima eorumdem pars, sed aliquot solum uniantur (2): 5. quod unienda beneficia sint simplicia, scilicet sine cura animarum (3), et sine oneribus residentiae (4), vel hospitalitatis (5), nec sint regularia (6): 6. quod alia ad liberam sui collationem pertinentia beneficia non omiserit Episcopus antea unire, quoties reservata, vel affecta uniat (7): 7. quod fixae, et continuae reservationi, vel affectioni obnoxia non sint beneficia (8).

etum fuerit, utpote nec magistris, nec scolariis actu existentibus. Idipsum declaravit in *Lyciensi unionis* 19. Maii 1171. et Rota saepius apud Rigan. *to. 2. in Reg. 13. n. 55.* At contra Hieronymus Gonzalez in *Reg. VIII. glos. 5. §. 7. num. 75.* cum Gratiano, Amostaz, et aliis putat unionem futuro Seminario siue fraude factam valere, quamvis nec domus empta, vel constructa sit, nec alumni, puerique adhuc inibi alantur. Nimirum si proxima sit adolescentium introductio in communem domum interea praeparandam, instruendamque necessario beneficiorum subsidio, ut ne alimenta pueris, et magistris, ministrisque deficient in ipso limine: tunc licere unionem definivit Rota coram Merlino *dec. 837. num. 3.* Rubeus, et Antonellus laudati a Rigan. *ibidem num. 58.* Huic sententiae favent, ni fallor, ea Tridentini decreti verba: *ad collegii fabricam instituendam . . . et ad alios sumptus certi redditus erunt necessarii*, in *cit. cap. 18. sess. 23. de ref.*

(1) Rot. *dec. 361. num. 7. par. 2. rec. et dec. 101. et dec. 833. num. 5. par. 15. rec.* Barbos. *alleg. 77. num. 2. apud Rigan. loc. cit. num. 61.*

(2) Rota in *Tudertina beneficii* 9. Iunii 1711. §. insuper coram Cerro. Hinc Congregatio Datariae probante Alexandro VIII. rescripsit Episcopo Aretino, ut unio viginti quatuor beneficiorum ex sexaginta in ea dioecesi existentibus, quam is fecerat Seminario, suum haberet effectum in septem dumtaxat beneficiis; irritaque in reliquis foret, Rigan. *loc. cit. num. 89.* Qui blas literas refert ad Episcopos Aretinum, et Feretranum datas a Card. Prodatis de mandato Clementis. IX. et Clementis XI. idipsum firmantes.

(3) Beneficia cum animarum cura non esse huic unioni obnoxia, declaravit S. Congr. Conc. in *Ravellensi* 15. Iulii 1645. Rota, *dec. 165. num. 5. par. 13. rec. et dec. 225. num. 1. par. 15.*, Fagnan. in *cap. extirpandae §. quia vero num. 58. de praebend.* Etiam si habitu, non actu parochialem curam adnexam habeant, ex decreto Congr. in *Catacensi* 13. Febr. 1616, et aliis apud Fagnan. *loc. cit. num. 55.* Verum eadem S. Congr. in *Burdigalensi* die ult. Iulii 1625. rescripsit, posse deficientibus in dioecesi beneficiis simplicibus Vicarium curatum in parochiali Ecclesia institui cum congrua reddituum portione, et reliquos ipsius redditus incorporari Seminario. Praeterea in *Eugubina* 24. Maii 1601. censuit pensionem perpetuam super Ecclesia parochiali pro Seminario imponi, Rigan. *loc. cit. num. 93. et 94.*

(4) Quod Canonici Ecclesiarum cathedralium, vel collegiarum, praebendasque residentiam requirentes non liceat Seminario unire, monet Rigan, *ibidem num. 91.*

(5) Rigan. *to. 2. in Reg. 13. Canc. num. 116.* post Fermosini, Pignatelli, Gonzalez, et Corrad.

(6) Rigan. *ibidem num. 110.* cum Fagnano, Gonzalez, et aliis, Rot. *dec. 201. num. 5. par. 2., et alibi.*

(7) Hospitalia, beneficia nimirum, quae onus habent in hospitium excipiendi infirmos, vel peregrinos, pariter eximunt ab ista unionem Doctores, cum Zypaeo *lib. 1. num. 14.*, et Rota in *Bononiensi hospitalis* 6. Iun. 1707. coram Lancelotti, et 16. Decem. eiusdem anni coram Omannz, apud Rigan. *loc. cit. num. 99.*

(8) Regularia beneficia, quamvis collegia regularium sint destituta, et in com-

XIII. Amplam Episcopis largitam a Tridentina Synodo facultatem uniendi Seminariis perinde ante, ac post vacationem reservata etiam, et quomodolibet affecta Sedi Apostolicae beneficia posteriores Romanorum Pontificum constitutiones, ac decreta ad vitandos abusos limitaverunt. A S. Pio V, et Gregorio XIII. decretum ferunt (1), uniones de reservatis beneficiis, quae ante vacationem ipsorum Seminario fierent, valere: post vacationem factas fore irritas, ideoque pontificias eorumdem collationes executioni demandatas. Clemens VIII. die 26. Febr. 1602. probavit sententiam S. Congr. Conc. latam die 22. eiusdem mensis, quod neque ante vacationem beneficia reservationi perpetuae, fixaeque obnoxia ob familiaritatem Cardinalium, vel quamlibet aliam eiusmodi affectionem continuam, Seminariis uniarentur amplius ab Ordinariis locorum (2). Dein Urbanus VIII. Cardinalibus etiam apostolico indulto conferendi reservata fruentibus interdixit uniri Seminario beneficia S. Sedi *tempore unionis quomodolibet reservata, et affecta* (3): fixa nimirum, et immota reservatione.

XIV. At Benedictus XIII. constitutione sua recentiori abrogavit pro Episcopis Italiae, Insularumque adiacentium limitationes eiusmodi, eisque restituit in uniendis Seminario beneficiis iurispatronatus etiam ecclesiastici quomodocumque reservatis, et affectis (Concistorialia tantum excipit) auctoritatem a Tridentinis Patribus concessam, antequam ea vacaverint, sed post confectam super universis redditibus mensae episcopalis, Capituli, et beneficiorum dioecesis taxam, non minorem tribus, nec maiorem quinque in centum, a Romana Congregatione Seminarium probandam: quoties revera Seminarii necessitas unionem eiusmodi postulaverit (4).

memendam dari saecularibus consueverint, non subiacere huic Tridentino decreto, neque uniri Seminario posse docet Fagnanus in *cap. in Ecclesiis de capell. monach. num. 18.*

(1) Garzias de beneficiis par. 10. cap. 2. num. 102., et Corradus in praxi lib. 4. cap. 8. num. 40., et Gallemart in declarat. ad cap. 15. sess. 25. de ref. num. 5.

(2) Apud Fagnan. in *cap. sicut unire* 8. de excess. Praelator. num. 7.

(3) Fagnan. ibidem num. 48.

(4) Benedict. XIII. in *const. creditae nobis* 6. Idus Maii 1795., in *append. Conc. Romani num. 27.* ita sanxit. *Quod si in aliqua dioecesi computatis propriis Seminaril redditibus, si qui sint, nec non beneficiorum antea cum effectu illi unitorum . . . per huiusmodi etiam taxam erectionis, et sustentationis Seminaril ad necessitatem nimirum uniuscuiusque dioecesis, et alumnorum, non autem ad pompam, et voluptatem, sufficienter provideri nequiverit, tunc et eo casu, et in subsidium tantum, ordinari locorum eidem Seminario unire, et applicare possint, ac debeant beneficia simplicia cuiuscumque dignitatis, et qualitatis fuerint, etiam iurispatronatus ecclesiastici, vel quomodocumque affecta, et dispositioni Sedis Apostolicae reservata, sine tamen ullo divini cultus, ac illa obtinentium praeiudicio. Haec porro unio fiat statim, et ante eorumdem beneficiorum vacationem: nempe uniantur beneficia primo loco vacatura usque ad certam annui redditus quantitatem, in ipsa unione specificandam, quae, computata taxa insufficienti, satis esse possit sustentationi certi numeri alumnorum pro unoquoque Seminario designatorum: ipsaeque unio, statim ac beneficia praedicta quomodocumque vacaverint, debitum atque integrum sortiantur effectum, fel. rec. Clementis VIII., ac Urbani pariter VIII., necnon aliorum quorumcumque Romanorum Pontificum praedecessorum nostrorum constitutionibus, vel decretis, in contrarium facientibus, non obstantibus.*

Utque hanc Ordinarii locorum constitutionem observent adamussim. idem Pontifex in Concilio Romano decrevit (1). Mox Cardinalis Corradinus Prodatarius eiusdem Papae mandato edixit die 20. Iulii 1727., uniones beneficiorum S. Sedi affectorum, vel reservatorum, quae ante novam pro Seminario taxam ea ipsa constitutidne imperatam fiant, nullius fore momenti (2).

XV. Huius quidem Regni mores, sc. leges sequo ferunt animo nedum taxam pro Seminario super quibuslibet ecclesiasticis redditibus mensae episcopalis, Capituli, Ecclesiarum, monasteriorum, non vere mendicantium, omniumque beneficiorum dioecesis ad liberam collationem vel Episcopi, vel Sedis Apostolicae pertinentium; sed uniones etiam beneficiorum simplicium liberae item collationis, quae rite fiant ad formam Tridentinam, pontificiarumque constitutionum. Praeterea sunt qui contendunt servandam potius Tridentinam legem Episcopis facultates ampliores largientem in unione beneficiorum reservatorum perinde ante, ac post vacationem, quam limitationes posteriores vario Marte superadditas. Nam Benedicti XIII. constitutio nil aperte definit de unionibus, quae fierent post vacationem reservatorum, utrum irritae, seu irritandae forent, au tolerandae: sed iubet solummodo, ut fiant ante vacationem uniones, sine decreto irritante, aliis post vacationem futuras. Has enim Ipse, abrogatis Clementis, et Urbani VIII., aliorumque praedecessorum decretis, videtur secundum ius Tridentinum, quod ea in re generatim innovavit, iudicandas dimisisse.

XVI. Id vero exploratissimi iuris est, Summum Pontificem et posse, et consuevisse ita Tridentini, ut aliorum generalium Conciliorum decretis derogare (3). Hac ideo supremae qua pollet plenitudine potestatis, consuevit resignationes eiusmodi beneficiorum (quae sint ante vacationem Seminario unita, elque post vacationem incorporandam) in favorem alicuius in manibus ipsius Pontificis factas ex certa scientis admittere, et aliis ea ipsa conferre, suspendens interea effectum unionis cum clausula derogatoria (4): quamvis Tridentinum decreverit, quod *nec per resignationem ipsorum beneficiorum uniones suspendi, vel ullo modo impediri possint*. Quisquis enim ab Apostolica Sede impetrat ex beneficiarii superstitis cessione, vel resignatione tale aliquod beneficium; perspicuis verbis exponat in precibus necesse est illud ipsum illi Seminario esse iam unitum, sed quum vita beneficiario resignanti supersit adhuc, non incorporatum. Id vero si reticuit in litteris pontificiae collationis appareat, vel subdole intermissum: caduca tunc erit collatio apostolica, eamque obreptionis vitio laborantem sustinere generales clausulae derogatoriae nequibunt (5). Nam noluisse tunc praesumitur Papa unionem suspendere, nec Seminario tollere ius quacositum (6). Verum S. Congregatio Concilii saepius cen-

(1) Conc. Rom. an. 1725. tit. 30. de magistris cap. 2.

(2) Rigant. loc. cit. num.

(3) Ex traditis lib. 3. Inst. Canon. tit. 12. num. 14.

(4) Zypeus consult. 6. num. 13. Fagnan. in cap. sicut unire num. 25. de excess. Praetator.

(5) Ex traditis a Rigant in Reg. 13. Cancell. num. 129., et seq. to 2., et decisio a Rota in Tridentina beneficii 9. Iunii 1721. coram Cervo: quidquid aliter censuerat eadem Rota dec. 139., et 171. coram Crispo.

(6) Ex cap. tñi, qui 12. de rescriptis in V4. Ubi Bonifacius VIII. rescripsit, quod

sunt, si in litteris resignationis a Sede Apostolica expeditis apposita est clausula cum suspensione quarumcumque unionum, intelligi etiam suspensas uniones factas Seminario, quamvis nulla illius mentio habita fuerit (1).

XVII. In Ecclesiis cathedralibus et collegiatis insignibus, insuper decrevit Synodus Tridentina, ubi frequentes, adeoque tenues sunt praebendae simul cum distributionibus quotidianis, ut sustinendo decenti Canonico gradui pro loci et personarum qualitate non sufficiant, liceat Episcopis cum consensu Capituli vel aliquot simplicia beneficia, non tamen regularia, iis unire, vel si hac ratione provideri non possit, aliquibus ex iis suppressis cum patronorum consensu, si de iure patronatus laicorum sint (quorum fructus, et proventus reliquarum praebendarum distributionibus quotidianis applicentur) eas ad pauciores numerum reducere: ita tamen, ut tot supersint, quae divino cultui celebrando, ac dignitati Ecclesiae commode valeant respondere: non obstantibus quibuscumque constitutionibus, privilegiis, aut quacumque reservatione generali, vel speciali, aut affectione: neque praedictas uniones, aut suppressiones tolli, seu impediri possint ex quibuscumque provisionibus, etiam vigore resignationis, aut quibusvis aliis derogationibus, vel suspensionibus (2).

XVIII. Ex huius decreti littera collige 1., quod uniri beneficia aliquot simplicia possint singulis praebendis Cathedralium, vel Collegiatarum ob earum tenuitatem, non massae Capituli generatim (3), nec massae distributionum quotidianarum (4), nec sacristiae, nec fabricae, neque capellaniis, aliisve officii earundem Ecclesiarum ad collegium Canonico non pertinentibus (5) 2., quod simul concurrat et praebendarum, et distributionum tenuitas: quum alterutra non sufficiat (6) 3., quod Episcopis, non vero Praeclatis inferioribus arbitrium unionis peragendae tribuatur (7) 4., quod eiusmodi arbitrio liceat, si volint, Episcopis uti: iis autem nolenti-

collationem praebendae proxime vacaturae non suspendat posterior gralam collationis.

(1) S. Congr. Conc. die 19. Septemb. 1625., apud Fagnan. loc. cit. num. 27., Rota par. 1. rec. dec. 303. num. 2., et coram Merlino dec. 717. num. 4.

(2) Trid. in cap. in Ecclesiis 15. sess. 24. de ref.

(3) S. Congr. Conoil. 29. Novemb. 1601. censuit nullam esse unionem beneficiorum mensae Capitulari ab Episcopo factam. Cuiusmodi sententiam probavit Clemens VIII. die 19. Dec. eiusdem anni, apud Fagnan. in cap. exposuisti num. 30. de praeb. et Rigant. to. 2. in Reg. 13. Cancell. num. 149. Idque firmatur ex decreto Conc. Vienn. in Clement. 2. de reb. Eccl. non alien.

(4) Rot. dec. 281. num. 12., et dec. 337. num. 33., et 34. par. 9. rec. Sac. Congr. Cono. cum oraculo Sni, quam collaudat et sequitur Rota coram Peutingerio dec. 208. num. 24., et 28. Card. Bellarm. in declar. ad Conc. Trid. cap. 15. sess. 24. de ref.

(5) Gallemart. in declar. ad cit. cap. 15. sess. 24. de reform. num. 1.

(6) Rigant. to. 2. in Reg. 13. cano. num. 147. Rot. dec. 201. num. 4. par. 9. rec. to. 1. dec. 53. num. 9. par. 11., et dec. 169. num. 4., et dec. 200. num. 8. coram Peutingerio. Distributiones tantum ubi tenues fuerint, sed praebendae pingues, tunc non licebit Episcopo unire beneficia: sed tertiam partem ex fructibus praebendarum detrahet, eamque massae distributionum aggregabit, ex alio Tridentino decreto in cap. cum benef. 3. sess. 21. de reform.

(7) Gallemart. ibidem num. 2., et 5.

bus nequeant Canonici unionem eiusmodi a Metropolitano postulare (1) 5, quod non consilium, sed consensus Capituli accedere ad unionem debeat sive factam, sive faciendam: cuius defectum ideo valeat Capitulum ipsum obicere, alius praeterea nemo (2) 6, quod reservata, et affecta Sedi Apostolicae beneficia nedum ante vacationem, sed etiam postquam vacaverint, recte uniantur (3) 7, quod beneficia viventium possint sine praedicio possessorum uniri eo pacto, ut praebendis tenuibus accrescant, statim ac vacaverint (4) 8, quod Apostolica Sedes valeat scienter suspendere unionis effectum, eique derogare, quoties velit resignationem in aliquis favorem a possessore beneficii factam admittere, beneficiumque resignatario conferre, unionem non obstante (5).

XIX. Ex alio Tridentino decreto *in omnibus etiam Cathedralibus Ecclesiis, ubi id commode fieri poterit, Poenitentiarius aliquis cum unionem praebendae proxime vacaturae ab Episcopo instituitur* (6). Quum nihil de consensu Capituli, neque de reservatis, affectisve Sedi Apostolicae beneficiis dixerit Synodus Tridentina: consequitur nullum Capituli consensum in isthaec unionem requiri (7), nullumque tempore unionis reservatum, vel affectum beneficium posse ab Episcopo uniri praebendae Poenitentiarii, neque hanc ipsam ex reservata erigi praebenda (8). Si vero contigerit Canonici Poenitentiarii, unitaeque ipsi praebendae vacatio in mense apostolico, vel eadem praebenda post unionem evaserit iam reservata, vel affecta: collationem tunc pertinere ad Papam censuit S. Congregatio (9), effectumque unionis legitimae quavis reservatione superveniente impediri (10).

XX. Canonici Theologi officium dat insuper locum unioni. Eadem Tri-

(1) Coelest. III. in cap. *sicut unire* S. de excess. Prael. Gallmart. *ibidem* c. 3.

(2) Gratian. *discept. forens. cap. 27* S. num. 30., apud Gallemar. *ibidem in remiss. lit. 1.* Rigan. *loc. cit. num. 142.*

(3) Fagnan. in cap. *sicut unire* num. 37. de excess. Praelat. et Rigan. *loc. cit. num. 162.*, tenent largitam Episcopis facultatem uniendo quom Parochialibus Ecclesiis egenis ex S. sess. 21. de ref. tum praebendis Cathedralium, et Collegiatarum ex cap. 15. sess. 24. beneficia Sedi Apostolicae reservata, et affecta unionis tempore, postquam ea scilicet vacaverint, integram remansisse post decreta etiam S. Pii V., et Clementis VIII., quae dum vetant Seminaris dumtaxat uniri vacantia beneficia, seu tempore unionis affecta, et reservata, ut supra dictum est: ad ceteras uniones a Tridentino imperatas non sunt extendenda. Quidquid, aliter senserit Gallemar. *loc. cit. num. 6.*

(4) Gallemar. *ibid. num. 6. et ult.*

(5) Eodem scilicet iure, quod usu venit in resignationibus beneficiorum Seminario unitorum, paulo superius expositum num. 26.

(6) Trid. in cap. *Apostolus* S. sess. 24. de reform.

(7) Gallemar. in *declarat. ad hoc cap. 8. sess. 24. num. 1.* Idemque moxet *ibidem num. 3.*, non licere Capitulo, Sede vacante: seu Vicario Capitulari beneficia praebendae Poenitentiarii unire.

(8) Ex decreto S. Congr. Conc. sub S. Pio V., quod collaudat litteras eiusdem S. Congr. iussu Greg. XIII. ad Nunciium Hispano. datis, apud Rigan. *to. 2. incomm. ad Reg. 13. Cancell. num. 164.*

(9) Apud Gallemar. *loc. cit. num. 2.*

(10) S. Congr. Conc. in Columbriensi 12. Aug. 1590., et Rota pluries apud Rigan. *loc. cit. num. 164.*

dentina Synodus decrevit: in *Ecclesiis metropolitanis, vel cathedralibus, si civitas insignis, vel populosa fuerit, aut etiam in collegiatis existentibus in aliquo insigni oppido nullius etiam dioecesis, si ibi Clerus numerosus fuerit, ubi nulla praebenda, aut praestimonium, seu stipendium huiusmodi deputatum reperitur, praebenda quomodocumque, praeterquam ex causa resignationis, primo vacatura, cui aliud onus incompatible iniunctum non sit, ad eum usum ipso facto perpetuo constituta, et deputata intelligatur. Et quatenus in ipsis Ecclesiis nulla, vel non sufficiens praebenda foret: Metropolitanus, vel Episcopus ipse per assignationem fructuum alicuius simplicis beneficii, eiusdem tamen debitis supportatis oneribus, vel per contributionem beneficiatorum suae civitatis, vel dioecesis, vel alias prout commodius fieri poterit, de Capituli consilio ita provideat, ut ipsa S. Scripturae lectio habeatur (1).*

XXI. Neglectam (2) in multis Ecclesiis huius decreti executionem repetiturus Benedictus XIII. constituit: ut in *Cathedralibus quibuscumque Italiae, Insularumque adiacentium, in quibus praebenda theologalis hactenus instituta non fuerit, praebenda primo vacatura post eiusdem praesentis constitutionis promulgationem sive ad nos, ait, Sedemque Apostolicam, sive ad Ordinarios illius collatio, atque provisio pertineat, ipso iure, et absque ulla alia declaratione, sit, ac esse censeatur praebenda theologalis constituta. . . . Quoties autem praebendas collatio ad S. Sedem spectabit, Episcopus ad Romanum Pontificem acta concursus transmittere teneatur. . . . Quod si Episcopus primo vacaturam praebendam contra formam in praesenti constitutione praescriptam conferre praesumpserit. . . . illius collatio, atque provisio ipso iure nulla, et irrita sit. . . . ubi praebenda theologalis, computatis etiam distributionibus quotidianis, ad annum saltem redditum scutorum sexaginta monetas Romanae non ascendat, pro summa deficiente iidem Episcopi unire possint, et debeant eidem praebendae aliquod simplex beneficium, cuius supplemento praedicta summa conficiatur, primo vacaturum in quocumque mense, et qualitercumque, ac quomodocumque Sedi Apostolicae affectum, et reservatum: exceptis consistorialibus perpetuo reservatis. Eaque omnia observari adamussim voluit etiam in *Canonici Poenitentiarum institutione in illis Cathedralibus, in quibus nondum fuerit institutus (3).**

XXII. *Unius vero dioecesis beneficium, etiamsi parochiales Ecclesiae, vicariae perpetuae, aut simplicia beneficia, seu praestimoniales portiones fuerint, etiam ratione augendi cultum divinum, aut numerum beneficiatorum, aut alia quacumque de causa, alterius dioecesis beneficia, aut monasterio seu collegio, vel loco etiam pro perpetuo non uniantur decrevit Synodus ipsa Tridentina suum de unionibus decretum declarando (4).*

(1) Trid. in cap. eadem 1. sess. de reform.

(2) Vel suspensionem, seu dilataam ex defectu personae ad Sac. Scripturam exponendam idoneo. Nam a S. Pio V., et Greg. XIII. decretum fert Gallemart. in *declarat. ad istud Trid. cap. 1. sess. 5.*, quod collatio huius praebendae, et Canonicatus, donec reperiat inter saeculares presbyteros idoneus theologus, suspendenda sit.

(3) Bened. XIII. in *const. pastoralis*, data Romae 14. Kal. Iunii 1725., in *Conc. Rom. append. n. 2.*, quam Episcopis observandam imperavit in *Conc. Rom. tit. 1. cap. 6.*

(4) Trid. in cap., et quin. 9. sess. 14. de reform.

XXIII. Statuit insuper, ut in unionibus quibuscumque, Ecclesiae parochiales monasteriis, aut abbatibus, seu dignitatibus, seu praebendis Ecclesiae Cathedralis, vel Collegiatae, sive aliis beneficiis simplicibus, aut hospitalibus, militibus non uniantur, et unitae sunt, revideantur ab Ordinariis (1). Nam praerogativa curae animarum, quae potior in iure est, non patitur Ecclesias parochiales, velut famulas, et accessorias aliis accrescere tali cura destitutis. Quod vero Ecclesiam iurepatronatus possit religiosae domui dare patronus cum auctoritate Episcopi, scilicet Episcopus cum consensu patronorum unire, Alexander III. rescripsit (2).

XXIV. Beneficia item libera Ecclesiis de iurepatronatus uniri nequeunt, atque uniones tamquam subreptionis irritantur, quamvis apostolica auctoritate confirmatae. Ita enim decrevit Synodus Tridentina: *accessiones per viam unionis factae de beneficiis liberis ad Ecclesias iurepatronatus etiam laicorum subiectas, tam ad parochiales, quam ad alia quaecumque beneficia etiam simplicia, seu dignitates, vel hospitalia, ita ut praedicta libera eiusdem naturae cum iis, quibus uniuntur, efficiantur, atque sub iurepatronatus constituentur. Hae si nondum plenarium sortitae sunt effectum, vel deinceps ad cuiusvis instantiam fient, quaecumque auctoritate etiam apostolica concessae fuerint, simul cum unionibus ipsis per subreptionem obtentae intelligantur; non obstante in iis quaecumque verborum forma, seu derogatione, quae debeat pro expressa, nec executioni amplius demandantur; sed beneficia ipsa unita cum vacaverint, libere, ut antea, conferantur. Quae vero a 40. annis citra factae effectum, et plenam incorporationem sunt consecutae; hae nihilominus ab Ordinariis, tamquam a Sede Apostolica delegatis revideantur, et examinentur, ac quae per subreptionem, vel obreptionem obtentae fuerint, simul cum unionibus irritae declarantur, ac beneficia ipsa separantur, et aliis conferantur (3). Et beneficia de iurepatronatus numquam licebit sine consensu patronorum cuius conferre, multoque minus unire (4).*

XXV. Fraus ut nulla fiat his legibus, debent Ordinarii locorum prospicere. Nam cautum a Patribus Tridentinis est, ut uniones perpetuae a quadraginta annis citra factae, examinari ab Ordinariis, tamquam a Sede Apostolica delegatis possint: et quae per subreptionem, vel obreptionem obtentae fuerint, irritae declarantur. Illae vero, quae a dicto tempore concessae nondum in toto, vel in parte sortitae sunt effectum, et quae deinceps ad cuiusvis instantiam fient, nisi eas ex legitimis, aut alias rationalibus causis coram loci Ordinario, vocatis quorum interest, verificandis factas fuisse constiterit, per subreptionem obtentae praesumantur: ac propterea nisi aliter a Sede Apostolica declaratum fuerit, viribus omnino careant (5).

XXVI. Ad rem hanc etiam pertinet Cancellariae Regula XXII. de unionibus, et unionum confirmatione (6), statuens, ut petentes beneficia ecclesia-

(1) Trid. in cap. quoniam 13. sess. 24. de reform.

(2) Alex. III. in cap. quod autem 5. de iurepatr.

(3) Trid. in cap. sicuti legitima IX. sess. 26. de reform. Ratio enim postulat, ut eandem habeant, quoad fieri potest qualitatem unienda beneficia. Huc spectat decretalis Innoc. III. in cap. tua nuper 8., et cap. pastoralis 9. de his, quae fiunt a Prael. sine cons. Capit.

(4) Alex. III. in cap. ex insinuatione 14. de iurepatr.

(5) Trid. in cap. uniones 6. sess. 7. de res.

(6) Quas edixit Benedictus XIV. Cancellariae pontificiae Regulas, et Io. B. Ri-

stica aliis uniri teneantur exprimere verum annum valorem secundum communem aestimationem tam beneficii uniendi, quam illius, cui uniri patitur: alioquin unio non valeat, et semper in unionibus commissio fiat ad partes, vocatis, quorum interest. Et idem voluit observari in quibusvis suppressionibus, perpetuis concessionibus, dismembrationibus, et applicationibus, etiam de quibuscumque fructibus, et bonis ecclesiasticis, ac etiam in confirmationibus unionum, singularumque dispositionum huiusmodi. Hanc Regulam in Gallia receptam Rigantius tradit (1), nostrisque regni moribus nil offidere palam est. Nam tres omnes ipsius articuli; narratio veri valoris imperata, delegatio iis, qui adsint, ubi unienda beneficia sunt, et conditio eos, quorum interest, vocandi aequitatem iustitiamque undelibet spirant.

XXVII. Alia insuper Cancellariae Reg. XIII. omnes quum uniones, tum suppressiones quorumlibet beneficiorum a Pontifice praedecessore factas aliis Ecclesiis, monasteriis, et mensis etiam capitularibus, dignitatibus, personatibus, officiis, beneficiis, ac piis, et aliis locis, universitatibus etiam studiorum generalium, et collegiis, etiam in favorem Cardinalium, seu Ecclesiis, monasteriis, et beneficiis per eos obtentis, quae suum non sunt sortitae effectum, dum idem ipse Pontifex viveret; ac quascumque concessionis, et mandata super unionibus, adnexionibus, incorporationibus, et aliis praemissis, Benedictus XIV. exempla Bonifacii VIII., aliorumque Pontificum praedecessorum suorum sectatus revocavit, cassavit, irritavit, nulliusque decrevit existere firmitatis, non obstantibus clausulis molus proprii, aut certae scientiae, nec concistorii auctoritate, nec iure quaesito, effectuque nunc pro tunc tributo. Exemptos ab huiusmodi revocatione dumtaxat voluit uniones gestas Concilii Tridentini auctoritate, nec non pro fundatione, seu dotatione, augmento, vel conservatione collegiorum, et aliorum piorum, et religiosorum locorum ad Fidei catholicae defensionem, et propagationem, bonarumque artium cultum (2).

XXVIII. Varias tot leges ecclesiasticae pro diversis unionum speciebus, et qualitatibus latae, ac dissentaneis interpretamentis expositae quum negligentur, et violentur saepius: quaestiones inde multiplices emergunt. 1. scilicet, an Episcopus, vel Praelatus ordinarius rite confecerit unionem iuxta constitutiones Tridentinas, et pontificias, moresque regni? 2., an rescindenda sit, vel confirmanda potius Apostolicae Sedis auctoritate unio ab Episcopo gesta de beneficiis praesertim reservatis, et affectis, vel aliis vetitis? 3., an publicae necessitatis, vel utilitatis causa concurrat ad unionem, vel faciendam, vel confirmandam, vel exequendam? 4., an expediat denegatum vel defectivum Capituli consensum supplere auctoritate Sedis Apostolicae, vel S. Congregationis Concilii? 5., an subreptionis, vel obreptionis vitium irrepperit in pontificiis litteris unionem, vel indulgentibus vel confirmantibus? 6., quinam sint vocandi, seu audiendi vel ante, vel post unionem, et quorum ea intersit?

XXIX. Prima, et secunda quaestio solvitur ex peculiaribus cuiusque unionis adiunctis, quae in facto versantur, ac debent in iudicio ex actis li-

gantius eximii commentariis Illustravit, ex iis abhinc proferam singularum et verba, et numeros ab antiquis aliorum Pontificum Regulis monuit discrepantes.

(1) Rigant. to. 2. comment. in Reg. 22. num. 37.

(2) Regula 13. de revocatione unionum, apud Rigant. to. 2.

quere; ut ortum inde, quaesitumque ius alterutri litigantium recte iudex tribuat secundum eam Ecclesiae legem ex variis iam recitatis, quae rei controversae congruit.

XXX. Ad tertiam quod spectat quaestionem, si evidens necessitas, vel utilitas exigit, unionem fieri canones tunc solum indulgent (1). *Necessitas* occurrit, ubi duo Ecclesiae sint adeo pauperes, ut ad victum duorum, qui eis distincte inserviant, non sufficiant (2), vel populus, plebsve nimium decreverint (3). *Utilitas* occurrit, quoties fructuum tenuitas in causa est, ut vel si qua ab hostibus destructa, seu desolata Ecclesia sit (4), viros minus idoneos ad serviendum Ecclesiis cogantur Praesules admittere, ad easque non valeant digniores allicere (5); aut vicinitas locorum, et conditio temporum videatur unionem communi bono postulare (6), aut educatio adolescentium in Seminario indigens subsidio; annuorum reddituum, aut divini cultus augmentum. His deficientibus causis, quomodo exceptio firmet regulam in contrarium: periode unionem beneficiorum, ac mutationem quamlibet status Ecclesiarum antiqui canones vetant, quam nec ulla necessitas, nec ecclesiastico prorsus extorquet utilitas (7), et non alias uniones ratas habet Synodus Tridentina, nisi factas ex legitimis, aut alias rationabilibus causis (8). Hinc non favorabilem, sed odiosam indolem, quae strictam scilicet interpretationem postulat, uniones generaliter habent.

(1) Honor. III. in cap. exposuisti 33. de praeb., et dignit. et Innoc. III. in cap. vacante 26. eodem tit.

(2) S. Greg. M. in can. postquam 49. C. 16. qu. 1. Episcopo Veliterno rescribens, postquam hostis impierat, ait, diversarum civitatum ita (peccatis facientibus) desolavit Ecclesias, ut reparandi eas spes nulla populo deficiente remanserit... ne reliquiae plebs nullo Pastoris moderamine gubernatae dimittantur... hoc nostro sedit cordi consilium, ut vicinis eas mandaremus Pontificibus gubernandas. Ideoque fr. 1. curam Triumtabernensium Ecclesiae providimus committendam: quam tuae Ecclesiae aggregari, untrique necesse est. Pariter Conc. Tolet. XVI. in can. unio 3. C. 10. qu. 3. decrevit, ut Ecclesiae parochiales, quae minus decem mancipia (puta parochianos) habuerint, aliis coniungatur Ecclesiis. Et Conc. Viennense in cap. ne in agro dominico 1. §. adhuc de stato monachorum, constituit, si proventus Prioratuum duobus forte non suppetant... nisi per abbates reddantur locis aliis vicinioribus ad eorum monasteria pertinentibus... cum consilio, et assensu abbatum per locorum ipsorum Ordinarios uniantur.

(3) S. Greg. M. in can. et temporis qualitas 48. C. 16. qu. 1. Bonenato Episcopo Misenati rescribens ait: et temporis qualitas, et vicinitas nos locorum invitata, ut Cumanam atque Misenatem unire debeamus Ecclesias: quoniam nunc longo itineris spatio a se seunctae sunt, nec peccatis facientibus tanta populi multitudo est, ut singulos, sicut olim fuit, habere debeant sacerdotes.

(4) Idem Agapito abati rescribens in cap. quia monasterium 2. de relig. domib.

(5) Honor. III. in cap. exposuisti 33. de praeb., et dignit.

(6) S. Greg. M. in cit. can. et temporis qualitas. Nam ex gr. plures baptismales Ecclesiae in una terminatione (h. e. vicinia loci) esse non possunt; sed una tantummodo cum suis capellis, ex Conc. Toletano in can. plures 54. C. 16. qu. 1.

(7) Gelasius inquit ad Episcopos Lucaniae rescribens in can. et si illa 23. C. 1. qu. 7.

(8) S. Cong. Concilii in Fulginatensi 21. Novem. 1722. rescripsit esse locum uniioni parochialium egenarum, cui suum negaverat consensum Fulginatense Capitulum, apud Rigant. in Reg. 13. Cancell. num. 143. to. 2.

XXXI. Quarta quaestio tota in facto consistit. Nam ubi ex probationibus rerum constiterit necessitatem, vel utilitatem Ecclesiae postulare, ut unio in ius delata fiat auditis partibus interesse habentibus: consuevit S. Congregatio Concilii, et Apostolica Sedes rescribere *locum esse unioni* ab Ordinario loci faciendae, non obstante dissensu Capituli sine probabili ratione contradicentis (1). Et versa vice *non esse locum*, quoties re cognita liqueat nullam necessitatis, vel utilitatis causam concurrere.

XXXII. Quaestio quinta in facto et iure simul versatur. In primis enim executor apostolicus, ubi auditis partibus cognoverit in facto, quod preces veritate nitantur, nullumque mendacium, vel noxium silentium in eis irrepperit, decernet litteras apostolicas fore tunc executioni mandandas. Quoties vero mendaces, vel defectivae preces apparuerint: executionem tunc denegabit. Quae omnia ad factum pertinent rite liquidandum in iudicio auditis partibus. Deinde in iure discutiat, num tacita sine dolo veritas, vel exposita falsitas causam, an non dederit expeditioni apostolicarum litterarum: decreturus in priori casu, quod *executioni demandentur* apostolicae litterae; secus in posteriori (2).

XXXIII. Tandem quorum interest iura ut examinentur, eos omnes vocari, et audiri oportet, antequam unio fiat, vel executioni ea demandetur, quae facta sit auctoritate Sedis Apostolicae (3). Nimirum citatione speciali sunt personaliter citandi 1. patroni quum laici, tum ecclesiastici (4), quorum consensus nisi accesserit, vel praecedat, vel subsequatur ad unionem beneficiorum iuripatronatus, ea nullius erit momenti (5). His adde Abbates, Praelatosque inferiores quod ad beneficia ad eorum collationem spontantia, et ab Episcopis exempta (6) 2., rectores praecertum curati et, possessores beneficiorum uniendorum (7): tametsi nullus eorumdem con-

(1) Secundum Innoc. III. decretalem in *cap. super. litteris 20. de rescriptis*. Confer. huc dicenda inferius *cap. XII*.

(2) Trid. in *cap. uniones 6. sess. 7. de ref.*

(3) Trid. *loc. cit.* uniones non adprubant, nisi eas ex legitimis, aut aliis rationalibus causis coram loci Ordinario vocatis, quarum interest, verificandis factas fuisse constiterit. Recitata etiam Reg. 22. Cancellariae cautum speciatim est, ut vocentur ii, quorum interest, in executione litterarum pontificiarum de unionibus. Rigant. *to. 2. in Reg. 22. Cancell.* num. 39.

(4) Trid. in *cap. in Ecclesia 16. sess. 24. de rei.* decrevit unionem beneficiorum simplicium proebendis tenuibus Cathedralium et Collegiatarum eum patronorum consensu, si de iuripatronatus laicorum sint, faciendam esse. Quum de patronis ecclesiasticis nullum fiat verbum in hoc decreto: nonnulli Doctores inde cunctant non requiri eorumdem consensum in eiusmodi unionibus. Sed Thomecellus in tract. de union. *cap. 9. num. 40.* cui adstipulatur Rigantius *loc. cit. num. 41. et seq.* hanc eorum opinionem reprobant, adstruens necessitatem consensus cuiuslibet patroni quum laici, tum ecclesiastici.

(5) Rigantius *ibidem* num. 45.

(6) Quod sine consensu Abatis nequeat Episcopus dioecesanus unire beneficia Regularium, decrevit Clement. 1. §. *adhuc de stat. monachor.* Nec sine causa Ecclesiam alieni subiectam subtrahere, rescripsit Alex. III. in *cap. adhuc 2. de excess. praelator.*

(7) Ratio coram Seraphino dec. 1078. num. 3. et par. 18. rec. dec. 817. num. 14. *to. 2.* Wan-Espen, Sanchez, Hoieda, Kochier, Lutterius, alique apud Rigant. *loc. cit. num. 59.*

sensus requiritur in ea unione, quae sine ipsorum damno, et praedictio fiat, suumque sit effectum sortitura post ipsorum obitum (1); nec diasensus valet vel faciendam impedire, vel factam irritare unionem. 3. Capitulum Cathedralis Ecclesiae, sine cuius consilio, et consensu canones velant Episcopis negotia eiusmodi generatim perficere (2), nisi vel constitutio aliqua speciatim Episcopis unionem omisso, vel postabito Capituli consensu mandaverit (3), vel denegatum sine causa consensum capitularem Apostolica Sedes, vel S. Congregatio Concilii suppleverit, unionemque controversam eo non obstante indulserit (4) 4., in unionibus pro Seminario Episcopali faciendis non Capitulum, sed pro eo quatuor deputatos, duos nimirum de Capitulo ipso, totidemque de Clero citari, et audiri solum oportet (5). Praeterea satius erit generali citatione per edictum omnes alios, si qui sunt, interesse habentes requirere, ac monere ad dicendum contra unionem propositam: ut plebs, populusve sua in tempore valeant iura, et vota proferre (6). Plus enim praestat futuram suspendere, quam factam rescindere unionem.

XXXIV. Quoties agitur de unione, vel separatione Ecclesiarum Cathedralium, ea si facta semel sit, quoniam nonnisi post maturam rei deliberationem, causarumque discussionem sit auditis partibus in supremo consilio Papae, cui soli id ius est, praeterea nemini (7): fere numquam dubitari monet Cardinalis de Luca, utrum ea per subreptionem, obreptionemve obtenta sit; vel an alicuius consensus defectu laboret (8). Nullam sane iuris quaestionem subit suprema Romani Pontificis potestas: voluntas autem ipsius post accuratas ea in re inquisitiones explicita omnem dubitandi locum in facto adimit. Immo hinc uniones plurium Cathedralium consistent in hoc regno Neapolitano a Romanis Pontificibus iamdudum confectae.

XXXV. An vero expediat aliquando fieri petitam Cathedralium unionem, vel separationem, quibusve legibus ea indulgenda sit; haud rara quaestio est, prudenti solum arbitrio Pontificis, qui nullo ad id iure cogitur, dirimenda. Ubi pares non fuerint sustinendo Episcopo singularium Ecclesiarum redditus, vel alicui plebs defecerit, vel passa desolationem aliqua sit: tunc locum unioni alterius ad alteram viciniorem a B. Gregorio M. datum iam novimus (9). Ut diuturnas, et aerumnosas lites inter

(1) Clementina 2. et ult. de reb. Eccl. non alienand., definit unionem Ecclesiae cum consensu Capituli ab Episcopo factam impugnari ex eo non posse, quod rector ipsius ad hoc vocatus, vel si vacabat, defensor ei datus non fuerit.

(2) Ex cap. 1. 2. 3. 4. 8. et 9. de his quae fiunt a Praelatis sine cons. Capit. Trid. in cit. cap. in ecclesiis 15. sess. 24. de ref. Videsis dicta superius num. 11. et 17.

(3) Puta uniones praebendae primo vacaturae ad praebendas vel delictantes, vel tenues Canonici Poenitentiarum, et Theologi, ex supradictis num. 19. 20. et 21.

(4) Ex supradictis num. 32. Quod summus Pontifex possit non vocatis etiam vocandis unionem in forma gratiosa concedere, tradit Rigant. loc. cit. num. 35.

(5) Videsis dicta superius num. 12.

(6) Ex supradictis num. 11.

(7) Innoc. III. in cap. 1. ne sede vacante alig. innov.

(8) Card. de Luc. disc. 8 adnot. in Conc. Trid. num. 10. et disc. 7. de praemin.

(9) Ex supradictis num. 31.

archipresbyteralem Ecclesiam Terlitii, et Episcopalem Iuvenacii extingueret Benedictus XIV. eam in Cathedralem erexit, continuoque huic uni-
vit aequae principaliter, datis utrique legibus ad pacem deinceps fovendam
idoneis (1). Ob hanc ipsam causam litium inter Praelatos inferiores, et
Episcopos consilium eiusmodi unionis comprobavit Cardinalis de Luca (2):
quum abusus exemptionum, exemptionumque ab Episcopi iurisdictione re-
missior disciplina videantur id postulare.

XXXVI. Quae de conficienda unione hactenus dicta sunt, in ea vicis-
sim dissolvenda locum fere obtinent (3). *Nihil tam naturale est*, inquam
cum Ulpiano, *quam eo genere quidquam dissolvere, quo colligatum est* (4).
Itaque ubi necessitas, vel utilitas Ecclesiae, aliave causa legitima videa-
tur dissolutionem postulare: ad eam oportet, iis auditis, quorum interest,
deveniri (5). Et quoties unio facta sit ob certam causam, videlicet belli,
desolationis, paupertatis, populi deficientis, aliamve id genus: tunc ea
causa cessante, unionem simul cessare, monet Rebuffus (6). Eodemque
iure ex una praebenda vacante, ubi suppetant redditus, et adsit causa
probabilis, erigi duas posse, rescripsit Innocentius III. (7).

CAP. V.

De reservationibus et affectionibus pontificiis.

- I. Episcopis dioecesanis collationem beneficiorum omnium viden-
tur antiqui canones tribuisse.*
- II. Sed episcopalem potestatem Primae Sedi Apostolicae ius divi-
num subiecit, dein Metropolitae, ac Patriarchis mores, et leges
ecclesiasticae.*
- III. Utriusque primum reservata generatim est collatio Cathedra-
lium cum Episcoporum ordinatione.*
- IV. Iure stauropegii monasteria quandoque, et Ecclesias Patriar-*

(1) Videsis dicta superius n. 5.

(2) *Cit. disc. 8. annot. in Conc. Trid. n. 5.*

(3) Ex recitatis Cancellariae Regulis 13. et 22.

(4) Ulp. in l. *nihil tam naturale* 35. D. de reg. iur.

(5) Innoc. III. in cap. 1. *ne Sede vacante* aliqu. innov. rescribens Priori, et Con-
ventui Glastonensi ait: quia tamen haec unio asserebatur a vobis in grave praevi-
dium Glastonensis Ecclesiae redundare, quum per ipsam dissolveretur religio,
et fraudaretur eleemosyna, et hospitalitas tolleretur: ad relevandum Ecclesiae
vestrae statum coepimus intendere diligenter . . . Episcopali sede vacante cum
non sit, qui Episcopale ius tueatur . . . cum Bathoniensis Ecclesia de Praesule
fuerit ordinata, ius vestrum apud Sedem Apostolicam prosequendi facultatem li-
beram habeatis. Quod sine consensu Episcopi totam dioecesim detinentis non pos-
set novus Episcopus institui, dudum decreverat Conc. Africanum in can. multis
51. C. 16. qu. 1.

(6) Rebuff. in prax. benef. tit. de unionis revocatione num. 1.

(7) Innoc. III. in cap. vacante 26. de praebendis.

- chae ab Ordinariis eximebant, sibi ut subjicerent, ac reservarent.
- V. Appellationibus, querelisque subditorum ad Metropoli-
tanas collatio haud temere conjicitur.
- VI. Ordinare clericos etiam licuit Patriarchis in provinciis suis,
Romano Pontifici per totum Orbem.
- VII. Seiunctis vix Ordinibus a collatione praebendarum S. Grego-
rius M., et successores Pontifices conferre clericis praesertim
egenis beneficia vacantia, et vacatura in Occidentis praecipue
regionibus consueverunt.
- VIII. Carolus M., Patresque Triburienses ea in re supremae Se-
dis Apostolicae litteris parendum censuerunt.
- IX. Pontificias collationes iure praeventio-
nis cum dignitate patriarchali ante Alexandrum III. iamdiu invaluisse liquet.
- X. Plurimas beneficiorum collationes mandarunt Episcopi Alex-
ander III; et successores Pontifices litteris suis nuntiatis.
- XI. hisque monitionem primum, dein praeceptum, tandem execu-
tores dabant.
- XII. Devoluta ob negligentiam Ordinariorum beneficia ultra sex
menses vacantia, reservavit Alexander III.
- XIII. In Curia, et apud Sedem vacantia Clemens IV.
- XIV. Intra mensem conferenda haec erant ex decreto Conc. Lug-
dunensis postmodum abrogato.
- XV. Bonifacius VIII. beneficia Curialium, Curiamque Romanam
adeuntium, vel ab ea recedentium, qui intra duas dietas ab
ea ipsa dissitas obirent, apud Sedem vacare declaravit.
- XVI. Legatoque a latere in manibus ipsius resignata beneficia re-
servavit, exceptis Cathedralibus, Regularibus, et Collegiatis,
primisque ipsarum dignitatibus.
- XVII. Parochialia apud Sedem vacantia redire Papa defuncto ad
collationem Ordinariorum voluit.
- XVIII. Reservationes clausae in Corpore Iuris, quamvis oppu-
gnatae, invaluerunt ex decreto etiam Synodi Basileensis.
- XIX. Ad vacatura tantum gratias expectationes, et reservationes
mentales Tridentina Synodus abolevit.
- XX. Pontificias reservationes obfirmarunt insita Romanae Sedi
potestas universalis, prisca numquam intermissa consuetudo,
Episcoporum arbitrariae collationes, et necessitas alendi apo-
stolicos ministros.
- XXI. Clausae in Corpore Iuris perpetuae sunt, secus aliae.
- XXII. Clemens V. in Gallia omnia generaliter beneficia apud
Sedem suam toto sui Pontificatus tempore vacantia reservavit.
- XXIII. Ioannes XXII Bonifacii VIII, et Clementis V. reservatio-
nes firmavit, novasque iis addidit temporaneas.

- XXIV. Ipse hinc primus Regularum Cancellariae auctor dicitur.
- XXV. Benedictus XII. recensitis Ioannis XVII. reservationibus alias etiam adiunxit.
- XXVI. Paulus II. eas perpetuo extendit ad beneficia Collectorum.
- XXVII. Reservationes extravagantibus Io. XXII. et Benedicti XII imperatae quum expirassent eorum Sede vacante, a Successoribus indici pariter consueverunt.
- XXVIII. Prima Cancellariae Regula innovat earundem reservationes.
- XXIX. Eaque personas, beneficia, et modos vacationum in Curia, et apud S. Sedem spectat.
- XXX. Ex persona Cardinalium reservatio quidem habet hoc in Regno executionem.
- XXXI. Regula IV, et VII, familiarium Papae, et Cardinalium beneficia speciatim reservat.
- XXXII. Papae familiares enumerantur.
- XXXIII. Cardinalium commensales, et stipendiarii omnes familiaritate gaudent.
- XXXIV. Brevis etiam familiaritas reservationem parit beneficiorum antea, vel ea durante, non post ipsam dissolutam obtenta.
- XXXV. Regula V. reservat similiter Collectorum, unicorumque in singulis dioecesibus subcollectorum beneficia.
- XXXVI. Regula VI. insuper beneficia curialium, qui Curiam alio se transferentem sequuntur, ubilibet decedentium.
- XXXVII. Regula II. reservat primum episcopales, et superiores Ecclesias.
- XXXVIII. Tum monasteria, et abbas perpetuas valorem ducentorum florenorum auri excedentes, quos appellant ducatos auri de Camera.
- XXXIX. Cuncta denique vacantibus Sedibus episcopalibus vacantia.
- XL. Regula III., et XXV. reservat beneficia in fraudem reservationis resignata, vel dimissa post vacationem incompatibilium, et ipsa dein obtenta incompatibilia, praelaturis exceptis.
- XLI. Regula IV. primam in Cathedralibus dignitatem post pontificalem, et in Collegiatis principalem. Excipitur monocularis.
- XLII. Regula VIII. beneficia Urbis basilicarum S. Ioannis Lateranensis, et S. Petri, et S. Mariae maioris, titularumque Cardinalium a Curia absentium.
- XLIII. Regula IX. cuncta, quantumvis minora in mensibus reservatis vel octo, vel sex alternis vacantia.
- XLIV. Eaque sex alios alternatim menses Episcopis vere residentibus concedit, non aliis collatoribus.

- XLV. Prima mensis dies computatur a media, quae praecessit, nocte mensem superiorem terminante.*
- XLVI. Prior huius Regulae pars odiosa, favorabilis posterior.*
- XLVII. At intra duos menses mobiles Martium, et Septembrem vacantia beneficia Episcopus iusta etiam ex causa absens nequit vi alternativae conferre.*
- XLVIII. Regula XI. reservat ea mobilitate reservata, de quibus Papa praedecessor non disposuerit.*
- XLIX. Regula LXVIII. item reservat beneficia reservari solita, de quibus ordinarii Collatores, Apostolica Sede vacante, nil dispo-
nere consueverunt.*
- L. Regula XV. revocat concessa quibuscumque indulta disponendi de beneficiis generatim reservatis, et affectis.*
- LI. Sed Regula XVII. firmat stylum in litteris pontificiis reservandi suum cuiuslibet ius, collationem quoque ordinariam, ubi non sit reservatio.*
- LII. Quae per obitum naturalem Romae, vel intra duas dioceses contingit, unica, et propria vacatio apud Sedem in Corpore iuris constituta.*
- LIII. Ceterae vacationum species extra Corpus Iuris inductae in Curia Romana vulgo putantur: sed canones antiqui eas etiam comprobant.*
- LIV. Istarum aliae facti, aliae iuris sunt.*
- LV. Quae personis Curialium, vel Papae, et Cardinalium familiaribus quilibet morientibus beneficia vacant, in Curia etiam vacare dicuntur.*
- LVI. Apud Sedem insuper vacatio contingit, quae fit vigore pontificii decreti de dimittendo.*
- LVII. Regula XXVI. revocat gratias de beneficiis ex promotione vacaturis motu etiam proprio concessas, irritatque resignationes, et permutationes eorum a promovendis factas.*
- LVIII. Sententia Curiae Romanae ob crimen positum infert reservationem, non ob neglectam, vel residentiam, vel promotionem ad Ordines.*
- LIX. Litigiosa beneficia videntur etiam reservata Iure communi.*
- LX. Ubi coepta nimirum super titulo, ac pertinentia lis per citationem semel sit.*
- LXI. Regula XXIX. indulget colliganti subrogationem in iure defuncti.*
- LXII. Eaque Iure communi, et canonico innititur.*
- LXIII. Lis autem non suspenditur cum cedente, donec ad eam subrogatus accesserit.*
- LXIV. Violatio nedium legis Tridentinae, sed pontificiarum quoque constitutionum parit reservationem.*

- LXV. Non consumpta vacatio in Curia putatur, quoties provizus a Papa, antequam gratiae consenserit, moriatur.*
LXVI. Praeventiois iure non reservata etiam beneficia ubilibet confert summus Pontifex.
LXVII. Qui suam semel manum quoties adposuerit, affecta Sedi suae ea tunc beneficia reddit.
LXVIII. Qualia evadunt, quae resignantur in manibus Papae, vel ab eo commendantur, vel ipsius mandato eriguntur.
LXIX. Reservationes ex Cancellariae Regulis vel reales, vel personales perpetuo durant, aliae intuitu loci, et mensium, vacante Sede, intereunt.
LXX. Affectiones numquam evanescent, vel deficient.
LXXI. Patronatus laicorum vel simplicis, vel mixti beneficia, et Regulae ipsae, et Regni mores a cunctis reservationibus eximunt.
LXXII. De patronatu ecclesiastico dubitatur adhuc.

I. Secundum priscos canones Basilicas omnes, et Ecclesias, omnesque iis vel adnexas, vel subiectas Capellas, praebendas, ministeria, officia, et beneficia in Episcopi cuiusque dioecisani potestate consistere, ad eiusque dispositionem pertinere, tritum vetustate proverbium est, a Patribus Concilii Aurelianensis collaudatum saeculo sexto (1). *Principes* idcirco Sacerdotum, et Ecclesiarum (2). *Antistites*, *Praesules*, *Praepositos* in sua quemque Ecclesia singulos Episcopos et habuit, et denominavit Antiquitas, ut hisce titulis ostenderet liberum eorum arbitrium in ecclesiasticis rebus administrandis (3), in clericis praesertim ordinandis, instituendis, alendisque, et praebendarum, officiorumque distributione. Quumque moribus introductam ab Ecclesiae incunabulis divisionem parochiarum, et dioecesium firmassent Nicaeni canones: iure factum est, ut uniuscuiusque tum parochiae, tum dioecesis negotia gerere, clericos ordinare, eosque certae Ecclesiae incardinare, praebendas, ministeria et officia singulis conferre, nonnisi Episcopo dioecisano liceret (4).

(1) Conc. Aurelian. an. 511. in *can. omnes basilicae* 10. C. 16. qu. 7. Consonant canones plurimi apud Gratianum C. 10. qu. 1.

(2) S. Hieronym. in *can. Ecclesiarum principes* 4. dist. 35. illud Isaiae vaticinium cap. 60. vers. 17. *dabo principes tuos in pace*, et Episcopos tuos in iustitia explicans B. Hieronymus (*comm. in psalm. 45*, et Isaia cap. 3. et 60) ait: *in quo Scripturae sanctae admiranda maiestas, quod principes futuros Ecclesiae Episcopos nominavit*. Ab Optato Milevitano lib. 1. *ipsi apices*, et *principes omnium Episcoporum* dicuntur. Eosdem graeci scriptores pariter appellabant *αρχοντες εκκλησιων* idest principes, rectoresque Ecclesiarum. Euseb. lib. 6. cap. 28. Origen. in *Ierem. hom. 11*. Chrysostom. de *Sacerdotio* lib. 3. cap. 14. Tum latini eos ipsos *Sacerdotum Principes*, *summos Sacerdotes*, *Pontifices* maximos etiam dixerunt, Tertull. de *pudicitia* cap. 1. S. Hieronym. ad *Asellam* ep. 90. S. Ambros. *comm. in Ephes. 4*. S. Aug. *quaest. vet. et nov. testam. cap. 101*. Sidon. lib. 4. cap. 11.

(3) S. Cyprian. ep. 27. *Omnia actus Ecclesiae, ait, per eorundem Praepositos gubernentur*. Et ep. 81. *quum habeat in Ecclesiae administratione voluntatis suae arbitrium liberum unusquisque Praepositus*. Idipsum liquet ex canonibus vulgo Apostolorum superius recitatis cap. 1. num. 16.

(4) Ex canonibus, quos laudavi lib. 1. *Inst. Can. tit. 18. num. 6*.

II. Par nihilominus tot diocesanorum Praesulum potestas supremæ omnium potestati Sedis Apostolicæ ab initio subiecta magis est, quam Metropolitibus, et Primatibus post eam humano iure institutis. Nam communem prædicandi Evangelii curam, et Ecclesias plantandi cunctis Apostolis a Christo D. N. traditam sicuti ratio naturalis, vel divina inspiratio ipsos impulit Apostolos ad partiendum inter sese (1): ita Ecclesiæ unitas ex uno Capite, multisque membris compacta; regnum sacerdotale ab uno Principe, plurimisque subministris gubernandum, ovile unum uni Pastori supremo concreditum postularunt, ut per os Petri a Deo præelecti deberent universæ gentes audire verbum Evangelii, et credere, suos ipse fratres Coepiscopos fide suos numquam defectura confirmaret aliquando defecturos, et sollicitudinem omnium ubilibet Ecclesiarum sibi, et Paulo Coadiutori suo retentam ad suos transmitteret Successores (2). Tribus martyrum sæculis Ecclesia filios suos in locum Apostolorum successores, et constitutos pro his Patres habuit, omnes quidem Ordinis potestate pares: et alios aliis maiores reipsa effecit dignitas metropolium. Coævi sane canones vulgo Apostolorum sive moribus, aive collatis praeceptorum Patrum consiliis constitutum ius ferunt, ut cuiusque gentis Episcopi agnoscerent, quoniam inter ipsos primus esset, ipsumque haberent quodammodo pro capite, neque sine illius voluntate quidquam agerent insolitum (nihil arduum, aut magni momenti præter illius sententiam, legitur in versione Dionysii Exigui): illa autem sola quisque pro se tractaret, quas ad parochiam ipsius, et loca sibi ipsi subdita pertinerent (3). Prima inde origo Sedium metropolitanarum, et patriarchalium videtur cum ipsa parochiarum, diocesiumque divisione simul emersisse, iurisdictionemque sublimem in Ecclesiis totius provinciae, vel regni suffraganeas Metropolitibus, Primatibus, sc. Patriarchis tribuisse, Nicaenis canonibus (4) obfirmatam secundum antiquos mores, et posterioribus pro conditione temporum, et locorum editis constitutionibus (5).

III. Hinc prima etiam reservatio generalis Ecclesiarum Cathedralium repetenda videtur. Novos enim Episcopos cuiusque provinciae ut Metropolitanus (6), Metropolitanos autem Primas, vel Patriarcha ordinaret (7)

(1) Videsis dicta ibidem eodem tit. 18. num. 4., et 5.

(2) S. Lucas Actor. cap. 9. vers. 32. loquens de Petro Apostolorum Principe ait: *factum est, ut pertransiret universos.* Haec verba exponens B. Chrysostomus hom. 21. in Acta Ap. inquit. *Quemadmodum dux in exercitu obambulat, considerabat quæ pars esset eoadunata, quæ ornata, quæ suo adventu egeret.* Romanus hinc Pontifex revera est (ut S. Bernardus docet lib. 2. de consid.) potestate Petrus, unctione Christus . . . sunt et alii quorum Pastores . . . habent illi sibi assignatos greges, singuli singulos: tibi, o Eugeni, universi crediti, uni unus. Non modo ovium, sed et Pastorum es unus omnium Pater.

(3) Ex can. 33. vulgo Apostol. ad calcem Decreti Gratianæi.

(4) Conc. Nicaen. in can. mos antiquus 6. dist. 65.

(5) Videsis ad hanc rem dicta fusius lib. 1. Inst. Can. tit. 14. de Patriarchis, tit. 15. de Primatibus, et Exarchis, et tit. 16. de Metropolitanis, et Archiepiscopis.

(6) Conc. Nicaen. can. 6. *Si quis præter sententiam Metropolitanam fuerit factus Episcopus: hunc magna Synodus definit Episcopum esse non oportere.* Conc. Laodic. can. 22. *Episcopos non oportere præter iudicium Metropolitanorum, et Antistitum Episcoporum constitui.*

(7) Conc. Nicaen. eodem can. 6. *Antiqua consuetudo servetur per Ægyptum,*

secundum antiquos mores, vel canones a Nicaenis Patribus, et subsequen-
tis Ecclesiae legibus constitutum est. Sed processu temporum ad Roma-
nam Sedem Episcoporum creatio, et ordinatio advocata est.

IV. Speciale alicuius Ecclesiae, vel monasterii reservationem invenit
ea ipsa dignitas patriarchalis suo cum iure *stauropegii*, Crucem scilicet
erigendi, ligendique, ubicumque intra provinciam suam Patriarcha vellet
ob aliquam causam ab Ordinario loci dioecesano eximere aliquam Eccle-
siam, vel monasterium, aliamve rem ecclesiasticam (1), praesertim in
limine foundationis (2), seu tempore consecrationis, et dedicationis.

V. Ad inferiores quod attinet capellas, praebendas, dignitates, perso-
natus, et officia ecclesiastica, nullam eiusmodi reservationem expressam
antiqui canones imperarunt. Quum vero Metropolitani, Primatibus, et Pa-
triarchis curam totius provinciae demandassent cum iure visitandi Eccle-
sias ipsius, et causas cognoscendi in gradu appellationis, et suffraganeos
Episcopos vocandi ad Synodum, in qua iudicia querelarum, et appella-
tionum discuterentur (3), factum inde est, ut sua Episcopis iurisdictione
abutentibus, vel eam negligentibus, praebendas aliquando, et officia liti-
giosa tunc sibi reservarent Primates, ac Metropolitae, vel neglectam,
devolutamque ipsarum collationem sibi sumerent, vel eam Episcopis,
nonnisi cum consilio, et voluntate Metropolitanis, aut Primatis faciendam
permitterent. Nam ex Concilio Antiocheno Episcopo cuique curam gerere
suae regionis, *ordinare etiam Presbyteros, et Diaconos* licebat, et de sin-

*Lybiam, et Pentapolim, ita ut Alexandrinus Episcopus horum omnium habeat
potestatem: quia et urbis Romae Episcopo parilis mos est. Similiter autem et apud
Antiochiam, ceterasque provincias suis privilegia servantur Ecclesiis.* Coelestinus I.
Rufo Primati Thessalonicensi rescribens ait: *Cui vicem nostram per vestram pro-
vinciam noveritis esse commissam . . . sine eius consilio nullus ordinetur.* Tum
Xystus III. Anastasio item Thessalonicensi rescripsit: *Habeant honorem suum Me-
tropolitani singularem, salvo huius Primatis Thessalonicensis privilegio . . . in
provincia suum ius habeant ordinandi, sed hoc inscio, vel invito, quem de omnibus
Ordinationibus volumus consuli, nullus audeat ordinare.*

(1) Patriarcham Constantinopolitanum eo privilegio potitum eximendi monaste-
ria nonnulla, et possessiones ecclesiasticas ab ordinaria dioecesanorum potestate,
suae ut immediatae protectioni subiceret. Crucemque inibi patriarchalem in moni-
mentum exemptionis perpetuum adfigendi, fert Georgius Pachimera *lib. 6. Hist.
graec. cap. 11.* ex Novella constitutione Michaelis Palaeologi, quam excerptam
habet.

(2) Benedictus XIV. in *const. inter plures* 98. §. 19. to. 2. *Bullar.* docet con-
suetum in Ecclesiis Orientalibus patriarchicum ius *stauropegii*, seu ligendae Cru-
cis in monasteriorum fundatione in signum exemptionis ab Ordinario, et immedi-
atae subiectionis Patriarchae; illudque inferioribus Metropolitanis nunquam con-
censum.

(3) Tertullian. *lib. de ieiunio contra psychicos: praecepta certis in locis Con-
cilia*, inquit, *universis Ecclesiis, per quae et altiora quaeque in communi tra-
ctantur.* S. Cyprian. *ep. 15. ad Clerum Roman.* edit. Pamelii: *standum putavi, ait,
et cum vestra sententia, ne actus noster, qui consentire circa omnia debet, in ali-
quo disereparet . . . cum plures Praepositi convenire in unum coeperimus, com-
municato etiam vobiscum consilio disponere singula, et reformare possimus.* Conc.
Laodicenum an. 320. *can. 40. Episcopos ad Synodum vocatos coegit adire, ut do-
ceant, vel discant ea, quae ad correctionem Ecclesiae, vel reliquarum pertinenti-
um, can. non oportet* 5, *dist. 18.*

gulis ipsius regionis causis rito disceptare: ultra autem nihil agere permittebatur citra Metropolitanam conscientiam (1). Et decreta Nicaena sive inferioris ordinis clericos, siue ipsos Episcopos Metropolitanis suis apertissime commiserunt, ut in Concilio Africano dictum enarrat N. Alexander (2). Romanam praeterea Sedem etiam vacantem consulere in rebus arduis prisci Patres consueverunt, eiusque auctoritati nimium deferre (3).

VI. Concilium Africanum anno 401. constituit, ut Carthaginensi Episcopo totius Africae Primati, unde vellet, clericum liceret ordinare (4), tametsi canones generatim sanxerunt, ne quis Episcoporum extra suos fines in locis sibi non subiectis ordinationes faceret, subditosque aliorum ordinaret (5). Concessa Primati ordinatio eiusmodi clericorum cuiuslibet dioecesis intra provinciam satis ostendit eum simul consuevisse quum ipsos ab se ordinatos cardinare Ecclesiis totius provinciae, tum praebendas ecclesiasticas iis conferre, ut inde viverent, ubi servirent. Tunc porro non licebat ex Nicaeno canone quempiam ordinare clericum, diaconum, Praesbyterum: nisi uno, eodemque tempore ad inserviendum certae Ecclesiae manciparetur, congruam vitae sustentationem ab ea recepturus (6). Eodem iure Primatis, et patriarchico a Patriarcha quum Alexandrino, tum Romano ordinatos non modo Episcopos, sed plurimos etiam Presbyteros, et diaconos in Ecclesiis per universas provincias, regionesque suas, luculenter ostendit Binghamus (7). S. Gregorius VII. insuper tradit, quod Romanus Pontifex de omni Ecclesia quemcumque voluerit clericum, valeat ordinare (8). Id ipsum ius patriarcharum agnovit, firmavitque Iustinianus (9). Hinc praeventio ius patriarchicum, et pontificium profluxisse aiv.

(1) Conc. Antiochen. an. 341. in can. per singulas 2. C. 10. qu. 3. Consonat Con. Martini Bracarenensis in can. per singulas 1. ead. C. et qu.

(2) N. Alexand. in Hist. saec. 4. cap. 5., art. 6. de Metropolitania.

(3) Concilium Labetanum in Africa an. 245. quum damnasset Privatum haereticum, requisitus S. Fabianus Papa Concilii acta probavit. Hinc S. Cyprianus ep. 55. ad Cornelium retulit Privatum illum Fabiani Papae, et Donati Episcopi litteris severissime notatum. Vicissim Clerus Romanus ad Cyprinum ep. 30. edit. Pom. pro tuo more fecisti, ait, qui rem nobis sollicitam nunciare voluisses: omnes enim vos decet pro corpore totius Ecclesiae . . . excubare.

(4) In Conc. ino Africano, quod sub Anastasio, et Coelestino Pontificibus celebrandum est, canones 105. editos habet collectio Conciliorum, ex praeteritis etiam Africae Synodis desumptis.

(5) Can. 35. vulgo Apostol. haec habet: ne quis Episcopus audeat extra suos fines facere ordinationes in urbibus, et pagis ei non subiectis. Conc. Antiochen. can. 22. Episcopus in alienam civitatem, quae ei subiecta non est, non adscendat; nec in regionem, quae ad eum non pertinet, ad alicuius ordinationem, nec Praesbyterum, vel diaconum constituat in locis alii Episcopo subiectis, nisi eum voluntate proprii illius regionis Episcopi. Si quis autem tale quid ausus fuerit, infirma sit ordinatio, et ipse a Synodo puniatur.

(6) Ex supradictis cap. 1. num. 15.

(7) Bingham. to. 1. orig. lib. 2. cap. 16. §. 23. ex Basnagio ezereti. in Baron. Launoio, et Valesio in Socratem.

(8) S. Gregor. VII. inter dictata sua lib. 2. ep. 76.

(9) Iustin. in l. sancimus 29. §. 5., et ult. C. de Episcopali audientia, haec Iuliano rescripsit: quidam sunt sanctissimi Patriarchae, qui in provinciis, in quibus

VII. Post disiunctas a sacris Ordinationibus collationes praebendarum, officiorumque ecclesiasticorum saeculo sexto, continuo apparuit praerogativa Patriarchae, Pontificisque Romani in conferendis Ecclesiis, praebeendis, monasteriis, et dignitatibus ecclesiasticis ubilibet vacantibus, vel vacaturis, praesertim in regionibus occidentalibus, et suburbicariis. Quandoquidem S. Gregorius magnus post eversam a Longobardis episcopalem Ecclesiam magnae civitatis in provincia Brutiorum, seu Calabria contulit Paulino illius Episcopo abatiā, seu monasterium S. Theodori in Sicilia, in civitate Messanae, praemonito Episcopo Messanensi, cuius dioecesi, et iurisdictioni suberat (1). Tum cuidam presbytero Dominico parochiam Importuno Episcopo Atellano subiectam contulit, iubens litteris ad eundem Episcopum datis, ut omnia illius Ecclesiae emolumenta faceret sine mora praestari presbytero illi ab se instituto, una cum fructibus iam perceptis (2). Consuevit praeterea idem Pontifex Episcopis commendare egenos potissimum clericos, quatenus alimen ta ex redditibus ecclesiasticis, velut pensiones alimentarias iisdem subministrarent (3).

VIII. Eodem praeventionis iure subsequutos inde Pontifices in Roma Sede usos, dubitandum non videtur (4). Enimvero in capitulis Caroli magni ad suas omnes provincias datis, et in Concilio Triburiensi anno 895. ab Episcopis Germanis celebrato constitutum legitur: *ut in memoriam B. Petri Apostoli honoremus Sanctam Romanam, et Apostolicam Sedem, et licet vix ferendum ab illa S. Sede imponatur iugum: tamen seramus, et pia devotione toleremus. Si vero (quod non decet) quilibet, sive sit Presbyter, sive diaconus aliquam perturbationem machinando, et nostro ministerio insidiando, redarguatur falsam ab Apostolica Sede detulisse epistolam, vel aliud quid, quod inde non venerit: salva fide, et integra circa Apostolicum humilitate, penes Episcopum sit potestas, utrum eum in carcerem, aut aliam detrudat custodiam, usquequo per epistolam, aut per idoneos suae partis legatos apostolicam interpellat sublimitatem, ut potissimum sua sancta legatione dignetur decernere, quid de talibus iusto ordine lex Romana statuatur definire, ut et is corrigatur, et ceteris modus imponatur* (5). Isthac

szistunt, Metropolitanorum officium gerunt: alii per totam dioecesim Episcoporum, Metropolitanorum, atque aliorum, qui sub eis sunt, ordinationes faciunt: ea de causa illud observari sancimus.

(1) S. Greg. M. ep. 38. *ad Episc. Messanens. lib. 1.*

(2) Idem ep. 10. *ad Importunum Episc. lib. 2.*, quam excerptam habet Ughell. in *addit. Ital. sacr. to. 10. de Episc. Atellan. col. 17. num. 4.*

(3) Idem ep. 14. *ad Syracusanum Episc. lib. 3.* scribens ait: *Imbecillitati eius, atque necessitatibus consulentes intui pietatis in tua Ecclesia Syracusana cum providimus cardinandum, sive ut officium diaconatus expleat, seu ut sola eiusdem officii pro substantianda paupertate sua commoda consequatur, ex tuae fraternitatis volumine hoc pascere iudicio. Quod hortamur, ut tua fraternitas implere festinet, ne vel nostrae commendationis inveniaris tramitem negligias, vel minus exhibuis, quam tuus exigit ordo pauperibus.*

(4) Ex monumentis a Thomassino laudatis *par. 2. de benef. lib. 1. cap. 32.*

(5) Capitula legis Caroli M., et Conc. Tribur. in *can. in memoriam 3. dist. 19.* Huc etiam alludunt Innocentius I. ad Decentium Eugubinum rescribens in *can. quis nesciat 11. dist. 11.* Gregorius IV. in *can. praeceptis 2. dist. 12.* Paschalis

verba satis indicant eponem hunc spectare ad pontificias collationes Ecclesiarum, beneficiorumque in cunctis Imperii regionibus, praesertim in Germania, quas consueverant Romani Pontifices litteris suis facere, ac nunciare dioecesanis Episcopis (1).

IX. Francisco Florenti eximio canonum interpreti videntur rescripta Romanorum Pontificum de vacantibus, et vacaturis beneficiis auctorem habuisse Alexandrum III., qui sedit ab anno 1159. annos 22., non alium eo antiquiorem (2): in cuius pontificatu Aeram novae disciplinae figunt omnes ad unum. Veritatem scrutantes posthabito partium studio originem huius rei opinione vetustiore, immo vetustissimam facili iam noverint ex hactenus dictis, coaevam dignitati Patriarcharum, et prospere progressam processu temporum insigni abbinc aevo B. Gregorii M. Vacatura quidem, viventium scilicet beneficia Episcopi contra fas, et ius vel promittere, vel conferre non dubitabant, antequam vacarent. Gelasius Papa hinc rescripsit, *ecclesiastica communione pellendos fore*, qui se paterentur successores, *vivis sacerdotibus beneficiariis destinari* (3). Tum Alexander III. sauxit in Concilio Later. III: *ut nulla ecclesiastica ministeria, seu etiam beneficia, vel Ecclesiae tribuantur alicui, seu promittantur, antequam vacent: ne desiderare quis mortem proximi videatur, in cuius locum se crediderit successurum* (4).

X. Ipse autem Alexander III. Sedis suae sibi iura vindicans more maiorum nonnullas dedit litteras ad Episcopos Anglos, Gallos, Hispanos, Germanos, Italos, et montes, et iubentes, ut certa beneficia in eorum dioecesibus, vel vacatura, vel vacantia latoribus earundem litterarum concederent liberaliter: variasque inde quaestiones in earundem executione ortas suis diremit decretalibus (5). Verum si *mandatum nostrum*, idem Pontifex declarat, *pro alicuius provisione receperis, qui aliud beneficium habeat, de quo valeat commode sustentari: nisi forte in litteris ipsis de hoc mentio habeatur: aut si non potest ei sine scandalo provideri, aequanimiter sustinemus, si pro eo mandatum nostrum non duxeris exequendum* (6). Eo-

Papa in *cap. significasti 4. in fine de elect.* Panormitano Archiepiscopo rescribens, iustum est, ait, *ut vos quoque Sedis Apostolicae subiectionis debitas signa solvatis quae vos cum B. Petro tamquam membra de membro habere, et catholici Capituli unitatem servare declarent.*

(1) Id quod praemonuit Thomassinus *loc. cit. num. 8.*

(2) Fr. Florens. *to. 1. ad lit. 3. de rescriptis lib. 1. decretal. pag. 84.*

(3) Gelas. in *cap. qui in vivorum 1. de concess. praeb.*

(4) Alex. III. in Conc. Lateran. III. in *cap. nulla 2. eod. tit.*

(5) Alexander III. in *cap. ex parte 2. de rescriptis* Cantuariensi Archiepiscopo rescripsit conditionem, *si praeter veritate nitantur*, intelligi tacite adiectam semper litteris pontificiis, quas impetrantes ab Apostolica Sede beneficia, et praebendas obtinuerint. Tum Eboracensi Archiep. respondit in *cap. inter ceteras 4. eod. tit.* alterum ex duobus disiuncto narratis, quod probetur, sufficere, ut impetratam a Sede Apostolica Ecclesiam quis habeat. Et Episcopo Tornacensi in *cap. eam te 7. eod. tit.* rescripsit, in Canonicum reciperet, quemdam origine Iudaeum ex mandato, et praecepto pontificio, quod antea direxerat Capitulo, Sede vacante.

(6) Idem in *cap. cum teneamur 6. de praeb., et dignit.* simul Ravennati Archiepiscopo rescribens in *cap. si quando 5. de rescriptis* ait: *si quando aliqua tuae fraternitati dirigimus, quae animum tuum exasperare videntur, turbari non de-*

dem iure *praeventionis* in conferendis beneficiis, vel collationibus impo-
randis postea usos Pontifices successores Lucium III. (1), Clementem
III. (2), Coelestinum III. (3), Innocentium III. (4), Honorium III. (5),
Gregorium IX. (6), ceteros ostendit Decretalium textus. Et Innocentio
III. insuper placuit Legatum a latere posse collationem Ecclesiae primo
vacaturae sibi etiam reservare (7).

XI. Pontifices ipsi in ea beneficiorum collatione ad Episcopos ita scri-
bere primum consueverunt cum B. Gregorio magno: *hortamur*, vel *mo-*
nemus, *ut tua fraternitas id implere festinet, ne nostrae commendationis in-*
veniaris tramitem neglexisse: nimirum ad eos litteras *monitorias* primum
dabant, dein *praeceptivas*, tandem *executorias* cum destinatione scilicet e-
xecutorum apostolicorum, qui contumaces mandatis apostolicis Ordina-
rios locorum cogerent ad parendum, et censuris coercerent (8). Praecep-
tivam eiusmodi litterarum formam habet Franciscus Florens (9). Execu-

bes . . . qualitatem negotii, pro quo tibi scribitur, diligenter considerans, aut man-
datum nostrum reverenter adimpleas, aut per litteras tuas, quare adimplere non
possis, rationabilem causam praetendas. Quia patienter sustinebimus, si non fe-
ceris, quod prava nobis fuerit insinuatione suggestum.

(1) Luc. III. in cap. *ad aures* 8., et *seq. de rescriptis*.

(2) Clem. III. in cap. *ex parte* 12. *eod. tit.*

(3) Coelestin. III. in cap. *aciscitatus* 15. *eod. tit.* et Cameracensi Capitulo in
cap. *proposuit* 4. *de concess. praeb.*

(4) Innoc. III. Mediolani Archiep. in cap. *dum adeo* 17. Senonensi in cap. *con-*
stitutus 19. Delegatis in Gallia magistris in cap. *olim* 25. Imolensi Episc. in Cap.
dilectus 26. Veratimonsi in cap. *postulasti* 27. *de rescriptis*, Burdigalensi Arch.
in cap. *pro illorum* 22. tum Novariensi Capitulo, et Vercellensi Episc. in cap. *di-*
lectus 27. *de praebendis*, Cameracensi Praeposito, et Capitulo in cap. *proposuit*
4., Basileensi Episc. in cap. *cum nostris* 6. Hildesheimensi in cap. *litteras* 9. *de con-*
cess. praeb.

(5) Honor. III. Cantuariensi Archiep. in cap. *dilectus* 29. Legionensi in Cap. Ca-
pitulum 30. Bituricensi in cap. *ad audientiam* 31. et cap. *litteris* 39. *de rescrip-*
tis, Decano, et Cantori Leodiensi in cap. *veniens* 13. *de renunc.* Capuano Arch.
pro Eccl. Suessanae praebenda in cap. *illa devotionis* 2. *ne sede vacante. aliqu.*
innov.

(6) Greg. IX. Mediol. Arch. in cap. *in nostra* 32. Abati S. Victoris in cap. *ex*
insinuatione 37. Novicensi Episc. in cap. *mandatum* 38., tum in cap. *litteris* 39.
cap. *abstem* 40. et cap. *si proponente* 42. *de rescriptis*, pro Lucana diocesi in
cap. *cum olim* 38. *de praebendis*.

(7) Innoc. III. in cap. *cum dilectus* 27. *de iure patr.*

(8) Greg. IX. in *cit. cap. ex insinuatione* 37. *de rescriptis* refert litteras ponti-
ficis ad Episcopum Ambianensem *praeceptorias*, et postmodum *executorias* contra
eum datas ad Abatem S. Victoris pro l. clerico: mandans, ut si nullae *monitoriae*
praecesserint, *executoris* supersedeatur. Tum in cap. *litteris* 39. *eodem tit.* ait:
mandatum nostrum vos exequi volumus, et mandamus: non obstante quod T. sub-
diaconum nostras litteras executorias receperitis, qui a san. m. Honorio praede-
cessore nostro monitorias impetrauit.

(9) *Ad hoc nostrum nos compellit officium, ut Christi pauperibus, prout quem-*
que dignum noverimus, praebeamus adumentum . . . Clerico latiori praesentium
de competenti beneficio providere vos monuimus nostro scripto. Quia vero nihil
horum factum est praemissis litteris, commoneamus vos iterum subsequentibus, at-
que praecipimus, ut praebendae primo vacantis in vestra Ecclesia vestituram ei-

torum delegatio, et potestas patet evidentius in Corpore Iuris Canonici (1). Frequens tum contumacia Ordinariorum in causa fuit, ut non binas, uel ternas litteras pro collationibus beneficiorum det amplius Apostolica Sedes: sed unam dumtaxat bullam, qua et pontificia collatio nunciatur cum adiunctis conditionibus, et clausulis, et simul destinantur executores ad eam perficiendam cum potestate comperescendi contradictores quoslibet iniuros, et contumaces.

XII. In generali autem Concilio Lateranensi III. sub Alexandro III. vacantia beneficia, quae conferre infra sex menses Collatores ordinarii neglexerint, iure devolutionis reservata Metropolitanis sunt (2): vel Romanae Sedi ob eorum negligentiam, qui alium non habent Superiorem (3). Spatium id semestris decurrere a die non vacationis, sed notitiae istius contra negligentes tantum, et quovis impedimento vel iuris, vel facti obviente interea suspendi cursum temporis eiusmodi: Praelatoque suspenso ab sua iurisdictione, et officio, quia tunc deficit ordinarii Collatoris negligentia, non ad alium, nisi ad Romanum Pontificem devolvi collationem, qui praeter eius desidiam, et negligentiam potest praebendas donare, Innocentius III. declaravit (4); mox censuit non valere collationem ab ordinario Collatore factam lapso tempore Concilii Lateranensis (5). Honorius III. iidem rescripsit, Episcopali Sede vacante, ad Capitulum non devolvi episcopalem collationem praebendarum per Superioris negligentiam: quum non fuerit ibi superior, qui eas posset de facto, vel de iure conferre: eamque ob rem confirmavit Ecclesiae S. Leucini concessionem ab Archiepiscopo Capuano executore apostolico factam (6).

XIII. Vacationibus apud Sedem Romanam, et in Curia Romana, quae aliud reservationis genus praecipuum invexerunt, viam stravit consuetudo vetustissima creandi, et ordinandi in Synodis oecumenicis novos Episcopos in eorum vacantes Sedes, qui vel mortem in eisdem Synodis obirent, vel se ultro abdicarent renunciantes, vel rite ob crimina deponerentur.

dem clerico concedatis; sin autem, de vestra contumacia nos poenam cumere sentietis. Ex MS. codice Ecclesiae S. Albini Andegavensis apud Florent. loc. cit.

(1) Datus ab Innocentio II. executores litterarum pontificiarum collationis praebendarum in Ecclesia S. Florentini in Confluentia memorat Honorius III. in cap. *veniens* 13. de *renunc.* Et Greg. IX. in cap. *cum olim* 38. et ult. de *praeb.* mandavit Priori S. M. ut diaconum in aliqua Ecclesia civitatis, vel diocesis Lucanae auctoritate apostolica provideret. Huiusmodi exemplis redundant Iuris Canonici volumina toto tit. de officio, et pot. iud. delegati, et alibi passim.

(2) Conc. Later. III. in cap. *nulla* 2. de *consecr. praeb.* ita decrevit: *Cum vero praebendas ecclesiasticas, seu quaelibet officia in aliqua Ecclesia vacare contigerit, non diu maneant in suspensione: sed infra sex menses personis, quae digne administrare valeant, conferantur. Si autem Episcopus, ubi ad eum spectat, conferre distulerit, per Capitulum ordinetur. Quid si ad Capitulum pertinerit, et infra praescriptum terminum hoc non fecerit: Episcopus secundum Deum hoc eum religiosorum virorum consilio exequatur: vel si omnes forte neglexerint, Metropolitanus de ipcis secundum Deum absque illorum contradictione disponat.*

(3) Ex Innoc. III. epistola in can. *licet magister* 3. de *suppl. negl. Praelator.*

(4) Innoc. III. in cap. *quia diversitatem* 5. cod. tit. et cit. cap. *licet magister* 3. de *suppl. negl. Praelat.*

(5) Idem in cap. *litteras* 4. et cap. *dilectio* 5. et fin. de *suppl. negl. Praelator.*

(6) Honor. III. in cap. *illa devotionis* 2. ne *sed. vac. alij. inn.*

Nam ex historia, et actis synodicis liquet, quod Nicaena Synodus I. in S. Philogonii Patriarchae Antiocheni apud Synodum ipsam defuncti sedem evexit S. Eustachium Episcopum Bereensem. Constantinopolitana Synodus II. in S. Gregorii Nazianzeni renunciantis locum ordinavit Nectarium. IV. Chalcedonensis degradato Dioscoro, quum alium subrogare decrevisset, iteratis Aegyptiorum Praesulum precibus indulgens eum dispensationis gratia in suam Sedem restituit. Sexta Synodus in locum Macarii Antiocheni Patriarchae ab ea degradati suffecit, ordinavitque Theophaniam. Eodem iure Concilium Constantiense exauctorato Benedicto XIII. Antipapa, quum Gregorius XII. papatui iam renunclasset, Martino V. e stirpe Columnensium pontificiam Sedem contulit electo votis consentientibus XX. Cardinalium, et XXX. Electorum a quinque Nationibus deputatorum. Quae res canonicam patefaciunt auctoritatem vacationis in Synodo per obitum, renunciationem, et degradationis sententiam, moremque vetustissimum, ut Ecclesiae in ea vacantes a Synodo ipsa conferrentur, et ordinarentur. Similis inde mos vacationes apud Sedem Romanam inexit. Quandoquidem Innocentius III. praebendam Ecclesiae Cremonensis, quae apud Sedem ipsius per obitum vacaverat, nepoti H. defuncti contulit, litterasque ad Episcopum, et Capitulum dedit iubentes, ut ei stallum in choro, locumque in Capitulo assignarent (1). Exinde Clemens IV. ad Romanam Sedem evectus anno 1265. primus omnium iure scripto reservavit suae Sedi Apostolicae omnia beneficia apud eandem Sedem vacantia, antiquam ea in re consuetudinem Romanorum Pontificum praecessisse adseverans, *Collationem Ecclesiarum, personatum, dignitatum, et beneficiorum apud Sedem Apostolicam vacantium specialius ceteris antiqua consuetudo (ait) Romanis Pontificibus reservavit. Nos itaque laudabilem reputantes huiusmodi consuetudinem statuimus, ut Ecclesias, dignitates, personatus, et beneficia, quae apud Sedem ipsam deinceps vacare contigerit, aliquis praeter Romanum Pontificem quacumque sit auctoritate munitus, sive iure ordinariae potestatis ipsorum electio, provisio, seu collatio ad eum pertinent (nisi ei sit super conferendis eisdem in Curia Romana vacantibus specialis, et expressa ab ipso Pontifice Summo auctoritas attributa) conferre alicui non praesumat. Nos enim si secus attentatum fuerit, decernimus irritum, et inane* (2). Textus hic vacationes apud Sedem quum non limitarit ad casum obitus naturalis beneficiariorum apud eam contingentis, generatim loquens, videtur alias non excludere species vacationum ex resignatione, vel depositione obvenientes, ubi exempla diversarum vacationum apud Synodos, et variae inde collationes pontificiae considerentur.

XIV. Gregorius X. in generali Concilio Lugdunensi anno 1274. statutum Clementis praedecessoris sui de dignitatibus, et beneficiis in Curia Roma-

(1) Innoc. III. in cap. accedens 23. de accusationibus.

(2) Clem. IV. in cap. licet. 2. de praebendis, et dignitatibus. Ulgares editiones post Antonium Contium textum hunc alternatim inscribunt Clementi III. alias IV. Cum autem reservatio isthaec ignota fuisset ante Clementem III., qui sedit anno 1188., et Coelestinum III. Clementis successorem, quamvis in eodem cap. 2. ad antiquam consuetudinem ea relata sit, constitutio huius cap. 2. rectius Clementi IV. (qui Pontificatum assumpsit anno 1265, ut in vetustioribus codicibus legitur), quam Clementi III. inscribitur.

na vacantibus non per alium, nisi per Romanum Pontificem conferendis decrevit taliter moderandum, ut ii, ad quos eorumdem beneficiorum, et dignitatum spectat collatio (statuto non obstante praedicto) demum post mensem a die, quo dignitas, seu beneficia ipsa vacaverint, numerandum ea conferre valeant tantummodo per seipsos, vel (ipsis agentibus in remotis) per suos Vicarios generales in earum dioecesibus existentes, quibus id canonice sit commissum (1). Verum in aliis reservationibus limitatum Papae numquam conferendi tempus, quo elapso libertas conferendi ad Ordinarios rediret. Animadvertere heic iuvat Clementem IV, et Gregorium X. promiscuo sensu dixisse apud Sedem vacare beneficia, et in Curia Romana: ut intelligamus alterutram locutionem unum, idemque sonare, et inanem esse unius ab altera differentiam a nonnullis proprio Marte exco- gitatam.

XV. Dein Bonifacius VIII. anno 1294. creatus Pontifex recitavit Clementis IV. constitutionem declaravit locum habere in beneficiis, quas Legati, aut Nuntii Sedis eiusdem, vel quivis alii ad Romanam Curiam venientes, vel etiam recedentes ab ipsa obtinere noscuntur: si eos in locis vicinis ipsi Curiae mori contingat: quemadmodum si in loco, ubi eadem Curia residet, morerentur. Idem est, si aliquis Curialis (etiam Romana Ecclesia vacante, peregrinationis, infirmitatis, aut recreationis, seu alia quavis causa ad locum Curiae vicinum recedens, in huiusmodi loco vicino decedat: dummodo ibi (etiamsi erat ad ipsam Curiam reversurus, eius domicilium, seu domus propria non existat. Loca vero intelligantur vicina ait, eidem Curiae in praemissis, quas remota ultra duas dietas legales (quas hoc casu sic specialiter volumus computari) a loco, ubi moratur ipsa Curia, non existunt. Sane si quis in loco, ubi degit Curia, suas originis domum habens, diem claudat extremum in ea: ipsius beneficia sub praedicto non aliter includantur statuto, quam si Curialis esset antea, et ibidem occasione Curiae moreretur. Porro Curiam de loco ad locum transferri contingit: si Curiales in itinere (dum Curiam sequuntur eandem) vel in loco, unde recedit ipsa Curia, forsitan remanentes infirmi, rebus inibi eximantur humanis, praemissum statutum (quantumcumque locus, ubi decedunt, ab ipsa Curia sit remotus) ad illorum beneficia se extendit (2).

XVI. Mox idem Bonifacius Legato suo a latere in Gallias auctoritatem indulsit recipiendi resignationem ab obtinentibus beneficia ecclesiastica in iisdem partibus, qui ea vellent libere in eius manibus resignare, ac beneficia ipsa personis idoneis conferendi (3). Ex hoc textu colligitur etiam re-

(1) Greg. X. in cap. statulum 3. de praeb. in VI. Id vero Bonif. VIII. vetuit Episcopis, dum edixit perpetuum fore, lapso etiam mense, reservationem pontificiam beneficiorum, apud Sedem, et in Romana Curia vacantium: cap. pie sollicitudinis 1. de praeb. in Extravag. comm. et Ioannes XXII. in cap. ex debito 4. de electione in eisdem Extravag. Clemens V. pariter sibi reservavit omnia apud Sedem Apostolicam vacantia, et vacatura beneficia, extr. comm. etiam in temporalium 3. de praeb., et dignitatibus.

(2) Bonif. VIII. in cap. praesenti 35. de praebendis in VI. Iure civili quom in singulos dies vicena millia passum dinumerentur a Caio in l. vicena millia 1. D. si quis cautionibus in iudicio sistendi causa factis non obtinuerit: duorum dierum spatium hac ipsa ratione finiendum tradit Gl. in cit. cap. praesenti verbo legales.

(3) Bonif. VIII. in cap. dudum 14. eodem tit. in VI.

signata in manibus Papae beneficia apud Sedem ipsius vacare, non aliter, quam resignatas in Synodo episcopales Sedes, ac dignitates. Verum quoad pendeat una reservatio, quam sibi Legatus a latere statuerit ordinaria suae legationis potestate, aliam in ea ipsa Ecclesia praebendam reservare non posse, constituit idem Pontifex (1). Quemadmodum nec aliquam ex Cathedralibus, vel regularibus, vel collegiatis Ecclesiis, neque primam inibi dignitatem post pontificalem (2). Has omnes hinc etiam Sedi Apostolicae reservatas arguunt.

XVII. Romana vero Sede vacante, parochiales Ecclesias, quae apud eandem Sedem, et in Curia vacaverint post Papae obitum, vel eo vivo, vacantes collatae non sint, ab Ordinariis locorum posse libere conferri: *ne ipsarum vacatio diutina periculum valeat animabus adferre*, Bonifacius idem statuit (3).

XVIII. Has quidem in *Corpore Iuris clausas reservationes generales beneficiorum in Curia, et apud Sedem Apostolicam vacantium*, nec non *speciales iure praeventiois, et devolutionis* prospero successu invaluisse palam est ex continuatis Pontificum successorum constitutionibus extravagantibus, et Cancellariae Apostolicae Regulis mox enucleandis, quamvis Galli, et Angli potissimum pro aris, et focis pugnantes studuissent ipsas a se totis lacertis avertere (4). Synodus Constantiensis urgentibus potissimum Galliae Deputatis non aliud decrevit, nisi ut Romanus Pontifex proxime tunc eligendus reformationi Ecclesiae incumberet super propositis Nationum articulis, praesertim *de reservationibus Sedis Apostolicae, tum de collationibus beneficiorum, et gratiis expectativis*. At Synodus Basileensis, ubi contendit generalem reservationem Cathedralium, Collegiatarum, monasteriorum, et dignitatum electivarum abolere, excepit semper apertissime, et comprobavit *reservationes in Corpore Iuris clausas, et quas in terris Romanae Ecclesiae ratione directi, seu utilis domini mediate, seu immediate subiectis fieri contigerit* (5).

XIX. Posthaec instaurata de istis quaestione in Concilio Tridentino, vix *mandata de providendo*, quae *gratias expectativas* ante vacationem beneficiorum indulgebant, et captandae mortis votum fovebant, vetita sunt; simul et *reservationes mentales*, quibus nimirum Papa hoc, illudve beneficium collationi suae reservabat, relicta persona, cui illud esset inde col-

(1) Idem in *cap. praesenti 3. de officio legati in VI.*

(2) Idem in *cap. deliberatione 4. eodem tit. in VI.*

(3) Idem in *cap. si Apostolica 35. de praebendis in VI.* Hoc iure nunc etiam uti Episcopos tradit Riganthus to. 1. in *Reg. 1. Cancell. §. 1. num. 384. et seq.*

(4) N. Alexander in *hist. saec. XIII., et XIV. cap. 6. art. 3.* cum Mattheo Parisio querelas, et studia Gallorum, Anglorumque contra pontificias reservationes enarrat. Odoricus Raynaldus ad an. 1301. num. 59. orationem Anonymi Episcopi Gallicani habitam in actis praefambulis ad Concilium Viennense, qua nimias collationes beneficiorum cum cura, et sine cura clericis plerumque ignotis, vel indignis a Romana Curia imperatas innotatur. Decretum Ecclesiae Gallicanae Parisiis coactae de amovendis reservationibus quibuscumque tam generalibus, quam specialibus Carolus VI. Galliae Rex edicto suo promulgavit anno 1406. Henrici III. Anglorum typis litteras ad Innocentium IV. mox Eduardi III., eiusque Nationis Anglicanae ad Clementem VI. pro pontificiis reservationibus abrogandis fert historia.

(5) Conc. Basiliense *sess. 12. et sess. 23. cap. 6.*

laturus; et aliae quaecumque gratias ad vacatura (1). Ut ista lex Tridentina, quae usu viget, servetur adamussim, nullusque ad eam fraudandam locis pateat, conspirant tres Cancellariae Regulae XLVI, LVIII, et LXII. Ceterae autem reservationes, et affectiones immotae steterunt, et stant adhuc. Sed eas Gallis, Germanis, et Hispanis Concordata, et indulta non eodem modo, sed varie reformarunt (2).

XX. Nullis quippe rationibus inconcussis firmatum ius istud reservationum agnoscitur. 1. quod singulis Episcopis in sua cuique dioecesi agere licet, id etiam Summo Pontifici licere, eminentem curam, et sollicitudinem omnium Ecclesiarum habenti, sanae mentis nemo dubitat (3). 2: ut alios Patriarchas in regionibus suis, ita Romanum in Occidentalibus praecipue dioecesebus clericis ubilibet, ac presbyteros ordinare tunc etiam consuevisse, quum ex Ordinibus praebendae uno, eodemque tempore conferebantur, iam liquet. 3: ipsi mox Episcopi sacros Ordines a praebendis seunctos conferre quum coepissent, plerique suo abutentes arbitrio consanguineos, familiares, amicos minus idoneos ecclesiasticis redditibus, et beneficiis locupletare studuerunt: egenos autem digniores posthabitos eatenus contemnere, ut eos esurientes ad longinquam peregrinationem adigerent mendicatuos victum. Hinc ratio pietatis urgentissima flagitavit, ut Romani Pontifices praecleara B. Gregorii M. exempla (4) sectantes, clericis pauperibus sine titulo praebendae ordinatis provident, et auctoritate apostolica destinarent praebendas in dioecesanis ipsorum Ecclesiis, negligentiam Ordinariorum supplendo, et contumaciam retundendo (5): utque presbyteros probitate, ac scientia

(1) Trid. in cap. decernit 19. sess. 24. de reformat. haec habet. *Decernit Sancta Synodus mandata de providendo, et gratias, quae expectativae dicuntur, nemini amplius, etiam collegiis, universitatibus, senatibus, et aliis singularibus personis, etiam sub nomine indulti, aut ad certam summam, vel alio quovis colore concedi, nec hactenus concessis cuiquam uti licere. Sed nec reservationes mentales, nec aliae quaecumque gratiae, ad vacatura, nec indulta ad alienas Ecclesias, vel monasteria alicui etiam ex Sanctae Romanae Ecclesiae Cardinalibus, concedantur, et hactenus concessa, abrogata esse censeantur.*

(2) Galli quidem certum reservationibus pontificiis modum impositum habent ex Concordatis Bononiensibus inter Leonem X., et Franciscum I. initis anno 1515., dein confirmatis in Concilio Lateranoensi V. sess. 11. Germani ius antiquum in electionibus retinere vi Concordatorum Nicolai V. cum Friderico III. Imp. an. 1448. Hispanis Hadrianus VI. Carolo V. postulante, indulsit, ut Episcopi omnes ad Regis nominationem crearentur, et nuperima Concordia Ferdinandi VI. cum Benedicto XIV. reservationes maxima ex parte abolevit.

(3) Ven. Gersonius to. 1. pag. 357. ita scribit: *Papa est sic immediatus Prae-latus omnium fidelium, quod potest pro libito per se, vel alios commissos omnia exercere licite, quae potest quicumque Prae-latus, vel Curatus inferior, etiam, ubi non subest necessitas propter defectum inferiorum, neque rationabilis utilitas.*

(4) Paulo superius exposita num. 7.

(5) Vetus forma litterarum apostolicarum de beneficiis conferendis apud Franc. Florent. loc. cit. ita praefator. *Ad hoc nostrum nos impellit officium, ut Christi pauperibus, prout quemque dignum noverimus, praestemus adjuvmentum. Hoc ergo officium timentes transgredi. . . clerico latiori praesentium de competenti beneficio providere vos monuimus nostro scripto. Innocentius III. in cap. postulasti 27. de re scriptis eandem providendi formam communem explicans inquit: cum per*

praeditos, qui *duplici honore* ex Apostoli sententia digni sunt, dum *laborant in verbo, et doctrina* (1). Ordinaris locorum vel invisos, vel abiectos Apostolica Sedes adiuvaret subsidio beneficiorum ubilibet vacantium (2). 4: necessitas etiam distribuendi ecclesiastica stipendis tot, tantisque viris apud Sedem Apostolicam collaborantibus in Centro universalis Ecclesiae, unde mittuntur per Orbem nedum Episcopi, sed operarii etiam plurimi pontificiam curam quasquaversus implentes, iure vindicet Romano Pontifici potestatem Sedi eius insitam in collationibus Ecclesiarum, beneficiorumque totius Orbis ab ipso, vel praeventis, vel sibi reservatis (3).

XXI. *Perpetuam* inesse vim *clausis in Corpore Iuris* reservationibus DD. omnes consentiunt. His unam adde aliam extravagante, seu perpetuo constitutione Ioannis XXII. superinductam, omnium beneficiorum, quae ob *retentionem* alterius incompatibilis ipso iure *vacatura* sint, vel *dimittenda* intra mensem post aliud incompatible ademptum: *quae omnia*, ipse ait, *Nostras, et Sedis Apostolicae dispositioni reservamus*: cum decreto irritante futuras, quas alii quicumque attentarent de iis collationes (4). *Temporaneas* vero alias esse, quas ad suam quisque vitam dumtaxat duraturas indixerunt singuli inde Pontifices constitutionibus primum *extravagantibus*, mox *Regulis Cancellariae*, crastino cuiusque novi Pontificatus die instar edicti praetoris promulgari solitis, iam liquet.

formam praedictam necessitatibus pauperum clericorum, qui nullum sunt ecclesiasticum beneficium assecuti, Sedes Apostolica duxerit succurrendum. Idipsum idem Pontifex fusius edisserit in *cap. accepimus* 13. *de aetat, et qualif. et ordin. praefic.*, sic de promotis sine titulo ad sacros Ordines rescribens: *facimus in litteris nostris apponi, ut si ordinatus, pro quo scribimus, idoneus habeatur, et ecclesiastico beneficio non indignus, ei ab ordinatore, vel successore ipsius competens beneficium tribuatur: cum etiam tecum de iure agere vellemus, te possemus merito ad provisionem eorum compellere, quos a te, vel praedecessoribus tuis ordinatos esse constaret; eo praesertim, quod ad ecclesiasticum beneficium eos debes idoneos reputare, quos ad Ordines suscepisti.*

(1) Ep. 1. ad Timotheum cap. 5. *vers. 17.* Quod abusus Episcoporum in conferendis beneficiis causam reservationibus pontificiis dedissent, prae ceteris disseruit in Cone. Constantiensi Card. Petrus de Alliaco in *opusc. de eccles. pot.*

(2) Innoc. III. in *cap. ad decorem* 5. *de instit. Patriarcham Constantinop.* commouit; ut viros *litteratos, et alios idoneos, undecumque originem duxerint*, in Ecclesiis institueret. Benedictus XII. in *extr. ad regimen* 13. *de praeb. ut ad beneficia ecclesiastica iuxta divinum beneplacitum viri assumantur idonei, qui praesint, et prosint Ecclesiis*, reservavit sibi *vacatura* per obitum curialium. Synodus Tridentina in *cap. 3. sess. 7. de ref. grave nimis, et absurdum esse dixit, quod quidam Ecclesiarum Praelati ad ecclesiastica beneficia promovere non verentur indignos, quibus nec morum honestas, nec litterarum scientia suffragatur.*

(3) Haec ratione inductas reservationes affirmat Card. Pallavicin. et Reding. in *hist. Conc. Trid.*

(4) Ioan. XXII. in *extr. execrabilis* 4. *eod. tit. §. quae omnia.* Perpetuam huius reservationi vim esse arguit *Glossa* ex eo, quod *Sedi Apostolicae*, quae numquam moritur, facta ea sit: neque ad illius pontificatus spatium restricta. Ipsam ab usu recessisse aiunt Rebuffus in *prax. benef. tit. de forma signaturae*, et Garzias *de benef. par. 1. cap. 5. num. 47.* Sed numquam cessasse, nec mortuo Papa expirare, rectius monet Rigant. *to. 1. in proem. ad Reg. Canc. num. 108.* cum Lotterio, et Rosa.

XXII. Clemens V. Burdegalae in Gallia degens an. 1305, ut provideatur ex merito ecclesiasticis personis, et ne indigni adsumantur ad regimen animarum (ait): generaliter 1: patriarchales, archiepiscopales Ecclesias. 2: monasteria, prioratus, et quoslibet personatus, dignitates, vel officia cuiuscumque ordinis, et conditionis existant. 3: canonicatus, praebendas, Ecclesias cum cura, vel sine cura, et alia quaelibet beneficia ecclesiastica quocumque nomine appellentur, quae apud Sedem Apostolicam vacare nescuntur ad praesens, et quae toto nostri Pontificatus tempore vacare contigerit in futurum, provisioni, collationi, et dispositioni nostras, et Sedis eiusdem hac vice auctoritate apostolica reservamus (1). Ista Clementis V. extravagans constitutio non utique novam mobilem, sed antiquam Clementis IV. reservationem in Corpore iuris clausam Imperasse videtur.

XXIII. Ioannes XXII. praevius Bonifacii VIII. et Clementis V. reservationibus inhaerens, nonnulla detrahendo, ait, aliqua declarando, et quaedam addendo de novo, sibi reservavit (donec universalis Ecclesiae regimini praesideret) Episcopales primum, superioresque Sedes; dein monasteria et regulares Ecclesias etiam electivas, prioratus, officia, et administrationes; tum dignitates etiam, praebendas, et alia ecclesiastica beneficia clericorum saecularium, cum vel sine cura, apud Sedem Apostolicam vacantia. 2: vacare apud Sedem suam declaravit Sedes, monasteria, et alia praefata beneficia per mortem, vel depositionem, ac privationem, per electionum cassationem, postulationem, repulsionem, renunciationem in Curia, provisionem, translationem, sive per successionem muneris consecrationis, aut benedictionis ab Apostolica Sede impensi, vel ubilibet auctoritate ipsius impendendi. 3: easdem Episcopales, aliasque dignitates, et beneficia praedicta per obitum Cardinalium S. R. E. voluit apud Sedem vacare, sive in Curia Romana, sive alibi, ubicumque ipsos migrare de hac luce contigerit. 4: similiter per obitum officialium Sedis Apostolicae, videlicet Vicecancellarii, Camerarii, Notariorum, Auditoris contradictarum, Correctorum, Scriptorum litterarum, et Poenitentiariorum, nec non Abbreviatorum Curiae Romanae. 5: praeterea Cappellanorum Pontificis commensalium, et quorumlibet aliorum ratione officii, vel ex causa legitima in ipsa Curia morantium; eorumque simul, qui inde pro Sedis Apostolicae negotiis quocumque modo missi, aut legati, aut nuntii fuerint, ubicumque durante legatione, aut mandato negotie obierint. 6: hanc ipsam reservationem extendit ad ea omnia beneficia praedictarum personarum, quae vivente Clemente V. praedecessore suo ita vacassent apud illius Sedem: dummodo in eis ius in re, licet ad rem, non sit aliquibus adquisitum. 7: pensiones vero, et monasteria, ac beneficia regularia eisdem personis commendata ab eiusmodi reservatione eatenus oxemit, ut eo non obstante ad Ecclesias, et personas, ad quarum dispositionem iure communi pertinebant, illis cedentibus, vel decedentibus libere revertantur (2).

XXIV. Hac extravagante constitutione, quam singuli exinde Pontifices innovarunt, suisque Regulis Cancellariae ampliavere paulatim; factum est, ut Ioannem XXII. Docteres primum auctorem Regularum Cancellariae agnoverint, et ore uno confiteantur. Pronum cuique est in hac ipsa

(1) Io. XXII. in extr. ex debito 4. et ult. de electione.

(2) Clemens V. in extravag. etai 3. de praeb. et dignit. inter comm.

constitutione dignoscere, quod Ioannes XXII., in primis clausas in Corpore Iuris reservationes beneficiorum apud Sedem vacantium explicaverit, declarans quum *personas* Curiae Romanae inservientes, tum *species vacationum* diversas in ea contingentes: postmodum extenderit reservationes huiusmodi ad obitum earundem personarum *ubilibet* extra Curiam, et in locis ultra duas diaetas ab ea vel remotissimis.

XXV. Benedictus XII. anno 1335. Avenione sedens constitutionem Ioannis XXII. verbis fere iisdem, vel paullo amplioribus primum innovavit, cunctasque ab eo factas reservationes sigillatim auctoritate sua indixit cum clausula, *donec miserationis divinae clementia nos universalis Ecclesiae regimini praesidere concesserit*. Dein eas insuper extendit ad beneficia omnia *quorumlibet* pro quibuscumque negotiis ad Romanam Curiam venientium, *seu etiam recedentium ab eadem, si in locis a dicta Curia ultra duas diaetas legales non distantibus obierint. Et quorumcumque* Curialium peregrinationis, infirmitatis, aut recreationis, *seu alia quacumque de causa ad quaevis loca recedentium, in locis ultra duas diaetas non remotis* decedentium: dummodo proprium eorum domicilium non existat ibidem. Vacantia item, et vacatura quaevis beneficia cuiusque *promoti, vel promovendi* ad cathedrales Ecclesias, et monasteriorum regimina. Nec non *per adsecutionem pacificam* cuiusque dignitatis, personatus, beneficii incompatibilis vacatura (1).

XXVI. Paulus II. an. 1467. ut varias interpretum opiniones dirimeret, omnia, et singula beneficia ecclesiastica, etiam electiva, a Romanis Pontificibus per constitutiones in eorum pontificatu solum duraturas cum decreto irritante *reservata, et reservanda*, quae Papae, et Cardinalium familiares continui commensales eorum familiaritate durante obtinerent, quaeque *collectores, et subcollectores* Camerae Apostolicae durantibus eorum officiis pariter obtinerent, dein Apostolica Sede vacante per obitum eorundem in quibuscumque locis vacaverint; *perpetuas, et irrefragabilis* constitutionis edicto decrevit, et declaravit remansisse, ac remanere semper affecta, nullumque de illis, cum primum vacare contigerit, praeter Pontificem Romanum, ea vice quovis modo disponere potuisse, sive posse (2).

XXVII. Sicuti haec Pauli II. extravagans ex ipsius legislatoris voluntate vim perpetuae constitutionis habuit, nullaque morte nec ipsius, nec Successorum Pontificum expiravit, vel desiit umquam: ita antedictae Clementis V., Ioannis XXII., et Benedicti XII., extravagantes, ex adiecta iis clausula temporaneae durationis ad vitam cuiusque ipsorum, cum singulorum obitu extinctae suum omne robur pontificis Sede vacante amiserunt, quoadusque novo successoris Pontificis edicto revixere: quid nonnullis aliter visum est. Hinc ratio patet, cur eas ipsas consueverint speciatim innovare singuli Pontifices in suis Cancellariae Regulis, iam nunc recitandis, expendendis.

XXVIII. Regula I. Benedicti XIV. ut siileam ceteros, apud Rigan-
tium, ita se habet. *In primis fecit easdem reservationes, quae in constitutione sel. rec. Benedicti Pp. XII. quae incipit ad regimen (3) continentur,*

(1) Bened. XII. in extr. *ad regimen* 13. eod. tit.

(2) Paul. II. in extr. *ad Romani Pontificis* 14. et ult. eod. tit.

(3) Constitutionem Ioannis XXII. extr. *ex debito*, quemadmodum et alias prae-

et illas innovavit, ac locum habere voluit, etiamsi officiales in eadem constitutione expressi Apostolicæ Sedis officiales ante obitum eorum esse desierint, quod beneficia, quæ tempore, quo officiales erant, obtinebant. Declarans nihilominus beneficia, quæ dictæ Sedis officiales, qui ratione officiorum suorum huiusmodi eiusdem Sedis Notarii erant, etiam dimissis ipsiis officiis, et quandocumque assequuti fuerint, sub huiusmodi reservationibus comprehendit. Ac reservavit beneficia, quæ per constitutionem præ mem. Ioannis Papæ XXII., quæ incipit execrabilis (1) vacant, vel vacare contigerit. Quam constitutionem, et reservationem S. S. tam ad beneficia obtenta, quam alia quaecumque, de quibus Ordinarii, et alii contra Concilii Tridentini decreta disposuerunt, et disponent in futurum, extendit, et ampliavit, et ea etiam beneficia omnia dispositioni suæ reservavit, de quibus per dictos Ordinarios, aut alios collatores contra eiusdem Concilii decretorum formam dispositum fuerit. Decernens irritum etc. (2).

XXIX. Tria versat generatim hæc Regula cum extravagantibus iam dictis constitutionibus, videlicet personas, beneficia, et modos vacationum. 1. personæ reservationem procreantes sunt Cardinales, Officialesque Sedis Apostolicæ a Ioanne XXII. designati, Scriptores, et Notarii Apostolici, Capellani Papæ commensales, Legati, Nuntii, Gubernatores, Prælatique mandata, munia, vel negotia S. Sedis ubilibet gerentes, et subcollectores Camerae, Curiales Romæ degentes, aut illuc, vel inde dimigrantes, promoti ad Cathedrales, et Abatiales Ecclesias. 2. beneficia, quæ reservantur, sunt episcopales, superioresque Sedes, monasteria, regularesque dignitates, officia, et administrationes, Clerique sæcularis Ecclesiæ cum cura, vel sine cura, dignitates, personatus, canonicatus, officia, præbendæ. 3. modi vacationum apud Sedem Apostolicam, et in Curia Romana sunt obitus beneficiariorum naturalis in Urbe, locisque ab ea intra duas diætas dissitis, cessio, seu dimissio, renunciatio seu resignatio, solemnis regularium votorum professio, legitima dispensatio, sententia privationis, cetera id genus gesta apud Sedem Romani Pontificis, et in Curia ipsa, vel ubilibet auctoritate Sedis Apostolicæ delegata.

cedentes Clementis V., et Bonifacii VIII. siluit; quia singulas earundem reservationes recensuit, instauravitque postiorum Benedicti XII. constitutio.

(1) Hanc Ioannis XXII. reservationem de beneficiis ob retentionem incompatibilium vacantibus, de qua supra dictum est num. 21. ideo expressit, qui eam non expresserat Benedictus XII.

(2) Regulam hanc in decem articulos, seu paragraphos distribuit Rigantius Regularum interpres omnium peritissimus, et nunquam satis laudandus, totidem ut reservationum species in ea strictim contentas explicaret. 1. nimirum de reservatione beneficiariorum apud Sedem vacantium. 2. de vacantibus per depositionem, privationem, translationem, consecrationem auctoritate apostolica susceptam. 3. per electionem cassatam, postulationemque reiectam, et utriusque renunciationem. 4. de beneficiis Cardinalium, et Sedis Apostolicæ officialium. 5. de advenantibus Romanam Curiam, vel ab ea discedentibus, qui intra duas diætas obiorint. 6. de curialibus quavis causa inde secudentibus, et duas etiam intra diætas, at extra suum domicilium morientibus. 7. de promotis ad Ecclesias Episcopales, et Abatiales. 8. de vacantibus per assecutionem incompatibilium a Sede Apostolica. 9. de duobus incompatibilibus auctoritate ordinaria non retinendis. 10. de beneficiis per ordinarios collatores contra Tridentinam formam provis.

XXX. Ad personas quod attinet reservationem foctantes, iam sigillatim enumeratas, huius Regni Neapolitani mores, ac leges consentiunt in primis reservationi Apostolicae beneficiorum ex obitu Cardinalium ubilibet vacantium. Nam Carolus Utr. Sic. Rex primum noster, nunc Hispaniarum, ad Regalem Cameram S. Clarae die 10. Aprilis 1736. rescripsit, ut regium placitum in aliis eiusmodi casibus concessum impertiret collationibus pontificiis beneficiorum in Aversana dioecesi vacatis per obitum Cardinalis Cosciae, qui suum Neapoli clausit diem extremum.

XXXI. Regula IV. Cancellariae speciatim reservat quaecumque beneficia, quae familiares Papae, etiam dum Cardinalatus is fungebatur honore, et Cardinalium continui commensales obtinent, et in posterum obtinebunt eorum familiaritate durante, ac in quibus, seu ad quae ius eis competit, aut competierit, etiamsi ab ipsa familiaritate per obitum Cardinalium eorundem, vel alias recesserint (1). Praeterea cubiculariorum etiam honoris, et cursorum Papae beneficia reservat Regula VII. (2).

XXXII. Veri ex mente, ac dento familiares Papae itaque sunt cubicularii etiam honoris, scutiferi, cursores, milites S. Petri, S. Pauli, Pii, Lauretani, conclavistae, commissarius Camerae, thesaurarius Datariae, auditor confidentiarum, referendarii, et alii officiales panem ex palatio habentes, subdiaconi, auditores Rotae, acholyti, secretarii, litterarum apostolicarum scriptores, et protonotarii participant (3). Paulus III. protonotarios etiam non participantes, et alios officiales; quamvis in palatio non habitantes, nec inservientes, nec ab eo panem habentes declaravit in classe familiarium, et continuorum commensalium fore connumerandos: iis tantum exceptis, quos Legati a latere, ac Nuncii crearent (4), aut collegium XII. participantium, aut Episcopi solio pontificio adstantes, alique apostolica facultate creandi protonotarios fruantes. Isti propterea videntur nullam suis beneficiis reservationem inferre (5). Praetorquam

(1) Reg. IV. apud Riganium §. 5. et 6.

(2) Cubicularios Papae honorarios in consortio familiarium commensalium iamdiu aggregaverat Paulus V. in const. sanctissimus, quam edidit die 10. Febr. 1618. apud Rigan. in comm. ad hanc Reg. 7. n. 17.

(3) Ex Riganio ibidem §. 5. num. 2.

(4) Paul. III. in const. 3. die 18. Martii 1534. apud Rigan. loc. cit. n. 3. et 6. Quos Papa extra numerum protonotarios creat indulto speciali, eos proculdubio afficit Paulina constitutio. Quemadmodum et alios obtinentes officia, quibus fuerit protonotariatus ex apostolico privilegio adnexus; puta scriptores Palatii Apostolici, milites S. Petri, milites de lilio. Et qui dignitates, vel canonicatus adnexum pariter protonotariatum habentes adipiscuntur: cuiusmodi sunt Canonici trium basilicarum Urbis. Eodem privilegio potiri Canonicos Cathedralis Ecclesiae Neapolitanae ex bulla S. Pii V. tradunt Canoniceus de Magistris in sylv. eccles. lib. 2. cap. 9. num. 92. Capon. discept. 226. num. 24. et 227. num. 14. Rigan. in Reg. I. Cane. §. 4. num. 45.

(5) Id quod sentit Lotterius lib. 3. qu. 11. num. 141. Rigan. autem in cit. Reg. I. §. 4. num. 97. et 98. tametsi contendit protonotarios ab aliis creatos aequiparare hac etiam in re iis, qui a Papa creantur extra numerum: tamen fatetur ipsis, si intra menses tres neglexerint in Secretaria Brevium privilegii sui sumptum authenticum exhibere, id privilegium nil suffragaturum, nullaquo reservatione prorsus officii eorum beneficia. Simples vero notarii apostolici quum praerogativis, et honoribus protonotariorum expertos omnino sint, eorum beneficia reservationi subicere nemo unquam contendit.

quod hoc in Regno Neapolitano privilegium protonotariorum regum exequatur hac conditione quoad honores tantum dari mos fuit. Tum Iulius III. Praelatos Ecclesiarum Papae domesticos, qui ex personali privilegio, et sine officio non aliud, nisi panem ex palatio apostolico habent quotidie, vel possunt habere, inter domesticos Papae Praelatos, et continuos commonsales accensuit, ut Regulae Cancellariae eos insimul complecterentur (1). *Cantores Capellae pontificiae* iis adiecit Xystus V. (2). Res inde iudicatae, ac stylus insuper addidit minutantes secretariae status, scriptores in bibliotheca vaticana, secretarium inferiorem S. Inquisitionis, notarium S. Poenitentiariae, dapipheros conclavis, qui ex privilegio sunt veri familiares (3).

XXXIII. Cardinalium pariter familiares ii omnes habentur, qui et inserviunt Cardinali in quovis honesto munere quum ordinario, tum extraordinario, quod ipsius personam, dignitatem, splendorem, litterarum cultum, officia religionis, ac dignitatis, curam rei domesticae, ac reddituum quomodolibet spectaverit, sive sub eodem domini tecto, sive extra commorantes; et vicissim ab eo victum vel ex communi coenaculo, vel ex diurno, aut menstruo, aut annuo stipendio sive congruo, sive tenui recipiunt: nimirum singuli famulantes qua nobiles, qua ignobiles stipendio conducti, atque in albo stipendiariorum descripti (4). Ab istorum hinc numero excludunt tam consanguineos Cardinalis licet commensales, et munus praefecti cubiculo, aliudve id genus quandoque obeuntes, in elencho stipendiariorum nullatenus descriptos; quam Vicarios generales, alioquo etiam stipendiarios subministros Ecclesiarum episcopalium, vel feudorum: quia non personam, nec munia Cardinalis tangunt, sed dignitatem alienam (5): nisi in una, eademque domo commorentur.

XXXIV. Dum simulatio, et fraus procul fuerit, brevis etiam dierum aliquot vera familiaritas cum Papae, tum Cardinalium hanc reservationem producit (6): quamquam Canc. Regula XXXII. *de impetrantibus beneficia per obitum familiarium Cardinalium* declaraverit speciatim, quoad effectum dictae constitutionis, quae scilicet consensum Cardinalia patroni in Curia Romana praesentis exigit in eiusmodi impetrationibus, familiares eorundem Cardinalium censi, qui ipsorum Cardinalium familiares continui commensales ad minus per quatuor menses, computato etiam tempore ante promotionem ad Cardinalatum fuisse probarentur. Ea enim verba quoad effectum dictae constitutionis sat indicant quadrimestrem familiaritatem non requiri ad effectum reservationis beneficiorum regula VI. imperatae, quae de veris dumtaxat familiaribus loquitur sine ullo temporis adiuncto. Ea vero beneficia solum, quae ante familiaritatem, eaque durante, non alia post eam dimissam, dissolutamque obtenta sint, hac reservatione affici, plane disponit ipsius Regulae littera.

XXXV. Quinta Regula reservat omnia, et singula beneficia ecclesiastica

(1) Iul. III. in const. 21; apud Rigant. in Reg. IV. §. 5. num. 8.

(2) Xystus V. const. 38. §. 3. ibidem num. 66.

(3) Rigant. loc. cit. num. 66. ad 143.

(4) Idem ad cit. Reg. IV. §. 6. num. 101. et seq.

(5) Idem loc. cit. num. 113. et 141.

(6) Rigant. ibidem §. 6. num. 87.

quorumcumque Collectorum, et unicorum in quacunque civitate, vel dioecesi, qui suo tempore officia exercuerint, subcollectorum fructuum, et proventuum Camerae Apostolicae debitorum: illa videlicet beneficia dumtaxat, quae durante eorum officio obtinebant, et in quibus, seu ad quas ius eis competeat. Hoc in Regno Collectoris munus exercet Nuntius pontificius (1), qui ex decreto S. Congregationis Concilii die 27. Februarii 1677. singulos in singulis 85. dioecesis Episcopalibus, et viginti locis exemptis, nulliusque dioecesis inibi enumeratis, deputat subcollectores; duos in singulis 38. dioecesis amplis (2), non plures, quam tres in singulis aliis dioecesis amplioribus (3), decem vero in civitate, ac dioecesi Neapolitana. At Innocentius XI. dum probavit eiusmodi decretum, expresso voluit, quod ea derogatum, sive praesudicatum minime censeatur reservationibus, et affectionibus beneficiorum eorundem collectorum, et subcollectorum, resultantibus ex Regulis Cancellariae Apostolicae (4). Quoniam vero unicorum dumtaxat subcollectorum beneficia haec Regula V. in singulis dioecesis (quum separatis, tum unitis) reservat post eiusmodi decretum, et ubi unus in civitate, alter in dioecesi, seu plures in una, eademque dioecesi adsint subcollectores, neutrius, nulliusque beneficia reservata putantur (5): iure hinc dubitat Riganus, an beneficia duorum, vel trium subcollectorum in memoratis huius Regni dioecesis amplioribus reservationi subiaceant, quamvis Rota semel in Brictoriensi parochialis anno 1712. censuerit ea subiacere (6). Si enim Regularum auctores Pontifices ipsi voluissent post antedictum decretum beneficia plurium in una dioecesi subcollectorum sibi reservare, eo abhinc tempore unicos subcollectores in Regula V., et XXXII. dicere destitissent. Quoties vero Camerarius Papae alterum in singulis dioecesis subcollectorem generale decimarum, aliorumque proventuum Camerae Apostolicae destinaverit sciunctim ab eo munere colligendi spolia, fructusque vacantes beneficiorum, quod Nuntio demandatur, huius etiam alterius beneficia fieri tunc reservata, Riganus monet.

XXXVI. Regula VI. reservat omnia, et singula beneficia ecclesiastica quorumcumque Curialium, quae dum Curia Romana de loco ad locum transfertur, eam sequendo decedere contigerit in quovis loco, quantumcumque etiam a dicta Curia remoto. Idipsum a Bonifacio VIII. declaratum in Cor-

(1) Ex iam traditis lib. 1. Inst. Canon. tit. 22. de Legatis, et Nuntiis num. 11. et 26.

(2) Scilicet Aprutii, Aversae, Ariani, Amalphiae, Alexani, Aquilae, Barii, Boiani, Bisiniani, Cavae, Capuae, Campsac, Catacii, Hieracii, Hidrunti, Iserniae, Larini, Licii, Marsorum, Nola, Neriti, Neocastri, Oppidi, Ponticestri, Potentiae, Rhegii, Sorae, Siponti, Sulmonae, Squillacii, S. Severinae. S. Marci, Teates, Termularum, Triventi, Tarenti, Tricarici et Tropeae.

(3) Nimirum Acheruntiae cum Materana, Anglona, Beneventi, Cosentiae, Caputauei, Cassani, Mileti, et Salerni.

(4) Integrum hoc decretum S. Congr. ab Innoc. XI. confirmatum exhibet appendix ad Conc. Roman. Bened. XIII. art. 7.

(5) Ex rebus iudicatis a Rota Romana dec. 789. num. 16.; et dec. 857. num. 11. coram Molines, et in Albeni Prioratus 24. Apr. 1733. coram Calcagnino, et communi DD. sententia apud Rigan. in Reg. V. num. 26, 27, et 42.

(6) Idem loc. cit. num. 30. et seq.

pore Iuris, iam supra vidimus (1): ubi canonicam constitutionem de vacantibus apud Sedem beneficiis reservatis ipse vel explicuit, vel extendit. Nam ibi Roma quum sit, ubi Papa est, sit exinde, ut curiales sequentes Papam Roma demigrantem aliorum animo, redeundi (relicta Romae Cancellaria, et audientia causarum cum tribunalibus pontificiis) puleatur apud Sedem ipsius, ut munia vivi gerere, et mortem obire: quemadmodum et alii curiales in Urbe relictis, donec sua non intermiserint officia exercere, vita fungi apud eandem Sedem in ea immotam dicuntur. Utrorumque curialium plane sunt idcirco reservata beneficia: quia utrique unam, eandemque Romanam Curiam, sicuti membra diversa corpus unum sub uno capite constituunt, licet actum, et locum non eundem habeant, sed divorsum (2). Quisquis autem Romanae Curiae addictus vel officio, vel famulatu, vel alio quolibet munere fuerit, adeo ut eam sequi debeat, vel ad eam sequendam adigi possit, appellatione Curialium continentur. Curiales ab officio sunt in primis Cardinales omnes, tamquam Papae collaterales, consilarii, et comministri, dein Praelati, et iudices, officialesque omnes Apostolicae Sedis in antedictis Ioannis XXII. constitutione descripti, Rotae insuper Auditores, et contradictarum (3), Legati et Nuntii, Vicelegati, et Gubernatores civitatum Status pontificii (4), Nuntiaturae Apostolicae itidem Officiales (5). Secus indicatur de Prototonariis honorariis nullum habentibus cum Curia nexum (6), et iis, quos crearo Comites Sfortii solent (7), nec non de militibus Pii, aliisque obtinentibus venalia officia, qui emolumenta exinde percipiunt sine curiali exercitio, vel administratione (8). Famulatu, seu servitio Curiales dicuntur, qui actu inserviunt Papae, Cardinalibus, Praelatis, ceteris iam dictis Romanae Curiae Officialibus aulici famulantes, et sectari suos coguntur dominos Curiam sectantes (9). Munere tandem, seu exercitio Curiales nuncupantur causarum

(1) Bonif. VIII. in cap. praesenti 34. de praebendis in VI., cuius verba superius exscripta sunt num. 15.

(2) Id plane declaratum a Pio II., Paulo III., Clemente VII., et VII., et Benedicto XIII., dum Roma discesserunt, fert Riganus in comm. Reg. IV. num. 10. Tam eos, qui nos sequuntur, Clemens VIII. ait const. 54. apud Riganum, quam eos, qui in Urbe remanserint, unam tantum, et non duas Curias Romanas constituere. Nec non eandem Curiam ceuseri etiam volumus quoad beneficia, quae tam in dicta Urbe, et in civitatibus, et locis, ad quae accedimus, et in quibus itinere eundo, et redeundo pro tempore moram trahemus, quam per obitum illorum, qui nos, et Curiam nostram sequuntur, seu ad nos, et eandem Curiam pro eorum negotiis accedunt, et in itinere sive eundo, sive redeundo diem claudunt extremum, quomodolibet vacabunt, neminemque de illis, praeter nos disponere posse.

(3) Rot. dec. 523. num. 45. et 47. par. 19. rec. 10. 2. Card. de Luca de prosem. disc. 28. num. 10. et seq. Rigan. 10. 1. in Reg. 1. Canc. §. 4. num. 143.

(4) Rota coram Cassadoro dec. 4. de const. Rigan. ibidem num. 164.

(5) Rigan. loc. cit. num. 170.

(6) Rota in Romana Capellaniae 20. Nov. 1628. coram Pirovano, apud Rigan. ibid. num. 133. Videsis dicta superius num. 32.

(7) Rota coram Falconerio dec. 17. num. 5. de beneficiis, apud Rigan. in §. 4. Reg. 1. num. 129.

(8) Rota dec. 14., et dec. 174. par. 12. rec., Card. de Luca de beneficiis disc. 142. num. 9. et in summa num. 57. Rigan. in §. 1. Reg. 1. n. 134.

(9) Ex communi DD. sententia, quam firmavit Rota dec. 373. par. 4. rec. 10. 3.

patroni, advocati, procuratores, negotiorum gestores, quos vulgo agentes, sollicitatores, expeditores appellant, sine officio, et famulatu adhaerentes Curiae Romanae ex suscepto in ea, vel patrocinio causarum, vel munero aliena negotia gerendi (1).

XXXVII. De personis hactenus: beneficia ipsa reservata inspicere nunc oportet. Secunda Cancellariae regula Papae reservat *generaliter omnes Ecclesias patriarchales, primatiales, archiepiscopales*. Varias temporum vicissitudines in eligendis, et ordinandis Episcopis ab initio ad hodiernam usque disciplinam; suffragia populi, mox honoratorum nobilium civium, consensum Principis, dein electiones ad Capitula Cathedralium devolutas, longaevas electorum confirmationes, et consecrationes ab Episcopis provinciae, synodis provincialibus, et metropolitania gestas, sacrilegas laicorum investituras, multiplices earum devolutiones ad primam Romanam Sedem, et varias Principum concordias cum Romanis Pontificibus, quae regiam nominationem ad viginti quatuor Cathedrales huius Regni Ecclesias invexerunt reliquas vero omnes electioni, et collationi liberae Sedis Apostolicae addixerunt, sat alias indicavi (2) (*). Eo suo Bonifacius VIII. electiones capitulares Episcoporum adhuc vigentes firmare, quam abolere maluit, vetans ne Legati Apostolici Ecclesias, cathedrales, regulares, collegiatas, earumque dignitates maiores, quae *per viam electionis* conferebantur, sibi reservarent, vel quomodolibet de iis disponerent (3). Benedictus XI. anno 1340. solum constituit, quamdiu civitates, ac dioeceses quatuor Patriarcharum ditioni schismaticorum, et infidelium sublacebunt,

et dec. 429. par. 5: Card. de Luca de benef. diac. 20. num. 6., et diac. 142. num. 9. Rigant. loc. cit. num. 137. et seq.

(1) Rnt. cit. dec. 429. num. 16. par. 5. rec., et dec. 14., et 174. par. 12. Card. de Luca de benef. cit. diac. 142. Rigant. ibidem n. 146., et eeq.

(2) Lib. 1. Inst. Cann. tit. 19. de Episc. elect., et nominat. et tit. 20. de confirm. et consecr. Rigantius in Reg. IV. §. 1. num. 2. scribit, quod provisio Episcopatum, et altarum dignitatum maiorum olim ad Summum Pontificem tantum pertinebat, can. 1. dist. 22. gl. in can. *quamquam* verb. *devolvatur de elect.* in VI. Sed Nicolaus II. in can. 1. dist. 12. id utique non probat; non enim aliud Modiolanensibus inibi rescripsit, nisi quod Romana Ecclesia omnes metropoles, primatus, cathedras episcopales, Ecclesiarumque dignitates suaverit, primatumque super omnibus idcirco habeat, et omnes eam propterea sequi tamquam magistram, et matrem teneantur. Altera vero, quae citatur Glossae auctoritas nullius ad rem momenti est. Addit idem num. 2. quod *indulserunt postea Pontifices, ut in Cathedralibus, et Collegiatis Ecclesiis ius eligendi Praelatum esset penes Canonicos*. At historia ex rebus gestis, et Conciliorum etiam actis affatim ostendit Cleri praesertim urbani, in cuius iura successerunt Capitula Cathedralium, electionem antiquissimas.

(*) Concordatorum lege an. 1818. art. XXVI. Summus Pontifex Pius VII. Ferdinando I. nlm Utriusque Siciliae pientissimum Regem, atque Eiusdem Successoribus in perpetuum potestatem concessit Episcopos nominandi ad singulas Regni Ecclesias. Quamobrem ex vigenti disciplina Clementissimus Rex Noster Ferdinandus II. Apostolicam Sedi Episcoporum nominationem dirigit, et instruunt iuxta canones processus, ut ii titularum recipiant institutionem. Indultum istud Litteris Apostolicis ab eodem Pontifice latis sub die IX. Mart. d. an. 1818. apertissime confirmatur. Videtis animadversiones, quas Commentar. de Iurepat. inteximus Cap. VIII. de Privilegiis §. 32.

(3) Bonifacius VIII. in cap. *deliberationem* 4. de officio legati in VI.

Canonicos earum Sedium ad electionem, postulationem, seu quamvis provisionem de praeficiendo sibi Patriarcha procedere nullatenus debere, quousque ad Apostolicae Sedis notitiam deducatur (1). Et quamquam vacantes apud Sedem Romanam Episcopatus antiquis moribus, et iure communi iamdudum reservatos fuisse abunde liquet: nulla tamen lex prostat in iure communi, neque in pontificiis constitutionibus perpetuis, quae illos extra Romanam Curiam vacantes generatim reservasset, antequam Ioannes XXII. eiusque successores consueverint ista Regula Cancellariae sibi reservare. Callixtus III. anno 1456. electum a Canonicis Vercellensibus Episcopum Gregorium Gallicum, ipsius Ecclesiae archidiaconum confirmavit (2): quum reservatio Cathedralium nondum invaluisse ex temporaneis, et mobilibus Cancellariae Regulis. At Clementis V. in generali Concilio Viennensi vetuit omnibus quamvis dignitate praeditis Episcopos eligere, ordinare, promovere ad cathedrales Ecclesias Clero, et populo christiano carentes sine speciali Sedis Apostolicae auctoritate (3): id quod reservationem in Corpore Iuris clausam plane ostendit.

XXXVIII. Eadem secunda Regula reservat omnia monasteria virorum, valorem annum ducentorum florenorum auri communi aestimatione excedentia, nunc quomodocumque vacantia, et in posterum vacatura. Et voluit, quod excessus huiusmodi in litteris exprimitur. Monasteria virorum hec dicuntur abbatias, et praelaturae regularium, quae in titulum perpetuum, vel commendam conferuntur ad vitam irrevocabiliter. Ad abbatias itaque monachorum triennales, mobiles, manuales, quae a Capitulis generalibus cuiusque Ordinis obtinet monachi professi, haec Regula nihil pertinet (4). Utque hoc in Regno libertas Capitulis Regularibus integra servetur in canonicis eorum electionibus, id se velle Carolus Utr. Sic. Rex optimus rescripsit suo apud Apostolicam Sedem legato Cardinali Aquae-vivae die 26. Septembris 1741: tum Benedictus XIV. Pontifex O. M. se in eadem sententia esse reposuit die 7. Octobris eiusdem anni (5). Sed reservatione procul dubio afficit monasteria conventu fratrum, vel mona-

(1) Bened. XI. in extravag. *sancta Romana* 3. de electione. Sed Graeci constitutioni huic non adqueverunt. Nam defuncto Floriae Constantinopolitano Patriarcha Iosepho, qui illuc ad Florentinum Concilium pro conciliandis Graecis cum Latinis accesserat, quum Eugenius IV. anno 1459. Graecos Episcopos hortatus esset ad eligendum inibi successorem a Summo Pontifice ordinandum, et confirmandum, abnuentes respondero: *moris nostri est eum Constantinopoli ab universa nostra Provincia eligi, et in maiori nostro templo consecrari, nec Imperator noster aliud faciet, cui nota est Ecclesiae nostrae consuetudo.* Liquet id ex actis Florentinae Synodi. At Pius II. an. 1459. mortuo Romano Gregorio Patriarcha Constantinop. post eam urbem a Turcis occupatam, Isidorum Ruthenum suffecit: huic deinde Sedes Apostolica Bessarionem, et gradatim isti Cardinalem Riarium Sixti IV. nepotem successores ordinarunt, ex traditis a Raynaldo ad an. 1459. et Thomassino *to. 1. lib. 1. cap. 26. n. 9. et 10.*

(2) Ex traditis a Cusano in *vit. Episcop. Vercellens. disc. 98.*

(3) Clemens V. in *cap. in plerisque* 5. de electione in Clementinis.

(4) Rota coram Cocchino dec. 1023. num. 13., et alibi, Tamburina. *de iure abbatum* to. 1. *disp. qu. 2. num. 4. et seq.* Kochier, et Cortiada apud Rigan. *to. 1. in Reg. II. Canc. 5. 2. num. 90: et 96.* Wan-Espen, *to. 1. par. 1. tit. 51. cap. 8. num. 15.*

(5) Videtur iam dicta *lib. 1. Inst. Canon. tit. 32. et ult. num. 42.*

corum *carentia* (1), quae solet Papa clericis saecularibus ad vitam commendare cum decreto revertenti in titulum (2). *Perpetuas* etiam *abantias* monasteriorum, in quibus adest religiosa fratrum, et monachorum familia, Sedi Apostolicae reservare haec ipsa Regula videtur ex rebus in Curia Romana pluries iudicatis (3), quamvis Pontifices Iure communi monachis, et fratribus professis, eorumque congregationi, seu capitulo facultatem eligendi abatem iamdiu concesserint (4), eamque dioecesanis Episcopis ademerint (5). Nam hodierna disciplina et stylus Cancellariae Apostolicae non alias Capitulorum, qua saecularium, qua regularium electiones adprobat, nisi quae indultae speciatim sint, usuque vigeant ex Concordatis locorum, vel immemorabili consuetudine, vel privilegio speciali (6). Reservata isthaec monasteria, et nuncupantur, et revera sunt *conciistorialia*: quia in Concistorio Cardinalium instar Episcopatum conferuntur. Quae vero in libris taxarum Camerae Apostolicae descripta inveniuntur monasteria, quamvis eorumdem valor conciistorialem summam 200. florenorum non attingat, sed longe minor sit, eaque consueverint a Papa extra Concistorium conferri: ipsa etiam omnia pro conciistorialibus habentur in Curia Romana (7). Scilicet Apostolicae Sedi reservata sunt non (ut opinor) per hanc Regulam II, sed per XLVIII inferius explicandam (8), aut per immediatam Sedis Apostolicae protectionem huic, et illi monasterio gratia olim speciali concessam, quum sese Regulares a dioecesana Episcoporum lege eximere quovis pacto ambi-
rent, et contenderent, annum censum in libris Camerae Apostolicae taxatum, ac descriptum offerentes ultro in signum adeptae protectionis (9): antequam generalem exemptionem cunctis cuiuslibet Ordinis monasteriis, et Regularium personis Apostolica Sedes largita esset. Ut valor 200. florenorum liqueat, Regula XXV. declarat, *quod libra Turenensium parcorum, et florenus auri de Camera pro aequali valore in concer-*

(1) Hanc reservationem monasteriorum conventu carentium a Clemente V. in *cit. cap. in plerisque de elect.* imperatam scribit Riganthus *loc. cit. num. 46.* At in eo textu Clemens V. episcopales tantum Sedes, Ecclesiasque subditis carentes Apostolicae Sedi reservavit, ut supra monui: *verum circa provisionem quarumlibet aliarum facultatum superiorum, nec coarctare intendimus, nil, nec ultra Iuris communis limites ampliare.*

(2) Riganth. *loc. cit. num. 77. et 79.*

(3) Riganth. *to. 1. in Reg. II. Canc. §. 2. num. 19. et seq. num. 27. et 93.*

(4) Pelag. I. in *can. abatem 4. et S. Greg. M. in can. 2. et 3. C. 18. qu. 2.* Id etiam rescripsit Hadrianus II. ad Carolum Calvum in epistola, quam refert Thomassin. *to. 2. lib. 1. cap. 35. num. 7.* Videsis dicta *lib. 1. Inst. Canon. tit. 22. et ult. num. 41. et lib. 3. tit. 12. num. 10 et 12.*

(5) Episcopis fuisse olim ius eligendi monasteriorum abates, ac praesules, liquet ex *can. hoc tantum 1. et can. monasterium 17. ead. C. et qu.*

(6) Riganth. in *cit. Reg. II. Canc. §. 2. n. 58. post Mandosium.*

(7) Riganth. *loc. cit. num. 15. et seq. Card. de Luca de benefic. disc. 4. num. 5. Rota dec. 791. num. 2. par. 3. recent.* Taxam monasteriorum, abatiarumque conciistorialium habet Tamburinus ad calcem *to. 1. de iure abatum*, ex libro Camerae antiquo, in quo describitur valor beneficiorum conciistorialium ad annatas solvendas obstrictorum ex constitutione Ioannis XXII.

(8) *Num. 49.*

(9) Videsis dicta *lib. 3. Inst. Canon. tit. 12. num. 26.*

neutibus litteras, et Cameram Apostolicam computari, et aestimari debeant. Florenus idem valet, quod ducatus unus auri de Camera, ex uno scuto auri in auro, unoque iulio argenteo constans: nimirum ex iuliis decem, et septem cum dimidio manualis monetae Romanae (1). Itaque floreni ducenti conflant scuta Romana 330, ducatos vero neapolitanos 437, et asses 50. quum intimus nunc valor centum scutorum ex iuliis decem monetae romanae aequipolleat centum vigintiquaque ducatis neapolitanis. Externus autem mobilis valor ex permutatione pecuniarum inter camposores (quam cambium appellant) pro varia temporum conditione, vel paullo minorem, vel paullo maiorem summam expediendis litteris apostolicis, et exprimenda quantitate reddituum minime spectatur. Sed praesens triplo maior, quam antiqua aestimatio auri efficit, ut antiqua in libris Camerae taxa florenorum 66 $\frac{2}{3}$ ter ducta nunc aequet valorem 220. florenorum (2). Si qua igitur monasterii abbatia in titulum perpetuum conferenda in libris Camerae taxata non fuerit, eiusque redditus annui florenos 200. nunc excedant: ea reservationem Regulae II. subire quidem videtur (3).

XXXIX. Reservat insuper secunda Regula dignitates, et beneficia omnia ad collationem, praesentationem, electionem, et quancumque aliam dispositionem Patriarcharum, Primatum, Archiepiscoporum, et Episcoporum, necnon Abatum, ac aliorum quorumcumque collatorum, et collatricum saecularium, et regularium quomodolibet (non tamen ad collationem cum alio, vel electionem pertinentia) quae post illorum obitum, aut Ecclesiarum, seu monasteriorum, vel aliarum dignitatum suarum dimissionem, vel amissionem, vel privationem, vel translationem, vel alicui quomodocumque vacaverint, usque ad provisionem successorum ad easdem Ecclesias, aut monasteria, vel dignitates Apostolica auctoritate faciendam, et ademptam ab eisdem successoribus pacificam illorum possessionem, quomodocumque vacaverint, et vacabunt in futurum (4). Sensus verborum quum sit perspicuus: quae tamen consequuntur ex quatuor eorundem articulis, ea praestabit cursim explicare. Omnes personas quavis dignitate, vel episcopali, vel minori praeditas, quae habeant ius conferendi beneficia integrum, et liberum, spectat in primis haec reservatio: at eos palam excipit, quibus ius idem non privativum, sed

(1) Ex traditis a Riganio in *Reg. 25. Canc. num. 8. et seq. to. 3.* post Corrad., Amayden., Mandos., Gratian., German., Rotam.

(2) Rigan. *ibidem* num. 50. cum Kochier, Rebuffo, Zabarella, et Rota contra Sotum, Gomeium, et Rosam.

(3) Rigan. *to. 1. in Reg. II. Canc. §. 2. n. 51.*

(4) Ilanc reservationem a S. Pio V. primum usurpalam, a Gregorio XIII. intermissam, a Xysto V. in Regulis Cancellariae insertam, et a subsecutis inde Pontificibus, monet Riganus in *comm. huius Reg. II. §. 3. n. 3. ad 7.* Si viventibus Episcopis Pontifex Romanus vacantis in eorum diocesis ius conferendi obtinet, cum iis defunctis eodem iure, vel magis potiri, ad Fridericum II. rescripsit Gregorius IX. apud Thomassin. *to. 3. lib. 1. cap. 47. num. 2.* Praestat enim providere cito, ne diuturnam beneficia vacationem patiantur, ex Bonif. VIII. in *cap. quam sit. 6. de elect. in FI.* Tum fructus Ecclesiarum vacantes Sedi Apostolicae reservati collationem quoque beneficiorum, quae in fructu est, ad eandem Sedem avocarunt. Rigan. *ibidem* n. 3.

commune cum aliis, neque liberum, sed obnoxium alicuius praesentationi, vel electioni sit. Igitur Capitulum, et quivis alius, cui communis cum Episcopo sit collatio, vacantia, Episcopali Sede vacante, beneficia libera confert iure accrescendi, seu non decrescendi (1). Et Vicarius Capitularis ad beneficia iurispatronatus instituit a patronis praesentatos, vel electos (2) ex translata in eum tota Episcopi iurisdictione. Excipitur nihilominus praebenda Poenitentiarum, quam reservatio afficit in iis etiam Cathedralibus, ubi Capitulum una cum Episcopo praebendas conferat (3). 2., declarat eorum sedes, ac dignitates vacare non modo per obitum, sed etiam per dimissionem, seu voluntariam renunciationem, per sententiam privationis, per translationem, aliove quovis modo. Ipso igitur die, quo Ecclesiae, vel dignitatis dimissio, seu cessio, seu renunciatio a Papa in Concistorio admittitur, statim incidit vacatio (4), vel privationis, et depositionis sententia proferatur (5), vel translatio decernitur in Concistorio (6) 3., statuit omnia beneficia, quae a die vacationis eiusmodi usque ad provisionem successoris, et pacificam ipsius possessionem quomodolibet vacaverint ad Sedis Apostolicae collationem dumtaxat pertinere. Quae igitur ante vacassent beneficia, et praedecessor Episcopus non contulisset, eorum collatio successoris adempta non est (7): etiamsi devoluta ob semestrem illius negligentiam fuerint (8). Et ubi ordinarius collator gaudeat indulto cum clausula excludente omnes, et quascumque reservationes: tunc vacante Sede, ipsius vacantia etiam successoris conferenda relinquuntur (9). Quomodo et Cardinalibus, quibus indulta speciatim sit collatio beneficiorum ante possessionem quoque suam vacantium (10) 4., aperte limitat id ad earum Sedium, et dignitatum vacationes, quae auctoritate apostolica providentur: quia ex reservatis tantum vacantibus dignitatibus, et Ecclesiis beneficia vacantia haec reservantur (11). In monasteriis, et abatiis regii quoque patronatus beneficia liberae collationis huic Regulae subiecta putat Rigantius (12), quemadmodum et in Ecclesiis regiae nominationis: quoties praesentatus a Rege, vel nominatus debeat canonicam institutionem ab Apostolica Sede obtinere. Secus ergo iudicatur in Ecclesiis, et dignitatibus regiae collationis, quales hoc in Regno ex. gr. sunt Archipresbyteralis Altimurana, Prioralis S. Nicolai Barensis, Abatialis Altaevillae.

(1) Rigant. loc. cit. n. 339; Card. de Luca in summa de benef. n. 89. Huc redeant responsa prudentum in l. 1. et seq. D. de usufructu accrescendo.

(2) Bonif. VIII. in cap. etri Capitulum un. de institut. in VI.

(3) Rigant. loc. cit. num. 322.

(4) Rigant. ibidem n. 10. 13. 77. et 117.

(5) Idem num. 15.

(6) Idem num. 27. Qui monet num. 107. effectus vacationis, quod ad Capitulum, habere locum a die notitiae. Et num. 335. praecanitationem habere vim provisionis.

(7) Ex probabiliori sententia, quam tenet Rigantius ibidem n. 356.

(8) Idem num. 141. et seq. Nam alienae culpa successor innoxius poenam non contrahit, l. crimen 26. D. de poenis.

(9) Idem num. 421.

(10) Idem num. 342.

(11) Idem num. 370. et 374. et seq.

(12) Idem num. 382.

XL. Regula III. reservat beneficia post vacationem beneficiorum incompatibilium in fraudem reservationis ab eis resignata, vel dimissa, qui pacificam sint possessionem incompatibilium adepturi: nec non incompatibilia ipsa, quae obtinuerint auctoritate apostolica. Si qui de beneficiis ecclesiasticis, ait Regula, praesertim curam animarum habentibus, seu alias personalem residentiam requirentibus . . . apostolica auctoritate provisi, seu providendi ante illorum assecutionem, alia cum eisdem incompatibilia per eos tunc obtenta in fraudem reservationis resignarent, seu dimitterent... intra vacationis, et provisionis, seu assecutionis eorumdem beneficiorum tempora... nulla speciali, et expressa de eisdem in provisionibus praedictis facta mentione, simpliciter, vel causa permutationis, ac alias quomodolibet, sive in Romani Pontificis, aut Legatorum, vel Nunciorum dictas Sedis, sive Ordinariorum, vel aliorum collatorum quorumcumque manibus resignare, seu dimittere, aut iuribus sibi in illis, vel ad illa competentibus cedere contigerit: omnes, et singulas concessionis, collationis, provisionis, et quaecumque alias dispositiones . . . irritas, nulliusque roboris, vel momenti extant: sed beneficia, et iura, ut praefertur, resignata, dimissa, et cessa eo ipso vacent, ac sub reservatione . . . comprehensa censeantur . . . Ac ulterius voluit beneficium, de quo resignans fuerit auctoritatis apostolica provius, et per cuius assecutionem beneficia vacare debebant, ut prius vacare, perinde ac, si collatio favore resignantis facta non fuisset (1). Tum Regula XXVI. statuit, quod quaecumque collationes, provisiones, et dispositiones beneficiorum, quas per promovendos, vel assumendos ad quascumque praelaturas, quum saeculares, tum regulares interea resignari, vel alias dimitti contigerit, sint cassas, et irritas, nulliusque roboris, vel momenti (2). Sed praelaturas exinde simul vacare nec dicit, nec vult. Itaque beneficia maiora, episcopatus, praelaturas quasi episcopales, et monasteriorum concistorialium abbas perpetuas non afficit Regula III: eaque idcirco non vacant ex fraudulenta reservatione, ac dimissione quorumlibet beneficiorum, quam promovendi antea fecerint (3). At resignata, et dimissa in fraudem ante promotionem beneficia semper vacare, atque in reservationem incidere, palam est ex littera utriusque Regulae: quamvis resignans, ac dimittens incertam incompatibilis adipiscendi spem habuisset ex dubio puta eventu concursus ad parochialem Ecclesiam, dummodo hanc reipsa nactus postea fuerit cum pacifica ipsius possessione (4). Qui vero ignorans vacationem incom-

(1) Paulus V. *const. 6a. to. 3. Bull.* primus omnium reservationem beneficiorum, quae per assecutionem pacificam aliorum incompatibilium vacaverit, in extr. ad regimen imperatam, ad ea etiam extendit, quae ante incompatibilium assecutionem resignarentur, vel dimitterentur. Exinde Gregorius XV. hanc extensionem in suis Cancellariae Regalis inseruit, mox Urbanus VIII; ceterique successores. Innocentius X. autem addidit vacationem ipso iure, ac reservationem incompatibilis postea obtenti.

(2) De hac Regula XXVI. sermo redibit inferius num. 87.

(3) Id quod pluribus firmat Rigantius in *comm. eiusdem Reg. III. a n. 9. ad 98.*, elidens quae contra faciunt, argumenta, et opiniones.

(4) Rota dec. 241. par. 12. dec. 117. par. 14. rec. et coram Ubaldo dec. 231. apud Rigant. *loc. cit. n. 77.* Explorati enim iuris est beneficium antea obtentum non vacare per assecutionem alterius incompatibilis, hoc nisi pacifice possideatur, ex traditis a Card. de Luca de *benef. disc. 100. in supplem.*

patibilis bona fide resignaverit beneficia sua, tum illud a Sede Apostolica obtinuerit, vix evadit iacturam incompatibilis: quum isto etiam casu resignata, ac dimissa remaneant vitio nullitatis, et reservationi subiecta (1). Quae tamen ante vacationem incompatibilis resignentur, ac dimittantur beneficia, ea procul dubio nil afficit eiusmodi reservatio: etiamsi resignans foveat spem adipiscendi futuram canonicatus successionem titulo coadiutoris (2). Et quoniam loquitur aperte Regula de incompatibilibus auctoritate apostolica provisis, vel scilicet ab ipso Romano Pontifice, vel ab eius delegatis, vel etiam a locorum Ordinariis, non ordinaria, et communi, sed delegata potestate vigore specialis indulti: consequitur eam plauere locum non habere, quoties resignans, vel dimittens beneficia post vacationem incompatibilis hoc idem ab Episcopo, aliove collatore obtinuerit auctoritate ordinaria in mensibus etiam alternatis cum Sede Apostolica (3). Episcopus enim dum alternis cum Papa, mensibus utitur in collatione beneficiorum ad formam Regulae IX. inferius exponendae: eum iure ordinario tunc beneficia conferre in singulis sex mensibus plerique Doctorum consentiunt cum Rota Romana (4). Nil porro ex pontificiis iuribus perpetuis Regula IX, speciatim indulget: sed amoto solum impedimento mobilis reservationis, ut ordinariis collatoribus quibuscumque, etiam non residentibus vacantia in quatuor mensibus, ita residentibus tantum Episcopis vacantia in sex alternis mensibus libere conferenda relinquit. Secus rem se habere in Cardinalibus Episcopis indulto fruentibus conferendi beneficia, quae uni sint reservationi obnoxia, monet Rigantius (5): quia non communi solum Regula IX. illi utuntur, sed indulto etiam speciali, quo fit, ut ipsi auctoritate quum ordinaria, tum apostolica dicantur in octo mensibus reservatis beneficia conferre.

XLI. Regula IV. reservat omnes dignitates maiores post pontificalem in Cathedralibus etiam Metropolitanis, et Patriarchalibus; nec non valorem decem flororum auri communi aestimatione excedentes principales in Collegiatis Ecclesiis... Prioratus etiam, Praepositorum, ac alias Dignitates conventuales, et Praeceptorias generales Ordinum quorumcumque, sed non militarium. Declaratque Dignitates, quae in Cathedralibus etiam Metropolitanis post pontificalem non maiores existunt, quae ex Apostolicae Sedis indulgentia, vel ordinaria auctoritate, aut consuetudine praescripta, vel alias quovis modo in collegiatis quibuscumque Ecclesiis principa-

(1) Ex traditis a Rigant. *ibidem* num. 78. ad 82.

(2) Rigant. *ibidem* num. 83. ad 91.

(3) Rigant. in *comm. Reg. I.* §. 9. num. 173., et in *Reg. III.* num. 94.

(4) Rot. dec. 117. coram Othobono, et in *Compostellana parochialis* 17. Febr. 1690. coram Card. Caccin. apud Rigant. in *Reg. I.* §. 8. num. 174. et Antonius de Flore apud Rigant. in *Reg. III.* num. 72. Igitur vacantia beneficia ob assecutam auctoritate ordinaria episcopali possessionem incompatibilis Episcopus conferri, quoties in mensibus etiam episcopalibus collatio, si haec acciderit in mensibus Pontifici reservatis Rigant. in *Reg. I.* §. 8. n. 176. et 184.

(5) Rota coram Coccino dec. 2300. num. 13. coram Dunoizetto dec. 487. n. 7. coram Othobono cit. dec. 197. apud Rigant. in *Reg. I.* §. 1. nu. 181. et seq. Qui tamen monet *ibidem* n. 185., et seq. provisionem beneficii etiam vacati ob adeptum alterum incompatible ad Cardinalem Episcopum istius collatorem indultarium ut eiusdem indulti pertinere.

lem praecminentiam habere noscuntur sub reservatione praedicta comprehendere (1). Dignitatem esse praecminentiam in Ecclesia cum aliquantula iurisdictione, seu administratione coniunctam: eamque differre a personatu, qui praecminentiam habet sine iurisdictione, explorati iuris ost (2). Ut maior autem Dignitas post episcopalem in Cathedralibus, et principalis Collegiatarum huic subiaceat reservationi, sat erit, si ea praefecturam in choro, seu aliquam in divinis officiis inchoandis, terminandisve curam, aliudve munus in promotione, ac famulatu clericorum obtineat, aut saltem Dignitatis nomen ex Ecclesiae suae statutis, vel moribus obtineat. Nil enim huc refert, quod eam revera expertem iurisdictione, ad Vicarios Episcoporum mobiles nunc translata, qua olim archidiaconi, decanique urbani, archipresbyteri, praepositi, abates, priores, primicerii, protopapae, archimandritae potiebantur, ventosam, inanemque dignitatem appellent, ac aestiment (3). Inter Primicerium, et Cimiterarcham Cathedralis Ecclesiae Neapolitanae disputatum quum esset, uter primam Dignitatem haberet, post varias pro alterutro decisiones, tandem Rota censuit nullam in Cathedrali Neapolitana Dignitatem existere, istiusque Capituli dignitatem esso, quod nullam habeat Dignitatem maiorem (4). Hac re indicata factum est, ut Canonatum Neapolitani Cimiterarchae nil etiam afficiat ista reservatio: quum Primicerii alterum iamdiu ab ea subtraxerit laicale iuspatronatus, quod oneroso superdotationis titulo quaesitum equestri clarissimae familiae de Ianuario e Sodile portus Leo X. indulsit die 1. Maii 1521. (5). Nam ubi maior, vel principalis Dignitas patronatus laicorum sit obnoxia, eam a reservatione tunc immunem pronuntiant ore uno Doctores. Quumque Bonifacius VIII, tam a praeventivis Papae collationibus (6), quam a reservationibus Legati apostolici pa-

(1) A Ioanne XXII. hanc reservationem primo inductam Riganus observat, varias refellens opiniones eorum, qui auctorem eo vel antiquiorem, vel posteriorem effingunt: eamque iam narravi superius num. 23. Bonifacius VIII. in cap. *de liberatione* 4. de offic. legati in VI. tantum invenitur Legatis apostolicis velasse, ne maiores Episcopos dignitates in Cathedralibus, vel regularibus, vel collegiatis Ecclesiis existentes, quae per viam electionis provideri consueverint, sibi reservarent, nullumque obstaculum eligendi ius habentibus darent. Hinc arguunt iure communi eas Romano tantum Pontifici reservatas: idque in animum induxi meum lib. 1. *Inst. Canon. tit. 29. n. 4.* At vero Bonifacius hoc in textu nullum de reservatione apostolica, quae praecesserit, vel ab ipso imperata sit, verbum facit, quin eam videatur potius exclusisse, dum ius eligendi ad maiores dignitates violare Legatis suis vetuit. Id solum conicere indo licebit, quod Papa maiores, et electivas dignitates alicubi vacaturas quandoque iure praeventiois, aut sibi conferendas reservasset spociatim, Legatique apostolici idipsum quoquo sibi olim arrogarent.

(2) Ex his, quae dixi lib. 1. *Instit. Canon. tit. 11. de iure personarum n. 4. et 5. et tit. 29. n. 2. et seq.*

(3) Rota dec. 30. n. 4. par. 19. rec., et passim Doctores apud Rigan. in Reg. IV. §. 1. n. 11. et seq.

(4) Rota dec. 536. coram Crispo, et dec. 1354. coram Lancetta die 11. Decembris 1722. apud Rigan. loc. cit. num. 30.

(5) Ex tradiis a Caesare Eugonii Caraccioli in *Napoli sacra* pag. 3.

(6) Bonif. VIII. in cap. cum in illis 16. de praebend. in VI: illis vero, ait, pro

iam eas exemerit malos Dignitates, quao conferantur *per viam electionis* (1), subiectas patronatui ecclesiastico eo magis ipso videtur implicito sensu excepisse. Nam ecclesiastico eligendi iure ius praesentandi, quod ex foundationis lege obtinet ecclesiasticae personae, est hac in re potentius. Sunt qui contendunt, reservationem hisce casibus a prima, vel principali Dignitate ob patronatum immune ad secundam liberam collationis transferre (2). At quia maiori tantum, et principali dignitati reservationem figit Regula IV. iam recitata: ea idcirco ius commune transiliens restringenda potius est, quam de uno ad alium casum extendenda, ne ordinaria Episcoporum iura amplius, quam Papa dixerit, deminuantur (3). *Omnes dignitates maiores in Cathedralibus, et principales in Collegiatis* plane dicit haec Regula reservare: tamen pluralis eiusmodi locutio, quae ad Ecclesias tantum refertur, hunc procul dubio sensum habet, ut unicam, eamque primam in singulis Ecclesiis dignitatem, non plures in una reservet (4). Quinimmo si *monocularis* ea ipsa dignitas fuerit, videlicet ita unica, ut non aliud in eadem Ecclesia supersit beneficium, quod Ordinarius dioecesanus inibi conferat: eam tunc optimo iure immunem ab ista reservatione censuit Rota etiam Romana (5). Summa enim asperitas esset ordinario Praesuli collationem, seu institutionem unius beneficii, quod ei subsit, adimere: non secus quam oculum monoculo excoecare. Quae in Collegiatis dignitas non excedit valorem decem

quibus scribimus, ut provideatur illis de personatibus, vel dignitatibus . . . pro-
videri nequibit de praelaturis, personatibus, vel dignitatibus, ad quos, seu quas
per electionem ii, qui eis debent praefici, assumuntur.

(1) Idem in *cap. deliberatione 4. de offic. leg. in VI.*, quod superius exposui
num. 16.

(2) DD. apud Rigan. in *Reg. IV. num. 16.*

(3) Videsis dicta *lib. 1. Inst. Canon. tit. 29. num. 6.*

(4) Rota *dec. 99. par. 4. rec. num. 4.* Mandos., Leuren., Castropal., Barbos., Cor-
rad. apud Rigan. in *Reg. IV. num. 47.* Sunt qui putant cum lo. Andrea in *cap. deliberatione 4. de offic. legati in VI.* posso in eadem Cathedrali duas dignitates
ita ex aequo maiores existere, ut nequeat omnino discerni, ultra earum praecellat:
si nimirum ambae in solidum, et coniunctim, vel alternatim praerogativas maiores
exerceant in muniis, et functionibus ecclesiasticis: et ambas tunc reservatas iudi-
cari. At quia monstruosum est duo capita simul esse in uno, eodemque tum corpo-
re, tum collegio, et Ecclesia, ut Rota dixit apud Nicolaris in *Concordat. German. pag. 43. num. 2.* inro meritissimo censuit S. Congr. Concili die 23. Augusti 1582.,
probante Sanctissimo, Praepositum in Ecclesia Cremonensi primam dignitatem, et
maiores habere: salvis Archidiacono muniis, et functionibus ad eum spectantibus:
suamque priorem sententiam correxit, quae ambas dignitates aequo principales vi
concordiae declaraverat. Dein Rota *dec. 331. par. 12. rec.* pariter definivit an.
1658. Praeposito Ecclesiae Placentinae maiorem inesse dignitatem contra Archi-
diaconum pro sua coequali contendentem, apud Rigan. *loc. cit. num. 51. ad 58.*

(5) Rota *dec. 219. num. 5.* coram Durano, Corad., et Clericat. cum Rigan. *loc. cit. num. 42.* Talis esse videtur abbatialis unica dignitas in Terra Paduli Bo-
neventanae dioecesis. In ea enim Collegiata insigni Ecclesia S. Bartholomaei de-
cem, et septem Canonici sunt, ex aequo distributiones quotidianas, in quibus tota
eorum praebenda consistit, percipientes: qui sacristae munus ad annum prius obi-

florulentiorum, parem scutis romanis manualibus 17. 1/2, ducatis vero neapolitanis 21; et assibus 87. 1/2. eam quoque a reservatione palam excipit ipsamet Regula IV. Quod vero ad dignitates Cathedralium maiores valor reddituum, quamvis exiguus reservationem non excludit. Dubitari saepe contingit, an haec, vel illa Ecclesia, cuius principalem dignitatem a Sede Apostolica velut reservatam quispiam impetraverit, uti liberam alius maluerit ab Ordinario obtinere, sit reapse Collegiata insignis, an non? Quaestionem hanc in facto versantem oportet ex rerum adiunctis definire in iudicio rite probandis. Quandoquidem et nomen, et natura, et qualitas Collegiatae insignis, quoties non pateat ex bullis, seu litteris foundationis, et erectionis, ab Apostolica Sede, aut ipsius Legato, aut ante annum 1625. ab Episcopo diocesano (1) datis, quae iniuria temporum fortasse deperierint: eam tunc coniecturae probabiles, monumenta, et signa permanentia indicabunt. 1: scilicet consuetae pontificiae collationes tam principalis dignitatis in controversa Ecclesia, tamquam reservatae vigore huius Regulae, quam praebendarum, et canonicatum in mensibus apostolicis vacantium, spatium annorum longissimo effectum sortitae (2). 2: convocatio Capituli Collegiatae ad Synodum dioecesanam, eiusque vel Deputatorum in ea interventus (3): statuta pro bono Ecclesiae regimine ab ipso Canonicorum collegio confecta, et iuramentum ea aervandi praestitum a singulis in suo ipsorum ingressu (4). 4: communis opinio, seu denominatio Collegiatae, eiusque recensio inter insignes dioecesis Collegiatas in publicis his, privatisque scripturis, apud scriptores, etiam historicos (5) quidem urgentibus signis, aliae superadduntur coniecturae leviores, quae singula si non prosunt, unita cum prioribus maxime iuvant ad comprobandam veram Collegiatae qualitatem, quamvis parochialibus etiam Ecclesiis vulgo receptitiis congruant. Cuiusmodi sunt collegium beneficiariorum negotia Ecclesiae instar Capituli in communi gerentium, qui choro simul inserviaut, conventualem Missam quotidie concelebrant, praebendam quisque suam o communi massa reddituum Ecclesiae, portionemque distributionum quotidianarum obtineant, possessionem praebendae ritu capitulari cum destinatione loci in choro, seu sedis in collegio ingrediantur, pecuniam Ecclesiae, collegique in communi arca servant, oeconomum, seu syndicum, seu procuratorem de gremio sibi constituent quotannis, sigillo pro-

verit ex originariis clericis, primus omnium in vacantiem quemque locum sufficitur ab ipsis Canonicis sine Ordinarii collatione, et sine bullis. Abbas collegii caput, et praelatus inferior cum iurisdictione quasi episcopali minuta solum beneficia clericis concivibus confert, Archiepiscopus Abatem ipsum dumtaxat instituit, quem rite Canonici elegerint, servata forma statutorum illius Ecclesiae pontificis Pauli IV. litteris anno 1558., et Benedicti XIV. die 30. Iunii 1742. confirmatorum.

(1) Confer huc dicta superius cap. 3. num. 19.

(2) Card. de Luca de benef. disc. 14. num. 18. Card. Petra, Pilon., Rota apud Rigant. in hanc Reg. num. 46.

(3) Videsis dicta lib. 1. Instit. Canon. tit. 6. cap. 4. num. 4. et ult.

(4) Rota apud Rigant. loc. cit. num. 78.

(5) Rigant. ibidem num. 81., et seq.

prio in collegii scripturis, et actis utantur (1). Pro diversis inde coniecturis modo univocis, et concludentibus, modo ambiguis, vel inter se pugnantibus diversas protulit sententias Curia etiam Romana (2): quae in dubio praevalere signa qualitatem collegialem excludentia censuit (3).

XLII. Regula VIII. reservat generaliter quoscumque canonicatus, et praebendas, ac dignitates, personatus, et officia in S. Ioannis Lateranensis, et Principis Apostolorum, ac B. Mariae maioris de Urbe Ecclesiis, nec non ad collationem, provisionem, et praesentationem, seu quamois aliam dispositionem S. R. E. Cardinalium a Romana Curia absentium ratione suorum Episcopatum Cardinalatus, ac ipsorum Cardinalium titulorum, et diaconiarum spectantia, quamdiu absentia huiusmodi duraverit, canonicatus, et praebendas, dignitates, personatus, administrationes, et officia, ceteraque beneficia ecclesiastica cum, et sine cura vacantia, ac in antea vacatura tam in eadem Urbe, quam in Ecclesiis, civitatibus, ac diocessibus dictorum episcopatum consistentia. Prior huius Regulae reservatio a Martino V. inventa primum est, ut Cardinales Archipresbyteri simul, et Commendatarii trium Basilicarum Urbis, et earumdem Capitula, quibus Apostolica Sedes indulgit ius insimul conferendi, ac providendi earum beneficia, diviso inter has, et illos tantum exercitio per hebdomadas, ad maiora beneficia, dignitates, canonicatus, personatus, praebendas, Papae Urbis Episcopo conferenda, manum non extenderent suam, sed inferiora dumtaxat conferrent (4). Nicolaus V. posteriorem addidit reservationem, ut Cardinales alliceret omnes ad residendum in Urbe, in diaconiis, et Ecclesiis titulorum suorum, ac Episcopatibus suburbicariis. Nam Sedes Apostolica eis hoc pacto, et conditione speciatim indulget collationem beneficiorum omnium quae maiorum, quae inferiorum in suis titularibus Ecclesiis, quolibet mense vacantium: si praesentes revera in Urbe adsint, vel suis in Ecclesiis suburbicariis resideant tempore vacationis (5).

XLIII. Regula IX. de reservatione mensium apostolicorum, eorumque alternatione pro Episcopis residentibus ita se habet. *Cupiens SS. D. N. pauperibus clericis, et aliis benemeritis personis providere, omnia beneficia ecclesiastica cum cura, et sine cura, saecularia, et quorumvis Ordinum regularia qualitercumque qualificata. et ubicumque existentia, in singulis Ianuarii, Februarii, Aprilis, Maii, Iulii, Augusti, Octobris, et Novembris*

(1) Rota in Thelesina coram Crescentio, apud Scarfontonium dec. 36. num. 7. Rota, Card. Petra, alique DD. apud Rigant. loc. cit. num. 57. et seq. 89. et seq. Quibus permixtum est habere corpus collegii, ait Caius, proprium est habere res communes, arcam communem, et actorem, sive syndicum, l. 1. D. quod cuiusque universit. nomine.

(2) S. Congr. Conc. in Triviana collegialitatis 1. Septembris 1631. re cognita declaravit, Ecclesias S. M. de Fracta Terrae Castellii, et S. lo: Baptistae Terrae Carisi non esse Collegiatas, sed parochiales, et receptitias: quum unicam in ea diocesi collegiatam in Terra Flumeri Ughellius recensent tom. 8. de Episc. Trivican, et coniecturae hinc, et hinc productae inter se mutuo pugnent.

(3) Rota apud Rigant. loc. cit. num. 93. et 94.

(4) Rigant. in Reg. FIII. num. 2. ad 26.

(5) Rigant. ibidem num. 27. et seq.

mensibus (1) usque ad suae voluntatis (2) beneplacitum extra Romanam Curiam (3), alias, quam per resignationem (4) quocumque modo vacatura, ad collationem, provisionem, praesentationem, electionem, et quamvis aliam dispositionem quorumcumque collatorum (5), et collatricum saecularium, et quorumvis Ordinum regularium, non tamen S. R. E. Cardinalium (6),

(1) Martinus V. Columnensium stirpe, prudentia, virtutibusque multis clarissimus sedato autem schismate, ac decennali Sedis suae felicitate praeclarior, diuturnas Nationum querelas de frequentibus beneficiorum reservationibus pontificiis composuit divisit inter Apostolicam Sedem, locorumque Ordinarios moenibus hoc pacto, ut vacantia in biis primum mensibus beneficia Romanus Pontifex, in tertio quoque mense Ordinarii coafferent, ut liquet ex constitutione ipsius anno 1418. promulgata in Conc. Constantiensi, apud Labbacum *collect. Conc. to. 16.* et acceptata ab omni Nationum deputatis, penes Blondeau ad Beuchel in *biblioth. can. to. 1.* verb. *collation. §. chaque nation.* Eamque innovavit Eugenius IV. anno 1431: mox Nicolaus V. attexit postremis Cancellariae Regulis a se primum collectis, et digestis an. 1447. ex traditis a Gomesio ad *Reg. Cunc. qu. 1. proemiali*, et Rigantio. Eam ipsam inter Regulas S. Pii V., et Gregorii XIII. sexagesimam omnem fuisse numeratam tradit Gonzalez *gl. 1. num. 5.* Tum Gregorius XIV. an. 1590. Regulam octavam ex ea coollavit, ut tradit Hieronymus Gonzalez in *comm. eiusdem Reg. VIII. glos. 1. num. 6.*

(2) S. Pius V. *const. 164.* et Greg. XIII. *const. 6.* alique Pontifices ad quinqueannium, aliudve tempus limitatum hanc edicere mensium reservationem consueverant. Xystus V. eam ad beneplacitum suum duraturam primus edixit: unde fit, ut ea ab edicente Pontifice, quoad vixerit non abrogata, ad obitum ipsius protrahatur, et non ultra.

(3) Nam quae in Romana Curia, et locis ultra duas dietas non remotis quolibet Ordinariorum mense vacaverint beneficia, eorum collationem ad Apostolicam Sedem ex Reg. I. pertinere, iam supra diximus num. 29. Beneficia Urbis, intra Romae districtum fundata, proprio quidem iure Pontificem ipsum, ut Episcopum diocesanam conferre palam est. Quae tamen in ipsa Urbe ad inferiorum collationem pertinent, puta ad Capitula Basilicarum, dum vacaverint per obitum intra Urbis districtum, vel intra duas ab ea dietas in mensibus apostolicis: ea tunc reservatione huius Regulae IX. simul affici, prius iudicatum sub Alexandro VII. Clemente X, et XI, ac ab eisdem Pontificibus comprobatur, fert Rigantius ad *huius Reg. §. 3. num. 25. ad 29.*

(4) Haec exceptio sat innuit beneficia quolibet mense etiam apostolico dimissa libere, ad nullius scilicet favoram in manibus Episcoporum resignata, posse ab Ordinariis ipsis conferri, dummodo formam a S. Pio V. imperatam *const. 38.* pro resignationibus rite peragendis adamussim observent, ut recte notat cum Gonzalez ad *hanc Reg. gl. 14. num. 31.* et aliis Rigantius ad §. 3. *num. 31. et seq.* Ad idque num. 35. ex communi DD. sententia licere permutationes etiam beneficiorum canonicas, in quibus permutantes sua mutuo resignant beneficia, in mensibus apostolicis auctoritate Ordinariorum perficere. At resignationes in favorem perpetuo, et communi iure velitis oumquam licebit Ordinariis locorum admittere.

(5) Vidantur ista verba tacito sensu excipere beneficia, quae ad patronorum nominationem, praesentationem, electionem pertinent, iure conferendi expertium.

(6) Cardinales ordinarios collatores plane excipit haec Regula, qui possunt vacantia in quibuslibet mensibus beneficia coafferre, quoties ea duplici reservationi conequali uoo sint obnoxia, ex rebus a Rota saepe iudicatis apud Rigant. *loc. cit. num. 38., et seq.* Olim Cardinales vigore huius exceptionis, quae obstaculum reservationis amoveos ordinariam iis collationem integram servat in cunctis mensibus, dicebantur iure ordinario in mensibus apostolicis etiam conforre: quum antiqua Cardinalium indulta conferendi beneficia vel generaliter, vel speciatim reser-

aut aliorum sub Concordatis inter Sedem Apostolicam, et quoscumque alios initis, et per eos, qui illa acceptare, et observare debuerant, acceptatis, et observatis, quae laedere non intendit comprehensorum quomodolibet pertinentia. Mox iubet mensem, in quo vacatio contigerit, exprimendum esse in litteris pontificiis, alioquin eas irritas fore. Consuetudines autem, quamvis immemorabiles optandi maiores, pinguiioresque praebendas (1), et quodvis privilegium, seu indultum contra eiusmodi reservationem nil suffragari (2).

XLIV. Posterior eiusdem Regulae IX. pars ad gratificandum Patriarchis, Archiepiscopis, et Episcopis (3), ipsis quamdiu apud Ecclesias, aut dioeceses suas vere, et personaliter resederint dumtaxat (4), de omnibus, et quibuscumque beneficiis ecclesiasticis cum cura, et sine cura, saecularibus, et regularibus (5), ad liberam ipsorum dumtaxat (6), non autem alio-

vata, nullum de reservatione mensium verbum facerent, ipsos non afficiente. Postquam vero Urbanus VIII. const. 59. in eisdem indultis expressit mensium quoque reservationem, declarans ea non suffragari Capitulis commnem habentibus cum Episcopo Cardinale collationem: invaluit sententia, quod Cardinales Episcopi in mensibus apostolicis nedum ordinario, sed delegato etiam iure conferant, Rigant. *ibidem* num. 45. ad 51., adeo ut qui collationem a Cardinale obtinuerint beneficiorum in mensibus reservatis vacantium, cogantur nuno apostolicas etiam litteras novae provisionis intra quatuor menses impetrare, solutis de more taxis, quoties beneficia valorem 24. duo. auri de Camera excedant. Id quod in singulis indultis imperari palam consuevit sub Ian. XI. an. 1681, et motu proprio sanxit Bened. XIV. in const. cum sicut accepimus to. 1. Bull. apud Rigant. *loc. cit.* num. 153.

(1) Primus omnium Xystus V. derogasse consuetudini optandi, fertur a multis, et Rigantio ad §. 5. huius Reg. num. 1. qui multa edisserit de iure optionis. Verum non adimit haec Regula optandi, quod in limine foundationis patronus laicus adsentiente Papa statuerit, vel Papa speciali privilegio indulserit: neque illud enervat, vel impedit in futuris vacationibus, quae in mensibus Ordinariorum acciderint, ex traditis a Rigant. *ibidem* num. 36., et seq.

(2) Ea scilicet privilegia, et indulta, quae ordinariis collatoribus quibuscumque in limine etiam foundationis Apostolica Sedes concesserit. Secus alia, quae ius passivum certo personarum generi ad beneficia quovis tempore vacatura tribuant, tamquam *patrimonialia*, praesertim in limine foundationis, aut ex causa onerosa, ut monet Rigant. *ibidem* num. 45., et seq.

(3) Quum residentibus Episcopis nominatim sex alternos menses indulgeat Regula: hos ipsos tacito quidem sensu denegat quibuslibet Praeclatis inferioribus, locorumque Ordinariis, Capitulis etiam cathedralium, tam episcopali Sede vacante, quam communem cum Episcopo collationem habentibus. Nam aliis alterius privilegio speciali prohibetur uti, ab Alexandro III. in cap. sane 9. de privilegiis.

(4) Qui quis ergo Episcoporum ab Ecclesia sua, vel dioecesi abest qualibet ex causa vel iustissima publicae necessitatis vel utilitatis, pro exequendis etiam Sedis Apostolicae mandatis, vel fortuito ad quodvis vel modicum tempus, alternatio mensium ei nil suffragatur, sed post acceptance ipsa facto amittitur. Nam vacantia, dum abest, beneficia in mensibus alternatis prohibetur ipse conferre, ex communi DD. sententia post Gonzalez Gl. 43. num. 25., et Card. de Luca de benef. disc. 93. num. 13., et 16.

(5) Omnia dum beneficia Episcopo residenti conferenda mensibus alternis haec Regula indulget, paulo post palam excipit ea, quae sint Sedi Apostolicae alio quovis modo reservata, et affecta.

(6) Ad liberam collationem Episcopi beneficium pertinere iam liquet, in qua nullum aliis habent ius activum eligendi, nominandi, praesentandi, nec consen-

rum cum eis dispositionem, seu praesentationem, vel electionem, nec etiam cum consilio, vel consensu, seu interventu Capitulorum, vel aliorum (1), aut alias pertinentibus, quae in antea in mensibus Februarii, Aprilis, Iunii, Augusti, Octobris, et Decembris (2) extra Curiam ipsam vacare contigerit (admodum alias dispositioni Apostolicae reservata, vel affecta non fuerint), libere disponendi facultatem tempore sui pontificatus tantum duraturam concessit (3).

sum, consilium, interventum, aliamve communem dispositionem. At ius passivum alicui personarum generi, puta civibus originariis, laureatis doctoribus, studentibus clericis, egenis, orphanis, ceteris eiusmodi reservatum in limine foundationis, vel Ecclesiae statuto non admittit quidem Episcopo collationis libertatem, arbitrium quo inter plures eiusdem generis ei, quem ipse maluerit, gratificandi: Card. de Luca de benef. disc. 93. num. 5. Rota, et alii apud Rigant, in par. 2. Reg. IX. §. 4. num. 9., et 16. Parochialia item beneficia cum animarum cura, quamvis dignioribus praevio concursu, et examinatorum iudicio conferre Episcopus cogatur, liberae collationis Episcopalis esse dicuntur a Rota dec. 619. num. 16. coram Cero, et dec. 600. num. 9. par. 2. rec. apud Rigant, ibidem num. 10., et seq. Secus est in iure optionis passivo, non ad multos simul, sed antiquiorem dignitatem Canonicum spectante, quod liberam admittit collationem Episcopis, eosque obstringit ad conferendam optanti solum, praeterea nemini. Rigant, ibid. num. 14.

(1) Consonat haec exceptio cum textu Bonifacii VIII. in cap. cum in illis 16. §. ult. de praeb. in VI. Hinc sequitur beneficia, quorum collationem habet Episcopus communem insimul cum Capitulo suo, aliove inferiore Praelato, in mensibus alternantis vacantia ab Apostolica Sede conferri, non ab Episcopo, qui alternationem mensium acceptaverit. Ea vero ipsa quoties in quatuor mensibus ordinarii vacaverint, Episcopus una cum Capitulo confert ordinario iure communionis, et societatis. At ubi collationem utrinque communem, puta proprietatem iuris conferendi inter se cum adsensu apostolico per vices divisorint, et vacatio vicis Episcopalis contigerit in aliquo sex mensium Episcopatum alternato: solus tunc Episcopus sine mixtura iuris capitularis beneficium conferre non prohibetur. Socus erit, ubi nudum exercitium conferendi pro utriusque partis commodo fuerit sine auctoritate apostolica divisum: quia unius collatio tunc perinde putatur, ac si ab omnibus consortibus fiat simul. Cuiusmodi distinctionem multis Rotae decisionibus, probatque Doctorum sententia firmat Rigantius cit. §. 4. num. 24., et seq.

(2) Post promulgatam mensio Martio constitutionem Martini V. de divisione mensium inaequali, Patres Constantienses die 5. Maii eiusdem anni 1418. censuerunt, de quibuscumque dignitatibus, officiis, et beneficiis medietas sit in dispositione collatorum, patronorum, et constituentium Ordinariorum, et alternatis vicibus unum cedat Apostolico, et aliud collatori patrono, aut priori: apud Labbaem in collect. conc. to. 26. Quod canones tantum dogmaticos Syuedi Constantiensis probaverit Martinus V., decreta vero reformationis reiecerit semper Apostolica Sedes, explorata res est. Attamen Martinum V. an. 1421. cum Episcopis Gallicanis, et Germanis convenisse de alternatione mensium, eamque Nicolaum V. exinde firmasse in Concordatis Germaniae an. 1447, ferunt Thomassinus to. 2. lib. 1. cap. 49., et cap. 53., et Rigant, in part. 2. Reg. IX. §. 1. num. 8., et 9. Innocentius VIII. eam Episcopo Placentino, aliis alii speciatim indulserunt. Leo tandem X. cunctis Episcopis, qui ipsam vollet sub conditione residendi, largita generalis est.

(3) Haec verba p. lam faciunt gratiam alternationis mensium continuo expirare in morte cuiusque Pontificis, eamque non reviviscere, nisi Episcopus ipsam cum successore Pontifice suis acceptationis litteris innovaverit. Id quod rescripserunt speciatim Cardd. Corradus, et Ottobonus Produttori, apud Rigant, loc. cit. §. 6. num. 12., et 13.

Firmam vero aliorum sex mensium adeo vult una cum aliis quibuscumque reservationem, ut Episcopos, qui eas quomodolibet violaverint, ipso facto privatos gratia eiusmodi alternationis, irritasque eorum collationes declaret (1). Illi vero, qui gratiam alternationis praedictae acceptare voluerint, acceptionem huiusmodi per patentes litteras manu propria subscriptas, suoque sigillo munitas, et in sua quisque civitate, vel dioecesi datas declarare, et litteras ipsas huc ad Datarium Sanctitatis suae transmittere teneantur, quibus ab eo receptis, et recognitis, ac in libro ad id deputato registratis, tunc demum, et non antea uti incipiant gratia supradicta (2). Et post factam acceptionem, et admissionem in Dataria, neutri parti liceat, nisi concordati consensu ab ea recedere (3). Quod si Episcopus pluribus Ecclesiis quomodocumque unitis praesit, teneatur huiusmodi alternationis gratiam utriusque Ecclesiae nomine explicito acceptare (4). Tandem declarat exco-

(1) Ratio sane postalat, ne cui saa sit malitia lucrosa, ex Ulpiano in l. 1. D. de dolo malo. Et ex eo non debet quis fructum consequi, quod nixus est impugnare, ait Boas. VIII. in cap. ex eo 38., et cap. frustra 75. de Reg. Iur. in VI. Canonat Alex. III. in cap. dilecti 4. de privileg. Qui ergo scieas prudens reservata, vel affecta Sedi Apostolicae beneficia conferre non dubitaverit, vel pontificias de iis provisiones impedire, iure merito gratiam alteratorum cum Papa mensium ipso facto amittit. Seens iudicatur de illo, qui bona fide, scilicet reservationem, affectionemque ignorans probabiliter suas extenderit manus ad reservata, et affecta, quum ignorantia tam facti, quam iuris dubii, et obscuri valeat a poena eiusmodi excusare, ex multis Rotae decisionibus apud Rigant. loc. cit. n. 30., et seq.

(2) Naturam contractus ultro citroque obligantis alternationis mensium iassen, hinc recte colligitur, eam Rota dec. 494. num. 6. coram Bichio, et dec. 289. num. 7. par. 3. rec. Quamobrem ea suum non sortitur effectum, nisi postquam fuerit mutum Episcopi, et Papae consensu acceptata, et dat re integra locum poenitentiae, arbitrium scilicet Episcopo post aunciatam eius acceptionem, aeternam a Datario admittatur, ipsam revocandi, atque ad quatuor menses ordinarios redendi: secus re non integra. 3; ad successorem Episcopum a quo transit, unoquoque sibi, non aliis ipsam acceptare. 4. residentiae legem iure communi strictiorem Episcopis imponit, et poenam conventionalem.

(3) Nihil enim tam naturale est, quam eo genere quidquam dissolvere, quo colligatum est, ait Ulpianus in l. nihil 35. D. de Reg. Iur.

(4) Disputant hic Doctores, an acceptione alternorum mensium expleta ia apostolico mense Februarii, Aprilis, Augusti, Octobris iam incepto, in reliquis eiusdem diebus contingentes vacationes ad Episcopum pertineant? Et versa vice, an dies ordinarius mensium Martii, et Septembris post acceptionem decurrentes ad Papam illico spectent? an potius pars reliqua mensis ei remaneat, cuius fuit initium? Alii cum Gonzalez vim alternationis coaequalem tribuant ab ipso die acceptionis in Dataria perfectae: alii cum Rota Romana, quibus adhaeret Rigantius in par. 2. Reg. IX. §. 3. n. 3., et 4., tenent partem mensis apostolici posteriori Papae decrecere, sed eandem ia mense ordinario ei statim accrescere. Commonet ideo Episcopos, ut mensium alternationem expleant in mensibus Ianuarii, et Iulii semper pontificis, integras exinde lucraturi menses Februarii, et Augusti mobiles, vel ia fine Martii, et Septembris mensium ordinarius mobilium, integros Aprilem, et Octobrem adepturi: quum noceat eis initio Martii, et Septembris id agere, aut in mensibus Februarii, et Augusti. Nam Papa tunc mensibus tribus continuis fruere. Ceteris autem sex mensibus idipsum Episcopis accipere, accipere. Clausulam hanc Alexander VII. attulit anno 1655, non locus dubitationi superesset amplius, atrum Episcopus duarum Cathedralium ex aequo unitarum deberet explicito alternationem mensium pro utraque dioecesi acceptare,

ptionem positam in Regula favore S. R. E. Cardinalium, et indultum conferendi beneficia reservata concessum Cardinali Episcopo non suffragari Capitulo ratione communionis, et consortii iuxta declarationem sel. rec. Urbani VIII. editam die 10. Septembris 1626 (1).

XLV. More Romano dies a media nocte incipit, et sequentis noctis media parte finitur. Paulus tradit (2): dies nimirum civilis, et legitimus. Nam ecclesiasticum pro rebus liturgicis, et sacris a vespera ad vesperam procedere, definiunt sacrae utriusque testamenti Litterae (3). Itaque mensis quum apostolicus, tum ordinarius Romano more civili incipit a media nocte diei, qui mensem superiorem terminat (4). Et quoties in facto dubium emerit, utrum ante, an post mediam eiusmodi noctem extremam beneficium vacaverit, ut inde definiatur utri mensium apostolico ne, an ordinario sit referenda: quaestio erit in iudicio aliquando horologiis bene instructis citra fraudem, et gallicinio, testibus nimirum idoneis, qui pulsatas in Paroecia, vel vicinia horas, et gallos cantantes audiverint, vel horarum indices mutos inspexerint (5). Quod si probatio erit ambigua ex discordibus, vel horologiis, vel testibus: pro Ordinariis iudicandum fore tunc tenent Doctores (6).

XLVI. Quandoquidem huius Regulae IX. pars prima, limitans Ordinariis locorum ex dodrante potestatem conferendi beneficia Iure communi largitam sine ullo mensium discrimine, videtur cunctis odiosa, ideoque restringenda in casibus ambiguis reservationis, odio et favore iurisdictionis Ordinariorum. Alteram vero partem, alternos cum Papa menses dimittentem Ordinariis, favorabilem aestimant: et ideoque ampliandam, quia removet in sex mensibus ex aequo reservationis obstaculum, dimidiaque restituit collationem ordinariam. Hac ratione favoris fit, ut pos-

an acceptatio unius nomine generalim subscripta suffragaretur alteri? Negantem sententiam quum firmet nunc Regula: consequitur Episcopo, qui pro una Ecclesiarum acceptaverit alternationem, licere alternis sex mensibus huius ipsius beneficia conferre, alterius vero in quatuor mensibus ordinariis, ut consentiunt DD. cum Riganlio *par. 2. Reg. IX. §. 2. num. 22.* Idemque monent §. 5. *num. 32.*, et *seq.* alternationem pro ambabus conventam non suffragari Episcopo in una dioecesium residendi pro conferendis beneficiis, quae in altera, unde abest, vacaverint in mensibus alternis. Hinc expedit eam non pro utraque acceptare, sed pro ea solum, ubi revera, et saepius resideat.

(1) Quemadmodum Capitulis Cathedralium ex *const. 39. Urbani VIII.* non suffragantur, ita vicissim non nocent Cardinalium indulta, proptereaque eis non deminuunt ius conferendi, quod vel derivatum, vel commune cum Episcopo habeant, beneficia in quatuor mensibus ordinariis vacantia, aliunde non reservata, nec affecta, ex traditis a Riganlio in *part. 1. Reg. IX. §. 3. num. 140.*, et *seq.*

(2) Paul. in *l. more Romano 8. D. de feriis.* Morem istum ab Aegyptiis accepisse Romanos ferunt. Aliis aliis gentibus mos fuit. Babylonii, et Persae ab orto sole initium diei sumunt. Umbri a meridie, Athenienses a solis occasu.

(3) *Genesis cap. 1. vers. 5.* dicitur factum *vespere: et mane dies primus.* *Levitic cap. 23. vers. 32.* *a vespera ad vesperam celebrabitis sabbatha vestra.* *Matthaei cap. 23. vers. 1.* *vespere autem sabbathi, quae luceat in prima sabbathi.*

(4) Ex traditis a Riganlio in *par. 1. Reg. IX. §. 1. num. 4.*

(5) Riganlio. *ibid.* num. 8. ad 15.

(6) Rota, Barboz., Leurent, Zypaeus, Nicolarius: ceteri apud Riganlio. *loc. cit.* num. 10., et 17.

sit Datarius arbitrato suo episcopales acceptatae alternationis litteras etiam extra dioecesim datas admittere (1): iisque admissis valeant inde collationes beneficiorum in mensibus alternatis vacantium, quas Episcopus fecerit, quamvis ignorans admissas iam, et relatas in Datariae codicem suas acceptationis litteras (2). At onerosa contractus natura eidem alternationi mensium insita strictam postulat interpretationem in ambiguis residentiae articulis. Hinc in primis ea si hora, vel die mensis alternati, alias apostolici, puta Februarii, Aprilis, Augusti, et Octobris, in qua beneficium vacaverit, Episcopus ab sua dioecesi absit qualibet causa, vel iustissima, quamvis quum ante, tum post vacationem resederit assidue: illud id conferre tunc prohibetur ob interruptam tali absentia gratiam alternationis (3), ipsumque Papa, tamquam vacans in mense sibi reservato confert: quia reservationem mensium non solvit, nec extinguit, sed solum suspendit in gratiam Episcoporum vere residentium alternatio conventionalis (4). 2: veram, et personalem residentiam non implere ad rem hanc iudicantur Episcopi extra suam dioecesim necessaria, vel utilia Ecclesiae suae, aut reipublicae negotia gerentes, vel sacra Apostolorum limina visitantes, vel synodum provinciae adeuntes, vel mandata Sedis Apostolicae, aut Regis obeuntes, vel curandae saluti non ultra bimestre vacantes, vel inviti, externaque vi detenti, vel in altera unitarum dioecesium residentes (5): quos aliis in rebus fictio Iuris veluti praesentes habet. 3: quoties initio mensis alternati contigerit Episcopum abesse, licet ipso vacationis die praesens is fuerit, et residere alias consueverit, collationem is toto illo mense amittit, iam tum regresso ad pontificiam reservationem (6).

XLVII. *Mobiles* propterea menses quatuor apostolicos, Februarium, Aprilem, Augustum, et Octobrem, duosque ordinarios Martium, et Septembrem, qui alternatione commutantur, maxime oportet a duobus *immotis*, et *fixis* Ordinariorum mensibus Iunio, et Decembre distinguere, nullam sive facti, sive iuris mutationem subeuntibus. Nam vacantia in his duobus beneficia semper ad ordinariam pertinent collationem Episcopi etiam non residentis post conductam in Dataria mensium alternationem: eiusque absentia in eisdem mensibus alternationi non officit (7). Quae vero in mensibus mobilibus eo die vacaverint, quo praesens in dioecesi non adesset Episcopus, aut initio mensium eorundem ipse abfuisset, ad pontificiam spectare collationem, ex iam dictis constat.

XLVIII. Per regulam XI. reservantur novo enique Pontifici ea beneficia, quae sibi Papa defunctus reservasset, et ante ipsius obitum vacantia

(1) Rigant. in par. 2. Reg. IX. §. 2. num. 7. ad 11.

(2) Rot. dec. 144. num. 9. par. 2. rec. Card. de Luca, et alii apud Rigant. loc. cit. num. 17., et in Reg. 2. §. 3. num. 115.

(3) Rigant. in par. 2. Reg. IX. §. 5. num. 13., et 14.

(4) Ex recepta DD. sententia contra Hieron. Gonzalez, quam firmat Rigant. in par. 2. Reg. IX. §. 4. num. 40., 48., et seq.

(5) DD. ore uno apud Rigant. loc. cit. §. 5. num. 5. ad 14.

(6) Corradus, Card. de Luca, ceteri apud Rigant. ibidem num. 23., et 24.

(7) Card. de Luca de benef. disc. 99. num. 13. Corradus in praxi benef. cap. 6. num. 2., et seq. ceteri id usu receptum contestantes apud Rigant. ibid. num. 28, et 29. contra Lotterium, Gonzalez, et Rotam aliter opinantes.

non providisset. *Item declaravit*, Regula inquit, *omnium et singularum Ecclesiarum Cathedralium* (1), et monasteriorum (2) *provisiones*, quas praedicti praedecessores sui ordinationi, et dispositioni eorum nec non omnia, et singula beneficia ecclesiastica, quas dicti praedecessores etiam praedictae dispositioni cum interpositione decreti (3) reservaverant (quae quidem Ecclesiae, monasteria, necnon sic reservata beneficia tempore obitus eorum praedecessorum vacabant (4), aut Ecclesiae ipsae, vel monasteria huiusmodi, si commendata, vel eius administratores deputati non fuissent, etiam tunc vacassent) remansisse, et remanere per huiusmodi reservationem, et decretum affecta, nullumque de illis praeter Romanum Pontificem ea vice se intromittere, vel disponere potuisse, sive posse quoquo modo. Pauli II. perpetua constitutio quamvis extravagans anno 1464. iam declavcrat, effectum reservationis, manusque appositionem Pontificum praedecessorum in beneficiis familiarium Papae, et Cardinalium, collectorum, subcollectorum, et officialium Romanae Curiae in esse productum per obitum ipsorum pontificum nequaquam censeri debere revocatum (5). Mox Innocentius VIII. anno 1484., primus huius Regulae XI. conditor eam generatim extendit ad Cathedralis, et monasteria, et omnia beneficia quomodolibet reservata cum interpositione decreti scilicet irritantis. Et quoniam singulis Cancellariae Regulis beneficia reservantibus, quae sunt haecenus expositae, adponi iamdudum consuevit clausula huiusce irritantis decreti: patet cur beneficia omnia quomodolibet reservata ratione vel personarum, vel dignitatis, vel loci, vel mensium afficiat haec Regula, quae nimirum vacaverint ante obitum Pontificis reservantis, ab eoque sint collata nemini.

XLIX. Regula LXVIII. demum reservat beneficia temporaneis Regulis, et constitutionibus reservari solita, quae vacante Sede Apostolica va-

(1) Cathedralium reservationem generali, et perpetua constitutione non imperatam, superius monui num. 37. Adde quod Boofacius VIII. in cap. *si eo tempore* 45. de elect. in VI. speciatim consuevit sibi non omnium, sed alicuius dumtaxat cathedralis Ecclesiae provisionem reservare cum decreto irritante non praecedentia, sed subsecuta post reservationem acta electionis, et confirmationis. Tum Synodus Tridentina in cap. 1. sess. XXIV. de ref. nihil innovandum censuit, quod ad eos omnes, et singulos, qui ad promotionem Episcoporum quodcumque ius quaecumque ratione a Sede Apostolica habent. Hinc Sotus Cancellariae Regulam II., eas reservantem exponens putavit Capitulis cathedralium licere novum Episcopum eligere, si praedecessor mortem papali Sede vacante obiret. At usu praevaluit sententia vim perpetuam reali Cathedralium reservationi, quam Regula II. statuit, adiudicans, ex traditis a Rigantio in Reg. IX. n. 13., et seq. Proficua inde videtur dispositio huius Regulae XI.

(2) Videsis dicta superius num. 38.

(3) *Decreti* puta irritantis quilibet aliorum provisiones de reservatis, et affectis, quod ita concipitur: *decernentes ex tunc irritum, et inane, si secus super praemissis, et quolibet eorum per quoscumque quavis auctoritate scienter, vel ignoranter contigerit attentari*. His enim verbis expressum legitur in Ioan. XXII. extr. de bito 4. de electione. Benedicti XI. extr. ad regimen. 13. de praebendis, et in Cancellariae Regulis.

(4) Scilicet ante obitum Pontificis reservantis, secus vacantia post eius obitum, et Sede ipsius vacante.

(5) Paul. II. in extr. ad Romani Pontificis 14., et ult. de praebendis in extr. comm., de qua dictum superius num. XXVI., et XXVII.

caverint, Ordinarii quoque locorum, vel neglexerint interea providere, vel non iure providerint: *Intendens tam conclavistis, quam pauperibus clericis, et aliis benemeritis personis providere: omnia, et singula beneficia* (inquit) *per Regulas Cancellariae Apostolicas, aut quaslibet alias apostolicas constitutiones temporales Romani Pontificis pro tempore existentis dispositioni quomodolibet, et ex quavis causa reservari solita, quae die obitus praedecessoris sui usque ad diem novae promulgationis Regularum vacaverunt, et de quibus per quoscumque Ordinarios collatores tunc dispositum non fuerat* (1), *seu minus valide dispositum fuerat, suae provisioni, ac dispositioni reservavit.* Quum temporariae reservationes obeunte Pontifice statim expirent, ipsoque iure ad Ordinarios tunc redeat libertas conferendi beneficia mobiliter reservata, quae interim vacaverint, hanc ipsi vel negligentibus, vel male abutentibus rursum adimit haec Regula. Parochiales autem Ecclesiae curam animarum habentes videntur ex utraque Regula LXVIII., et XI. excipiendae: quippe quas etiam in Curia, et apud Apostolicam Sedem vacantes Ordinarii locorum possunt eadem Sede vacante in utroque casu conferre ex Bonifacii VIII. constitutione superius exposita (2), quamvis beneficia etiam cum cura animarum sint expresse reservata. Nam Rota censuit, quod generalis quaelibet omnium beneficiorum reservatio curata beneficia non complectitur, nisi haec nominatim exprimantur (3): in ambabus autem Regulis silentio praeterita quidem sunt. Sunt vero qui curata etiam hisce duabus Regulis, perinde ac cetera omnia subiciunt: quamquam consentiant ordinarii ex laudato Bonifacii textu adhuc licere, donec pontificatus vacuus erit, reservatas conferre parochiales (4).

L. Facultates conferendi reservata, et affecta, quae quibuslibet Ordinariis praedecessores Pontifices indulserint, Cardinalibus tantum exceptis, revocat Regula XV. his verbis concepta: *Item revocavit quascumque facultates, et litteras desuper confectas, per quas quicumque sui praedecessores Romani Pontifices* (5) *quibusvis personis ordinariam collationem, seu aliam dispositionem* (6) *beneficiorum ecclesiasticorum de iure, vel consuetu-*

(1) *Mora sua cuiuslibet est nociva*, inquit Bonif. VIII. in cap. *mora* 25. de Reg. Iur. in VI.

(2) Bonif. VIII. in cap. *si Apostolica* 35. de praeb. in VI., supra laudatus n. 17.

(3) Rota in *Maioricensi parochialis* 10. Ian. 1681. coram Ursino, et DD. apud Rigan. in Reg. XI. num., 25., et seq. et in Reg. LXVIII. num. 14., et seq.

(4) Gonzalez in Reg. VIII. gl. 6. num. 17, et seq. Card. de Luca de benefice. disc. 25. num. 4., et S. Lotterius de re beneficiaria cap. 27. num. 74. Rota in *Milevitana parochialis* 13. Martii 1684. coram Rondonino, apud Rigan. loc. cit.

(5) Quum par in parem non habeat imperium: patet cur Supremus quisque Pontifex, perinde ac Princeps legibus praedecessorum suorum solutus est: *l. princeps* 31. *D. de legibus*. Et quoniam indulta, et privilegia sunt *leges privatorum, quasi privatae leges*, ex definitione S. Isidori in cau. *privilegia* 3. dist. 3. iure merito receptum est, quod Successor sive Pontifex, sive Princeps valeat indulta, et privilegia a decessoribus concessa abrogare, Rot. dec. 200. num. 16. par. 9. rec., et alibi, et Doctores passim. Propterea constitutiones tempore posteriores potiores sunt his, quae ipsas praecesserunt, ex textu Modestini in l. 4., et ult. *D. de constit.*, et Bonifacii VIII. in cap. 1. de const. in VI.

(6) Extraordinariis ergo collatoribus concessa indulta haec non revocantur: dum eos tantum, qui iure, vel consuetudine ordinariam habent conferendi potestatem,

dine (1) habentibus, et quavis etiam patriarchali archiepiscopali, vel alia dignitate (2), vel alia, non tamen Cardinalatus (3) honore fulgentibus, quavis consideratione, vel intuitu (4), etiam motu proprio, et ex certa scientia, ac de Apostolica potestate plenitudine cum quibusvis clausulis, etiam derogatoriis derogatoriis, ac irritantibus, et aliis decretis, quorum tenores haberi voluit pro expressis (5), concesserant, ut quamdiu viverent, vel suis Ecclesiis, vel monasteriis praesent, aut ad aliud tempus (6) de beneficiis ec-

Regula haec palam afficiat. Capitula Cathedralium, et Collegia Canonicorum inter ordinarios collatores accensendi videntur ex voto Fagnani apud Rigant. in *Reg. XV. num. 40.*, et *seq.* Alia vero Collegia, et universitates inter extraordinarios ab hac ipsa Regula exemptos, ex adverso voto D. de Vecchis apud eundem Rigant. *loc. cit. num. 31.*, et *seq.* quales est collegium Auditorum palatii, de quo loquitur Gonzalez ad *Reg. VIII. gl. 37. num. 21.* Koehler, Rebuff., ceteri in Rigantio laudati num. 33. Et quoniam de personis loquitur haec Regula, non de Collegiis, personaeque appellatio collegia, et universitates fere non complectitur in odiosis. Card. de Luca de *benefic. disc. 13.*, cum iam dicta de Vecchis, et Ludov. Engel. *iur. canon. lib. 3. tit. 5. de praeb.* putant indulta Capitalium Germaniae speciatim inter alia huic generali revocationi minime subiacere.

(1) Consuetudinem puta communem, seu generalem, qualis est ea Capitulum Cathedralium, Praetorumque inferiorum nullius diocesis. Secus profecto indicatur de variis locorum consuetudinibus particularibus, et statutis. Nam Bonifacius VIII. in *cap. 1. de constit. in VI. licet Romanus Pontifex, sit, constitutionem condendo, posteriore (quamvis de ipsa mentionem non faciat) revocare noscatur: quia tamen locorum specialium, et personarum singularium consuetudines, et statuta, cum sint facti, et in facto consistant, potest probabiliter ignorare: ipsis, dum tamen sint rationabilia, per constitutionem a se noviter editam (nisi expresse caveatur in ipsa) non intelligitur in aliquo derogare.*

(2) Legatos Apostolicae Sedis inter praefatos, et praesidium, quibus certae sunt decretae provinciae moderandae, ordinarios reputavit, eorumque officium idcirco per obitum Pontificis non expirare declaravit Bonifacius VIII. in *cap. legatos 2. de offic. legat. in VI.*, quamvis eos nullam censendi beneficia potestatem habere sine speciali Sedis Apostolicae indulto, idem statuerit in *cap. 1. eod. tit. in VI.*

(3) Cardinales non modo Episcopatum administratores hic exceptos pulo, sed a Intere etiam Legatos, qui indulto speciali opus non habent, ut Legati simplices, ad conferenda in provinciis suis beneficia ordinario suae legationis munere, ex *cap. 1., et 3. de offic. legat. in VI.*

(4) Intuitu etiam meritum. Nam indultum Religioni Hierosolymitanae concessum ex merito laborum in bello contra Fidei hostes quum huic, tum aliis Cancellariae Regulis subiectum censuit Rota *dec. 626. num. 45.* coram Molines, et *dec. 673. num. 12.* coram Caprari. Secus iudicandum videtur de indultis, quae Ecclesiarum fundatores, ac dolatores ex causa onerosa, et quasi contractu obtinuerint in limine foundationis, ac peculiari statuto: quum generali quavis constitutione isthuc revocari fere numquam censentur, ex iuris axiomate in *cit. cap. 1. de const. in VI.*

(5) Istae quavis graviore, et redundantes clausulae generales ad specialia fundatorum indulta, et conventionalia, seu onerosa privilegia, quorum sanctorum est fides, extendere durum negotium est, ac difficultimum. His porro casibus decet concessam a Principe beneficium esse mansurum, ex Bonif. VIII. *cap. decet 16. de Reg. iur. in VI.*

(6) Personalitatem quidem perpetuam, seu ad vitam alicuius personae duraturam, hisce verbis revocari, non item realitatem certis Sedibus, Ecclesiis, locis, dignitatibus, col-

clesiasticis generaliter reservatis, seu affectis (1) ad eorum collationem, provisionem, praesentationem, electionem, et quomvis aliam dispositionem communiter, vel divisim (2) spectantibus disponere libere, et licite valent (3), aut etiam ad id per eosdem praedecessores vicarii perpetui, vel ad tempus constituti forent.

LI. Stricti quidem Iuris quum sint omnes, et singulae reservationes, eisque non raro abutuntur impetrantes ab Apostolica Sede beneficia tamquam reservata, et affecta, quae reapse talia non fuerint, in fraudem Ordinariorum: cautum est Regula XVIII: ut quibusbilibet Sedis Romanae litteris, *commissionibus, mandatis, declarationibus, motu etiam proprio* factis, vel faciendis tollatur nemini ius suum *quomodolibet quaesitum*. Stylus inde invaluit in apostolicis litteris suum cuilibet quaesitum ius reservandi, collationem quoque ordinariam, ubi non sit reservatio per has nimirum consuetas clausulas: *dummodo collatio ad nos hac vice pertineat, vel dummodo tempore datarum praesentium non sit alteri ius quaesitum* (4).

LII. Incendi nunc reddenda est varietas reservationum hactenus expositarum, ut earundem vis, et usus in hoc praesertim Regno dissentaneis opinionibus obscuratus inclarescat, et quoad fieri possit, ambagibus extricetur. Unicam in Corpore Iuris clausam vulgo dictitant reservationem beneficiorum *apud Sedem Romanam vacantium* per cuiuscumque beneficiarii nedum curialis, sed nullo nexu Romanae Curiae obstricti naturalem obitum Romae, vel in accessu ad eam Urbem, aut regressu intra duas inde diaetas contingentem, ex Clementis IV., et Bonifacii VIII. consti-

legiis in perpetuum concessa indulta, non temere observat Lad. Engell. *loc. cit.* Et nonnisi personis congruunt ea alia huiusce Regulae postrema verba: *vicarii perpetui, vel ad tempus*. Nam Clemens IV. in *cap. ne aliqui 5. de privilegiis in VI.* a limitationibus indulturum apostolicorum excipit expresse privilegia ratione *Ordinum, vel locorum* concessa.

(1) Quum Regula IX. revocet specialia indulta disponendi de beneficiis, quae in quatuor, vel sex mensibus apostolicis vacaverint, ex supra iam dictis num. 43: isthaec Regula XV. latius patens revocationem extendit ad quaevis indulta de quibusbilibet generatim reservatis ratione loci etiam, et personarum, et dignitatis, et quovis alio modo affectis.

(2) Collineant quidem haec vocabula ad complectendum Capitula Cathedralium.

(3) Quoties ergo libertatem disponendi ad libitum suum non habeant ordinarii collatores de beneficiis passivo iuri obnoxiiis, quod indultum ex. gr. sit civibus alicuius loci originariis ea lege, ut extranei ab oismodi beneficiis arceantur: locum non esse huic Regulae, pluries a Rota definitum fert Riganus *ibidem* num. 30. ius *optionis* itidem passivum, quod fudationis lex, vel statutum Ecclesiae Canonici senioribus reservaverit, an ista revocatione similiter exemptum videtur. At illud *optandi* ius, quod *indulto speciali*, seu privilegio Sedis Apostolicae concessum fuerit, revocationi huius Regulae subiiciunt DD. cum Rota penes Rigan. *loc. cit.* num. 21., et seq.

(4) Cum Iure id communi consonat. Nam Innocentius III. in *cap. causam 18. de rescriptis* decrevit *viribus* omaino cariturum, quidquid constiterit in alterius *praedictum attentatum* occasione pontificii rescripti. Idipsum firmat Honorius III. in *cap. quia intentionis 29.*, et Greg. IX. in *cap. dudum 31. de privilegiis*. Huc spectat Bonifacii VIII. regula in *cap. indultum 17. de Reg. Iur. in FI:* indultum a Iure beneficium non est alicui auferendum.

tutionibus superioribus recitatis, quae prostant in Sexto Decretalium (1): *Haec est vera, et propria vacatio apud Sedem, quae etiam est unica, et sola clausa in Corpore Iuris*, scribit Riganus (2). Hanc ipsam propterea esse ubique receptam, et usu apud nos etiam vigere, dubitandum non est.

LIII. Vacare apud Sedem, vel in Curia Romana promiscuo sensu dictum a Clemente IV., et Gregorio X., paulo ante iam observavimus (3). Causidicis autem, ac ministris in eo foro versatis placuit discrimen inducere, alteramque ab altera vacatione distinguere, velut speciem a genere. Nam vacatio in Curia, tamquam genus ab iis dicitur ea esse, quae obvenit nedum ex beneficiariorum naturali morte in Urbe, vel intra duas ab ea diaetas, sed morte etiam civili, puta professione regulari, et quovis alio actu in ea expleto, nimirum transitu clerici ad statum conjugalem, laicamve militiam, aut promotione ad dignitates incompatibiles, aut ex resignatione voluntaria, aut ex depositionis, ac privationis sententia, insuper ex qualitate personarum, quae Sedi Apostolicae, ipsiusque Curiae adhaerent, mortem ubique oppellentium (4). Diversa haec notio usu iam invaluit: sed plurimum in ea negotii est ex variis vacationum speciebus, quas generatim vacatio in Curia complectitur, alias antiquis etiam canonibus, et quotidiano usu concordant postulantem collationem pontificiam, placitumque regium inoffenso pede obtinentes, alias regii placiti offendiculum incurrentes. Plane vindicant Papae iura communia receptissima collationem in resignationibus beneficiariorum, quae favore alicuius fiunt in manibus ipsius Papae, sui que Legati a latere (5), in vacantibus per ascensionem incompatibilium ab Apostolica Sede impetratorum, vel ob fraudulentam eorum resignationem (6), aut per sententiam privationis in Curia Romana, vel Apostolica delegatione prolatam (7), aut lite inibi pendente (8), aut in commendis, et pontificiis erectionibus (9). Beneficia Cardinalium ubicumque procul ab Urbe morientium in Curia utique vacant, eorumque pontificiae collatio-

(1) Clementis IV. in cap. licet. 2., et Bonif. VIII. in cap. praesenti 34. de praebendis in VI., de quibus supra num. 13., et 15.

(2) Riganus in Reg. 1. Cane. §. 1. num. 35., et 36. 1. 10. 1.

(3) Num. 14.

(4) Riganus loc. cit. num. 37., et seq: Videntur differre, ait vacatio apud Sedem, et vacatio in Curia, tamquam genus, et species... Nam vacatio in Curia est genus, quod continet sub se duplicem vacationis speciem, nempe eam, quae sequitur per obitum naturalem et eam, quae contingit per quemlibet actum completum in Curia, quaeque assimilatur morti civili. Addit num. 43. Improprie igitur, et nonnisi lato modo vacantia apud Sedem accipi potest pro quacumque vacatione in Curia. . . Quomodo extraxit. ex debito de elec. inter comm., dum, ait, quod apud Sedem ipsam vacare intelligantur beneficia, quae . . . per privationem . . . vacare contigerit: aliter intelligi non debet, quam de vacatione impropria, et lato modo sumpta. Ideoque addit num. 74, quod reservata Regulis Cancellariae, et apostolicis constitutionibus beneficia generatim dicantur lata notione in Curia vacare.

(5) Ex supradictis num. 16., et 40., et infra dicendis num. 68.

(6) Ex cit. num. 40., et inferius num. 57., et 60.

(7) Num. 58.

(8) Num. 59.

(9) Num. 68.

nea liberam cum regio placito sortiuntur executionem (1). Idipsum consuevit iamdudum servari in beneficiis familiarium, et officialium Romanae Sedi, vel Curiae revera adhaerentium. Secus autem in aliis, quae in Curia simul vacare beneficia dicuntur ex adventitia qualitate personarum, seu ex privilegio puta *protonotarii* extra numerum, collegiumque participantium (2), vel adstantis pontificio solio Praelati, qui extra Urbem residens inter domesticos Papae cooptetur, aliisque id genus honorifici tituli. Adde quod stylus in Cancellaria Romana adhuc vigeat expediendi pontificias collationes beneficiorum ex decreto, vel resignatione, vel matrimonio in Urbe contracto, ceteris ex causis eiusmodi vacantium cum expressione *vacationis apud Sedem* (3):

LIV. Et *iuris*, et *facti* vacatio in Curia quum saepe indicavit, et varios effectus alterutra seiunctim ab utraque simul pariat pro diversis casibus oportet peculiarem vacationis speciem vel simplicem, vel mixtam, quae sit in litteris pontificiae collationis expressa, dispicere. Beneficium *de facto* vacare per obitum beneficiarii, vel per puram ipsius, liberamque dimissionem, seu renunciationem ideo dicitur: quia omnino vacua manet illius possessio naturalis, et corporea, quae *plus habet facti, quam iuris* (4). Et vicissim vacans *de iure* dicitur, quod per vitiosam, irritamque collationem quispiam obtinuerit, vel rite, ac recte obtentum audeat post adeptum aliud incompatible, aut post sententiam privationis a lego, vel iudice rite prolatam retinere contra ius, iniustam illius possessionem animo, et corpore non dimittens. Indulta pontificia Cardinalium de conferendis reservatis locum fere habent in vacationibus *de facto* extra Curiam: non *de iure* in Curia contingentibus (5). Illius beneficia, qui promovetur in Curia ad Episcopatus, vel dignitates quasi Episcopales, aliasque incompatibiles, eo ipso vacant *de iure* in Curia (6) ex decreto eiusmodi vacationem declarante, quod singulis incompatibilium collationibus adicitur. Quoniam vero in cedula Concistorii consuevit provisio Episcopatum decerni *cum retentione compatibilium* (7): haec olim retentio vacationem *iuris* in Curia impediens causa erat, ut retenta sic beneficia vacarent exinde per obitum, vel cessum de facto (8). Nunc autem vacant eo ipso in Curia *de iure*, *suspensio usque ad obitum effectus vacationis* ex clausula id ita declarante, quae de stylo adicitur abhinc aevo Clementis X., quoties Apostolica Sedes promovendis indulgeat compatibilium retentionem (9). Hinc primum est iudicare, quando *iuris vacationis in Curia* postulent collationem pontifi-

(1) Ex supra iam dictis num. 30.

(2) De his dictum superius num. 32.

(3) Id quod Riganlius tradit in *Reg. I. Cancell. §. 1. num. 47.*

(4) Inn. III. in cap. cum nostris 6. de concess. praeb.

(5) Rota dec. 13., et 14. post Novarium, et Rigan. in *Reg. 1. Cancell. §. 7. num. 249., et seq.*

(6) Gl. in Clement. 1. ut lite pendente verb. *collatio* Rota dec. 599. par. 18. dec. apud Rigan. loc. cit. num. 189.

(7) Ex traditis a Parisio de *resignat. benefic. lib. 3. qu. 1. num. 85.*

(8) Rot. dec. 599. par. 18. rec. to. 2. apud Rigan. loc. cit. num. 203., et seq.

(9) Rota dec. 673. num. 4. coram Caprara, Card. de Luca de *benefic. disc.* 143. num. 16. Rigan. loc. cit. num. 223. et seq.

cium, posthabitis Ordinariis etiam Cardinalium provisionibus, quae sint per obitum extra Curiam.

LV. Curialium insuper omnium, et familiarium Papae, ac Cardinalium reservata generatim beneficia dicuntur in Curia vacare, etiam si mors ipsis extra eam obvenerit (1): quia Curiae nexu eos non solvit temporanea inde absentia. At Cardinales vigore communis indulti mandatam obtinent potestatem conferendi vacantia extra Curiam (2) beneficia reservata etiam ratione mensium, aut quod illa obtinentes fuissent familiares facti praedecessorum Pontificum, aut Sedis Apostolicae notarii, subdiaconi, archipresbyteri, capellani, litterarum apostolicarum scriptores, abbreviatores, cubicularii, nuntii apostolici, et subcollectores, seu quicumque alii dictae Curiae, et Sedis officiales praesentes, et futuri quocumque nomine nuncupati fuerint (3). His ergo officialibus, et curialibus extra Curiam morientibus beneficia eorum Cardinales ex indulto conferunt: quamvis fictione iuris dicantur in Curia vacare, ob fictam Papae familiaritatem eis adpositam. Sed non item vacantia per obitum aliorum Apostolicae Sedi, et Curiae adhaerentium vel dignitate Cardinalatus, vel nexu vere familiaritatis pontificiae (4), qui extra Curiam obiverint.

LVI. Eorum beneficia, qui Romae ad minores dignitates promoverunt, dimittenda ex decreto pontificio, sive in Corpore Iuris, sive extra illud reservata putaveris, eatenus aestimantur in Curia, et apud Sedem vacare (5), ut Cardinales nequeant ea vi communis indulti unquam conferre (6). Idipsum eadem ratione indicatur in aliis antedictis Iuris vacationibus in Curia, nonnihil mox relegendis.

LVII. Resignationes porro, quae ab ipsis promovendis quomodocumque ubilibet fiant in fraudem reservationis, eandem in Curia vacationem iuris producant (7), quae limitat Cardinalibus indulti usum. Cuiusmodi vacatio quum in ipso promotionis die contingat ex decreto iam supra exposito: per Regulam XXVI. idcirco revocantur in primis quaecumque concessionis, gratiae, et mandata, etiam motu proprio, et cum derogatione huius constitutionis, quae ab ipso Pontifice pro quibusvis personis emanave-

(1) Ex Io. XXII. extrav. ex debito 4. de elect., et Bened. XII. extr. ad regimen 13. de praebendis, iam supra expositis num. 23., et 25.

(2) Rota dec. 599. n. 12., et 13. par. 19. rec. Card. de Luca de benefic. disc. 103. num. 5, Rigant. loc. cit. num. 75., et 77.

(3) Ipsa indulti verba sunt, quae tradit Rigant. in Reg. 1. §. 4. num. 14. 18., et 251.

(4) Sicuti observat Rigant. ibidem num. 15. 23. 26. et seq. Non enim huiusmodi mandata, seu indulta apostolica, quorum fines diligenter servari oportet, debent ad casus alios, quam expressos, extendi, ait Bonifacius VIII. in cap. cui 27. de praebendis in VI.

(5) Rota coram Coccino dec. 1448. in fin. in voto apud Capon. disc. 10, Rosa de execut. lit. apost. in addit. ad cap. 6. num. 172.

(6) Rota dec. 599. par. 18. rec. et dec. 673. coram Caprara to. 2. apud Rigant. in Reg. 1. §. 1. num. 83: quidquid secus antea censisset pro Cardinalibus eadem Rota in Mediolanensi beneficiorum 13. Martii 1673. coram Albergato penes Novurium, et in Neapolitana benefic. 29. Ian. et 26. Nov. 1683, Gonzales ad Reg. VIII. gl. 13. num. 60., et seq.

(7) Ex antedictis num. 50.

riat, de providendo eis de quibuscumque beneficiis vacaturis per promotionem quorumcumque ad Ecclesiarum, et monasteriorum regimina, si huiusmodi concessionem, et mandata diem promotionis promovendorum ipsorum praecesserint (1). Deinde irritantur quaecumque collationes, provisiones, et dispositiones pro tempore faciendae de praemissis, et quibuscumque aliis beneficiis ecclesiasticis saecularibus, quae per promovendos, et assumendos ad quascumque praelaturas inter illarum vacationis, et huiusmodi promotionis, vel assumptionis, tempora simpliciter, vel ex causa permutationis, ubicumque (2) resignari, vel alias dimitti contingerit (3). Quoties Apostolicae Sedis videlicet per dolosam obreptionem reticeatur a resignantibus vacatio ex decreto promotionis, et collatio inde fiat ex vacationis per cessum. Permutatio insuper beneficii liberi cum reservato, vel affecto non nisi coram Summo Pontifice facienda est: quum in ea commisceantur mutuae permutationum resignationes, et mixtura isthaec reservationem, affectionemque beneficio libero communicet (4).

LVIII. Ex iudicio in Curia Romana pronunciato de criminibus clericorum, et sententia, quae inibi eos deponat, vel privet beneficiis, aut ipso facto depositos, privatosque declaret, oritur etiam iuris vacatio in Curia, quamquam absentes ii a loco iudicii fuerint (5). Sunt qui putant id locum habere in criminibus positivis, nimirum haeresi, simonia, falsitate litterarum apostolicarum, homicidio, sortilegio, ceteris id genus (6): non item in aliis negativis, videlicet residentia non impleta, promotione ad ordines neglecta, pensione non soluta, contententes in his casibus non sententiae locum, sed ubi degat is, in quem ea fertur, spectandum fore (7). Sed non tuta videtur eiusmodi distinctio. Quoties in iudicio appellationis Romana tribunalia probaverint sententias Episcoporum, quibus clerici non residentes, non promoti, aut in crimina prolapsi suis priventur beneficiis, vel deponantur, easque mandandas executioni decreverint: vacationem extra Curiam evenire tunc putaverim.

LIX. Litigiosum quodvis beneficium iure communi videtur tacite quodammodo reservatum Summo Pontifici, quia de eo nequeunt Ordinarii locorum lite indecisa disponere: etiamsi colligantur altero defuncto, vel suis alteri iuribus cedente supersit unus, beneficiumque ipsum nulla alia reservatione sit affectum (8). Nam Bonifacius VIII, ita statuit: *Si hi,*

(1) Quia redolent gratias expectativas a Tridentinis Patribus improbatas, et reiectas, ut superius monui num. 10.

(2) Isthaec verba sanctionem huius Regulae palam extendunt ad fraudulentas eiusmodi resignationes tam in manibus Papae, quam coram Ordinariis locorum attentatas, Rot. dec. 791. par. 1. diu. Cordialia dec. 254. num. 30., Paris. de resignat. lib. 3. qu. 6. num. 15, Rigant. in Reg. XXVI. num. 176.

(3) Posteriorem hanc Regulam XXVI. partem videbis explicitam supra num. 40.

(4) Cardinalis de Luca in sum. de benefic. num. 90.

(5) Rota coram Verallo dec. 64., et 327., Passerin. in cap. praesenti a. de praeb. in FI. num. 7. Gonzalez ad Reg. VIII. Canc. gl. 13. num. 45.

(6) Quenam crimina privationem beneficiorum vel ipso iure latam, vel ab homine ferendam promerentur, singulatim dicam in cap. ult. huius tract.

(7) Id sensisse unum ex Praelatis apud Rotam dec. 506. par. 4. rec., et dec. 117. par. 15. rec. observant. Card. de Luca de benefic. disc. 77. in fin., et Rigant. in Reg. 1. Canc. §. 1. num. 63.

(8) Card. de Luca de beneficiis disc. 92. num. 20.

contra quos super dignitatibus, personatibus, vel aliis ecclesiasticis beneficiis, quae possident, litigatur, lite pendente cedant, vel forte decedant, ne propter novos adversarios, qui malitiose interdum petitoribus subrogantur, litigia in Ecclesiarum dispendium prorogari contingat: statuimus, ut dignitates, personatus, vel beneficia huiusmodi, donec contra superstitem lis finita fuerit, aliis nullatenus conferantur, nec ad ea eligatur quispiam, vel etiam praesententur: quod si secus actum fuerit, eo ipso irritum habeatur (1). Eodem iure Honorius III. ab Archiepiscopo Coloniensi consultus, quid esset agendum in causa electionis coram ipso Archiepiscopo etiam ut arbitro delata inter Hermannum de Viliaco, et Corradum de Borbardia Colonienses canonicos super eorumdem electione ad Praeposituram S. Cuniberti extra muros Coloniae, quum defuncto ante archiepiscopalem sententiam Hermanno Brunum de Abech supereligere quidam canonici tentassent: rescripsit, quod Archiepiscopus, etsi compromissum Hermanni morte iam evanisset, iudiciariam adhuc notionem de priori electione prosequeretur: Nam si forte (ait) praedictus Corradus qui est superstes, in electione ius habet, de qua compromissio facta fuerat in Archiepiscopum, electionem secundo factam constat penitus non valere (2).

LX. Litigiosum plane dicitur beneficium non illico post litem super illius titulo, ac proprietate vix motam ab eo, qui ad se illud pertinere contendat, solo scilicet istius libello delatam in foro competenti, sed postquam iudex proprius eam adversae parti nunciandam decreverit, et executor famulus inde nunciarit reapse, nunciatamque apud acta retulerit (3). Super titulo inquam: quoties nimirum inter ambo colligantes ius quaesitum in re ex accepta collatione, seu institutione, vel ius ad rem ex dissentaneis patronorum eligentium, seu praesentantium votis in quaestione fuerit, vel alter a patronis nominatus, aut ab Ordinario provisos alteri oblexerit subreptionem, aliamve nullitatem collationis apostolicae (4), vel altero ex resignatione, vel permutatione controversa beneficium possidente, alter ad illud regressum postulaverit (5). Lis autem inter patronos, vel collatores incoepta, et contestata, qui de iure vel praesentandi, et eligendi, vel conferendi contendat, beneficium interea vacans non efficit litigiosum (6), quod ad subrogationis effectum: nec ubi controvertatur, utrum regulare, an saeculare sit beneficium (7). Nam quaestiones huiusmodi super qualitate, ac statu beneficii ad titulum, et proprietatem illius non pertinent, nec super optandi iure, vel unione, vel incompatibilitate, quae nullam tituli controversiam involvant (8). At litigiosi qualitas evanescit, quotiescum-

(1) Bonif. VIII. in cap. si hi contra 2. ut lite pend. nihil innov. in VI.

(2) Honor. III. in cap. ex parte tua 10. de arbitris. Hunc textum solemniter sortitione acceptum in primo concilio ad cathedram Decretalium explicari in hac Neapolitana studiorum Universitate an. 1741.

(3) Clement. ult. ut lite pendente nihil inn. Rota, et DD. apud Rigant. in Reg. 29. §. 1. num. 109., et seq.

(4) Rota coram Ubaldo dec. 426. num. 12. par. 2.

(5) Rot. dec. 607. num. 9. par. 6. dec. 166. num. 4. par. 10. rec., et coram Merlino dec. 528. Rigant. in Reg. 29. §. 1. num. 100.

(6) Card. de Luca de benefic. disc. 24., et 42.

(7) Cap. 1., et seq. de transaction.

(8) Rigant. loc. cit. num. 101., et seq.

que colligantes de titulo , ac proprietate beneficii a lite recesserint bona fide, ac sine fraude, alter nimirum alteri sua cesserit iura per transactionem (1), vel liberam beneficii renunciationem, per decennalem desertionem (2), vel per sententiam, quae in rem iudicatam transiverit (3).

LXI. Quum reipublicae vero intersit lites nedum brevare , sed extinguere , Apostolica Sedes consuevit superstitem colligantem in iura defuncti, vel naturaliter, vel civiliter adversarii ex gratia subrogare, ne novus ei superveniat adversarius (4). Hinc Regula XXIX. de subrogandis colligantibus statuit: *quod quoties deinceps aliquem super quovis beneficio ecclesiastico colligantem in iure, vel ad ius (5), si quod forsitan eius adversario in dicto beneficio competierit subrogari contigerit (dummodo praedictus colligans in dicto beneficio intrusus (6) non fuerit, nec super eo contra dictum adversarium, postquam illud per triennium pacifice possederit (7), lis tunc mota fuerit) aliorum quorumlibet de praemisso iure, sive tunc vacet, vel cum vacaverit impetrationes, vel concessionem etiam motu proprio infra mensem (8)*

(1) Lites transactionibus legitimis adeo finire, ut non liceat eas resuscitare, iam liquet ex *l. fratris 10., et l. causas 16. C. de transact.*

(2) Card. de Luca de benef. disc. 91. num. 25., et disc. 92. num. 59. Confer huc *l. properandum C. de iud., et cap. 2. de sent. et re iudic.*

(3) Inn. III. in cap. cum inter vos 13. de sent. et re iudicata.

(4) Subrogatio quidem his fere verbis coeipitur: *D. in omni iure, et ad omne ius, quod dicto N. competeat, vel competere poterat, subrogamus.* Hinc patet subrogato accrescere alieno defuncti iura, sed suo ipsius non decrescere, Rota dec. 19. coram Falconiero.

(5) His verbis deo subrogationis fundamenta ponuntur, lis nimirum citra fraudem mota, pendesque, et ius reale defuncto quocumque libet: adeo: ut alterutro deficiente, omnino corruat subrogatio. Sat nihilominus erit *litem* quomodolibet superesse, cuius *litis statum pro expresso* haberi de stylo mandant apostolicae litterae, ne generalis eiusdem narratio vocat subrogato. Verum actio *realis* tantum, quae oritur nodum ex obtenta collatione, seu institutione tam pontificia, quam ordinaria, sed etiam ex electione, seu praesentatione patronorum, *litem* super beneficio statuit, locumque dot gratiae subrogationis, secus actio *personalis*, qua scilicet postulet quispiam beneficiarium clericum huius, illiusve criminis reum suo fore beneficio privandum, ut illud inde is adipiscatur octus iam litteras Pontificias eo purae collationis in *forma gratuita*, ut aiunt, sed *condicionalis* in *forma si dignum*, aequipollentis mandato de providendo: Rota dec. 611. coram Cerro, dec. 630. coram Ubaldo, in *Bituntina iurispatr.* 25. Jun. 1687. coram Ursieo, et alibi apud Rigant. in *hanc Reg. XXXIX. §. 1. num. 41. et 43.*

(6) Intrusum in primis, qui beneficium mala fide, aut sine collationis, vel institutionis titulo, aut sine decreto iudicis auctoritate propria praeccepit, favore subrogationis indignum haec Regula declarat: de quo Rigant. in §. 2. *huius Reg.*

(7) 2: Calumniosum quoque petiorem, qui sero moverit *litem* tricesimo pacifico possessori non simoniaci, neque intruso preceptum, et veliam ex Clement. un. de *sequestr. posses.* et Caecellariae Regula XXXVI. de *triennali* exponenda inferius cap. 15. de *quasi possessione*. Quod si tricesimalis ipso possessor in iudicium provocasset inactantes ius contra ipsum habere, ex *l. diffamari C. de ingen. et manum*, iique intra triennium non comparuissent: possessionis suae tranquillitatem non amisit, locumque subrogationi etiam interclusit: Rota dec. 327. num. 8. coram Cerro apud Rigant. in *hanc Reg. §. 2. num. 41.* Hinc in Rota Romanae stylus invaluit non exequendi gratiam subrogationis, nisi postquam subrogatus aliquatenus probaverit ius fore bonum, Rigant. *ibidem* num. 111.

(8) Haec quidem non cogitur superstes intra mensem o die, quo decesserit collig-

ante concessionem huiusmodi factus nullius sint roboris, vel momenti. Et nihilominus cupiens eorum fraudibus obviare, qui viventium beneficia illorum praesertim, quibus, aut propter senium, aut propter infirmitatem immineret vitae periculum (1), eorum iuribus facilius subrogentur, valuit, ut deinceps nullus in iure, vel ad ius in beneficio defuncti, quod illo vivente in casibus similibus impetraverit, aliquo modo subrogetur, et subrogatio, vel gratia si neutri, si nulli (2), seu novae provisionis (3), aut perinde valere (4) taliter impetrandi nullatenus suffragetur. Quod etiam strictissime observari mandavit in impetrationibus beneficiorum per privationem, et amotionem ex quibusvis criminibus (5), et excessibus forsans perpetratis, etiam usque

tigans postulare subrogationem: sed irritantur impetrationes beneficii litigiosi, quas alii expiscaverint quociescumque subrogationem in iura defuncti collitigans petierit intra mensem a die datae impetrationis computandum. Rot. dec. 655. num. 5, par. 19. rec. to. 2. apud Rigant. in hanc Reg. §. 1. num. 6. et seq. At elapso mense post concessam ab iis subrogationem, collitigans tunc morosus eam frustra postulabit, ex rebus indicatis apud eandem num. 14. et 15.

(1) 3: Subrogatio iis admittitur, qui beneficium viventis cuiuslibet, praesertim senis, vel infirmi, expiscaverint fraudulenter, nullo scilicet bono iure ad extirpandum legitimum possessorem adducti cum praesecerint imminet beneficium vacationem per cessum, vel decessum illius ex sententia Card. de Luca de benefic. disc. 43, et Rigant. in Reg. 29. n. 59. et seq. Enimvero impetrans bona fide, bonoquo iure beneficium viventis nullo vitae periculo affecti, vel quia coelectus ex. gr., aut compresentatus, vel competitor Ecclesiae parochialis cum illo fuisset, vel quia favorem suae impetrationi sententiam eo adhuc vivo iam obtinisset: vel quaevis alia causa locum legitimae impetrationi dedisset: nomen iste odiosum expiscatoris dolosi non acquirit, nec indignum se facit subrogationis gratia, ex Rotae decisionibus apud eosdem laudatis.

(2) Huiusmodi formas, seu clausulas esse in pontificiis collationum litteris exprimendas, patet ex Reg. LVI. de clausulis. Gratia si neutri, h. e. subrogatio cum clausula si neutri quoesitum sit ius, ut collitiganti solum indulgeatur proviso praesertim apostolico, aequitatis ratio postulat. Eadem extraneo dum conceditur, gratia si nulli vocatur, Rigant. in Reg. 56. num. 45. et 46. et Reg. 29. §. 1. num. 135., quae abnormis est, litesque non extinguit, sed nutrit. Gratia eiusmodi conditionalis efficit, ut ea nemini praepiudicium inferat, nequo regressum adimat resignantibus reservatum, Rigant. cit. §. 1. num. 147. et seq. In hunc porro finem de stylo adiciuntur eae in litteris apostolicis clausulae: dummodo tempore datae praesentium nemini sit ius quaerendum, et sine praepiudicio litis pendenciae, vel rursum colligantium, et dummodo ad Nos dispositio hac vice pertineat etc.

(3) Dum lite pendente alter alteri colligantium iura sua cesserit, huic non subrogationem proprie, sed novam provisionem consuevit Sedes Apostolica indulgere, sibi causam avocando, et litem extinctam declarando: Rigant. ibidem num. 20. Subrogationem indulgens hanc in rescripto Signaturae adhibet clausulam: et litterae in forma simplicis provisionis gratiosae subrogationis, etiam quoad possessionem expediti possint in forma.

(4) Gratia perinde valere: vitiosas nimirum litteras antea datas, ac si nullas in eis error, vel defectus irrepserit, conceditur ad priorem gratiam collationis, quae aliquo nullitatis vitio laboret, instaurandam, Rigant. in Reg. 44. num. 21.

(5) 4: Denegatur subrogationis gratia expiscantibus ante rem indicatam beneficia ipso etiam iure vacantia ex quovis crimine, quod inferat ipso facto iacturam beneficiorum. Quaesitum porro ius in eis certum habore non possunt, quoad spem ipsi dubium foreant futurae vacationis de facto, quae pendet ex incerto iudicii criminalis exitu, sacris canonibus exosam, nisi praecesserit criminis delati, seu facti

ad definitivam sententiam, quae tamen in rem non transierit iudicatam (1), processum foret.

LXII. Quae legitimo contradictori, seu colliganti superstiti fiat subrogatio in alterius iura vel cedentis, vel decedentis, et ita indulgeatur, uti haec Regula XXIX. disponit, ea et civili, et canonico Iuri communi consentanea quidem est. Nam Imp. Anastasius (2), et Iustinianus (3) dum cupidos alienarum litium redemptores coercent, quatenus eis cessiones alienarum actionum plus aequae, et ultra pecuniae solutae summam non proficiant: maxime favent coheredibus, et competitoribus communium rerum, aut legatorum consortium litis legitimum inter se habentibus. Et Bonifacius VIII. ideo novas electiones, quae lite pendente post obitum, vel cessum colligantis fiant, irritas pronunciavit, ut superstitibus electis, novi ne subrogarentur adversarii, qui lites diutius protraherent (4). Nil propterea obstat, quominus hoc in Regno eiusmodi litterae subrogationis pro colligante superstitute iustitiam redolentes obtineant cum regio placito executionem, quoties lis foret de beneficio liberae collationis, ubi unus concurrentium, ex. gr. ad parochialem Ecclesiam appellasset ab irrationabili iudicio Episcopi, et examinerum, deinde prae-

declaratio iudiciaria, suum non sortitur effectum vacatio iuris: Rota dec. 1211. num. 3. coram Emerix. Verum si quando Papa speciatim sanxerit beneficia ipso facto vacare ob hoc, illudve crimen, cuique deos libertatem ea impetrandi: tunc superstitem impetrantem subrogatione non indignum censet Rota apud Rigant. in Reg. 29. §. 2. num. 92. Insuper huic Regulae si Papa speciatim aliquando derogaverit, subrogationis gratiam tunc tali quoque impetranti proficuum putant DD., et Rota ibidem num. 97. Explorati autem iuris est, nequaquam licere beneficiario lapsio in crimen, quod ipso iure privationem inferat resignare beneficium in alterius favorem: secus est in aliis criminibus, quo futuram privationem expectant a sententia iudicis, Rigant. ibidem §. 1. num. 28. et 29. Hoc enim casu reus ante sententiam privationis iura sua, si cui non colliganti cesserit, vel beneficium resignaverit: subrogationis gratiam consuevit iste obtinere cum clausula: *dummodo non cedat in potentiorum, et quatenus vera lis adsit* cum derogatione huic Regulae. Colligatos vero tunc non admittitur ad subrogationem contra cessionarium, quum ei contra hunc liceat litum prosecui caepit cum cedente, ex traditis a Rigant. ibidem num. 6. ad 27.

(1) Quomodo, et quando sententia in rem transent iudicatam, vel tyrones norunt. Hanc exclusionem declinandi studio impetrantes beneficia ob crimen secundi generis vacatura satagunt, ut in apostolicis litteris adiciatur clausula: *quod si cessio fiat, facta censeatur favore ipsius impetrantis post primam privationis sententiam*: quae irritat resignationes in favorem alterius postea factas, DD. cum Rota apud Rigant. loc. cit. num. 32. et seq. Dum vero colligans cessionem reapse ab accusato ante sententiam habuerit, litis tuoc novam provisionem obtinere ab Apostolica Sede cum avocatione causae, litisque extinctione, sine derogatione huic Regulae de subrogandis colligantibus, iam praemunui cum Rigantio ibidem num. 20.

(2) Anastas. in l. per diversas 2. C. mandati.

(3) Iustinian. in l. ab Anastasio 23. C. eodem.

(4) Bonif. VIII. in cap. 1. et 2. ut lite pend. nihil innov. In Gallia subrogationem fieri auctoritate iudicis, apud quem lis pendet, ibique locum non esse tam constitutioni Bonifacii VIII. in cit. cap. 2., quam Cancellariae Regulae de subrogandis, tradunt Rebuff. in prax. benefic. tit. 23. cap. 5. num. 7. et 9. Ordinarios quippe lucorum in Gallia conferro litigiosa beneficia, posthabita Bonifacii VII. inhibitione, affirmat etiam Rigantius in Reg. 29. §. 2. num. 195. et seq.

lecto ab eis defuncto, vel cedente subrogatus in iura ipsius esset, vel compatroni suum praestitissent consensum in beneficio iurispatronatus. His vero dissentientibus, et contradicentibus, ubi superstes collitigans, a minori parte, vel medietate patronorum praesentatus; pontificia impetraverit bullas gratiosae subrogationis in iura defuncti, quem altera medietas, vel maior pars patronorum praesentasset, derogantes alteri eorundem medietati discordi: regium placitum non obtinebit. Quandoquidem Bonifacius VIII. in antedicta constitutione decrevit admittendos eos, quorum intererit, ad defensionem litis contra superstitem collitigantem, ubi petierint si sese admitti in eo statu, in quo ipsam invenerint (1). praesertim qui cedentem, vel defunctum elegerint, seu praesentaverint (2).

LXIII. E contrario quas alii, praeterquam superstes collitigantes, expiscaverint subrogationis gratiosae, atque arbitrariae litteras pontificias, eae tamquam abnormes, et iure communi, et Cancellariae Regula modo exposita quidem improbantur: quia litigia fovent, fraudesque nutriunt multiplices, et versatiles. Intrusi propterea, et possessionis triennialis turbatores, et contradictores illegitimi, et beneficia viventium dolo expiscantes, et fraudulentam cessionem adepti, vel potentiores, vel post iuris vacationem ex crimine, ceteri eiusdem surfuris nullum ex obrepta gratia subrogationis patrocinium sibi adquirunt. Si quis autem ex cessione, seu resignatione collitigantis rite facta ante rem iudicatam ius aliquod recte quaesiverit super beneficio litigioso, collationemque apostolicam inde impetraverit cum subrogationis gratia: lis non suspenditur, sed in ea contra cedentem, seu resignantem ad ulteriora proceditur, donec successor in eius locum suffectus ad iudicium venerit, audiendus in eo exinde statu, in quo causam repererit, ex constitutione Gregorii XIII. (3).

LXIV. Quoties legem Tridentinam violaverint Ordinarii locorum in conferendis beneficiis, eorumque provisio irrita idecirco erit: ea inde beneficia incidere in apostolicam reservationem Regula I. imperatam, iam supra innuimus (4). Huiusmodi scilicet sunt, quae impuberibus ante XIV. provideantur simplicia (5), curata vero ante XXV., dignitates, ac personatus Cathedralium sine cura ante XXII. aetatis annum incoeptum, canonicatus, et praebendae ante aetatem sacro Ordini suscipiendo idoneam (6).

(1) Bonif. VIII. in cit. cap. si hi, contra quos 2., ut lite pend.

(2) Ut exponit Glossa in eodem textu verb. intererit.

(3) Greg. XIII. in const. humano vix iudicio §. 10. de publicandis resignationibus ita iubet. Sed ne in beneficii super possessionis, vel proprietate litigiosis prosecutione litis turbari valeat, vel differri, in causis huiusmodi contra cedentem ad ulteriora etiam ad sententiam diffinitivam, et rem iudicatam, ac illius executionem, quousque ille, qui gratiam ex resignatione, vel cessione, aut ex omisa forma publicationis huiusmodi obtinuit, ad causam per se; vel procuratorem legitimum accesserit, litemque huiusmodi susceperit, eodem modo, et ordine procedi possit, quo potuisset legitime, si cessio huiusmodi facta non fuisset. Possit tamen ipse, etiamsi in lite, et causa huiusmodi subrogatus non sit, quandocumque ad illius prosecutionem, et terminationem venire, et iudice, coram quo causam ipsam, etiam ex delegatione pendere contigerit, in illis ipsis statu, et terminis, in quibus tunc eam esse repeterit, etiam absque rescripto speciali admitti.

(4) Hoc cap. num. 28.

(5) Trid. in cap. nullus 6. sess. 23. de ref.

(6) Idem in cap. cum dignitates 12. sess. 24.

Quaeque filiis clericorum illegitimis beneficia in Ecclesiis, ubi patres eorum aliquod habuerint beneficium (1): vel parochiales Ecclesiae sine concursu, aut posthabitis dignioribus contra ius conferantur (2). Itidem praebenda Poenitentiarum collata non Magistro, nec Doctori, nec licentiatum in theologia, vel iure canonico, nec annos XL. nato (3), praebendave Theologi personis non idoneis ad S. Scripturam per seipsos exponendam (4), similiter et officia, vel dignitates, quae scholasteriae dicuntur, cum annexo docendi munere (5). Quaecumque item beneficia personis prima saltem tonsura non initiatis (6), aut saecularia Regularibus, et vicissim provisum (7). Insuper unita non rite, aut sine causa legitima, aut in casibus iure non permissis (8). His reformationis Tridentinae decretis adduntur plures Apostolicae Sedis constitutiones recentiores, quarum violatio reservationem quoque beneficiorum parit expressa in ipsis lege imperatam (9). Talis est omissa publicatio resignationis (10), confidentia simoniaca in resignandis, vel obtinendis beneficiis (11), neglectus concursus ad praebendas Canonici quum Poenitentiarum, tum Theologi (12), aliae id genus transgressiones pontificiarum sanctionum.

LXV. Reservati, et affecti cuiusque beneficii vacantis collatio pontificia nisi perfecta, et consummata prodiderit, ea perinde habetur, ac si facta non sit: vacationemque reservatam non consumit, sed protrahit quoadusque provisus apostolicus ipsam rovera sit pleno iure adeptus (13), litteras-

(1) Idem in cap. ut paterna 15. sess. 25.

(2) Idem in cap. expedit 18. sess. 24.

(3) Idem in cap. Apostolus 8. cit. sess. 24.

(4) Idem in cap. eadem 1. sess. 5.

(5) Idem in cap. cum adolescentium aetas 18. sess. 23.

(6) Idem in cit. cap. nullus 6. sess. 23.

(7) Idem in cap. regularia 10. sess. 14. de ref.

(8) Singula reformationis Tridentina decreta de unionibus beneficiorum sat explicita sunt in superiori cap. V.

(9) Ut monet Card. de Luca in summa de benefic. num. 92.

(10) Ex Greg. XIII. const. humano viz iudicio 84. de publicand. resignat. ibi: illaque beneficia ab ipsa statim prima resignatione, seu cessione vacavisse, et vacare censeantur eo ipso. . . sic a principio vacantia a Sede Apostolica dumtaxat impetrari valeant, ac concedi, de qua inferius cap. 20.

(11) Ex Pii IV. const. Romanum Pontificem, et S. Pii V. const. intollerabilis, quas explicui lib. 4. Inst. Canon. tit. 16. de simonia num. 32. et 33. Omnes, et singulas Ecclesias. Pius V. ait, ceteraque beneficia ecclesiastica . . . in huiusmodi confidentiam iure prohibita. . . quovis modo receptae, illorum liberam collationem, et dispositionem Nobis, et Sedi Apostolicae harum serie reservantes, ipso iure a die receptionis eorumdem vacavisse, et vacare. Id quod S. Pius V. firmavit.

(12) Ex Bened. XIII. const. pastoralis relata superius cap. V. num. 21. ibi: Si Episcopus primo vacaturam praebendam contra formam in praesenti constitutione praescriptam conferre praesumpserit . . . illius collatio, atque provisio ipso iure nulla, et irrita sit, eiusdemque Praebendae dispositio statim devolvatur, et pertineat ad S. Sedem.

(13) Naturalis id ratio suadet, et sensus communis. Aborsus, vel abactus venter partum efficere non videtur Paulo leto lib. 4. rec. sent. 9. 16. Vix natus infans, qui de vita decessit, de utero translatus ad tumulum, quasi numquam natus esset, Salomonis frater uterinus, dicitur ex parabolis a B. Hieronymo in cap. nam et ego unigenitus 2. de verb. sig. Hinc fit, ut legatum pro nascituro filio relictum non de-

que apostolicas acceperit sub plumbo datas, sine quibus gratiae, manu etiam Papae signatae, nil suffragantur ex Cancellariae Regula XXXI. inferius explicanda. Non consumpta hinc putatur vacatio apud Sedem, et in Curia, quoties is, cui Papa beneficium vacans contulerit, moriatur extra Curiam, antequam collationi, vel suum ipse praestiterit consensum (1). in resignationibus ad favorem, et reservatione pensionis ex Regula XLV. positus necessarium, vel Cardinalis patroni consensus accesserit ad provisiones beneficiorum, quae per obitum familiarium eius vacassent, ex Regula XXXIII.; vel priusquam conditionalem bullam in forma *si dignum*, seu mandatum de providendo, Ordinarius loci, aliusve apostolicus delegatus exequendam fore decreverit, vel quoties apostolicae litterae per subreptionem, obreptionemque vitatae suum non sortiantur effectum (2). E contrario post perfectam semel provisionem pontificiam de reservato, vel affecto, quae nullum in executione obstaculum offenderit, quamvis possessionem inde corpoream provisus non acceperit morte praeventus extra Curiam, consumptam eo casu vacationem illam reservatam Doctores agnoscunt (3).

LXVI. *Praeventionis* autem iure, antiquis moribus, et canonibus inveceto (4), quod Patres Basileenses, postquam translata eorum Synodus Ferrariam ab Eugenio IV. fuerat, immotum, et illaesum reliquerunt, oppugnare non ausi (5); Romanus Pontifex beneficium aliquod non reservatum, sed liberum, si quando conferat ante ordinariam Episcopi provisionem, id quod nunc raro contingit post vetitas Tridentina Synodo gratias expectativas: istud erit adeo *affectum* Sedi Apostolicae, statim ac praesentatae Ordinario collatori pontificiae collationis litterae sint, ut nullam exinde habeat firmitatem posterior eiusdem collatio (6). Nam *potior debet esse conditio* Papae collationem praeeoccupantis, qui maiorem singulis Episcopis

beat pro abortivo: quia *solutio legati non merces abortionis appellanda est*, ait Cicero pro Cluentio. *Haec autem verba*: quod statuerit qui iurisdictioni praest: *cum effectu accipimus, non verbo tenus: et ideo si cum vellet statuere, prohibitus sit, nec effectum decretum habuit, cessat edictum*: nam statuit verbum rem perfectum significat, et consummatam, inquit Ulpianus in *l. hoc edictum* 1. *D. quod quisque iuris in alterum statuerit, ut ipse eodem iure utatur*. Hanc legem Gratianus exscripsit in *can. haec autem* 17. *de poenitentia dist. 1.* Idemque Iureconsultus *versum* sic accipit, *ut duret versum, in l. si pro parte* 10. §. *versum* 6. *D. de in rem verso*. Iuloleno autem non videtur possessionem adeptus is, qui ita nactus est, ut retinere non possit, *l. non videtur* 22. *D. de acquir. poss.*

(1) Rigant. in *Reg. 1. Cancell. §. 1. num. 94.*

(2) Paull. II. in *Extravag. ad Romani 14. de praeb., et dignit. declarat beneficia remanere affecta Sedi Apostolicae, etiamsi ex aliqua causa provisiones non sortiantur effectum.*

(3) Rigant. *loc. cit. num. 120., et ult. post Lotter., Barbos., Gonzal., Tondut., et Ventrigl.*

(4) Ex supradictis *num. 6. 7. 8. et 9.*

(5) Basileenses Patres IX. Kal. Febr. 1438. *sess. 31.* quum reservationes beneficiorum una cum gratiis expectativis abolere studuissent *sess. 31.* ius praeventivis Papae illaesum, et integrum apertis verbis diminuerunt, collationemque unius ex decem, vel duorum ex 50. beneficiis.

(6) Bonif. VIII. in *cap. si Capitulo 5. de concess. praeb. in FI.*

potestatem habet in eorum diocesisibus (1). Si vero Pontifex non puram gratiosam, neque immediatam collationem per sese fecerit, sed mandatum de providendo dederit ad Ordinarium collatorem, vel executorem apostolicum sine decreto irritante futuram Ordinarii collationem, sola eiusmodi mandati praesentatione Ordinario non adeptam conferendi potestatem, quin teneat alteri facta collatio ab eodem: nisi Papa decrevisset irritum, et inane, quod fieret contra ipsum, aut executor ei collationem inhibuisset, rescipit Bonifacius VIII. (2).

LXVII. *Affectionem* utique oriri, quoties Papa suam alicui beneficio alias non reservato manum adposuerit, vel negotium de eo suscepit, certo certius est. Si enim officiosorum hominum consuetudo non patitur, ut opus ab alio coeptum alius perficiat, et ubi semel acceperit initium, ibi et finem res quaeque accipiat: eo vel magis oportet Episcopos, Praelatosque inferiores in illis Ecclesiis, et beneficiorum provisionibus sese non immiscere, quas Supremus Ecclesiae universalis Episcopus sit semel aggressus (3). *Nec in negotiis saecularibus*, ait S. Augustinus, *iudices faciunt, quando causae dubitatio ad maiorem potestatem refertur, ut pendente relatione aliquid audeant commutare* (4). Alexander III. rescipit, post confirmationem rei litigiosae ab Apostolica Sede impetratam non licere iudici quidquam de quaestione postmodum exorta decernere (5). *Cum plus sit Romanum Pontificem ad se aliquod revocare negotium, quam quemquam ad eum super aliquo negotio provocare*, Innocentius III. inquit (6). Hinc in Iure etiam communi clausam ex affectione reservationem colligimus, Paulus II. ad rem propius ait: *Romani Pontificis manus appositionem tantae efficaciae, tantaeque virtutis existere, ut etsi litterae apostolicae super provisionibus beneficiorum, aut de providendo mandatis, in quibus decretum, et reservatio apostolica apponuntur, ex aliqua causa suum debitum non sortiantur effectum: facultatem tamen providendi de beneficiis taliter reservatis quibuscumque aliis fuisse adeptam declaravit* (7). Additque omnia, et singula tam saecularia, quam regularia cuiuslibet qualitatis, etiamsi ad illa consueverint, qui illis praeficiuntur, per electionem assumi, eisque cura immineat aumarum, reservata, et reservanda, ac etiam quovis modo vacantia, et vacatura per constitutionem suam remansisse, et remanere semper affecta, nullamque de illis, quum primum vacare contingerit, praeter Romanum Pontificem ea vice quovis modo disponere posse. Tandem Regula XI. declarat beneficia a praedecessoribus reservata, quae tempore obitus eorumdem vacabant, remansisse affecta (8). Fit exinde, ut oriatur affectio ex sola impetrantis supplicatione per Papam signata, an-

(1) Idem in cap. dudum 14. de praebendis in VI.

(2) Idem in cap. si soli 6. de concess. praeb. in VI.

(3) Rota coram Falconerio de beneficiis dec. 10. num. 12.

(4) S. Aug. in can. nomen 12. C. 2. qu. 1. Consonant. l. 1. et 2. C. de relatione, et l. ex illo C. de appellat.

(5) Alex. III. in cap. si quis 1., et cap. de confirmationibus 2. de confirm. utili.

(6) Innoc. III. in cap. ut nostrum 56. de appellationibus; et rursus in cap. Eccles. S. Mariae 4. ut lite pendente.

(7) Paul. II. in extr. ad Romanum 14. de praebendis.

(8) De qua superius dictum est num. 43.

toquam Datarius diem gratiae adscripserit (1): et nulla inde iudicetur collatio beneficii, quam alii collatores pontificiam eiusmodi gratiam, vel ignorantes fecerint (2).

LXVIII. *Resignatio* insuper beneficii, quae fiat in manibus Papae, eiusve Legati a latere, statim ac penes Apostolicam Sedem praesentata sit, atque admissa (3), eaque consummata ius omne suum resignans amiserit, affectionem parit (4). Itaque post eam si resignans mortem obiverit extra Curiam in meosibus Ordinariorum; antequam Papa beneficium ex tali resignatione vacans alteri contulerit: istud iam Sedi Apostolicae affectum non poterit dioecesanus, tamquam vacans per obitum conferre. Eodemque iure Gregorius XIII. beneficia ob omisam resignationis publicationem vacatura, tamquam affecta Sedi Apostolicae reservavit (5). At quoties pontificia resignati beneficii collatio fiat irrita, vel incapacitate resignatarii, vel vitio subreptionis, aut obreptionis: nullam tunc procreari affectionem, locorumque Ordinarios non impediri, quominus illud postea vacans per obitum libere conferant suis in mensibus, Rota pluries definivit (6). Pariter si resignans infirmus intra viginti dies post consensum in Cancellaria ab ipso rite praestandum decesserit, collationem interea factam rescindit, beneficiumque vacare per obitum sine reservatione, vel affectione declarat Cancellariae Regula XIX. *de viginti*. Alia tum causa pariens affectionem est *commenda* (7), seu administratio vacantis Ecclesiae, vel abbatiae regularis a Summo Pontifice alicui clerico saeculari ad vitam, aut ad tempus concessa, per quam Papa proprium illius statum regularem non destruit, nec mutat, sed integrum servat (8): Sedique Apostolicae retinet futuras de ea provisiones, donec ipsam in titulum contulerit, vel ordinariis collatoribus dimiserit providendam. Ex primaeva etiam *erectione* beneficii, quam Papa, vel ipse fecerit, vel Ordinario loci auctoritate apostolica faciendam mandaverit, prima eiusdem collatio tamquam affecti ad Sedem Apostolicam pertinet (9). *Unio* beneficiorum ad solam possessoris vitam instar commendae affectionem quoque producit ex coniecturali Papae voluntate ulterius providendi, quae cessat in perpetuis, et realibus unionibus (10). Insuper et dispensatio retinendi beneficia incompatibilia cum decreto declarante, ea tunc eo ipso vacare apud Sedem, *suspensio vacationis effectus usque ab obitum*, affectionem infert: secus, ubi

(1) Hl a Greg. XIII. declaratum *const. 41.*, et a Rota pluries decisum fert Rigant. in *Reg. I. Canc. §. 1. num. 110.* et in *Reg. XVII. num. 37.*

(2) Bonif. VIII. in *cap. si postquam 13. de praebendis in VI.*

(3) Card. de Luca in *summa de beneficiis num. 92.*

(4) Nec nuda resignandi voluntas, nec licentia ad resignandum a legitimo Superiore obtenta beneficiarium iure suo destituit, quamvis post hanc ipse obtentam ad cedendum, oi reanueiandum compelli, ex decreto Conc. Later. IV. sub Innoc. III. in *cap. quidam 12. de renunciatione.*

(5) Greg. XIII. *const. 84. de publicandis resignationibus.*

(6) Rota coram Merlino *dec. 768. num. 15.*, Priol. *dec. 284. num. 8.* alibi apud Rigant. in *Reg. I. Canc. 1. num. 102.*

(7) Card. de Luca *loc. cit.* Rigant. in *Reg. I. Canc. §. 1. num. 82. et 103.*

(8) De qua dicam inferius *cap. 11.*

(9) Rota *dec. 94. num. 9.* coram Royas, Corrad. in *prax. benef. lib. 2. cap. 15. num. 156.*, et *seq.* Rigant. in *Reg. IX. Cancell. §. 2. num. 128.*

(10) Rigant. in *cit. Reg. I. Cancell. §. 1. num. 103.*

eiusmodi decretum vacationis non adiiciatur, eoque magis ubi retenta beneficia non vacare dicantur (1). Sed coadiutoria futuram coadiutori successionem indulgens cum clausula *ex nunc pro tunc* ad beneficium plenum, quod coadiutus debeat, quoad vixerit, retinere, affectionem eo ipso consumit, eamque non protrahit post obitum coadiutoris, neque coadiuti. Nam obeunte coadiuto superstes coadiutor continuo succedit sine ullo vacationis intervallo: et vice versa coadiutore praemoriens beneficium ex obitu coadiuti posteriore vacabit sine affectionis vinculo (2). Quandoquidem consumitur, et cessat perinde affectio, atque reservatio, quotiescumque pontificiae collationis opus perfectum semel, absolutumque sit: quamvis possessionem realem beneficii iam sui provisus fortuito non ingreditur (3).

LXIX. Reservationem beneficiorum quadripartitam Regulae Cancellariae vel infligit continenter *personis* (4), aut *rebus*, puta *beneficiis* ipsis (5), vel fortuito committunt vacationis loco (6), aut *tempori* (7). Quum *personales*, tum *reales* reservationes perpetuo durare, suamque vim, papali etiam Sede vacante, retinere ideo putantur: quia notam permanentem pontificiae dispositionis per eas certis *personis*, certisque *beneficiis* semel impressam, ut inferiores Praelati ne amoveant, subiectionis, et obsequii ratio postulat (8). Nonnullis insuper aliis Cancellariae Regulis beneficia reservantibus perpetuitatem dant perpetuae Pontificum constitutiones, videlicet Regulae XXII., et XXIII. de beneficiis per obitum familiarium Cardinalium vacantibus, non impetrandis sine eorundem Cardinalium consensu: constitutiones Gregorii XIV., et Pauli V., tum Regulae I. de vacantibus per sententiam privationis auctoritate apostolica latam constitutio Pauli III. de parochialibus contra formam Tridentinam collatis constitutio eiusdem S. Pii V. (9). Quemadmodum Regulae I. de vacantibus apud Sedem, et in Curia constitutiones Clementis IV., et Bonifacii VIII. (10); nec non Regulis I, III; et XXII., de retentis incompatilibus

(1) Rigant. *loc. cit.* §. 7. num. 120., et seq. num. 152. et 221.

(2) Rigant. in *Reg.* 45. §. 1. num. 32. et seq. to. 3.

(3) Ex supra iam dictis num. 65. cum Rigantio in *Reg. I.* §. 1. num. 119. et 120.

(4) Personas Curialium, familiariumque Papae, et Cardinalium, cetera, quibus adhaeret reservatio, recensui superius a num. 28. ad 36.

(5) Cathedralibus nimirum Ecclesiis, praelaturis, et abatiis valorem florenorum 200. excedentibus, beneficia trium basilicarum Urbis, dignitatesque primas, et principales in Cathedralibus, et Collegiatis, de quibus dictum supra est a num. 37, ad 42. Tutum proinde non est responsum Campanilis *divers. Iur. cap. rubr. 11. cap. 15. num. 26.*, et 27. opinantis Regulam IV. quae reservat primas, et principales Cathedralium, et Collegiatarum dignitates, una cum aliis Regulis cessare vacante Sede Apostolica. Eumque refellit Rigantius in *Reg. IV.* §. 2. num. 3.

(6) Hanc loci reservationem spectant, quae apud Sedem, et in Curia vacant beneficia, ex supradictis num. 13. et 22.

(7) Puta mensibus apostolicis, vel dum Cardinales ab suis titulis absunt, vel secus Episcopi collatoris vacat, ex supradictis num. 39. 42. 43. et seq.

(8) Rota coram Merlino *dec. 192. tum dec. 33. par. 14. rec. et dec. 121. par. 19. rec.* Doctores communi sententia penes Rigant. in *proem. Reg. Cancell. num. 75. et seq. to. 1.*

(9) Rochus *disp. iur. cap. 80. num. 19.* Rigant. in *proem. Reg. Canc. num. 74.*

(10) Clem. IV. in *cap. licet 2. et Bonif. VIII. in cap. praesenti 34. de praeb. in VI.* de quibus dictum est supra num. 13. 15. 18. et 21.

constitutio Ioannis XXII. (1). Dum igitur affirmant generatim Doctores mobilem, ac temporaneam vim usque ad Papae obitum inesse reservationibus Regularum Cancellariae non clausis in Corpore Iuris, ipsaque omnino extinctas inde silere, donec novus Pontifex easdem crastino suae assumptionis die instauraverit (2): eas tantum esse ita extinguibiles commonet Rigantius ex receptis moribus, rebusque iudicatis, quae ambiguum, et incertum eventum expectant a conditione mensium, seu *temporis vacationum*, vel *loci* (3). Nam quoties dubia res est, utrum beneficii vacatio in mense, ac die, vel loco reservato, an Ordinario sit eventura: iam liquet nullam tunc mobiles reservationis apostolicae notam reapse imprimi beneficiis, nullumque imponi ordinariis collatoribus froenum, nisi postquam cesserit, et venerit dies vacationis in mense, ac loco reservato. Has propterea reservationes dicere *conditionales* licebit, quae a fortuito vacationis eventu pendent alias vero *puras*, quae continuo inhaerent certis personis, certisque beneficiis, statim ac fuerint Regularis pontificii imperatae. Hinc Regula IX. de mensibus reservatis, Regula VIII. de Curialibus, qui a suis absunt Ecclesiis, vel titulis, dum beneficia vacaverint, et Regula II. de beneficiis vacante Sede Episcopale vacantibus, quia reservationem ratione *temporis* ambiguum indicant, per obitum Papae procul dubio expirant. Quod vero ad reservationem *localem*, liquet Regulam I. de vacantibus in Curia, et apud Sedem beneficiis, ex Bonifacii VIII. constitutione non afficere parochiales Ecclesias Papa mortuo vacantes, vel ab eo vivo non collatas (4): nec beneficia intra duas ab Urbe diaetas vacantia per obitum non curialium. Nam Bonifacius idem VIII. dum perpetuo reservata fore declaravit beneficia Curialium dumtaxat, qui Romana etiam Ecclesia vacante mortem obirent in locis intra duas ab Urbe diaetas iacentibus (5): tacito quidem sensu innuit aliorum omnium beneficia intra duas eiusmodi diaetas, Papali Sede vacante, obeuntium, qui nullum in Romana Curia nexum habeant ratione officii, vel familiaritatis: in reservationem respectu loci ambiguum, Papa defuncto, non incidere (6). Quae igitur viduata pontificia Sede, sic vacaverint beneficia in mensibus, aliisque temporibus, ut locis reservationi obnoxiiis, Ordinarii locorum iure suo conferunt usque ad novam Regularum editionem (7), eorumque collatio valebit, etiamsi facta sit, dum ii Papae obitum ignorarent (8). Et versa vice irrita erit, sed impunis Ordinariorum collatio, quae post novas iam editas, nondum etiam

(1) Io. XXII. in *extravag. execrabilis 4. de praeb. exposita* iam superius *cil. num. 21.*

(2) Ex supradictis *hoc cap. num. 21.*

(3) Card. de Luca de *benef. diac. 7. num. 5.* Corrad. in *prox. benef. lib. 2. cap. 13. num. 54.*, et Rigant. in *rub. Regul. Cancell. §. 2. num. 6. et in comm. ad Reg. IV. §. 2. num. 33. et 34.*

(4) Bonif. VIII. in *cap. si apostolica 35. de praeb. in VI.* Videsis dicta superius *num. 17.*

(5) Idem in *cap. presenti 34. de praeb. in VI.* de quo superius dixi *n. 16.*

(6) Huc porro spectat mobilis reservatio ratione *loci*, quam tradunt Card. de Luca, et Rigant. *loc. cit.*

(7) Rigant. in *proem. Regular. n. 69. to 1., et in tom. Reg. 68. n. 33. to. 4.*

(8) Gonzalez in *Reg. 8. gl. 65. num. 22.*, Tendul par. 2. *cap. 3. §. 3. n. 47.* et Rigant. in *Reg. 2. Cau. §. 3. n. 116.*

promulgatas Regulas flet bona fide, antequam novi Pontificis creatio, editioque Regularum ipsius eis inoleret.

LXX. Affectio eadem habens cum reali reservatione stabilitatem continuam pariter obumte Papa non deficit, sed viget, quoad beneficii semet affecti apostolica dispositio, et collatio perficiatur (1). Differri nihilominus affectio a reservatione: quia *reservatio generalis* est, quam pontificia *verba Regularum*, vel constitutionum imperant (2): *affectio* autem est *reservatio specialis*, quae non verbis, sed *facto* Pontificis inducitur, ubi suam ipse manum ad aliquod speciale beneficium adponat (3). Hinc affectio reservatione ita potior esse videtur, ut speciale mandatum, quod generali derogat (4).

LXXI. Hactenus dicta locum in beneficiis liberae collationis habent: socius est in beneficiis de iure patronatus quum regio, et feudali, tum laicali, qua simplici, qua mixto, quae ab omnibus Regularum Cancellariae reservationibus eximit communis Doctorum sententia hoc in Regno recepta, pluribusque Iuris communis, et earumdem Regularum auctoritatibus firmata. In primis quae *Regibus*, et *Reginis*, eorumque filiis concessa privilegia sunt, ad ea posteriores indultorum limitationes, restrictiones non extendi Clemens IV. declaravit, et statuit (5). Regula XLII. Cancellariae apertius excipit a pontificiis dispositionibus, et mandatis de providendo beneficia *ad aliquem Regem, Ducem, Marchionem, vel alium Principem pertinentia*. Quod vero in Ecclesiis, et beneficiis patronatus laicorum Legati apostolici reservatio, ne patrono laico ius praesentandi, nec dioecetano collatori ius praesentandi ullatenus deminuat, Innocentius III. explicuit (6). Gregorius IX. ad Anglos magnates rescribens, nedum collationem pontificiam Ecclesiae de Luthum Eboracensis dioecesis; de iure patronatus militis Roberti de Tuinge revocavit, inquit ignorasse, *quod praesentatio ad laicum pertineret*: sed inhibuit etiam generatim, *ne cui de cetero liceat Ecclesias praedicti regni in quibus laici sunt patroni, praeter eorum adconsensum Sedis Apostolicae auctoritate conferre* (7). Invaluit inde commune iudicium pro generali exemptione beneficiorum iurispatronatus laicalis a cunctis reservationibus pontificiis, et Regulis Cancellariae clausis etiam in Corpore Iuris, servatumque Ordinarii locorum est integrum ius instituendi praesentatos a patronis laicis ad beneficia iurispatronatus, quamvis ea quomodolibet ubicunque per cessum, vel decessum Curialium intra duas

(1) Rigant. in *cil. proem. Reg. n. 38. ad 42.*

(2) Ex supradictis n. 65. et 67.

(3) Rota *dec. 30. n. 20. et 21. post Navarium, Capon. discept. 10. n. 24.*, Paulus. *iurispud. sac. to. 2. lib. 6. tract. 10. cap. 4. n. 4.*

(4) Alex. III. in *cap. sicut, de rescriptis.*

(5) Clem. IV. in *cap. ne aliqui 5. de privilegiis in VI.*

(6) Innoc. III. in *cap. cum dilectus 28. de iurap.*, ubi Archidiaconus Carnotensis fertur subdiaconum praesentasse ad Ecclesiam, tamquam laicus patronus, dein eum Episcopus dioecesanus recte instituisse: quamvis Legatus apostolicus Ecclesiam in eo archidiaconatus primo vacaturam sibi reservasset.

(7) Greg. IX. *ep. 13. ad magnates Angliae, an. 1239.*, et *ep. 14. ad Card. Othonem suum in Anglia Legatum, apud Pinsonium de beneficiis verb. canonica § 9. num. 8.*, Mathaeum Parisium ad an. 1239., N. Alexandr. in *hist. saec. VIII.*, et XIV., *par. 2. cap. 7. art. 3. num. 4.*, Rigant. in *Reg. 42. Conc. n. 54 to. 3.*

a Romana Curia diaetas, aut in mensibus reservatis vacarent (1). Quoniam Romani Pontifices ipsi consueverunt in suis Cancellariae Regulis beneficia reservantibus ideo nullum de patronatibus laicorum facere verbum, ut hos nulla eiusmodi reservationum lege obstrictos inquirerent: quum ea sit odiosa, et strictiore accipiens interpretationem, a casibus expressis ad non expressos numquam sit extendenda. Hunc vero sensum in recitatis Regulis tacitum aperit, firmatque satis Regula XLII. Haec enim sola de iure patronatus laicorum expresse loquens vindicat collationem beneficiorum iurispatronatus laicali iure communi tributam Sedi Apostolicae in duplici casu *devolutionis* ob neglectam, aut a patronis laicis praesentationem intra quatuor menses, aut ab Ordinariis collationem intra sex menses, vel accedente *patronorum assensu*: nec non facultatem *derogandi* iurispatronatus ex certa illius scientia, et expressione (2). Hoc in Regno prior istius Regulae pars usu viget, posterior secus. Nam commune ius decretalium ubique receptum, quoties patroni laici intra quatuor menses, et ecclesiastici intra sex menses omiserint praesentare, quum ad Episcopum in primis devolvat liberam beneficii provisionem (3), et ubi ordinarii collatores intra sex menses collationem non expleverint hanc ad Metropolitanum, Sedemque Apostolicam transferat (4): pontificiae inde collationes, quae tunc iure devoluto fiunt, suam cum regio placito executionem sortiri consueverunt. Dum insuper beneficia iurispatronatus laicorum consentientibus patronis, ad eorumque praesentationem providerit Sedes Apostolica: tunc eiusmodi collationibus Regia Potestas nec etiam adversatur, quia volenti, et consentienti nulla fit iniuria (5). Ipsi vero contradicentibus, vel inscisi patronatui laicorum *derogari*, vel semel in totum, videlicet sine consensu patronorum vel omnium, vel maioris partis eo-

(1) Abbas in *cap. dilecta de maiorit.*, et *obed. Germon. de indult. Cardinal. §. si vero illa num. 17.*, Hier. Ganzalez in *Reg. 8.*, Gl. 12., Barbos in *cap. dilectus de offic. legat.*

(2) His verbis concepta est Regula XLII: *Item voluit, quod super quovis beneficio ecclesiastico de iurispatronatus laicorum non expediantur litterae, nisi ponatur expresse, quod eius collatio ad Sedem Apostolicam legitime est devoluta vel quia tempus patronis laici ad praesentandum a iure praefixum lapsum existat, aut ad id patronorum accedat assensus. Et si per ipsum iurispatronatus huiusmodi derogari contigerit, iurispatronatus huiusmodi mentio dispositive, ac specificae, et determinate, non autem conditionaliter fiat, si illud ad aliquem Regem, Ducem, Marchionem, vel alium Principem pertineat. Et si de hoc in litteris provisionis, vel mandato de providendo de dicto beneficio similis mentio facta non fuerit: non censeatur quomodolibet derogatum.*

(3) Alex. III. in Conc. Later. III. *cap. quoniam 3.* et *cap. eam te decet 22. de iurepatr.* Innoc. III. in *cap. cum propter discordias 27. eod. tit.* et Bonif. VIII. in *cap. un. de iurep. in VI.* Videsis tract. de *iurepatr. cap. 47.*

(4) Alex. III. eodem Conc. Later. in *cap. nulla ecclesiastica ministeria 2. de concess. praeb.* Videsis dicta superius num. 12.

(5) Gregorius IV. in cit. *ep. ad maguales Angliae an. 1239.* inhibuit: *ne cui de cetero liceat Ecclesias, in quibus laici sunt patroni, praeter eorum adsensum, Sedis Apostolicae auctoritate conferre.* Communis autem invaluit opinio, quod consensus patroni quum praecedere, tum subsequi apostolicam provisionem valeat, ex Rota, Parisio, Lambert., Piton. apud Rigant. in *Reg. 42. Canc. num. 68.*

rumdem cuius ab Apostolica Sede conferri beneficium iuris patronatus instar liberae collationis quomodolibet vacans, Regni mores passi numquam sunt, Tridentina Synodo suffulti (1). Sed pontificias derogationes medietati vocum patronorum usitatas, regione placito in diem communis iamdudum vidit aetas nostra. Nam discordes compatroni, quoties alium alii praesentarent, eorumque vota in duos ex aequo dividerentur, vel in unum consentientia saltem aequarent medietatem ipsorum, Apostolica Sedes consueverat beneficium ei conferre, qui ad ipsam cito recurrrens, suosque adversarios praeveniens assereret se *intra legitima tempora praesentatum maiori parte, vel saltem medietate patronorum*, postulando gratiam derogationis alteri medietati compatronorum. Nullam sane iniuriam visus est Pontifex tunc inferre, nec patronis dissentientibus, neque alteri ab eis praesentato, si quum duobus beneficium conferri non possit ab Episcopo, alterutri eorum aequale ius habentium ipse gratificationem largiretur, arbitrio Episcopi tributam iure communi (2).

LXXII. Ecclesiasticum vero patronatum iura Decretalium, et pontificiis reservationibus quum specialibus, tum generalibus subiiciunt. Nam Innocentius III. ratam in primis habuit reservationem Ecclesiae de iurepatronatus Archidiaconi Carnotensis, quam edixerat Hostiensis Episcopus Sedis Apostolicae legatus: *quoniam in eo*, ait, *quod tamquam clericus faciebat, suberat iurisdictioni legati*; unde postquam idem legatus donationem illius Ecclesiae sibi decreverat reservandum, ad eam tamquam clericus non potuit quempiam praesentare (3). Dein rescripsit collationem Ecclesiae S. Teudonis a legato Sedis Apostolicae factam inconsulto Archidiacono Methensi patrono, ad quem praesentatio pertinebat, valere: *quum plus iuris habeat*, ait, *in concessione Praelatus quam in praesentatione patronus, nec praesudicetur Praelato* (eoque minus clerico patrono in futuris puta vacationibus) *si quando per Apostolicae Sedis legatum eo inconsulto Ecclesiae concedatur* (4). Mox exceptiones laici patronatus in antedictis decretalibus, et constitutionibus iteratae contrariam firmanunt regulam de patronatu ecclesiastico reservationibus apostolicis generatim affecto, quam Curia Romana tenet (5). Cancellariae Regula II. de vacantibus Episcopali Sede vacante beneficiis ea etiam reservat speciatim, quae ad praesentationem, electionem, et quaecumque aliam dispositionem Patriarcharum, Primatum, Archiepiscoporum, Episcoporum, Abatum, ac aliorum quorumcumque col-

(1) Trid. in cap. *sicuti legitima* 9. sess. 25. de ref. aequum non esse definivit *legitima patronorum iura tollere, praeque fidelium voluntates in eorum constitutione violare*: saepeque, ut eis non derogetur. Videsis dicta in tract. de iurepatr. cap. 23.

(2) Luc. III. in cap. *cum autem* 24. de iurep. simile gratificandi, et praecoligendi arbitrium in pari causa inter duos, vel plures comprobatur Ulpianus in l. *si quis in gravi* 3. §. *si cum omnes* 4. D. ad Silvanum.

(3) Innoc. III. in cap. *cum dilectus* 28. de iurepatr.

(4) Idem in cap. *dilectus* 6. de officio legati.

(5) Rota coram Cavalerio dec. 268. et 547. coram Gregorio dec. 48. coram Buratto dec. 103, et alibi saepius apud Rigant. in Reg. IX. Canc. par. 1. §. 2. num. 144. to. 2., Card. de Luca de iurepatr. disc. 65. num. 18. et disc. 69. num. 9., Gonzalez in Reg. VIII Cane. gl. 18. num. 6. et 16. Wau-Espen par. 2. tit. 23. cap. 2. num. 25.

latorum, et collatricum saecularium, et regularium quomodolibet spectent: non tamen ad collationem cum alio, vel aliis, aut etiam ad alterius praesentationem, vel electionem pertinentia (1). Tum Regula VIII. beneficium basilicarum Urbis spectantia ad collationem, vel ad praesentationem Cardinalium, quoad ii ab suis titulis abfuerint, reservat. Regula IX. amplius extendit reservationem mensium ad ea etiam beneficia, quae ad praesentationem, et electionem quorumcumque collatorum, et collatricum saecularium, et quorumvis Ordinum regularium quomodolibet pertinent (2). Sunt nihilominus, qui exemptum a reservationibus iuspatronatus ecclesiasticum in Hispania, aliisque locis contestantur (3). Bonifacius VIII. a suis de providendo mandatis istud quoque maluit excipere, iniquens: *illis vero, pro quibus scribimus, ut provideantur illis de personatibus, vel dignitatibus, etiamsi curam habeant animarum, ad collationem provisionem, praesentationem, vel dispositionem quorumcumque spectantibus, provideri nequibit de praelaturis, personatibus, vel dignitatibus, ad quos, seu quas per electionem ii, qui eis debent praefici, assumuntur* (4). Hinc Doctores aut ab indultis pontificiis, et Concordatis profluxisse apud Germanos, Gallos, Belgas, ceteros huiusmodi exemptionem patronatus ecclesiastici adstruunt (5), aut a lege foundationis. In huius enim lumine fundatores habent ex receptis moribus arbitrium eximendi beneficia sua a reservatis mensibus, et quavis alia reservatione Regularum Cancellariae verbis vel expressis, quae scilicet collationem Apostolicam aperte excludant: vel verbis sequipollentibus, quae eundem sensum tacitum involvant, ubi voluerint nimirum, quod electio, et praesentatio *semper omnino, et perpetuo* in singulis vacationibus ad eam personam ecclesiasticam, vel Capitulum, vel Collegium pertineat, aut institutio, et confirmatio ab Episcopo semper, aliove loci Ordinario fiat (6).

(1) Haec verba palam indicant, quod patronatus ecclesiasticum cuiuslibet collatoris ecclesiastici dumtaxat ea reservatio complectatur: non aliam itidem ecclesiasticam, quem patroni clerici quum saeculares, tum regulares obtineant sine iure conferendi, seu instituendi.

(2) Huic regulae IX. subiectum ius patronatus ecclesiasticum ex communi DD. sententia probat Rigan. in par. 1. eiusdem Reg. §. 2. num. 365. et seq.

(3) Garzias de benef. par. 5. cap. 1. num. 517. Simonett. de reservat. qu. 17. Frasso de regio patron. lib. 1. cap. 3. num. 43. Cochier in Reg. IX. Canc. gl. 8. Capon. disc. 76. num. 23. to. 2. Matt. Paris. ad ann. 1339. et alibi, Wan-Espen to. 2. iur. eccl. tit. 23. cap. 5. num. 26., Blondeau ad Bouchel in biblioth. canon. verb. collation.

(4) Bonif. VIII. in cap. cum in illis 16. de praeb., et dignit. Ad hunc textum spectat Gonzalez in Reg. VIII. gl. 11. num. 73., ita scribens: *nulla reservatio extenditur ad beneficia electiva, vel praesentativa, quamvis confirmatio, vel institutio secula non fuerit.*

(5) Card. de Luca de benef. disc. 31. in princ., Piton discept. 25. num. 4., Rigan. to. 1. in proem. Reg. Canc. num. 53.

(6) Rigan. in par. 1. Reg. IX. §. 2. num. 162. ad 169.

CAP. VI.

De collatoribus.

- I. Beneficia ecclesiastica Praesules ecclesiastici dant, seu conferunt, clerici accipiunt.
- II. Laici ea conferre nullatenus possunt.
- III. Ecclesiastici collatores iure vel plenario, vel delegato, vel ordinario ipsa conferunt.
- IV. Plenario conferendi iure Summus Pontifex potitur.
- V. Unus a Papa, ab Ordinario alter, si unum idemque beneficium obtinuerint non reservatum, vel prior in tempore, vel possessor, vel provisor apostolicus praefertur.
- VI. Impetrans beneficium viventis, neque post vacationem amplius poterit illud obtinere ex Reg. XXI.
- VII. Nonnisi post vacationem licet beneficia petere, ac obtinere ex Reg. XXX. de verosimili notitia.
- VIII. Praeventio Papae beneficia de iure patronatus non afficit.
- IX. Per obitum cuiusque familiaris Cardinalium vacantia beneficia nonnisi de consensu Cardinalis patroni in Curia praesentis Papa confert.
- X. Eaque si ad alterius Cardinalis collationem, remota familiaritate ultimi beneficiarii pertinerent, Cardinalis tunc non patroni, sed ordinarii collatoris consensus exigitur.

I. Ea est naturalis conditio cuiusque beneficii, ut illud alter det, alter accipiat. Sacrae tum Litterae condocent, ut nec quisquamumat sibi honorem, sed qui vocatur a Deo, tamquam Aaron (1), aut mittitur ad ecclesiasticum ministerium a potestate ecclesiastica per Christum Dominum instituta (2), illudque suscepit per canonicam institutionem, seu collationem ab eo, qui dare potest. Dandi ius quidem habet summus sacerdos, qui est Episcopus; dehinc presbyteri, et diaconi, non tamen eius Episcopi auctoritate propter Ecclesiae honorem, quo saluo, salva pax est, ait Tertullianus (3). Sine Episcopo nemo quidquam faciat eorum, quas ad Ecclesiam

(1) Apostolus ad Hebraeos cap. 5. vers. 4. Hac sententia fretus Innocentius III. in cap. qualiter 17. de electione, irritandam censuit eius electionem, qui administrationem Ecclesiae aggressus fuerat sine canonica institutione, et confirmatione. Consonat Bonifacius VIII. in cap. avaritiae 5. eod. tit. in VI.

(2) Sicut misit me Pater, ita et ego mitto vos, Dominus ait ad discipulos suos: Ioannis cap. 20. vers. 21.

(3) Tertullianus. de Baptismo cap. 17. Non dissidet S. Hieronymus in dial. contra Lucifer.

spectant. Rata Eucharistia habeatur, quae sub Episcopo fuerit, vel cui ipse concesserit. Non licet sine Episcopo neque baptizare, neque agapen celebrare: sed quodcumque ille probaverit, hoc et Deo est beneplacitum, ut tutum; ratumque sit quodcumque agitur, inquit S. Ignatius (1). Prisci canones vulgo Apostolorum hoc etiam constitutum habent: presbyteri, et diaconi absque voluntate Episcopi nihil peragunto: ipsius enim fidei populus Domini commissus est, et pro eorum animabus ab ipso repetetur ratio (2). Perpetuum ius istud episcopale passim canones posteriores (3).

II. Quae duae res vero spirituales beneficii ecclesiastici naturam constituunt, officium, seu ministerium sacrum, seu ius inserviendi Ecclesiae, connexumque ius reciproctum percipiendi redditus altaris, et Ecclesiae, ambo postulant, ut non alii possint, nisi ecclesiastici Praesules ecclesiastica beneficia clericis conferre. Laicos propterea incapaces omni iure cum conferendi ea, tum obtinendi, et canones, et leges renuntiant, eorum errorem depellendo, qui praedia, fructus corporeos, cetera bona temporalia in beneficiis potissimum spectabant, posthabito sacro iam exposito iure, ac ministerio, ut laicis praesertim patronis conferendi ius tribuerent. Enimvero Iustinianus Imp. edixit secundum canones fundatoribus Ecclesiarum non licere clericos inibi statuere, sed tantum suo eos Episcopo examinandos praesentare (4): simul Episcopo ius esse instituendi, seu confirmandi idoneos praesentatos, et indignos abiciendi (5). Idipsum placuit Carolo M. constituere (6). Quoad praebendas clericorum, et sacerdotum ex oblationibus, et elemosynis quotidianis mobiles desumebantur, eas ne laici aliis concederent, nec suo sub dominio detinerent, sub anathemate sanxerunt prisci canones (7). Tum Ecclesias, et beneficia perpe-

(1) S. Ignat. Martyr. ep. ad Trallenses, et ad Smyr. Consonant Conc. Laodic. can. 57., et Tolet. I. can. 20.

(2) Can. 38. vulgo Apostolorum. Consonant can. cunctis 41. C. 16. qu. 1.

(3) Conc. Tolet. III., et IV. Cabilonense, Antiochenum, Aurelianense, apud Gratian. in can. 2. et seqq. C. X. qu. 1.

(4) Iustin. Nov. 57. Cap. 2. ad Mennam Archiep. Si quis aedificans (ait) Ecclesiam, aut expendens in ea ministrantibus alimenta voluerit aliquos clericos statuere: non esse ei fiduciam ullam, quos vult per potestatem deducere tuae reverentiae ad ordinandos eos, sed examinari a tua sanctitate: sententiaeque tuae, et qui pontificalem sedem rezerit, semper hoc auspicere ordinationem, qui tuae beatitudini opportuni videbuntur existere, et Dei ministerio digni: ut non profanentur sancta Dei: (hoc videlicet quod sacris sancitur eloquiis.)

(5) Idem Nov. 123. cap. 18. Si vero, ait, qui ab eis eliguntur, tanquam indignos prohibent sacrae regulae ordinari: tunc sanctissimus Episcopus quoscumque putaverit meliores, ordinari procuret.

(6) Carol. M. an. 800. apud Balut. in Capitular. Reg. Francor. t. 1. pag. 331: Resonuit in auribus nostris, ait, quorundam praesumptio non modica, quod non ita obtemperetis Pontificibus nostris, seu Sacerdotibus, canonum, et legum continet auctoritas, ita ut presbyteros, nescio qua temeritate praesentari Episcopis denegatis, et absque consensu Episcopi in vestras Ecclesias mittere audeatis. Praecipientes enim iubemus, ut nullus quilibet ex fidelibus nostris a minimo usque ad maximum in his, quae Deum pertinent, Episcopo suo inobediens apparere audeat.

(7) B. Hieronymus in can. quia sacerdotes 13, et S. Damascus in can. hanc consuetudinem 15. C. X. qu. 1. Synod. Rom. III. sub Symmacho Papa in can. non placuit 23. et can. laicis 24. C. 16. qu. 17.

tuitatem adepta a laicorum sacrilegis collationibus, et usurpationibus eodem spirituali gladio vindicare Patres, ac Pontifices adeo studuerunt, ut laicales investituras omnino deleverint (1). *Cum sanctuarium Dei iure hereditario teneri non possit; non debet aliquatenus sustineri, ut clerici Ecclesias a parentibus suis fundatas propria auctoritate detineant, aut laici filiis, vel aliquibus concedant easdem*, rescripsit Alexander III. (2). Laicis ergo facultatem conferendi beneficia commune ius, quod viget, prorsus denegat. Vix Reges, nonnullaeque monasteriorum Abbatissae quasi episcopali iurisdictione fruenter eam ex Apostolicae Sedis indulto specialissimo habent.

III. Triplici autem iure Praesules ecclesiastici beneficia conferunt, *plenario, delegato, et ordinario*: nimirum Summus Pontifex *plenario*, et summo Cardinales, aliquo nonnulli apostolicum indultum habentes *delegato*, Episcopi, locorumque Ordinarii demum *ordinario*. Ius istud singulorum edisserere curatius mox oportet.

IV. In primis in Ecclesia universa, et cunctis ubique dioecesibus *Ecclesiarum, personatum, dignitatum, aliorumque beneficiorum ecclesiasticorum plenaria dispositio ad Romanum noscitur Pontificem pertinere: ita quod non solum ipsa cum vacant, potest de iure conferre, verum etiam ius in ipsis tribuere vacaturis*, ait Bonifacius VIII. (3). Quandoquidem Primatus Ecclesiae Romanae divino iure institutus, et sollicitudo Ecclesiarum omnium divo Petro, eiusque Sedi Apostolicae in perpetuum a Christo Domino demandata fecit, ut Papa, tamquam Episcopus oecumenicus, et Ordinarius Ordinarium semper consisteret sexto ab inde saeculo cum quibuslibet Episcopis dioecesanis, locorumque Ordinariis concurrere in collationibus praebendarum, beneficiorumque etiam non reservatorum, eosque suum ad libitum intra sex quoque menses ipsis ad vacantia conferenda concessos praevenire pontificia collatione vel pura, vel conditionali, seu mandato de providendo (4). Nullis quippe finibus plenariam eiusmodi potestatem pontificiam ecclesiasticas leges concludunt. Ipsius usu tantum, et exercitio modus imponitur ex variis locorum, et gentium moribus, indultis, concordiiis, et statutis (*).

(1) Conc. Moguntinum I. sub Carolo M. in *can. laici* 37. Cabilonense II. in *can. inventum est* 38. Urban. II. in *can. decimas, et Ecclesias* 39., Alex. II. in *can. per laicos* 20. S. Greg. VII. in *can. quis deinceps* 12. C. XVI. qu. 7.

(2) Alex. III. in *cap. consuluit* 15. *de iurepat.*

(3) Bonif. VIII. in *cap. licet* 2. *de praeb. et dignit. in VI.*

(4) Liqueat ex antedictis *cap. 5. num. 7. ad 11. num. 66.* Galli, aliaeque nationes in Synodis Constantiensi, Basileensi, et Tridentina quum studuissent reservationem Apostolicae Sedis amovere non modo generales, sed speciales etiam provisiones beneficiorum non vacantium: ius tamen istud plenarium praeventiois impetere ausi non sunt. Immo idipsum plane saluum voluit Synodus Basileensis *sess. 31.* Patresque Tridentini *sess. 7.* quum plura decrevisset ad reformandam disciplinam beneficiorum, initio eiusdem sessionis protostati sunt ea ipsos constituere, *salva semper in omnibus Sede Apostolicae auctoritate.*

(*) Concordatorum lege an. 1818. art. X. cautum, quod Canonicatus liberae collationis in Capitulis Cathedralibus, vel Collegialibus alternative conferantur tum a Sede Apostolica, tum a dioecesanis Episcopis: nimirum a Ianuarii mense usque ad Iunium pontificiae collationi illos tribuendos esse sancitum: reliqua vero anni men-

V. Si quando contigerit, quod Episcopus iure ordinario uni, et Papa iure praeventionis alteri unum, idemque beneficium non reservatum, neque affectum conferant intra sex menses a die vacationis: prior in tempore erit potior in iure (1). Si vero a Sede Apostolica, vel Legato ipsius uni, et ab Ordinario alteri eodem die idem beneficium conferatur, nec appareat, quae collatio fuerit primo facta: erit potior conditio possidentis. Si vero neuter possideat, is, cui Sedes ipsa contulit, vel Legatus (propter conferentis ampliorem praerogativam) erit alteri praefendus, ex textu Bonifacii VIII. (2). Sunt vero qui adhuc putant iuris praesumptionem in dubio episcopali favere collationi. Qui enim iure ordinario, et primitivo collationem ab suo diocesano obtinuerint, is tunc videtur onus probandi exceptionem pontificiae praeventionis in adversarium suum iure transferre. Ad hanc vero praesumptionem excludendam stylus inolevit adiiciendi litteris apostolicis clausulam cum gratificatione opportuna, quae praelationem tribuit provisioni apostolicae inter plures eodem die a diversis collatoribus datas.

VI. Ne quis eam contentionem vitaturus abripiatur improba cupiditate impetrandi beneficia viventium, ubi ex lethali morbo possessorum videantur iam iam vacatura, Gelasius Papa, et Concilium Lateranense III. sub Alexandro III. (3), tum Bonifacius VIII. (4) quascumque promissiones, vel gratias de beneficiis vacaturis nullas, et irritas ipso iure declararunt. Mox Cancellariae Regula XXI. ita statuit: Si quis supplicaverit sibi de beneficio quocumque, tamquam per obitum alicuius, licet tunc viventis vacante provideri, et postea per obitum eius ius vacet: provisio, et quaecvis dispositio etiam vigore alterius novae supplicationis, vel gratias dicto supplicanti per obitum huiusmodi denuo facienda, nullius sint roboris, vel momenti. Itaque expetens fraudulentè beneficium ante vacationem, quod iam vacare per obitum exposuerit, heic duplici poena coercetur: nullum scilicet ius ad illud acquirit, quamvis gratia collationis post obitum fortasse providerit (5), sitque inhabilis ad illud postulandum post secutam revera vacationem: praeter ecclesiasticas censuras iure communi sancitas (6). Et Regula haec in collationibus etiam Ordinariorum, aut Legati apostolici locum sibi vindicat (7).

sibus Pastorum iurisdictioni addici. Diserte tamen prima dignitas excipitur, quae dumtaxat a Sede Apostolica conferenda statuitur.

(1) Quemadmodum si ad duos eadem Sedes Apostolica litteras collationis unius, eiusdemque beneficii dederit diversis diebus, priorem quoque in tempore praefendum, alio penitus excluso, rescripsit Honorius III. in cap. Capitulum S. Crucis 30. de rescriptis.

(2) Bonif. VIII. in cap. si a Sede Apostolica 31. de praeb. in VI.

(3) Gelasius in cap. qui in vivorum 1., et Conc. Later. III. in cap. nulla 2. de concess. praeb.

(4) Bonif. VIII. in cap. detestanda 2. eod. tit. in VI.

(5) Hunc casum quum non definiant Gelasius, nec Alexander III., nec Bonifacius VIII., patet in aucupantes vacatura beneficia poenas canonicas hac Regula magis ampliatas, ut nullus ambitiosis fraudibus aditus supersit, nec voto captandae mortis, nec supplantationi concurrentium in tempore digniorum.

(6) Cit. cap. 1. et 2. de concess. praeb.

(7) Ex communi DD. sententia apud Rigant. Reg. XXI. num. 17. et seq., et in Reg. XX. n. 26. et seq.

VII. Alia item Regula XXX. de verosimili notitia statuit: quod omnes gratiae, quas Papa de quibuscumque beneficiis cum cura, vel sine cura saecularibus, vel regularibus per obitum quarumcumque personarum vacantibus in antea fecerit, nullius roboris, vel momenti sint, nisi post obitum, et ante datam gratiarum huiusmodi tantum tempus effluerit, quod interim vacationes ipsae de locis, in quibus personae praedictae decesserint, ad notitiam eiusdem Sanctissimi D. N. verosimiliter potuerit pervenire. At Papa dum a Romana Curia discesserit, relicto in ea Datario, vel Signatore gratiarum: huic nunciatam notitiam vacationis verosimilem sufficere Clemens VII. declaravit (1). Hanc ipsam Regulam sibi locum quoque vindicare, ubi Romana Curia videatur in congruo temporis intervallo accepisse notitiam vacationis: sed cursorem, vel nuncium reapse ante obitum beneficiarii, seu ante vacationem impetrans miserit, in poenam cursus ambitiosi, monet Claudius Fleury (2).

VIII. Quoties vero ad electionem, vel praesentationem alicuius pertineat provisio beneficii: eam tunc praeveniens Papa sere non afficit (3): nisi apertis ipse verbis eidem iuri, seu eligendi, seu praesentandi derogaverit, ubi derogationibus pontificiis non adversentur leges, et consuetudines locorum.

IX. Vacantia item beneficia per obitum alicuius familiaris Cardinalium, iamdiu consuevit Apostolica Sedes non conferre, nisi accesserit consensus Cardinalis patroni in Curia praesentis. Cui ne fraus fiat, Regula XXXII. Cancellariae iubet: quod impetrans beneficium vacans per obitum familiaris alicuius Cardinalis, teneatur exprimere nomen, et titulum ipsius Cardinalis, et si ille in Curia praesens fuerit, ipsius ad id accedat adsensus, alias desuper gratia sit nulla: et idem servari voluit, si Cardinales quomodolibet ab ipsa Curia absentes, et ubilibet etiam in locis infra duas dietas vicinis degentes, familiamque, et lares in eadem Curia retinentes, ab ipsa Curia recesserint, ad eandem illico reversuri, et infra decem, vel ad summum quindecim dies vere, et personaliter reversi fuerint. Ita quod Cardinalibus, alias quam ut praefertur, ex quacumque causa quantumlibet necessaria, et hic necessario exprimenda absentibus, facultas praestandi consensum huiusmodi non competat: sed beneficia huiusmodi ad liberam Sanctitatis Suae, et Sedis Apostolicae provisionem, et dispositionem pertineant. Declarans Regulas, et constitutiones suorum praedecessorum, etiam a die earum editionis, et publicationis super adsensu huiusmodi praestando sic intellectas, et intelligendas fuisse. Quodque si praedicti familiares eorundem Cardinalium familiares esse desierint, seu ad aliorum Cardinalium familiaritatem similem transierint, quod beneficia, quae familiaritate priori durante obtinuerint, et in quibus, vel ad quae priore ipsa familiaritate durante ius eis competierit, Cardinales, quorum prius familiares fuerint, suum habeant adhibere consensum. Declarans praesentem constitutionem locum non habere in illis beneficiis, quae familiares ipsi tempore obitus eorum in dicta Curia, vel intra eam obtinerent, aut antea obtinuissent, et ratione officiorum per eos obtentorum dictae dispositioni generaliter reservata, vel affecta

(1) Clemens VII. die 23. Decembris 1533. apud Rigant. in Reg. XXX. num. 1.

(2) Cl. Fleury lib. 2. Iur. Can. cap. 21.

(3) Bonif. VIII. in cap. in illis §. 16. 1., et 2. de praebendis.

fuisse apparerent. Nec non illos quoad effectum dictas constitutionis familiares eorumdem Cardinalium conseri, qui ipsorum Cardinalium familiares continui commensales ad minus per quatuor menses, computato etiam tempore ante promotionem ad Cardinalatum fuisse probarentur. Decernens irritum etc.

X. Praetereaque Regula XXXIII. ad evitandas lites, et contentiones, quas ex praecedenti sua constitutione exoriri possent, vestigiis praedecessorum suorum inhaerendo, statuit, quod si beneficia, quas per obitum familiarium continuorum commensalium eorumdem Cardinalium in futurum vacabunt, cessantibus apostolicis reservationibus; ad alterius Cardinalis collationem, vel aliam dispositionem pertinere deberent, in dicta praecedenti constitutione non comprehendantur, quoad hoc, ut in provisionibus talium beneficiorum super expeditione litterarum illius Cardinalis, cuius familiaris defunctus ille extitit, consensus requiri debeat. Sed beneficia huiusmodi ad collationem, seu quamvis dispositionem Cardinalis ordinarii collatoris, ut praefertur, libere spectare censeantur. Et si apud Sedem Apostolicam beneficia huiusmodi per obitum dictorum familiarium vacaverint, tunc in provisione talium beneficiorum super expeditione litterarum illius Cardinalis exigatur consensus, si in Romana Curia praesens fuerit, ad quem eorumdem collatio, et dispositio, ut praefertur, pertinere deberet: ita ut Cardinalis ordinarius collator in concursu cum Cardinale patrono semper praeferrí debeat, salvis tamen semper indultis concessis, et concedendis eisdem S. R. E. Cardinalibus: decernens irritum etc.

C A P. VII.

De collatoribus ex indulto extraordinariis.

- I. Cardinales communi fruuntur indulto conferendi beneficia etiam reservata in mensibus apostolicis vacantia.
- II. Excepiuntur vacantia apud Sedem, et in Curia.
- III. Quaeque dimiserint veri familiares Papae, aut Cardinalium, Cardinales ipsi, et Conclavistae.
- IV. Simul quae duabus, pluribusve reservationibus coequalibus afficiantur.
- V. Personales ambo, vel ambo reales reservationes dicuntur coequales: personalis una, et realis altera inaequales.
- VI. Quum personae, tum officii respectu personales, ex quo plures reservationes indultum nunc excludunt.
- VII. At plures uni officio adnexae qualitates, puta familiaritas Papae, ac dignitas protonotarii unam ferunt reservationem.
- VIII. Reservatio mensium cum reservatione personali, vel reali concurrens indulto vim non impedit.
- IX. Absentes a Curia Romana Cardinales beneficia in dioecesibus

sibi commendatis tantum, non alia suis in titulis vacantia conferunt.

X. *Nec suam ante promotionem vacantia conferunt sine indulto specialissimo.*

XI. *Reales etiam reservationes, et affectiones indultum comprehendit, sed non omnes.*

XII. *Extraordinaria huius indulti potestas ordinariam praesupponit, fines dioecesis non excedit, neque ad exempla protenditur.*

XIII. *Aliis ius conferendi cum Episcopo simul habentibus ea nec prodest, nec nocet.*

XIV. *Nec iura eligendi, aut praesentandi ullatenus minuit.*

XV. *Devoluta ad Sedem Apostolicam beneficia non comprehendit.*

XVI. *Episcopalem Ecclesiam dimittentes Cardinales indultum obtinent conferendi beneficia inibi vacatura in octo mensibus apostolicis.*

XVII. *Obtinens a Cardinale beneficium ratione mensis apostolici, vel aliunde reservatum cogitur pontificias novae provisionis litteras impetrare.*

XVIII. *Novis constitutionibus, et Regulis Cardinales fere non obligantur.*

XIX. *Cardinales insuper beneficia in Episcopatibus suburbicariis, Ecclesiisque titularum suorum in Urbe conferunt, quamdiu in Curia resident.*

XX. *Trium basilicarum patriarchalium inferiora beneficia conferunt Cardinales Archipresbyteri, earumque Canonici.*

XXI. *Legatis, Nunciisque apostolicis, aliisque Praesulibus consuevit etiam indulgeri collatio beneficiorum.*

XXII. *Necnon Regibus.*

XXIII. *Qui ex apostolico privilegio possunt spirituales administrare collationem velut instrumenta Pontificis.*

XXIV. *Nedum expresso, verum etiam praesumpto ex immemorable consuetudine.*

XXV. *Utroque suffultus Rex Neapolitanus plures dignitates, canonicatus, et beneficia inferiora confert.*

I. Singulis Romanae Ecclesiae Cardinalibus iamdudum consuevit Sedes Apostolica indultum concedere conferendi iure delegato quaecumque beneficia sibi subiecta extra Curiam vacantia, quavis reservata ratione mensium, aut quod illa obtinentes fuissent familiares sive praedecessorum Pontificum, aut Sedis Apostolicae notarii, subdiaconi, archipresbyteri, capellani, litterarum apostolicarum scriptores, abbreviatores, cubicularii Nuncii apostolici, et subcollectores (1), et alii officiales praesentes et futuri.

(1) Ex formulae fragmentis apud Rigant, in *Reg. I. Can. §. 4. cum. 14.*, et

quocumque nomini nuncupentur: quatenus beneficia huiusmodi ratione mensium apostolicorum, seu ex quavis alia causa dispositioni apostolicae reservata, seu ex generali reservatione apostolica affecta conferre, et de illis providere libere possint (1):

II. Huiusce mandati apostolici fines, quos indicant exscripta indulti verba, custodire diligenter oportet, neque ad alios ultra expressos casus extendere, ut collationes exinde valeant, quae illius vigore timent (2). Igitur quae apud Sedem in Curia Romana vacaverint beneficia, Cardinales ex indulto eiusmodi conferre in primis prohibentur quum reservatorum extra Curiam dumtaxat vacantium collatio eis indulgeatur (3). Nam Clemens IV. dum vacantia apud Sedem in Corpore Iuris reservavit, palam dixit nemini prorsus licere ea conferre, quacumque super hoc sit facultas munitus... nisi eis sit super conferendis iisdem in Curia Romana vacationibus specialis, et expressa ab ipso Pontifice Summo auctoritas attributa (4). Hac eadem ratione vacantia ex decreto beneficia eorum, qui ad episcopatum promoventur, Cardinales vigore communis indulti non conferunt (5). Nec ea, quorum retentio concessa Episcopo fuit in actu promotionis (6). Nec vacantia ob neglectam resignationis publicationem (7).

III. Quae itidem beneficia obtinuerint familiares veri Pontificum, continui nempe commensales, conclavistae, nec non Cardinales, eorumque familiares, ceteri Sedis Apostolicae officiales in recitato indulto non expressi, et per obitum ipsorum vacaverint extra Curiam, ea nequit Cardinales vigore communis eiusdem indulti conferre (8), strictam accipientis interpretationem. Nam exceptio personarum, quas tale indultum enumerat, firmat regulam in contrarium. Speciali propterea indulto ampliori, quod suis Pontifices nepotibus, nonnullisque benevolis Cardinalibus adhibitum largiuntur, Sedes Apostolica solet expresse mandare facultatem conferendi reservata, et affecta etiam beneficia eorum, qui Papas, aut Cardinalium familiares continui commensales fuerint, aut per mortem Cardinalium, aut Episcoporum, et quorumcumque aliorum contentorum in Extravag. ad regimen, seu aliarum constitutionum apostolicarum, seu ex quavis alia causa dispositioni apostolicae specialiter, seu alias generaliter reservata, seu ex generali reservatione, etiamsi illa multiplex, ac personalis,

174. Eamque integram habet, illustratque commentario Anastasius Germonius de Indult. Cardinal.

(1) Ex Rigantio, et Germonio ibidem.

(2) Paulus in l. diligenter §. D. mandati, Innoc. III. in cap. cum dilecta 22. de rescriptis, Honor. III. in cap. venerabili 37. de off. et pot. iud. deleg. et Bonif. VIII. in cap. cui 27. de praeb. in VI.

(3) Rigant. in Reg. I. Canc. §. 1. num. 359. et seq.

(4) Clem. IV in cap. licet 2. de praebendis in VI. Hinc indulto quamvis amplissimo conferendi vacantia, vel vacatura qualicumque, et ubicumque, non obstant quocumque privilegio, de quo etiam oporteret de verbo ad verbum expressam facere mentionem, nec etiam comprehendere beneficia apud Sedem vacantia, tenent Doctores apud Rigant. loc. cit. num. 356.

(5) Armind. Rice., et Congr. particularis apud Rigant. in Reg. 2. Canc. §. 3. num. 400. et seq. tom. 1.

(6) Rigant. in Reg. 1. §. 7. num. 191. et seq.

(7) Rigant. in Reg. 1. Canc. §. 1. num. 52.

(8) DD. cum Rigantio in Reg. 1. Canc. §. 8. num. 10. et seq.

realis, vel mixta simul fuerit: non tamen ratione vacationis apud Sedem, nec ex persona cuiuslibet conclavistarum, nec etiam ratione familiaritatis continuæ commensalitatis nostrorum, seu Romani Pontificis pro tempore existentis familiarum continuorum commensalium, qui nunc sunt, vel alias, dum Cardinalatus honore fungebatur, fuerunt (1).

IV. Quum reservatio multiplex indulto hoc speciali adimatur expresse in gratiam Cardinalium nepotum: colligitur inde, quod commune indultum priori iam dicta forma conceptum Cardinalium tunc permittit extraordinariam beneficiorum reservatorum collationem, ubi ea uni reservationi personali obnoxia sint: secus, ubi duæ simul in ipsis concurrant coaequales eiusdem nempe generis personales reservationes. Nam ex voto Ubal-di, et Verospi Rotæ Auditorum, quod requisivit, probavitque Paulus V. anno 1615, non comprehenduntur in prædictis indultis *beneficia duplici reservatione personali coequali reservata, vel affecta* (2). Mox Urbanus VIII, die 15. Iulii 1642. constitutione sua edixit Cardinales non potuisse, nec posse vigore indulti communis conferre *beneficia duplici reservatione personali reservata, vel affecta* (3). Tandem Alexander VII. die 12. Aprilis 1666. declaravit specialius, et constituit: *beneficia protonotariorum, scriptorum, et aliorum officialium enumeratorum in Extravag. ad regimen esse reservata, ubicumque decedant, etiam extra Romanam Curiam, et duas diaetas. Itemque reservationem beneficiorum obtentorum per dictos officiales intrare etiam ratione solius officii: et insuper protonotariatum ex militis resultantem, dictumque scriptoratum separatim acquisitum constituere duas reservationes personales coaequales, exclusivæ indulti* (4).

V. Uti coaequales reservationes, et affectiones putantur, vel ambo personales, vel ambo reales: ita dispares dicuntur personalis una, et realis altera: vel ex duabus quum personalibus, tum realibus una potentior, quam altera, aut principalis una, et altera accessoria. De duabus aequè personalibus locutos Paulum V, Urbanum VIII, et Alexandrum VII, iam exscripta ipsorum verba commonstrant, Duas itidem reales reservationes, affectionesque parem habere vim excludendi indultum, Rota definivit: dum Papa cuidam nonnulla beneficia commedaverat, eidemque mox ad Episcopatum promotus indulserat retentionem eorum, et ita bis ex aequo manum apponendo suam in diversis casibus duas eis reales reservationes, seu affectiones infixerat (5). Sed reservationum aequalium duplicitas non oritur, nisi ex diversis earum speciebus unius, eiusdemque generis: quia plures unius arboris fructus, quamvis augcant unam eiusdem pomi speciem, non tamen geminant diversam coaequalem. Hinc si quis plurium Cardinalium familiaris fuerit, vel protonotarius a Collegio, tum a Legato apostolico, et Papa sit iterum, iterumque creatus, vel officium Nuncii, aut

(1) His verbis conceptum indultum Card. Francisci Barberini, de quo egit Rota dec. 14. par. 12. rec. fert Rigantius in *Reg. IV. Canc. §. 5. num. 24.*

(2) Votum istud videsis apud Gratianum *discept. 982 num. 13. et seq.* At Cardinales contra illud frustra reclamantur contondentes indultis consuetis non refragari multiplices coaequales reservationes.

(3) Urban. VIII. *const. 288.*, quam exscriptam habet Fagnanus in *cap. sicut unire de excess. Proelat. num. 49.*

(4) Alex. VII. in *const.*, quam refert Card. de Luca *disc. 3. de benef. num. 8.*

(5) Rigaut. in *Reg. I. Canc. §. 4. num. 195.*

subcollectoris, aliudve simile in pluribus locis gesserit: non duplicem, sed unicam reservationem ex familiaritate, vel dignitate protonotarii, vel officio is contrahit. Pariter sicuti ad duos ex intervallo episcopatus promoti Papa indulget retentionem beneficiorum: una tantum effectio ex ea duplici appositione manus papalis oritur (1).

VI. Familiarium, collectorum, cursorum, et cubiculariorum dumtaxat beneficia personali reservationi adscribunt omnes cum Rigantio (2). De beneficiis autem protonotariorum, aliorumque officialium disputabant DD. ante laudatam Alexandri VII. constitutionem, ad personalem no. an localem reservationem pertinerent. Qui ea ad localem trahebant reservationem, fatebantur officialium beneficia constitutionibus extravag. *ex debito*, et *ad regimen* reservata esse non ratione personae, seu officii, sed respectu loci: quum in eisdem constitutionibus lingantur officiales, ubicumque il decesserit, mortem in Curia obire; ideoque per istam loci fictionem beneficia ipsorum velut vacantia in Curia reservationem subire localem, non personalem (3). Cumque protonotarios, ceterosque officiales Paulus III. declaraverit, effeceritque Papae familiares (4): in eorum beneficiis reservationem per accedens personalem ratione familiaritatis officio adnexae agnoscebat, sed non insitam principaliter officio, seu personae (5), ut unicam in beneficiis familiarium, qui protonotariatum, aliudve officium exinde obtineret, reservationem adstruerent. At post Alexandrinam constitutionem praevaluit sententia rebus iudicatis obfirmata, quod Officialium Sedis Apostolicae beneficia reservata censentur nedum ratione familiaritatis a Paulo III. illis concessae, verum etiam ratione officii: proptereaque personalis haereat eis praecipua reservatio, quae simul cum alia personali, aut reali concurrens indultum excludit (6). Hinc duo si quis officia quaelibet diversa obtinuerit, quorum singula reservationem pariunt, eius beneficia in duplicem reservationem incidere nunc indicantur (7). Quoniam non ex sola familiaritate Papae, vel protonotarii dignitate officiis fere adnexa, quam in una, eademque persona duplicem ponere absurdum videtur) reservatio oritur: sed ex officio ipso duplici, et diverso eam derivare palam dixit Alexander VII. Sunt qui opinantur non reservata beneficia illorum officialium, quos laudatae extravagantes non enumerant, puta auditoris Camerae, eiusque locumtenentis, clerico-

(1) Rota dec. 513. num. 38., et seq. par. 19 rec. to. 2. apud Rigant. in rubric. Reg. §. 2. num. 35., et seq.

(2) Rigant. in rubric. Reg. §. 2. num. 33., et fin. et in Reg. 1. §. 4. num. 182. ex Rota coram Royas dec. 100.

(3) Lotterius, Barbosa, Rota, et Card. de Luca apud Rigant. loc. cit. §. 4. num. 191. ad 193.

(4) Ex supradictis cap. V. n. 32.

(5) Lotterius cum Rigant. loc. cit. num. 196. contra Sarnensem.

(6) Card. de Luca apud Rigant. ibidem num. 198. Hinc Rota dec. 608. par. 5. rec. coram Bichio dec. 221. coram Dunoletto dec. 632. definit, et Pitonius tom. 4. discept. 105. num. 19. comprobat, Cardinales vigore indulti communis conferre non posse beneficia vacans per coasum, vel decessum protonotarii simul subcollectoris.

(7) Rota dec. 476. num. 6., et seq. par. 18. rec. Card. de Luca de benefic. diae. 102. Rigant. loc. cit. num. 185., et 236., et seq.

rum Camerae, procuratorum contradictarum, locumtenentis Avenionensis, ceterorum (1). Sed probabilior, et communior est aliorum sententia, quod Regula I. Cancellariae reservans beneficia officialium, officiales etiam creatos post extravagantem, ibique non expressos complectatur (2).

VII. Familiaritas vero, et dignitas protonotarii dum sunt uni, eidemquo officio simul adnexae, quia tamquam accessiones principalem officii naturam ambae sequuntur, et ab ipso absorbentur officio, nonnisi unam reservationem tunc ferunt beneficia istius officialis. Nam si reservationem in officio uno duplicarent praerogativae huiusmodi accessoriae, indultum Cardinalibus fere numquam suffragaretur, eis facultatem largiens conferendi reservata etiam beneficia, quae obtinuerint *officiales praesentes, et futuri, quocumque is nomine nuncupantur* (3). Necesse porro est, ut multiplices, diversaeque reservationum causae in unam personam distincto confluant, quoties velint beneficia ipsius multiplici reservationum vinculo obstricta iudicari (4).

VIII. Inaequales, ac dispares reservationes vim indulto non adimere, colligitur ex antedictis. Itaque in primis potentior una aliam minorem absorbet, ideoque familiaritas Papae ex. gr. familiaritatem Cardinalis in una, eademque persona coniunctam ita suffocat, ut unam constituat reservationem (5): nisi quia maluerit duplicem eiusmodi familiaritatem ad unam reservationis speciem redigere. Personalis item reservatio, tamquam dignior trahens ad se realem, velut accessoriam efficit, ut si officialis ad episcopatum assumptus retentionem beneficiorum obtineat, haec extra Curia inde vacantis Cardinalis ex indulto conferat: quia personalem reservationem ratione officii non aequat realis reservatio promanans ex affectione, seu appositione manus Pontificis (6). At affectio ex praevia personali reservatione obveniens, puta post dimissum officium subcollectoris, vel post extinctam familiaritatem, quum naturam personalis, non realis reservationis quidem adsumat: recte coniungitur cum alia personali reservatione pro excludendo indulto (7). Quoties insuper contigerit reservatorum beneficiorum vacatio in mensibus apostolicis: Cardinales ea, non ali-

(1) Cassidorus, Rebuff., Mandos., Arminius, Ricc., ceteri apud Rigan. *ibidem* num. 218. et seq.

(2) Rigan. *loc. cit.* num. 241. et seq.

(3) Rota dec. 266. num. 4. et seq. par. 13. rec., et alibi apud Rigan. *ibidem* num. 173. et seq.

(4) De Referendario, qui postea protonotarius ex intervallo creatus est, agit Rota dec. 476. num. 6., et seq. par. 18. rec., et Card. de Luca de offic. venal. cap. 2. num. 16. De familiari Papae, et Protonotario Gratianus *discept.* 982. post num. 24. De eubiculario Papae, et Protonotario Mantus *consult.* 647. num. 5. tom. 7. De Auditore Rotae, ac Referendario Rota dec. 523. num. 43. part. 19. rec. tom. 2. de Nuncio, et Refer. Card. de Luca de benef. *disc.* 4.

(5) Ex antedicto Ubaldi, et Verospii voto, cui DD. adstipulantur apud Rigan. in rubr. Reg. §. 2. num. 21.

(6) Rota coram Millino dec. 414. et apud Novar. in sum. Bullar. dec. 30. num. 18., et seq. Rigan. *ibidem* num. 24., et 29.

(7) Rota coram Seraphino dec. 1251; Duran. dec. 154. et DD. apud Rigan. *loc. cit.* num. 30. Hanc affectionis personalis speciem spectant ea indulti verba: *generaliter reservata, seu ex generali reservatione apostolica affecta* apud Rigan. in Reg. IV Canc. §. 5. num. 46.

ter, quam vacantia in mensibus Ordinariorum, libere conferunt. Nam temporanea reservatio mensium difformis a personalibus, et realibus reservationibus perpetuis quum sit, haec numquam cum aliqua earum ita coniungitur, ut coequales duas componat reservationes, indultumque idcirco numquam excludit (1).

IX. An idem ius vigeat in aliis temporaneis reservationibus vacantium, dum Cardinales ab suis titulis absunt (2), et quae vacante Sede praecessoris Episcopi vacassent (3): operae pretium est heic inquirere. Ad Cardinales absentes quod attinet, antiqua indulti forma hunc habebat articulum: *tibi etiam, quando, et quoties de licentia nostra etiam pro tua voluntate ab eadem Curia ubilibet etiam extra montes abesse contigerit, quaecumque beneficia etc.* (4). Cuiusmodi verba absentibus etiam ab Urbe Cardinalibus concedere collationem beneficiorum, quae in Ecclesiis titularum, et diaconis vacarent, Doctores olim contendebant (5). Sed contraria nunc viget sententia, ex quo Innocentius XI. anno 1681. primus omnium recitato indulti articulo hanc addidit clausulam: *servata tamen quoad beneficia titularum, et diaconiarum, episcopatum cardinalitiorum constitutionis, seu Regulae VIII. Cancellariae dispositione* (6). Quum isthaec VIII. Regula Cancellariae, quam indulti forma recentior obfirmat, Apostolicae Sedi reservet speciatim beneficia in Cardinalium sex episcopatibus, necnon diaconis, et titulis, quoad ii a Romana Curia absunt, vacantia (7): fit exinde, ut Cardinales vigore huiusce indulti de licentia Papae a Romana Curia absentes beneficia in episcopalibus Ecclesiis, dioecesibusque sibi commendatis quolibet mense vacantia conferant, non illa, quae in diaconis, titulisque suis contigerit absentiae suae tempore vacare, quamvis aliunde non reservata.

X. Quae tempore viduitatis Ecclesiarum usque ad provisionem successorum vacassent beneficia, per secundam Regulam Cancellariae reservata quum sicut, Cardinales in ea successores facultatem conferendi fere non habent, nisi eam alicui Papa speciatim, et expresse indulerit. Quia singulis Cardinalibus communi indulto conceditur collatio beneficiorum, *quae extra Curiam vacare contigerit*: his plane verbis patefacta mens Pontificis futuras tantummodo post indultum vacationes respicit, nulloque pacto valet ad praeteritas retorqueri (8). Cardinalibus autem nepotibus suis, et alicui amicissimo largiri volentes collationem eorum etiam, quae ante ipsorum promotionem vacassent id consueverunt palam expri-

scribere.

(1) Videsis dicta superius cap. V. num. 43. pag. 126.

(2) De hac reservatione superius dixi cap. V. num. 42.

(3) De his dictum est eodem cap. V. num. 39.

(4) Apud Germon. de indult. Card. §. tibi quoad vixeris.

(5) Garzia, Kochier, Barbosa, Massobrius, ceteri apud Rigant. in Reg. 8. Canc. §. 1. num. 77. et seq.

(6) Ex Rigantio ibidem num. 122.

(7) De qua superius dixi cap. V. num. 42.

(8) Hunc sensum Doctores explicant unanimiter, et firmant res indicatae; Rota dec. 566. num. 2. coram Cavalerio, dec. 4. de privileg. coram Moelano, dec. 10. num. 4. par. 13. rec., et alibi apud Rigant. in Reg. 2. Canc. §. 3. num. 385., et seq.

mere his aliis indulto adiectis verbis: *quae vacare contigerit, et nunc vacantibus* (1).

XI. Facultatem conferendi reservata quum ratione mensium, tum ratione sictae familiaritatis, et officii, seu *ex quavis alia causa* Cardinales quum habeant ex indulto communi, ex hisce verbis videtur indultum commune reales quoque reservationes comprehendere: at non omnes. Enimvero Cardinales vigore istius indulti conferre utique possunt beneficia, quae vacent per collationem incompatibilium reservatorum ab ipsis eadem indulti auctoritate factam, quamvis reservata realiter per extravag. *ad regimen* (2). At e contrario nequeunt providere primas dignitates Cathedralium, nec principales Collegiatarum (3). Neque concistorialia, seu in libris Camerae taxata beneficia (4). Nec litigiosa (5). Nec regularia exempta in saecularem statum redacta, et perpetuo reservata (6). Facultas autem, quae Cardinalibus indulto tribuitur conferendi beneficia etiam regularia, locum in iis habet, quae ad suam ipsorum collationem pertinent in monasteriis sibi commendatis, simul et in regularibus non exemptis, quae ipsis amota reservatione subiacent (7).

XII. Edisserenda supersunt haec alia indulti verba: *ad tuam etiam cum alio, vel aliis collationem, provisionem, praesentationem, electionem, institutionem, seu quamevis aliam similem, vel dissimilem dispositionem quomodolibet pertinentia* (8): quae nimirum amotis reservationibus tu vel solus, vel coniunctim cum aliis posses sine ordinario conferre. Huius articuli contextus patefacit indultum Cardinalibus Episcopis potestatem extraordinariam non egredi fines dioecesanae iurisdictionis, eamque ita super ordinariam collocari, instar columnae super basim, ut hac deficiente non possit ea consistere. Non possunt propterea Cardinales vigore indulti manum suam extendere ad beneficia exempta, quamvis intra suam dioecesim fundata (9): sed eorum collatio in mensibus ordinariis ad Praelatos inferiores, Abbatesque, in mensibus reservatis ad Sedem Apostolicam pertinet. Eodemque iure exemptionis beneficia in solo Lateranensi erecta non ab Episcopis dioecesanis, neque a Cardinalibus indulto auctis, sed a Capitulo Lateranensi in quatuor mensibus ordinariis conferuntur (10).

(1) Ex Rigantio *ibidem* num. 396.

(2) Rigant. in *Reg.* 1. §. 8. num. 185.

(3) *Ibidem* in *Reg. IV. Canc.* §. 1. num. 38.

(4) Card. de Luca *de benefic. disc.* 4. num. 6., Gormon. *de indult. §. regularia* num. 82.

(5) Rota *dec.* 67. num. 7. coram Duran. et *dec.* 433. num. 44. coram Bichio, Rigant *tom.* 3. in *Reg.* 29. *Canc.* §. 29. *Canc.* §. 2. num. 176., et 177., ubi refellit Card. de Luca aliter opinantem *disc.* 52 *de benefic.* num. 15.

(6) Rigant. in *Reg. IV. §. 3.* num. 25., et *seq.* *tom.* 1., et in *Reg. IX. §. 2.* num. 121. *tom.* 2.

(7) Rota *dec.* 587., et 588. *par.* 4. *divers.*, et *dec.* 289. coram Penia, apud Rigant. in *Reg. IV. Canc.* §. 3. num. 30.

(8) Ex Armino Riccio apud Rigant. *ibidem* num. 74., et in *Reg. IX. Canc.* §. 3. num. 116.

(9) Rota *dec.* 523., et 580. *par.* 1. *rec.* *tom.* 2., et alibi apud Rigant. *loc. cit.* num. 26. 77., et *seq.*

(10) Armind. Ricc. *loc. cit.* num. 77.

XIII. Aliis autem consortium cum Cardinale habentibus in collatione, vel institutione, aliave qualibet provisione beneficiorum nec prodest, nec nocet extraordinaria eius potestas indulto personali quæsitæ. Enimvero *alius alterius privilegio speciali prohibetur uti*, ex regula Bonifacii VIII (1). *Et cum quid una via prohibetur alicui, ad id alia non debet admitti* (2). Iure hinc merito Urbanus VIII. die 29. Decembris 1725. declaravit indultum, quod solis Cardinalium personis conceditur, non suffragari Capitulis Cathedralium, nec aliis iuris conferendi participibus, eisque nullum communicare ius in reservatis quum mensibus, tum beneficiis (3). Consequitur exinde, quod indultum non abroget apostolicas reservationes, earumque nec vincula abruptat, neque obstacula removeat: sed puram putam delegationem apostolicam in beneficiis reservatis largiatur. Immo tæ propterea reservationes obstant, ne prisca ex indulto resurgat ordinaria potestas Episcoporum, Capitulorumque, neve ad pristinam redeat libertatem (4). Et versa vice Capitulis, aliisque in collatione beneficiorum consociis nil iuris detrahit indultum, nec eorum communem cum Cardinale collationem in quatuor mensibus ordinariis impedit (5). *Non debet enim alteri per alterum iniqua conditio inferri* (6), nec Pontificis gratia dari cum alterius detrimento.

XIV. Eligendi, vel præsentandi iura quo magis inviolanda sunt, eo minus indulto deminuuntur. Beneficia enim de iure patronatus laicali sub indulto Cardinalium non cadere, Rota censuit (7). Eaque a cunctis reservationibus exempta quum viderimus (8): liquet patronis laici integrum esse ius præsentandi, quamvis vacatio beneficiorum de suo patronatu in mensibus apostolicis evenerit. Quod alia patronatus ecclesiastici in mensibus reservatis vacantia Cardinalis Episcopus vigore indulti conferre valeat, Rota pluries definiivit (9). Ubi concurrat patroni ecclesiastici præsentatio, vel Capituli, aut Collegii electio, aut consensus, aut silentium: nullus erit ambigendi locus. Illis autem dissentientibus, et reclamantibus, ea oportebit ad eandem revocare, quæ superius dixi de patronatu ecclesiastico (10).

XV. Quæ ad Sedem Apostolicam beneficia devolvuntur ex negligentia alterius collatoris, non alium, nisi Papam superiorem habentis in dioecesi Cardinalis Episcopi, vel ex sua ipsius negligentia (11), ea is conferre non

(1) Bonif. VIII. in cap. cum sane 9. de privilegiis in VI.

(2) Idem in cap. cum quid 84. eod. tit. in VI.

(3) Urban. VIII. const. 59., de qua dictum supra est cap. V. num. 43.

(4) Rota dec. 585. par. 5. rec. Card. de Luca de benef. disp. 1. num. 37.

(5) Rota coram Bichio dec. 99., et 433. coram Royas dec. 30. apud Rigant. loc. cit. num. 29.

(6) Popin. in l. non debet 74. D. de Regulis Iuris.

(7) Rota dec. 290. par. 18. rec. num. 22., et 23. coram Dunozetto dec. 397. num. 22., et alibi apud Rigant in par. 1. Reg. IX. Can. §. 2. num. 334.

(8) Hoc tract. cap. 5. num. 71.

(9) Rota coram Gregorio dec. 33., tum dec. 298. num. 16., et dec. 319. num. 12. par. 9. rec., et alibi ab Armino Riccio laudata penes Rigant. in Reg. IV. et §. 3. num. 79.

(10) Cit. cap. V. num. 72.

(11) Innoc. III. in cap. licet magister 3. de suppl. negl. Præb., et cap. postulatistis 15. de concess. præb.

potest vigore indulti. Nam reservationes indulto sublatae, vel suspensae devolutionem iure communi constitutam, quae diversam ab eis naturam habet, non complectuntur (1). Secus dicendum est, quoties ob alienam negligentiam, puta Capituli Cathedralis Ecclesiae, ad Episcopum inculpabilem devolvuntur canones collationem (2).

XVI. Consueverunt insuper Cardinales Ecclesias episcopales dimittere cum indulto conferendi, ut prius earum beneficia in octo mensibus apostolicis vacatura, quatuor aliis mensibus successorii Episcopo relictis (3); quod nunc praeservatur integrum, ubi dimissa Ecclesia alteri Cardinali confertur. Sed hocce indultum quo magis extraordinarium est, eo strictiorem postulat interpretationem. Non licebit ideo post dimissam Ecclesiam Cardinali renunciationes beneficiorum admittere, quum Ordinarius ipse non sit amplius (4): neque si moriatur exinde successor Episcopus, adrogare sibi ordinariam beneficiorum collationem in quatuor mensibus ordinariis vacantium (5).

XVII. Quisquis a Cardinalibus beneficium quomodolibet reservatum, vel in mense reservato vacans adipiscitur, ei lex ipsa indulti onus imponit impetrandi ab Apostolica Sede litteras novae provisionis cum solutione taxarum omnium intra quatuor fere menses, quotiescumque beneficii redditus viginti quatuor ducatos auri de Camera, nullis deductis oneribus excederent. Ne quis autem sibi blandiatur id posse onus abiicere impune, fretus auctoritate Doctorum aliquot contententium Cardinales beneficia in apostolicis mensibus vacantia, et aliunde non reservata iure ordinario potius, quam delegato conferre (6). Benedictus XIV. motu proprio in perpetuum sanxit: ut nemo deinceps ab eisdem Cardinalibus ordinariis collatoribus provisos de beneficio in aliquo ex mensibus apostolicis praefatis vocato possit se quocumque praetextu eximere ab expeditione litterarum apostolicarum in forma novae apostolicae provisionis, iuxta formam in indultis Cardinalibus concedi solitis praescriptam: alias elapso tempore ibidem praefixo possit idem beneficia a Sede Apostolica praedicta impetrari (7). Nova autem provisio Sedis Apostolicae hanc inter alias continet clausulam: dummodo beneficia praefata sub indulto comprehendantur (8).

(1) Rota coram Gypso in Romana 28. Aprilis 1595. apud Rigan. in par. 1. Reg. IX. §. 13. num. 124.

(2) Alex. III. in cap. nulla 2. de concess. praeb., et Innoc. III. in celt. cap. postulasti. Hac de re videsis dicta superius cap. V. num. 12., et inferius dicenda cap. VIII.

(3) De hoc indultu, agunt Germon. de indult. Card. §. per quae sublatis, et §. commendasse, Gonzalez ad Reg. 8. gl. 21. num. 36. et seq., Card. de Luca de benef. disc. 2., et 31., Rigan in Reg. 2. §. 3. num. 407., et seqq.

(4) Rota coram Puteo dec. 164. lib. 3, Coccin. dec. 870. num. 19., et 20. Achill. de Grassis, dec. 1. de off. ordin. Paris. de resignat. lib. 7. qu. 12. num. 24.

(5) Rota dec. 422. par. 1. divers. et DD. apud Rigan. loc. cit. num. 411.

(6) Ex supradictis cap. 5. num. 43.

(7) Bened. XIV. in const. cum sicut accepimus 12. to. 1. Bullar. Si quis vero Cardinalium indultum impetrare omiserit, neque acceptaverit, et beneficia non reservata malit in cunctis mensibus duodecim conferre vigore exceptionis eorum a Regula IX: locum tunc non esse reservationi Sedis Apostolicae, monet Rigan. to. 2. pag. 89. num. 84.

(8) Ex Rigan. in Reg. IV. Canc. §. 3. num. 34.

XVIII. Hactenus dicta patefaciunt, quomodo, quibus, et quando Cardinales debeant speciatim reservationibus apostolicis Regularum Cancellariae obtemperare. Ceterum Regula LXX. eos generatim eximit declarando: quod in quibuscumque constitutionibus, et Regulis per Sanctitatem Suam edendis non comprehendantur, neque comprehensi censeantur ipsi Cardinales, nisi illae eorumdem Cardinalium favorem concernant, vel constitutiones edendae de eorumdem Cardinalium, vel maioris partis eorum consilio editae fuerint, seu in eisdem Regulis, et constitutionibus facta fuerit ipsorum Cardinalium expressa mentio.

XIX. Sex Cardinales Episcopi suburbicarii, alique Cardinales diaconi, et presbyteri quasi episcopalem iurisdictionem habentes in Ecclesiis titularum suorum (1) privilegio fruuntur, donec in Urbe, seu in Curia Romana resideant, conferendi beneficia in eisdem Episcopatibus, et Ecclesiis fundata (2), quamvis per obitum in Curia, et apud Sedem quaecumque vacantia. Quamdiu vero absentes inde fuerint ob quamlibet causam, vel necessariam, vel de licentia Papae, quamvis intra duas diebus, vel in dioecesis episcopatibus sibi commendatis moram faciant (3): ipso facto eis adimitur per Cancellariae Regulam VIII. vicaria conferendi potestas, quam eis Papa Urbis Episcopus, et ordinarius Collator sub conditione residentiae indulget (4). Attamen absentes a Curia ex permissu Pontificis Cardinales consueverunt in aliis episcopatibus praeter suburbicarios beneficia conferre vigore communis indulti, et id palam exprimentis (5). Nam unica reservatio beneficiorum scilicet vacantium in Urbe, seu apud Sedem, et in Curia videtur in gratiam Cardinalium titularium adempta generatim: nisi malueris cum Germonio, et aliis (6) dicere ea non vacare apud Sedem, sed iure ordinario a Cardinalibus conferri. Dum ea vero duplicem subeant reservationem coaequalem, locum non esse indulto Cardinalis adfirmat cum Rota Riganlius (7). Mox continuo addit, et pluribus comprobatur auctoritatibus collationem beneficiorum eiusmodi vacantium per obitum Curialis pertinere ad Papam. Si ita se res habeat: non duplex reservatio coaequalis, sed una vel inaequalis indultum istud excludit. Quandoquidem Cardinalis titularis, nisi obtinuerit speciale indultum conferendi reservata, ipsum ea conferre non posse, tametsi unica reservatio

(1) Honor. III. in cap. his, quae 11. de maiorib., et obed.

(2) Germonius de indult. Card. §. ium ratione num. 14. Rigan. in Reg. VIII. Canc. §. 1. num. 133. Eiusmodi facultatem a iure communi repetunt Fagnanus in cit. cap. his, quae num. 22. Chochellius de notitia Card. cap. 16. privil. 14. vers. collationum, et Card. de Albiensis discept. 1. num. 51.

(3) Card. de Luca de benef. disc. 142. num. 12. Nam Alexander VII. an. 1655. decrevit delendam ex Reg. VIII. eam clausulam, non tamen ob servitium Sedis Apostolicae, et cum licentia Sanctitatis Suae, vel apud eorum Ecclesias residentium. Quamque successores Pontifices hanc ipsam clausulam omittere in suis Regulis ad hanc usque aetatem consueverint: mens eorum inde arguitur nullam omnino causam absentibus a Curia Cardinalibus suffragari ad retinendum ius collationis.

(4) Card. de Luca de benef. disc. 133. num. 14. Confer huc dicta superius cap. V. num. 42.

(5) Ex supradictis num. 9.

(6) Apud Rigan. in Reg. 1. Canc. §. 1. num. 119.

(7) Rota dec. 599. num. 28. par. 18. rec., Rigan. loc. cit. num. 120.

obvenerit ratione mensis ex obitu beneficiarii urbani extra Curiam in mense apostolico, scribit idem Rigantius (1) ex rebus pluries iudicatis. Quoniam vero explorati iuris est, quod Cardinales omnes generatim excipiat a reservatione mensium ipsamet Regulae IX. littera, et beneficia Urbis nec expressim, nec tacite comprehendat: satis non video, cur beneficiariis Ecclesiarum Urbis extra Curiam in mense apostolico decedentibus, et beneficia tunc valeant Cardinales titulares conferre, alio indigeant indulto.

XX. Trium basilicarum Urbis patriarchalium S. Io. Lateranensis, S. Petri, S. M. Maioris beneficia maiora (scilicet canonicatus, praebendas, dignitates, personatus, et officia Sedi Apostolicae reservata speciatim esso per Regulam VIII: quum Papa sit proprius earum Ordinarius: Archipresbyteros vero Cardinales una cum Capitulis Canonicorum ex peculiaribus indulti conferre cetera beneficia inferiora, quum in eisdem basilicis existentia, tum quae alibi extra Urbem ad eas pertinent, iam dictum superius est (2). Istaec autem collatio est inter Archipresbyteros, et Canonicos non eodem modo, sed variae divisa. Nam vetusta basilica Lateranensis consuetudo, vel concordia collationem beneficiorum intra basilicam Cardinali Archipresbytero, aliorum extra Urbem Canonicis tribuebat. Nunc omnium utriusque generis beneficiorum collatio intra, et extra Urbem ex nupera Innocentii XII. constitutione communis est Archipresbytero cum Canonicis, diviso tantum exercitio per alternas hebdomadas. Communio haec proprietaria collationis conservat Cardinali Archipresbytero integrum ius accrescendi, seu non decrescendi, ad eumque transfert collationem, quoties reservatio, vel aliud obstaculum Capitulo impedit eam explere in hebdomadis Canonicorum (3). In duabus aliis basilicis, et exercitum, et proprietatem iuris conferendi complectitur constituta hebdomadarum divisio. In Vaticana S. Petri alternatim Archipresbyter intra unam, Canonici intra hebdomadam alteram, quae a vespera Sabbathi ad alterius Sabbathi vesperam praecurrit, vacantia beneficia conferunt ex aequo (4). Sed in basilica S. M. Maioris ob inaequalem divisionem Archipresbyter confert vacantia in duabus hebdomadis, Capitulum in tertia quaque hebdomada, quae a media praecedentis Sabbathi usque ad sequentis Sabbathi mediam quoque noctem intercedit (5). Divisa vero proprietas inter eos consortium, et communionem, et reciprocum accrescendi ius quum excludat omnimodis: fit exinde, ut Cardinales vigore indulti paullo superius expositi nequeant manum extendere suam ad reservata in hebdomadis Canonicorum vacantia, quae Papa confert (6).

XXI. Legatis quoque non Cardinalibus, ac Nunciis, aliisque Praelatis conspicuis consueverunt Pontifices ad libitum suum collationes beneficio-

(1) Idem *loc. cit.* num. 122, et 123.

(2) *Cap. V. num. 42.* De his privilegiis, et indultis agit Cohellius *loc. cit.* §. verum.

(3) Rigant. in *Reg. VIII. §. 1. num. 21 ad 23.*

(4) Rigant. *ibidem.* num. 16.

(5) Quod constitutio Pii IV. in ea divisione hebdomadarum in basilica S. M. Maioris proprietatem affecerit, consortiumque ita excluderit inter Archipresbyterum, et Canonicos, fuse tradit Rigant. in *Reg. 2. Canc. §. 3. num. 172. 180. 195., et 293.*

(6) Rigant. in *Reg. VIII. cit.* §. 1. num. 16. ad 20.

rum delegare intra fines provinciae eis demandatae (1). Etsi enim Cardinales a latere Legati ordinariam potestatem sibi communi iure tributam habeant conferendi beneficia etiam reservata, et affecta (2), exceptis in Curia vacantibus (3), nec non devoluta ad Sedem Apostolicam (4), locorumque Ordinarios dioecesanos ea in re praeveniendi etiam per specialem reservationem (5); simul et praesentatos a patronis ecclesiasticis instituendi, secus a laicis (6), tamen simplices Legatos quum missos, tum natos ex ipsius legationis munere nullam habere potestatem conferendi beneficia; nisi eam alicui ipsorum Papa specialiter duxerit indulgendam, Innocentius IV. aperte declaravit (7). Huiusmodi indulto numquam potitos Nuncios pontificios in hoc Regno Neapolitano res est exploratissima.

XXII. Reges tandem supremosque principes beneficia aliquot ecclesiastica, regio praesertim aere fundata, et dotata conferre iure extraordinario, nimirum ex privilegio Sedis Apostolicae vel expresso, vel praesumpto, usus condocet praeis, et recentibus auctoritatibus, et exemplis comprobatus. Innocentius III. refert, quod decanatum, et praebendas Ecclesiae S. Petri de Curia in civitate Cenomanensi Rex Anglorum, et progenitores sui, qui eam de bonis suis fundaverant liberam, et exemptam, conferrebant dioeceseo Episcopo inconsulto (8). Idemque Pontifex causam, quas inter Ariensem Praepositum, et Comitissam Flandrensem super donatione (libera scilicet collatione) sex praebendarum sacerdotalium agitabatur, apostolicis delegatis iudicandam commisit (9). Eidem vero Comitissae Flandriae Mathildi, quae suo in praedio dotati Ecclesiam extructura, et ius patronatus, et praebendarum collationem in ea sibi, suisque successoribus reservari in limine foundationis expetiverat Innocentius ipso III., concesso dumtaxat patronatu, noluit collationem praebendarum indulgere (10). Tum epistola Honorii III. habet: quod Decanus Andegavensis ex

(1) Ex traditis lib. 1. Inst. Canonice. tit. 22. de Legatis, et Nuntiis num. 10., et 19.

(2) Innoc. IV. in cap. officii 1. de offic. legati in VI.

(3) Clem. IV. in cap. licet 2., et Bonif. VIII. in cap. praesenti de praeb. in VI.

(4) Innoc. III. in cap. litteras 4. de suppl. neglig. Praelator. Greg. IX. in cap. venerabilis 37. de praebend. Bonif. VIII. in cap. quomodo 38. de praebendis in VI. Glossa in cap. 1. de offic. legati in verb. ampliori.

(5) Bonif. VIII. in cap. praesenti 3. de offic. leg. in VI. et in cap. si apostolica 12. de praebendis in VI.

(6) Innoc. III. in cap. dilectus 6. de offic. legati, idemque in cap. cum dilectus 28. de iurep. Bonif. VIII. in cap. deliberatione 4. de offic. leg. in VI.

(7) Innoc. IV. in eod. cap. officii 1. de off. leg. in VI.

(8) Innoc. III. ad Decanum, et Capitulum Cenomanensem in cap. cum inter vos, 6. de consuetudine. Gregorianus textus Decretalium recitata verba non habet in mutilo fragmento decretali Innocentii, at ea in lucem praeiit Emmanuel Gonzalez, integriorem hanc epistolam exscribens.

(9) Idem Ian. III. in cap. dilecto filio 4n. de testibus. Max quod archidiaconatum conferret Princeps Aethiopiae, adprobavit ep. 28. lib. 13. reg.

(10) Epistola haec Innocentii III. ad Mathildem Comitissam Fland. 3. ex lib. reg. ep. 192. apud Emm. Gonzalez in cap. praeterea 4. de iurepatr. num. 7. ita se habet: Oblata quidem nobis ex tua parte petitio continebat, quod cum in quodam loco cui dotatili Nepa nomine ad honorem Dei Ecclesiam fundare proponas, et de bonis tuis sic plena manu dotare, quod Canonici, qui Deo ibidem pro tempore

donatione Regis praebendarum eiusdem Ecclesiae collationem haberet (1). Et alia quod Comitissa Flandrensis fecerit promissiones de non vacantibus beneficiis ecclesiasticis, in quibus ius obtinet patronatus, et donationes eorum in manibus posuerit alienis (2). Gregorius IX. epistola ad Fridericum II. Imp. data anno 1236. ius conferendi beneficia ecclesiastica in eo agnovit: non item committendi curam animarum illis adnexam (3).

XXIII. Quum ita se res habeant, cave putes absurdam in laicis principibus istam conferendi potestatem, quia spiritualem. Indulto enim Pontificio bene lit, ut laicus spiritualis potestati incapax eam, quae non ab Ordine sacerdotali per impositionem manuum, sed ab ecclesiastica iurisdictione profluit, et mandari seiunctim a sacra ordinatione consuevit vicario iure exerceat, velut instrumentum Pontificis, et collatoris ecclesiastici nudus minister, aut procurator (4). Qui Reges instar sacerdotum oleo sacro inunctos inde spiritualis potestatis capaces opinantur, nil omnino efficiunt: sat enim constat sua ex unctione difformi Reges nulla sibi iura Sacerdotii adquirere (5). Nec scopum attingit Carolus Molinaeus aiens, quod huiusmodi canonicatus, sacella, et similia beneficia ad meram, et perpetuae Regis collationem spectantia magis saecularia, et profana beneficia sunt, quam ecclesiastica, quameis nonnisi clericis, quos tonsuratos vocant, conferantur: quia talibus ex voluntate Regis fundatoris destinata sunt. Unde non habent de se ullam administrationem clauum, vel Sacramentorum (6). Ilac enim opinatione videtur is non capere satis neque naturam simplicis beneficii ecclesiastici nullam habentis curam animarum, Sacramentorumque administrationem, nec regias praerogativas in collationibus ecclesiasticis beneficiorum quorumlibet etiam curatorum.

servirent, necessaria vitae non desint, ius patronatus, et praebendarum collationem in ea sibi, ac successoribus tuis reservari petebas. Quorum primum admittimus, secundum vero non duximus concedendum, quum non expediat saluti id concedi. Quia cum devotione te asseras assumpsisse propositum in loco praedicto Ecclesiam construendi: adquires eo plus animae, quo minus in ea corpori reservabis. Unde devotionem tuam exhortamur in Domino, quatenus illud perficere studeas, quod ad tuam salutem, et ecclesiasticam pertinere dignoscitur honestatem.

(1) Honor. III. ad Episc. Priorem, et Archidiaconum Macloviensem in cap. *dilectus filius* 34. de praebendis.

(2) Item in cap. cum dilecta 16., et ult. de concess. praeb.

(3) Roynaldus ad an. 1239. num. 14. hoc fragmentum ex epist. 398., et 253. Greg. IX. ad Frider. II. habet: *Esto quod aliqua beneficia vacantia conferas: ut curam tamen animarum illis adnexam committere valeas, ius spirituale, quod non cadit in laicum, non permittit, et in locum viventium, quos de gradu suo nec propria culpa, nec sui iudicii sententia deiecit, aliis substitui, ius datum coelitus interdicit.*

(4) Bonifacius VIII. quum laicum procuratorem ad agendum, et defendendum in causis spiritualibus admittat in cap. 1. de procurat. in VI. Glossa marginalis in eod. cap. addit, quod renunciando etiam, vel acceptando beneficio idoneus procurator sit laicus nudi ministri personam gerens in eiusmodi spiritualibus. Idipsum firuat cum Decio, et aliis Fagnanus in cap. causam 8. de elect. num. 15., et in cap. contingit 8. de arbitrio num. 29.

(5) Ex traditis lib. 3. Instit. Canonie. tit. 19. 21., et seq.

(6) Car. Molinaeus damnatus auctor in Reg. de infirmis resignantib. num. 416.

XXIV. Itaque regia beneficiorum collatio ex privilegio, indultoque Romani Pontificis vel praesumpto repetenda est. *Expressum* dicimus, quoties liquet principem Ecclesiae fundatorem cum adensu pontificio patronatum una cum iure conferendi in ea sibi, suisque successoribus reservasse. *Praesumptum* oritur ex longaeva observantia: ubi scilicet ab immemorabili tempore consueverint Reges arbitrio suo beneficia, et Ecclesias regii patronatus conferre inconsultis, quum Episcopis dioecesanis, tum Romano Pontifice. Nam consuetudo immemorabilis coniecturam facit legitimam privilegii apostolici, seu iuris conferendi in limine fundationis reservati, et obtenti (1).

XXV. Hoc in Regno Neapolitano regiam collationem beneficiorum regii patronatus ex privilegio quidem apostolico derivant nostri (2), quod in primis ostendunt publica monimenta, in regis archivis permanentia, vel ex inveterata plurium saeculorum consuetudine conicitur (3). Redundant plane tabularum codices et acta publica regis rescriptis, et diplomatibus, per quae Svevi, Andegavenses, Aragonii, ceteri subsequenti Reges Neapolitani pleno iure contulerunt conspicuas dignitates quasi Episcopales, Archipresbyteratum Altimuranum, et Prioratum S. Nicolai Bariensis, tum Abbatiam S. Egidii Altavillae, et insuper Canonatus tam Capituli Lucerini alternatim cum Episcopo, quam S. Nicolai Bariensis alternatim cum Priore, cetera inferiora beneficia in variis Regni dioecesibus posita nedom simplicia, sed adnexam quoque habentia curam animarum (4).

(1) Fagnanus in *cap. consuetudines* 1. *de consuetud.* num. 34. et *seq.* cum Felino, Probo, Auferrio, Baldo, et Rota coram Crescentio, et Puteo in primis affirmat laicum ex consuetudine immemorabili posse ius ecclesiastica beneficia conferendi acquirere, secundum regulas iuris communis: negat ex nova Urbani VIII. const. *Romanus Pontifex*, edita die 5. Iunii 1641., qua improbantur quaevis attentata quum a ministris Sedis Apostolicae, tum a baronibus, et feudatariis contra libertatem, et iurisdictionem ecclesiasticam. At Urbanus nullum de Regibus verbum fecit.

(2) Io. Seneca auctor glossae in *comm. ad Gratianum in can. 1. Causa* 16. *qu. 7.* observat laicis non competere investituras beneficiorum, nisi auctoritate Papae habeat laicus investituras, sicut Rex Apuliae. Andreas de Isernia in *proem. constit. Regni* num. 50. contestatur quod Neapolitani Reges olim non modo praesentabant, sed et investiebant clericos de beneficiis ecclesiasticis, et illis haec conferebant per privilegia papalia, quae possunt hoc concedere laico. Minadous in *repetit. const. in aliquibus verb. Comitum, et Baronum* scribit in eodem regio patronatu cum iure conferendi Regem fungi vice Pontificis, et Ordinarii. Marchio Fallenti *ragionam*. 6. *ad litt. P.*, ea in re legatum Papae Regem nuncupat, iure non suo, sed a Papa accepto beneficia conferentem.

(3) Alexander Tartagna de Imola *to. 4. cons. 74. num. 10. Reges, et Principes saeculares*, ait, qui ex consuetudine, de cuius initio memoria non existit, habent potestatem conferendi in regnis suis praebendas, istud possunt facere: quia talis consuetudo tribuere videtur sibi privilegium. Et potest etiam poni exemplum in Rege Apuliae.

(4) Syllabum Ecclesiarum, beneficiorumque regiae quum collationis, tum praesentationis videsis apud B. Chiocearell. *archip. tom. 6. Scipion Marzella descrizione del regno di Napoli pag. 889.* et Abbatem Troyli *to. 4. dell' ist. di Nap. par. 2. cap. 3. §. 1. num. 10., et seq.*

XXVI. Tanta tot indulgitorum varietas efficit, ut collator quisque privilegiarius formam indulti sui observare adamussim debeat, eiusque fines nullatenus transilire (1). Cumque cuiuslibet privilegii nativa indoles Iuri communi adversetur (2), strictamque postulet interpretationem: illud nequit de uno ad alium casum vel consimilem extendi (3). Quoties propterea ex verbis ambiguis, vel defectivis dubium emerit probabile, utrum haec, vel illa facultas indulto comprehendatur: sententia negans tunc tenenda est, exclusoque indulto sequi regulas Iuris communis oportet (4). Hinc facile conicitur, cur Cardinales, ac Reges vigore indulti beneficia conferentes nequeant super illis perpetuas pensiones reservare, neque resignationes in favorem certae personae admittere, quae duae res ad Sedem Apostolicam pertinent.

C A P. VIII.

De ordinariis collatoribus.

- I. *Ex priscis canonibus, et legibus Episcopi sunt nativi, et ordinarii beneficiorum collatores.*
- II. *Suamque potestatem ratione tripliæ adnexæ Ordini Episcopali tuentur communi regula Iuris, quæ tamen limitatur apostolicis reservationibus, et privilegiis, et patrónatibus.*
- III. *Regulae huic semper locus erit, nisi ex adverso probetur aliqua istarum exceptionum.*
- IV. *Capitula Cathedralium communem cum Episcopis collationem Iure generali, nunc speciali ex privilegio, statuto, et consuetudine habent variam.*
- V. *Quota vocum Episcopi, et Capituli ex eodem iure vario, et speciali definienda est.*
- VI. *Per vicem inter Episcopos, et Capitula divisum alicubi est exercitium, vel proprietas iuris conferendi.*
- VII. *Poenitentiaris, ac Theologi prae bendae ab Episcopo solum conferuntur.*
- VIII. *Inferiores Praelati sunt etiam collatores ordinarii.*
- IX. *Ut Archidiaconi olim, ita Vicarii nunc Episcoporum instituti.*

(1) Innoc. III. in cap. cum dilecta 22. de rescriptis, Paulus in l. diligenter 5. D. mandati.

(2) Ius singulare est, quod contra tenorem rationis propter aliquam utilitatem auct. constituentium introductum est, Paulus ait in l. 15. d. de legibus.

(3) Greg. IV. in cap. P. et G. 40. de offic., et pot. deleg. et cap. significante 34. de rescriptis. Quae a Iure communi exorbitant, nequaquam ad consequentiam sunt trahenda, Bonif. VIII. ait in cap. quae a Iure 28. de reg. Iur. in VI. Consonant Paulus in l. quod vero contra rationem Iuris 14. et Iulianus l. in his 15. De legibus.

(4) Greg. IX. in cap. abbatem 40. de rescriptis.

tionem agunt in beneficiis iurispatronatus, non collationem liberam sine mandato speciali.

X. Vicarius Capituli Sede vacante pariter instituendi, non conferendi ius habet.

XI. Collegio Cardinalium in conclavi etiam interdicta collatio est.

XII. Intra sex menses neglecta collatio ad alium devolvitur collatorem, ordinarium scilicet Superiorem.

XIII. A Capitulo negligente ad Episcopum fere semper, ab Episcopo ad Capitulum aliquando fit devolutio.

XIV. Devoluta ut Metropolitanis conferant, iudicium devolutionis debet rite praerire.

XV. Quod Sedes Apostolica solet executoribus litterarum expresse mandare.

XVI. Post devolutionem irrita est Ordinarii collatio.

XVII. Legati a latere, natiqve devoluta conferunt.

XVIII. Reservata, et affecta ad inferiores a Papa numquam devolvuntur, exceptis parochialibus.

I. Dioecesis Episcopis generatim quum prisci canones, ac leges dederint potestatem administrandi Ecclesias, capellasque omnes intra suos cuiusque fines, earumque praebendas, et officia distribuendi (1): eos inde ordinarios beneficiorum collatores in primis iura ipsa denominant. Ex canone Concilii Antiocheni an. 341, quaecumque res Ecclesiae sunt, convenit... gubernari, et dispensari cum iudicio, et potestate Episcopi, cui totius plebis animae videntur esse commissae (2). Omnes basilicae, quas per diversa loca constructae sunt, vel quotidie construuntur, placuit secundum priorum canonum regulam, ut in eius Episcopi potestate consistent, in cuius territorio posita sunt, ait Synodus Aurelianensis (3). Omnia secundum constitutionem antiquam ad Episcopi ordinationem, et potestatem pertineant, ex canone Concilii Toletani III. an. 589. (4). In Synodo Cabilonensi I. an. 650. quoque decretum est, ut omnes Ecclesiae cum dotibus suis, et decimis, et omnibus iuribus in Episcopi potestate consistent, atque ad ordinationem suam semper pertineant (5). Urbani II. epistola haec habet: Episcopus omnia sui episcopatus membra, videlicet archidiaconatus archipresbyteratus, decanias, vel aliquas praeposituras, Ecclesiae suae canonicas gratis absque omni venalitate distribuat (6). In Concilio Melphita-

(1) Videsis can. 37. vulgo Apostolorum, tum alios apud Gratianum C. X. qu. 2., quos indicavi superius cap. 1. num. 16., et cap. 6. num. 1.

(2) Conc. Antiochen. in can. quaecumque res 5. C. 10. qu. 1.

(3) Syn. Aurelianens. an. 511. in can. omnes basilicae 10. C. 16. qu. 7. Consonant eiusdem Synodi in can. de his 7. et can. antiquos canones 8. C. 10. qu. 1.

(4) Tolet. III. in can. sic quidam 2. ead. C. et qu., et Tolet. IV. in seq. can. novorint. 6.

(5) Cabilon. I. in can. decretum est 3. ead. C. et qu. lisdem fere verbis idipsum firmavit Carolus M. lib. 7. capitular. cap. 368.

(6) Urbanus II. creatus Pontifex an. 1088, ep. 15.

no an. 1089. sub eodem Pontifice simul cautum : ut *praeposituras Ecclesiarum, sive canonicas praebendas etiam, quae canonicatus dicuntur, Episcopus sine venalitate distribuat* (1). Concilium Lateranense I. sub Callisto II. an. 1123. insuper sanxit : ut *secundum Apostolorum canones omnium negotiorum ecclesiasticarum curam Episcopus habeat. Utque nullus omnino Archidiaconus, aut Archipresbyter, aut Praepositus, vel Decanus animarum curam, vel praebendas Ecclesiae sine iudicio, vel consensu Episcopi alicui tribuat: immo sicut sanctis canonibus constitutum est, animarum cura, et rerum ecclesiasticarum dispensatio in Episcopi iudicio, et potestate permaneat* (2). Alexander III. Cantuariensi Archiepiscopo rescripsit extirpandam radicibus fore pravam consuetudinem, quod clerici ecclesiastica beneficia sine consensu Episcopi diocesis, vel officialium suorum, qui hoc de iure possunt, recipiant : minus quam deceat cogitantes, quomodo id a sanctorum Patrum est institutionibus alienum (3).

II. Sacra clericorum ordinatio, cura animarum primaria, Ecclesiarumque fundatio, et erectio, quae omnia sunt iuris Episcopalis, ordinariam eiusmodi collationem beneficiorum singulis Episcopis ab initio vindicarunt. Coniuncta primum sacrae Ordinationi mancipatio clericorum ad inserviendum certae Ecclesiae, procul dubio effecit, ut unus, idemque Episcopus Ordines quum minores, tum maiores conferret, ordinatisque ministeria sacra, et officia cum adnexis praebendis, ac stipendiis distribueret. Mox animarum cura superior postulavit, ut Episcopus quisque suos coadiutores, et subministros ad eam exercendam necessarios, periculoque suo idoneos diligeret, rationem Deo redditurus de omnibus totius gregis dioecesani capitibus. Tandem cultus Ecclesiarum, clericos, diaconos, presbyteros eisdem famulaturis ab iis quoque ipsis expetivit, qui eas auctoritate sua, suorumque praedecessorum fundatas erexerunt, et dedicarunt. Propterea Episcopi bene fundatam in iure communi intentionem suam habere vulgo dicuntur, scilicet ex generali regula iuris praesumitur ad eos ordinariam pertinere potestatem conferendi omnia, et singula beneficia intra suarum dioecesium fines: iis tantum exceptis, quae vel sibi Apostolica Sedes reservavit (4), vel aliis extra ordinem conferenda ex privilegio, seu indulto speciatim concessit (5), vel consuetudo inveterata ad inferiores transtulit collatores (6), vel coaequales (7), aut voluntas

(1) Conc. Melphitanum. an. 1089. can. 1.

(2) Conc. Lateran. I. sub Callisto II. can. 4. 7.

(3) Alexand. III. in cap. ex frequentibus 3. de institutionibus.

(4) Liqueat ex supradictis cap. 5.

(5) Ioannes IV. Syracusano Episcopo rescribens in can. *visis litteris* 1. C. 16. qu. 2. definit in Ecclesiis monachorum pleno iure exemptis ad Abbates, non ad Episcopos pertinere institutionem, investituramque presbyterorum. *Divinae enim leges habent, et saeculares, ait, ut cuius est possessio, eius sit institutio. . . . maius enim fuit possessionem dare, quam sit investituram concedere.* Pariter Alex. III. in cap. cum ei plantare 3. §. in Ecclesiis de privileg. in Conc. Later. decrevit, presbyteros in Ecclesiis templariorum, aliorumque regularium exemptorum, quae ad eos pleno iure pertinent, non debere Episcopis representari: secus in aliis non pleno iure exemptis.

(6) Inn. III. in cap. cum venissent 6. de institut.

(7) Bonif. VIII. in cap. Episcopum 1. de praescript. in FI.

fundatorum patronatui subiecit, eligendi, seu praesentandi iure patronis, vel ecclesiasticis, vel laicis ealenus reservato, ut nonnisi electos ab iis, vel praesentatos idoneos cogantur Ordinarii locorum instituere (1).

III. Haec Iuris regula tales patiens limitationes efficit, ut in rebus dubiis qui suam esse collationem extraordinariam, vel electionem, aut praesentationem contendunt, quotiescumque probationibus plenis, clarisque documentis in iudicio petitorio non ostenderint privilegium, vel consuetudinem rite praescriptam, vel iuspatronatus, contra eos pro episcopali potestate sit ferenda sententia (2). Alexander III. autem rescripsit Archidiaconum Richemundiae esse in plena possessione instituendi, aliorumque iurium tuendum, donec probatum legitime fuerit ex adverso, num ea praedecessori Archidiacono Archiepiscopus Eboracensis personaliter ad vitam, an perpetuo concessisset cum consensu Capituli (3): ex eo iuris civilis axiomate, seu retinendae possessionis interdicto: *uti possidelis, ita lite pendente possideatis*.

IV. Quum vetusto proverbio dicebantur Canonici Cathedralis Ecclesiae membra, et caput Episcopus, ita unum corpus Capituli simul efficere. ut adigerentur Episcopi cuncta Ecclesiae negotia tractare cum totius olim Cleri, mox Capituli consilio, vel consensu (4): communem propterea cum Episcopis collationem quoque praebendarum et beneficiorum habebant olim Capitula Cathedralium ex ea ipsa Iuris regula (5). Sed processu temporum communionem eiusmodi aegre ferentes Episcopi suam explere iurisdictionem consueverunt inconsulto Capitulo, perinde in ceteris rebus (6); atque in collationibus beneficiorum (7), Praelatique dignitatem singularem sibi

(1) Conferenda huc sunt quae iam exposui in tract. de iurepatr.

(2) Qui excipit, probare debet quod excipitur: Celsus Ietus. docent in l. si patetum g. De probat. Et cum Ulpiano, in exceptionibus dicendum est reum partibus actoris fungi oportere, ipsamque exceptionem, velut intentionem implere, l. in exceptionibus 19. D. eodem.

(3) Innoc. III. in cit. cap. cum venissent 6. de instit.

(4) Alex. III. in cap. novit 4., et cap. quanto 5. de his, quae sunt a Prael. sine cons. Capit. Inn. III. in cap. tua nuper 8., et cap. pastoralis. 9. eod. tit. S. Leo M. ad Siculos Episcopos de rebus Ecclesiae distrahendis rescribens in can. sine exceptione 52. C. 12. qu. 2., ait: cum totius Cleri tractatu, atque consensu id obligat, quod non sit dubium profuturum Ecclesiae. B. Hieronymus in can. olim idem erat 5. dist. 95., Episcopi noverint se, ait, magis consuetudine, quam dispensationis dominicae veritate presbyteris esse maiores, et in commune debere Ecclesias regere.

(5) Alex. III. in cit. cap. novit 4. decrevit institutiones, et destinationes personarum ecclesiasticarum sine consilio fratrum a Patriarcha Hierosolymitano factas fore irritas. Innocentius III. in cap. tua nuper 8. eod. tit. de his, quae sunt a Praelat., itidem rescripsit Episcopum non posse absque Capituli consensu Ecclesias in perpetuum aliis Ecclesiis concedere.

(6) Synodo Agathensi in can. terrulas 53. C. 12. qu. 2. placuit, ut terrulas Episcopus sine consilio fratrum, si necessitas fuerit, distrahendi habeat potestatem. Quamvis ex Cone. Carthag. in can. placuit 51. ead. C. et qu. Episcopis non liceret generatim vendere praedia Ecclesiae inconsulto Concilio, vel cuncto presbyterio. Bonifacius VIII. in cap. non est 3: de consuetud. in VI. declaravit non esse consuetudinem reprobandam, quod Episcopus in inquirendis, puniendis, et corrigendis subditorum excessibus consilium sui Capituli requirere minime teneatur.

(7) Coelestin. III. in cap. ea nescitur 6: de his, quae sunt a Praelat. sine cons.

salis vindicarunt neglectis communibus primi Canonici iuribus (1). Itaque ab Ordinario conferendi iure et consortio Episcoporum, exclusis Capitulis Cathedralium in plerisque dioecesium praesertim Italiae (2): paucae nunc Ecclesiae sunt, in quibus Capitula ipsa non iure amplius generali, sed speciali tantum, eoque vario pro variis locorum statutis, pactisque foundationum, vel privilegiis, vel consuetudinibus potestatem habent conferendi beneficia in quatuor mensibus Ordinariorum, aut communem cum Episcopis, aut privatam sine ullo Episcoporum suffragio (3). Ut enim Praelatis licuit eodem singulari iure, et consuetudine ad sese avocare omnimodam collationem Capitulis amotis (4): ita vicissim Capitula potuerunt eam adipisci, seu retinere, vel ademptam Praelatis, vel ab iis neglectam (5).

V. Communem ubi collationem Episcopus una cum Capitulo habeat. necesse quidem non est, ut ipse coniunctim cum Canonicis in collegio conveniat ad electionem collationemque celebrandam: sed satis erit, si ad suffragia Canonicorum in collegio prolata vel unanimiter, vel maioris partis Chorum in unum consentientis accesserit ex intervallo in diversis etiam loco, et tempore consensus Episcopi (6). Quoties autem Episcopus a Capitulo dissentiat, de quota votorum alterutrius disputari tunc solet.

Capit. rescripsit: ex antiqua, et probata consuetudine, vel concessa libertate fieri posse, ut Praelati in Ecclesiis, seu beneficiarum collationibus nullum Collegii, seu Capituli consensum debeant requirere.

(1) Innoc. III. in *cap. postularis* 15. *de concess. praeb.* palam distinguit, num Archiepiscopus simul cum Canonicis habeat ut Canonicis communem praebendam donationem, seu collationem, an seiunctam ab eis, ut Praelatos.

(2) Saeculo XIV. Ioannes XXII. in *extravag. execrabilis un. de praeb.*, et *dignit. §. ceterum sin.* edixit ordinarios beneficiarum collatores intelligi dioecesanos tantum Episcopos, et Ecclesiis Cathedralibus vacantibus Capitula eorumdem.

(3) Innoc. III. in *cap. proposuit 4. de concess. praeb.* fert donationes, seu liberas praebendarum collationes ad Capitulum Cameracense pertinere. Hoc in Regno Capitulum Neapolitanum nonnulla beneficia intra basilicam S. Restitutae fundata, quae de mensa Capituli dicuntur, confert Archiepiscopo inconsulto: cetera omnia quum in eadem basilica, tum in tota dioecesi Archiepiscopus solus inconsulto Capitulo, exceptis canonicatibus Ecclesiae Cathedralis, quorum collationem in quatuor mensibus ordinariis communem, et promiscuam simul habent Archiepiscopus, et Capitulum. Insuper Capitulum Trivicanum canonicatus, et dignitates Ecclesiae Cathedralis inconsulto Episcopo, alia cuncta beneficia solus Episcopus confert. Consumili iure Capitulum Beneventanum potiri tradit Rota coram Taya in Beneventana iuris conferendi, seu canonicatus die 4. Aprilis 1680. Alia insuper Capitula, scilicet Novariense, Patavinum, Brixiense eo ipso iure frui, ex multis Rotae, ac Doctorum testimoniis fert Riganus *to. 2. in par. 1. Reg. IX. Can. §. 3. num. 129*: ibique refellit Card. de Luca *de benef. disc. 1 num. 22.*, et *seq.* opinantem nulla reperiri Capitula, quae privatam eiusmodi collationem habeant.

(4) Ex Coelestino III. in *cit. cap. ea nascitur 6. de his, quae sunt a Praelatis.*

(5) Innoc. III. in *cap. cum Ecclesia 31. de elect. Episc.* Florentino rescripsit, quod in Thuse, generalis consuetudo servetur, ut in Cathedralibus Ecclesiis totum Capitulum irrequisito Episcopo eligendi Canonicos habeat facultatem. Bonifacius VIII. in *cap. 21 a Capitulo 5. de concess. praeb. in FI.* ponit, quod Capitulum alicuius Ecclesiae Canoniconum receptio, ac praebendarum collatio pertinebat.

(6) Ex *cap. 1., et 4. de his, quae sunt a maiori parte Capituli.*

Sed quaestionis decisio pendet potissimum a statutis cuiusque loci variis, vel a consuetudine, quae votum si duplex, vel unicum Episcopo tribuant, singulis vero Canonici unum coaequale: facilis tunc erit numeratio vocum, et consensio maioris partis in unum. At si tantam vim solius Episcopi votum, quantum omnia totius Capituli suffragia ex consuetudine, vel statuto obtineant, et Capitulum vel totum, vel maior pars ipsius ab Episcopo, tamquam Praelato dissentiat: eo casu nullus erit communi collationi locus (1). Nam divisio in duas ex aequo medietates, quod ad exercitium iure uno conferendi, alterutra earum seiuncta non sufficit ad illud unum integrum sufficiendum. Nec episcopale votum integrae medietati aequipollens poterit umquam augeri adhaerentibus suffragiis partis minoris Canonorum, quum hanc absorbeat eorundem pars maior (2).

VI. Ad evitandas hasce dissensiones mos inolevit ita dividendi per vices exercitium, vel proprietatem communis eiusmodi iuris, ut in una vacatione solus Episcopus, in altera Capitulum conferat, in tertia iterum Praelatus, in quarta mox Canonici, et sic deinceps redeunte gyro in aliis, quae subsequenter vacationibus (3). Diviso tantum exercitio viget ius accrescendi, seu non decrescendi: quoties nimirum in vice sua Episcopus impediatur vel absentia, morte, aliove casu conferre, ius conferendi ea etiam vice solidetur, atque ad Capitulum pertineat, et e contrario auspensi, vel impediti Capituli vices, puta in mensibus apostolicis expleat Episcopus fruens indulto (4). At divisa cum adsensu apostolico *proprietas* nullum dat locum iuri accrescendi: eamque ob rem vices Episcopi, vel suspensi, vel defuncti, vel absentis non Capitulum, sed Apostolica Sedes tunc implet (5). Ad hanc vero, vel illam divisionem, quae ex libera utriusque partis concordia, et voluntate oritur, nemo cogendus est (6): nam in re communi potior est conditio prohibentis ex regula Iuris (7).

VII. Canonici poenitentiarum officium, et praebendam a Capitulo numquam, sed ab Episcopo solo conferri Synodus Tridentina decrevit, imperans: ut in omnibus Cathedralibus Ecclesiis poenitentiarum aliquis cum

(1) Ex traditis a Gonzalez in *Reg. 8. Cane. 91. 43. num. 51.* ceteris DD. apud Rigan. in *Reg. 2. §. 3. n. 237. et seq.* Spectasse huc videtur Innocentius III. in *cap. postulantis 15. de concess. praeb.* dum rescribens de collatione praebendarum ad Capitulum simul, et Archiepiscopum Ebrodunensem in Gallis pertinente distinxit, num Archiepiscopus ut Canonici, an vero ut Praelatus ius conferendi cum Capitulo haberet. Consonat Bonifacius VIII. in *cap. a collatione 1. de appell. in VI.* Ei enim ut Canonico unam, vel duas voces in collegio tribuit reor, ut Praelato integram totius medietatem.

(2) Ex *cit. cap. 1. et seq. de his, quae sunt a maiori parte Capit.*

(3) Bonif. VIII. in *cap. cum in illis 16. §. ult. de praebend. in VI.* loquitur de beneficiis ad aliquorum collationem, vel communiter, vel divisionem spectantibus. Eamque divisionem hac in re comprobant Rota, et Doctores apud Rigan. in *Reg. 2. Canc. §. 3. num. 161. et seq. 183. et 192.*

(4) Bonif. VIII. in *cap. si ad Episcopum un. ne Sede vacante aliquid innovetur, Rigan. loc. cit. num. 227. 251. 254. et 258.*

(5) Confer huc dicta superius *cap. V. num. 43.*

(6) Rota in *Hispalensi divisionis simultaneae 11. Febr. 1697. coram Muto, et 4. Iunii 1700. coram Priolo, apud Rigan. to. 2. in par. 2. Reg. IX. §. 4. num. 42.*

(7) Bonif. VIII. in *cap. in re communi 56. de reg. Iur. in VI.*

unione praebendae proxime vacaturae ab Episcopo instituitur (1). Idemque servatur in provisione canonicatus, et praebendae theologiae, quam perinde ac alteram poenitentiarum, praevio concursu coram Episcopo, et quatuor examinatorebus etiam non synodalibus conferendam iussit nupera Benedicti XIII. constitutio (2).

VIII. Praelati inferiores quasi episcopalem iurisdictionem habentes, nulliusque dioecesis locorum Ordinarii accensentur instar Episcoporum inter ordinarios beneficiorum collatores in suis Ecclesiis, locisque exemptis erectorum (3).

IX. Eodem conferendi iure participes Archidiaconos olim fuisse tamquam vicarios Episcoporum natos plane constat (4). Nunc vero ad officiales Episcoporum mobiles translata eorum iurisdictione ordinaria, hi quidem ratione officii de iure possunt instituere in ecclesiasticis beneficiis de iurepatronatus electos, aut praesentatos a patronis (5): at beneficia liberae collationis Vicarius generalis, nonnisi de speciali mandato Episcopi, Praelatique sui conferre potest (6). Hinc ubi defecerit, vel non appareat ex litteris patentibus id speciale mandatum, nullius momenti erit collatio libera Vicarii cuiuslibet generalis (7).

(1) Trid. in cap. Apostolus S. sess. 24. de reform.

(2) Bened. XIII. in const. pastoralis, 14. Kol. Iunii 1725., quam habet appendix od Conc. Rom. eiusdem Pontificis num. 2.

(3) De his loquitur Bonifacius VIII. in cap. si soli Ordinario 6. de concess. praeb. in VI., et in cap. Ordinarii locorum, 3. de offic. Ord. in VI., et Clementina un. de concess. praeb. Innocentius III. in cap. cum ad nostram 7. et ult. de instit. rescripsit, ad Abbatem quendam ratione Abbatiae pertinere donationem, seu collationem tam custodiae, quam aliarum dignitatum, ac praebendorum in Ecclesia Patrinensi. Idipsum rescripsit priori Hostiensis, et Superiori S. Fridi in cap. ex tenore 13. de concess. praeb.

(4) Archidiaconis sexto saeculo tomquam ordinarii ius fuisse eligendi cum plebibus novum Archipresbyterum in locum ciecti, vel defuncti, eumque instituendi, tradit S. Isidor. in can. si in pluribus 20. dist. 63. Alexander III. in cap. super eo 15. de offic. de eleg. rescripsit Ecclesiae institutionem ordinariam ad Episcopum, vel Archidiaconum, vel Archipresbyterum pertinere. Idemque in cap. referente 7. de praebendis accepit, quod Archidiaconus noam ex duabus Ecclesiis a quodam Presbytero retentis ei odemerot, et alii presbytero contulerat.

(5) Alexander III. in cap. ex frequentibus 3. de institutionibus Contuariensis Archiepiscopo rescripsit clericis non licere beneficia ecclesiastica recipere sine consensu Episcopi dioecesis, vel officialium suorum, qui hoc de iure possunt.

(6) Innocentius III. in cap. constitutus 11. de concess. praeb. probavit, ratamque hobuit Canonico delegatam ab Episcopo Laudunensi potestatem conferendi praebendam primo vocaturum. Non potest quis per alium, quod potest facere per seipsum, inquit Bonifacius VIII. in cap. potest 68., et cap. qui facit per alium 72. de reg. iur. in VI. Et quoniam absentes a Curia Cardinales non possunt per sese beneficia in suis titulis vacantibus conferre: nec enim id eis licet per Vicarios inibi relictos agere sine speciali indulto, ex traditis o Rignano in Reg. 2. Can. §. 3. num. 49.

(7) Cum in generali concessione nequaquam illa veniant, quae quis non esset verisimiliter in specie concessurus, nec regulariter donare valeat is, cui bonorum administratio etiam libera est concessa: Officialis, aut Vicarius generalis Episcopi beneficia conferre non possunt, nisi beneficiorum collatio ipsis specialiter sit commissa, ait Bonifacius VIII. in cap. cum in generali 3. de officio Vic. in VI.

X. Neque ad Capitulum episcopali Sede vacante, neque ad Vicarium capitularem transit potestas conferendi beneficia, quae ad liberam solius Episcopi collationem spectant (1): *quum numquam inceniatur in Iurs cautum, quod Capitulum Sede vacante fungatur vices Episcopi in collationibus praebendarum*, ait Honorius III. (2). Adde, quod secunda Cancellariae Regula Papae reservat ea episcopalis collationis beneficia, quae viduata Sede episcopali vacent (3). At canonicas institutiones facere in beneficiis de iurepatronatus Vicario capitulari utique licet (4), quemadmodum et Vicario episcopali.

XI. Collegium Cardinalium in conclavi pro novo eligendo Pontifice congregatum pariter nequit beneficia conferre ad Sedis Apostolicae dispositionem pertinentia (5).

XII. Quoties neglexerint collatores ordinarii, quos hactenus memoravi, vacantia beneficia conferre intra sex menses ab eo die, quo ad ipsos notitia vacationis pervenerit, numerandos, nullo interea vel facti, vel iuris impedimento detenti, ad superiores pariter Ordinarios tunc devolvi collationem iam praemonui superius (6). Eliquandum heic superest, quomodo, et quando ab Episcopo negligente ad Capitulum, et ab alterutro ad Papam, omisso medio Metropolitaram, fiat devolutio. Ex decreto Concilii Lateranensis III. *cum praebendas ecclesiasticas, seu quaelibet officia in aliqua Ecclesia vacare contigerit, non diu maneant in suspensio: sed infra sex menses personis, quae digne administrare valeant, conferantur. Si autem Episcopus, ubi ad eum spectat, conferre distulerit, per Capitulum ordinetur. Quod si ad Capitulum pertinuerit, et infra praescriptum terminum hoc non fecerit, Episcopus secundum Deum hoc cum religiosorum virorum consilio exequatur. Vel si omnes forte neglexerint, Metropolitanus de ipsis secundum Deum absque illorum contradictione disponat* (7). Innocentius III. sciscitanti Capitulo Ebrodunensi, an donatio praebendarum, quae ad Ca-

(1) Alexander III. in *cap. eam te 7. de rescriptis* ponit Decanum, et Capitulum Tornacense non potuisse vacante Sede praebendam in ea Ecclesia ei conferre, quia apostolicum de providendo mandatum obtinuerat: quia donatio praebendarum ad Episcopum spectabat.

(2) Honor. III. ad Canonicos Suessanos in *cap. illa devotionis 2. ne Sede vacante aliquid innovetur*. Hoc itaque in re fallit ea iuris regula: *is, qui in ius succedit alterius, eo iure, quo ille, uti debet*: Bonifac. VIII. in *cap. his qui 46. de reg. iur. in VI.*

(3) Ex supradictis *cap. 5. num. 16.*

(4) Bonif. VIII. in *cap. et si 1. de institut.* ait: *Etsi Capitulum Sede vacante beneficia, quae ad collationem Episcopi pertinent, conferre non possit: tamen praesentatos a patronis potest admittere, si sint idonei, et instituere.*

(5) Ex Clementina *ne Romani 2. de electione.*

(6) *Cap. 5. num. 12, et cap. 7. num. 15.*

(7) Conc. III. sub Alex. III. in *cap. nulla 2. de concess. praeb.* Septima Synodus oecumenica in *can. cum simus 3. C. IX. qu. 3.* institutionem Oeconomorum in unaquaque Ecclesia neglecta ab Episcopis ad Metropolitanos, ab his ad Constantinopolitarcham devolvi, nullo definito negligentiae tempore, statuit. Ex Coe. autem Carthaginensi V. in *can. constitutum 22. C. 7. qu. 1.* colligitur, intra annum debere tunc Episcopum eligi in ea cathedra, cui intercessor datus esset. At Innocentius II. in *can. obeuntibus 35. dist. 63.* tradit, quod ultra tres menses vacare Ecclesiam SS. Patrum prohibent sanctiones.

pitulum ipsum, et Archiepiscopum simul pertinebat, a Capitulo infra semestrem neglecta, penes Archiepiscopum remaneret, respondit, si vos, et Archiepiscopus infra tempus praescriptum circa hoc negligentes extiteritis: sicut nec ab illo ad vos, ita nec a vobis ad illum potestas devolvitur conferendi. Sed secundum statuta Lateranensis Concilii ad Superiorem transit donatio: nisi forte Archiepiscopus non ut Praelatus, sed ut Canonicus vobiscum ius habeat conferendi. Et in hoc casu cum dolose impederitis, dolus ei suffragari non debet (1). Idemque rescripsit, electionem Cantoris, quam Episcopus, et Capitulum Salamantinum, prout communiter spectabat ad eos, neglexerant, devolutam ad Archiepiscopum fuisse (2). Clemens III. Ecclesias, et beneficia iurisdictionis ecclesiastici statuto Lateranensi complectens, nisi praedictae personae, ait, intra tempus Lateranensi Concilio constitutum ad vacantes Ecclesias tibi personas idoneas praesentare neglexerint, ex tunc tibi liceat in eisdem ordinare Rectores (3). Bonifacius VIII. dum statuit electionem Episcoporum in Cathedralibus Ecclesiis vacantibus a Capitulis neglectam non ad proximum Superiorem, sed ad Romanum Pontificem devolvi, secus autem est, ait, in inferioribus Ecclesiis censendum (4). Tum Clemens V. in Concilio Viennensi affirmavit ex negligentia quum Episcopi ad Capitulum, tum Capituli ad Episcopum devolvi collationes beneficiorum (5). Idemque statuit, dum regulares Praelati priores, Ecclesias, administrationes, aut quaecumque alia beneficia ad eorum dispositionem spectantia negligunt conferre infra tempus in Lateranensi Concilio constitutum: Dioecesani locorum in non exemptis sua, in exemptis vero apostolica auctoritate negligentiam super hoc suppleant eorumdem (6).

XIII. Ex iuribus istis haec fluunt consecutaria 1: reciproca datur devolutio a Capitulo ad Episcopum, et ab Episcopo ad Capitulum, ubi per vires diviso inter eos exercitio communis collationis, alteruter suam neglexerit vicem, 2: ubi communem, et indivisam uterque habeant collationem, nulla datur ab Episcopo ad Capitulum devolutio 3: at quoties Episcopus communem cum Capitulo, ut Canonicus obtineat collationem, negligente Capitulo, ad eum, ut Praelatum sit devolutio (7), nullam si caus-

(1) Innoc. III. in cap. postulastis 15. de concess. praeb.

(2) Idem in cap. dilecta 5., et ult. de suppl. neglig. Praelat.

(3) Clemens III. in cap. sicut nobis 2. eod. tit.

(4) Bonif. VIII. in cap. quamquam 18. de elect. in VI: episcopatus enim vacantes, electionemque Episcoporum non extendi canonem Concilii Lateranensis de iure devolutionis, declaraverat iamdudum Innocentius III. in cap. dilectus 12. de concess. praeb. antequam Cathedrales Ecclesias Apostolicae Sedi reservare consuevisent Regulae Cancellariae.

(5) Clementina si de beneficio 4. de praebendis.

(6) Clement. un. de suppl. neglig. Praelat.

(7) Itaque duorum vices diversas gerit in communibus eiusmodi collationibus unus, idemque Episcopus respectu diversarum qualitaturn, officiorumque in ipso cumulatorum. Quare Bonifacius VIII. in cap. a collatione 11. de appellat. in VI. censuit, quod appellare cuique liceat a collatione Capituli ad Episcopum, si ut Canonicus ipse ea interfuit: secus autem, si ut Praelatus. Eademque ratione ductus Innocentius III. in cap. cum capella 16. de privilegiis rescripsit Canonicos Capellae Ducis Burgundiae, qui parochiales Ecclesias extra illam simul retinebant, ut Parochos iurisdictioni Episcopi dioecesani subiacere, ut capellanos censeret ab eo exemptos.

sam is dederit capitulari negligentiae: si cum dolo dederit, secus. 4: Capitulum si nullum sit cum Episcopo consortium in collationibus, ad Capitulum ex episcopali negligentia nequit ordinaria potestas conferendi, quia illud expers omnino est, devolvi. 5: si Episcopus alternis cum Papa mensibus, et alternis cum Capitulo vicibus in collatione beneficiorum fruens neglexerit beneficium suae vicis conferre, quod vacasset in aliquo mensium alternorum mobilium, puta Febuario, Aprili, Augusto, vel Octobri: nec etiam ad Capitulum tunc, sed ad Papam collatio devolvitur (1), perinde ac si vacatio in mense reservato contigisset. 6: divisa inter Episcopum proprietate iuris conferendi olim communis, nec etiam locus erit devolutioni ab Episcopo negligente ad Capitulum. 7: quoties ad solum Capitulum, excluso Episcopo, pertineat quomodolibet collatio beneficiorum, a Capitulo negligente ad Episcopum, Praelatumque suum, ut immediatum Superiorem ordinariam tunc ea devolvitur (2). 8: sed beneficia ob negligentiam inferioris collatoris ad Episcopum, vel Archiepiscopum devoluta huius Capitulum Sede vacante non confert, quamvis episcopalem interea iurisdictionem exercent (3). 9: electionem quoque, seu praesentationem patronorum ecclesiasticorum post sex menses negligentiae ita fieri caducam, ut libera provisio ad ordinarium collatorem devolvatur (4).

XIV. Ab uno collatore ad alium Superiorem gradatim devolvi caducam beneficiorum collationem exposita iura sat indicant. Sed verum usus demonstrat in dies hoc praesertim in Regno, quod devoluta ob negligentiam Episcoporum, aliorumque Praesulum beneficia numquam conferant Metropolitani, sed Romana tantum Sedes Apostolica. Huius consuetudinis causa praecipua videtur esse difficultas in iudicio probandi (auditus omnibus interesse habentibus) negligentiam ordinarii collatoris voluntariam nullo impedimento vel iuris, vel facti excusabilem, et lapsum legitimum semestris, qui a die non vacationis, sed notitiae illius (5), aut impedimen-

(1) Ex recepta sententia Lotterii contra Hieronymum Gonzalez, quam firmat Rigant. to. 2. in par. 2. Reg. IX. Cancell. §. 4. num. 46., et seqq.

(2) Gl. in cap. irrefragabili 15. de offio. Ordin. verb. per Capitulum, quam sequuntur Barbosa, Rebuff. Card. de Luca, et Rota apud Rigant. in par. 1. Reg. IX. §. 3. num. 133., et 139.

(3) Rigant. in Reg. 2. Can. §. 3. num. 144. ex ratione paulo superius expensa num. 10.

(4) Fagnanus in cap. nulla 2. de concess. praeb. num. 32. scribit devolutioni locum non esse in institutionibus eorum, scilicet quos patroni infra legitima tempora praesentaverint, ratos, quod nullum Ordinarii locorum tempus ad instituendos electos, et praesentatos a patronis intra limitant. At quia Clemens VII. electionem, ac praesentationem intra semestre patronis limitavit, et Bonifacius VIII. inferiores Ecclesias, exclusis Cathedralibus, ad electionem aliorum devolutioni ordinariae subiecit: opinio tanti viri, quantus est Fagnanus, minime tuta videtur. Quoad super electione, aut praesentatione lis pendeat ultra sex menses, nullam tunc negligentiam Ordinario imputari, quae valeat devolutionem inferre, vident omnes. At vel extincta lite, vel ubi nullam subiverit controversiam electio, ac praesentatio unius ad Ordinarium delata, non video, cur facultas instituendi, perinde ac conferendi, eo sex menses negligente, ad Superiorem devolvi non debeat.

(5) Innoc. III. in cap. quia diversitatem 5. de concess. praeb. semetre tempus, ait, non a tempore vacationis praebendarum, sed notitiae potius, et communitio- nis volumus computari. Card. de Luca in summa de benef. num. 18. putat, ubi

ti sublato (1) decurrit. Nam nisi omnium ius in collatione habentium negligentia prius ostendatur in actis iudicialiis, lique omnes rite audiantur: non licet Metropolitano ad collationem, uti ad se devolutam, procedere, quum Lateranense Concilium hanc ei mandaverit sub conditione: *si omnes forte neglexerint* (2). Cuiusmodi verbis non unum, sed duos plerumque semestres, alterum Capituli, seu inferioris collatoris, et alterum Episcopi cogitur Metropolitanus expectare.

XV. Sedes vero Apostolica vix unius cuiuslibet ordinarii collatoris semestrem expectans, consuevit vices illius ad alios etiam superiores intermedios devolutas supplere suo iure praeventionis (3), impletamque negligentiae conditionem non inquit in Curia sua, sed vivis precibus impetrantis beneficium ut devolutum, qui eam asserit gratiam pontificiae collationis largitur cum conditionalis clausula: *dummodo tanto tempore raverit, quod eius collatio ad Sedem Apostolicam legitime devoluta sit* (4). Huius porro clausulae vis est, ut impetrans a Papa beneficium, uti devolutum adigatur coram executore litterarum apostolicarum rite probare negligentiam collatoris ordinarii nullo impedimento excusabilem, lapsumque semestrem integrum deductis impedimentorum intervallis (5).

XVI. Devoluti semel beneficii collationem ab eo, qui ante neglexerat factam nullius esse momenti ex antedictis liquet (6): nisi eam ex indulgentia ratam quandoque habeat Sedes Apostolica. Nam quidam Praelati una cum suis Capitulis omnia beneficia sex mensibus elapsis quum contulissent ante adventum Legati apostolici, Innocentius III. rescripsit rem ex dispensatione dissimulandam, si essent dignis, doctisque viris collatae praebendae, easque ab istis possideri: secus, si indignis (7).

XVII. Legatos a latere Cardinales tamquam Papae Vicarios conferre iure ordinario intra fines provinciarum suarum beneficia etiam devoluta ad Sedem Apostolicam, superius monui (8). Addit Fagnanus Legatos natos, videlicet Archiepiscopus Eboracensem, Cantuariensem (9), Rhemen-

vacatio extra diocesim acciderit, numerari menses a die scientiae: et secutam in dioecesi vacationem, quia praesumitur Ordinarius continuo sine mora scivisse, tunc ab ipsius vacationis die decurrere.

(1) Idem Innoc. III. ibidem rescripsit *tempus suspensionis Archiepiscopi in sex mensibus nullatenus computari; cum illa Lateranensis Concilii constitutio contra negligentes tantum fuerit promulgata. . . . et si fuerit sua culpa suspensus . . . nec tempus etiam, quo ad Apostolicam Sedem accessit, et apud illam permansit, vel recessit ab illa*. Gregorius IX. in cap. *his*, quibus 60., et ult. de elect. declarat his, quibus interdicatur electio, tempus a canonice statutum currere, ex quo in mora fuerint: nimirum eo ex die; quo impedimentum ipsi quum possent, noluerunt amovere. Nam imputari non debet ei, per quem non stat, si non faciat, quod per eum fuerat faciendum, ex Boif. VIII. in cap. *imputari* 41. de reg. iur. in F1.

(2) Fagnan. in cit. cap. nulla 2. de concess. praeb. num. 35., et seq.

(3) Fagnanus loc. cit.

(4) Ex Cancellariae Regula LVI, et traditis a Riganlio in eandem Reg. num. 28., et seq. tom. 4.

(5) Riganl. loc. cit. num. 30.

(6) Cap. 3. num. 12.

(7) Innoc. III. in cap. *litteras* 4. de suppl. negl. Praelat.

(8) Cap. 7. num. 21.

(9) Alexander III. in cap. *cum non ignoretis* 1. de offic. legati, loquens de Can-

sem, et Pisanum potiri eadem auctoritate intra semestre unum (1): eisque duo semestria negatos ex Rotae sententia, et Innocentii III. epistola decretali (2), alterum ut Archiepiscopis, alterum ut legatis.

XVIII. Reservata, et affecta Papae beneficia nullum fero dant locum devolutioni (3), quamquam in Concilio generali Lugdunensi Gregorius X. constituisset beneficia, quae in Curia vacarent, intra mensem a Romano Pontifice non collata, redire ad collationem Ordinariorum (4). Excipe parochiales Ecclesias, quae post Papae obitum, vel in eius vita vacaverint, Ordinariorum provisioni remissas a Bonifacio VIII. (5): quum eas ipsis liceat inde conferre, quoadusque novus Pontifex easdem suis Cancellariae Regulis denuo reservaverit.

CAP. IX.

De beneficiariis (*)

- I. *Instar militum praedia obtinentium clerici dicti sunt beneficiarii.*
- II. *Beneficiis ecclesiasticis laicos incapaces iure divino canones proclamant.*
- III. *Quinto saeculo possessiones Ecclesiarum laicis etiam, vel peregrinis, vel captivis per precariam concedi Symmachus indulsit.*
- IV. *Precariae concessionibus inde invaluerunt, quamvis B. Gregorius M. ecclesiasticas res committi laicis vetasset.*
- V. *Septima Synodus octavo saeculo eas potentibus tantum laicis vetuit, agricolis permisit.*
- VI. *Nono saeculo decretum, ut precariae vacante Sede concessae rescinderentur, et ecclesiastica, vel civili auctoritate fierent.*
- VII. *Decimo saeculo viguit usus eas concedendi, et revocandi.*
- VIII. *Undecimo canones instaurati, ne feudos presbyterales, seu beneficia Ecclesiastica, seu canonicas praebendas laici obtinerent.*

tuariensi Archiepiscopo ait: *qui legationis obtentu . . . in provincia sua vices nostras gerere comprobatur.*

(1) Fagnanus in *cit.* cap. nulla num. 38.

(2) Eboracensis Archiepiscopus unus ex legatis natis quum tempore semestri collationem neglexisset, ab eo ad Papam fuisse devolutam, rescripsit Innocentius III. in *cit.* cap. licet 3. de suppl. neglig. Praelat.

(3) Rigant. to. 3. in *Reg.* num. 30.

(4) Videsis dicta superius cap. 5. num. 14.

(5) Cap. si apostolica 35. de praeb. in VI., de quo alias dictum eodem cap. 5. num. 17.

(*) Ad tit. XIV. lib. I. Decretal. de aetate, et qualitate, et ordine praeficiendorum.

- IX. Quae laicis dari ad usumfructum consueverunt praedia sine officio clericali, ea improprie dicebantur beneficia.
- X. Clericis solis vera beneficia ecclesiastica ita conferuntur, ut laico sub conditione futuri clericatus vix Papa possit ea concedere, et foundationis lex adsensu pontificio probata.
- XI. Praesentari tamen a patronis laicus potest sub conditione assumendi clericatum intra quatuor, vel sex menses.
- XII. Et iure Concordatorum an. 1741. laicus vel a fundatore vocatus, vel a compatronis praesentatus admittitur ad litem super controverso beneficio prosequendam cum clerico ab aliis praesentato.
- XIII. Puerilis aetas regendis Ecclesiis non idonea, nec personatibus obtinendis.
- XIV. Ante Tridentinum aetas annorum septem ad beneficia simplicia, decem ad Collegiatarum praebendas, quatuordecim ad illas Cathedralium sat erat.
- XV. Ex Tridentino ante XIV. annum incoeptum nemini licet beneficium simplex obtinere.
- XVI. In beneficiis vero simplicibus ante Tridentinum fundatis sufficit aetas annorum septem.
- XVII. Quam Concordata an. 1741. non respuunt in iis, qui arctati dicuntur ad beneficia vel iure passivo, vel praesentationibus consanguineorum patronorum.
- XVIII. Ad beneficia curata annus XXV. incoeptus, ad dignitates, atque canonicatus Cathedralium, et Collegiatarum saltem XIX. incoeptus requiritur, ut valeat collatio.
- XIX. Ad suscipiendos Ordines beneficiis adnexos anni spatium beneficiariis quibuscumque indulgetur: negligentes autem Parochi beneficium ipso iure amittunt, ceteri secus.
- XX. Missas beneficii, vel capellaniae licet clerico per alium celebrare, nisi fundator beneficiario per seipsum celebrandas iusserit.
- XXI. Qualitates Ordinis sacri, vel doctoratus, aliaeque beneficio adnexae, praebendis praesertim canonici theologi, et poenitentiarum, ac dignitati archidiaconi, non actu in ipsa beneficii collatione, seu institutione requiruntur, sed sufficit eas fere intra annum adquiri.
- XXII. Ad Urbis Romanae beneficia, quae doctoratum postulant, non sufficit gradus in externa Universitate adeptus: neque hoc in Regno, nisi regium placitum accesserit.
- XXIII. Illegitimi a beneficiis ecclesiasticis procul habentur.
- XXIV. Et haereticorum filii.
- XXV. Censuris etiam, et criminibus irretiti.

- XXVI. *Probitas morum, et scientia praesertim cantus Gregoriani, non genus nobile in beneficiariis expetenda.*
- XXVII. *Judices insuper caussarum, in quibus privatio beneficiorum irrogatur, eorumque consanguinei, et familiares.*
- XXVIII. *Atque illiterati a beneficiis arcentur.*
- XXIX. *Curata beneficia dignioribus conferri oportet.*
- XXX. *Quae si de patronatu laicorum fuerint, dignus a patronis praesentatus, posthabitis dignioribus instituendus est.*
- XXXI. *Beneficia sine cura dignis recte conferuntur in foro saltem externo.*
- XXXII. *Saecularia saecularibus clericis, regularia regularibus professis sunt conferenda.*
- XXXIII. *Canonicis Regularibus Lateranensibus, et SS. Salvatoris saecularia sine indulto apostolico conferre non licet.*
- XXXIV. *Nec curata, aut residentialia presbyteris, et clericis Congregationis Missionis.*
- XXXV. *In Regno Neapolis, et Siciliae beneficia, et pensiones non nisi regnicolis conferuntur.*
- XXXVI. *Capuanis indulsit Benedictus XIV. ne aliis, praeterquam in ea dioecesi natis, vel oriundis beneficia eiusdem conferantur.*

I. Romanis beneficiariis dicebantur milites, qui ob res praeclare gestas praedium imperiali beneficio obtinebant, cuius ex fructibus compararent sibi subsidia vitae (1): iique dicti etiam sunt sequiori aevo *feudatarii*, et *vassalli* (2). Canonistae pariter *beneficiarios* appellant, et vulgo *beneficiatos*, qui Ecclesiae proventus, et praedia ad vitam cum iure utendi, fruendi obtinent propter officium spirituale. Quoniam beneficiarii esse in Ecclesia valeant, quibusve possint ecclesiastica beneficia conferri, operae pretium est haec inquirere.

II. Atque in primis edisserendum videtur, num laici beneficiorum ecclesiasticorum capaces iure canonico sint: quum eos aliquando *matricularios*, et *beneficiarios* fuisse monimenta veteris disciplinae satis indicant. Sacri canones, ac leges ipsos omnino incapaces clericalibus aequae officii, ac beneficiis insimul connexis, tamquam rebus spiritualibus renunciant, iure divino suffulti. *Non arabis in bove simul, et asino. Non indueris vestimento, quod ex lana linoque contextum sit*, Dominus ait per Moysen (3). Id est ex sententia Concilii Hispalensis II, *homines diversae professionis*

(1) Caesar. lib. 1. bell. Hispan. ita scribit, *Prelius non deserti sese, armati famuliam: cum hac et praetoria cohorte certamen inuit, barbarisque equitibus, paucis beneficiariis suis*. Festus autem *beneficiarios* appellavit milites beneficio Imperatoris a militia vacantes: et munifices e contrario, qui non vacarent, sed munia reipublicae adhuc obirent.

(2) Carol. Du Fresnoy in glossario verb. *beneficium*.

(3) Deuteronomii cap. 22. vers. 10., et 11.

in officio uno non sociabis. Unde oportet nos, et divinis libris, et sanctorum Patrum obedire praeceptis, constituentes, ut hi, qui in administrationibus Ecclesiae Pontificibus sociantur, discrepare non debeant nec professione, nec habitu. Nam cohaerere, et coniungi non possunt, quibus et studia, et vota diversa sunt (1). S. Damasus panes, ait, sanctos Dominus Aaron, et filiis eius comedendos iussit (2). Officia simul clericorum ab officiis laicorum Ecclesia ab initio ita semper distinxit, ut nefas laicis esset clericalia usurpare (3).

III. Symmachus Papa ad Caesarium fratrem Arelatensem Episcopum rescripsit: ne possessiones, quas unusquisque proprio Ecclesiae dedit, vel reliquit arbitrio, alienari quibuscumque titulis, atque distractionibus, vel sub quocumque argumento, pateretur, nisi forte aut clericis bonorum meritorum, aut monasteriis Religionis intuitu, aut certe peregrinis, si necessitas largiri suaserit, sic tamen, ut haec ipsa non perpetuo, sed temporaliter perfruantur. (4). Idemque Pontifex sexto ineunte saeculo in Synodo Romana constituit, ut nec usufructuario iure aliquibus ea dari liceat, nec data retinere praeter clericos, et captivos, atque peregrinos (5). Exinde mos invaluit, quod Episcopi personis diversis tam clericis, quam laicis praedia ecclesiastica ad usum fructum instar beneficiorum conferrent (6).

IV. S. Gregorius M. Ianuario Calaritano Episcopo rescripsit cavendum de cetero, ne saecularibus viris, atque non sub regula degentibus res ecclesiasticae committantur, sed probatis de officio clericis (7). Sed Concilium Toletanum VI anno 638. decrevit: ut si quis clericorum stipendium de rebus cuiusquam Ecclesiae Episcopi percepit largitate, sub precariae nominis debeat professionem scribere: ut nec per retentionem diuturnam praevindicium offerat Ecclesiae, et quaecumque in usu preceperit, debeat utiliter laborare (8). Notant nihilominus Romani Correctores in regio Lucensi Codice Conciliorum haberi: si quis clericorum, vel aliarum quarumlibet personarum.

V. Septima Synodus oecumenica anno 787. permisit utique precariis

(1) Conc. Hispalense II. in can. in nona actione 22. C. 16. qu. 7.

(2) S. Damasus in can. hanc consuetudinem 15., et ult. C. 10. qu. 1.

(3) Tertullianus de praescrip. cap. 41. haereticos insinuetur munia clericorum cum laicis commiscere. Alius hodie Episcopus, ait, eras alius: hodie Praebiter, qui eras laicus, nam et laici sacerdotalia munera iniungunt. De iisdem loquens B. Hieronymus inquit: omittis paucis homunculis, qui ipsi sibi, et laici sunt, et Episcopi.

(4) Symmach. Papa ad Caesarium fratrem ep. 3. art. 1.

(5) Synod. Romana IV. sub Symmacho an. 502. cap. 4.

(6) Id liquet ex tit. 14. lib. 3. Decretal. de precariis. Id huius rubricae paratillo Anastasius Germonius haec docet. Precaria concessio longe differt a precario, quo de agitur in Pandectis. Est enim precaria species contractus colonarii, et quum praedium rusticum, vel urbanum datur in aliquod tempus, quod est quinquennii: quo elapso, id, qui dedit, seu, eius successor revocat, qui et iterum concedere potest, sed deinceps in quinquennium semper tenetur revocare. Ille sane contractus iureconsultis ignotus fuisse videtur. Precarium, de quo tit. 48. lib. 43. Digestor. est, quod precibus utendum datur tamdiu, quamdiu patitur is, qui concessit.

(7) S. Greg. M. in can. iudicatum est 5. dict. 89.

(8) Conc. Tolet. VI. in can. saepe fit 72. C. 12. qu. 2.

fleri concessionem agrorum clericis, vel agricultoribus: nequaquam vero potentibus laicis, vel optimalibus, ne difficilis foret eorumdem revocatio ad Ecclesiae fiscum. Quod si excusationem praetenderit, Synodus ait, *dammum facere, et nihil ad profectum agri existere, nec sic principibus, qui per loca illa sunt, tribuatur ager, vel locus, sed clericis, vel agricultoribus* (1).

VI. Concilium Gallicanum Mediomatricis, seu Metense anno 835. praecipit rescindi *praecarias*, et commutationes tempore viduarum Ecclesiarum factas ab iis, qui loca Episcoporum occupaverant, et nonnisi cum auctoritate ecclesiastica, vel civili, ubi opus esset, faciendas (2).

VII. Ut narrat Flodoardus Rhemensis Canonici, qui floruit saeculo decimo, Ebbo Archiepiscopus artificibus undecumque collectis *sedes dedit*, et beneficiis muneravit (3): Archiepiscopus autem Hervaeus *recepit res diversas, et villas Ecclesiae: quas antecessor suus per praecarias, seu praestarias, diversis contulerat personis* (4). Idemque Flodoardus conqueritur seipsum, nonnullosque alios tam clericos, quam laicos iniuste privatos fuisse beneficiis possessionum ecclesiasticarum ab Hugone Archiepiscopo Rhemensi, quibus a praecedentibus Episcopis inunerati erant, eademque ab ipso pro libito suae voluntatis, quibus ei placuit, impertita fuisse (5).

VIII. Concilium Bituricense anno 1031. constituit, ut saeculares viri *ecclesiastica beneficia*, quos *feudos presbyterales* vocant (6), non habeant super presbyteros. Concilium Turonense anno 1060. aut ministerium, aut beneficium, ait, nonnisi clericos habere, *sanctorum Patrum sancivit auctoritas. Si autem Episcopus, aut Praelatus quilibet contra praefixam regulam aliquod ecclesiasticum ministerium, vel etiam ipsam praebendam, quae canonica dicitur, ordinare, aut dare laicis voluerit, libere liceat clericis contradicere* (7). Ex Alexandri II. sententia, qui sedere coepit anno 1061, nullus laicorum Ecclesias, vel Ecclesiarum bona occupet, vel disponat (8). Paulo post S. Gregorius VII. recensuit inter maximos haereticos, et antichristos tamquam divini praecepti transgressorem quemdam Episcopum Bambergensem, qui non Sacerdotibus propriae diocesis decimas, et christianorum oblationes conferebat, sed potius laicalibus personis, militum videlicet, sive servitorum, et quod gravius est, consanguineis: et sicut Nicaena Synodus de simoniaco censuit, et qui dat Episcopus, et qui recipiunt ab eo laici

(1) VII. Synodus can. 12.

(2) Syn. Metens. in can. praecariae 44. C. 12. qu. 2.

(3) Flodoard. lib. 2. cap. 19. apud Thomasin. par. 3. lib. 2. cap. 19.

(4) Ex traditis ab eodem Flodoardo lib. 4. cap. 11., 13., et 18.

(5) Ibidem cap. 20.

(6) Quo ex tempore consuetudines feudales aevi Longobardorum inoleviscent, ab Episcopis etiam, Ecclesiarumque Praelatis praedia ecclesiastica dare in feudum consuevisse ostendit eiusdem iuris feudalis textus initio lib. 1. tit. 1. de his, qui feudum dare possunt, his verbis: *Feudum autem dare possunt Archiepiscopus, Episcopus, Abbas, Abbatissa, Praepositus, si antiquitus consuetudo eorum fuerit feudum dare*. Quid enim aliud est feudum, nisi ius praedio alieno in perpetuum utendi, fruendi, quod pro beneficio dominus dat ea lege, ut qui accipit, sibi fidem, et militiae munus, aliunde servitium exhibeat. Hinc promiscua feudi, et beneficii nomenclatura ortum habuit.

(7) Conc. Turonense can. 1. et seq.

(8) Alex. II. in can. nullus 18. C. 16. qu. 7.

sive pretio, sive beneficio, aeterni incendii ignibus deputavit (1). Concilium Pictaviense anno 1100. sancivit, ut nullus de Clero, sive populo ecclesiastica bona iure consanguinitatis sibi requirat habenda (2).

IX. Canones igitur quum antiqui, tum recentiores a veris beneficiis, ac rebus Ecclesiae possidendis, et administrandis semper laicos amoverunt. Quousque Ordines a beneficiis minime seiungerentur: Episcopi laicis probatae vitae conferebant Ordinem ecclesiasticum simul, et beneficium (3). Tametsi laicis pauperibus etiam distribuebant portionem reddituum communium eis debitam, scilicet bona beneficiorum temporalia sine aliquo spirituali iure, vel ministerio: ut erant praedia ecclesiastica beneficiario, vel precario nomine concessa, quae improprie dicebantur beneficia. Nil ideo mirum videtur Thomassino (4), quod suos Ecclesia feudos laicis olim dedisset ad usumfructum, quum ex eorum donationibus reciprocis tantum compendii ad ipsam rediret. Exploratissimum porro est bona temporalia beneficiorum a iure spirituali nimis differre: non aliter, quam a bonis hereditariis hereditatem ipsam in iure consistentem (5). Ut enim notat Baronius (6) olim beneficia improprie dicebantur possessiones Ecclesiarum vel ad vitam, vel ad tempus concessae ob necessitatem, aliamve rationabilem causam ex mera Episcoporum liberalitate. Propterea nonnulli perperam definiunt beneficium ecclesiasticum esse rem ecclesiasticam, quae clericis ratione officii utenda conceditur.

X. Ex antiqua idcirco non minus, quam nova disciplina solis clericis prima saltem tonsura initiatis beneficia vere ecclesiastica conferri possunt (7). Quinimmo in Ecclesiis Cathedralibus omnes canonicatus, ac portiones habere debent adnexum Ordinem Sacerdotii, Diaconatus, vel Subdiaconatus (8). Quare collatio, vel institutio beneficii ad favorem laicae per-

(1) S. Greg. VII. in *can. pervenit* 3. C. 16. qu. 7.

(2) Conc. Pictaviense in *cap. 1. de pract. et dignit.* Emmanuel Gonzalez in *hooce cap. num. 3.* illam sequitur interpretum opinionem, quae bona ecclesiastica heic accipit pro beneficiis vere ecclesiasticis: ratus laicos, quamvis beneficii incapaces, posse ad illud eo pacto praesentari, aut eligi, ut intra tempus iure praelicium ad Ordines promoveantur. At paco tanti viri mens Patrum Pictaviensium percipitur ex dictis hactenus fuisse abusum diu inolitum reformandi, ut oe bona ecclesiastica deinceps, vel beneficiario titulo ad vitam, vel precario ad tempus laicis darentur amplius.

(3) Ex iam dictis superiori *cap. 2.*

(4) Thomassin. *par. 3. lib. 2. cap. 10. num. 10.*

(5) Ex superius dictis eodem *cap. 2. num. 3.*

(6) Baroo. *ad an. 508. num. 36.*

(7) Id firmatum quoque est ab Innocentio XII. in Bulla *speculatores*, quam exposui *lib. 2. Instit. Canonic. tit. 10. num. 35. et seq.* Ea enim cogitur Episcopus familiari suo triennali, quem ad primam tonsuram promoverit, infra mensem conferre congruum beneficium, Patresque Tridentini in *cap. Episcopus 9. sess. 23. de ref.* decreverant illud familiari statim esse post ordinationem conferendum.

(8) Trid. in *cap. cum dignitate 12. sess. 24. de ref.*

sonae nullius omnino momenti est. Sunt vero, qui tenent validam esse collationem beneficii laico factam cum clausula, si quamprimum ad clericatum fuerit assumptus (1), praesertim vero laico scholari de beneficio in manus summi Pontificis resignato (2). Quod locum habere vix poterit, ubi suprema Romani Pontificis auctoritas id velit sine ullo subreptionis, vel obreptionis vitio. Fundationis etiam lex ad sensu pontificio firmata laicis patronis aliquando reservavit ecclesiasticam praebendam, vel dignitatem; sicuti in Regia Ecclesia S. Nicolai Bariensis Carolus II. Andegavensis sibi, suisque in hoc Regno Neapolitano successoribus primam Thesaurarii dignitatem reservavit, praebendamque canonicam, quoties praesens in choro adfuisset (3).

XI. In beneficiis de iure patronatus DD. communiter tenent licere patronis praesentare laicum, vel incapacem sub conditione capacitatis, dummodo clericatus, vel capacitas superveniant intra quatuor menses laicis, vel sex menses ecclesiasticis datos ad praesentandum (4). Nam conditio huiusmodi in tempore verificata retrotrahitur (5). Et contra praesentatio habetur irrita, ubi intra idem tempus nec clericatum, neque capacitatem nominatus quaesiverit (6).

XII. Hoc tamen in Regno ex Concordatorum iure an. 1741. laicus ob passivum ius patronatus in fundatione praescriptum, vel proprio iure concurrens, vel a patronis activum ius praesentandi aliquem de genere vocato habentibus nominatus ad aliquod beneficium, et omnibus praeditis requisitis, dummodo exhibeat litteras Ordinarii, vel Episcopi sui testimoniales quoad scientiam, bonosque mores, ita legitimus habetur contradictor, ut valeat una cum clerico compraesentato iura sua experiri coram ecclesiastico Iudice, et definitivam expetere sententiam, utri debeatur institutio controversi beneficii, tamquam proximiori, vel maioribus suffragiis suffulto, vel requisitis alias qualitates magis habenti, eo tamen pacto, ut post rem iudicatam is tonsuram primo, deinde institutionem ac possessionem beneficii canonicam obtineat (7). Tempus igitur quatuor, vel sex mensium iure Concordatorum non currit laico, litigiosum beneficium praetendenti vigore iurispatronatus vel activi, vel passivi. Et merito quidem, nam impedito fere non currunt tempora; et quia, si ius quaerendum est

(1) Paris. de resignat. lib. 4. qu. 2. num. 46., et Gräff. de effect. clericat. eff. 15. num. 52.

(2) Ventriglia par. 2. prax. eccl. cap. 7. num. 12.

(3) Ant. Beattil. lib. 3. hist. Buren. pag. 443. Ex Bibliotheca Cluniacensi pag. 48. constat etiam Andegavensi Comiti Ingelgerio, eiusque heredi in perpetuum a Patribus in Concilio congregatis collatam praebendam canonicam in Ecclesia B. Martini Turonensis, ipsumque Ingelgerium, vita eius durante, constitutum eiusdem Ecclesiae Thesaurarium, ac defensorem. Pariter Galliarum Regem in Ecclesia S. Marci Apamiarum primum obtinere canonicatum, fert Franc. Gigas de pension. qu. 21. num. 4. Marchionem Asturigae de stirpe Villalobos Canonicum in Ecclesia Leodiensi, perinde ac Barcinonae Comitem in Cathedrali Ecclesia Barcinonensi tradit Auz. Barbosa par. 3. de potest. Episc. alleg. 72. num. 75.

(4) Card. de Luca de iurepatr. disc. 45. num. 7.

(5) Rota in Volaterrana beneficii 7. Decembris 1708. coram Crispo.

(6) Pirr. Corradus in prax. benef. lib. 4. cap. 6. num. 31., et 32.

(7) Concordata an. 1741. Cap. 4. art. 6.

radicatum, inquit Cardinalis Fuscus, sicuti non potest tolli ius quaesitum, ita impediri nequit, ut ius quaerendum adquiratur. Siquidem iuris in spe de proximo exitura, si in alium fiat derivatio, dicitur in fraudem fieri, vel in praerudicium tertii (1).

XIII. Hactenus de primo clericalis Ordinis requisito in beneficiariis. Quod vero ad alterum aetatis, nil canones antiqui statuissent videntur, sed eam prudenti Episcoporum arbitrio reliquisse, quum Apostolus scripserit: *nemo adolescentiam tuam contemnat* (2). Quare prioribus Ecclesiae saeculis Summi Pontifices pueros ab infantia in ecclesiasticis ministeriis ante pubertatem inter Lectores etiam, et Exorcistas adscriptos probabant (3). Subinde Concilium Toletanum II. anno 531, loquens de iis, quos voluntas parentum a primis infantiae annis clericatus officio mancipabat, statuit observandum, ut mox detonsi, vel ministerio traditi in domo Ecclesiae erudirentur (4). Alexander III. rescripsit primus omnium indecorum esse: *ut hi debeant Ecclesias regere, qui non noverunt gubernare seipsos, quum ad Ecclesiarum regimen tales personae sint admittendae, quae discretionis praecipient, et morum fulgent honestate. Nolentes itaque sustinere, ut parvulis Ecclesiae regimen committatur, mandamus quatenus nemini intra annum decimum quartum constitutio personatum cuiuslibet Ecclesiae concedere praesumatis* (5). Exinde Gregorius IX. Argentinensi Episcopo respondit, quod pueri, et beneficiati, qui non possunt in Ecclesia deservire, in ea non debent idonei reputari (6).

XIV. Paulus III. anno 1534. in sua Cancellariae Regula XXVIII. praescripsit aetatem quatuordecim annorum ad praebendas in Cathedralibus adipiscendas, decem in Collegiatis inferioribus, et septem ad capellanas, et beneficia simplicia.

XV. Cuiusmodi regulam sequentes Pontifices minime innovarunt, propterea quod Concilium Tridentinum anno 1563. promulgatum definivit, quod nullus prima tonsura initiatus, aut etiam in minoribus Ordinibus constitutus ante decimum quartum annum beneficium possit obtinere (7).

XVI. Sed quoniam futuris dant formam negotiis leges, et constitutiones, non ad praeterita facta trahuntur, nisi nominatim in eis de praeteritis caveatur (8): in praxi ea sententia inolevit, ut in beneficiis antiquis ante Concilium Tridentinum fundatis (scilicet ante annum 1563, quo promulgata Concilii decreta fuere) praesentari, et institui valeant clerici septuaginta sex annos: in aliis vero post Concilii publicationem, nonnisi puberes. Eamque ob rem impuberes apostolicam aetatis dispensationem impetrare consueverunt a Summo Pontifice, qua fierent capaces obtinendi beneficia.

XVII. Eidem dispensationi hodie faecessit negotium hoc in Regno les

(1) Card. Fuscus tit. I. concl. 625. num. 17. et concl. 629. num. 4.

(2) Ad Timotheum cap. 4.

(3) Praesertim Siricius in can. quicumque 3., Zosimus in can. in singulis 1. dist. 77.

(4) Conc. Tolet. II. in can. de iis 4. dist. 28.

(5) Alex. III. in cap. super inordinato 35. de praeb.

(6) Greg. IX. in cap. indecorum 3. de aetate, et ord. praefic.

(7) Trid. in cap. nullus 6. sess. 23. de ref.

(8) Cap. cognoscentes 2, et cap. quoniam 13, et ult. de constit.

Concordatorum an. 1741. (1), requirens quatuordecim annos incoeptos pro prima clericali tonsura, et consequenter pro beneficiis. Excipit autem solum *arctatos*, videlicet in limine foundationis, vel specialiter, vel sub nomine colectivo cuiusdam familiae, seu stirpis generaliter vocatos iure patronatus passivo, aut a consanguineis suis activum patronatum habentibus praesentatos (2).

XVIII. Quod vero ad beneficia maiora, idem Alexander III. in Concilio Lateranensi constituit, ut nemo Decanatum, Archidiaconatum, et alias dignitates adnexam habentes curam animarum, aut parochialem Ecclesiam suscipiat, nisi qui iam vigesimum quintum annum aetatis attigerit, et scientia, et moribus commendetur: utque easdem dignitates adepti, si Archidiaconus in Diaconum, Decanus, et reliqui admoniti non fuerint praefixo a canonibus tempore in Presbyteros ordinati, ab illo removeantur officio, et aliis conferatur (3) Gregorius X. in Concilio Lugdunensi id etiam sancit, quoad parochiales Ecclesias (4). Dein Clemens V. in Concilio Viennensi decrevit: ut qui dignitates, personatus, officia, vel praebendas, quibus certi Ordines sunt adnexi, obtinuerint in Ecclesiis Cathedralibus, vel Collegiatis saecularibus, vel regularibus, nisi iusto impedimento cessante, ad huiusmodi Ordines se promoveri fecerint intra annum, nullam haberent, donec promoverentur, vocem in Capitulo, et medietatem distributionum amitterent (5). Martinus V. in Concilio Constantiensi omnes beneficiarios, qui negligerent Ordinem beneficio suo adnexum suscipere intra terminum iuris, ipso facto privatos iisdem beneficiis voluit (6). Constitutionem Viennensis Concilii tandem innovavit eisdem fere verbis Tridentina Synodus, superaddens: ut ne aliis in posterum fiat provisio, nisi iis, qui iam aetatem, et ceteras habilitates habere dignoscantur: aliter irrita sit provisio (7). Alterumque Lateranensis Concilii sub Alexandro III. constitutionem simul confirmavit, ampliavitque, statuens: ut in Ecclesiis praesertim Cathedralibus nemo deinceps ad dignitates quascunque post episcopalem, quibus animarum cura subest, promoveatur, nisi qui saltem vigesimum quintum aetatis suae annum attigerit, et in clericali Ordine versatus, doctrina ad suum munus exequendum necessaria ac morum integritate commendetur. Archidiaconi etiam sint in omnibus Ecclesiis, ubi fieri poterit,

(1) Concordata ed. cap. 4. art. 3., et 5.

(2) Videsis quae iam exposui lib. 2. Instit. Canonic. tit. 10. n. 82.

(3) Alex. III. in cap. cum in cunctis 7. de elect. §. inferiora.

(4) Greg. X. in Conc. Lugdun. in cap. licet canon. 14. de elect. in VI.

(5) Clementina ut ii 2. de aetate, et qual. et ord. praefix.

(6) In Conc. Constantiensi Martinus V., die 25. Martii 1417, abrogatis dispensationibus cunctis, quas Romani Pontifices concessissent provisis ad Ecclesias, monasteria, prioratus conventuales, deconatus, archidiaconatus, et alia quaecunque beneficia, quibus certus Ordo debitus est, vel adnexus, ne munus consecrationis Episcopi, sive benedictionem Abbatum: aut ceteros debitos, aut adnexos Ordines suscipiant... statuit, ut ii omnino intra terminum iuris se faciant consecrari, seu benedici, seu ad aliam debitam ordinationem promoveri: alioquin sint ipsis Ecclesiis, monasteriis, dignitatibus, personatibus, officiis, et beneficiis ipso iure privati, et aliis libere conferantur. Vide Egnac. in cap. cum in cunctis §. inferiora de elect. num. 23.

(7) Trid. in cap. quicumque 4. sess. 22 de ref.

magistri in Theologia, seu doctores, aut licentiatii in Iure canonico. Ad ceteras autem dignitates, vel personalius, quibus animarum cura nulla subest, clerici aliquin idonei; et viginti duobus annis non minores adsciscuntur. Neminem deinceps ad dignitatem, canonicatum, aut portionem recipiant, nisi qui eo Ordine sacro aut sit initiatus, quem illa dignitas, praebenda, aut portio requirit, aut in tali aetate, ut infra annum initiari valeat (1). Bonifacius VIII. quoque rescripit, praebendam aacerdotalem conferri constituto saltem in aetate ad Sacerdotium apta debere (2). Parochialium vere Ecclesiarum resignatarios ubilibet, excepta Gallia, annis triginta non minores esse debere, Congregatio particularis sub Clemente XI. decrevit (3). Colligitur hinc irritam procul dubio fore collationem tam parochialis Ecclesiae, curatique beneficii, quam dignitatis, aut canonicatus in Cathedralibus, aequae ac in Collegiatis Ecclesiis, quae ante legitimam aetatem hisce canonibus designatam cuiusvis fiat sine dispensatione apostolica (4): nisi cui speciatim lex foundationis minorem aetatem indulerit (5).

XIX. Quod vero ad sacros Ordines, habilitas ad eos intra annum suscipiendos generatim sufficit in actu collationis. At non omnes ea in re vel negligentes, vel contumaces pari poena coguntur ad suscipiendum Ordinem curae parochiali, vel dignitati, vel canonicatui, vel praebendae, vel officio suo adnexum. Gregorius X. sanxit in citato canone Lugdunensi, ut provius de parochiali Ecclesia, si promotus ad Sacerdotium intra annum non fuerit, Ecclesia sibi commissa sit ipso facto privatus, nulla etiam praemissa monitione (6). Ad Collegiatas vero Ecclesias, etiamsi aliae parochiales extiterint, et ad assumptos ad earum regimen non extendi canonem Lugdunensem de Parochiis ad Sacerdotium intra annum promovendis, sed antiqua iura servari debere potius in eisdem, Bonifacius VIII. declaravit (7). Hinc Fagnanus recte docet, quod obtineas praeposituram, seu principalem dignitatem in Ecclesia Collegiata cum iurisdictione spirituali, ac temporali in subiectas parochiales, et villas non incidat in poenam canonis Lateranensis, et Lugdunensis, si neglexerit intra annum suscipere Sacerdotium (8). S. Congregatio Concilii autem censuit coa, qui obtinent dignitates, praebendas, portiones in Ecclesiis, vel Cathedralibus, vel Collegiatis, non esse ipso iure iisdem privatos, sed privari tantum pos-

(1) Trid. in cap. cum dignitates 12. sess. 24. de ref.

(2) Bonif. VIII. in cap. ei, cui 2. de praeb. in 11.

(3) Apud Rigant. to 3. pag. 375 num. 39.

(4) Ex postremis praesertim verbis cap. 4. sess. 22. Concilii Tridentini, quod loquitur generatim de praebendis, canonicatibus, personatibus, dignitatibus, officiis tam Cathedralium, quam Collegiarum.

(5) Apud Gillemart. in Trid. cap. 12. sess. 25. de ref. n. 21. S. Congregatio Concilii censuit hoc decreto non comprehendi canonicatum iurispatronatus laicorum, ante Concilium fundatum, in cuius foundationis limine fuerit cautum, ut descendentes a fundatore possent ipsum obtinere, etiamsi non sint in sacris Ordinibus constituti, sed simplices tantum clerici, donec ad Sacerdotium promoveantur. Foundationes post Concilium, nisi pontificio adsensu probatae sint, nequeunt aetati a Concilio oecumenico praescriptae derogare cum sola Ordinariorum auctoritate.

(6) Greg. X. in cap. licet can. 14. de elect. in FI.

(7) Bonif. VIII. in cap. statutum 22. de elect. in FI.

(8) Fagnan. in cap. cum in cunctis 7. de elect. ad §. inferius a num. 25.

se, si moniti renuant contumaciter ad Ordines beneficiis suis adnexos promoveri (1). Idque ideo in Cathedralibus, et Collegiatis locum habere monet Fagnanus, quia earum dignitates sine cura, et Canonici, et beneficiarii ob negligentiae poenam ipso facto amittunt vocem in Capitulo, et medietatem distributionum ex canone Viennensi, quem innovavit Concilium Tridentinum: qui vero alia beneficia extra Cathedralia, et Collegiata adnexos ordines habentia obtinent, eos ipso facto incidere in poenam amissionis beneficii sancitam in Concilio Constantiensi, quam Patres Tridentini minime abrogarunt (2). Alexander III. praeterea rescripit beneficiarios clericos posse propter Ecclesiae necessitatem, vel utilitatem ad sacros accipiendos Ordines beneficiis etiam suis non adnexos compelli per amissionem locorum, beneficiorumque subtractionem (3).

XX. Quoties mandaverit fundator Missas beneficii, vel capellaniae a seipso constitutae celebrandas esse per aliquem Sacerdotem, vel Presbyterum ab heredibus, et successoribus patronis deputandum, et eligendum, qui Missas celebrare valeat: adhuc in praxi clericus primae tonsurae admittitur, atque instituitur, utpote capax adimplendi celebrationem Missarum per idoneos Presbyteros: eo tantum casu excepto, ubi fundator iusserit, quod capellanus, vel beneficiarius per seipsum debeat Missas celebrare: tunc enim vel Sacerdos, vel clericus Sacerdotio infra annum initiandus deligi omnino debet. Sacra enim Congregatio Concilii pluries respondit, nisi fundator expresse dixerit, quod praesentandum celebret *per seipsum infallibiliter*, non esse sacerdotale beneficium, et posse per alium adimplere onus Missarum: adeo ut clerico etiam primae tonsurae valeat capellania conferri, qui ea obtenta non cogitur ad Sacerdotium ascendere (4).

XXI. Ceterae similiter qualitates, puta doctoris, vel magistri, vel licentii gradus, a iure, vel a statutis locorum, vel a fundatoribus volitae, regulariter in praxi actu non requiruntur tempore collationis, sed sufficit habitus, seu potentia eas infra annum obtinendi (5). Ex Tridentino: *Archidiaconi sint in omnibus Ecclesiis, ubi fieri poterit, magistri in Theologia, seu doctores, aut licentii in iure canonico.* (6) Qui vero Archidiaconi nullum habeant curam animarum, nec iurisdictionem, eos hoc decreto non comprehensos, neque obstrictos ad magistri, vel doctoris, vel licentii gradum adsumendum, S. Congregatio declaravit (7). *Mortatur etiam S. Synodus Tridentina ibidem, sed nullo praecepto cogit, ut dignitates omnes, et dividia saltem pars canonicatum in Cathedralibus, et Collegiatis insignibus conferantur tantum magistris, vel doctoribus, aut licentiatis in*

(1) Apud Fagnan. *loc. cit.* num. 39., et in *cap. quaeris 6. de act., et qual.* num. 31. Synodus etiam Pictaviensis in *cap. 1. de act., et qual.* constituit, ut Abbat, Decani, Praepositi, Archiepiscopi, Presbyteri aut fiant Presbyteri, aut amittant honorem: et Archidiaconi pariter, nisi fiant diaconi, praelationes amittant.

(2) Fagnan. in *cit. cap. cum in cunctis* num. 41., et ult.

(3) Alex. III. in *cap. quaeris a nobis 6. de actat., et qual.*

(4) Quam secuta est Rota penes Merlinum *dec. 825. num. 8, et seq. tom. 2.*

(5) Rota *dec. 6. num. 11. par. 4. rec. tom. 2., Card. de Luca de fideic. disc. 9. num. 8.*

(6) Trid. in *cap. cum dignitates 12. sess. 24. de ref., de quo supra num. 18.*

(7) Apud Callemart in *declarat. ad cit. cap. cum dignitates* num. 1., et 2.

Theologia, vel Iure canonico (1). Sed ea ipsa decrevit officium, et praebendam Canonici theologi non alii conferendam, nisi qui *magister sit, vel doctor, vel licentiatus in Theologia, vel Iure canonico, et aetatem habeat an. XL., vel alios, qui aptior pro loci qualitate reperiatur episcopali iudicio* (2).

XXII. Ad beneficia, et officia Urbis Romae, quae doctoratum requirant, non suffragantur gradus in externa Universitate in posterum adepti post promulgatam a Benedicto XIV. constitutionem IV. Kal. Sept. 1744: sed necesse est, ut ipsi gradum eiusmodi susceperint in archigymnasio romano: exceptis dumtaxat illis, qui destinantur ad officia alicui nationi, vel civitati affecta (3).

XXIII. Iustis ex nuptiis ortos, qui beneficia expetunt ecclesiastica, esse oportet. *Indecorum est, ut in Altaris officio illegitimus filius ministret*, inquit Innocentius III. (4). Quamobrem qui defectum patiuntur natalium, ad dignitates, personatus, et beneficia curam animarum adnexam habentia sine dispensatione Sedis Apostolicae nulliter promoventur (5). Beneficia vero, quibus non imminuet cura animarum, non minus, quam Ordines minores ex dispensatione solius Episcopi obtinere possunt (6). At Episcopi dispensatio non prodest filiis clericorum illegitimis ad beneficia obtinenda in iis Ecclesiis, ubi patres eorum habuerint, vel habeant beneficium, ut paternae incontinentiae memoria a locis Deo consecratis, quos maxime puritas, sanctitasque decet, longissime arceatur (7). *Non liceat filiis clericorum*, decrevit Synodus Tridentina, *qui non ex legitimo nati sunt matrimonio, in Ecclesiis, ubi eorum patres beneficium aliquod ecclesiasticum habent, aut habuerint, quodcumque etiam dissimile beneficium obtinere, aut in dictis Ecclesiis quoquo modo ministrare, nec pensiones super fructibus beneficiorum obtinere, aut in dictis Ecclesiis quoquo modo ministrare, nec pensiones super fructibus beneficiorum, quae parentes eorum obtinent, vel alias obtinuerunt, habere. Adhaec reciprocae resignationes, si quae posthaec a parentibus clericis in favorem filiorum fient, ut alter alterius beneficium constatur, in fraudem huius decreti, et canoniarum sanctionum factae omnino censeantur: nec collationes secutae vigore huiusmodi resignationum, seu aliarum quarumcumque, quae in fraudem factae fuerint, ipsis clericorum*

(1) Trid. cit. cap. 12. sess. 24. In Gallia ius Concordatorum Leonis X. cum Francisco I. statuit, ut O dinarii locorum, et Episcopi beneficia in quatuor anni mensibus vacatura solis graduatis conferrent, qui scilicet gradum praeuenerint, ac titulum baccalaurei, vel licentii, vel doctoris, vel magistri artium in Academia, exclusis codicillaribus graduatis ex privilegio, seu diplomate quum regio, tum pontificio: hoc tamen pacto, ut ad vacatura in duobus Aprilis et Octobris mensibus graduati simplices arbitrio Episcoporum diligerentur, in duobus aliis Ianuarii, et Iulii nominarentur ab Universitate.

(2) Trid. in cap. Apostolus S. sess. 24. de ref., qua de re inferius cap. 10. num. 29.

(3) Bened. XIV. in const. inter conspicuos 106 n. 28., et 29. tom. 1. Bullarii.

(4) Innoc. III. in cap. cum decorem domus Dei 15. de filiis presbyter.

(5) Greg. IX. in cap. nimis 18. eod. tit.

(6) Bonif. VIII. in cap. is, qui defectum 1. eod. tit. in VI. Bened. XIV. de Syn. dioces. lib. 13. cap. 24. num. 11.

(7) Alex. III. in cap. ad praesentiam 2., et seq. et Honor. III. in cap. dilectus 17. eod. tit.

filii suffragentur (1). Et Urbanus II. in concilio Claramontano, *presbyterorum filios a sacris altaris ministeriis iaudiu removerat* (2). Quum et *beneficium obtinere*, et *ministrare* in paterna Ecclesia filiis illegitimis vetitum sit: S. Congregatio inde censuit non licere filio illegitimo confessiones poenitentium audire in ea Ecclesia, in qua officium Parochi obiverat pater illius (3). Eademque Ostunensi Episcopo respondit nullum ius esse filio illegitimo ad portionem adipiscendam emolumentorum Ecclesiae, in qua eius pater dignitatem obtinuerat, debitam Presbyteris in ea celebrantibus, quantumvis filius ipse ad Sacerdotium indulto pontificio promotus sacrum in ea facere consuevisset (4). At ea ipsa censuit licere filio eiusmodi capellaniam laicalem non perpetuam illie obtinere, ubi pater illegitimus, ut capellanus pariter mobilis inservisset (5): secus autem, si pater beneficium ecclesiasticum inibi habuisset (6). Legitimitas hac in re nil suffragatur filiis presbyterorum (7), nisi per subsequens matrimonium facta sit (8). Ad nepotem vero legitimum ex filio presbyteri illegitimo natum nullatenus extendi hanc tridentinam sanctionem ratio suadet, pluriesque respondit S. Congregatio (9). Neque ad patrem, qui nullo iuro prohibetur beneficium filii illegitimi obtinere sine dispensatione etiam immediate (10). Quamquam Alexander III. inhabiles declaraverit filios presbyterorum etiam legitimos ad obtinendas Ecclesias, in quibus patres eorum nulla persona media ministrarunt, ut procul ab Ecclesia esset hereditaria successio (11).

XXIV. Filii haereticorum usque ad secundum gradum ex linea paterna, et primi tantum gradus ex materna sunt inhabiles ad beneficia ecclesiastica, simul et officia saecularia: nisi ante mortem parentes emendatos, et regressos in Ecclesiae gremium fuisse constiterit (12).

XXV. Censuris ecclesiasticis obnoxii acentur a quibuscumque beneficiis, donec obtineant absolutionem (13). Sed Pontifices collatores eam so-

(1) Trid. in *cap. ut paternae* 15. *sess. 29. de ref.* Clemens VII. *const.* 30. in Bullario antiquo *to. 1.* edixit illegitimos clericorum filios nullo unquam tempore posse paterna beneficia obtinere, etiamsi alius ea intermediis aliquamdiu possederit, Fagnan. in *cap. ad extirpandas* 11. *de fil. presb. num. 7. et seq.*

(2) Urban. II. in *can. 1. dist.* 56.

(3) S. Congr. Conc. ad Uritanum Episcopum mense Julio 1548. apud Benedict. XIV. *loc. cit. num.* 14.

(4) S. Congr. Conc. ad postulata Ostunensis Episcopi die 15. Aprilis 1684., et 21. Junii 1686., apud Bened. XIV. *ibidem*.

(5) S. Congr. Conc. ad Calaguritanum Episcopum an. 1585., et Pampilonensem an. 1587. *ibidem*.

(6) Fagnanus in *cit. cap. ad extirpandas num.* 19. *de filiis presbyter.*, cui ad stipulatur Benedictus XIV. *loc. cit.*

(7) Ex Fagnani probata sententia in *cit. cap. ad extirpandas num.* 33.

(8) Alex. III. in *cap. conquestus* 1., et *cap. tanta* 6. *qui filii sunt legitimi*.

(9) Apud Benedict. XIV. *loc. cit. num.* 19.

(10) S. Congr. die 2. Decembris 1628. apud Bened. XIV. *ibidem. num.* 16.

(11) Alex. III. in *cap. ad extirpandas* 11. *de filiis presbyter.*

(12) Bonif. VIII. in *cap. statutum* 15. *de haereticis in VI.*

(13) Innoc. III. in *cap. dilectus* 36. *de rescriptis*, et *cap. postulasti* 7. *de cler. excom. ministr.* Conferenda huc sunt, quae dixi *lib. 4. Inst. Canon. tit. 18. de poenis, et cens. eccles.*

lent in apostolicis collationum litteris expresse largiri ad effectum earum diutaxat consequendum. Si enim Summus Pontifex scienter etiam excommunicato participet litteris, verbo, vel osculo, seu alio quovis modo, ipsum per hoc absolvere nulla ratione censetur: nisi se velle forsitan exprimat illum ex hoc pro absoluto haberi, ait Clemens V. (1). Criminosos generatim omnes a beneficiis adipiscendis iura canonica eo planius repellunt, quo saepius obtentis etiam eos vel ipso facto privatos, vel per sententiam privandos fore iubent (2).

XXVI. Nam probatis morum, vitaeque honestas in personis ecclesiasticis praesertim beneficiariis requiritur (3). Ex Gregorii IX, sententia non generis, sed virtutum nobilitas, vitaeque honestas gratum Deo faciunt, et idoneum servitorem, qui ad Ecclesiae suae regimen non multos secundum carnem nobiles, et potentes elegit, sed ignobiles, ac pauperes: eo quod non est personarum acceptio apud ipsum (4). In conferendis canonicatibus, aliisque beneficiis etiam simplicibus, inquit Benedictus XIII. Episcopi non carnem respiciant, aut sanguinem: ad servitium attendant, et qualitate promovendorum. Advigilent insuper, ut in faciendis collationibus nec alii esuriant, nec alii ebrii sint, iustitia semper distributiva servetur prudenti collatorum arbitrio. In canonicatibus vero, ut supra conferendis, ceteris paribus, semper eos praeferant, qui tantum callent Gregorianum, et quoties collatio ad Sedem Apostolicam spectabit, eiusdem cantus peritia mentio fiat in testimonialibus, quae conceduntur (5). Qui vero literatis, et ambitionis precibus beneficia extorquere ab Episcopo nituntur, eos indignos censuit S. Carolus Borromeus (6).

XXVII. Iudices causarum beneficalium, vel criminalium, in quibus privatio beneficiorum irrogatur, eorumque consanguinei, affines, et familiares impetrare non possunt tam a Summo Pontifice, quam Ordinariis locorum beneficia per privationem eandem vacantia, ex Constitutione Pii IV., qui irritas ipso iure pronuntiat eiusmodi impetrationes, et impetrantibus istis nil suffragari Regulas de annali, et triennali possessione (7).

XXVIII. Litteris carens non potest esse aptus sacris officiis, ad Episcopos Lucaniae rescripsit Gelasius (8). Id iure divino imperatum, innuit Osee his Domini verbis: quia tu scientiam reputisti, repellam te, ne Sacerdotio fungaris mihi (9). Verum Innocentius III. rescripsit: etsi desideranda sit eminens scientia in Pastore, in eo tamen est competens toleranda; quia secundum Apostolum, scientia inflat, charitas autem aedificat, et ideo

(1) Clementina si summus 4. de sent. excom. Consonat Innoc. III. in cap. si aliquando 41. eod. tit.

(2) Qua de re dicam cap. ult. huius tract.

(3) S. Greg. II. in cau. non loca 4. dist. 40., et can. sicut excellentiam 48. C. 23. qu. 4.

(4) Greg. IX. in cap. venerabilis 37. de praeb.

(5) Bened. XIII. in Conc. Roman. tit. 6. de aetat., et qual. praef. cap. 5.

(6) Quem laudat, et sequitur Benedictus XIV. de syn. dioeces. lib. 7. cap. 63. num. 4.

(7) Hanc Pii IV. constitutionem habet Quaranta in sum. bullar. verb. beneficiorum privatio.

(8) Gelas. in can. illiterato. 1. dist. 36.

(9) Osee cap. 4.

imperfectum scientiae potest supplere perfectio charitatis (1). Iure hinc merito Cancellariae Regula XX. de idiomate statuit, nullius fore momenti collationes, quae tam in Curia Romana, quam extra fiant de parochiali Ecclesia, et quovis beneficio curam animarum habente quibuslibet nescientibus idioma loci, ubi Ecclesia, vel beneficium consistit. Nam Tridentina Synodus decrevit, ut Parochi singulatim lingua vernacula frequenter explicant vim, usumque Sacramentorum; et legem Domini (2). Honorius III. rescripsit ab officio episcopali removendum fore Callinensem Episcopum in Germania, qui nec didicisse grammaticam, nec Donatum umquam legisse iam fuerat confessus (3).

XXIX. Denique dignioribus conferri omnino debent, posthabitis dignis, beneficia cum animarum cura, ut sunt in primis Ecclesiae Cathedrales (4), tum parochiales (5). Quare S. Augustinus: *non sane putandum est leve peccatum, ait, in acceptione personarum habere fidem Domini Nostri Iesu Christi. Quis enim ferat eligi divitem ad sedem honoris Ecclesiae. contempto paupere instructiore, atque sanctiore* (6)? S. Thomas: *contingit quantum ad hoc, quod beneficium percipiat: quid aliquis forte potest Ecclesiam magis iuvare, vel per consilium sapientiae, vel per auxilium potentiae, vel quia servivit in Ecclesia. Non ergo Episcopus tenetur semper dare meliori simpliciter, sed tenetur dare meliori quoad hoc...* Non enim potest esse, quod Episcopus unum praeferat alteri, nisi propter aliquam causam. Quae si quidem pertineat ad honorem Dei, et utilitatem Ecclesiae, iam quantum ad hoc ille est melior: si autem illa causa ad hoc non pertinet, erit acceptio personarum, quae tanto est gravior, quanto in rebus divinis committitur (7). Prae oculis habeant collatores hocce B. Iacobi Apostoli oraculum. Nolite in personarum acceptione habere fidem Domini Nostri. Etenim si introierit in conventum vestrum vir aureum annulum habens in veste candida, introierit autem et pauper in sordido habitu, et intendatis in eum, qui indutus est veste praeclara, et dixeritis ei: tu sede hic bene; pauperi autem dicatis: tu sta illic, aut sede sub scabello pedum meorum, nonne iudicatis apud vosmetipsos, et facti estis iudices cogitationum iniquarum? Nonne Deus elegit pauperes in hoc mundo, divites in Fide, et heredes regni, quod promissit Deus diligentibus se? Vos autem exhonorastis pauperem. Si autem perso-

(1) Innoc. III. in cap. nisi cum pridem 10. de renuntiatis.

(2) Trid. in cap. ut fidelis populus 7. sess. 24. de ref.

(3) Honor III. in cap. quamvis 15. de aetat., et qualitat. Et Clemens XI. quemdam in Regno Neapolitano designatum Episcopum, qui nullum valuit verbum latinum respondere in examine quum publica, tum privato, renuit ordinare, nolens contra Deum, et canonienas sanctiones tantum in Episcopo tolerare defectum: sicuti fert Rigant. in Reg. XX. Cane. num. 41.

(4) Trident. in cap. sess. 24. de ref.

(5) Idem in cap. expedit 18. ead. sess. 24. de ref. decrevit Parochos, praevio eorum eligendos, quos magis idoneos Episcopus iudicaverit aetate, moribus, doctrina, prudentia, ceteris dotibus.

(6) S. August. ep. 29. ad S. Hieronymum. An divitibus clericis conferre olim beneficia licuisset, dubiam fuisse quaestionem; anno vero licere consentit Benedictus XIV. de Syn. lib. 7. cap. 2. num. 2.

(7) S. Thomas quodlibet. 6. quae. 5. art. 3.

nas accipitis, peccatum operamini, redargutia lege, quasi transgressores (1).

XXX. Quoties autem curata beneficia sint de iure patronatus laicorum: nequit Episcopus patronos compellere ad praesentandos digniores, sed praesentatum, si repererit idoneum, tenetur omnino admittere, atque instituere (2).

XXXI. Cetera vero beneficia sine cura animarum dignis, atque idoneis, etiam omissis dignioribus, licite conferri posse probabiliter doctores affirmant. Propterea quod Innocentius III. in Concilio generali indignos excludit, non vero dignos, atque idoneos dicens: *Gravis nimis est, et absurdum, quod quidam Ecclesiarum Praelati cum possint viros idoneos ad ecclesiastica beneficia promovere, adsumere non verentur indignos, quibus nec morum honestas, nec litterarum scientia suffragatur, carnalitatis sequentes affectum, non iudicium rationis: unde quanta damna Ecclesiis proveniant, nemo sanae mentis ignorat. Volentes igitur huic morbo mederi, praecipimus, ut praetermissis indignis, idoneos adsumant, qui Deo, et Ecclesiis velint, et valeant gratum impendere famulatum, fiatque de hoc in provinciali Concilio diligens inquisitio annuatim* (3). Accedit exceptio Tridentina de beneficiis curam habentibus animarum, quae sanxit, ut dignioribus conferantur, firmans regulam in contrarium in ceteris beneficiis sine cura. *Nam si contrarium volebat, nulla erat difficultas coniunctim ea disponere* (4). Huic exceptioni superaddi potest praelatio graduatis indulta in regno Galliae vigore Concordatorum Leonis X. cum Francisco I. Si enim Episcopi coguntur inibi graduatis simpliciter, uti doctoribus, benemeritis, et dignioribus conferre beneficia in mensibus Aprilis, et Octobris vacantia, itemque graduatis per Academias nominatis in mensibus Iulio, et Ianuario: consequens est, ut in reliquis mensibus beneficia personis non graduatis, minusque idoneis valeant concedere. Non desunt autem opinantes cum divo Thoma in foro externo quidem licitam, validamque haberi collationem simplicis beneficii digno factam, omisso digniori: sed in foro interno conscientiae non item, quum S. Thomas doceat *quantum ad conscientiam eligentis* necessum esse eligere meliorem (5). Sententia haec plane tutior est, ideoque digna, quam Praelati ecclesiastici sequantur in praxi.

XXXII. Saecularia beneficia nonnisi clericis saecularibus, et vicissim regularia nonnisi regularibus personis professis conferri possunt, ne vestem lino, lanaque contextam induant, ait Synodus Tridentina (6). Verum ex Romani Pontificis dispensatione Regulares quandoque saecularia beneficia obtinent in titulum perpetuum, et saeculares clerici regularia

(1) S. Iacob. ep. canon. cap. 2. vers. 1. et seq.

(2) De hac re fusius infra dicemus in cap. 10. de collatione, ubi forma concursus ad parochiales explicabitur.

(3) Innoc. III. in cap. grave nimis 29. de praeb., quod firmavit Trid. in cap. inferiora 3. sess. 7. de reform.

(4) Textus ait civilis in l. un. de codicis tollendis, et Ulpian. in l. item apud Labeonem 15. §. hoc edictum D. de iurjuris.

(5) S. Thom. 2. 2. quael. 63. art. 2.

(6) Trid. in cap. regularia 10. sess. 14. de ref. Id quod constitutum iamdiu erat ab Innoc. III. in cap. cum causam 27. de elect., et Bonif. VIII. in cap. cum de beneficio 5. de praeb. in FI.

monasteria, seu Abbatis in commendam, vel ad vitam, vel ad tempus ex Cancellariae Regula XLIII. (1).

XXXIII. Beneficia ecclesiastica saecularia conferri non posse Canonici Regularibus Lateranensibus, aut Sanctissimi Salvatoris absque indulto apostolico, sacrae Urbis Congregationes saepe censuerunt (2). Tum reclamante Procuratore generali Canoniorum Lateranensium Clemens XI. anno 1713. rescipit, ut S. Congregatio Concilii totius causae cognitionem resumeret, ac definiret, an inspectis iure communi decretis Tridentinis, professione, et instituto Canoniorum Lateranensium, sine ullo respectu ad res interea indicatas, liceret Canonici Lateranensibus, cum licentia dumtaxat suorum regularium Praelatorum ad parochias saeculares, aut canonicatus Cathedralium et religiosi claustris demigrare, vitamque presbyteri saecularis agere. Sed re integra Benedictus XIV. eam sibi advocavit, auditisque votis concordibus theologorum, et canonistarum in consilium suum adscitis, motu proprio declaravit eosdem *Canonicos Regulares absque indulto apostolico cuiuscumque beneficii ecclesiastici saecularis, sive cum adnexo animarum curae, aut residentiae onere, sive etiam beneficii simplicis, et sine cura, ac personalem residentiam non requirentis, et cuiuscumque pensionis ecclesiasticae vere incopactis esse, et censeri debere, eisdemque nec ius commune, nec Tridentinae Synodi decreta, neque professionem ab ipsis emitti solitam, aut eorum peculiare institutum: neque demum ullam consuetudinem, usum, possessionem, seu quasi, aliumque omnino titulum pro huiusmodi praetensa capacitate ullatenus suffragari*. Eis propterea prohibet egressum e claustris absque indulto apostolico, solo accedente consensu Abbatis generalis: etiamsi beneficia simplicia, vel pensiones ab Apostolica Sede impetraverint, sub poenis contra apostatas latis. Permittit autem patronis quum laeici, tum ecclesiasticis eos praesentare ad Ecclesias parochiales, aut canonicatus de iure patronatus sub conditione obtinendi, et beneplacitum Superioris generalis eorum Ordinis, et indultum Sedis Apostolicae. Hoc autem arbitrio Pontificis reservatur, inspecturi antea testimoniales litteras tam Superioris generalis, quam Episcopi dioecessani quoad mores, et doctrinam. Idipsum observari mandat, quoties dioecessani locorum ordinarii eis voluerint beneficium residentiale collationis liberae sine concursu conferre. Prohibet insuper, ne iidem Canonici regulares admittantur sine pontificio indulto, et licentia Superioris generalis ad concursum in Ecclesiis curatis, vel praebendis canonici theologi, aut poenitentarii ad liberam Dioecessani collationem pertinentibus, vel patronatui ecclesiastico subiectis (3).

XXXIV. Curata pariter, ac residentialia conferri nequeunt Presbyteris, aut clericis Congregationis Missionis, collationesque factas, vel faciendas ipso iure irritas declaravit idemmet Benedictus XIV. (4). Etsi enim

(1) De commendis sermo redibit plenior infra cap. 11.

(2) S. Congr. Conc. an. 1581. probante Gregorio XIII. S. Cong. Episc., et Regul. an. 1671. sub Clemente X., iterumque Congr. Concilii an. 1693. sub Innoc. XII.

(3) Bened. XIV. in const. quod inscrutabili 135. edita 7. Idus Iunii 1741., to. 1. Bullarii.

(4) Idem in Const. quo magis 69, die 18. Decemb. 1742. eodem to. 1. Bull., ubi nullum fit verbum de beneficiis simplicibus, quae non prohibentur Missionariis ob hoc: e cum licentia sui Superioris generalis.

vota simplicia castitatis, paupertatis, obedientiae, ac stabilitatis in ea ipsa Congregatione emittant post biennalem probationem Presbyteri, et clerici eiusdem, dum se toto vitae tempore manciant procurandae salutis pauperum rusticorum: ea tamen posse dissolvere solum Pontificem Romanum, et Superiorem ipsius Congregationis generalem in actu dimissionis, praeterea neminem, statuit Alexander VII., dum eiusdem Congregationis institutum ad preces S. Vincentii de Paulo fundatoris adprobavit. Mox inter constitutiones eiusdem a Clemente IX. confirmatas cautum: ut dignitates ecclesiasticas absque consensu Conventus generalis acceptare non possint, nisi Summus Pontifex id in virtute sanctae obedientiae praecepiat. Prioresque regulae ipsius, ne votum paupertatis violaretur appetitu inordinato bonorum temporalium, vetant Missionariis ad ullum beneficium, aut dignitatem ecclesiasticam sub quocumque praetextu adspirare (1).

XXXV. Qualitatem civis originarii, vel dioecesani iura communia non exigunt. Nam Innocentius III. Cardinali Sedis Apostolicae legato rescribens, Patriarcham Constantinopolitanum, qui aliarum Nationum clericos spernens, Venetos tantum in Constantinop. Ecclesiis instituebat, commouit, ut viros litteratos, et alios idoneos, undecumque originem duxerint, in praedictis Ecclesiis, et maxime in maiori institueret (2). Multis autem in locis statuta, legesque peculiare alienigenas, et externos a beneficiis adipiscendis arcere consueverunt. Ut sileam cetera: dum Barcinoe regnaret Carolus VI. alienigenas a beneficiis, et pensionibus huius Regni Neapolitani omnino exclusit, et sequestrari mandavit fructus beneficiorum exteris interea collatorum (3). Quod iterum firmavit die 6. Augusti 1713. post imperialem Coronam acceptam. In Concordatis an. 1741. cautum est, ut omnia huius Regni beneficia tam simplicia, et sine cura, quam residentialia, et curata, sive maiora, sive inferiora, nec non pensiones ecclesiasticae regnicolis tantum conferantur: exceptis dumtaxat viginti millibus ducatis monetae Regni, quos imponere super Ecclesiis Cathedralibus, et Abbatialibus ad regiam nominationem non pertinentibus in favorem subditorum Status ecclesiastici: praeter alios totidem ducatos 20. m. pensionum super iisdem Ecclesiis non regniis reservandos pro regnicolis, quos Rex nominaverit (4). Siculis praeterea indulgit Carolus, ut nonnisi cives originarii ad Cathedrales illius Regni Ecclesias nominarentur, excepta solum Panormitana, quam arbitrio Regis patroni consueverunt exteri obtinere (5) (*).

(1) Ex traditis ab eodem Benedicto XIV. *ibidem*.

(2) Innoe. III. in cap. ad decorem 5. de instit.

(3) Ex to. 2. privilegiorum Caroli VI. pag. 227. et seq.

(4) Concordata an. 1741. cap. 8. art. 1., et 2.

(5) Rigant. to. 1. pag. 209. Reg. 2. Canc. § 1. num. 19.

(*) Conventioe novissima an. 1818. art. VIII. cautum beneficiorum provisionem in favorem subditorum Utriusque Siciliae Regni faciendam esse. Quamobrem art. XIX. Cod. LL. Civ. expresse sancitum ab adipiscendis huiusce Regni beneficiis externos omnino excludi.

Praeterea art. XVII. eiusdem Conventionis decretum, quod pensionum reservatio, abrogata penitus Tertii Pensionabilis lego iuxta Caonum sanctiones in posterum locum habeat. Clerici vero a Rege Nostro ad praedictas pensiones nominati Bullas ab Apostolica Sede obtineant, ut dum vitam agunt, illas percipere possint: Pensio-

XXXVI. Capuanis, postulante Rege Carolo, Benedictus XIV. speciatim indulgit, ut omnes, et singulae dignitates, etiam post pontificalem maiores in Cathedralibus, et principales in Collegiatis, necnon canonicatus praebendae, et mansionariae, ceteraque beneficia in Cathedrali, Collegiatis, et Receptitiis Ecclesiis in dicta civitate, ac dioecesi consistentibus fundata, quae Chori servitium adnexum habeant, et personalem residentiam requirant: necnon parochiales Ecclesiae quomodolibet affectae, ac reservatae, et quibusvis mensibus etiam apud Sanctam Sedem simul pensiones super iisdem beneficiis residentialibus imponendae, non nisi clericis, seu Presbyteris in eadem civitate, vel dioecesi Capuana natis, vel oriundis conferantur. Verum excipiuntur quaecumque beneficia regularia, ac monasteria, Abbatae, et Prioratus in commendam concedi solita, ceteraque beneficia saecularia quomodolibet nuncupata, quae nec servitium Chori, nec residentiam requirunt.

C A P. X.

De collatione (*)

- I. Concessionem, seu donationem beneficii liberam heic sonat collatio, et quandoque institutionem coactam beneficiis de iure patronatus.
- II. Ea ins in re tribuit perpetuum, et irrevocabile: ius ad rem electio, et praesentatio.
- III. Motu proprio collatores ordinarii, ad preces petentium Apostolica Sedes collationes beneficiorum largiuntur.
- IV. Forma collationis ordinariae quinque articulis constat.
- V. Pontificiae collationis litteras bullatas praestitit simplex libellus petentis in Signatura gratiae.
- VI. Gratia Signaturae, quamvis irrevocabilis executioni mandari non potest sine litteris Datariae.
- VII. Nullo temporis spatio, dum collator Pontifex vivit, arctantur provisi ad expediendas bullas: eo defuncto novae provisionis litteras debent intra sex menses a successore Pontifice accipere.
- VIII. Exigua vix beneficia per simplicem Signaturam conferuntur.

nariis tamen vita functis, Episcopatus, vel quodvis beneficium ab onere pensionis omnino liberum fore.

Postremo art. XVIII. statutum, quod Summus Pontifex in perpetuum sibi reservaret super aliquas Mensas episcopales, et abbas Regni designandas annuas pensiones in summam ducatorum duodecim millium, quas ille pro tempore suis subditis Status ecclesiastici pro lubitu conferet.

(*) Ad tit. VIII. lib. 3. Decretal. de concess. praebendae.

- IX. *Litteras in forma gratiosa accipiunt, qui sua ostenderint Datario merita.*
- X. *Aliis ignotis conditionales litterae dantur in forma dignum.*
- XI. *Ex novae provisionis litteris convalescunt gratiae, collationes invalidae.*
- XII. *Dummodo nullitates, defectusque praecedentis apostolicae gratiae speciatim exponantur.*
- XIII. *Ad firmandam Ordinarii collationem sufficit eam generatim dicere defectivam.*
- XIV. *Ius aliis quaesitum non tollit nova eiusmodi provisio.*
- XV. *Gratias a defuncto Pontifice signatas novus Pontifex ratas habet litteris in forma rationi congruit.*
- XVI. *Litteras autem vitiosas firmat novis litteris perinde valere.*
- XVII. *Gratiae subrogationum si neutri: vel si nulli usuceniunt pro beneficiis litigiosis.*
- XVIII. *Coadiutores cum futura successione creare usi sunt Pontifices.*
- XIX. *Parochiales Ecclesiae, et animarum curae, nonnisi per concursum conferri possunt ex lege Tridentina, exceptis laicorum patronatibus.*
- XX. *Quam explicuit, ampliavitque S. Pius V.*
- XXI. *Formam concursus, praelectionem dignioris, et appellationis modum tradidit explicatius S. Congr. Conc. iussu Clementis XI.*
- XXII. *Tum Benedicti XVI. constitutio.*
- XXIII. *Concursum dioecesanus Episcopus indicit semper, ac peragit in reservatis etiam collationibus Datariae, sine actis nuntiaturus magis dignum in vacatione mensis apostolici, sed acta ad eam in aliis reservationibus transmissurus.*
- XXIV. *Patroni etiam ecclesiastici debent dignioribus inter concurrentes adprobatum eligere, ac praesentare.*
- XXV. *Ob nimiam, et reddituum, et concurrentium inopiam, et rixarum pericula Tridentinum indulget parochialem Ecclesiam sine concursu conferri.*
- XXVI. *Resignatas, permutatas, devolutas animarum curas consuevit Sedes Apostolica sine concursu conferre, in hoc Regno nunc secus.*
- XXVII. *Regias parochiales uni ex tribus per Capellanum Maiorem propositis, praecio saepe concursu, Rex confert.*
- XXVIII. *Theologi, et Poenitentarii praebendas canonicas per concursum conferri dignioribus etiam oportet.*
- XXIX. *Appellantes in collationibus per concursum dumtaxat audiuntur, in aliis liberis nequaquam.*

- XXX. *Impetratio praepropera beneficii non vacantis irrita penitus est.*
- XXXI. *Pensiones perpetuas reservare Ordinarii collatores nequeunt, sed solum temporaneas pro bono pacis.*
- XXXII. *Extra dioecesim quoque possunt Episcopi collationes beneficiorum liberas dare.*
- XXXIII. *Optionem canonicam alicubi antiquioribus gradatim indulget fundatio, privilegium, vel consuetudo intra dies XX. explendam.*
- XXXIV. *Collegium S. R. E. Cardinalium, et Ordo equitum Hierosolymitanorum, Capitulum Salernitanum hoc in Regno, et Messanense inter alia fruuntur optione.*
- XXXV. *Praebendae quomodolibet reservatae Sedi Apostolicae nullum dant locum optioni.*
- XXXVI. *Nec resignatio in favorem, nec permutatio, nec concursus, nec iuspatronatus.*
- XXXVII. *Cum pensione praebendam adeptus optare pinguiores non prohibetur.*
- XXXVIII. *Coadiutor cum futura successione numquam, coadiutus quandoque optat.*
- XXXIX. *Optantes collatione non egent.*
- XL. *Sat est, quod suam explicent, vel denuncient intencionem Collegio per se, vel per alium intra constitutos dies.*
- XLI. *Optionum aliae titulum mutant, aliae non illas pensionem, reservationem, cetera onera in successorem transferunt, hae secus.*
- XLII. *Optio retinendi alterutrum incompatible beneficium novis constitutionibus adepta hoc etiam in Regno exolevit.*

I. Varias collationis notiones inquirant philologi (1). In sacris autem canonibus collatio idem plerumque sonat, quod ecclesiastici beneficii con-

(1) *Conferre* quum apud latinos in communionem aliquid redigere potissimum significet, collationem hinc iureco isulti contributionem bonorum inter fratres, ac sorores faciam communis successionis causa appellant: ad quam spectat rubrica Digestorum, et Codicis de collatione bonorum. Presbyteros post peracta divina mysteria convenire ad necessariam collationem, ad commune scilicet prandium, dixit Synodus Nauncelensis in can. quando 11. dist. 44. Et B. Hieronymus illud Proverbiorum cap. 2. (vacantes potibus, et dantes symbola) exponens ait: symbolum graecum nomen est, et interpretatur collatio: quum unusquisque soleat pro sua parte cibos conferre ad vescendum. Dum comparamus res inter se, conferre cum letis quoque diciamus, praesertim cum Paulo in 1. amissione 5. §. 1. D. de cap. deminut. Hoc sensu inscriptus libellus est collatio legum Mosayc. et Roman. apud Schultingium de iurisprud. vel. anteiustin. Sacro etiam conferre idem sonat, quod tribuere, largiri, concedere. Sic beneficium in mulierem contulisse, quispian dicitur a Marcello in l. proxime 50. D. de ritu nuptiarum. Et Ulpianus docet

cessio (1). Hoc vero vocabulum aut late, aut strictim sumitur. Acceptum lato comprehendit perinde liberam, ac non liberam, seu coactam concessionem, quae scilicet ex Iuris necessitate fit ad favorem electi, aut praesentati ab aliis ius eligendi, aut praesentandi habentibus, quam doctores *institutionem* speciali nomine appellant (2). Nam beneficium ecclesiasticum non posse licite *sine canonica institutione* obtineri, quum dixerit Bonifacius VIII. (3): videtur ipse promiscuo sensu vocem institutionis pro collatione usurpasse. Et Coelestinus III. collationem nominat, quam paullo ante praesentationem dixerat (4). Stricta vero, et propria notione collatio, nonnisi concessionem liberam significat beneficiorum, nulla iurispatronatus, vel electionis servitute affectorum: quae scilicet Ordinarii locorum, vel Summus Pontifex dant personis suo ipsorum arbitrio delectis, nullo iure coacti ad hunc, vel illum praeligendum, neque ad expectandam cuiuspiam electionem, vel praesentationem. Istoque sensu nuncupatur saepe *donatio* (5); propterea quod collator gratis, et omnino libere alicui ex idoneis, ac dignis clericis beneficium concedit.

II. Per collationem sic strictè acceptam provisorius acquirit ius *in re*, seu titulum beneficii, statim ac suum collationi praestiterit consensum, etiam ante adeptam possessionem. Si enim tibi *absenti Episcopus contulerit beneficium, licet per collationem huiusmodi, donec eam ratam habueris*, ius in ipso beneficio, ut tuum dici valeat, non adquiris: ipse tamen Episcopus illud, nisi consentire recuses, in personam alterius conferre nequibit. Quod si terminum ad consentiendum tibi assignaverit: eo etiam lapso, dummodo res integra fuerit, antequam alteri facta sit collatio, tuum poteris praestare consensum, et sic impedire, quominus alteri fiat collatio, Bonifacius VIII. declaravit (6). Unde liquet post acceptatam collationem adquiri ius *in re*, ante acceptance[m] vero ius *ad rem* (7). Quod autem nobis quaesitum est sive *in re*, sive *ad rem*, sine facto nostro, nobisque invitis, ad alium transferri non potest (8). Quare differt collatio ab electione, et praesentatione, quae tribuunt solummodo ius *ad rem*, seu faculta-

consuevisse Praesides remittere, ac ordinem nominatum, *Caium, Seium, creent magistratum, vel alius, qui honor vel minus in eum conferantur, l. siquidem §. 3. D. quando appellandum sit*. Haec notio ad rem nostram propius accedit.

(1) Petr. Blessens. *ep.* 70, Carolus Du Fresne in glossario verb. *beneficiarius*.

(2) DD. *ad tit. 7. lib. 3. Decretal. de institutionibus*, de quibus dixi iam satis in *Comm. de iurepatr. cap. 9.*

(3) Bonif. VIII. in *cap. 1. de Reg. Iur. in VI.*

(4) Coelestin. III. in *cap. ea noscitur 6. de his, quae sunt a Praelat.* ibique Gonzalez.

(5) Innoc. III. in *cap. cum accessissent 8. de constit. primiceriatus in Tulensi Ecclesia*, inquit, tanto tempore vacavit, quod ad nostras manus illius personatus esset donatio devoluta. Eadem vox occurrit in *cap. eam 7. de rescript. cap. licet 3. de suppl. negl. Prael. cap. proposuit 4, cap. quia diversitatem 5. et cap. pen. de concess. praeb. cap. fin. de offic. Vicar. in VI.*

(6) Bonif. VIII. in *cap. si tibi 17. de praeb. in VI.*

(7) Ex regula iuris, quam tradit M. Ant. Cuccus lib. 1. *Inst. maior. tit. 6. de privileg. num. 118.*

(8) Pompon. in *l. id quod nostrum 11. D. de Reg. Iur.* Et factum legitime retractari non debet, licet casus postea eveniat, a quo non potuit inchoari, ex Bonif. VIII. in *cap. factum 73. de Reg. Iur. in VI.*

tem compellendi ordinarium collatorem ad electum, et praesentatum acceptandum, et instituendum in beneficio, nisi obstat canonicum impedimentum, atque repellendi adversarium competitorem iura potiora non habentem (1).

III. Forma collationis dupliciter concipi solet, vel *motu proprio* collatoris, vel *ad petitionem* beneficiarii supplicantis (2). Ordinariorum collationes semper ex inveterata Ecclesiae disciplina motu proprio fieri videntur, quom nullam faciant mentionem de petitionibus praeviis, ad reprobandum ambitum sacris canonibus, et legibus odiosum (3). Etenim in proemio collatores fere exprimunt sese excitatos scientia, bonis moribus, aliisque meritis personae, cui providetur, ad conferendum beneficium, gratiamque liberalem erga eum exercendam.

IV. Rebuffus post relatum formulam collationis Ordinariorum docet eam quinque partibus constare. In quarum prima collator salutem dicit, cui beneficium conferre intendit, et collationis causam impellentem exprimit, illius scilicet merita. Secunda praemittit-vacationis modum, ac tempus, titulum beneficii, locum, ubi situm illud sit: deinde reipsa disponit collationem, et investituram in favorem illius certae personae proprio nomine, et cognomine iam initio designatae. In tertia delegat omnibus tabellionibus, aliisque personis subditis, ut provisum in collatae Ecclesiae possessionem immittant. In quarta collator dicit iussisse litteras desuper expediri, signari, et tradi. In quinta demum adponitur data expeditionis (4).

V. Ad petitionem beneficiarii vero solent per Summum Pontificem beneficia conferri. Bullas enim apostolicas praecedat semper supplex petentis libellus, et *signatura gratiae*, videlicet scriptura in papyro petentis supplicationem in primis, dein pontificium in medio rescriptum manu vel Papae ipsius, vel delegati eius Datarii tribus verbis conceptum, ad extremum clausulas praecipuas ad rem facientes, sine sigillo breviter continens (5). Quandoquidem in ea exponitur primo certum id beneficium eo certo modo vacare, quod ille supplicat per Sedem Apostolicam sibi conferri. Tum in medio papyri albo Papa rescribit vel manu sua: *fiat, ut petitur*: vel manu delegati sui: *concessum, ut petitur in praesentia D.N. Papae*. Primo rescripto vis maior, quam secundo est. Nam signatura per *fiat* praefertur alteri per *concessum* (6), si eadem die concurrant. Subinde succedunt clausulae necessariae, praesertim absolutio a censuris, derogationes, ceterae summationum, quas rei adiuncta varia postulant, in bulla extendendae fusius (7).

VI. Firmam, et irrevocabilem collationis gratiam sola signatura quidem efficit. Nam et verbo solum, et scripto sub quacunque forma, vel expressione, vel conceptione verborum potest gratia Pontificis consistere,

(1) Clementina *constitutionem* 4. *de elect.*

(2) Bonif. VIII. in *cap. si motu proprio* 23. *de praeb. in VI.*

(3) Cl. Fleury *Inst. iur. canon. par. 2. cap. 21.*

(4) Ex Rebuffo in *prax. benef. par 1. tit. requisita in litteris collationum.*

(5) Ex definitione Rebuff. *loc. cit. tit. de signatura gratiae.*

(6) Ex Cancellariae Regula XXXIV. *de Signatura per fiat.*

(7) Formam Signaturae simplicis provisionis cum consuetis clausulis videsis apud Rebuff. *loc. cit.*

nisi iusta ex causa irritetur⁽¹⁾. At vero ex Cancellariae Regula XXVII: cum ante confectionem litterarum gratia sit informis... iudices vel in Romana Curia, vel extra eam existentes, et quicumque alii non iuxta supplicationum signaturam super quibusvis impetrationibus, sed iuxta litterarum super iisdem impetrationibus, et concessionibus confectarum tenores, et formas iudicare debent (2). Alia simul Regula XXXI. statuit: quod omnes commissiones causarum obitu, vel occasione concessionum dumtaxat gratiarum apostolicarum de beneficiis ecclesiasticis, super quibus litterae Apostolicae confectae non fuerint, ac processus desuper habendi nullius sint roboris, vel momenti (3). Additque Regula LII., quod gratia cuiuscumque dispensationis nulli cuiquam in iudicio; vel extra suffragetur, antequam super ea litterae apostolicae sint confectae (4). Hinc factum est, ut gratia pontificiae signaturae, tamquam informis executioni demandari nequeat, nulliusque momenti sit executio facta sine litteris pergamenis gothica manu conscriptis, et signo plumbeo communitis, vel sine authentico earum transumpto. Quandoque aliae dantur litterae in forma brevis ad capiendam Ecclesiae, vel beneficii possessionem nomine Camerae Apostolicae cum decreto expediendi bullas sub plumbo infra sex menses a data supplicationis (5). Eamque ob rem ipso iure vacabit beneficium, cuius possessio sit absque litteris eiusmodi pontificiis apprehensa (6). Quo vero ad Cathedrales, et abbatiales irrita erit possessio, et quaevis administratio novi Praelati, quam sine litteris pontificiis occupaverit, ac gesserit (7).

VII. Certum temporis spatium nullo iure limitatum est ad expediendas gratiarum litteras, quoad Pontifex, qui eas concessit per signaturam, vivat (8). Sed eo defuncto successor Pontifex consuevit per Cancellariae Regulam X. indulgere sex menses dumtaxat a die coronationis suae incipiendos, ut expediantur litterae in forma rationi congruit ad perficiendas gratias a praedecessore concessas (9). Tum ne fraudibus ansa detur ad eludendas legitimas impetrationes, stylus inolevit multis gratiis de beneficiorum resignatione, ac cessione, tum novas provisionis perinde valere, subrogationis, si neutri, ceteris, ut aiunt, sanatorii hanc adiacere clausulam: quod infra tres menses proximos litterae apostolicae desuper expediri debeant (10). Verum edicto speciali Datariorum nunc iam coguntur omnes, qui beneficia quum simplicia, tum residentialia per obitum vacantia, vel

(1) Clementina dudum 2. §. nos etenim. de sepultur. Nam decet concessum semel a Principe beneficium esse mansurum, ex cap. decet 16. de Reg. Iur. in Fl.

(2) Reg. XXVII. de non iudicando iuxta formam supplicationum, sed litterarum expeditarum.

(3) Reg. XXXI. non valeat commissiones causarum, nisi litteris expeditis.

(4) Reg. LII. ut nulli suffragetur dispensatio, nisi litteris confectis.

(5) Card. de Luca de benefic. disc. 17. num. 18.

(6) Ex const. 33. Iulii III., quam laudat Mandos. ad cit. Canc. Reg. 26. qu. 3.

(7) Ex const. Bonifacii VIII. in extravag. inuictae 1 de electione Praeterea constitutiones Alexandri V. Iulii II., et Pauli IV. promotos ad Cathedrales Ecclesias, et Abbatias, qui per annum expeditionem litterarum apostolicarum neglexerint, ipso iure privatos eisdem sanxerunt.

(8) Tradit Rigan. in Reg. X. Canc. num. 91., et seq.

(9) Reg. V. de litteris in forma rationi congruit expediendis.

(10) Rigan. in cit. Reg. X. num. 65.

citra, vel ultra montes obtinuerint per signaturam, accipere intra sex menses ab eo die numerandos, quo gratiae in albo ipsius Datariae promulgantur, litteras rite expeditas, aliter possint ea per alios impetrari (1).

VIII. Exigua vix beneficia ab onerosa bullarum expeditione excipiuntur, nimirum simplicia, quorum annui redditus duos cum dimidio, vel tres ducatos auri de Camera non excedunt, et curata, si fructus certi ducatos sex auri de Camera, comprehensis etiam oneribus, aut si fructus una cum incertis duodecim ducatos auri similiter non excedunt (2): in his enim Sedes Apostolica fere indulget possessionem dari sine plumbatis litteris ex decreto simplicis signaturae.

IX. Duplex forma ex inveterato Cancellariae, seu Datariae Apostolicae stylo usuvenit in pontificis collationum litteris, bullatis nimirum membranis: *forma gratiosa*, vel *forma dignum*, ut aiunt, seu *mandati de providendo*. Prior gratiam collationis puram largitur, posterior *conditionalem*. Quoties impetrator beneficii cum attestationibus sui Ordinarii, vel examinatorum Urbis, vel aliis informationibus arbitrio Datarii ostendit se quod ad mores, ac doctrinam idoneum ad beneficia ecclesiastica obtinenda, consequitur collationem in *forma gratiosa*, quae gratiam omnino perfectam largitur, et ius plenum in beneficio tribuit eatenus, ut possessionem, vel cum adstantia alicuius personae in dignitate ecclesiastica constitutae possit apprehendere.

X. Ubi autem praedicta deficiat probatio idonei petentis, expediuntur bullae in altera *forma conditionali*, quibus Ordinario loci, vel alicui executori apostolico committitur, ut si dignum, atque habilem repererit impetrantem, ei beneficium tunc auctoritate apostolica conferat, ipsumque in possessionem immittat, *Mandamus* (de stylo dicitur in bullis pontificiis) *quatenus si post diligentem examinationem dictum N. ad obtinendum beneficium idoneum esse reperiis, super quo conscientiam tuam oneramus, eidem dictum beneficium auctoritate apostolica conferas*. Putant alii huic alteri formae nomenclaturam fuisse impositam ab aliis bullae initialibus verbis: *dignum arbitramur, et congruum*. Istaec collatio posterioris formae eatenus est *condicionalis*, ut post repertam personae capacitatem verificata conditione habeatur collatio ab initio valida, et perfecta; retrotrahitur enim ad tempus expeditionis, et licet impedita sit in executione, ea nihilominus tribuit proviso plenum ius ad titulum, non aliter, quam si collatio fuerit in *forma gratiosa*. Contra vero, si reperiatur indignus, et non idoneus, collatio evanescit, perinde ac facta non sit, seu potius vim habebit mandati de providendo sub certa conditione, quo impetrans agere dicitur de iure quaerendo, non autem quaesito ex recepta sententia Curiae Romanae (3): istoque casu collatio non promanat immediate a Pon-

(1) Idem loc. cit. n. 72. Anni spatium eis, qui ad Cathedralis, vel Abbatiales Ecclesias promoti essent, concessum pro expeditione litterarum ab Alexandro V. et Julio II. const. 4. ferunt Fagnanus, et Thomassin. apud Rigant. *ibidem* num. 74. et ult.

(2) Rigant. in nar. 1. Reg. IX. Caus. §. 2. num. 101, monet expeditioni simplicis signaturae locum non esse, quoties agitur de impetrandis, vel resignandis beneficiis tenuibus, vel derogatione medietati iurispatronatus, vel subrogatione in iura defuncti.

(3) Quam tradit Card. de Luca de benefic. disc. 71. in fine.

tifice, sed potius ab Ordinario executore apostolico, adeont antequam executionem sit adeptus, nullum titulum in beneficio habere impetrans ipse dicatur, illudque resignare interim non possit (1).

XI. Prætereaque *novae provisionis* bullas, ut aiunt, largiri solet Summus Pontifex uedum iis, qui obtinuerint a Cardinalibus vigore indulti beneficia in mensibus apostolicis vacantia, vel aliunde reservata (2); sed etiam ad roborandam, firmandamque priorem collationem vel ab ipsomet formatam, vel ab Ordinario concessam, ut supplicantur defectus, ac sanctor nullitates, quae in anteriori provisione forsitan inciderint.

XII. Quum de pontificiis bullis sanitati restituendis agatis, Pontifex defectus, subscriptiones, et nullitates nominatim per impetrantem exprimendas, tollit, ut conualescant priores apostolicae bullae. Ad id Regula XLII. Cancellariae de *supplendis defectibus* disponit, quod si petatur *suppleri in genere, nullatenus litterae desuper concedantur, nisi in petitione huiusmodi defectus exprimantur, vel per fiat, ut petitur supplicatio signata fuerit* (3).

XIII. At ubi vitiosa Ordinarii collatio sit confirmanda, defectus fere non exprinuuntur in specie, sed generatim in pontificiis novae provisionis litteris per hanc generalem clausulam: *cum ex certis causis de viribus primae provisionis Ordinarii haesitetur, defectus omnes suprema potestas pontificia supplet*.

XIV. Verum in utrisque conditionalis adiecitur: *dummodo tempore datae praesentium non sit in eodem beneficio alicui specialiter ius quaesitum*. Propterea haec nova provisio non retrahitur ad datam prioris. Et versa vice nullum eidem priori collationis ius detrahit iniquiens: *eidem oratori sine praepiudicio iuris ad illud iam aliunde, ut praefertur, quaesiti, sed ius iuri addendo, et antiquum conservando, et de illo etiam providere volentes* (4). Huc pertinet Cancellariae Regula XVII. de non tollendo ius alteri quaesitum. Ceterum duae collationes unius, eiusdemque beneficii in favorem unius personae non debent ambae valere, quoties posterior non faciat mentionem de priori: sed impetrans commodo utriusque carebit, si utraque uti voluerit (5). Secus dicendum, si una tantummodo utatur (6).

XV. Inter species litterarum novae provisionis recensentur itidem apostolicae litterae, quas nuncupant in forma *rationi congruit*. Videlicet, ubi per solam supplicationem a Papa defuncto signatam provisiones vacantium beneficiorum factae sint, successor Pontifex sub die coronationis suae mandat suas expediri litteras pro antecedentis gratiae observantia, et executione, quae incipiunt recitatis iam verbis: *rationi congruit, et honestati*, ex Regula X. Cancellariae, quam paullo superius memoravimus (7).

(1) Paris. de *resignat. lib. 3. qu. 1. num. 149.*

(2) Ex *supradictis cap. 6. num. 17.*

(3) Huius rescripti praerogativa, et vis paulo superius exponitur *hoc. cap. num. 3.*

(4) Formam litterarum novae provisionis videsis apud Rebuffum in *prax. benef. par. 1. tit. forma, et declaratio novae provisionis.*

(5) Innoc. III. in *cap. ex tenore 19. de rescriptis.*

(6) Idem in *cap. plerumque 23. eod. tit.*

(7) Reg. X. de *litteris in forma rationi congruit expediendis*, de qua dictum supra *num. 7.*

XVI. Consimiles quoque litterae, quas nuncupant *perinde valere*, faciunt, ut revalescant gratiae defuncti Pontificis infra annum concessae, ubi dubium sit easdem vitio nullitatis laborare ob subreptionem, aliumque defectum, sine tamen praeiudicio iuris cuivis alteri interca quaesiti. Nam Cancellariae Regula XII. omnes, et singulas a Romano Pontifice praedecessore infra annum ante diem eius obitus concessas gratiae, vel iustitiae litteras temporibus debitis earum executoribus, seu iudicibus non praesentatas omnino revalidat, et in statum pristinum, in quo videlicet antea fuerant, vel pro quibus erant obtentae, quoad hoc plenarie restituit (1). Non praesentatas, ait Regula, quae idcirco ad vitiosas, et invalidas praedecessoris litteras extendi non potest, nova speciatim confirmatione indigentes, neque ad acta quaelibet, Sede vacante gesta, quae sunt sub novo Pontifice repetenda ex integro (2).

XVII. Insuper ubi utriusque colligantis titulis, et ius viribus careat, alteruter diligentius obtinere solet gratiam apostolicam vulgo nuncupatam *si neutri*, per quam colligans ius adipiscitur, quod antea non habebat. Quod si ambo eam obtinuerint, prior in tempore, potior erit in iure, etiamsi anticipatio in momento consistat, propterea quod ex eodem fonte utraque promanet (3). Cuipiam vero extraneo litigiosum beneficium impetranti gratia *si nulli* conceditur. De his, aliisque id genus impetrationum, et subrogationum gratiis pontificiis plura iam superius dixi, admonens interea, quatenam ipsarum consueverit placitum regium sortiri (4).

XVIII. *Ut nemini in quibuscumque beneficiis ecclesiasticis permittantur coadiutoriae cum futura successione*, decrevit Synodus Tridentina (5). Sacris enim canonibus vetitum est beneficia, antequam vacent, conferri, vel promitti (6). Sed ipsa quum Synodus declaraverit in cunctis de reformatione decretis salvam esse auctoritatem Sedis Apostolicae (7), suo quidem iure usi Pontifices Romani multos creare coadiutores cum futura successione consentientibus plerumque Ordinariis locorum consueverunt.

XIX. Parochialium tamen Ecclesiarum, et beneficiorum cum animarum cura collationem debet omnino praecedere examen in concursu coram examinаторibus synodalibus. Enimvero statuit Tridentina Synodus, quum *parochialis Ecclesiae vacatio... quodammodo contigerit* (sive in Curia, sive extra illam), etiamsi *reservata*, vel *affecta fuerit generaliter, vel specialiter*... Episcopus statim habita notitia vacationis Ecclesiae (8), per edi-

(1) Reg. XII. de revalidatione litterarum praedecessoris.

(2) Rigant. in cit. Reg. XII. num. 33.

(3) Honor. III. in cap. Capitulum S. Crucis 3o. de rescriptis, de quo superius dixi cap. 6. num. 5.

(4) Vide cap. 5. de reservat. num. 61, 62., et 63.

(5) Trid. in cap. cum in beneficiis 7. sess. 25. de ref. Temporaneos tantum coadiutores Parochis imperitis, vel defectivis dari permisit in cap. quia illiterati 6. sess. 25. de ref.

(6) Conc. Lat. III. sub Alex. III. in cap. nulla 1. de concess. praebe.

(7) Trid. in cap. postremo 21. sess. 25. de ref.

(8) Tridentina Synodus in cap. expedit 18. sess. 24. de ref. in primis decrevit, ut Episcopus, et qui iuspatronatus habet infra decem dies, vel aliud tempus ab Episcopo praescribendum idoneos aliquos clericos ad regendam Ecclesiam coram deputatis examinаторibus nominet. Liberum sit tamen etiam aliis, qui aliquos

etum publicum vocabit ad concursum omnes, qui volent examinari: *transacto constituto tempore*, decem puta dierum, omnes, qui ad concursum descripti fuerint, examinabuntur ab Episcopo, vel eius Vicario generali, atque ab aliis *examinatoribus synodalibus non paucioribus, quam tribus*. Quorum totis, si pares, aut singulares fuerint, *accedere possit Episcopus*, vel Vicarius, quibus magis videbitur. Peracto deinde examine *renunciatur*, Synodus ait, *quocumque ab his examinatoribus idonei iudicati fuerint aetate, moribus, doctrina, prudentia, et aliis rebus ad vacantem Ecclesiam gubernandam opportunis: ex hisque Episcopus eum eligat, quem ceteris magis idoneum iudicaverit, atque illi, et non alteri collatio Ecclesiae ab eo fiat, ad quem spectabit eum conferre*. Si vero iuris patronatus ecclesiastici erit, ac institutio ad Episcopum, et non ad alium pertineat, is, quem patronus digniorem inter probatos ab examinatoribus censuerit, Episcopo praesentabit, ut ab eo institutur. Cum vero institutio ab alio, quam ab Episcopo erit facienda, tunc Episcopus solus ex dignis eligat digniorem, quem patronus ei praesentet, ad quem institutio spectat. Quod si iuris patronatus laicorum fuerit, debeat qui a patrono praesentatus erit, ab iisdem deputatis, ut supra, examinari, et nonnisi idoneus repertus fuerit, admitti: alias collatio, seu institutio tamquam subreptitia nullius momenti erit (1).

XX. Tum S. Pius V. Tridentinam legem hanc declarans, et amplians multa imperavit. 1: ut servetur Tridentina forma concursus. 2: Episcopus parochiam, quae in mense ordinario vacaverit, conferre infra sex menses debeat, alias devolvatur provisio ad Sedem Apostolicam. 3: ut vacante in mense apostolico Ecclesia, teneatur Ordinarius intra quatuor menses, praevio concursu significare Summo Pontifici, vel eius Datario magis idoneum ex concurrentibus: aliter collatio apostolica fiat sine concursu Ordinarii. 4: patroni intra legitimum tempus nimirum sex, vel quatuor mensium, praesentare unum, vel plures idoneos teneatur, et praesentatus intra duos inde menses institutionem petere, ac obtinere. 5: Ordinarius nequeat ultra decem alios dies prorogare terminum vel concurrentibus, vel patronis a Tridentino constitutum decem dierum ad nominandos idoneos clericos coram synodalibus examinatoribus. 6: parochiales omnino dignioribus conferantur, alias lecto minus digno, posthabitus dignior valeat ab irrationabili iudicio Episcopi, et examinatum appellare ad Metropolitanum, et Sedem Apostolicam, vel si Metropolitanus, aut exemptus fuerit, ad viciniorem Episcopum, tamquam Sedis Apostolicae delegatum: non impedita interim executione praelectionis ab Ordinario

ad id aptosnaverint, eorum nomina deferre, ut possit postea de cuiuslibet aetate, moribus, et sufficientia fieri diligens inquisitio. Et si Episcopo, aut Synodo provinciali pro regionis more videbitur magis expedire, per edictum etiam publicum vocentur qui volent examinari. Primus hic Tridentini decreti articulus exortit, quem solum usu vigeat episcopale edictum convocans concurrentes ad examen cum termino dierum decem.

(1) Necessitas publica videtur legem hanc Tridentinam postulasse. Nam non est hoc consulere populo, sed nocere, non proferre regimini. ad augere discrimen: integritas enim praesidentium salus est subditorum, scripsit S. Leo M. ep. 1. c. 8. has 87. ad Episcopos Africae. Ad res hanc videtur stat. 12. Lambertini, alias Benedicti XIV. qui necessitatem istam eligendi parochos digniores comprobatur exemplo architecti, cum Guilielmo Parisiensi.

factae, atque per novum examen, si constiterit de irrationabili iudicio, collatio revocetur. Quidquid aliter fuerit gestum, denique irritum declaratur, et inane (1).

XXI. Deinde litteris S. Congregationis Concilii die 10. Ianuarii 1721. de mandato Clementis XI, haec alia in conferendis per concursum parochialibus Ecclesiis praescripta sunt. 1: ut assignentur eadem omnibus concurrentibus quæstiones, iidem casus, idemque textus Evangelii uno eodemque tempore, iisque certum, et congruum horarum spatium constituantur, intra quod casus resolvant, et quæstionibus respondeant latine, concinnulam vero componant materno, et vulgari sermone. 2: ut concurrentes omnes in uno conclavi claudantur, in quo data singulis scribendi commoditate, et responsa et sermonem singuli sua manu scribant, et subscribant. e quo egredi, nisi postquam scripta confecerint, ac tradiderint examineribus, liceat nemini. 3: scripta responsa, et concinnulas tam Episcopus, vel Vicarius generalis, quam examinatores, et Cancellarius concursus subscribant. 4: collata inde per eiusmodi concursum ei Ecclesia parochiali, qui fuerit magis idoneus, ac dignior iudicatus, nisi intra decem dies a die collationis interponatur appellatio, non admittatur hæc amplius tam a mala relatione examinerum. quam ab irrationabili iudicio Episcopi. 5: si quis tamen intra decendum appellaverit, acta concursus, vel originalia, vel eorum copia rite collata coram Vicario generali, vel alio per Ordinarium deputato, et subscripta per cancellarium, et examinatores synodales, qui concursui interfuerint, clausa et obsignata, ad iudicem appellationis transmittantur: ex quibus, nisi gravamen quo ad doctrinam liqueat, ad novum examen provocandi facultas frustra postulabitur. Quod vero ad mores, et reliqua, nisi probaverit appellans vel ex iisdem actis, vel aliis documentis non levibus illatum gravamen frustra persequetur appellatio.

XXII. Denique nuperis Benedicti XIV. litteris encyclicis, datis die 14. Decembris 1742. (2) clarior methodus conficiendi concursum constituta est sequentibus septem articulis. In primis, statim habita notitia vacationis Ecclesiae ad praescriptum Tridentini idoneus in ea per Episcopum deputetur Vicarius curatus cum congrua fructuum portionis assignatione, onera ipsius Ecclesiae sustenturus, donec ei de rectore providetur. 2: publico evulgetur edicto notitia concursus cito post decem dies celebrandi, eodemque edicto clare admoneantur concurrentes, ut interim in Curia Episcopali suarum qualitaturn, meritorum, et munerum probationes, attestations tam iudiciales, quam extraiudiciales, aliaque id genus documenta, quae fraude vacent: ac veritate nitantur, exhibeant: alioquin decem lapsis diebus documenta eiusmodi, qualiacumque ea sint, nullatenus recipiantur. 3: eveniente die concursus, a Cancellario episcopali singulorum merita, qualitates, et requisita fideliter deprompta ex documentis tempore habili exhibitis, in scriptis summatis redigantur, et copia istiusmodi summarii tradatur non solum Episcopo, vel eius Vicario generali, sed omnibus sigillatim examineribus ad concursum adscitis, ut ferant

(1) S. Pius V. in *const. in conferendis* 33. data 15. Kal. April. 1567., quam exscribit St. Quaranta in *sum. bullar.* tit. *beneficiorum parochialium collatio*.

(2) Benedict. XIV. in *const. cum illud* 63. to. 1. bullarii.

quum de scientia, tum de vita, moribus, aliisque dotibus regendae Ecclesiae necessariis iudicium. 4: die praestituta habeatur coram Episcopo, vel Vicario generali, et tribus saltem examinadoribus synodalibus concursus, servata tradita forma, totaque rerum in ea gestarum series scriptis diligenter enucleetur. Examinatores ad assequendam certam, et indubiam coniecturam scientiae, postquam diligenter expenderint singulorum peritiam in expiscando oretenus aliquo ecclesiasticae doctrinae capite, vel a sanctis Patribus, vel a sacro Concilio Tridentino, vel a Catechismo Romano excerpto, ac pari diligentia libaverint a quolibet scripto datas quaestionibus propositis responsiones, et postquam denique deprehenderint, qua quisque polleat gravitate sententiarum, et elegantia sermonis in coniuncta scripto pariter exarata, et textui Evangelico, vel alteri dato themati accomodata, parem, ni forte maiorem solertiam examinatores adhibeant in perscrutandis aliis qualitatibus regimini animarum consentaneis, morum honestatem inquirant, gravitatem, prudentiam, praestita Ecclesiae obsequia, acquisitam in aliis muneribus laudem, aliaque spectabilium virtutum ornamenta, doctrinae arcto foedere consocianda: hisque omnibus coninetim expensis, inhabiles per sua suffragia reiciant, et idoneos Episcopo renuncient. 5: absoluto concursu, notulae requisitorum compendiarie comburantur, vel penes acta secreto custodiantur, et nemini ostendantur sine mandato Episcopi. Tum ab ipso Episcopo, cum primum liberit, eligatur ex adprobatis dignior, nec illi possessio aliquo appellationis, vel inhibitionis obtentu retardetur. 6: si quem clericorum autem appellare contigerit a mala relatione examinerum, vel ab irrationabili iudicio Episcopi, coram iudice appellationis acta concursus integra omnino producantur per appellantem, et nisi illis visis, et gravaminis comperito sententiam pronuntiandam fore sciat ex probationibus solum ab actis concursus elicitis, tam respectu doctrinae, quam aliorum meritorum, nulloque modo recipiantur quaecumque documenta a concurrentibus exhibita, vel expiscata post diem habiti concursus: hac enim in parte dumtaxat derogatum est memoratis litteris S. Congregationis anni 1721. 7: et ubi parochialis Ecclesia conferatur uni ex adprobatis, quem Episcopus magis idoneum ob aliquam sibi metipsi tantummodo notam causam iudicaverit, conquerentibus aliis inter adprobatos posthabitis, causam eandem iudici appellationis litteris familiaribus significabit inviolabili secreto custodiendam, ad detergendam iniustae praelectionis notam, quemadmodum Patres Tridentini provide caverunt (1), et protestabitur coram Deo se minime dicturum malum bonum, et bonum malum, nec positurum tenebras lucem, et lucem tenebras. Quin si unquam suspecta videbitur fides iudicis appellationis de occulta eiusmodi causa praelectionis secreto servanda, certiore faciat Episcopus sacram Congregationem Concilii, ipsumque Summum Pontificem. Et ubi sententiam iudicio Episcopi conformem iudex appellationis pronunciarit: secundae appellationi locus non erit. Sin vero difforem, praelectus ab Episcopo, qui causa cecidit ad alium iudicem appellabit, retenta interim parochialis Ecclesiae possessione.

XXIII. Quoties autem collatio parochiarum, aliorumque beneficiorum

(1) Trid. sess. 24. causae omnes 20. de ref §. praeterea.

cum animarum cura ad Sedem Apostolicam pertineat, iisdem pontificiis litteris Benedicti XIV. constitutum est, ut concursus ab Episcopo sine ullo discrimine reservationum apostolicarum indicatur, nulla ad hunc actum petita venia, vel licentia. Absoluto concursu, si curatum beneficium ratione mensium dumtaxat sit reservatum: Episcopus inter adprobatos eliget magis idoneum, et Datariae significet, nec acta concursus transmittat, nisi a Dataria requirantur. Sin vero beneficia eiusmodi curata ex alio quovis capite, quam mensium apostolicorum, S. Sedi reservata sint: eo casu acta concursus ultro transmittat ad Datariam Episcopus, intereaque absteineat a referendo dignioris iudicio iuxta vetustum morem, tametsi familiaribus litteris denunciare Datario potest personam magis idoneam, et occulta forsan impedimenta concurrentium (1).

XXIV. Quod patroni ecclesiastici digniorem inter concurrentes ab examinаторibus probatos eligere, eumque praesentare Episcopo, si ad eum pertineat institutio, et ubi alius ab Episcopo ius habeat instituendi, non alium, nisi electum ab ipso Episcopo digniorem praesentare, a Patribus Tridentinis decretum iam videmus. Qua in re dubitanti Archiepiscopo Florentino rescripsit Benedictus XIV. in primis, quod patronus ecclesiasticus omnino teneatur in foro externo eum praesentare ad beneficium curatum, qui inter concurrentes ab examinаторibus coram Episcopo magis idoneus, magisque dignus renunciatus erit. 2: quod Episcopus, ad quem institutio pertineat, patroni praesentantis iudicium de magis idoneo, et digniori sequi tunc debeat, ubi ceteri concurrentium adqueverint, eorumque nemo reclamaverit: at aliquo ipsorum reclamante, Episcopus partes iudicis tunc sumpturus inquirat, rectum ne sit patroni iudicium. 3: quod appellatio posthabiti concurrentis non suspendat institutionem eius, quem patronus simul, et Episcopus digniorem iudicaverint: eam vero suspendat, si Episcopi sententia ab ea patroni discordet, usque ad exitum iudicii adpellationis (2).

XXV. Si adeo exigui redditus, ait Tridentinum, dictae parochiali fuerint, ut totius huius examinationis operam non ferant, aut nemo sit, qui se examini quaerat subicere, aut ob apertas factiones, seu subsidia, quae in aliquibus locis reperiuntur, facile graviore rixae, ac tumultus possint excitari: poterit Ordinarius, si pro sua conscientia cum deputatorum consilio ita expedire arbitrabitur, hac forma omitta, privatum aliud examen, ceteris tamen, ut supra servatis adhibere. Licebit etiam synodo provinciali, si qua in supradictis circa examinationis formam addenda, remittendaque esse censuerit, providere (3).

XXVI. In multis casibus parochiales Ecclesiae conferri sine concursu, et omitta examinis forma solemniori, scilicet in resignationibus ad favorem, et permutationibus, et devolutionibus, tradit Fagnanus (4). Quandoquidem quoties Ecclesia parochialis ad favorem certae personae in ma-

(1) Nactenus ex cit. const. Benedicti XIV.

(2) Bened. XIV. in const. redditae nobis 4. die 9. Aug. 1746. to. 2. Bullarii.

(3) Trid. in fine cit. cap. 18. sess. 23. de ref. Hoc episcopale arbitrium remittendi concursus in parochiis tenuissimis agnovit Rota penes Piton. de contr. patr. post. alleg. 5. num. 32.

(4) Fagnan in cap. mandato de simonia num. 51. to. 5.

nibus summi Pontificis resignaretur, consuevit Apostolica Sedes eam resignatorio conferre in forma *dignum* sub conditione, si idoneus ab Episcopo reperiat in examine coram synodalibus examinadoribus habendo: quum in resignationibus eiusmodi conditionalibus, quae vacationem Ecclesiae interea non inducunt, nequeat Episcopus concursum indicere.

XXVII. Ad regiam vero collationem pertinentia beneficia, quibus annexa cura animarum est, iamdiu consuevit Rex donare, seu conferre uni ex tribus regulariter per Capellanum Maiorem praevio saepe concursu adprobatis, et propositis. Ei collationis gratia regio primum rescripto conceditur, dein diploma rite expeditur obsignatum sigillo regio in cera rubra impresso, eoque in theca cypria, quae funiculo colligata pendet, incluso.

XXVIII. Canonici Theologi, et Poenitentiarii praebendae, ut dignissimis omnium conferantur praevio concursu, et examine instar parochialium Ecclesiarum, decrevit Concilium IV. Mediolanensi (1). Synodus enim Tridentina decrevit neminem ad Canonici Theologi officium, et Sacrae Scripturae lectionem tam publice, quam privatim esse admittendum, nisi ab Episcopo loci antea examinatum, et adprobatum (2). Simul et Poenitentiarii officium, et praebendam ei dumtaxat conferendam, idque in superiori capite iam praemonui, qui *magister sit, vel doctor, vel licentiat in theologia, vel iure canonico, et aetatem habeat annorum quadraginta, vel alias qui aptior pro loci qualitate reperiat episcopali iudicio* (3). Cuiusmodi constitutionibus ne fraus fieret, Benedictus XIII. iure merito sanxit, ambo praebendas, et officia Canonicoe theologi, ac poenitentiarii, non nisi praevio concursu conferenda dignioribus, et examen concurrentium fieri coram Episcopo, et quatuor saltem examinadoribus, etiamsi synodales non sint, ab eodem Episcopo actu deputandis, sive *saecularibus, sive regularibus, in theologica facultate licentiat, et valde peritis*: ut collatio inde fiat magis idoneo, quem examinadores iidem probaverint, in mensibus ordinariis ab ipso Episcopo dioecesano, in mensibus autem reservatis ab Apostolica Sede, ad quam omnia concursus acta transmitti tunc oportet (4).

XXIX. Appellandi, et reclamandi facultatem concurrentibus ad curata beneficia, et praebendas theologi, et poenitentiarii, quae per concursum conferri dignioribus oportet, utique dant iura hactenus exposita: nullam vero expectantibus beneficia simplicia liberae collationis. Querelae in dies multae quidem obstrepunt eorum, qui ecclesiastica beneficia liberae collationis ambiunt, et frustra a collatoribus Episcopis, vel ab Apostolica Sede postulant, easque non raro ad Regem recurrentes deferunt, qui sese per iniuriam aliis ea impetrantibus posthabitos lamentantur. Sed liberum hactenus arbitrium ea in re Episcopis esse non deminuendum, nullaque vi cogendum, censuerunt pro Rege Nostro pupillo Ferdinando IV. Domini Regentes, ad regium Brundusii Gubernatorem rescribentes per Secretariam rerum ecclesiasticarum die 23. Ianuarii 1762.

(1) Conc. IV. Mediol. an. 1579. cap. 5. apud Thomassin. par. 2. lib. 1. cap. 52. num. 11.

(2) Trid. in cap. eodem 1. sess. 5. de ref.

(3) Trid. in cap. Apostolus 8. sess. 24. de ref.

(4) Bened. XIII. in const. *pastoralis*, quam habet Romanum eiusdem Pontificis Concilium in append. num. 2.

XXX. Quum nequeant beneficia antequam vacent, cuius conferri, aut promitti (1): irrita collatio erit, quam Ordinarius, vel Papa fecerit cuiuslibet beneficii non vacantis, etiamsi post eam vacatio statim subsequatur. Ad vitandas hac in re fraudes, Cancellariae Regula XLVII. plane iubet: *quod si petatur aliquod beneficium vacans per modum in Cancellaria Apostolica exprimendum, talis impetratio non valeat, nec litteras desuper expediantur.* Et Bonifacius VIII. declaravit litteras apostolicas cum mandato de providendo ei, qui narraret beneficium ex resignatione vacare; non suffragaturas, si possessor antequam resignet mortem obiverit (2): quum expressum unus vacationis modus alium non complectatur. Ut valeat igitur impetratio, et collatio, exprimendus est certus vacationis modus, puta per obitum, vel resignationem, vel privationem, vel professionem regularem, vel matrimonium ultimi possessoris proprio etiam nomine, et cognomine designandi (3). Addit Regula XLVI. *quod non dentur litteras super beneficiis vacaturis per ingressum Religionis, nisi professio praecesserit datam desuper petitionis.* Quoties autem secuta vacatio revera sit ante impetrationem, ne gratia Pontificis corruat ex certo vacationis modo per errorem fortasse narrato, adiici Apostolicis litteris clausulae solent: *sive praemisso, sive alio quovis modo: vel alterius cuiuscumque personae obitum, resignationem etc., etiamsi devolutum existat* (4).

XXXI. Ut ecclesiastica beneficia sine diminutione conferantur, regula iuris est (5). Prohibuit sane Concilium Lateranense III. Abbatibus, Episcopis, aliisque Praeclatis, *ne partem reddituum Ecclesiarum suis usibus appropriare praesumant: sed libertatem, quam sibi maiores conservare desiderant, minoribus suis bona voluntate conservent* (6). Consuetum solummodo ius cathedraliticum possunt sibi Episcopi collatores reservare (7): quod duos solidos, duos videlicet ducatos Regni nequit excedere (8). Pro bono pacis autem Episcopus potest auctoritate ordinaria, et index etiam compromissarius alteri ex duobus electis, aut praesentatis beneficium ad-

(1) Ex can. Conc. Later. III. in cap. nulla 2. de concess. praeb.

(2) Boof. VIII. in cap. susceptum 6. de rescriptis in VI.

(3) Rigaut. in Reg. XVI. num. 47., et seq. tom. 3.

(4) Eas explicat Rigaut. loc. cit. num. 32. et seq. Videsis dicenda inferius cap. 12. num. 14.

(5) Eamque tradit rubrica 12. lib. 3. Decretal. hisce verbis concepta. Innocentius II. in Synodo Romana constituit, ut unus quisque libere, et absque diminutione aliqua, collata sibi dignitate, atque beneficio perfruatur, can. si quis praebendas 15., et ult. C. 1. qu. 3. Alexander III. in Conc. Turonensi cap. maioribus 8. de praeb. indecorum omnis esse dixit, ut minorum clericorum praebendae patiantur affectionem. Idipsum rescribere Innocentius III. in cap. vacante 16. et Gregorius IX. in cap. cum causam 36. de praeb.

(6) Conc. Later. III. sub Alex. III. in cap. prohibemus 7. de censibus. Idque firmavit Innoc. III. in cap. un. ut eccles. benef. sine diminut. conf. rescribens Medietanensi Archiepiscopo in Lateranensi Concilio prohibitum: ne quis conferendo ecclesiasticum beneficium partem proventuum suis usibus retinere praesumat.

(7) Urbanus II. in Conc. Alverniae can. quaesitum 4. C. 1. qu. 3. salvo, ait, Episcoporum censu annuo, quem ex eisdem altaribus habere soliti sunt.

(8) Ex Conc. Bracarensi II. an. 572. in can. placuit 1. Pelag. II. in enn. illud C. 10. qu. 3. Ivone Carnotensi par. 8. cap. 136. Hoor. III. in cap. conquiente 16. de off. ordin.

iudicare, alteri pensionem annuam super eius fructibus reservare ad vitam colligantis beneficiarii duntaxat, quam subire successor beneficiarius non tenetur (1). Ceterum pensiones perpetuas imponendi super ecclesiasticis beneficiis ius habet suprema tantum Romani Pontificis potestas.

XXXII. Ad voluntariam iurisdictionem quum pertineat collatio beneficiorum, eam ulilibet etiam extra dioecesim ab Episcopis recte fieri. consentiunt doctores (2). Nam Innocentius III. probavit, quod Eboracensis Archiepiscopus, dum in partibus cismarinis extra provinciam suam ageret, archidiaconatum Richemundiae contulisset (3). Leges enim ut proconsulibus (4), ita Episcopis, tamquam Ordinariis locorum indulgent, suam ut iurisdictionem voluntariam exercere extra dioecesim valeant, secus contentiosam.

§. un. De optione canonica.

XXXIII. Optio canonica vigens alicubi ex lege fundatinnis, vel statuto, vel privilegio, vel consuetudine, sed non iure communi (5) vim habet impediendi, vel transferendi liberas Ordinariorum collationes in dignitatibus, praebendis, et canonicatibus Cathedralium, et Collegiorum: quoties nimirum velint, ubi mos est, Canonici antiquiores possessione, non aetate gradatim praebendas, dignitatesque maiores Apostolicae Sedi non reser-

(1) Ex decretali epistola Innocentii III. in *cap. nisi essent* 22. *de praebendis*, quam fasius explicat Fagnanus. Pariter Alexander III. in *cap. cum venissent* 9. *de restit. spoliat.* non improbat, quod Canonici auctoritate Archiepiscopi annuam pensionem vivente clerico beneficiario perceperunt super Ecclesia ei collata. Idemque rescripsit Carnotensi Episcopo in *cap. de cetero* 5. *de transact.*, quod census eiusmodi, seu pensio vitam eius, qui solverit, non excedit.

(2) Cum. Gl. in *cap. novit ille* 7. *de offic. legati* verb. *terminos*, Rigant. in *Reg. 2. Can. §. 3. num. 103.*

(3) Innocentius III. in *cap. post electionem* 7. *de concess. praeb.* In textu quidem vulgato desideratur haec clausula interiecta: *Archiepiscopo in partibus cismarinis agentis*: sed eam supplet Gunzalez ex Antonio Augustino.

(4) *Omnes proconsules statim ac Urbem egressi fuerint, habent iurisdictionem, non contentiosam, sed voluntariam*, ait Marcianus in *l. omnes. 2. D. de offic. procons.*

(5) In canonicis quidem electionibus, ut seniores iunioribus, antiqui novis, docti rudibus praeferantur, sacri canones iubent. Coelestinus I. ad Episc. Apuliae, et Calabriae rescribens: *quid proderit, ait, per singula clericos stipendia militasse, si hi, qui praefaturi sunt, ex laicis requirantur? qui salta praepropero sic alienum honorem ambiunt immoderata cupiditate transcendere? eun. quid proderit* 7. *dist. 61.* S. Leo valde iniquum, et absurdum esse scripsit: *ut imperiti magistris, novi antiquis, et rudes praefervantur emeritis, can. statuimus* 8. *ead. dist. 61.* Gelasius in *eun. ordinationes* 7. *dist. 75.* ad Episcopos Lucaniae rescripsit, *ne cuiuslibet utilitatis causa, seu Presbyterum, seu diaconum his praefervent, qui ante ipsos fuerint ordinati.* Concilium Agathense in *can. Episcoporum* 4. *dist. 74.* decrevit, *ne quis Episcoporum posteriorem priori praeponat: nisi ob superbiam cuius, et simpliciorum illius naturam praeponendum aliquem elegerit Episcopus.* Maiora inde merita virtutum, et morum, et scientiae in causa fuere, ut suo Episcopi arbitrio in liberis collationibus officiorum, et praebendarum iuniores plerumque senioribus praefervent.

vatas, quae vacaverint, praecoccupare, alia, quam habebant, dimissa, suamque optandi voluntatem infra viginti dies a notitia vacationis decurrendis aperuerint (1). Unicum vero id spatium XX. dierum quum simul omnibus detur, illud semel dilabitur tam primo negligenti, quam aliis posterioribus optandi ius habentibus (2). Si vacantem optaverit nemo, eam ipsam tunc Episcopus post viginti dies elapsos, vel post repudiatam (3) optionem probe conferet arbitrato suo: aliter conferret aliam ab optante vel uno, vel inter plures postremo dimissam, quae ipso iure, ipsoque facto per optionem vacabit (4).

XXXIV. S. R. E. Cardinales in primis privilegio fruuntur optandi collegii sui titulos, Episcopatus suburbicarios, et decanatum, ex quo Alexander V. in Concilio Pisano electus an. 1409. pro ea temporis conditione indulsit Cardinalibus utriusque obedientiae Romanae, et Avenionensis unoque, eosdemque titulos adeptis optare vacantes, ut alteros dimitterent (5). Id quod a subsecutis Pontificibus firmatum, moderatumque sibi iam diximus (6). In militari etiam religione equitum Melitensium S. Io. Hieros. vigere consuetudinem, ut equites antiquiores ante alios in ea recepti, et professi commendas Ordinis pinguiore in singulis vacationibus optent

(1) Naturam, legemque optionis canonicae peculiarem edixit primus omnium Bonifacius VIII. in cap. cum in tua 4. si ult. de consuetudine in VI. Cum in tua Ecclesia, inquit, in qua consuetudo habetur, quod antiquiores canonici gradatim meliores, si voluerint, possint cum vacant per se, vel per alios optare praebendam non obstante mandato apostolico de providendo alicui de praebenda primo vacatura, poterunt ipsi antiquiores iuxta consuetudinem optare, cum praebenda vacabit, et illa, quae optata non fuerit (si nulli sit debita) erit illi, pro quo scripsimus, conferenda. In praebendis vero apud Sedem Apostolicam vacantibus, cum de ipsis per Romanum Pontificem ordinatur, locus praedictae consuetudinis non existit. Ne autem prelatu eiusdem consuetudinis provisionis auctoritate apostolica faciendae ultra debitum differantur: statuimus, ut sacculares super ipsis provisionibus deputati optare volentes per viginti dies dumtaxat expectant, quibus elapsis, libere in non optatis ad exequenda tibi mandata procedant, praefata consuetudine non obstante.

(2) DD. communiter apud Monet. de optione cap. 4. qu. 3. num. 11., et 287. Nisi peculiare statutum, vel privilegium alicui Ecclesiae aliud spatium temporis vel longius, vel brevius indulsit.

(3) Innocentius IV. in cap. quia cunctis. 1. de concess. praeb. in VI. rescripsit, quod post apostolicum de providendo mandatum, ut cuidam D. praebenda, vel dignitas sine cura, quam ipse duceret acceptandam, in Ecclesia Carnotensi conferretur, Episcopus eiusmodi mandati non ignarus praeposituram deinde vacantem conferre non potuit, nisi antea ipsum D. requisivisset, an vellet eandem accipere: quum legita culpam electione, vel optione unius ex servis hereditariis irritam quoque leges habeant manumissionem servi, aulequam legatarius unum elegerit, vel optaverit, ab herede factam.

(4) Cui. cap. ult. de consuet. in VI.

(5) Ex traditis ab Onaphrio Panvinio de septem Urb. Eccles. cap. 3. in fine, Pagio in Breviario gestor. Roman. Pontif. in vita Alex. V. tom. 2. Spondano an. 1410, ceteris. Sunt nihilominus, qui initium eiusmodi optionis sumunt a Martino V: in his Flavius Cherubinus ad Xysti V. const. 55. schol. 2., et Merisi de Eccles. reddit. par. 1. cap. 12.

(6) Instit. Canon. lib. 1. tit. 13. de Cardinal. num. 6. Videsis Rigaut. in Reg. VIII. Cane. §. 2.

gradatim, res est exploratissima (1). Hoc in Regno Canonicis Cathedralis Ecclesiae Salernitanae optandi ius esse, rerum usus me docuit (2). Alexander VII. Canonicis Cathedralis Messanae die 18. Iunii 1659. ex gratia speciali quidem indulsit, ut in futuris vacationibus canonicatum, et praebendarum illius Ecclesiae ex quavis causa etiam ratione mensium Sedi Apostolicae reservatorum fiant optiones a Canonice, prout haecenus servatum fuit: dimittendas vero tunc ab optantibus Apostolica Sedes conferat (3).

XXXV. In praebendis apud Sedem Apostolicam vacantibus nullum esse optioni locum, Bonifacius VIII. plane iam edixit. Regula IX. Cancellariae de reservatione mensium aperte abrogans consuetudines etiam immemorabiles optandi maiores, et pinguius praebendas iuxta clausulam, quam Xystus V. suis primum Regulis addidit, efficit, ut optio sileat in vacationibus, quae in mensibus reservatis contingunt, ad liberam collationem vel Sedis Apostolicae, vel Cardinalis Episcopi vigore indulti pertinentibus. At optio ut revirescit in sex mensibus ab Episcopo residente alternatis cum Romano Pontifice, ita ob Episcopi absentiam, si quis mensium alternorum mobilium redierit ad apostolicam reservationem, et ipsa tunc simul reservationi succumbet (4). Cumque per Regulam XV. revocentur generatim facultates quibusvis personis iure, vel consuetudine concessae conferendi beneficia reservata, vel affecta, quae a motis reservationibus ad eorum collationem, provisionem, praesentationem, electionem, et quameis aliam dispositionem communiter, vel divisim spectarent: Doctores inde consentiunt ex rebus in Romana Curia saepe iudicatis quod canonicam quoque optionem haec ipsa Regula complectatur velut speciem dispositionis, et electionis, ideoque optare praebendas quomodolibet reservatas, et affectas licere nemini (5). Vix indultum in foundationis limbo optionem excipit Riganus (6). Ne cui autem veniat in dubium optio in praebendis quibuscumque reservatis vetita: Sedes Apostolica dum reservatas eiusmodi praebendas confert, de stylo Datariae consuevit in apostolicis etiam litteris speciatim derogare cuilibet statuto, et consuetudini optandi (7).

XXXVI. Excludunt praeterea optionem resignatio in favorem certae personae (8), permutatio mutua inter ipsos permutantes resignationem continens (9), concursus ad praebendam theologicalem, et poenitentialem, et

(1) Ex Rota dec. 578. par. 1. rec., et alibi.

(2) De eo iure actum in Rota in Salernitana Canoniceatus 1. Martii 1734. coram Crescentio.

(3) Apud Rigan. in par. 1. Reg. IX. §. 5. num. 39.

(4) Io. Petr. Moneta de opt. canon. cap. 3. qu. 3. num. 55. et seq.

(5) Id quod assertum probat Riganus in comm. eiusdem Reg. XV.

(6) Ibidem num. 56.

(7) Idem in par. 1. Reg. IX. §. 5. num. 24.

(8) Gonzalez in Reg. VIII. gl. 34. num. 35. post Rotam, et Parisium de resign. lib. 2. qu. 20.

(9) Moneta de optione cap. 3. qu. 5. num. 124. Nam ubi permutatio fiat secundum iuris formam, beneficia invicem resignata non alii debent, nisi permutantes ipsi obtinere, qui alias minime resignassent, excluso etiam eo, qui ius haberet obtinendi beneficium primo vacaturum, et Bonifacio VIII. in cap. un. de rer. permut. in VI.

curas animarum tridentina lege, et constitutionibus apostolicis imperatus (1), ius nominandi, aut praesentandi, aut eligendi reservatur patronis quum laicis, tum ecclesiasticis (2). Nulla enim ratio patitur, quod optionis privilegium, quo ordinarii collatoris dumtaxat arbitrium refoenatur, legitimam cuiusque libertatem resignandi, permutandique beneficia sua, aut in concursu ad animarum curas, officiaque theologi, et poenitentiarum maiorem exercendi virtutem, aut patronatum exercendi, publico, et communi iure concessam (3). Et versa vice nec poenitentarius, nec theologus ius habent optandi alias praebendas, quum suas alij nequeant optare (4). Idipsum de Canonico ad praesentationem patronorum instituto iudicandum erit: nisi consuetudo speciatim ei quoque optionem induxerit.

XXXVII. Sed licebit Canonico antiquiori praebendam suam annua pensione onerata iunioribus relinquere, alteramque vacantem optare immuniem, et pinguiorem, ubi titulus nimirum optione mutatur, nisi pensionem cum fraude acceptasset, conscius vacationis cito futurae ex decumbentibus, puta Canonicis graviter infirmis (5). Qui enim suo, utitur iure, nemini facit iniuriam (6). Et rationi congruit, ut succedat in onere, qui substituitur in honore (7).

XXXVIII. Coadiutori cum futura successione ius optandi non esse inde colligitur, quia is unam cum coadiuto personam in collegio repraesentans nequit optantium gradus praevertere, nec numerum augere cum aliorum praesidio. Coadiutus vero Canonicus tunc poterit aliam optare praebendam, ubi indulta coadiutori successio sit ad ordinariam dumtaxat praebendam optioni non subiectam: secus erit, si ad praebendam simul optabilem extensa ea sit (8).

XXXIX. Collationem, seu investituram Episcopi, aliisque Ordinarii non requiri in optionibus canonicis Rota saepe definit ex communi Doctorum sententia (9). Nam ex textu Bonifacii VIII, alia quum sit *Canonicorum receptio*, alia *praebendarum collatio*, et utraque facienda, vel vocatis absentibus Canonicis, vel non iuxta Ecclesiae consuetudinem (10): probe colligitur Canonicorum receptionem ex optandi consuetudine fieri sine ritu collationis. Et ubi optio consueverit ab ipso Capitulo, vel ab eo, qui Ca-

(1) S. Congr. Conc. aq. Hier. Gonzalez. loc. cit. num. 78. ad 83.

(2) Moneta loci cit. num. 112.

(3) Non debet alteri per alterum iniqua conditio inferri, ex Papiniano in l. non debet 74. D. de Reg. iur.

(4) Sicuti S. Congr. declaravit apud Gonzalez loc. cit. num. 79., et 18.

(5) Gonzalez in Reg. VII. Gl. 34. num. 43. ex Rota coram Puteo lib. 3. dec. 155.

(6) Innoc. III. in cap. cum Ecclesia 31. de elect.

(7) Bonif. VIII. in cap. rationi 77. de Reg. iur. in VI.

(8) Gonzalez loc. cit. num. 97., et seq. Hoc autem in Regno sublati iam coadiutoribus cum futura successione, ex antedictis num. 18. nullus erit huius distinctionis usus.

(9) Cassador. dec. 7. de praeb. et alibi, DD. apud Monet. loc. cit. cap. 3. qu. 3. cum. 32.

(10) Bonif. VIII. in cap. cum Ecclesia 83. de praeb. in VI. Ubi glossa ad marginem adnotat, quod sola receptio non inducat collationem.

pitolo praesidet, admitti: admissionem eiusmodi tunc collationis, seu institutionis vicem supplere censuit Rota (1).

XL. Ad formam optionis explendam itaque sufficet, quod in Capitulo, seu Collegio Canonicorum rite congregato, et coram Dignitatibus, et Canonicis vel maiorum partem conflantibus constituti antiquiores gradatim unus post alium per semetipsos, aut per idoneos procuratores declarant palam sese illam optare praebendam ab eo die vacantem per obitum illius ultimi possessoris, vel renunciationem eius liberam, vel alium quemlibet modum, suamque ab se hactenus possessam dimittere iunioribus optandam, vel vacnam arbitrio Episcopi, aliusve collatoris ordinarii concedendam: salvo sibi ad hanc ipsam regressu, quoties optio ista suum fortassis non sortiarum effectum (2). Ubi accesserit ad id continuo consensus Capituli, et praesidentis capitularis approbatio: in capitularium actuum eodico tum perfecta optio describitur, atque in possessionem quisque optatae sedis, ac praebendae immittitur more consueto. Si vero quis contradixerit, aut reclamaverit, quaestio ad forum competens deferenda tunc est (3).

XLI. Duplex autem genus optionis distinguere oportet: nimirum altero novus titulus novae praebendae acquiritur, seu spirituale ius adhaerens officio, et beneficio ecclesiastico, altero antiquus titulus non commutatur, nec dimittitur, sed retinetur cum novis optatis accessionibus rerum temporalium, et fructuum plagiurum (4). Quoties vero alterutrum optionis genus in dubio sit, Rota censuit non mutari titulum (5). Alterum enim ab altero maximo diversos parit effectus. Horum praecipuus est, quod in primo genere optionis titulum mutantis omnia onera dimissae praebendae, praesertim pensio annua super eius fructibus imposita, in successorum transeant, qui hanc inde, vel optione posteriori, vel collatione obtinuerit: in secundo autem genere, quo titulus non mutatur, onera cuncta, pensionem quoque secum ferat, qui ad aliam transit sine novo titulo praebendam (6). Hac ipsa discriminis ratione fit, ut aliquo familiarium Papae, vel Cardinalis novam optante praebendam cum mutatione tituli, reservatio maneat infixae praebendae, quam dimiserit, successorem

(1) Rota coram Puteo *dec. 125. lib. 3.*, Achill. *dec. 4. de praeb.*, Covarr. *lib. 3. var. cap. 16. num. 10.*, Gonzalez. *loc. cit. num. 70.*

(2) Formam instrumenti, quo solet notarius factam optionem describere, habet Moneta *cit. cap. 5. num. 40.*

(3) Abbas *cons. 159. vol. 1.* tenet necessarium non esse Capituli consensum, sed sufficere, quod optionis instrumentum Capitulo deponatur intra 20. dies. Addunt Rebuffus, et Covarruvius apud Moneta *loc. cit. num. 37.* et Caldarius *cons. 7. de consuetud.* apud Gonzalez in *Reg. VIII. gl. 34. num. 54.* optanti licere vacuum possessionem optatae praebendae, rerumque ei annexarum apprehendere auctoritate propria. Sed hisce in rebus mos cuiusque loci servandus est.

(4) Gonzalez *loc. cit. num. 61. et seq.* Passerio. in *cap. cum in tua 4. de consuet. num. 111.*, et *seq.* Rota *dec. 626.* coram Remboldo, et *dec. 286.* coram Merlino.

(5) Rota *dec. 391. num. 8. par. 19. rec.*

(6) Rota coram Blanchetto in *Cordubensi pensioe* 30. Aprilis 1593. coram Monchedano *dec. 1., 2., et 30. de renunciat.* et alibi, Gigas *de pension. qu. 63.* Paris. *de resignat. lib. 1. qu. 8*, Gonzalez *loc. cit. num. 45*, et *seq.*

que afficiat: sed titulo per optionem non mutato, nova praebeanda in reservationem cadat, uti subrogata in locum praebeandae dimissae, quae libertatem a reservatione acquirit (1).

XLII. Aliam optionis canonicae speciem in beneficiis incompatibilibus ius Decretalium exhibet. Alexander III. enim rescripsit, quod duas habens Ecclesias, unam, quam voluerit, sibi retineret, alteram loci Ordinarius alii conferret (2). Et rursus, quod Archidiaconum in duabus Ecclesiis Burdegalensi, et Tolosana constitutum Archiepiscopus Bardegalensis, altero, quem maluerit, archidiaconatu faceret esse contentum (3). Innocentius III. in Concilio Lateranensi IV. tale arbitrium optandi, seu eligendi alterum ex beneficiis, vel curam animarum, vel residentiam adnexam habentibus ademit, statuens: ut quicumque receperit aliquod beneficium curam habens animarum adnexam, si prius tale beneficium habebat, eo sit ipso iure privatus: et si forte illud retinere contenderit, etiam alio spoliatur... Hoc idem in personatibus esse observandum: addens, ut in eadem Ecclesia nullus plures dignitates, aut personatus habere praesumat, etiam si curam non habeant animarum (4). Idipsum placuit Ioanni XXII. (5). Hanc denique Innocentii III. sanctionem firmavit etiam Synodus Tridentina (6). Abrogatam hinc penitus optionem alterutrinus incompatibilis vident omnes, quae nullum idcirco locum habet. In Galliam tamen eam vigere adhuc, et cuilibet adepto secundum beneficium incompatible dari annum, et diem ad optandum, et eligendum, quod sibi retinere maluerit, Doctores tradunt (7).

CAP. XI.

De commenda.

- I. *Ad custodiam, vel depositum datur per commendam Ecclesiae administratio, vel cura.*
- II. *Antiqui mores, et canones commendari ad tempus Ecclesias, et monasteria permittebant.*
- III. *Episcopis praesertim vagantibus bellorum tempore, atque ad reformandos Regularium mores unam in titulum, aliam commendatam dari olim consuevit.*

(1) Rigant. in *Reg.* IV. §. 5. num. 159. post Zabarell. Passerin. Garz., et Rotam.

(2) Alex III. in *cap. referente 7. de praebeendis.*

(3) Idem in *cap. praeterea 14. eod. tit.*

(4) Innoc. III. in *cap. de multa 28. eod. tit.*

(5) Io. XXII. in *extravag. execrabilis 4. de praeb. §. qui vero deinceps.*

(6) Trid. in *cap. quicumque 4. sess. 7. de ref., et cap. cum dignitates 12. sess. 24.*

(7) Franc. le Roye lib. 2. instit. canon. cap. 16., et Wan-Espen par. 2. tit. 20. cap. 4. num. 11., et seq.

- IV. Nono saeculo commendare quoque laicis Ecclesias, et monasteria orsi sunt Galliarum Reges.
- V. Id commonitionibus, et censuris Pontifices, et Patres emendare studuerunt.
- VI. Commendas plurimas ab seipso largitas Clemens V. non sine causa revocavit, alias a praedecessoribus concessas tum resciderunt Benedictus XII., et Clemens VI.
- VII. Concilium Constantiense vetuit, et monasteria ultra decem religiosos continentia, et maiores dignitates, et parochiales commendari.
- VIII. Sed in Gallia commendae monasteriorum plus invaluerunt.
- IX. Leo X. in Conc. Later. V. in consuetis abbatiarum commendis mensam conventualem ab ea commendatarium primus distinxit, et separandam iussit.
- X. Clemens VII. Regi Galliae firmavit consuetudinem nominandi clericos saeculares ad Regularium commendas.
- XI. Tridentina Synodus monasteria, quae suam habent familiam regularem, et capita Ordinum non commendari mavult.
- XII. Sed religioso conventu destituta reliquit arbitrio Papae.
- XIII. Si quid collationi in titulum obstat, potius commendam indulgere, quam aliam dispensationem consuevit Sedes Apostolica.
- XIV. Commenda enim non mutat, sed conservat propriam vel beneficii saecularis, vel monasterii naturam: hinc mobiles ad natum Abbatis Commendatarii collationes beneficiorum S. Antonii Viennensi hoc in Regno.
- XV. Commendarum aliae ad vitam perpetuo, aliae ad tempus conceduntur.
- XVI. Commendatarii Abbates nunc iisdem titularium iuribus, et praerogativis fruuntur.
- XVII. In Gallia coguntur commendatarii sacros Ordines intra annum suscipere, et munia titularium, quoad fieri potest, obire.
- XVIII. In Italia neque ad sacros Ordines, nec ad residentiam obligantur: nisi curam animarum debeant ipsimet exercere.
- XIX. Temporaneas parochialium commendas ad sex menses olim poterant Episcopi, et Capitulum Sede vacante: hodie secus post legem Tridentinam.
- XX. Et perpetuas igitur, et temporaneas commendas Papa solus concedendi ius habet.
- XXI. Tum aliquis Cardinalium, Praelatusve insignis, cui Papa indultum commendandi speciatim dederit, variis conditionibus limitari solitum.
- XXII. Nec beneficia regiae vel nominationis, vel collationis commendare licet sine indulto speciali Sedis Apostolicae,

XXIII. *Cancellariae Regula XLIII. iubet expressam in signaturae gratias mentionem commendae.*

XXIV. *Forma commendae iam consueta liberum usumfructum commendatario, instar titularis, largitur.*

XXV. *Sed nova commenda cuiuslibet monasterii non conceditur, nisi cum decreto restaurandi aedificia, alienata bona recuperandi, et redeundi posthac ad primaeuam tituli regularis naturam.*

XXVI. *Abusus commendarum vitio non legis novae disciplinae, sed hominum irrumpentes usus earum legitimo; et proficuo nil detrudere valent.*

XXVII. *Hoc in Regno abbatiam S. Antonii Viennensis Papa commendare in perpetuum solet Archiepiscopo Neapolitano, ei dimittens collationem beneficiorum sub eodem titulo in toto Regno, exclusis tum apostolicis reservationibus, tum locorum Ordinariis.*

XXVIII. *Commendae regulares equitum Melitensium iure speciali a M. Magistro Ordinis conferuntur professis antiquioribus cuiusque Nationis.*

I. Sub collatione commenda quandoque contingit (1). In commendam dare Ecclesiam idem sonat, quod eam custodire, seu depositi causa committere alicui administrandam, donec de idoneo rectore provideatur, adeo ut commendatarius pro depositario, vel administratore, vel curatore, vel custode habeatur (2).

II. Usus commendandi Ecclesias, et Cathedralis, et parochiales, et regulares clericis etiam saecularibus, vetustissimus est. S. Athanasius Alexandrinus commendatam sibi aliam Ecclesiam scribit (3). S. Ambrosius presbytero commendavit vacantem Ecclesiam episcopalem ad forum Corneli, donec ordinaretur Episcopus. Pelagius I., et S. Gregorius M. visitationem simul, et curam vacantium Ecclesiarum, praesertim Catanensis, Panormitanae, Aprutinae commendarunt Episcopis vicinioribus (4). Ad monasteria quod attinet, saeculo VI. Concilium Aurelianense III. Episcopis indulsit, ut clericos ab Ecclesia Cathedrali ad monasterium, aut parochiam transferrent, administrationem, h. e. commendae speciem su-

(1) Scribit Rebuff. in *prax. benefic. ad Reg. Cane. de public. resignat. Gl. 16.*

(2) *Commendare nihil aliud est, quam deponere, docet Ulpianus in l. commendare 186 D. de verb. sign.*

(3) Apud Nicephor. *hist. eccl. lib. 11.* S. Ambrosius *ep. 44.* *Commendo tibi fili, ait, Ecclesiam, quae est ad forum Corneli, quo eam de proximo interuisas frequentius, donec et ordinetur Episcopus.* Simplicius Papa *ep. 9.* coram Ecclesiae, donec accusatio contra Episcopum Ausini discuteretur, Severo Episcopo viciniori etiam commendavit.

(4) Pelagius I. in *can. Catinensis 17.* S. Greg. M. in *can. obitum 16. can. bene novit 16., et can. quoniam 19., et ult. dist. 61.*

secepturos (1): S. Gregorius M. ad Ioannem Ravennatem Episcopum scribens, aliqua loca dudum monasteriis consecrata, ait nunc habitacula clericorum, aut etiam laicorum facta sunt, dumque hi, qui sunt in Ecclesiis, fingunt se religiose vivere, monasteriis praeponi appetunt, et per eorum ritum monasteria destruantur. Nemo potest et ecclesiasticis obsequiis describere, et in monastica regula ordinata persistere: ut ipse monasterii districtiorem teneat, qui quotidie in ministerio ecclesiastico cogitur permanere... ego nullo modo patior, ut sacra loca per clericorum ambitum destituantur (2). Idemque Mariniano Episcopo etiam Ravennati condoluit, monasteria clericorum dominio praegravari: ita ut (ait) occasione quasi regiminis ea velut in proprietate possideant (3): Simul rescripsit Maximiano Episcopo Syracusano, ut presbyteros, diaconos, ceteros cuiuslibet Ordinis clericos per monasteria abbates esse non permetteret, aut clericatus militiam deinceps non haberet, qui Abbatibus locum praeposset (4). Dum vero septima Synodus Oecumenica Niceana II. an. 787. conscribit clericum in duabus Urbis cuiuslibet Ecclesiis vetuit: ceterum in villis, ait, quas foris sunt, propter inopiam hominum indulgeatur (5).

III. Processu temporum quum disciplina regularis in permultis monasteriis, religiosisquo domibus collaberetur, et Episcopi suas interim Ecclesias derelinquere cogerentur ob irruptionem hostium praecipue Sacerdotum, qui Siciliae, Neapolis, aliasque Italiae regiones depraedabantur: factum est, ut Romana Sedes, Episcopis eiusmodi fugatis, alias Ecclesias Cathedralis, vel monasteria (6) in commendam perpetuam quoad viverent, saepe darent, quum ad eos ipsos sustentandos, tum ad reformandos Regularium mores, vitamque communem instaurandam. S. Gregorius M. Agnellum Fundorum Episcopum, ea ab hostibus vastata urbe, constituit Episcopum Tarracinensis Ecclesiae cardinalem: ita ut Funden-

(1) Conc. Aurelian. III. an. 538. can. 18., N. Alexander in *hist. sacre. VI. cap. 5. de Conciliis art. 15.* in eo canone notat, clericos ab Ecclesia Cathedra i ad monasterium translatos non abbatis titulum, sed monasterii administrationem, et commendae speciem suscepisse.

(2) S. Greg. M. ad Ioannem Episcopum Ravennatem in can. pervenit 26. C. 18. qu. 2, et can. nemo 2. C. 16. qu. 1. In hos duo canones Gratianus dissecuit istud fragmentum epistolae Gregorianae. Hanc vero ipsam Lud. Ant. Muratorius *dissert. 73. antiquit. Ital.* memorans, innuit alludere ad abusum commendarum tunc irrepentem in diocesi Ravennate.

(3) S. Greg. in can. dudum ad nox 27. C. 18. qu. 2.

(4) Idem in can. presbyteros 38. C. 16. qu. 1.

(5) Septima Synodus in can. clericus 1. C. 21. qu. 1. In duarum etiam civitatum Ecclesiis clericum conscribi non oportet, ex antiquiori canone Concilii Chalcedonensis in can. clericum 2. eod. C. et qu.

(6) Monasteria enim, seu Abbatias, aliaque beneficia regularia conferre, vel commendare in perpetuum saecularibus clericis non alii potuerunt, nisi Romani Pontifices: ex quo S. Gregorius M. Gastorio Ariminensi Episcopo rescribens iussit, ut Abbas in monasterio non per Episcopum, aut per aliquem extraneum ordinetur, can. abbas 2. C. 18. qu. 2. Et Pelagius in sequ. can. abbatem 4. eum monachum cuiusque congregationis eligendum dimisit. Thomassiu. to. 1. vet. nov. disc. lib. 3. cap. 69. assatum ostendit vetitum frequentibus Conciliorum decretis, ne quis praeter Pontificem Romanum monasteria, et regularia beneficia in perpetuum conferret.

sis *Ecclesias Episcopus* (ait) *esse non desinas, nec curam, gubernationemque eius praeferas* (1). Leo IV, qui nono saeculo sedit, plurimasque instauravit Ecclesias a Saracenis vastatas, primus omnium videtur vocabula tituli, et commendae explicatius distinxisse: dum rescripsit, quod plures Ecclesias retinens, unam titulata, aliam vero sub commendatione debeat retinere (2), auctoritate scilicet episcopali, et canonica. Nam idem Leo IV. in Concilio Romano an. 853, Anastasium presbyterum cardinalem deposuit, quod in alienis parochiis, relicta propria, moraretur (3).

IV. Eodem saeculo nono videntur irrepsisse commendae ad vitam etiam laicales una cum investituris Ecclesiarum laicis. Baronius ad annum 839. fert Carolum Martellum in Gallia ante omnes Ecclesiarum, et monasteriorum Abbates creasse laicos Comites, et Duces pro remunerandis militiae laboribus (4), illiusque exemplum imitatos postea fuisse Carolum M., et Pipinum, Ludovicum Pium, Lotharium I, Ludovicum II, ceteros Galliarum Reges, et Principes (5). Ea de re conqueri non destiterunt Patres, ac Pontifices, praesertim Nicolaus I (6). At Reges reponabant sese ab eo more discedere non posse, ne viderentur suae Reipublicae militiam defraudare (7).

V. Frequentes inde Conciliorum canones, et Pontificum decreta, et epistolae pro viribus connitentium sacrilegas eiusmodi invasiones amovere commonitionibus, et censuris. Ioannes VIII. anno 877. Adelardum Episcopum excommunicavit, quod Nonantulae monasterium callide petiisset ab Imperatore, quod nullus, ait, *umquam Episcoporum, vel iudicum* (puta comitum) *in beneficium adhuc quaesiverat* (8). Alexander II. an. 1061. in Synodo decrevit, ut nullus laicorum Ecclesias, vel Ecclesiarum bona occupet, vel disponat. Qui vero secus egerit, ab Ecclesiae liminibus arceatur. Per laicos nullo modo quilibet clericus, vel presbyter obtinet Ec-

(1) S. Greg. in *can. relatio* 5., et *can. illud quoque* 6., et *ult. C. 21. qu. 1.*

(2) Leo IV. in *can. qui plures* 3. C. 21. qu. 1. Tum Urbanus II. in Conc. Placentino an. 1095, in duabus Ecclesiis (ait) *aliquem titulari, non liceat: sed unusquisque in qua titulus est, in ea tantum canonicus habeatur. can. sanctorum 2., et ult. dist. 70.*

(3) Leo IV. in *cap. 2. de cler. non resident.*, quod in vulgata Decretalium editione male inscriptum Leoni III. observat Gonzalez in *notis* ad hocce *cap. 3.*

(4) Baronius ad an. 839. *num. 311.* eam ob causam Carolum Martellum in tartaris damnatum cruciari scribit.

(5) Liqueat ex Capitulari Caroli M. *lib. 5. cap. 181.* ex Conc. Aquisgran. II. an. 838. *cap. 3. can. 19.*, et Meldense an. 845. *cap. 9.* Ivone Carnotensi *ep. 181.* Flodoard. *lib. 2. hist. Rhemens. cap. 10.* Lupo Servato *ep. 11.*, et monumentis a L. A. Muratorio vulgaris *desert. 73. antiq. Ital.*

(6) Nicolaus I. *ep. ad Odonem Be. loacensem Wala* eximius Abbas Corbeiensis in eius *vita lib. 2.* apud Mabillon. in *actis SS. Benedictin.* sortitur ita Ludovico Pio Augusto adlocutus: *nemo te Augustorum clarissime fallat: quia valde periculosissimum est res semel Deo fidehiter dicatas ad usus pauperum, et servorum Dei, violenter postmodum diripere, et ad saeculares usus contra auctoritatem divinam retorquere.*

(7) Car. Du Fresne in *glossar. latin.* verbo *Abbatcomites.*

(8) Ex *ep. 48.* Ioannis VIII. ad Carolum Calvum Imp. et *ep. 49.* ad Clerum Veronensem apud Murator. *loc. cit.*

clesiam, nec gratis, nec pretio (1). S. Gregorius VII. in Romana Synodo an. 1074, sanxit, ne quis deinceps *Episcopatum*, vel *Abbatiam* de manu alicuius laicae personae suscipiat; alias nullatenus inter *Episcopos*, vel *Abbatibus* habeatur, interdicens tam accipientibus clericis, quam dantibus investituram laicis gratiam *B. Petri*, et introitum *Ecclesiae* (2). Urbanus II. an. 1078, *decimas*, et *Ecclesias* a laicis, sit, monachi non suscipiant absque consensu, et voluntate *Episcoporum*: alias canonicas ultioni subiaceant (3). Paschalis II. in Conc. Guastallensi ad. 1106. decrevit excommunicationi subiacere clericum, abbatem, monachum, qui per laicos *Ecclesias* obtinuerit: laicos autem dantes ab *Ecclesiae* liminibus arcendos (4).

VI. Evulsis laicorum investituris, et commendis, episcopalis potestas consuevit *Ecclesiis* (5) ad tempus commendare sub Alexandro III. (6), et Honorio III. (7): tam irrepsit sensim, et invaluit nimium in clericis abusus polygamiae spiritualis, sc. plurium uni Cathedralium, et Abbatiarum in commendam perpetuo ad vitam collatarum. Clemens V. in ipso sui pontificatus exordio an. 1308. nonnullis clericis, et personis ecclesiasticis, sit, et religionis et saecularibus diversorum ordinum, dignitatis, conditionum, et statuum, Patriarchales, Archiepiscopales et Episcopales *Ecclesias*, ac monasteria destituta pastoribus, sub commendae, vel custodiae, seu curae, vel guardiae, aut administrationis titulo duximus perpetuo ad vitam, seu ad certi temporis spatium committendo. . . verum perspezimus evidenter, quod *Ecclesiarum*, et monasteriorum eorundem cura negligitur; bona, et iura dissipantur ipsorum, ac subiectis personis, et populis spiritualiter plurimum, et temporaliter derogatur; eisque redundant ad noxam, quas dicebantur cedere ad profectum, ac nedum ipsis, sed etiam Romanae matri *Ecclesiae* graviora inde futura timentur pericula. . . volentes potius opportunum remedium adhibere, omnes, et singulas promissiones huiusmodi per nos factas quibuscumque . . . etiam S. R. E. Cardinalibus auctoritate apostolica nunc ex certa scientia revocamus, et decernimus de cetero non habere aliquam roboris firmitatem (8). Mox Ioannes XXII. nedum Cardi-

(1) Alexand. II. in can. nullus 18., et can. per laicos 20. C. 16. qu. 7., ibique Romani Correctores epistolam eiusdem Pontificis collaudant.

(2) S. Greg. VII. in can. si quis deinceps 12. C. 16. qu. 7.

(3) Urban. II. in can. decimas 39. eod. C. et qu.

(4) Paschal. II. in can. si quis clericus 16. can. constitutiones 17., et can. nullus 18. eod. C. et qu.

(5) Urbanus II. in Concilio Placentino can. sanctorum 2. dist. 70. statuens, quod licet *Episcopi* dispositione unus diversis praeesse possit *Ecclesiis*, canonicus tamen praebendarius unus tantum *Ecclesiae* esse debeat: commendae videtur arbitrio *Episcoporum* ita permisisse.

(6) Alexander III. in cap. si constiterit 12. de accusat. rescripsit, quod *Ecclesia* non perpetuo concessa, sed ad tempus commendata presbyter de violentia, et perniciatione in tabernis convictus, vel confessus privandus esset.

(7) Honor. III. in cap. dudum 54. de elect. rescripsit, quod nullus potuerit plures parochiales *Ecclesias* obtinere, nisi unam intinuatam, et alteram commendatam haberet: h. e. ad tempus commendatam.

(8) Clemens V. in extravag. ex supernae 2. de praehendis inter comm. Guilielmus Durandus Episc. Mimatensis lib. de modo generatis Concilii celebrandi, quem ipsius Clementis V. mandato ante Concilium Viennens. conscripsit, par. 3. rubr. 20. abutum commendarum inter alia reformandum proposuit.

nalibus, sed aliis etiam commendas Ecclesiarum, et monasteriorum largitus est, quas omnes, praeterquam Cardinalibus concessas, abrogavit Benedictus XII. successor eius. Pariter commendas ab Innocentio VI. provisas rescidit Clemens VI (1).

VII. Concilium Constantiense anno 1414. decrevit, ut ne monasteria, aut magni prioratus conventuales, qui ultra decem religiosos, et claustralia officia habere consuevisset, nec dignitates maiores post pontificalem in Cathedralibus, et Collegiatis, nec parochiales Ecclesiae nullis personis etiam Cardinalibus commendarentur amplius (2).

VIII. Sed monasteriorum commendae magis increbuerunt. Paulus II. suum ineundo pontificatum anno 1464. fassus est in Concistorio: *credere se a pontificatu Callisti III. (ab anno scilicet 1455.) ad eum diem amplius quam quingenta monasteria esse iam commendata, atque adeo in metu sibi esse, ne corruptela haec maturius opinio in scandalum grave erumperet*: dum probavit sententiam Ioannis Carvai adversantem novae insignis coenobii Gallicani commendae, quam nescio quis Episcopus ambibat (3).

IX. Leo X. in Concilio Laterense V. an. 1517. indemnitati monasteriorum consulere volens, vetuit monasteria numquam commendata commendari, quae vero commendata aliquando fuissent, nonnisi Cardinalibus, personisque benemeritis, et qualificatis commendari posse: et praecipit, ut commendatarii mensam haberent a conventuali separatam (4).

X. Sed Clemens VII. Francisco I. Galliarum Regi an. 1531. speciatim indulisit, ut vigore consuetudinis Rex clericos saeculares ad Abbatias, et prioratus ea lege nominaret, ut solo commendationis titulo saeculare ea beneficia regularia possideant: exceptis monasteriis, quae sunt capita ordinum (5).

XI. Patres vero Tridentini praeciptarunt, ut monasteria iam commendata, et deinceps vacatura, quae suae conventus habent, nonnisi *regularibus spectatas virtutis, et sanctitatis conferantur*, praesertim quae capita sunt ordinum, utque *in provisionibus horum monasteriorum principalium qualitas singulorum nominatim exprimatur, aliter facta provisio subreptitia esse censeatur, nullaque subsequenti triennali possessione adiuvetur* (6). Ordinum capita sunt hoc in Regno monasterium Casinense a S. Benedicto fundatum in monte Casino, alterumque Montisvirginis a S. Gaielio institutum. Alibi alia, nimirum Camaldusense, et Vallisumbrosae in Tu-

(1) Hanc Clementis VI. rescissionem fert Odoricus Raynaldus *ad an. 1355. num. 13.* priorem Benedicti XII. eius vitae scriptores.

(2) Conc. Constantiens. in *appendice ad sess. 40. alias 43. art. 6. de commendis*, apud Philip. Labbarum.

(3) Ex traditis a Cardinali Papiensi ep. 93., qui haec de suo addit ibidem: *Commendandorum ab initio coenobiorum non ea fuit ratio patribus nostris, ut saginae ecclesiasticorum illa darentur: sed ut fide, et studio Maioris alicuius ea, quae occupata a saecularibus essent, redimerentur, et divinus cultus in pristinum statum revocaretur. Deflexit res, et in abutum hunc venit odibilem Deo, et sortis nostrae infamem.*

(4) Leo X. in Conc. Later V. *sess. 9. in bulla reform. Curiae.*

(5) Apud Rigant. in *Reg. 43. num. 8a.*

(6) Trid. in *cap. cum pleraque 21. sess. 25. de Regularibus.*

scia, in Gallis *Cluniacense*, *Cartusianum* Gratianopolis, *S. Antonii Vienne* apud Motam, *Praemonstratense* Canonicorum regularium Cruciferrorum Hui ad Mosam, *Sanctissimae Trinitatis* redemptionis captivorum apud cervum frigidum, *Grandimontense*, cetera.

XII. Monasteria monachis destituta Patres Tridentini suo quidem silentio reliquerunt Sedis Apostolicae arbitrio commendanda, et providenda. In quibus autem conventus religiosorum viget, si commendarum ea consueverint, adhuc in commendam perpetuam saecularibus Praelatis ea dari mos est hac lege, ut congruam fructuum portionem tradere pro mensa conventuali debeant commendarii, ac segregare iuxta decretum Concilii Lateranensis V., quod auctoritatem Sedis Apostolicae in commendam provisione stquit, ea divisione fructuum conservare. Hinc patet, cur post Tridentinum in Italia, et in hoc etiam Regno Neapolitano per plura monasteria, et Abbatis regularium, Ordinis praesertim divi Benedicti, clerici saeculares in commendam perpetuam durante ipsorum vita a Summo Romano Pontifice obtinuerunt cum libera proventuum administratione, ac dispositione, non aliter, quam veri beneficiarii, ac titulares perpetui, quemadmodum liquet ex Datariae Apostolicae litteris.

XIII. Tunc dare in commendam beneficia solet Curia Romana, quum aliquod obstat canonicum impedimentum, quominus eorum collatio in titulum fiat. Scilicet, ubi Sedes Apostolica alicui ante aetatem legitimam velit beneficium curatum concedere, illud potius commendat, quousque ad aetatem canonicis praescriptam perveniat, deindeque confert in titulum, quam collationem anticipatam in titulum natu minori praevia dispensatione largiatur. Similiter monasteriorum Abbatis clericis saecularibus frequentius commendat, quam supprimit earum qualitatem regularem (1). Et e contrario personis regularibus magis beneficia commendat, quam dispensationem indulgeat canonicis (2) vetantibus, ne saecularia regularibus conferantur (3). Incongruum enim videtur, ut regulares saecularibus, et e converso subdantur (4).

XIV. Per commendam monasteriorum, et Abbatiarum regularium auctoritate pontificia Praelatis, et clericis saecularibus concessam, ipsa regularis qualitas, et natura nil mutatur, sed in eodem statu perinde permanet, ac si commendatarius esset Abbas, vel Prior vota regularia professus (5), et quovis lapsu temporis ea non praescribitur (6). Exinde fa-

(1) Rebuff. id observat in *prax. benef. tit. de commenda* n. 7. et seq.

(2) Trid. in *cap. regularia* 10. sess. 14. *de reform.* decrevit, ut regularia beneficia in titulum regularibus professis provideri consueva, cum vacare contingerit, religiosis tantum illius ordinis, vel iis, qui habitum omnino suscipere, et professionem emittere teneantur, et non aliis conferantur.

(3) Innoc. III. in *cap. dilectus* 1. *de capell. monac.*

(4) Rebuff. *loc. cit.* num. 25.

(5) Card. de Luca in *summa de benef.* num. 193., et *diac.* 64. num. 7. Fa-gnan. in *cit. cap. in Ecclesiis* num. 16. *de capell. monachor.* Rigant. in *Reg.* 43. num. 219.

(6) Bonf. VIII. in *cap. cum de beneficio* 5. *de praeb. in FI.* declaravit beneficium qualitatem saecularem induere, si tanto tempore ab uno, vel pluribus saecularibus clericis constitutis in eo rectoribus continuo gubernatum sit, ut praescriptio legitima sit completa, etiamsi ante, vel post religiosi quandoque ministraverint in

cile intelligitur, beneficia monasterio commendato adnexa non quidem perpetua, sed temporanea, atque ad nutum mobilia esse ob insitam regularibus beneficiis mobilem naturam. Qualia sunt ex. gr. S. Antonii Viennensis beneficia, quae Abbas commendatarius hoc in Regno passim confert clericis etiam saecularibus non in titulum perpetuum, sed cum revocabili iure administrandi ad beneplacitum, et nutum ipsius Abbatis conferentis (1).

XV. Duplex commendae species est, altera scilicet *perpetua*, ad vitam commendatarii duratura, et altera *temporanea*; quae postquam idoneo rectori collata in titulum erit Ecclesia, cessare continuo debet. Inspecta quidem natura commendae, ea temporanea potius est, et revocabilis ad nutum Superioris commendantis (2): quemadmodum quoque depositum revocabile est arbitrio deponentis. *Perpetuum* commendam Sedes dumtaxat Apostolica induiget, et quandoque non intuitu personae; sed Ecclesiae: quemadmodum e. g. Episcopo Aquini; et Ponticorvi pro tempore commendavit Praepositorum Ecclesiae Atinensis.

XVI. Hodiernos commendatarios veris titularibus Doctores aequiparant (3): quum suos faciant pleno iure commendatae Ecclesiae fructus, liberamque administrationem exerceant instar titularium. S. Congregatio Concilli praeterea consult posse commendatarium non sœcus, quam superiorem regularem, dimissorias litteras ad Ordines concedere, si constet monasterio commendato, eiusque monachis id privilegium fuisse concessum nominatim (4). Gregorius XIII. ad interrogata Concilii Rothomagensis anno 1581. rescripsit ex S. Congr. Conc. sententia: commendatarios inter Abbates esse in Synodo recipiendos: Abbates benedictos, et qui usum vitrae habeant, praecedere debere commendatarios: neutros vocem definitivam, sed consultivam tantum habere (5). Propterea commendam nunc parum, vel nihil differre a titulo collationis, eamque tituli etiam canonici, viui habere consentiunt Doctores (6).

XVII. In Gallia omnes commendatarii ad sacros Ordines intra annum suscipiendos coguntur. Nam in eodem provinciali Concilio Rothomagensi decretum est, ut Abbates, et Priores regulares, atque etiam exempli, aut

eodem. Sed loquens palam textus hic de institutis rectoribus tacito sensu excludit praescriptionem in commendatariis, Passerin. in eod. cap. 5. num. 21.

(1) Videlicet dicenda inferius hoc eodem cap. num. 27.

(2) Gl. in can. qui plures C. 21. q. 1.

(3) Fagnan. in cap. in Ecclesia de capell. monachor. num. 3. Melitensium equitum Ordinis S. Io. Hieros. commendas instar beneficiorum ecclesiasticorum habet Rota coram Lancellotto dec. 221. 332., et 363. alibi. Videlicet Eleano in propugnac. Relig. Hierosolym. discept. 10., et 11. At commendas Ordinis S. Stephani Calatravae de spatia officii temporalibus aequiparari, et vera beneficia non esse commonet Ant. M. de Nigris lib. 1. de vacat. beneficior. cap. 12. num. 13.

(4) S. Congr. apud Gallemart. in declarat. ad cap. ordinationes 8. sess. 23. de ref. num. 4. §. item.

(5) Ex actis Conc. provinc. Rothomagensis an. 1581, cui praesedit Carolus Cardinalis Borbonius, apud N. Alexand. in hist. saec. XVI. cap. 7. art. 4. num. 23.

(6) Goussier, Mandosius, Kokier, Riganus in Can. Reg. XXX. num. 32. Rota coram Penia dec. 1321., et 1409, tum dec. 566. par. 5. rec. num. 41., et dec. 523. num. 51., et seq. par. 19. rec.

commendatarii, si aetatem praescriptam a iure ad suscipiendos sacros Ordines attigerint, intra annum promoveantur: facultatesque de non promovendo, praeterquam in casibus a iure expressis concessas ad annum tantum suffragentur: alias Episcopus pro suo iure agat usque ad declarationem vacantium omnium beneficiorum. Promoti vero iisdem legibus ad celebrandam Missam, quibus omnes presbyteri, atque Episcopi obligentur, et compellantur ab Ordinariis, si fuerint contumaces, aut contemptores. Commendatarii, quameis ad regularem observantiam non obligentur, ne tamen fiant sine iugo, atque omni regula, decet eos medium statum, atque ordinem sequi, et ostendere inter regulares, et saeculares clericos in vestitu, in victu, et in omni conatu. Tonsura utantur ampliori, quam Sacerdotes, habitu propius ad regularem accedente, nec existiment sibi commendatum monasteriorum regimen ad luxum, et prodigalitatem, aut augendam rem suam, et consanguineorum familiam, sed ad piam, et iustam alienarum rerum dispensationem, et quarum non habent proprietatem. Deoque de omnibus reddendam esse rationem (1). Propterea in apostolicis litteris commendae in Gallia conferentibus additur de stylo decretum, ut infra annum sacris initientur, alioquin eo elapso, vacent ipso iure commendae (2). Ex decreto Concili Rhemensis an. 1583. in Gallia compelluntur quoque commendatarii, vel eorum vicarii, ut intersint visitationibus, visitatoresque honesto accipiant, et executioni mandent quae in eis statuta fuerint (3).

XVIII. In Italia, et alibi neque ad sacros Ordines suscipiendos, neque ad residentiam commendatarii communi iure adiguntur: si monasteria omni cura spiritali, et conventu carent, vel si temporalem solummodo iurisdictionem habent, vel si animarum cura sacramentalis non commendatario, sed conventui solum incumbit, vel si iurisdictionem sacramentalem ex indulto apostolico habentes nequeant actu exercere ob externa impedimenta de facto, vel si iurisdictionem spirituales actu exerceant sine cura animarum. E contrario ad utrumque tenentur: si animarum cura sacramentalis, vel monachorum, vel saecularium adnexa ipsimet commendatario sit (4).

XIX. Temporaneam ad sex menses commendam antiquo iure nemini Episcopus, sed Capitulum etiam Sede vacante posset concedere, ubi vel evidens necessitas, vel utilitas Ecclesiae suaderet. In Concilio enim Lugdunensi sub Gregorio X. statutum est (5), ut nemo Ecclesiam parochialem alicui commendare praesumat, nec umquam ultra sex menses alias ipso iure irrita habeatur commendatio. Plures quidem parochiales Ecclesias nemini licuisse ab Episcopo obtinere, nisi unam in titulum, et alteram in commendam liquet ex antedicta Leonis IV. epistola (6). Rescripsit etiam Honorius III. Archiepiscopo Ambianensem nequivisse canonice habere duas parochiales concessione Archiepiscopi Rothogensis in titulum; licet

(1) Conc. Rothomagen. tit. de monasteriis cap. 4. Idipsum iisdem fere verbis constituit Conc. Aquisense an. 1585. tit. de monasteriis.

(2) Gallemart. in adnotat. ad cap. 2. sess. 6. de reform.

(3) Conc. Rhemenso tit. de Regular; et eor. monast. cap. 21.

(4) Ex adnotationibus Gallemart. ad cit. cap. 2. Trid. sess. 6. de ref.

(5) Greg. X. in cap. nemo deinceps 15. de elect. in VI.

(6) Leo IV. in c. can. qui plures 3. C. 21. qu. 1.

alteram *intitulatam*, alteram vero *commendatam* habere permisisset (1). At Concilium Tridentinum privatos ipso iure beneficiis ipsis maluit eos, qui duo, vel plura incompatibilia *per viam* quoque *commendas perpetuas, aut alio quocumque nomine, et titulo retinere praesumpserint* (2). Hinc S. Congregatio Concilii declaravit commendas, quae ad sex menses in Ecclesiis curatis fieri olim poterant ab Ordinariis locorum iuxta canonem Lugdunensem, aliosque antiquiores nunc locum non habere amplius post Tridentinum (3). Hoc enim postremo Concilio oecumenico statutum est in vacantibus Ecclesiis parochialibus deputandos fore ab Episcopa non commendatarios semestres, sed vicarios, seu Oeconomos cum congrua eorum arbitrio assignatione portionis fructuum, qui onera earundem Ecclesiarum sustineant, donec de rectoribus provideatur (4).

XX. Itaque Romani tantum Pontificis suprema potestas commendas monasteriorum. Ecclesiarumque perinde perpetuas, ac temporaneas indulget, cui soli ius est sacris disciplinae canonibus, et cuiuslibet Concilii Oecumenici decretis apostolica dispensatione derogandi, quoties maluerit ad libitum suum quomodolibet commendare, quam conferre in titulum beneficia quum regularia, tum saecularia. Leo XI., qui sedit vix dies viginti septem; an. 1605. omnia beneficia et regularia, et saecularia, quae ante obitum Clementis VIII. praedecessoris sui vacaverant, valorem annum ducentorum auri de camera non excedentia, insigni exemplo ad sex menses commendavit tribus S. R. E. Cardinalibus Gallo, Razelio, et Madruzio (5). Et vicissim beneficia clericorum saecularium religionis professis quandoque in commendam, et administrationem concesserunt Summi Pontifices, praesertim Innocentius XII., et Clemens XI. a Rigantio laudati (6). Hodiernae simul litterae, seu bullae Sedis Apostolicae ostendunt morem, stylumque concedendi S. R. E. Cardinalibus nemum Cathedralis Ecclesias, et monasteria, sed beneficia quaelibet, etiam simplicia clericorum saecularium in commendam perpetuam, quae ceteris clericis in titulum conferuntur, etiam cum dispensatione super pluralitate incompatibilium. Per Cancellariae Regulam II. Sedis Apostolicae reservata monasteria generatim excedentis ducentos annuos florenos auri, tam si conventum habeant, quam non, superius dixi (7).

XXI. Nonnullis autem Cardinalibus, aliisque benemeritis, et insignibus Praelatis indulserunt aliquando Pontifices ipsi, in his Urbanus VIII., Innocentius X., Alexander VII., Clemens IX., et X., Alexander VIII., Innocentius XII., et Clemens XI., facultatem commendandi beneficia, et monasteria tam commendari consueta, quam non, ea lege, ut novam apostolicam provisionem isti commendatarii deberent intra menses aliquot obtinere (8).

(1) Honor. III. in *cap. dudum* 54. *de elect.*

(2) Trid. in *cap. quicumque* 4. *sess. 7. de reform.*

(3) Apud Gallemari in *declarat. ad idem cap. 4. sess. 7. n. 7. et ult.*

(4) Trid. in *cap. expedit* 18. *sess. 24. de reform.*, ubi Gallemari. in *declar. num. 10.* fert duos aureos pro singulis mensibus a S. Congr. Conc. aestimatos pro conditione loci fuisse congruam vicariis curati portionem.

(5) Ex Rigant. in *Reg. 63. Canc. num. 8.*

(6) Rigant. in *Reg. 43. num. 19.*

(7) *Cap. 5. de reservat. et affect. num. 33.*

(8) Apud Rigant., *ibid. num. 30., et seq.*

Ad abusus autem in eiusmodi indultis reformandos, Congregatio particularis a Clemente XI. deputata decrevit die 16. Jan. 1701, 1: ut indulta commendandi non concedantur ad vitam, sed ad quinquennium, aliudve tempus limitatum personis tantum eximiiis, et benemeritis, quibus nunquam liceat commendare prioratus conventuales, et officia claustralia, nec beneficia curata, nec maiores dignitates Cathedralium, et Collegiatarum, nec resignata in manibus Papae, nec vacantia quomodolibet apud Sedem Apostolicam, neque fundata in patria obodientiae apud Gallos; utque iis tantum Ecclesiae, et beneficia non excepta commendent, qui possint, ac velint recuperare bona alienata, ac restaurare aedificia Ecclesiarum: iisque recuperata, ac relictis in *titulum* exinde conferant. Praeterea ut novis provisionibus apostolicis novarum eiusmodi commendarum addatur decretum *revertendi in titulum*, ab Apostolica Sede petendis infra menses octo a die provisionis vigore indulti, et non concedendia, nisi ante constiterit necessitas restaurandi aedificia, et bona ipsius recuperandi (1). Quandoquidem novae commendae iterationem denegare potius, quam concedere Apostolica Sedes consuevit (2).

XXII. Reges etiam, supremique Principes Ecclesias, beneficia, et Abbatias regii patronatus cum iure quum nominandi, vel praesentandi, tum conferendi, nequeunt sine indulto speciali Sedis Apostolicae in commendam dare ad vitam, vel ad tempus limitatum: nec saeculares clericos ad regularia, aut regulares ad saecularia promovere suo vel nominationis, vel collationis iure, nisi accesserit Papae auctoritas (3).

XXIII. Cancellariae Regula XLIII. disponit: *quod nulli saeculari de regulari, nec religioso de saeculari beneficio commenda detur, nisi in signatura, vel per clausulam ad partem super petitione commendae huiusmodi de commenda ipsa mentio fiat*. Et quoniam commendatum beneficium vacat de facto dumtaxat per cessum, vel decessum commendatarii, idemque simul de iure; et de facto vacat, ut prius vacaverat ex persona illius titularia, per cuius obitum, vel cessionem illud ipsum Sedes Apostolica primum commendavit ex rebus a Dataria, et Rota saepe indicatis (4): oportet idcirco ad vitandam obreptionem, ut impetrata enarret postremam vacationem de facto per cessum, vel decessum ultimum possessoris commendatarii. Nam si solum narraret vacationem de iure, ut prius, quae ad titulum redit, commendam reticens, eiusmodi dolosae preces gratiam collationis vitarent.

XXIV. Haec forma verborum inolevit in pontificiis litteris monasteria commendantibus, quae dari in commendam consueverunt: *ut commodius onera sustentare valeas, de alicuius subventionis auxilio provideri cupientes, monasterium N. auctoritate apostolica tibi concedimus, et commendamus, ac providemus, per te quamdiu vixeris, tenendum, et possidendum, ita quod durante commenda huiusmodi de fructibus, redditibus, et proveniuntibus ipsius monasterii disponere, et ordinare valeas, sicut veri Abbates, et Prioris ipsius; qui fuerunt pro tempore, ordinare, et dispendere potuerunt, et*

(1) Ibidem num. 32.

(2) Rigant. ibidem num. 71.

(3) Fagnan. in cap. cum causam 19. de elect. Rigant. loc. cit. n. 43.; et 44.

(4) Apud Rigant. in Reg. I. Canc. §. 7. num. 233. 247., et 258.

etiam debuerunt, alienatione tamen bonorum immobilium, et pretiosorum mobilium tibi penitus interdicta. Si tamen clausulae istae in bullis apostolicis omitterentur, commendatarius fructus non faceret suos: sed rationem redditurus de eis futuro titulari esset, instar depositarii. Si adsit autem sufficiens in commendato monasterio familia religiosa, haec litteris pontificiis adicitur clausula: quod propter commendam nostram huiusmodi solitus monachorum, et ministrorum numerus non minuat (1).

XXV. Quoties vero acciderit monasterium aliquod novae commendae subiici ob urgentem aliquam causam necessitatis, vel utilitatis iam expositam, hae aliae conditiones, et clausulae litteris apostolicis adduntur. quod dictus N. in primis, et ante omnem teneatur cautionem idoneam in actis Curiae episcopalis de restaurandi dicti monasterii aedificiis, illiusque bonis alienatis recuperandis praestare, ac in restauratione huiusmodi summam Episcopo, sive tibi (executori) bene visam infra terminum ab eodem Episcopo, sive a te statuendum, ratam partem scilicet summae huiusmodi singulis annis expendendam, et de praemissorum implemento in actis eiusdem Curiae Episcopalis in fine cuiusque anni docere: alias cautione huiusmodi non praestita, vel etiam ea praestita, et infra terminum praefatum restauratione usque ad summam designatam non facta, ac in actis praefatis non iustificata, in quolibet eventum huiusmodi commenda de dicto monasterio cesset, eaque cessante, dictum monasterium vacet eo ipso, et dictus N. ad restitutionem omnium fructuum perceptorum per censuras ecclesiasticas, aliaque opportuna iuris, et facti remedia cogi, et compelli possit, et debeat. Valium praeterea, quod dicto N. cedente, vel decedente, aut alias dictum monasterium quomodolibet dimittens, vel amittente, illud amplius non commendetur, sed ad pristinam tituli naturam reverti, et personae regulari idoneae conferri debeat, de si dicto N. numquam commendatum fuisset: et si commendari contigerit absque speciali mentione, et derogatione posterioris voluntatis nostrae, huiusmodi commenda de dicto monasterio nulla sit eo ipso (2).

XXVI. Sunt qui vellent, in his monachi potissimum, commendas omnes radicitus convellere, tamquam abnormes, et praevis Ecclesiae legibus improbatas: dum exaggerant plus aequo, declamantes perniciem regularis disciplinae, ruinas aedium sacrarum, luxum commendatariorum ex eis promanantia. Vieissim alii corruptos mores Regularibus ipsis exprobrant, profligatam e claustris pauperlatem, degenerem a primitiva institutione formam vivendi, abusum pecuniae: unde posam sit necessitas sustinendi commendas nedum consuetas in monasteriis conventu fratrum carentibus adhuc, verum in pinguioribus etiam in religiosa familia instructis, quae portionem congruam reddituum pro sua mensa, et sustentatione iam habet seunctam a redditibus commendatariorum. Qui privato interea calamo student leges, ac mores ita receptos emendare in melius, et veterem Ecclesiae disciplinam instaurare, dum novam vigentem carpiunt audacissime; il quidem ipsi non vident mobilem disciplinae naturam arbitrio summarum solummodo potestatum subiectam, eoque minus capiunt causas eiusmodi mobilitatis pro conditione temporum, locorum,

(1) Ex Rigant. *ibidem* num. 51.

(2) Rigant. *ibidem* num. 60.

personarum varias. Abusus itaque varios in commendis simul, et titulis, aliisque rebus Ecclesiae ortos, et repullulantes in diem vilio non legis novae, sed hominum vertunt rectius aequi rerum aestimatores: usum proficuum, et quandoque necessarium probant, et collaudant: Synodus Tridentina eas propterea non improbandas censuit, sed nonnullos reformavit abusus, alios Romani Pontificis pietati, ac prudentiae corrigendos reliquit pro conditione temporum, et locorum. Nam Principes, qui nominandi ius habent, praesertim Galliae Reges usque adeo passi non sunt regium sibi froenari arbitrium nominandi Regulares dumtaxat ad Abbantias monasteriorum, quum clericos plerumque saeculares consueverint ad eas regis nominationibus promovere (1): ut non dubitent Galliae scriptores Summo Pontifici negare facultatem reducendi in titulum monasteria commendari solita (2).

XXVII. Abbatiam Praeceptoriae generalis Neapolitanae S. Antonii Viennensi monasterio Viennensi in Delphinatu olim unitam Paulus V. Io. Baptistae Victorio primus omnium commendavit, mox Urbanus VIII. Cardinali Magalotto nedum in commendam dedit, sed unionem ipsius, omniumque adnexorum dissolvit, nullumque ius deinceps Viennensi monasterio in ea superesse decrevit anno 1626. (3): cui pro substando procuratore generali in Curia Romana praeceptoriam S. Antonii civitatis Sarnensis adnexuit. Subsecuti deinde Pontifices Archiepiscopis Neapolitanis eam commendare gradatim consueverunt Omnia vero beneficia ubilibet intra Regnum consistentia sub eodem titulo S. Antonii quum libora, et simplicia, tum de iurepatronatus, et curata ad collationem, vel institutionem ordinariam istius Abbatis olim titularis, nunc commendatarii pertinerent palam est (4). Nam S. Congregatio particularis sub Urbano VIII. in Neapolitana Praeceptoriae S. Antonii Viennesis 6. Iulii 1627, ad quinque postulata dubia respondens censuit 1: Praeceptorem generalem habere fundatam intentionem conferendi praeceptorias, et alia membra generalis praeceptoriae in toto Regno, nec non cetera beneficia, quae conceduntur in constitutione Clementis VII, sive ratione eiusdem privilegii, sive ex dispositione Iuris communis. 2: extendi ad beneficia etiam iurispatronatus laicorum: quoad institutionem una cum iure devolutivo. 3: eadem beneficia esse manualia de sui natura, exceptis curatis, et electivis. 4: ea non cadere sub reservatione: posse tamen cadere sub affectione, nisi haec tollatur per indultum, cuius copia transmittatur. 5: Ordinarios non posse conferre, nisi obstat legitima praescriptio cum requisitis Perusinae I. Beuvignati coram Pamphilio, et Ferrariensis coram Ponla, et nisi obstat ultimus status cum requisitis (5).

XXVIII. Ad commendas Melitensium equitum S. Io. Hierosolymitani

(1) Id quod observat N. Alexander in *hist. saec. 16. dissert. 12.*

(2) Fleury *Inst. Iur. canon. par. 2. cap. 26.*

(3) S. Congr. Conc. in *Neap. collationis benefic. 8. Iulii 1690.* Rota in *Neap. seu Tranen. praeceptoriae 20. Iun. 1696.* coram Molines, apud Rigant. in *Reg. IV. §. 4. num. 15.*

(4) Ex Clementis VII. *const. 2. §. 19,* Rota *dec. 71.* coram Durano, Montan. *contr. 81.,* S. Congr. et Rota apud Rigant. *loc. cit. num. 20., et 57.*

(5) S. Congr. particularis apud Rigant. *ibidem num. 52.*

hactenus dicta non pertinent. Huius enim sacri militaris Ordinis, et commendae, et baiulivatus, et prioratus, et praeceptoriae, et hospitalia, et cetera beneficia nullis subiacent apostolicis reservationibus, nec Regulis Cancellariae, etiamsi apud Sedem, et intra duas ab Urbe diaetas quomodolibet vacaverint (1): quum ipsamet Regula IV. Cancellariae reservans dignitates conventuales, et praeceptorias Ordinum quorumcumque, palam excipiat beneficia *militarium*, scilicet Ordinum militarium. Sed a M. Magistro eiusdem Ordinis conferuntur, ubi iurisdictionem, administrationemque adnexam habeant, nonnisi equitibus antiquioribus in eo professis tantum cuiusque linguae, seu nationis, salvo antiquioribus iure optandi iam superius exposito. Non professis indulgere aliquando consuevit Sedes Apostolica, ut possent commendas eiusmodi iurisdictionem habentes obtinere cum onere emittendi professionem (2). Quae tamen iurisdictione sunt expertes, eas conferri personis etiam non professis, sed ad profutendum idoneis, suscepto habitu licebit (3). Administrationem, liberamque in pios usus dispositionem, sicut beneficiarii clerici saeculares, utique habent commendatarii, baiulivi, ceteri hospitalarii Melitensis religionis (4): sed non proprietatem, quae ipsi manet Ordini adnexa (5). Iique ad residentiam tenentur, alias fructus non faciunt suos (6). Aequitas iuris tum suavisit, ut cuiusque nationis, et linguae commendas, baiulivas, ceteras Ecclesias, domosque religiosas administrandi, seu adipiscendi ius haberent soli eiusdem equites, exclusis alienigenis (7). Hinc plura in Capitulis generalibus decreta de commendarum diviso, vel promiscuo usu inter plures eiusdem linguae prioratus, vel plures eiusdem Regis provincias (8). In hoc autem Regno Neapolitano statim ac imperiali rescripto Caroli VI. cautum est, ut nonnisi regnicolae cunctas Regni Ecclesias, et beneficia quaelibet

(1) Ex Pii IV. *const.* 9. §. 5., et 23, Rota coram Puteo *dec.* 138. *lib.* 1. Achille de Grassis *dec.* 9. *tit. de praebendis*, Escano in *propugn. Relig. Hierosol. discept.* 10. *cap.* 3. *num.* 13., et *seq.* Rigan. in *Reg. I. Canc.* §. 1. *num.* 319. Multas nihilominus collationes commendarum, beneficiorumque sacrae ipsius Religionis, dum in Curia, et apud Sedem vacassent, ab Apostolica Sede factas fert Riganlius *ibidem num.* 323. Idemque addit in §. 7. *eiusdem Reg. I. num.* 57. vacare per promotionem ad Episcopatum commendas, et prioratus Ordinis S. Io. Hierosolymitani: Summum vero Pontificem de iis, non ut reservatis disponere, sed locum dare *mutuioni*, ait, favore *antianorum*, ex Rotae *dec.* 221, 532., et 566. in *Milevitana commendae* coram Lancetta.

(2) Rot. *dec.* 399. *par.* 2. *rec.*, Thomassin. *par.* 2. *lib.* 3. *cap.* 20., Rigan. in *Reg. LX. Canc.* *num.* 11.

(3) Escano *loc. cit. discept.* 13. *cap.* I. *num.* 25. Rigan. *ibidem num.* 6. Tertia, et quarta ex decem regulis generalibus Ordinis S. Io. Hieros. per eum expositis Clero Gallicano ita se habent. 3. *Quod iuspatronatus providendi, et instituendi personas idoneas ad baiulivas, prioratus, praeceptorias, hospitalia, membra et alia beneficia, et loca dicti Hospitalis ad Magistrum, et Conventum spectat.* 4. *Beneficia dicti Ordinis obtinentes, et fructus percipientes infra sex menses post intimationem habitum suscipere, et professionem emittere tenentur.*

(4) Rigan. in *Reg. XLII. num.* 283.

(5) Ex *statutis Ord. Hierosol. tit.* 5. *num.* 1.

(6) Ex *iisdem statutis tit.* 18.

(7) Ex *Statut. tit.* 5. *num.* 14.

(8) Videtis Iacobum Bossium in *hist. Melitensi.*

obtineret: religiosi equites Melitenses nostri iure merito postularunt sese eo ipso indulto frui etiam debere.

CAP. XII.

De precum veritate subreptione et obreptione in impetrationibus (*)

- I. *Collationibus pontificiis ea semper inest conditio, si preces veritate nitantur.*
- II. *Easque tam subreptio falsitatem suggerens, quam obreptio veritatem reticens rescindit.*
- III. *Quum dolosa obreptio, vel subreptio, tum quae sine dolo causam gratiae dederit, irritas ipso iure litteras efficit: secus, quae non caussa fuit collationis, et sine fraude irrepsit.*
- IV. *Impetrantis, et nomen cum agnomine, et dioecesis, ea etiam, in qua sit beneficium, sunt exprimenda.*
- V. *Simul et qualitas beneficii.*
- VI. *Et valor annuus certorum reddituum.*
- VII. *Levis error in sexta parte toleratur pro sustinenda collationis gratia, nullus pro impetratione posteriori.*
- VIII. *Certi redditus, deductis oneribus, in exprimendo valore computantur.*
- IX. *Errorem valoris plura excusant, eumque licet in expeditione bullarum emendare, augendo valorem in tertia parte.*
- X. *In concistorialibus valor antiquus in libris Camerae taxatus attenditur, in aliis nonnumquam Regulae derogatur.*
- XI. *Resignationes irritas facit maioris valoris dolosa expressio.*
- XII. *Ordinariorum collationibus nil officit valor vel reticulus, vel falso expressus.*
- XIII. *Annatarum species quatuor expressionem valoris postulant.*
- XIV. *Vacationis modum certum exponi etiam oportet.*
- XV. *Alius vacationis modus non suffragatur, nisi expressus revera de facto acciderit.*
- XVI. *Quaecvis possessio facti reticita vacationem veram excludit in litteris generaliter expressam.*
- XVII. *In collationibus Ordinariorum vacationis modus impune reticetur.*
- XVIII. *Quonam mense reservato, et an in Curia, vel extra eam acciderit vacatio, narrandum simul est.*

(*) Ad tit. XLIII. lib. I. Decretal. de rescriptis.

- XIX. *Et an familiaris Cardinalium is fuerit, per cuius cessum, vel decessum vacat beneficium.*
 XX. *Impetrantis praeterea dignitas, aliorumque beneficiorum possessio.*
 XXI. *Numerus item praebendarum, et canonicatum in Ecclesiis numeratis non excedendus.*
 XXII. *Errores in impetrationibus admissi novis vel precibus, vel provisionibus emendari solent.*
 XXIII. *Emendatio alius nocitura difficilior est.*
 XXIV. *Levia errata facile diluuntur.*

I. Collationes a Sede Apostolica ad petitionem beneficiariorum expedite hanc semper continent conditionem vel expressam, vel tacitam, si *preces veritate nitantur* (1). Enimvero hanc ipsam, quoties in pontificiis litteris non pateat expressa, subintelligendam esse declaravit Alexander III. (2). Cumque consueverint in supplicatione, et signatura gratiae, quae litteras praebet, sigillatim Pontifices rescribere *fiat ut petitur*, ad narrata, et exposita sese huiusmodi verbis referre satis indicant. Tum Cancellariae Regula LXI. palam iubet, *quod in litteris super beneficiis per constitutionem execrabilis vacantibus ponatur clausula, si est ita: similiter de quibuscumque narratis informationem facti requirentibus* (3). Civili etiam iure cautum est, ut *responsuro Principi vera precatio rem aperiat cognoscendam* (4).

II. Quamobrem tacita veritate, vel suggesta falsitate extortae litterae tamquam subreptitiae, vel obreptitiae sunt irritae, nulliusque momenti (5): quum suffragari non debeant ei, qui suppetit. *Subreptio* dicitur, quum falsis, et mendacibus precibus rescripta impetrantur: *obreptio* autem, quum veritas in precibus reticetur. Sed quandoque Pontifices, et Icti eisdem vocibus promiscue utuntur, nullum discrimen inter eas quoad effectum facientes (6).

III. Innocentius III. hanc perpetuam tradidit normam pro diiudicanda nullitate litterarum apostolicarum. Ubi dolosa, vel fraudulenta obreptio, seu subreptio fuerit, semper irritas ipso iure litteras esse. Ubi autem sine dolo, ac fraude, sed ignoranter, bonaque fide veritas tacita, vel mendacium expositum sit, qua expressa, quove tacito Pontifex nullas prorsus litteras dedisset, vel aliquod celatum sit, quod expressum in diversam sententiam Pontificis animum traxisset: eas pariter esse invalidas, tam-

(1) Nam in contrahendo quod agitur, pro cauto habendum est, Pomponius ait in l. cum quid 3. D. de rebus creditis, et si certum petatur.

(2) Alexand. III. in cap. ex parte 2. de rescriptis.

(3) Hanc ipsam clausulam si est ita, similem alteri, si preces veritate nitantur, probavit Innocentius III. in cap. olim ex litteris 25. eod. tit.

(4) Sic Theod. et Valentin. Florentin. rescribere l. instrumentorum 8., et ult. C. de precibus Imp. offerendis.

(5) Innoc. III. in cap. cum nostris 6. de concess. praeb. cap. cum dilecta 22. de rescriptis, Greg. IX in cap. ex insinuatione 37. eod. tit.

(6) Emm. Gonzalez ad cap. 20. de rescriptis num. 4.

quam concessioni caussant dantes. Secus vero, si veritate exposita, mendacior suppresso adhuc litteras Papa concessisset: tunc enim delegatus secundum iuris ordinem ad eas exequendas procedere poterit. Nos igitur, Pontifex ait, inter eos, qui per fraudem, vel malitiam, et illos qui per simplicitatem, vel ignorantiam litteras a nobis impetrant, huiusmodi credimus discretionem adhibendam, ut hi, qui priori modo falsitatem exprimunt, vel supprimunt veritatem, in suae perversitatis poenam nullum ex illis commodum consequantur, ita videlicet, quod delegatus, postquam sibi super hoc facta sit fides, nullatenus de causa cognoscat. Inter alios autem, qui posteriori modo litteras impetrant, duximus distinguendum quae falsitas suggesta fuerit, vel quae veritas sit suppressa. Nam si talis expressa sit falsitas, vel veritas occultata, quae quamvis fuisset tacita, vel expressa, nos nihilominus saltem in forma communi litteras dedissemus, delegatus non sequens formam in litteris ipsis adpositam, secundum ordinem iuris in causa procedat. Si vero per huiusmodi falsitatis expressionem, vel suppressionem etiam veritatis litterae fuerint impetratae, quae tacita, vel expressa, nos nullas prorsus litteras dedissemus, a delegato non est aliquatenus procedendum, nisi forsitan eatenus, ut partibus ad suam praesentiam convocatis, de praemissa qualitate cognoscat, ut sic in utroque casu eadem ratio, quae delegantem moveret, moveat etiam delegatum, et ubi delegans suas litteras denegaret, delegatus etiam suae cognitionis officium nullatenus interponat (1). Hinc necessarium est recte intelligere, quae debeant pro impetrandis beneficiis exprimi, simul, et clausulas adici solitas in litteris apostolicis de stylo Curiae Romanae pro diiudicanda validitate, vel nullitate provisionis apostolicae.

IV. In primis ergo exprimi debet supplicantis nomen, agnomen, et dioecesis, in qua et is ortum, vel fixum domicilium habuit, et beneficium situm est: ne locus pateat in duobus Titulis, vel duobus corporibus errandi. Papa enim indigenis mavult, quam exteris providere cuiusque dioecesis Ecclesias, et beneficia, praesertim curata, quae nulliter impetrant exteri nescientes idioma loci (2). Nec violanda locorum statuta, et privilegia sunt, quibus tantum alicubi speciatim est, ut amotis, et exclusis omnino exteris, beneficia, et pensiones ecclesiasticas possent soli, aut regnicolae, aut dioecesani, aut indigenae huius, illiusve urbis, vel loci obtinere: quemadmodum de Neapolitanis, et Siculis, et Capuanis iam dictum supra (3).

V. Qualitas beneficii, num scilicet simplex, vel curatum, dignitas, vel personatus, vel liberae collationis, vel de iure patronatus, vel electivum quoties reticeatur, nullitatem litterarum inducit ex Cancellariae Regula LVII. (4). Eoque vel maxime qualitas exprimenda est singulorum mona-

(1) Innoc. III. Canonico Pictaviensi in cap. super litteris 20. de rescriptis.

(2) Ex Canc. Reg. XX. de idiomate, quam superius explicui cap. 9. num. 28.

(3) Cit. cap. IX. de beneficiariis num. 35., et 36.

(4) Canc. Reg. LVII. de expressione qualitatum benefic. in impetrationibus vult, quod super beneficiis ecclesiasticis de qualitatibus illorum, videlicet, an dignitates, personatus, vel officia sint, eisque imminet cura animarum, et ad illa consueverint per electionem assumi, mentio fiat: alias gratiae desuper factae sint nullae. Elsi qualitates huiusmodi affirmative, vel conditionaliter non exprimantur, negativa espresso desuper fiat in beneficiis, quae tales qualitates, vel eis aliquas consueverint habere.

steriorum, quae capita sunt, et primates Ordinum (1), sive abbatiae, sive prioratus filiae illorum capitum oncupantur: aliter impetrandi obreptio nequaquam subsequens possessio etiam triennalis suffragabitur (2).

VI. Deinde verus annuus valor fructuum, seu reddituum vacantis Ecclesiae, seu beneficii per florenos auri, aut ducatos auri de Camera, seu aliam monetam secundum communem aestimationem exprimendus est: alioquin ob fallacem valoris narrationem nullas fore collationum gratias, sancitum est Cancellariae Regula LV. (3), tam ob interesse annatarum, quam ut Papa certiorum habeat notitiam qualitatis beneficiorum pro recta eorumdem distributione (4), provisorius, ne qui reticito, vel diminuto valore suum supra meritum, et indigentiam plus aequo de beneficiis accipiat, neque per falsam valoris expressionem aequum pontificiae dispensationis modum intervertat (5). Et quamquam annata non solvatur pro beneficiis 24. ducatos auri de Camera non excedentibus: verum quoque valorem oportet beneficium quantumlibet exigui exprimere (6).

VII. Stylus nihilominus invaluit tolerandi excessum valoris in sexta parte, seu sustinendi collationem apostolicam, quamvis constiterit, quod vera fructuum quantitas in sexta parte expressam quantitatem excedat (7). De minimis enim curare Praetor non solet. Si quis vero impetraverit ob falsam valoris expressionem beneficium alteri iam collatum, narrans fructus eiusdem ex gr. *ascendere* ad ducatos quadraginta, quos alter falso exposuerat ducatos 24. *non excedere*: impetrans cogitur usque ad obulum ostendere valorem fructuum, quem expressit per *ascensum*, nullam erroris vel levisissimi tolerantiam experturus in alterius detrimentum (8).

VIII. In valore huiusmodi exprimendo, et probando certi redditus tantum computantur, non incerta emolumenta, quae solent intuitu persona-

(1) Ea recensui superius cap. 11. num. 11.

(2) Trid. in cap. cum plerumque 21. sess. 25. de Regularib.

(3) Canc. Regula LV. de exprimendo valore in impetrat. disponit, quod in gratiis, quas quibusvis personis de beneficiis vacantibus, seu certo modo vacaturis fieri contigerit, illorum. . . verus annuus valor per *marcas argenteas, aut sterlingorum, vel libras Turonenses parvorum, seu florenos auri, aut ducatos, vel uncias auri, seu aliam monetam* secundum communem aestimationem exprimat: nisi personae praedictae beneficia, quae tum obtinuerint, aut in quibus, vel ad quae ius eis competit, iuxta ipsarum oblationes, aut alias dimittere teneantur: alioquin gratiae praedictae sint nullae. Et idem servetur in gratiis, quas a S. S. motu proprio emanare contigerit, quoad beneficia tamen, de quibus per S. S. pro tempore providetur, seu provideri mandatur, aut alias disponitur, ac litteris, per quas pro tempore ad Ecclesiarum Patriarchalium, Cathedralium, ac monasteriorum regimina *promotis* conceditur, ut *monasteria, et alia beneficia ecclesiastica saecularia, et regularia* per eos obtenta, et ad quae ius eis competit, *retineri possint*. De valore ducatorum auri de Camera, et florenorum, eorumque ratione ad huius Regni moentem superius sat dixi cap. de reservat., et affect. num. 38.

(4) Rot. dec. 185. par. 3. rec. num. 3, Card. de Luca de benef. disc. 90. num. 8.

(5) Ut notat Gomesius in proemio ad eandem Reg. LV. de expr. valore.

(6) Rigan. in Reg. LV. num. 19.

(7) Card. de Luca in summa de benef. num. 158., et cit. disc. 90., Rota, et alii apud Rigan. loc. cit. num. 95.

(8) Rota coram Cerro dec. 578. num. 5.; et alii apud Rigan. ibid. num. 100., et seq.

lis tantum servitii, et praesentiae in functionibus adventitiis adquiri (1): et *distributiones quotidianae* appellantur (2). Et e contrario deducuntur onera necessaria.

IX. Erroneam valoris expressionem saepe excusat mobilis bonorum locatio, credulitas ex publica fama, consimilis narratio in provisione praedecessoris, immutatio consueti status beneficii, ceterae huiusmodi causas: praesertim vero clausula cum facultate augendi, vel minuendi apponi solita in supplicationibus ex Cancellariae Regula LXV, *quod fructus augeri possint in tertia parte vigore clausulae* dumtaxat in expeditione bullarum (3). Itaque bullis expeditis consummata dicitur eadem clausula, neque non integra nullam vim habet (4).

X. Ab ista tamen Regula excipiuntur concistorialia beneficia, quorum valor praesens non exprimitur, et bullae expediuntur habita ratione antiqui valoris in libris Camerae apostolicae taxati, quamvis vel augmentum, vel deminutionem passus ille fuerit. Et quandoque Pontifex eidem Regulae derogat, praesertim in provisionibus motu proprio, in quibus valorem, vel ignoratum, vel qualitercumque tacitum declarat pro expresso habere. Addit Rebuffus beneficii valorem exprimi non debere, cuius retentio per apostolicam dispensationem, non prima collatio impetretur (5).

XI. In resignationibus non minui, sed augeri per fraudem solet beneficii valor, ut videatur sufficiens pensioni plus aequo volitae. Edixit autem Cardinalis Corradinus Innoc. XIII. prodaturus iussu Pontificis: *ut qui beneficia etiam simplicia resignare voluerint, teneantur exprimere in suis libellis, a quo tempore possideant beneficia, quae resignare intendunt, nec non verum annum valorem eorundem, praesertim quando resignationes fieri debent cum reservatione pensionis, in quibus plerumque, ut reservari possit maior pensio, valor fructuum solet augeri: alias resignationes fore nullas, et irritas* (6).

XII. In collationibus, quas Ordinarii faciunt, non exprimitur valor, qui reticeri olim in litteris etiam Sedis Apostolicae consueverat.

XIII. Originem istius Regulae de exponendo valore alii tribuunt Ioanni XXII, qui reservavit Sedi Apostolicae fructus primi anni beneficiorum inferiorum deinceps vacantium, exceptis episcopatibus, et abbatibus regularibus (7): alii Bonifacio IX, qui anno 1392. durante schismate ad suppe-

(1) Card. de Luca in *summa de benef.* n. 156.

(2) Idem *cit. disc.* 90. n. 13., et in *summa* n. 287. Si beneficii, vel praebendae fructus in quotidianis distributionibus consistunt, valorem consuevisse tunc exprimi, non excedentem 24. ducatos auri de camera tradit Rigant. *loc. cit.* n. 44.

(3) *Reg. LXV. ipsamet declarat in vim clausulae, seu concessionis eiusmodi* valorem ipsum usque ad tertiam partem valoris expressi, et in prima, quae desuper fiet, *litterarum expeditione* dumtaxat augeri posse, at eas, quas litteris iam expeditis cum expressione valoris specificati, aut non integro augmento praedicto, denuo desuper expediri contigerit, litteras cum aliquo augmento valoris huiusmodi nullius esse roboris, vel momenti, etiamsi motu proprio beneficiales gratiae, et dispositiones quaecumque a S. S. emanaverint.

(4) Rot. *dec.* 108. *par.* 10. *rec.* n. 11, Card. de Luca *cit. disc.* 90. n. 30.

(5) Apud Rigant. in *Reg. LV.* n. 27.

(6) Rebuff. in *prax. benef. tit. forma novae provisionis verb. eorumque fructuum* n. 1., et *seq.*

(7) Io. XXII. in *extravag. 11. de praebendis.*

ditandos armorum sumptus immensos imperavit, ut quicumque beneficium adipisceretur, episcopatum quoque, vel abbatiam, dimidium annui redditus fisco persolveret apostolico (1). *Annatae* nomen generaliter in quatuor species dividitur a Fagnano (2). Prima species denotat *integrum* unius anni redditum. Secunda *dimidiam* partem veri valoris annui beneficiorum inferiorum, quae integre Summo Pontifici reservatur. Tertia accipitur pro *communi servitio*, seu pro certa quantitate solvenda pro singulis episcopatibus, et abbatibus secundum taxam antiquam, cuius dimidium Papae abdicatur, reliquum sacro Collegio Cardinalium in Urbe praesentium distribuitur. Quarta pro *minutis servitiis*, seu quinque portionibus, quae nonnullis Papae ministris, et officialibus dividuntur. Quinta pro *quindennio*, quod singulis quindecim annis persolvitur pro beneficiis perpetuo unitis iuxta Pauli II. constitutionem (3).

XIV. Vacationis *modus*, et *causa* etiam exprimi debet. Quum vacatio per obitum a cessione, ac renunciatione differat, et hanc ea non completatur ex textu Bonifacii VIII. (4): vacatio per obitum oportet, ut impetranti, simul ac Papae, eiusve Datario innotuerit verisimiliter ante impetrationem ex Cancellariae Regula XXX: quae gratiam irritat, nisi post obitum beneficiariorum, et ante datam gratiae tantum temporis effluerit, quantum necesse est, ut interim vacationis notitia verisimiliter de uno ad alterum locum pervenire naturali modo potuerit (5). Pariter in vacationibus per religiosam professionem haec debet praecedere diem supplicationis ex Regula XLVI (6). Modus in Cancellaria exprimendus nullatenus admittitur, nec suffragatur ex Regula XLV (7).

XV. Addit Regula LVIII: *si reservetur beneficium per contractum matrimonii, non dentur alii modi vacationum de futuro, nec censeatur beneficium reservatum specialiter, vel affectum, nisi sequatur matrimonium. Sed in beneficiis per promotionem, aut ingressum religionis, vel assecutionem incompatibilium vacationis ponatur clausula, etiamsi non petatur*—cum beneficia huiusmodi praemisso, vel alio quovis modo, praeterquam per obitum obtinentis vacare contigerit—*etiamsi vacent: decernens irritum etc.* Hinc Doctores consentiunt, quoties gratia collationis pontificiae ad unum aliquem vacationis modum expositum sit *dispositive* (ut aiunt) restricta: clausulam, quae de stylo adiicitur litteris apostolicis, *sive praemisso, sive alio quovis modo*, non suffragari, nisi cum primus vacationis modus expressus, cui per clausulam eandem alii etiam incerti cumulantur, *de facto* sit verus, vel saltem habeat famae fomentum (8). Nam impetrans beneficium aliquod, hoc, vel illo modo vacans, aut diuturna vacatione ad

(1) Odoric. Rainald, *ad an.* 1392. n. 5., et Platina *in vita Bonif. IX.*

(2) Fagnan. in *cap. praeterea, ne Praefati vices suas, vel Eccl. sub annuo censu concedant.*

(3) Paul. II. in *const. decet Romanum.*

(4) Bonif. VIII. in *cap. susceptum 6. de rescriptis in VI.*, de quo dictum est supra *cap. 10. num. 26.*

(5) De qua supra dictum est *cap. 6. de collatoribus n. 7.*

(6) De hac superius dixi *cap. 10. n. 20.*

(7) Hanc habes exscriptam eodem *cap. 10. n. 26.*

(8) Card. de Luca in *summa de benef. num. 162*, Caesar de Grassis *dec. 124. n. 7.*, Rigant. in *Canc. Reg. 47. n. 54.*, et *seq.*, et in *Reg. 58. n. 112.*

Sedem Apostolicam devolutum, eam vacationem *de facto* secutam debet in primis ostendere, quam exposuit, eique non proderit sola vacatio *de iure* (1).

XVI. Eademque ratione habetur irrita impetratio beneficii, quod commendatum possideretur ab aliquo, si Pontifici exposita non fuerit commendatio (2): quamvis ob commendam non cesset prima eiusdem vacatio. Quoniam litteras de alterius licet colorata, merique facti possessione mentionem non facientes impetranti cuique nil prodesse iam novimus (3), et antequam vacent beneficia, nemini concedenda esse constituit Concilium Lateranense III. (4): vacare autem non videtur, quod commendatarium habet possessorem.

XVII. Ordinarii vero collatores motu proprio, ut dixi, beneficia distribuentes non tenentur certum in litteris suis modum vacationis exprimere, eorumque collatio rata semper erit, quomodocumque vel de facto, vel de iure vacatio contigerit (5).

XVIII. Mensis etiam reservatus, in quo acciderit vacatio, exprimens est in precibus ex textu Regulæ IX. Simul et an in Curia intra duas diætas, vel extra eam secuta sit.

XIX. Familiaritas exponenda insuper est in beneficiis vacantibus per cessum, vel decessum alicuius ex familiaribus Cardinalium: ne fraudetur in eisdem impetrandis consensus vel Cardinalis patroni ex Regula XXXII, vel Cardinalis Ordinarii collatoris ex Regula XXXIII. (6).

XX. Dignitas quoque impetrantis, et alterius beneficii possessio nisi exponantur, nova collatio irrita est: quum velle Pontifex iure præsumat, ut personae pluribus redditibus abundantes per litteras apostolicas pauperes clericos super minoribus beneficiis non inquietent (7). Eoque magis non valebit collatio, si falso exposuerit impetrans, qui beneficium licet exiguum possidebat, sese beneficium ecclesiasticum non adhuc esse consecutum (8). Hinc ad evitandas fraudes de stylo in litteris pontificiis, quoties dispensationem retinendi beneficia prius obtenta non postulet impetrans, adiicitur clausula, quod orator duo, vel tria simplicia, et personalem residentiam non requirentia beneficia non habet, quorum insimul

(1) Innoc. III. in *cap. cum nostris* 6. *de concess. præb.* suis quum litteris mandasset praepositarum Ecclesiae Lausanensis conferri thesaurario Lausanensis, qui eam ex diuturna vacatione devolutam exposuerat, eique ipsam pontificii executores adiudicassent, ut *de iure vacantem* ob promotionem Praepositi ad Episcopatum, quamvis ab ipso Episcopo retentam communi Canonicorum consensione, seu nova electione, Papa irritam fuisse litterarum suarum executionem pronunciavit: *cum praepositura illa, ait, non vacaret de facto, quia talis possessio plus habet facti, quam iuris.*

(2) Ex supradictis *cap. 11. de commenda* num. 23., DD. in *cap. nemo de elect.* in VI.

(3) Ex *cit. cap. cum nostris* 6. *de concess. præb.*

(4) Sub Alex. III. in *cap. nulla* 2. *cod. tit.*

(5) Rota coram Puteo *dec. 33. lib. 2. coram Carillo dec. 315. lib. 3.*, et alibi apud Rigan. in *Reg. 47. n. 19., et 20.*

(6) Videsis dicta superius *cap. 6. num. 9., et 10.*

(7) Lucius III. in *cap. ad aures* 8. *de rescriptis.*

(8) Greg. IX. in *cap. si proponente* 42. *cod. tit.*

fructus 24. duc. auri de Camera non excedunt, aut quod alia beneficia non possidet.

XXI. Impetrationem praebendae in Ecclesia numerata, si numerus Canonicorum non expressus excedatur, etiam non aucto praebendarum numero, non valere Innocentius III. rescripsit (1). Unde colligitur necessitas exprimendi numerum et Canonicorum, et praebendarum statuto, vel consuetudine praefixum, ne obreptio fraudulenta inanem faciat impetrationem praebendae alicuius supra numerum vacantis.

XXII. Errores in eiusmodi qualitatibus vel reticitis, vel falso narratis non raro irrepentes cauti solent impetrantes novis precibus sinceris emendare. Si nemo ius aliquod super eodem beneficio interea quaesivit, reformatio re integra nullum incurrit offendiculum, quoties eam velit Datararius indulgere. Cardinalis Corradus Alexandri VII, Prodatararius die 16. Januarii 1662. decrevit: *si nondum fuerit registrata supplicatio, super cuius emendatione petitur secunda gratia, quia necessaria non est gratia perinde valere, reformatio non denegetur: nisi aliter nobis vel Datario pro tempore existenti visum fuerit. Post completam vero bullarum expeditionem, nempe illarum plumbationem, et registrationem, non concedantur reformationes, sed tantummodo perinde valere, aut novae provisiones, excepto eas alicuius materiae levis, veluti formae gratiosae, vel similis, nisi aliter nobis, vel eidem Datario pro tempore existenti visum fuerit: et tunc quoties dabuntur huiusmodi reformationes, omittatur in supplicationibus reformationum huiusmodi clausula: dummodo, si litterae apostolicae iam expeditae fuerint, vigore praesentis gratiae non corriganur (2).*

XXIII. Si quod alicui praeiudicium sit emendatio illatura, tunc haerebit negotium in difficultate quum signandi novam supplicationem, tum expediendi litteras cum reformationibus sub anticipato die prioris supplicationis. Statuit enim Cancellariae Regula XLIV: *quod super quibuscumque reformationibus signatis super impetrationibus quorumcumque beneficiorum vacantium, vel certo modo vacaturorum, in quibus petitur, quod litterae super prima data expediri possint, si ex huiusmodi expeditione sub tali data cuicumque videatur posse fieri praeiudicium, litterae huiusmodi sub ipsa prima data nullatenus expediantur, nisi reformationes huiusmodi per fiat sub prima data signatae fuerint. Hocce quidem rescriptum, quo praevertitur intermedia cuiuspiam alterius impetratio, non facile indulgetur, illudque oportet ex gratia petere speciatim nova supplicatione cum inserto prioris supplicationis tenore (3). At reformationis gratia sub eo ipso die, quo petitur, sine scrupulo datur facilius.*

XXIV. Leves autem defectus in forma gratiosa saepius incidentes, quoties videantur sine circumveniendi animo incidisse, nullaeque insidias menti pontificiae struxisse, mos est supplendi, et sanandi pluribus etiam, quam duabus supplicationibus, quae signantur uno, eodemque die prioris datae, tamquam ab ea promanantes: eiusque tenorem non exprimunt, sed qualitates tantum, particulasque in prima omissas exponunt, addendo ad

(1) Innoc. III. in cap. constitutus 16. eod. tit.

(2) Apud Rigant. in Reg. 44. Canc. num. 25., et 26.

(3) Nam Alexander III. in cap. ceterum 3. de rescriptis declaravit nullius fore momenti secundum rescriptum, quod nullam de primo faciat mentionem.

extremum clausulam cui prius sine necessitate potendi speciale rescriptum Regula XLIV. imperatum (1). Quandoquidem Cancellariae Regula LXXII, et Ultima de potestate Rmi. D. Vicecancellarii, et Cancellarium Regentis inter alia disponit: quod Vicecancellarius, seu Datarius possit corrigere nomina, et cognomina personarum, non tamen earum, quibus gratiae, et concessionis sunt, ac beneficiorum, dum tamen de corpore constet (2).

CAP. XIII.

De clausulis (*)

- I. Sententias, et finalem, et intermedias clausula significat.
- II. Consuetae clausulae multae in litteris pontificiis tacite subintelliguntur.
- III. Expressae autem si a stylo discordent, vel vitiosa latinitate sint conscriptae, suspicionem ingerunt falsitatis.
- IV. Earum aliae substantiales, aliae superfluae.
- V. In quinque classes distribuuntur.
- VI. In prima sunt, quae pertinent ad exordium litterarum, et vim causae impellentis fere habent.
- VII. In secunda spectantes ad narrationem facti, quae si errorem contineant, gratiam plerumque vitiant.
- VIII. Tertiae classis ad dispositionem, quarum aliae conditionales, aliae causales.
- IX. Conditionales vim gratiae suspendunt, et subiiciunt eventui conditionis, secus causam, vel modum exprimentes.
- X. Particulae si, dummodo, quatenus, postquam, nunc pro tunc, et ablativus absolutus conditiones fere indicant.
- XI. Modalis dispositio aliquid faciendum imponit post perfectam gratiam, statuitque poenam vel rescissionis, vel censurarum.
- XII. Causa finalis, et modus unum, idemque sonant saepius.
- XIII. In diem concepta dispositio non conditionalis, nec modalis, sed pura est: quemadmodum et temporanea, seu ad beneplacitum concedentis.
- XIV. Ordinarii collatores nec diem, nec conditionem valent adiiungere, indultarii vix modum novae provisionis.
- XV. Clausularum aliae coniunctivae, aliae disiunctivae.

(1) Rigant. *ibidem* num. 7., et seq.

(2) Nam ex civili textu Marciani in l. falsa demonstratio 33., et Florentini in l. nominatim 34. D. de condit., et demonstr. falsa cuiusque rei demonstratio, quoties certum aliunde sit corpus demonstratum, non vocet.

(*) Ad tit. XI. lib. 5. Decretal. de verb. sign., et Cancell. Reg. LVI. de clausulis.

- XVI. Species vacationum aliquae disiunctim exprimuntur, aliae generatim, vel quovis modo.*
XVII. Ampliaticas clausulas petentibus indulget Regula LVI.
XVIII. Plures vacationum species non complectitur generalis clausula quovis modo.
XIX. Quidam alii ad maiores non extenditur.
XX. Cum adnexis, et connexis quae veniant.
XXI. Absolutio a censuris nil ultra litterarum effectum prodest, neque insordescentibus.
XXII. Quarto, clausula derogatoria generalis neque ad decreta Concilii generalis, neque ad Regulas Cancellariae, neque ad locorum statuta, privilegia, vel consuetudines extenditur.
XXIII. Executionem moderantes clausulae ad quintam classem pertinentes nil dispositioni addunt, vel detrahunt.
XXIV. Decretum irritans quandoque additur ad cautelam executionis.
XXV. Data diei extendenda sine notis numerorum litteras claudit.
XXVI. Eaque tempus figit qualitatibus personae, et servat suam cuique praerogativam temporis.
XXVII. Et parca, et magna data usu viget.
XXVIII. Inter plures uno die, eademque data concurrentes nonnulli praeseruntur gradatim, nisi Papa gratificationem alicui speciatim indulerit.
XXIX. Annus ab Incarnatione incipit in litteris sub plumbo, a Nativitate Domini in brevibus sub annulo Piscatoris.

1. Clausula proprio dicitur, quae sententiam, orationem, carmen, litteras claudit, et finit, quam vulgus conclusionem appellat (1): sed Iureconsulti eam saepius accipiunt pro quacumque parte, seu articulo cuiuslibet scripturae (2). Utramque notionem vox ista heic habet. In litteris apostolicis adponi quum soleant clausulae multiformes quum de stylo communes, tum peculiare pro rerum adiunctis variae, quae varios pariunt effectus: earum vim expendere curatius debent Ordinarii locorum, et apostolici executores, ne in gratiis, mandatisque Pontificum exequendis cessitent, vel haereant, vel ab aequo, et recto declinent per imprudentiam.

(1) Cicero *ep. 2. Quoniam mihi*, ait, nullum scribendi argumentum est, utar ea clausula, qua soleo. Seneca *ep. 67. nec potest dici hoc non esse par maximis bonum*, quod beatae vitae clausulam imposuit, cui Epicurus extrema voce gratias egit.

(2) Ulpian. in *l. sed etiam 23. §. 3. D. ex quib. caus. maior. Ait Praetor*, aut cum eum invitum in ius vocare non liceret, neque defenderetur. Haec clausula ad eos pertinet, Ictus inquit, quos more maiorum sine fraude in ius vocare non licet. Idem in *l. Labeo 25. §. 1. D. de recept. arbitr.* explicat clausulam compromissi. Tum senatusconsulti clausulam in *l. utrum 23. D. de hered. petit.* Stipulationis clausulam Venuleius in *l. ex clausula 17. D. iudicium solvi.* Paulus clausulam testamenti in *l. sed etiam 31. D. de legatis 1.*, ceteri.

II. In primis clausulas quidem omnes de stylo consuetae, etiamsi non exprimantur, pro appositis, et expressis habent, sensuque tacito subintelligi consentiunt doctores (1). Cuiusmodi sunt, *si est ita*, *si preces veritate nitantur*, *ut asseris*, *veris existentibus narratis* (2), *si beneficium vacat*, vel *quatenus vacat*, dummodo non sit alteri ius quaesitum, vel sine iuris alieni praesudicio (3), vel quantum de iure poteritis in causae cognitione, ac decisione quibuscumque mandata (4).

III. Verum si eae ipsae, dum exprimuntur, a stylo, et more Curiae diffformes appareant, et insolitis verbis conceptae, gravem suspicionem falsitatis ingerunt (5). Nam Innocentius III. falsas ex eo pronuntiavit quasdam litteras in speciem papales, quod contra morem Sedis Apostolicae in eis Episcopo datus esset *dilecti filii* titulus, et sermo pluralis ad unam personam directus (6). Vitiosa itidem latinitas eas eodem falsitatis vitio laborare sat indicat: quum Lucius III. rescripserit nullam esse fidem adhibendam pontificiis litteris, quae continerent errorem in latinitatis constructione manifestum (7).

IV. Clausularum aliae *substantiales*, et *momentosae* adeo gratiam signatam, litterasque Sedis Apostolicae afficiunt, ut iis non adimpletis, vel non comprobatis, collatio pontificia corrumpatur, et irrita fiat: aliae non, sed tamquam leves, aut inanes, et supervacaneae dispositionem numquam vitiant, neque vim gratiae enervant, quamvis earum implementum defecerit. Quatenam ad hoc, illudve genus pertinent, nostra magis interest nunc inquirere.

V. Quinque partes litterarum apostolicarum, *proemium*, *narratio* proemii, *dispositio* gratiae, *derogatio* contrariis, et *executio*, quinquuplicant classes clausularum: quum suas unaquaeque pars clausulas peculiare habeat.

VI. Haec in exordiis bullarum in forma gratiosa exprimi solent: *Vitae, et morum honestas, aliaque laudabilia probitatis, et virtutum merita* uniuscuiusque impetrantis, quae dicuntur Papam inducere ad gratiam liberalem, vel *litterarum scientia, vitae, morumque honestas*, cetera pro doctoribus: vel *Religionis zelus, et vitae merita* pro Regularibus. In forma dignum haec alia: *Dignum arbitramur, et congruum, ut illis se reddat Sedes Apostolica gratiosam*, quibus ad id propria virtutum merita laudabiliter suffragantur... *volentes dilectum filium N. apud nos de vitae, ac morum honestate, aliisque probitatis, ac virtutum meritis multipliciter commendatum horum intuitu favore prosequi gratioso*. Huiusmodi praemissa merita nemo unus impetrantium cogitur executoribus ostendere: quia ad caus-

(1) Kohler ad Reg. de non toll. ius quaesit. num. 15.

(2) Haec inesse tacitam litteris suis rescripsit Alex. III. in cap. ex parte 2. de rescriptis.

(3) Haec aliam Bonif. in cap. quavis 8. de rescriptis in VI. Nam Imp. Theod., et Valentin. in l. rescripta 7. C. de precib. Imp. offerend. rescripta contra ius elicta ab omnibus iudicibus refutari praecipiunt: nisi forte sit aliquid, quod non laedat alium, et prosit petenti.

(4) Emm. Gonzalez in cap. ex parte 2. de rescriptis n. 6.

(5) Innoc. III. in cap. causam 18. de rescriptis.

(6) Innoc. III. in cap. quam gravi 6. de crimine falsi.

(7) Lucius III. in cap. ad audientiam 10. de rescriptis.

sam non finalem, sed impellentem pertinent (1). Regula vero iuris probatissima, quamlibet concessionem ex falsa causa impellente non vitari, nec irritam fieri (2). Cum Gregorius X. in Concilio Lugdunensi statuerit evidentem solummodo scientiae, vel alium personae defectum, id si electis promovendis ad dignitates obiciatur, examinandum initio fore (3), ea hinc iure dignis quisque praesumitur, qui evidenter indignus non appareat. Ad primam hanc classem pertinent clausulae motu proprio, ex certa scientia, id genus aliae, quae nullam postulant probationem extrinsecus. Si quae vero in exordio exprimantur, quae in aliis litterarum partibus repetuntur (4), aliam vim habent mox explicandam.

VII. Omnia, quae narrantur in precibus, quum in facto constent: catenus probanda sunt, ut manifesta pateat veritas precum nullo subreptionis vitio corrupta. Ad omnia quidem superius narrata referri conditionalem clausulam si est ita, seu expressam, seu tacitam, rescripsit Innocentius III. (5). Qua nimirum fit, ut gratiam nolit penitus Papa concedere, si narrata res ita non sit. Ad hanc ipsam gratiae conditionem firmandam alludunt iteratae in litteris clausulae, sicut accipimus, oblata petitio continebat, ut asseritur, ut praetenditur, ut premititur, ut supra. Praeterquam quod Cancellariae Regula LXL. cautum est: quod in litteris super beneficiis per constitutionem execrabilis vacantibus ponatur clausula, si est ita: similiter de quibuscunque narratis informationem facti requirentibus. Singula vero facta, quae narrantur vel ultro, vel necessitate iuris, non unius, eiusdemque momenti esse, erroresque in eis narrandis incidentes, alios tolerari, alios emendari, alios nullam admittere curationem, dixi iam superius (6).

(1) Id scite monet Rebuffus in cit. praz. tit. forma, et declaratio novae provisionis n. 15.

(2) Pomponius in l. damus 52. D. de condit. indebiti ait: damus, aut ob causam, aut ob rem. Ob causam praeteritam: veluti cum ideo do, quod aliquid a te consecutus sum, vel quia aliquid a te factum est: ut etiamsi falsa causa sit, repetitio eius pecuniae non sit. Ob rem vero datur, ut aliquid sequatur: quo non sequente, repetitio competit. Similiter Paulus in l. in summa 65. §. 2. D. eodem, respondit, id quoque, quod ob causam datur, puta quod negotia mea adiuta ab eo portavi, licet non sit factum: quia donari volui, quamvis falso mihi persuaserim, repeti non posse. Certam notam discriminis inter causam impellentem, et finalem Pomponius, et Paulus palam heic designant: dum causam praeteritam esse definiunt, quam impellentem nos dicimus, sequentem vero, seu rem fulcrum, quam nos finalem. Quandoquidem philosophi consentiunt, finem actionum humanarum esse primum in intentione, ultimum in executione.

(3) Greg. X. in cap. si forte II. de electione in VI. Huc spectat ea item exordii forma, quam supra retulimus cap. 5. n. 11. lit. b: ad hoc nostrum nos compellit officium, ut Christi pauperibus, prout quemque dignum noverimus, praebeamus adiumentum. Et alia similis S. Greg. M. relata superius eodem cap. 5. n. 7. lit. f: imbellicitati eius, atque necessitatibus consulentes intuitu pietatis. Consimilis ea est, quam nunc etiam usurpari in litteris commendarum, ut commodius onera sustentare valeas, de alicuius subventionis auxilio providere cupientes, iam praemonui superius cap. 11. n. 24.

(4) Paulus in l. Titia 134. §. 1. D. de verb. oblig. respondit: plerumque ea, quae praefationibus convenisse concipiuntur, etiam in stipulationibus repetita credantur: sic tamen, ut non ex ea repetitione inutilis efficiatur stipulatio.

(5) Innoc. III. in cap. olim 25. de rescriptis.

(6) Cap. 12. de precum veritate etc.

VIII. Tertia classis clausulae, quas dispositio complectitur, negotium plus facessunt quum numero, tum voritate, ac sensu plerumque ambiguo. Quandoquidem dictiones *prout, sicut, secundum, quemadmodum*, et similes clausulis istis adiectae modo conditionem, modo causam denotant. *Haec determinatio — secundum praeteriti temporis morem — et causalis, et conditionalis potest intelligi, (docet Innocentius III.), et tam ad personale, quam impersonale verbum referri. Ubi enim impersonale verbum determinat, conditionalis intelligitur, et est sensus: concedimus subrogationem Abbatis S. Silvani apud Altiacense monasterium in vestra semper dispositione consistere secundum praeteriti temporis morem, id est si mos praeteriti temporis talis fuerit. Si vero verbum determinet personale, causaliter debet intelligi, ut sit sensus: concedimus secundum praeteriti temporis morem, id est, quia mos praeteriti temporis sic obtinuit subrogationem. Hic autem sensus rector esse videtur: hactenus Pontifex (1). Hanc ipsam regulam adhibuit Rota in clausula: prout hactenus consuetum extitit (2).*

IX. Maximum vero discrimen inter duo haec genera clausularum quum Innocentii textus reticeat, operae pretium est heic statuere apertius. *Conditionalis* clausula plane vim habet suspendendi gratiam provisionis usque ad eventum conditionis: adeo ut quoties defecerit conditio, fiat caduca, et irrita dispositio (3). Quoad vero pendeat incertus eiusdem eventus, sola stat spes exequendae dispositionis post impletam conditionem, instar creditoris conditionalis (4): quum interea nec cedat, nec veniat dies executionis, pendente adhuc conditione (5). *Causalis* autem, quae scilicet causam praeteritam, seu impellentem spectat, quamvis ea falsa fuerit, dispositionem iure, nec destruit (6): quemadmodum nec falsa demonstratio nocet (7). Nam *demonstratio plerumque vice nominis fungitur, nec inte-*

(1) Innoc. III. in cap. *Abbate S. Silvani* 25. de verb. sign. Quam hoc in textu exponit clausulam Innocentius III. fert Emm. Gonzalez in notis ad hunc cap. ex Gallia Christiana to. 4., et Auberto Miraeo de coenobiis Belgicis cap. 40., adiectam eam fuisse privilegio, quod Paschalis Papa, et Callistus II. monasterio S. Bertini fundatori, et reformatori Altiacensis monasterii S. Silvani ord. S. Benedicti in Germania in diocesi olim Morinensi, nunc Audomarensi concesserant, ut ex ipsius S. Bertini collegii Altiacensis Abbas eligeretur secundum praeteriti temporis morem. Sed Monachi Altiacenses de sui ipsorum gremio eligere Abbatem contententes negabant in facto consuetudinem, eamque conditionaliter positam in apostolicis privilegii litteris fuisse asseverabant, ut vim omnem privilegio conditionali adimerent.

(2) Rota coram Coccino dec. 448.

(3) Conditio in praeteritum, ann tantum in praesens tempus relata, statim aut perimit obligationem, aut omnino non differt, ait Modestinus in l. conditio 100. D. de verb. oblig.

(4) Ulp. in l. conditionales 54. de verb. sign. conditionales creditores dicuntur, ait, et hi, quibus nondum competit actio, est autem competitura: vel qui spem habent, ut competat.

(5) Ulp. in l. oedere diem 213. D. de verb. sign. Idemque in l. legata 41. D. de condit. sub conditione relicta, inquit, non statim, sed cum conditio extiterit, debere incipiunt.

(6) Ex supradictis cap. 12. n. 43.

(7) Marcianus in l. falsa demonstratio 33. D. de condit. et demonstrat., et causalis, et modis.

rest falsa, an vera sit, si certum sit, quem testator demonstraverit, Florentinus ait (1). Hoc autem inter demonstrationem, et conditionem interest ex eiusdem Iureconsulti sententia, quod demonstratio plerumque factam rem ostendit, conditio futuram. Insuper oportet modales clausulas a conditionalibus distinguere. Nec enim parem dicimus cum Scaevola eum, cui ita datum sit, si monumentum faciat, et eum, cui datum est, ut monumentum faciat (2). Nam prior particula si conditionem, posterior ut modum designat. Quoties modus non impleatur, dispositio modalis non irrita erit ipso iure: sed locus datur ad eam, quae ab initio valuit, rescindendam; et abrogandam (3). Eamque distinctionem adhibuit Ulpianus definiens quaestionem de additione in diem pura sub modo, aut conditionali (4).

X. Conditionem fere indicant particulae si, dummodo, quatenus, et postquam. Igitur conditionales clausulae sunt, si idoneum repereris, si est ita, si ad te spectaverit (5), si, et, postquam vacationis locus factus fuerit: in impetrationibus ob crimen, si neutri, vel si nulli sit ius quaesitum (6), si aliquid canonicum non obest impedimentum. Vel dummodo tempore datas praesentium non sit alteri ius quaesitum, dummodo intrusus non sit, dummodo patronorum acedat adensus, dummodo a medietate saltem patronorum sit praesentatus, dummodo nulla intercesserit simoniae labe, nec alia illicita pactio, dummodo remaneant centum pro rectoribus. Vel quatenus non sit contraria statutis, quatenus sit in usu, quatenus idoneus reperiat, quatenus vacet, quatenus opus sit (7), vel postquam clericatum, aut habitum regularem susceperit (8), ceterae id genus. Per ablativum quoque absolutum saepe concipiuntur eiusmodi conditionales clausulae (9): ex.

(1) Florentinus in l. nominatim 34. D. eod.

(2) Scaevola in l. eas causas 80. D. eod. Consonat rubrica C. de donat. quae sub modo, vel condit. vel cert. temp. confit.

(3) In legatis enim, et fideicommissis etiam modus adscriptus pro conditione observatur, ex Antonini rescripto in l. 1. C. de his, quae sub modo legata, vel fideicommissa relinquuntur. Propterea modus nonnumquam a iureconsultis conditio dicitur. Scaevola in l. libertis 107. D. de condit. quum exponeret legatum domus ita conceptum sub modo: ut in ea habitent liberti, ne de nomine exeat, quae sivit, an conditio adposita (ne de nomine exiret), an respondens quoque legatum pertineret.

(4) Ulp. in l. quoties 2. D. de in diem additione, quaerens ntrum pura, et modalis, an conditionalis esset emptio fundi in diem addicti, hoc videlicet pacto, nisi quis intra Kalendas Ianuarias proximas meliorem conditionem fecerit, respondit ita distinguens: si quidem hoc actum est, ut meliore allata conditione discedatur, erit pura emptio, quae sub conditione resolvitur: sin autem hoc actum est, ut perferatur emptio, nisi melior conditio afferatur, erit emptio conditionalis.

(5) Ilanc exponit Bonif. VIII. in cap. cum aliquibus 4. de rescript. in VI.

(6) De his supra dictum est cap. 10. n. 17.

(7) Rota coram Io. B. Coccino dec. 356. n. 1.

(8) Ex Rota dec. 6. n. 2. par. 2. rec., et dec. 323. n. 17. par. 5. rec. Iavolenus Ictus. in l. inter illas 21. 7. D. de verb. sign. docet: cum fieri potuerit, et postquam fieri potuerit, multum interest: nam posteriorem scripturam uberiores esse constat. Scilicet vox postquam vim conditionis habet uberiores voce cum; quae tempus, seu diem dispositioni adiectum indicat.

(9) Scaevola in l. a testatore 109. De condit., et demonstr. hanc explicat conditionalis dispositionem testatoris, ut acceptis centum nummis restitueret Titia hereditatem coheredi suae.

gr. *veris expositis*, vel *rebus sic stantibus*, *constitit tibi legitime de narratis*, verificato prius iurepatronatus, quod asseritur, *accedente consensu patronorum* etc. Quoties ergo aliqua istarum conditionum litteris pontificiae collationis adiecta non impleatur: gratia collationis eo ipso perimitur, et corrui, et perinde habetur, ac si nulla ab initio fuerit. Quandoque conditionalis gratiae formam apertius indicat ea alia clausula *ex nunc pro tunc*, quoties iam expositis conditionalibus clausulis superadditur (1). Si electus ultra mensem praestare consensum electioni suae distulerit, omni iure *ex tunc* se noverit eo ipso privatum, similiter dixit Innocentius IV. (2). Particula vero *ex tunc*, sicut et *sum* extremum tempus conductum significat (3).

XI. *Modales* clausulae faciendum aliquid plerumque iubent post gratiam perfectam, et executioni demandatam (4). Quales sunt ex. gr. *quod animarum cura*, si quae immineat, nullatenus negligatur, *verum tenearis gradum Doctoris*, vel *sacros Ordines intra annum suscipere*, vel *professionem fidei* emittere in manibus Episcopi, aut Vicarii generalis, aut coram Capitulo intra duos menses a die captae possessionis, vel *pensionem annuam scutorum tot clerico N. persolvere*, id genus aliae. Quae in transgressores statuunt, vel poenam vacationis *ipso facto*, vel privationem sententia iudicis rite infligendam, vel censuras ecclesiasticas, e. gr. *alias lapsis diebus ad solvendum provisionem designatis ingressus Ecclesiae Episcopo pensionario interdictus existat*, vel sententiam *excommunicationis* incurrat clericus, vel *perpetuo suspensus existat eo ipso ordinatus in sacris*.

XII. Finem plerumque, seu *causam finalem* clausula *sub modo* concepta exprimit, quum modus, et finis promiscuam saepe obtineant notionem. Quia quodlibet beneficium datur propter officium, et ministerium ecclesiasticum (5): patet clausulas eas, quae residentiam, curamque spirituale, aut S. Scripturae lectionem, aliudve munus beneficio adnexum imperant, ad causam finalem collationis pertinere (6). Qualis ea est, quae in provisionibus commorantium in Urbe adicitur, *ut a Curia intra duos menses recedere*, atque adire ad suam residentiam debeant. Hinc est, cur desertores residentiae, officiique sui, vel status clericalis ob cessantem causam finalem amittant vel ipso facto, vel per sententiam privationis beneficia sua (7). Idem clausulae in commendis novis monasterio-

(1) Cassador. *de praebend.* dec. 3. n. 15.

(2) Innoc. IV. in Conc. Lugd. cap. quum ait 6. *de elec.* in VI.

(3) Pompon. in l. si his 4. *D. de condit. et demonstr. si ita scriptum sit*, Ictus ait, si quinquennio proximo filius Titio natus non erit, tum extremum quinquennium tempus significat.

(4) Caius in l. demonstratio 17. §. ult. *De condit. si cui in hoc legatum sit*, ait, ut ex eo aliquid faceret, veluti monumentum testatori, vel opus, aut epulum municipibus faceret, vel ex eo, ut partem alii restitueret: sub modo legatum videtur. Clausula facere oportere ad modum refertur a Paulo in l. facere 189. *D. verb. sign.* Hanc enim, ait, significationem habet, ut absteineat quis ab eo facto, quod contra conventionem feret, et curaret, ne fiat.

(5) Ex supradictis cap. 2. n. 2.

(6) Ex sumario supplicationis causam, seu rationem dignosci, ob quam Pontifex confert, Rigantius monet tom. 1. in Reg. 2. *Can.* §. 3. n. 298.

(7) Singulas privationis causas dicam inferius cap. 22. et ult.

rum imponentes commendatariis onus recuperandi bona, et aedificia restaurandi, *alius* monasterium eo modo commendatum *racet eo ipso* (1), *causae finalis* habent.

XIII. Gratia pura *in diem* collata rarior est, quae scilicet non conditionalis, nec modalis effectum protrahit suum, quoadusque dies adscriptus advenerit, vel certus, vel incertus (2). Postulatis Principum, vel illustri patroni vix aliquando indulgens Apostolica Sedes ecclesiasticam dignitatem cum adnexa iurisdictione, vel animarum cura concedit impuberi hoc pacto, ut *postquam* ad aetatem legitimam is pervenerit, accessum, vel ingressum ad eam dignitatem vacantem statim habeat auctoritate propria, eiusque administrationem, curam, onera sustineat interim idoneus presbyter. Quandoque ad tempus limitatum commendas arbitrio Papae concedi iam diximus. Dispensationem praeterea retinendi beneficia ante promotionem obtenta consueverunt promoti ad Cathedralis, aliasque Ecclesias incompatibiles obtinere olim *usque ad beneplacitum* vel Papae promoventis, quod per obitum ipsius eo ipso expirat, vel *usque ad Apostolicae Sedis beneplacitum* perpetuo duraturum, donec fuerit e successore revocatum, *quia Sedes ipsa non moritur*, ait Bonifacius VIII. (3).

XIV. Communi iure quum civile, tum canonico, quoniam *actus legitimi conditionem non recipiunt, nec diem* (4): Ordinarii locorum idcirco suis beneficiorum collationibus nullam possunt conditionem, vel diem adiacere (5). Qui tamen ex indulto beneficia reservata, vel affecta conferunt, ii debent suis collationem litteris modum adiacere, seu onus petendi novam provisionem apostolicam intra quatuor menses plus, minus, *alias* beneficia ab ipso vacare censeantur (6).

XV. Rursus clausularum aliae coniunctionem inter se habent indicatam particulis, *et, simul, praeterea*, aliae alternationem, seu disiunctionem ex interiecta particula *vel, aut, seu* (7). *Disiunctivo modo conditioni-*

(1) Id quod explicari superius cop. 11. n. 25.

(2) Ex cit. l. *cedere diem* 213. D. de verb. sign. stipulatio ita concepta: cum morieris, dari? non nisi moriente eo committitur, Papinianus ait in l. ex ea parte 121. §. 2. D. de verb. oblig. Eiusmodi designatio temporis nonnumquam conditio a legis dicta est, praesertim ab Ulpiano in l. haec conditio: filiae meae cum nupsit 10. de condit., et demonstr. Ex Papiniani sententia, dies incertus conditionem in testamento fuit, l. dies 75. D. eod. Et pactum, quod in tempus certum collatum est, non magis inducit conditionem, quam si ex die debitor solvit, l. sufficit 56. D. de condit. indebiti. Ulpianus docet inter incertum, certumque diem discrimen esse ex eo, quod certa die promissum, vel statim dari potest: totum enim medium tempus ad solvendum liberum promissori relinquitur. At qui promissit incerta die ex gr. si aliquid factum sit, vel cum aliquid factum sit: nisi cum id factum fuerit, dederit, non videtur fecisse quod promissit, l. stipulatio 38. §. inter 16. D. de verb. oblig. Eandem differentiam probat Pomponius in l. legatis 1. D. de condit., et dem.

(3) Bonif. VIII. in cap. si gratiose 5. de rescriptis in VI.

(4) Papin. in l. actus legitimi 77. D. de Reg. Iur. Bonif. VIII. in cap. actus 50. eod. tit. in VI.

(5) Gl. in cap. si gratiose de rescriptis in VI.

(6) Ex antedictis cop. 5. n. 43. lit. d. pag. 126., et reg. et cap. 7. n. 17.

(7) Haec verba ille, aut ille, disiunctivae orationis sunt: disiunctivum est, veluti cum dicimus aut dies, aut nox est, Proculus ait in l. haec verba 124. D. de verb. sign.

bus adscriptis alteram defecisse non oberit; altera, vel postea impleta, Papinianus respondit (1). Nam ubi *verba coniuncta non sunt, sufficit alterutrum esse factum*, ex Pauli sententia (2), seu, ut Bonifacius VIII. loquitur, *in alternativis sufficit alterum adimplere* (3). Hinc Alexander III. rescripsit, *cum aliqua sub disiunctione mandantur, quorum unum verum est, alterum falsum*, sufficere, quod alterutrum constiterit esse verum (4). E contrario conditiones coniunctivas oportet omnes adimpleri (5). Verum coniuncta, nonnunquam pro disiunctis accipi, et disiuncta pro coniunctis, et soluta pro separatis, monet Paulus Ietus (6).

XVI. Ut falsus, vel erroneus vacationis modus ne obesset apostolicis collationibus, de quo dixi iam superius (7): invaluit mos addendi quum precibus impetrantium, tum litteris pontificis has alternativas clausulas, *per obitum N.*, vel *alicuius cuiuscumque personae*, sue *praemisso*, sive *alio quovis modo*. His porro clausulis fit, ut mens Pontificis non unum dumtaxat vacationis modum expressum respiciat, sed sese ad alium quemlibet non expressum extendat (8). Hinc Rota saepe censuit ei, qui beneficium, ut vacans per resignationem obtinuerat cum dicta clausula *sive praemisso*, sive *alio quovis modo*, sufficere, quod vacasset ob promotionem: et impetranti ob dimissionem habitus clericalis suffragari vacationem ob matrimonium (9). Aliae vero clausulae, seu *per obitum cuiuscumque personae*, seu *per liberam resignationem*, ideo superadduntur, quia ex. gr. specialim petita *per obitum* alicuius provisio videtur adeo *dispositivae*, ut aiunt, ad modum in precibus expressum neminemque inibi nominatum restringi, ut ad alterum non expressum nequeat vigore clausulae generalis extendi (10). Ceterum *quovis modo* quodvis tempus non contineri, palam est. Quod igitur petitum beneficium sit, ut vacans in mense reservato, nulliter impetratur, illud si vacaverit in mense ordinario, et versa vice (11).

(1) Papin. in *l. cum pupillus* 78 §. un. *D. de condit., et demonstr.*

(2) Paul. in *l. in eo* 110. §. 3. *D. de Reg. Jur.*

(3) Bonif. III. in *cap. in alternativis* 70. *ead. tit. in VI.*

(4) Alex. III. in *cap. inter ceteras* 4. *de rescriptis*.

(5) *Si quis ita stipulatus fuerit, decem aureos eas, si navis venit, et Titius consul factus est, non alias dabitur, quam si utrumque factum sit. Idem in contrarium, dare spondes, si nec navis venit, nec Titius consul factus sit? exigendum erit, ut neutrum factum sit*, ait Scaevola in *l. si quis ita* 149 *D. de verb. obligat.* Pariter Paulus in *l. si heredi* 5. *D. de condit. insti.* inquit: *si heredi plures conditiones coniunctim datae sint, omnibus parendum est, quia unus loco habentur: si disiunctivae sint, eligibet.* Consonat Iulianus in *l. si is, qui* 13. §. 2. *D. de rebus dubiis*.

(6) Ex Labeonis sententia, quam tenet Paulus in *l. coniunctionem* 29. *D. de verb. signif.*, et *l. saepe ita* 53. *D. eodem.*

(7) *Cap. 12. n. 15.*

(8) Passerin. in *cap. susceptum de rescript. in VI. n. 41*, aliique DD. passim. Generalis eiusmodi clausula nullam exceptam relinquere vacationem videtur. Nam M. Tollius orat. *de lege agraria* ait: *adscriptum*, aliudve quid: *qua brevitate rem nullam esse exceptam videtur*. Tum ex Caii sententia, *semper speculata generalibus insunt, l. semper* 147. *D. de Reg. Jur.*

(9) Apud Rigant. in *Reg. 47. Cane. n. 33., et seqq. tom. 3.*

(10) Ex supradictis cit. *cap. 12. n. 13.*

(11) Rigant. in *Reg. 47 n. 55.*

XVII. Alias insuper clausulas hae ipsa in re ampliores (ampliaticas vulgo appellant) petentibus indulget Cancellariae Regula LVI. de clausulis. Ea enim eantum est, quod quando Papa providet seu mandat provideri alicui de beneficio ecclesiastico vacante, tunc dari poterunt clausulae, si petantur, etiamsi illud quovis modo, etc., seu per constitutionem execrabilis vacat, et specialiter reservatum inter aliquos litigiosum sit, et eius collatio devoluta fuerit: et pro collitigante, vel subrogationem petente....clausula ponatur, etiamsi dictum beneficium ex eo, quod talis collector, vel unicuique subcollector, abbreviator, vel familiaris (1), notarius, aut dictae Sedis officialis fuit, dispositioni apostolicae generaliter reservatum existat, dummodo non sit in eo alicui specialiter ius quaesitum. In reliquis vero nulla clausula detur, unde reservatio generalis elici possit, nisi desuper signaturas per duplex fiat, signata sit, aut reservatio, vel alias specialiter habeatur.

XVIII. Ex huius Regulae textu conficitur, clausulas eiusmodi si libello supplicationis petantur, non concedi, neque in litteris exprimi: si vero ultra petita concedantur, ad expressum modum vacationis, qui causam dispositioni dedit, eas quandoque restringi iam observavimus. 2: quod vacationes ex retentione incompatibilium vigore extravag. execrabilis, vel reservati litigiosi, vel devoluti, vel per cessum, aut decessum Papae familiarium, et officialium S. Sedis. exprimendae singulatim sunt clausulis specialibus: quum generalis clausula, vel quovis modo eas fero non complectatur, sicut nec etiam vacationes beneficiorum cuius generalis reservationi subiectorum in Curia, seu apud Sedem contingentes. Propterea in precibus, et rescripto signaturae, et litteris Datariae saepius ita scribitur: etiamsi tanto tempore vacaverit, quod eius collatio, ad Sedem Apostolicam legitime devoluta sit, vel cuius collatio, ut asseritur, ad Sedem Apostolicam legitime devoluta est (2); etiamsi generalis reservatio, et in Corpore Iuris clausula resultet, seu etiamsi apud Sedem, et in Curia vacaverit (3).

XIX. Clausula quidam alii, vel quaedam aliae ad amplificandum adiectae pares, vel minores complectitur, non maiores, seu digniores quam personas, tum res (4): neque ad successores re integra protenditur (5).

XX. Cum omnibus adnexis, seu cum omnibus iuribus, et pertinentiis suis conferri beneficium quoque dicitur, ut quae ei semel unita membra, et quaesita bona sint, quum corporalia, tum incorporalia, nullatenus ab eo separantur (6). Et quoties Principes possessionem, sivo domum cum integro statu donaverit: huic verbo eandem vim esse, quae his aliis cum

(1) Si scriptum vel ita sit: clericorum tuorum cedentium, vel decedentium beneficia: ti coniunt, qui per te non quaesiti propterea, vel recepti sine fraude sunt familiares tui domestici commensales, ait Bonif. VIII. in cap. sicut 5. de verb. sign. in VI.

(2) De hac dictum superius cap. 8. num. 15.

(3) Rigant. in c. Reg. 47. n. 42.

(4) Innoc. III. in cap. Sedes Apostolica 15. de rescriptis. et Inn. IV. in cap. cum in multis 2. eod. tit. in VI.

(5) Gregor. III. in cap. significavit 36. de rescriptis.

(6) S. Greg. M. in cap. quia monasterium 2. de relig. domib. monasterium in fundo Marciano situm cum omnibus rebus suis, vel quae ei competunt actionibus univit monasterio Surrentino Agapiti abbatis.

adiacentibus, et mancipiis, et pecoribus, et fructibus, et omni iure suo, rescripsit Constantinus Imp. (1).

XXI. Ad maiorem impetrantis cautelam cuius rescripto, gratiaequo pontificiae semper adiciatur clausula *absolutionis a censuris ad effectum ipsius gratiae*, de qua agitur, *dumtaxat consequendum* (2). Nam Innocentius III. rescripsit clericis excommunicationis vinculo innodatis *ecclesiastica beneficia conferri non posse*, nec ab illis ea licite retineri: nisi forsitan cum eis fuerit misericorditer dispensatum (3). Et Gregorius IX. declaravit ipso iure rescriptum non valere, si ab excommunicato super alio, quam excommunicationis, vel appellationis articulo fuerit impetratum (4). Verum Cancellariae Regula LXVI. de insordescenibus, ne personis, pro quibus litterae Suae Sanctitatis emanabunt, ob generalem absolutionem a censuris ecclesiasticis, quibus ligati forent, ad earum effectum indifferenter concedi, et in litteris apostolicis apponi solita, praestetur occasio censuras ipsas vilipendendi, et insordescendi in illis: statuit, et ordinavit huiusmodi absolutionem, et clausulam in litteris, quas in futurum cum illa concedi continget, non suffragari 1: non parentibus rei indicatae, 2: incendiariis, 3: violatoribus Ecclesiarum, 4: falsificatoribus, et falsificari procurantibus litteras, et supplicationes apostolicas, et illis utentibus, 5: receptatoribus et fautoribus eorum, ac res vetitas ad infideles deferentibus, 6: violatoribus ecclesiasticae libertatis, 7: via facti ausu temerario apostolicis mandatis non obtemperantibus, 8: et nuncios, vel exequutores Apostolicae Sedis, si eius officium eius commissa exequentis impredientibus, qui propter praemissa, vel aliquod eorum excommunicati a iure, vel ab homine per quatuor menses scienter excommunicationis sententiam huiusmodi sustinuerint. Et generaliter quibuscumque aliis, qui censuris aliquibus etiam alias, quam ut praefertur quomodolibet ligati in illis per annum continuuum insorduerint. Itaque absolutio ista non alium producit effectum, nisi ut valeat provisio beneficii, quod Apostolica Sedes contulerit excommunicato, vel suspenso, vel interdicto cuilibet, qui excommunicationis in primis octo casibus per quatuor menses, aliumve censuram per annum continuaciter non sustinuerit. Nam taxativa particula *dumtaxat* ad hunc effectum omnes alios excludit effectus (5).

XXII. Succedunt quarto loco clausulae derogatoriae quum speciales,

(1) Constantin. in l. si quando 2. C. de bonis vacant.

(2) *Hicce verbis concepta legitur absolutio*: Te a quibuscumque excommunicationibus, suspensionibus, et interdictis, aliisque ecclesiasticis sententiis, censuris, et poenis a iure, vel ab homine latis, si quibus quomodolibet innodatus existis, hanc serie absolventes, et absolutum fore censentes ad effectum praesentium tantum consequendum.

(3) Innoc. III. in cap. postulatis 7. de cleric. excom., etc.

(4) Greg. IX. in cap. ipso iure 1. de rescript. in VI.

(5) Pariiter Ulpianus in l. 1. §. 1. D. si mentor falsum modum dixerit, docens quod haec actio dolum malum dumtaxat exigit, et culpam, et casum fortuitum excludit. Itidem Paulus in l. naturalis 5. §. 1. in sin. D. de praescriptis verbis, tu dumtaxat culpam praestare debes, ait. eadem particula ianens exclusisse casus omnes fortuitos. Hinc Rebuffus in praef. benef. tit. de forma novae provis. num. 15. probe monet, eum qui absoluitur ad solum effectum adipiscendi beneficium, non posse divinis se ingerere, nec sacrum celebrare, nec sacros ordines exercere, i-

tum generales contrariis constitutionibus, quae pontificiae gratiae aliter obstarent, illiusque executionem impedirent (1). Generalis derogatio ita scribitur: *non obstantibus constitutionibus, et ordinationibus apostolicis quibuscumque in contrarium facientibus*. Verum ad Conciliorum generalium decreta non extenditur ista generalis clausula, quae specialem postulant derogationem (2). Neque ad Regulas Cancellariae, quarum aliqua si obstitit, eam necesse est initio litterarum distince enarrare, ut speciali postea derogatione decernantur ipsam illis litteris non obstande: quum ea etiam generalis clausula, non obstantibus Regulis Cancellariae, quarum tenores habeantur pro expressis, hodie non sufficiat (3). Nam Regula LXXI., seu penultima ipsius Cancellariae declarat, quod praemissis, et quibuscumque aliis Regulis Cancellariae nunquam censatur derogatum in quibuscumque constitutionibus, litteris, brevibus, indultis, et aliis ordinationibus apostolicis, etiam motu proprio, et ex certa scientia emanatis, per quaecumque verba, et decreta derogatoria, irritantia, universalia, et amplissima, et clausulas quantumvis efficacissimas, etiam derogatorias, atque speciales, et individuas expressionis vim habentes, nisi facta fuerit de illis expressa mentio, et non aliter, nec alio modo. Derogationem quoque statutis, consuetudinibus, et privilegiis Ecclesiarum iam dicta generalis clausula non complectitur (4). Et ubi eisdem derogetur speciatim, salvum adhuc putant doctores ius aliis exinde quaesitum, eiusdemque appellationis beneficium dari ab executione rescripti abusiva (5).

XXIII. Ad executionem pertinentes clausulae perfectam gratiae dispositionem fere non amplificat, nec restringunt, nec temperant, nec mutant: cum in concessione gratiae ad eam non augendam, sed sequeundam debeant, quae de inhibitione sequuntur, referri, ex Clementis V. sententia (6). Quae formam executionis, et executorum personas, ac potestatem respiciunt, in proximo cap. XIV. exponam commodius.

XXIV. Ad ipsas autem accedere simul consuevit clausula decernens irritum, et inane, si quid secus a quoquam contigerit attentari. Quoties irritas eiusmodi decretum in litteris adscriptum sit contra violatores, ac transgressores mandatorum Sedis Apostolicae, non modo possessionem, sed titulum quoque inficit cuiusque eam, vel hunc spreto mandato apo-

pusque alias incurrere poenam irregularitatis, nec alia beneficia ab ordinariis colatoribus obtinere.

(1) Iulianus in l. v. D. de inspiciendo ventre moeret edictum de custodiendo partu derogatorium esse Carboniani decreti.

(2) Hoorius III. in cap. ex parte tua 3. de capell. monach. rescripsit litteras Apostolicae Sedis aliquid indulgentes contrarium Lateranensi Concilio III., de quo nulla in eisdem litteris mentio erat, nullus fore momenti, velut spurias, et apocryphas. Rota coram Cocchio dec. 269. num. 6. idipsum censuit.

(3) Rigant. in Reg. LXXI. num. 13. v.ague ad 21., post Rotam, et DD.

(4) Gratiam generalem non derogare generali privilegio, statuto, et consuetudini, nisi expresse dicatur, Bonifacius VIII. rescripsit in cap. si propter 10. de rescriptis in VI. Al speciale rescriptum, seu mandatum derogare generali constitutioni, et privilegio etiam non expresso, affirmavit Alexander III. in cap. sicut Romana de rescriptis.

(5) Wan-Espeo par. 2. iur. eccles. tit. 25. cap. 5. num. 26.

(6) Clem. V. in clementin. 1. de praeb., et dignit.

stotico adepti (1). His enim casibus locum habet ea Iuris Regula: *quae contra ius sunt, debent utique pro infectis haberi* (2). Sed ubi mandata pontificia de providendo sint sine decreto irritante data, eorum transgressio non irrita plerumque facit contraria gesta. Nam Bonifacius VIII. rescripsit valere factam ab Ordinario collationem alteri, eo posthabito, qui apostolicas litteras impetraverat, et ostenderat: nisi Pontifex inibi decrevisset fore *irritum, et inane*, quod contra eas fieret (3).

XXV. Concluduntur denique litterae per adscriptionem diei, mensis, et anni, sub quo eae dantur, quam vulgo *datam* appellant. Cancellariae Regula XVI. de dictionibus numeralibus disponit, ut in apostolicis litteris committendi crimen falsi tollatur occasio....quod dictiones numerales, quae in dictis litteris ante Nonas, Idus, et Kalendas immediate poni consueverunt, per litteras, et syllabas extensae describantur, et ille ex praedictis litteris, in quibus huiusmodi dictiones aliter scriptae fuerint, ad bullariam (h. e. regiarum bullarum) nullatenus mittantur (4). Vox ista nullatenus innuit nullius fore mementi bullatas litteras cum signis numerorum contractis.

XXVI. Multis plane rebus prospicit obsignatus datae gratiae dies. 1: tempus figit, in quo debet impetrans actu habere idoneam aetatem, alias quo necessarias ad beneficium qualitates (5). 2: securos quum alios reddit de iuribus antea quaesitis non tollendis, tum impetrantem ipsum contra futuros deinceps expiscatores eiusdem gratiae. Prior enim in tempore, ita potius in iure est (6): ut posterior non valeat personam legitimi contradictoris contra eum agere (7). At Bonifacius VIII. ex duabus collationibus puram posteriorem conditionali anteriori praefereendam cepit (8). Et quoties impetratur aliquod beneficium, quod alius nulliter obtinisset, vel iniuste retineret: tunc posteriorem in data prioribus anteferi Papa speciatim rescribere solet.

XXVII. Et parvam, et magnam datam usu vigere in signatura gratiarum tradit Riganus (9). Parvam datam supplici libello, dum exhibetur. Officialis parvarum datarum adscribit eum dumtaxat in finem, ut Datarius exinde ea visa magnam datam extendat sub eo ipso die. Si quis autem error in supplicationibus detegatur post eam sub parva data signatam, emendari solet alia supplicatione cum clausula cui prius provisum est, et nova signatura sub eo ipso die prioris supplicationis.

XXVIII. Duobus ob datas uno die apostolicas litteras ad idem benefi-

(1) *Marla de clausulis par 2. claus. 29.*

(2) Bonif. VIII. in cap. *quae contra* 64. de Reg. Iur. in VI.

(3) Idem in cap. *si soli* 9. de concess. praeb. in VI.

(4) Instrumentis etiam publicis ut numerales dictiones integre, non signa, seu notae arabicae numerorum adponantur, iure civili cautum est, l. 1., et fin. D. de confi. mat. l. 1., et 2. C. de veteri iure enuel. Auth. *quod sine* C. de testam. §. nos igitur Auth. de testam. imperf.

(5) Bonifacius VIII. in cap. *si eo tempore* 9. de rescript. in VI.

(6) Idem in cap. *qui prior* 54. de Reg. Iur. in VI. Honor. III. in cap. *copius* lum 30. de rescriptis, idemque Bonif. in cap. *si a sede* 31. de rescript. in VI.

(7) Rota coram Celso dec. 155. num. 13., et in Neritonensi beneficio 9. lun. 1682. coram Ursino §. quibus.

(8) Bonif. VIII. in cap. *si pro te* 13. de reser. in VI.

(9) Rigan. in Reg. XVII. num. 38., et seq.

cium concurrentibus, Bonifacius VIII. constituit eum primo praeferendum, qui non esset antea canonicatum alium adeptus, mox qui litteras executori apostolico primus praesentaverit, tandem qui pluribus eligentium votis cooptaretur, nisi ex tenore litterarum expresse appareat, quem Papa praeferre mauerit (1). Tum Cancellariae Regula XVII. praecipit, quod de concurrentibus in data eiusdem diei super vacantibus, seu certo modo vacaturis beneficiis illi, quibus gratias motu proprio conceduntur, ceteris simili modo gratias non habentibus, alias graduati non graduatis, aut inter graduatos magis graduati, ac inter aequaliter graduatos prius graduati, nec non colorato titulo possessores non possessoribus, ac inter personas alias in Curia praesentes absentibus ab ea, ac inter praesentes, non beneficiati beneficiatis, et similiter inter absentes, ceteris paribus, oriundus non oriundo, et dioecesanus non dioecesano. In reliquis vero singuli, qui prius apostolicas desuper litteras eorum executoribus praesentaverint, aliis in ipsorum, de quibus agi contigerit, beneficiorum assecutione praeferantur (2). Dum propterea signat Pontifex gratias, alicui earum adiicitur clausula cum gratificatione opportuna, quae vim habet praeferendi ceteris in eadem data in supplicantibus gratificationem unum.

XXIX. Anni cursum in apostolicis litteris Datarise, et Cancellariae bulla plumbea signatis ex antiquo stylo inchoant ab Incarnatione D. N. I. C., a die nimirum 21. Martii, in quo festum incidit Annuntiationis B. M. V., adeo ut praecedentes duo menses Ianuarii, et Februarii cum anterioribus Martii diebus referentur ad praeteritum aerae vulgaris annum, qui decurrit a Circumcisione Domini, seu prima die mensis Ianuarii. In aliis vero litteris Secretariae Brevium, quae sub annulo Piscatoris in cera rubra impresso dantur, annus incipit a Nativitate Domini, scilicet die 25. Decembris (3).

C A P. XIV.

De executione litterarum apostolicarum (*)

- I. Litterae apostolicae vel paratam habent executionem, vel morosam praeterea causae cognitione.
- II. Quae puram gratiam largiuntur, et quoties vacua erit possessio beneficii, sine mora, et nemine citato, executioni mandantur.
- III. Quaeque possessionem nomine Camerae proviso apostolico indulgent, in forma Brevis cum pacto expediendi infra sex menses litteras sub plumbo.

(1) Bonif. VIII. in cap. duobus 14. de rescriptis in VI.

(2) De concurrentibus, quorum alter apostolicam, alter ordinariam habuerint collationem, videsis dicta superius cap. 6. num. 5.

(3) Card. de Luca de pension. disc. 26. num. 8., Card. Petra in const. apost. to. 1. pag. 15., Rigant. in cit. Reg. XVII. num. 34.

(*) Ad tit. XXIX. lib. 1. Decret. de offe. et pot. Iud. deleg.

- IV. *Conditionales vero litterae inorosa[m] postulant executionem citatis, et auditis partibus.*
- V. *Paras gratias merus executor.*
- VI. *Conditionales mixtus citatis interesse habentibus, et causa cognita ad effectum perducit.*
- VII. *Ab executore mixto datur appellatio etiam suspensiva, secus a mera. et simplici.*
- VIII. *Mixtus executor impletis litterarum conditionibus fit merus.*
- IX. *Litterarum apostolicarum executio aequiparatur executioni testamentorum.*
- X. *Eam manifesta solum vitiā, non occulta altioris indaginis impediunt, nec leves errorum correctiones.*
- XI. *Nudus, et simplex contradictor paratam non impedit executionem, et summatim auditur.*
- XII. *Legitimus autem contradictor formam iudicii ordinariam exigit.*
- XIII. *Conditio non tollendi ius alteri quaesitum inest cunctis pontificiis collationibus.*
- XIV. *Sine causa temere impediens executionem litterarum apostolicarum incurrunt excommunicationem.*
- XV. *Colligantium iura dioecesanis Episcopis, vel executoribus apostolicis discutienda relinquūt.*
- XVI. *Executio Dignitatibus, et Canonice Cathedralium delegatur, intra duas diebus iudicium exercituris.*
- XVII. *Executor, ubi electa industria personae est, per semetipsum agit executionem, secus per alium.*
- XVIII. *Clausula ad executores pertinens attendenda.*
- XIX. *Precancellarius causas beneficiarias in Curia delegat.*

I. Apostolicas litteras exequi idem sonat, ac pontificiam gratiam ad effectum perducere, et mandata in eis explicita reapse implere (1). Executio autem duplici modo perficitur: tam scilicet manu militari, seu armata (2), quam forma iuridica, et canonica, seu officio iudicis, et iure potestatis delegatae (3), ut nulla iniuria, neque vis fiat ei, qui in possessionem beneficii auctoritate apostolica sit mittendus, vel in ea manutenendus.

II. Celerem, expeditamque executionem postulant generatim litterae

(1) *Executorem eum solum esse, qui rei iudicatae vigorem ad effectum videtur adducere, textus definit in l. executorem 8. C. de execut. rei iudic.*

(2) *Executionem militarem habet textus in l. in criminali 5. C. de iurisdictione omni iudic. Qui restituere iussus iudici non paret, si habet rem, manu militari officio iudicis ab eo possessio transfertur, Ulpianus ait in l. qui restituere 68. D. de rei vind.*

(3) *Si quis missus fuerit in possessionem, et non admittatur: potestate eius inducendus est in possessionem, qui eum misit... Sed melius erit dicere, extra ordinem ipsos iure suae potestatis exequi oportere decretum suum: nonnumquam etiam per*

Sedis Apostolicae super beneficiorum provisionibus puris, et sine conditione in forma gratiosa concessis. Nam Bonifacius VIII. rescripsit, quod si mandatum apostolicum de providendo intra dies ab executore praefixos Capitulum, tamquam Ordinarius loci non adimplevisset: executor ipse canonicatum posset in continenti etiam sine alia Capituli vocatione, vel monitione, si vacaret, dare proviso apostolico (1). Quoties vacua nimirum sit possessio beneficii, de quo agitur, et nihil obstande ex earumdem litterarum apostolicarum ventre videatur, quod altiore exigat indaginem, vel adscriptae conditionis implementum: executor apostolicus in eis datus eum, qui gratiam pontificiae collationis obtinuit, sine mora immittet in possessionem beneficii, non aliter, quam executor collationis ordinariae, seu bullarum episcopaliū.

III. Praeterea litterae omnes in forma Brevis sub annulo Piscatoris datae ad finem immittendi provisum in possessionem beneficii reservati, vel affecti nomine Camerae apostolicae, quoadusque is intra sex menses alteras Datariae litteras sub plumbo obtinnerit, omnino expediendas, ut gratia collationis perpetuam exinde firmitatem adquirat: nullam in executione moram patiuntur, sed suum effectum sortiri statim debent (2). Lapsis autem sex mensibus, qui neglexerit interea bullarum expeditionem obtinere, ipso facto ius acceptae possessionis amittit, et beneficium ipso iure vacabit (3).

IV. Morosa vero ut executio gratiarum conditionalium, quoties nimirum exposita in precibus, et narrata in litteris sub plumbo datis necessariam postulent probationem, unde an ea sint vera, liqueat (4), ex illis puta clausulis, *constitit, si est ita, si dignum reperiis, verificato prius iurepatronatus ex fundatione, vel dotatione, citra illius approbationem, accedente consensu patronorum pro maiori parte, vel saltem pro medietate, si laicorum tantum ex fundatione etiam, vel dotatione etiam nobilium, et illustrium, vel conditiones eisdem litteris adiectae sint adimplendae, aut oporteat earum implementum manifestari* (5), vel obtinuerit legitimus contradictor, aut litterae ipsae aperte iubeant, ut vocentur antea, et audiantur interesse habentes in vim clausulae, *vocatis vocandis*. Tunc enim executores apostolici partes iudicis adsumere plane debent, negotium rito cognoscere, auditis partibus, eoque cognito discernere, utrum apostolicae litterae sint executioni demandandae, an non (6). Rem vero debent cognos-

manum militarem, idem Ictus inquit in l. si quis missus 3. D. ne vis fiat ei, qui in poss. miss. erit.

(1) Bonif. VIII. in cap. si Capitulo 3. de concess. praeb. in VI. Rigant. t. 3. in Reg. 43. Cancell. n. 7. quod executor apostolicae provisionis citare neminem debeat, nec partes iudicis adsumere, dum vacua sit possessio beneficii.

(2) Card. de Luca de beneficiis d. ac. 17. n. 18.

(3) Ex supradictis cap. 10. num. 6.

(4) Ex antedictis cap. 12.

(5) De quibus dictum est superiori cap. 13. Nam conditio quum sit pactio certam legem in se continens: oportet, ut eam impleri ante executionem omnimodis curet executor.

(6) Innoc. III. in cap. super litteris 20. de rescriptis loquens de officio executoris deleganti ait: « partibus ad suam praesentiam convocatis de primum qualitate cognoscat » ut etc. Greg. IX. in cap. ex insinuatione 37. eod. tit. « in executio-

scere iuxta formam sibi litteris mandatam, et Iuris aequitatem (1). Quae enim contra formam rescripti gesserit executor, ea omnia viribus carebunt (2).

V. Duplex forma executionis efficit, ut executor vel *merus*, et *simplex* dicatur, qui priorem adhibet exequendi formam: vel *mixtus*, qui posterioriorem. Executor itaque *merus*, et *simplex*, acceptis, visisque pontificiis litteris, regioque placito pro eis exequendis expedito, statim ac noverit extraiudiciaria informatione veritatem rerum expositarum, decernet eas per sese verificatas iam esse, et executioni demandandas, ac proinde immittendum provisum illum apostolicum in realem possessionem illius Ecclesiae, seu beneficii, implorato etiam, quatenus opus, brachio saeculari adversus quoslibet impediētes, vel turbantes, vel ad amovendum iniustum detentorem. Si vero eum ipsum in possessionem collati beneficii reipsa immiserit, traditaque possessionis actus ex instrumento publico, aliove scripto ad calcem litterarum ipsarum pateat: adhuc praesumitur comprobatio narratorum rite praecessisse (3).

VI. At *mixtus* executor iudicis personam adsumens debet in primis contradicteorem legitimum, vel coloratum beneficii possessorem, omnesque interesse habentes in ius vocare coram sese per suas litteras citatorias (si certi sint, personaliter si vero incerti, vel absentes, per edictum) cum inserto tenore delegationis apostolicae, seu litterarum S. Sedis, quibus mixta eiusmodi executio ei mandata sit (4): mox auditis partibus iudicium super executione instruat, processumque via ordinaria, terminum scilicet ordinarium impertietur utrique parti ad suas producendum probationes testium, et scripturarum super omnibus hinc inde praetensis. Tum secundum allegata, et probata, expletis omnibus iudicii ritibus, definitivam promulgabit sententiam, fore litteras apostolicas vel exe-

mis negotio, *inquit*, iuxta directum ad vos pro ipso mandatum ratione praevia procedatis. *Alex. III.* in cap. si quando eod. tit. et qualitem negotii, pro quo tibi scribitur, ait, diligenter considerans, aut mandatum nostrum reverenter adimpleas, aut per litteras tuas, quare adimplere non possis, rationabilem causam praetendas: quia patienter sustinebimus, si non feceris, quod prava nobis fuerit insinuatione suggestum.

(1) *Alex. III.* in cap. ex parte tua 13. de offic. iud. deleg. et Si quando iudici delegato, ait, expediat formam sibi statutam servare, debet tamen rationabiles exceptiones admittere, et in causa iuxta Iuris aequitatem procedere: nisi expri- matur in litteris nostris, quod nullae debeant exceptiones admitti.

(2) *Innoc. III.* in cap. causam 18., et cap. cum dilectum 22. de rescriptis. et Quemadmodum si rerum iudicatorum executor datus partes sibi iudicis vindicavit, et contra rem iudicatam aliquod pronunciaverit: sententia ab eo dicta vim rei iudicis ac obtinere nequaquam potest ex rescripto *Philippi Imp.* in l. si ut proponis 6 C. de executione rei iudicatae.

(3) *Alexander III.* in cap. de cetero 5. de sent., et re iudic. apertius rescripsit nullam executori micro facultatem esse cogascendi negotium, qui deferre incidentes in executione quaestiones ad Sedem Apostolicam debet. Dum non cognitio, sed executio tantum demandatur, ait *Innoc. III.* in cap. pastoralis 28. de offic. deleg. executor obsequi debet, ac executioni mandare sententiam delegantis, etsi illam sciat iniustam.

(4) Factam, possessore non citato, executionem litterarum nullam, irritamque habet *Rota* coram *Coccino dec.* 348. num. 3.

quendas, vel non exequendas. Et nonnisi postquam ea in rem indicatam transiverit vel lapsu decem dierum sine appellatione, vel per conformes tres sententias post appellationem ad executionis actum devenire tandem poterit, immittendo scilicet provisum reapse in possessionem.

XII. Quandoquidem adversus iudicium, sententiamque executoris mixti datur legitimo contradictori locus appellandi, quod ad utrumque effectum devolutivum, et suspensivum: nulliusque momenti erit possessio, quam ipse dare attentaverit, vel post interpositam appellationem, vel intra decem dies ad appellandum iure concessos (1). Ab executore autem simplici, et mero appellare non licet, nisi modum excesserit (2). Huc referenda ea est clausula in bullis beneficiariis frequentissima: *contradictores auctoritate nostra appellatione postposita compescendo* (3).

XIII. Si nullus post citationem contradictor compareat ad oppugnandas apostolicas litteras aliam conditionem continentes, vel causae cognitionem demandantes: executor tunc mixtus impleta conditione, et re summam cognita sit merus (4). Itaque iudicium executivum in istis casibus non respiciunt conditionales litterae (5).

IX. Ad normam executionis testamentorum, quam statuit Iustinianus in l. *fin. C. de edicto D. Hadriani* tollendo (6), dirigi executionem litterarum apostolicarum tradit Rota (7). Igitur quemadmodum testamentarius heres cito vacuum hereditatis possessionem obtinet, ubi testamentum integrum nulloque vitio externo, vel manifesto effectum ostenderit, morosum tunc iudicium in foro competenti subiturus, quam alius possessionem rei hereditariae praecoccupavit, vel ipsi eam postulari contradixerit:

(1) Card. de Luca in *sum. benefic. num.* 261., et *seq.*

(2) Ab executore sententiae (scilicet mero) appellare non licet: sed ab eo, qui sententiam male interpretari dicitur, appellare licet, *Iurecons. Macer. ait in l. ab executore 4. D. de appell. Pariter Innocentius III. in cap. novit 43. de appellat. rescripsit* secundum ius ab executoribus appellari non posse, nisi forsitan modum excederent in exequendo.

(3) Clausulam *appellatione remota* in medio litterarum adiectam ad praemissa tantum referri, non ad sequentia diversa, rescripsit Gregorius IX. in *cap. inquisitioni 71. de appellat.* At Coelestinus III. in *cap. secundo requiris 41. eod. tit. respondit: cum verba intentioni deserviant, et haec sit nostra intentio, ut de omnibus articulis, in commissione positis iustitia suum consequatur effectum: in omnibus appellatio intelligitur interdicta*, quamvis in uno ea esset specialim vetita.

(4) Rota coram Coccino *dec.* 225. *num.* 2.

(5) Rota coram Otthoben. *dec.* 122., et 154.

(6) « Sancimus, ait inibi Iustinianus, ut si quis ex asse, vel ex parte institutus » competenti iudici testamentum ostenderit non *cancellatum*, neque *abolutum*, neque ex quacumque suae formae parte *vitiatum*, sed quod in prima figura sine omni vituperatione appareat, et depositionibus *testium* legitimi numeri vallatum sit; mittatur quidem in possessionem earum rerum, quae testatoris mortis tempore fuerint, non autem legitimo modo ab alio detinentur, et eam testificatione publicarum personarum accipiat. Sin autem aliquis *contradictor* extiterit: tunc in iudicio competenti causae in possessionem missionis, et subsecutae contradictionis ventilentur, et ei possessio adquiratur, qui potiora ex legitimis modis iura ostenderit, sive qui missus est, sive qui antea detinens contradicendum putavit.

(7) Rota eorum Io. B. Coccino *dec.* 431. n. 3.

sic. provisus apostolicus in vacuam beneficii possessionem tunc immittitur, ubi nullam pateat in apostolicis litteris vitium falsitatis, vel subreptionis, vel defectivae conditionis, nullumque iis exequendis impedimentum obiecerit legitimus contradictor.

X. Idipsum Benedictus XIV. firmavit, statuens apostolicas litteras executioni tradendas non esse ab iis, ad quos eae diriguntur, si obreptionis, aut aubreptionis vitio aperte laborent, aut si deficere comperiatur conditio, sine qua concessae non fuissent (1). Quae igitur non aperta, nec manifesta insunt vitia, quae scilicet ulteriorem indaginem requirunt, executionem impedire non valent (2). Nec leves scribentium errores rasura quamvis visibili, sed censura correcti in locis non suspectis (3). Nam Innocentius III. censuit nullam falsitatis, vel suspicionis signum in litteris oriri ex paucarum litterarum rasura, quae sapientis animum in dubitationem nullatenus vertat (4).

XI. Distinguendus ad rem hanc praeterea est *legitimus* contradictor a *nudo*, seu *simplici*, seu *illegitimo*. Hinc nimirum simplex, et nudus contradictor, qui nullum probabile ius quaesiverit neque in re, neque ad rem, quamvis citari, et audiri summam debeat: paratam nihilominus executionem bullarum non eludit, eamque iudicio ordinario obnoxiam non efficit, nec suspensivam habet appellationem (5). Tales ex. gr. sunt qui beneficium Sedi Apostolicae procul dubio reservatum, vel affectum ex Ordinarii collatione praecupaverit, vel aliud ab Apostolica Sede per manifestam subreptionem, vel obreptionem nulliter impetrarit, et quilibet in vitiosam possessionem intrusus. Horum enim possessio facti solius, et sine legitimo titulo quum vacua de iure putetur, et provisio, seu collatio tamquam infecta: sat erit ipsos audire *simpliciter*, et *de-plano*, sine strepitu, ac figura iudicii (6). Ad hos etiam comprimendos, et excludendos pertinet ea litterarum clausula: *amotum quovis alio illicito detentore* (7).

XII. Secus res autem se habet cum legitimo contradictore. Nam huius bona iura ambigua, et probabiles exceptiones ordinarium postulant iudicium, plenam scilicet rerum dubiarum eliquationem, et iuridicas probationes in termino ordinario ab utraque parte rite producendas, et definitivam sententiam, a qua licebit appellare cum utroque effectu devolutivo, et suspensivo, quoadusque transitum faciat in rem iudicatam. Itaque si quis beneficium plenum, quod aliquis possideat, expiscaverit exponens, quod illud ipso iure vacaverit ob crimen a possessore patratum, vel ob subreptionem, obreptionemque illius impetrationem, aut incapacitatem:

(1) Bened. XIV. in *const. magnae nobis* 51. de *execul. dispensat. apostol. super impedim. matrim.* to. 2. Bullarii. Manifestum, et evidens vocabula synonyma esse tradit Nicolaus III. in *cap. constitutionem* 2. de *verb. sign.* in *VI.*

(2) Rota coram Coccino dec. 225. num. 3.

(3) Rigant. in *Reg.* 27. num. 178., et *seq. tom.* 3.

(4) Innoc. III. in *cap. ex conscientia* 9., et ult. de *crimine falsi*, ibique Fagnanus. Consonant Alex. III. in *cap. ex litteris* 3., et Honorius III. in *cap. ex parte* 11. de *fide instrum.*

(5) Rota coram Coccino dec. 144. n. 15. appellatione suspensiva contradictores de facto non frui definit.

(6) Iuxta formam traditam in Clementina saepe contingit 2. de *verb. sign.*

(7) Quam explicat Bonif. VIII. in *cap. tibi, qui* 12. de *reser.* in *VI.*

possessor eiusmodi personam legitimi contradictoris tunc sustinet coram executore mixto (1), sese purgaturus a delato crimine, vel subreptionem ab suis praecedentibus litteris abesse, aut seipsam idoneum, et capacem ostensurus. Pariter qui beneficium de iure patronatus obtinuerit cum derogatione medietati vocum, vel parti etiam minori compatronorum, legitimus is offendet contradictorem ab aliis compatronis praesentatum, quo audito, necesse est, ut numerus, et quota vocum pro alterutro compaesentato liquidetur in iudicio ordinario. Insuper quisquis videatur bonum, et probabile ius favere ad impediendam executionem collationis apostolicae, quod legitimis facti probationibus eliquari oporteat, eum ut contradictorem legitimus audiet mixtus executor. Quoties autem exceptiones adversus apostolicam gratiam collationis non facti, sed iuris tantum quaeestionem promoveant: paratam tunc executionem litterarum non adiungunt: quum eas debeat executor in continenti definire sola librorum apertione, et consilio peritorum (2).

XIII. Omnibus propterea pontificiis collationibus beneficiorum, vel aperte adiicitur, vel tacito subintelligitur clausula conditionalis: *dummodo tempore datae praesentium non sit alicui specialiter ius quaesitum*, et hac alia *sine alicuius praesudicio* (3). Doctores gratiam clausulis hisce fieri conditionalem commonet (4). Ius autem *in re*, non *ad rem* per easdem aliis praeservari docet Rebuffus (5).

XIV. Quum temere impedientes usum ecclesiasticae iurisdictionis, et executionem mandatorum Sedis Apostolicae possint censura ecclesiastica coerceri ex communi iure Decretalium (6): in eo tamen, qui executionem litterarum apostolicarum impediunt anathema, seu censuram excommunicationis maioris ipso facto sanxit primus omnium Clemens VII. (7), tum alii Pontifices in Bulla coenae Domini singulatim innovarunt. Benedictus XIV. speciatim illos anathematizat, *qui per se, vel per alios auctoritate propria, et de facto, ac temere impediunt* (8). Eos nimirum, qui sine

(1) Card. de Luca de *benefic. disc.* 73.

(2) Idem *loc. cit.* n. 29., et 30., Gratian. *discept.* 740. n. 48. Aliquando iuris dubia exceptionem, quod altiore requirat indaginem ex aliqua facti mixtura, ab hac regula excipit Rota *dec.* 270. *in fin. par. 10. rec.*

(3) Ex Cancell. Regula 17. *de non tollendo ius quaesitum alteri.*

(4) Gomes. et Riganl. in *comm. ad eandem Reg.*

(5) Rebuff. in *prax. benef. tit. forma, et declaratio novae provisionis.*

(6) Alex. III. in *cap. quaesitum 1., et cap. significasti 7. de effc., et pot. iud. deleg.*

(7) Clemens VII. *const.* 47. in Bullar. *to. 4. par. 1.,* mox in sua coenae Domini Bulla.

(8) « Bened. XIV. in *const. pastoralis* 14., quam publicavit die coenae Domini 1741., *tom. 1. Bull. sui*, item excommunicamus, *inquit* §. 14., et anathematizamus omnes, et quoscunque, qui per se, vel alios *auctoritate propria de factis* . . . beneficiis, et decimarum, ac alias causis spiritalibus, et spiritalibus adnexas ab auditoribus, et commissariis nostris, aliisque iudicibus ecclesiasticis avocant, illorumque cursum, et audientiam . . . impediunt . . . vel executionem litterarum apostolicarum, seu executoriarum processum, ac decretorum quomodolibet impediunt » *Marginale vero summarium huius articuli ita habet*: « Temere avocantes a delegatis Sedis Apostolicae, aliisque iudicibus ecclesiasticis causas beneficiis, et spiritalibus. Tum impediunt executionem litterarum apostolicarum, aliorumque expeditionum supradictorum iudicium ».

iusta, et probabili causa, nulloque iure (id quod obsignata Pontificis iurconsultissimi verba sonant) Potestati ecclesiasticae resistunt per iniuriam, aut vim, aut contumaciam, proptereaue damnationem sibi adquirent ex Apostoli sententia: non alios, qui iustam, vel probabilem impediendi causam habeant, suaeque iura quomodolibet quaesita studeant contradicendo tueri, ubi Sedis Apostolicae litteras per fraudem, vel dolum extortas oppugnant canonicis, et legitimis exceptionibus. Nam suo qui iure utitur, nemini facit iniuriam, nullumque reatum incurrit.

XV. Impedientium iura, quamvis ambigua, et probabilia, quae neque a patronatu, neque a foundationis lege, locorumve statutis, neque a moribus, legibusve Regni, sed aliunde profluunt, legitimum regio placito impedimentum adstruere non valent. Ea ideo Episcopis dioecesanis, vel executoribus apostolicis rite discutiendi remittuntur, quotiescumque, oppositis non obstantibus, regium placitum conceditur pontificiis litteris, Sedisque Romanae provisionibus, quoniam ad forum ecclesiasticum beneficiae causae pertinent iure quum communi, tum speciali Concordatorum an. 1741. (1).

XVI. Incertos quidem iudices, vel ad futura negotia dari vetuit Lucius III. (2). Apostolici mandati executionem Dignitatibus, vel Canonicis Ecclesiae Cathedralis dirigendam statuit Bonifacius VIII. (3), vel Officiali Episcopi, aut Priori Conventus Clementina constitutio (4). Hinc est, cur iudices in Synodis eligendi debeant dignitatem, vel Personatum, vel Canoniatum in Cathedrali habere (5), qui officium delegati Sedis Apostolicae sint obituri. Il vero ultra duas dioceses extra dioecesim trahere partes ad iudicium prohibentur (6).

XVII. Delegati a Summo Pontifice executores facultatem subdelegandi aliis mandatam sibi iurisdictionem utique habent iure communi (7), non secus, quam delegati a Principe iudices (8): nisi electa industria personae videatur (9). Cancellariae Regula XVIII. de executione facienda statuit, quod quotiescumque per Signaturam Papae, vel de eius mandato factam super exequendis aliquibus cum adiectione proprii nominis, vel dignitatis cuiusvis iudex datur: litterae desuper expendantur cum expressione, quod idem iudex executionem faciat per seipsum. Scilicet aliis ne subdeleget (10).

(1) Concordat. an. 1741. cap. 6. art. 4., quod iam explicui lib. 3. Instit. Canon. tit. 7. num. 18., et seq.

(2) Luc. III. in cap. adhaec 10. de rescriptis.

(3) Bonif. VIII. in cap. statutum 11. de rescriptis in VI.

(4) Clementina c. 1. principalis 2. eod. tit.

(5) Bened. XIV. lib. 4. de Syn. dioec. cap. 5. num. 2.

(6) Ex traditis a Bened. XIV. ibidem.

(7) Innoc. III. in cap. pastoralis 28. de offic., et pot. iud. deleg. Honor. III. in cap. cum causam 62. de appell. et Clementina un. de offic. deleg.

(8) Gordianus in l. a iudice 5. C. de iudicis.

(9) Greg. IX. in cap. quoniam 43. de offic. deleg. Bonif. VIII. in cap. is, cui 12. eod. tit. in VI.

(10) Sotus, Kochier, Rebuffos, ceteri apud Rigant. in Reg. 48. num. 8., et seqq. tenent veritatem ei, qui iussus a Papa est per seipsum procedere, facultatem subdelegandi. Alii negant cum Rota dec. 611. num. 11. coram Cerro, et dec. 104. par. 13. rec. Th. de Rosa de executor. litt. apost. lib. 1. cap. 10. num. 5. putantes non praeceptum, sed monitionem fieri eiusmodi verbis.

Istam nihilominus clausulam *per seipsum* in nullis fero litteris beneficiabilibus quum in forma *dignum*, seu commissaria, tum in forma gratiosa adponi Rigantius commonet (1).

XVIII. Quandoquidem litterae apostolicae, quas una tantum pro singulis beneficiorum provisionibus in forma *dignum*, non aliis de stylo inscribuntur, nisi Ordinario loci, Episcopo scilicet dioecesano, vel generali eius Vicario (2), sine clausula *per seipsum procedat*, sed cum hac alia aequipollenti: *si per diligentem examinationem idoneum esse repereris, super quo conscientiam tuam oneramus, canonicatum, seu beneficium illud auctoritate nostra conferas*. Per hanc vero clausulam posteriorem non prohibita subdelegatio videtur probabilius, nec electa industria personae (3). Quum vero ea de re disputent Doctores: ego censeo subdelegationem, iisdem clausulis non obstantibus tunc valere, ubi partes consenserint: secus, ubi dissenserint. Nam ex textu Gregorii IX. *is, cui iniungitur, ut personaliter negotium exequatur, potest, dummodo partes consenserint, hoc aliis delegare: praeterquam si inquisitionem fieri, vel Ecclesiis de Praelatis, vel aliis ministris provideri manderemus: cum in his omnibus casibus industriam, et fidem personae, cui talia committimus, eligere videamur* (4). Pro collationibus autem in forma gratiosa binae semper litterae dari, uno eodemque die solent, *principales* nimirum, et *executoriales*, ut aiunt. *Principales* ad eum ipsum diriguntur, qui gratiam collati sibi beneficii obtinuit. *Executoriales* vero ad idoneos executores a proviso ipso postulatos, videlicet ad Praelatum aliquem in Urbe degentem, duosque alios in partibus, vel Dignitate, vel Personatu, vel Canonicatu, vel protonotarii, aut iudicis synodalis munere decoratus inscriptae his verbis concipiuntur (5): *Discretionis vestrae per apostolica scripta mandamus, quatenus vos, vel duo, aut unus vestrum, si et postquam dictas litterae vobis praesentatae fuerint, per vos, vel alium, seu alios auctoritate nostra immittatis eum in possessionem . . . contradictores per censuras ecclesiasticas appellatione proposita compescendo* (6). Si quid autem arbitrio executoris committatur, is temperare tunc poterit rigorem iuris, quamvis arbitrium iudicis aequitatem, et Regulas Iuris declinare prohibeatur (7). Clausula vero *prout de iure, et quantum de iure poteritis*, obstringit apertius executorem ad servandum Iuris ordinem (8).

(1) Rigant. in *Canc. Reg.* 43. num. 5. to. 3.

(2) Signatura gratiarum in forma *dignum* postremam habet clausulam: *committatur Ordinario*. Cuius vis est, ut litterae plumbatae, inde ad Episcopum dioecesanum, vel eius Vicarium dirigantur.

(3) Gar., Gratian., Amyden., caeteri apud Rigant. *loc. cit.* num. 14., et seq.

(4) Greg. IX. in *cap. quantam* 43., et *fin. de offic. iud. deleg.*

(5) Thom. de Rosa de *executor. litter. apost.* cap. 2. num. 7., et seq. Rigant. *ibidem* num. 3. Quonam tempore mos inoleverit delegandi executoribus pontificias beneficiorum collationes, et litteras, iam dictum supra est *cap. 5. de reserv. pontif. num.* 6.

(6) Coelestius III. in *cap. seiscitatus* 13. de *rescriptis* exponens clausulam istam, *ut si duo, vel tres*, quibus litterae diriguntur, *ipsis exequenda simul interesse nequiverint, unus, aut plures nihilominus exequatur*: censuit ei locuat esse, tam si *de facto*, quam si *de iure* non possint executores per sese procedere.

(7) Rota eor. to. B. Cocchino dec. 273. num. 1., et 4.

(8) Innoc. III. in *cap. causam* 13. de *rescriptis*.

XIX. Ex Cancellariae Regula LXXII, et ultima Vicecancellarius potest omnes causas beneficiales, etiam non devolutas committere in Curia cum potestate citandi ad partes in gradu scilicet appellationis (1). Insuper committere absolutionem illorum, qui ignoranter in supplicationibus, vel in litteris apostolicis aliquid scriberent, corrigerent, vel delerent.

CAP. XV.

De possessione eiusque effectibus (*)

- I. Collatio nisi praecesserit possessionem, intrusus, et praedo possessor erit.
- II. Datus executor eam tradit.
- III. In Ecclesia, vel ara tituli, aliove consueto loco.
- IV. Per actus corporeos potestatem, munusque beneficiarii exprimentes.
- V. Canonicatus, praebendaeve capitalaris possessio coram Capitulo accipienda est.
- VI. Archidiaconi olim, nunc executores dati speciatim novos beneficiarios in possessionem immittunt.
- VII. Tempus capiendae possessionis post collationem beneficii nullo iure statutum est, praeterquam in resignationibus.
- VIII. Suspectas vel simoniae, vel avaritiae solutiones omnes in provisionibus, et possessionibus beneficiorum vetat Synodus Tridentina.
- IX. Possessio plures parit effectus.
- X. Annalis possessor molestias dolosi expiscatoris, vel negligentis eludit.
- XI. Triennalis non simoniacus, neque intrusus nullus impetrantium molestias timet.
- XII. Regula de annali possessore in multis ab ea de triennali differt.
- XIII. Pacificis tantum possessionibus ambae Regulae favent.
- XIV. Pacificam possessionem interruptis lis mota in iudicio.
- XV. Insuper molestiae extraiudiciales eam de facto turbantes.
- XVI. Spiritualia simul, et temporalia detinet possessor pacificus.
- XVII. Titulo colorato, bonaque fide opus habet possessor triennalis.
- XVIII. Propterea intrusos, simoniacos, et sine pontificia collatione adeptos vacantia apud Sedem haec Regula non tuetur.
- XIX. Nec violentos invasores, aliosque plures titulo colorato, bonaque fide palam destitutos.

(1) Sicuti observat Rigant. in Reg. 72. num. 45., et seq.

(*) Ad tit. XII. lib. 9. Decretal. de causa possess., et propriet.

XX. *Decennalis autem possessio prodest ingressis beneficium per simoniam ab aliis admissam, et pro retinendis incompatilibus, et per gratiam a Papa signatam sine litteris plumbatis possidentibus.*

XXI. *Eaque legitimam tituli praesumptionem parit.*

I. Collatio beneficii, vel institutio canonica quum ordinaria, tum pontificia per sese quum nullam possessionem transferat, sed ius tantummodo adipiscendae possessionis: necesse quidem est, ut in eam provisorio facto, et re ipsa immittatur ab executore bullarum. Innocentius III. iure hinc merito distinxit institutionem spiritualem, et incorpoream a corporali possessione. (1). Sed possessionem praere omnino debet collatio (2). Si vero quis possessionem adprehenderit ante collationem, *intrusus* dicitur (3), et *praedo* (4), omnique iure quaesito privatur ipso facto, praetereaque censuram excommunicationis incurrit in poenam sacrilegae invasionis (5).

II. Novum beneficiarium immissurus in possessionem exequutor bullarum servare adamussim debet litteras collationis, seu institutionis, earumque famam sequi, et fines mandati non excedere (6).

III. Et quoniam certa capiendae possessionis forma nullo scripto iure, nec Regulis Cancellariae praescripta est, sufficit eam accipere quavis hora diurna in Ecclesia titulari, si extet, vel in Capella, et ara tituli, vel alio in loco, aut praedio, ubi consueverint eam praedecessores adipisci: quae ad possessionem omnium bonorum, et iurium ipsius beneficii annexam accessorie extenditur (7). Si plures autem Ecclesiae aequae principaliter unitae sint, in earum singulis capienda possessio est: at sufficiet in principali tantum, quoties Ecclesiarum unio accessoria, et subiectiva fuerit.

IV. Itaque in loco beneficii constitutus executor una cum beneficiario, scilicet ingressus Ecclesiam, in qua illud erectum sit, post publicam inibi

(1) Innoc. III. in *cap. cum Bertoldus* 18. *de re iudicata*: Archidiaconus *de consensu Episcopi*, ait, ipsum instituit in eadem Ecclesia, in possessionem eum induci faciens corporalem. Id quoque distinxit in *cap. post electionem* 7. *de concess. praeb.*

(2) Honorius III. in *cap. illa devotionis* 2. *ne Sede vacante aliquid innovetur* confirmare ideo duxit magistro R. decano Theanensi Ecclesiam S. Leucii de Capua, quia ipsum praecedente collatione apostolica Capuanus Archiepiscopus de mandato Pontificis ea investiverat: hoc est in corporalem possessionem iamiserat. Investire enim est possessionem iuridicam beneficiario conferre, Gl. in *cap. auctoritate* 4. *de institutionibus*.

(3) Innoc. III. in *cap. cum iamdudum* 18. *de praebendis* reprobavit, quod quidem electus ad praeposituram die intrusionis suae ante confirmationem praesumpserit ministrare.

(4) Paulus in *L. si ex stipulatione* 5. *D. de adquirenda possessione*.

(5) Alex. III. in *cap. ex frequentibus* 3. *de institut.*

(6) Nam diligenter sunt mandati fines servandi, ex *l. diligenter* 5. *D. mandati*. Id quod in superiori *cap.* 14. expositum est.

(7) Quemadmodum possessio fundi ut adquiratur, non omnes oportet glebas pedibus calcare, Fagnan. in *cap. cum olim de praescript.* num. 31.

recitationem litterarum provisionis apostolicae. vel ordinariae coram pluribus testibus faciendam beneficiarium ipsum, vel eius procuratorem iudicet in possessionem corporalem, et realem beneficii: nimirum iubens, ut sese aqua lustrali adspersat, et genuflexus ante aram beneficii aliquantulum oret, maiorem dein aram osculetur. Missale Romanum aperiat, et claudat, sacra ornamenta tangat, campanulas pulset, intra Ecclesiam deambulet, aliaque id genus agat personaliter, quae ad officium, et potestatem beneficiarii pertinent: deinde ad futuram memoriam, res eiusmodi gesta in publico instrumento describetur, vel seunctim, vel ad calcem earumdem litterarum (1).

V. In canonicatibus vero Cathedralium, et Collegiarum debet possessio accipi coram Capitulo, convocatis consueto campanulae signo Canonicis, alias habetur tamquam infecta (2). Nam inspicere Canonici debent, an provisus qualitates habeat necessarias ad formam statutorum, privilegiorumque Capituli, seu Collegii, et iuramentum praestet de servandis statutis, et constitutionibus Capituli.

VI. Archidiaconus antiquo iure communi officium habet immittendi novos beneficiarios in possessionem, quam Innocentius III. *corporalem institutionem* appellat (3). *Institutio* autem stricte accepta est spiritualis: quia per eam conceditur spirituale ius canonicae, seu beneficii, seu ministerii ecclesiastici (4). Sed mos isdem inolevit post ademptam Archidiaconi potestatem vicariam Episcoporum, ut quilibet ecclesiasticus, vel notorius provisus ab Ordinario immittat in possessionem beneficii vigore clausulae bullis episcopalibus de stylo adiectae, quae omnibus, et singulis clericis, et notariis demandatur immissio novi beneficiarii in corporalem possessionem. Provisos autem apostolicos executor speciatim delegatus vel unus vel plures, vel ab eo, iure subdelegatus. Quandoquidem canones, et leges cuique prohibent possessionem eiusmodi auctoritate propria apprehendere (5). Si cui autem Papa det facultatem capiendi auctoritate propria possessionem: is non nisi vacuum ingredi poterit (6).

VII. Tempus, intra quod provisus de beneficiis corporalem debeant possessionem apprehendere, nullo generatim iure statutum est. Vix Greg. XIII. dum imperavit formam publicandae beneficiorum resignationis, iussit capiendam esse possessionem beneficii resignati etiam litigiosi intra sex menses, si beneficium citra montes fuerit, ultra vero montes, intra novem menses a data concessionis gratia, non autem a die praestiti consensus numerandos vigore litterarum apostolicarum desuper confectarum. Et si propter litem, aliudve legitimum impedimentum nequirit: saltem litteras apostolicas cum earum publicatione, si tunc facta erit, iudici, seu executori illarum, vel aliis, ad quos pertinet, intra idem tempus praesentare, et pro ipsarum litterarum executione instare, et possessionem hu-

(1) Robuf. par. 1. de *mutione in possessionem*.

(2) Rota coram Burratto dec. 418. num. 11.

(3) Innoc. III. in cap. ad haec 7. de officio Archidiaconi.

(4) Gl. in cap. auctoritate 4. de institutionibus.

(5) Innoc. III. in cap. olim 12.; et Greg. IX. in cap. Pisanis 19. de rest. apotat.

(6) Fagnan. in cap. cum olim de sent., et re iudicata num. 39.

iusmodi, instanter petero teneatur. Qui vero provisu fuerit de beneficio in Ordinarii manibus libere resignato, intra tres menses a die sibi factae provisionis illam publicet, et possessionem beneficii capiat: alioquin illis elapsis, irrita sit provisio, et beneficium eo ipso vacare censetur (1).

VIII. Tridentina Synodus cum nosset pravam consuetudinem, dum provisio, seu possessio alicuius beneficii, seu praebendae traderetur, usurpandi certae ex fructibus deductiones, vel promissiones, vel compensationes illicitae, quae turnorum luera in aliquibus Ecclesiis nuncupabantur: decrevit, ut Episcopi eas fieri nullo pacto permetterent, nisi quae in usus pios convertuntur, eosque ingressus, qui simoniacae labis, aut sordidae avaritiae suspicionem habuit, et pravas consuetudines omnimodis abolerent, laudabiles vero approbarent (2).

IX. Effectus quidem praeiuncti ex possessione profluunt. In primis enim fructus facit suos novus beneficiarius ab ipso captae possessionis die (3): quum pendentes, qui a die vacationis usque ad possessionem eiusmodi decurrunt, ad Cameram apostolicam, vel Ecclesiam pertineant (4). 2: interdictum, et retinendae, et recuperandae possessionis ei cito conceditur sine tituli ostensione (5). 3. in pari causa potior semper est conditio possidentis (6). Hic propterea praefertur ei, qui unum, idemque beneficium eodem die impetraverit (7).

X. Post annum pacificae possessionis tutus est a molestiis expiscatoris quum subdoli, tum negligentis, qui scilicet beneficium ipsum possessori nulliter collatum fuisse contendens per obreptionem impetraverit sibi, ut vacans de iure, litemque iudiciariam possessori non moverit intra sex menses a die impetrationis numerandos, vel eam non erit intra sex alios menses prosecutus. Nam Cancellariae Regula XXXV. *de annali possessoris*, ut improbi lites exquirentium motus comprimantur, statuit, quod quicumque beneficium ecclesiasticum tunc per annum immediate praecedentem pacifice possessum, et quod certo modo vacare praetenditur, deinceps impetraverit, nomen, gradum, et nobilitatem possessoris eiusdem, et quotannis ipse illud possederit, ac specificam, et determinatam; ex qua clare poterit constare, quod nullum ipsi possessori in dicto beneficio ius competat, causam in huiusmodi impetratione exprimere, et infra sex menses ipsum possessorem ad iudicium evocari facere, causamque ex tunc deruper infra annum usque ad sententiam diffinitivam inclusive prosequi debeat, et teneatur: alioquin impetratio praedicta, et quaecumque inde sequuta nullius existant firmitatis. Et idem impetrans de damnis, et interesse possessorem praedictum

(1) Greg. XIII. in constit. *humano viz iudicio* §. 5., et 12.

(2) Trident. in cap. in pluribus 14. sess. 24. de reform.

(3) Fagnan. in cap. *gravis* num. 45. de restit. spoliat.

(4) Ex infra dicendis cap. de spolo etc.

(5) Alex. III. in cap. in litteris. 5. de restit. spoliat. rescripsit prius de violentia electione, quam de canonica institutione agi debere: quia praedo etiam est secundum rigorem iuris restituendus.

(6) S. August. in can. non sane 15. C. 14. qu. 5., Alex. III. in cap. ad aureas nostras 6. de praescript. Bonif. VIII. in cap. in pari causa 65. de Reg. Iur. in VI.

(7) Ex Bonif. VIII. in cap. si a Sede Apostolica 31. de praeb. in VI., et Cancell. Reg. XVII. concurrentibus in data, de qua superius dixi cap. 6. num. 5., et cap. 12. num. 23.

propterea contingentibus, et satisfacere, et si possessorem ipsum iniuste, frivole, et indebite molestare repertus existerit, quinquaginta florenos auri persolvere Camerae apostolicae sit adstrictus, nec alius, quam praemissae vacationis modus etiam per litteras, si neutri, aut subrogationis, aut alias sibi quoad hoc, ut beneficium huiusmodi ea vice consequi, aut obtinere valeat, quomodolibet suffragetur, illudque nullatenus in antea litigiosum propterea censeatur. Quod etiam extendi voluit ad impetrantes beneficia ecclesiastica cuiuscumque qualitatis per privationem, et amotionem, vel alia propter commissa excessus, et crimen vacantia, vel vacatura, et similiter ad impetrantes beneficia, tamquam vacantia per devolutionem (1). Haec plano Regula cum prodiderit in odium impetrantis, vel improbi, vel negligentis: iniusta idcirco possessio etiam nullus, et asinina, ut aiunt sufficit ad eum a limine iudicii repellendum (2).

XI. Triennalis autem possessio pacifica longe utilior est. Alia enim Regula XXXVI. de triennali definit, quod si quis quaecumque beneficia ecclesiastica, qualiacumque sint, absque simoniaci ingressu ex quovis titulo . apostolica, vel ordinaria collatione, aut electione, et electionis huiusmodi confirmatione, seu praesentatione, et institutione . . . per triennium pacifice possederit (dummodo in beneficiis huiusmodi, si dispositioni apostolicae ex reservatione generali in Corpore Iuris clausa reservata fuerint, se non intruserit) super eisdem beneficiis taliter possessis molestari nequeat: necnon impetrationes quaslibet . . . irritas, et inanes censeri debere, antiquas lites super illis motas penitus extinguendo (3). Ex canone Concilii Africani desumpta haec Regula videtur, quo constitutum est, ut si quisquam Episcopus aliquem locum ad catholicam unitatem converterit, eumque per triennium, nemine repente converterit, ulterius ab eo non repetatur: sed eiusmodi praescriptionis triennium non decurrat in praedictum episcopalis cathedrae vel vacantis, vel schismatice, nisi ab eo die, quo novus Episcopus ad eam assumptus erit, vel catholicam Fidem amplexus (4).

XII. Differentias inter utramque Regulam recitata verba statuunt. Quandoquidem prior de annali spectat ad coercendam in primis fraudem, subreptionem, et negligentiam impetrantis, nullumque novum ius in beneficio tribuit possessori: posterior autem de triennali possessori potissimum favet, eique ius in re firmum tribuit, canonicam scilicet legitimamque iusti tituli, et dispensationis pontificiae praesumptionem. Ea ortum actionis impetranti adversario non adimit, sed natam perimit, quoties intra sex menses, qui a die datae impetrationis decurrunt, litem ipse non

(1) Regula haec de annali possessore typum fortasse habuit ab ea possessione, quam leges civiles ex primo decreto iudicis indulgenti actori ob contumaciam adversarii. Innocentius III. in Concilio Lateranensi IV. etiam decrevit, quod actor ob contumaciam pariter adversae possessionem adeptus rei servandae causa, fiat elapso anno verus possessor, cap. contingit 9. de dolo, et contumacia.

(2) Gomes. in Reg. de annal posses. qu. 57. n. 8. et qu. 64. circa finem, Gonzalez in Reg. 8. §. 7. n. 10., Card. de Luca de beneficiis discurs. 47. n. 19.

(3) Triennali possessori favet etiam Regula XXIX. de subrogandis collatigantibus, quam supra exposui cap. 5. n. 61. In hoc igitur fallit Catoniana regula, cui suam addit auctoritatem Bonifacius VIII. in cap. non firmatur 18. de Reg. iur. in VI. inquit: Non firmatur tractu temporis, quod de iure ab initio non subsistit.

(4) Conc. African. in cap. placuit 1. de praescript.

intenterit, vel intra annum a die motae litis, in quo scilicet possessor vocatus in ius fuerit, numerandum prosecutus non sit: haec impetrant actionem in ortu ipso praefocat. Ea in iudicio tantum possessorio suffragatur: haec etiam in petitorio. Ea ideo nullam requirit ostensionem tituli pro retinenda possessione mobili, et revocabili: haec titulum saltem coloratum exigit instar legitimae praescriptionis pro retinenda possessione irrevocabili. Ea suam saepe vim amittit ex clausula specialis derogationis, quae adici solet in pontificiis impetrantium litteris: haec vero secus (1). Itaque impetrantem vel subdolum, vel desidiosum, quamvis vicerit annalis possessor, ac repulerit a iudicio: tamen tutus a futuris molestiis, novisque adversariis non erit, quoad ipse triennalem pacifice impleverit possessionem. In eum porro insurgere adhuc alii poterunt, qui beneficium idem ab Apostolica Sede sine ullo vitio impetraverint cum expressa derogatione Regulae de annali, litemque rectius intra sex inde menses instituire, totidemque alios prosequi usque ad sententiam sedulo studuerint.

XIII. Ambae nihilominus Regulae istae postulant aequo iure possessionem pacificam, et non interruptam, nullisque molestiis turbatam intra annum. Nam utrique possessori quum annali, tum triennali, dum suis adversarii obliquant speciatim Regulae alterutris exceptionem, incumbit onus probandi concludenter possessionem suam eo die, nemine contradicente, revera captam, et pacificam in eam perseverantiam, effectusque ab ea productus, exercitium puta sacri ministerii, officiique spiritualis beneficii adnexi, et perceptionem fructuum nua cum administratione rerum temporalium ad illud pertinentium (2). Inanis porro, et frustranea esset nuda immissio in possessionem ex notarii, vel executoris testimonio, aut scriptura patens, nisi fructus exinde immissus perceperit, atque administrationem rerum beneficii temporalium, et spiritualium reipsa habuerit. Possessionem semel adeptus praesumitur quidem retinuisse continue, nisi probetur interrupta (3). Sed ostensa interruptio eam enervat, efficitque turbidam (4).

XIV. Pacificus plane possessor is est, cui nulla super beneficio mota quaestio iuris, et lis fuerit in iudicio, pullaeque molestiae de facto possessionem turbaverint (5). Hinc turbida in primis fit possessio, statim ac possessor intra annum possessionis suae instante adversario vocatus in ius erit primus adversarii libellus ei erit iussu iudicis proprii, et competentis rite nunciatus (6), quo vel possessio sola, vel titulus, ac proprie-

(1) Haec differentias observat etiam Rigan. *Reg. 35. de annali num. 89.*, et *seq. in Reg. 36. de triennali n. 15.*, et *seq. n. 214.*; et *seq.*

(2) Card. de Luca de beneficiis in summis num. 241., et *seq.*

(3) Rota dec. 794. n. 5., et 6. coram Buratto. dec. 117. n. 4. par. 17. rec., et in Caputq. canonicatus 27. Jan. 1694. coram Priolo, apud Rigan. in *Reg. 35. num. 130.*

(4) Alex III. in illud autem 8., et Innoc. III. in cap. auditis 11. in fine de praescript. Diocl., et Maxim. in l. longi 2. C. de praescript. longi temporis.

(5) Rota coram Buratto dec. 669. num. 2. dec. 64. n. 9 par. 12. rec., Fagnan. in cap. si quis num. 5. de confirm. utili.

(6) Rota coram Duogetto dec. 574. n. 3., coram Scraphia: dec. 316. n. 4., coram Coccino dec. 475. n. 6., et par. 3. rec. dec. 264. n. 11., et par. 19. rec. dec.

tas beneficii oppugnetur (1). Si vero post annum a die impetrationis elapsum lis possessori moveatur: non valet possessionem triennem interrumperé ex vi Regulæ de annali (2). Extincta quomodolibet lite, vel per spontaneam adversarii cessionem, vel contumacem desertionem, vel rem iudicatam, si possessor per integrum exinde triennium in pacifica possessione steterit, omni tempore, quod ante litem, vel ea pendente effluxit, abscisso penitus, et detracto, alios adversarios non timebit amplius (3). Qui vero definitivam pro se obtinuit sententiam, ad tranquillitatem possessionis non redit, nisi postquam sententia transiverit in rem iudicatam: quum appellatio, vel nullitates in eam rite obiectae suspendant litem extinctionem, et novi triennii cursum (4).

XV. Molestiae tum extraiudiciales quoties vel perceptionem fructuum, vel administrationem, et functiones beneficiarias quolibet actu naturali, et auctoritate vel privata, vel iudicis incompetentis de facto impediunt, seu possessorem sua e sede abiciunt, vel deturbant, pacificam quoque interrumpunt possessionem (5). Quaestiones iuris extra iudicium agitatae, vel ad iudicem incompetentem delatae, non item.

XVI. Quodlibet beneficium ecclesiasticum duplici quum iure aequè principaliter constet ministrandi spiritualia, et percipiendi fructus temporales, ille solum videtur pacificus esse possessor, qui utroque fruatur: secus qui alterutro. Rota Romana quaestionem pro eo, qui iura tantum spiritualia sine perceptione fructuum possederat, minime definivit (6). Spiritualia si ab uno, et ab altero temporalia possideantur: neutrius tunc poterit pacifica possessio consistere. At eum procul dubio possessorem pacificum putant, qui maiore ex parte res temporales detineat, fructusque percipiat, una cum spirituali ministerio (7).

XVII. Iustar legitimæ usucapionis bonorum (8) triennalis beneficio-

525. §. fin. Card. de Luca disc. 92. n. 22. Iustinianus in l. ut perfectius 2., et l. si ex multis 3. C. de annali exceptione statuit sufficere ad interrompendam praescriptionem sive triennii, sive longi temporis denunciationem libelli factam, vel possessori praesenti, vel si abesset, praesidi, vel Episcopo, vel defensori vel tabulario publico, vel tribus testibus. Interpellationem sufficere ait textus in l. 1. C. de praescript. longi temporis.

(1) Quidquid sit de beneficio ipso, quod litigiosum non efficitur, nisi per litem contestationem super titulo, ac proprietate, ex supradictis cap. 5. num. 60.

(2) Sever. et Antonin. in l. 1. C. de praescript. longi temporis Iuliano rescribere: num post motam, et omissam quaestionem ad nova dominia bona fide transierint, et exinde novi viginti anni intercesserint sine interpretatione: non est inquietanda, quae nova possidet persona.

(3) Rota pluries apud Rigan., in Reg. 36. num. 87.

(4) Alex. III. in cap. super eo 10., et Innoc. III. in cap. bonae 51. de appellat.

(5) Card. de Luca loc. cit., Rota apud Rigan. in Reg. 36. n. 60., et seq. tum n. 75., et seq.

(6) Rota dec. n. 39., et dec. 154. part. 12. rec. apud Rigan. ibidem n. 88.

(7) Rota dec. 154. n. 38. par. 12. rec. apud Rigan. loc. cit. n. 89.

(8) Iustinianus in l. un. C. de usucapione transformanda, et sublata differentia rerum mancipi, et nec mancipi, statuit, ut si quis alienam rem mobilem, seu semoventem in quacunque terra sive italica, sive provinciali bona fide per continuu triennium detinuerit, is firmo iure eam possideat, quasi per usucapionem eam adquisitam.

rum possessio titulum coloratum, bonamque fidem omnino postulat, ea ut valeat secundum Cancellariae Regulari prodesse (1): cum in praescriptione rerum ecclesiasticarum bona fides, et iustus titulus exigantur ex iuris axioma, quod tradit Innocentius III. (2). Iustus, inquam, titulus non revera, sed per speciem: scilicet verosimilis, probabilis, coloratus evidenter, quamvis invalidus, irritus, iniustus latentior (3). Opus porro non habet iure possessionis adventitio, qui canonico titulo evidenter iusto, et valido ecclesiasticum beneficium sit adeptus, et firmo iure possideat (4). Quemadmodum igitur Iure civili rem alienam longaeva possessione praescribit, qui eam ex quovis contractu bona fide iusto accepit a non domino, vel tamquam heres, aut legatarius putativi domini (5): sic Iure canonico beneficium sibi praescribit possessor triennalis, qui illud ex, gr., ab Apostolica Sede nulliter per subreptionem, vel obreptionem sine dolo impetravit, etiamsi illegitimus, impubes, allamve ob causam incapax ipse fuerit (6), vel reservatum Sedi Apostolicae, aut devolutum ex ordinaria dioecesanæ Episcopi collatione obtinuerit, ignorans apostolicam reservationem in Corpore Iuris non clausam, vel devolutionem. His enim casibus recte dicitur titulum habere coloratum ex institutione vel pontificia, vel ordinaria, bonamque fidem exinde praesumptam. At colorem iustitiae omnem titulo adivit evidens illius nullitas, quae malam possessoris fidem detegit. Dissentiunt Doctores, an malae etiam fidei possessorum haec Regula teneatur (7). Quaestionem puto distinctione dirimendam, ut scilicet in possessorio tantum iudicio mala fides triennali possessori non officiat: secus in petitorio.

XVIII. Quoties autem vel tituli colorati, vel bonae fidei defectus pateat: nullus erit locus praescriptioni. Ad Germanos triennalis Regulae usum

(1) Pius IV. in responsione ad Germanos an. 1563. apud Raynaldum ad an. 1563. n. 44. Rigant. in Reg. 36. n. 90., et seqq.

(2) Innoc. III. in cap. cum ex officio 16. de praescript. Namque beneficium ecclesiasticum non potest licite sine institutione canonica obtinere, inquam cum Bonif. VIII. in cap. 1. de Reg. Iur. in VI. Itemque Innoc. in Conc. generali definiuit: ut nulla valeat absque bona fide praescriptio tam canonica, quam civilis...et qui praescribit, in multa temporis parte habeat conscientiam rei alienae, cap. quoniam 20., et ult. eod. tit.

(3) Pseudo-synodus Basiliensis an. 1431. sess. 23. tit. de pacif. possess. ita decrevit: Quicumque non violentus, sed habens coloratum titulum pacifice, et sine lite praelaturam, dignitatem, beneficium, vel officium triennio proximo hactenus possedit, vel in futurum possidebit: non possit postea in petitorio, vel possessorio a quoquam molestari: excepto hostilitatis casu, vel alterius legitimi impedimenti, de quo protestari, et illud intimare teneatur.

(4) Gl. in cit. cap. cum. ex officio 17. verb. iustus, Rigant. in Reg. 36. n. 98. et seqq.

(5) Ex lib. 41. tit. 4., et seq. D. pro emptore, pro donato, pro herede. Nam nullo iusto titulo praecedente possidentes ratio iuris querere dominium prohibet. et usucapionem induci, l. nullo iusto 24. C. de rei vindic.

(6) Rigant. in Reg. 36. n. 197., et seqq.

(7) Affirmant Comesius in Reg. de triennali quaest. 41. Tomulus Rubeus, Rota, ceteri apud Rigant. ibidem n. 211. Alii negant cum P. la Croix theol. mor. lib. 4. n. 693, Bauny de beneficiis disp. 11. qu. 5; Sanchez lib. 2. cons. moral. lib. 2. cap. 5. dub. 25.

sine limitatione postulantes respondit Pius IV. hanc acquissimam pro triennali possessore latam nullo pacto ei suffragaturam, qui evidenter notorie absque ullo canonico titulo in beneficium ecclesiasticum se intruserit (1). Ipsamet Regula de triennali palam excipit simoniacos improba fide titulum adeptos, possessionemque nefariam ingressos (2): nec non intrusos sine collationis apostolicae titulo in possessionem beneficiorum Sedi Apostolicae reservatorum reservatione in Corpore Iuris clausa, scilicet vacantium per obitum naturalem in Urbe, vel intra duas diactas contingentem. Haec autem exceptio firmat regulam in contrarium pro iis, qui ab Ordinariis locorum obtinent beneficia reservata reservationibus non clausis in Corpore Iuris.

XIX. Iisdem etiam ex causis possessio triennalis non suffragatur spoliatori violento, qui privata scilicet vi possessorem alium deiecerit (3): aut per sententiam notorie nullam possessoris iniuste privati beneficium obtinuerit (4). Nec ei qui beneficium impetravit ante verosimilem vacationis illius notitiam (5). Nec saeculari clerico, qui beneficium regulare ab Apostolica Sede obtinuit cum decreto profitendi vota regularia infra certum tempus, alias irrita sit collatio (6). Nec Lateranensibus professis sine pontificio indulto Parochiam saecularem adeptis (7). Neque impetrantibus per subreptionem monasteria, quae capita sunt Ordinum, sive prioratus, vel abbatias eorundem capitum filias, quoties singulorum qualitas expressa nominatim non sit (8). Nec possessori duorum incompatibilium (9). Ne-

(1) Pius IV. in resp. ad Germanos apud Raynald. tom. 2. an. 1563. n. 44.

(2) Igitur a contrario sensu qui beneficium sine vitio simoniae impetraverint ex apostolica, vel ordinaria collatione, et postea pro illo retinendo simoniam admiserint, praesidio huius Regulae quidem utuntur, DD. apud Rigant. loc. cit. num. 133. Qui simul observat simoniam realem dumtaxat triennali possessori nocere.

(3) Post Sotum Rota coram Priolo dec. 395. in fin. et dec. 411. n. 8., et 9. Rigant. in Reg. 36. n. 148., et seq. id insuper firmat decreto superius laudato Synodi Basileensis, et antiquis notabilibus Cancellariae.

(4) Post Gomes., Rigant. ibidem. n. 145.

(5) Rebuff. in praxi benefic. Gl. 6., Kochier in Reg. de verisimili notitia n. 17. Rigant. in reg. 30. num. 35.

(6) Tondut. Pastor, Cabassutius Broedus ad Lovet. apud Rigant. in Reg. 36. n. 184. Al Sanchez cons. moral. lib. 2. cap. 1. dub. 31, P. la Croix. theol. moral. lib. 4. n. 66., et Fagnan. in cap. cum in magistrum n. 33 de elect. tenent eis hanc Regulam prodesse, qui sine dispensatione apostolica, et sine decreto irritante beneficium regulare in statu clerici saecularis per triennium possederint.

(7) Ex decreto Clementis X. die 18. Martii 1671. apud Rigant. ibidem n. 161. Videtur dicta superius cap. 9. n. 33., et seq.

(8) Trid. in cap. cum plerumque 21. sess. 25. de Regular. sanxit et ut in pro-
visionibus monasteriorum (quae capita sunt, ac primates Ordinum, sive abbatiae,
sive prioratus filiae illorum capitum nuncupantur) qualitas singulorum nomina-
tim exprimitur, aliterque facta provisio subreptitia esse censeatur, nullaue sub-
sequentis possessione etiam triennali adjuvetur. Videtur dicta superius cap. 9.
num. 32.

(9) S. Congr. Conc. in Aquilana 14. Aug. 1642. proposito dubio, an praesumpta dispensatio, in qua fundatur Regula de triennali, habeat locum contra decreta S. Congr. Trid. cap. 4. sess. 7., et cap. 27. sess. 24., et cap. 15. sess. 25. de reform. (quae sanxerunt ipso iure vacare beneficia omnia incompatibilia, nisi alterum ea possidens intra sex menses dimiserit), ita ut possidentes beneficia con-

que ei, qui publicationem resignationis a Gregorio XIII. imperatam omiserit (1). Quique sacros Ordines canonicatibus Cathedralium, vel beneficiis curatis adnexos, vel gradus iuris, vel theologiae intra annum, aliudve spatium temporis praefixum litteris apostolicis cum decreto irritante gratiam ipso iure, quo nimirum titulus collationis apostolicae penitus deletur, et adimitur (2): aut litteras apostolicae collationis falsaverit (3). Aut sine litteris vi solius gratiae signatae possessionem beneficii nactus sit (4). Neque consanguineis resignantium, vel Episcopi dioecesani adeptis ab ipso Episcopo beneficia in manibus eius resignata (5). Neque iis, qui beneficium de iurepatronatus, tamquam devolutum ab Ordinario loci spretis patronis expiscaverint (6). Hisce porro casibus vel titulus coloratus, vel bona fides, vel utrumque deficit.

XX. Ex his autem ipsis triennali Regula exclusis nonnullos iuvat possessio decennalis, quae vim habet supplendi omnes fere tituli defectus (7), et firmandi praesumptionem apostolicae dispensationis urgentiorem (8), et elidendi contrarias quoque praesumptiones. Itaque adeptus beneficium per simoniam a suis consanguineis, se inscio, vel contradicente admisam, quamvis tueri se nequeat praesidio triennalis possessionis, quia in externo foro simulata, et affectata iure praesumitur ea ipsius ignorantia, et contradictio (9): tamen proderit possessio decennalis contrariam eiusmodi praesumptionem absorbens, novumque titulum dispensationis apostolicae (10), quam solet ignorantibus Papa indulgere (11), pariens praesumptionem validiorem. Ad retinenda etiam incompatibilia prodesse decennalem possessionem Doctores concordant (12). Ea insuper, quae sine Datariae litteris provisos per Signaturam nactus fuerit (13).

tra dispositionem dictorum decretorum ex tali praesumpta dispensatione suam possessionem tueri valeant? respondit non habere locum contra dicti Concilii Tridentini decreta. Idipsum pluribus firmant Fagnanus in *cap. de multa de praeb.* num. 48; et *seq.* Garcia, Pilonius, Rota; ceteri apud Rigant. *loc. cit.* 151., et 155.

(1) Gregor. XIII. in *const. humano vix iudicio* 84. aperte sanxit constitutiones de annali, et triennali possessore nullimode suffragatorias tam resignantibus, quam resignatarii publicationem negligentibus. De qua dicam inferius.

(2) Rota coram Raynaldo, Petruccio, Pilon., Card. de Luca, alii apud Rigant. *loc. cit.* n. 186. Secus dicendum, ubi irritans eiusmodi decretum collationi apostolicae adiectum non sit.

(3) Ant. M. de Nigris *de vacat. benefic. cap.* 33. n. 5. lib. 1.

(4) Id aperte sanxit Iulius III. *const.* 3., et definitum Rota *dec.* 216. n. 8., et *seq. par.* 6. *rec.* apud *cit.* de Nigris *cap.* 51. n. 30.

(5) Ex *const.* 38. S. Pii V., et traditis a Rigantio *loc. cit.* n. 126.

(6) Rota in Ostunensi 10. Decembris 1708. coram Cripso *dec.* 3., et alibi apud Rigant. *loc. cit.* num. 144.

(7) Card. de Luca *de benefic. in summa* num. 244, Rota, et DD. apud Rigant. in *Reg.* 36. n. 96.

(8) Rota *dec.* 341. num. 6. *par.* 15. *rec.*, coram Bichio *dec.* 198. num. 3., et alibi apud Rigant. *loc. cit.* n. 156.

(9) Ex *cap. sicut* 33. *de simonia*, et *cap. tuam* 10. *de aetate, et qualitat.*

(10) Anton. M. de Nigris *de vacat. benefic. cap.* 30. n. 12., et 13. lib. 1.

(11) Clemens III. in *cap. de Regularibus* 25., et *cap. ex insinuatione* 26. *de simonia*, Coelestin. III. in *cap. nobis* 27. *eod. tit.*

(12) Apud Rigant. *ibidem* n. 156., et de Nigris *cap.* 7. n. 27.

(13) Card. de Luca *de benefic. disc.* 91., et 131, de Nigris *loc. cit.* *cap.* 51. n. 30.

XXI. Consentiant plane Doctores, quod possessor decennialis non cogatur titulum, qui pro eo praesumitur, ostendere (1). At vero ad colorandum eum, seu potius ad iure praesumendum deficientis tituli colorem tres alios annos ultra decem requirunt (2). Adeptus hic beneficium, uti vacans per obitum eius, qui illud possedit per decennium, tutus omnino est a molestiis cuiuspiam, qui illud ipsum ex vacatione, ut prius impetrauerit (3). Quisquis eum beneficium vacans per alicuius obitum nanciscitur, titulum defuncti non cogitur is ostendere: sed sufficit ei possessionem dumtaxat demonstrare, ut preces ipsius hac in re innixae veritati iudicentur (4).

C A P. XVI.

De sequestratione possessionis et fructuum (*).

- I. *Deposito aequatur litigiosae rei sequestum.*
- II. *In causis beneficiarii vel fructus tantum temporales, vel tota administratio spiritualium, ac temporalium sequestro dantur.*
- III. *Lite pendente sequestum vetat Regula Iuris.*
- IV. *Sed variis ex causis eam limitantibus iudices arbitrium habent sequestrandis fructus.*
- V. *Hocce sequestum vel initio litis decernitur, vel in decreto termini reservatur ad quamlibet partem iudicii.*
- VI. *Alterum formale non adponitur, nisi post sententiam in Curia tantum Romana prolatam contra possessorem non triennalem.*
- VII. *Violantes formale sequestum incurrunt excommunicationem, et a iure cadunt suo.*
- VIII. *Ob suspicionem amoveri sequester potest, aliusque idoneus subrogari.*

I. Depositarius rei litigiosae iureconsulti *sequestrem* appellant: quum in *sequestrem depositi actio* competat ex Ulpiani sententia (5), seu *depositi sequestraria actio*, ut ait Pomponius (6). *Sequester* a Modestino dicitur is,

(1) Card. de Luca *disc.* 91. *de benef.* 16, Rota coram Penia *dec.* 1004. n. 4, coram Celso *decis.* 130. n. 10, *dec.* 178. n. 12. *par.* 11. *rec.*, et alibi, Pastor, Tondulus, Peleus, Lotterius apud Rigant. in *Reg.* 36. n. 66.

(2) Card. de Luca *loc. cit.* n. 15, Rota coram Ubaldo *dec.* 877. n. 3, coram Coccino *dec.* 475. n. 4, coram Penia, *dec.* 1004. n. 4., coram Bichio *decis.* 198. n. 36, coram Celso *dec.* 130. n. 11., et *dec.* 518. n. 16. *par.* 14. *rec.*

(3) Rota coram Priolo in Cochensi 12. Iunii 1701, apud Rigant. *loc. cit.* n. 29.

(4) Ex Lapi sententia *alleg.* 89. Rota coram Coccino *dec.* 188. n. 2, de Nigris *de vacat. benef.* lib. 1. cap. 1. n. 29.

(*) Ad tit. *XVII. lib. 2. Decretalium.*

(5) Ulp. in *l. ei, apud quem* 5. *D. depositi.*

(6) Pompon. in *l. si in Asia* 12. *D. eodem.*

apud quem plures eandem rem, de qua controversia est, deposuerunt: dictus ab eo, quod occurrenti, aut quasi sequenti eos, qui contendunt, committitur (1): vel quod eius fidem sequantur ambo colligentes. Dum igitur iudex alicui vel officio suo, consensu signatorum controversae rei custodiam committit eo pacto, ut lite finita rem ipsam una cum fructibus restituat victori: *sequestratio*, et *sequestrium* fieri tunc dicitur.

II. Duplex usu venit sequestrium in causis beneficiariis, altero nimirum sola fructuum perceptio, et custodia in sequestrem transfertur, quum beneficiarius administrationem rerum spiritualium, et ministerium Ecclesiae, officiumque sibi retineat; altero tota Ecclesiae, seu beneficii administratio quam spiritualis, tum temporalis, videlicet ecclesiasticum ministerium una cum fructibus temporalibus beneficiario adimitur. Illud *provisionale*, hoc *pragmatici formale* appellant.

III. Initio litis, eaque pendente, quoad usque iura partium in ambiguo versantur, probationibus in iudicio non factis, neque discussis, sequestrium iura, et civilia, et canonica prohibent: quod scilicet possessori, vel ex toto, vel ex parte adimit possessionem, et ordinarium interdictum retinendae possessionis. Pecuniae sequestrationem inhibuerunt speciatim Honorius, et Theodosius Imp. in profanis causis contractuum, antequam debitor probationibus actoris rite convinceretur: quum eo non probante sit absolvendus (2). Nam Felix II. ad Episcopos in Alexandrina Synodo congregatos rescripsit, quod nullis litigantibus Sedes, puta Ecclesias, et beneficia surripere, aut res eorum auferre, aut aliquam eis vim inferre praesumat, antequam eorum causa finiatur (3). Ideo enim melior potissimum est conditio possidentis, quam petitoris, quia lite pendente *uti possidetis*, ita *possideatis* oportet ex recepta interdicti possessorii formula (4).

IV. Nihilominus *provisionale* sequestrium passim usurpatur, et apponitur super beneficii litigiosi fructibus, quoties id aequum prudenti iudicis arbitrio videatur. Puta propter scandalum evitandum (5), vel ob probabilem dissipationis fructuum timorem (6), eo praesertim casu, quo possessor a sententia contra seipsum lata provocaverit (7). Vel in poenam contumaciae (8). Vel ob attentati vitium, si possessio post interpositam appellationem, aut intra decem dies ad appellandum concessos capta fuerit (9). Vel ob apertam tituli deficientiam, vel turbidam possessionem,

(1) Modestin. in *l. sequester* 110. *D. de verb. sign.*

(2) Hon., et Theod. in *l. un. C. de prohibita sequestrat. pecuniae*.

(3) Felix II. in *can. quoties* 16. *C. 2. qu. 6.*

(4) Quam tradit Ulpianus in *l. 1. D. uti possidetis*.

(5) Innoc. III. in *cap. ad hoc unxit. 1. de sequestrat. possess., et fruct.*

(6) Honor. III. in *cap. dilectus 2. eod. tit.*

(7) Greg. IX. in *cap. ab eo 3., et fin. eod. tit.* Innoc. III. insuper in *cap. pastoralis 53. de appellat.* rescripsit proventus ecclesiasticos subtrahi appellantis a sententia excommunicationis debere, eosque ad tempus ecclesiasticis beneficiis spoliari. Nam illi proventus ecclesiastici merito subtrahuntur, textus ait, cui Ecclesiae communicatio denegatur.

(8) Alex. III. in *cap. ex litteris 2. de dolo, et contumacia*, Innoc. III. in *cap. olim. 25. de rescriptis*. In utroque enim foro iamdiu excoluit missio actoris in possessionem adversarii contumacis ex primo, vel secundo decreto.

(9) Bonif. VIII. in *cap. non solum 7. de appell. in VI.*

alismve probabilem causam ex facti, rerumque adiunctis eruendam. Et vicissim contrario iudicis imperio, arbitrioque istiusmodi sequestrium provisionale tolli, et revocari solet, quoties prudentia, et aequitas id suadest: praesertim si beneficii possessor idoneam praestabit cautionem, vel satisfactionem servandi fructus, eosque victori, postquam succubuerit, exhibendi. Nam ex pragmaticorum proverbio, *cautio est medicina sequestri*. Pius IV., ubi constat de reservatione beneficii litigiosi (1), et S. Pius V., quoties lis vertitur circa dignitatem, vel canonicatum, vel portionein Ecclesiae Cathedralis; vel Collegiatae (2), iubent sequestrium super fructibus tunc apponi.

V. Ut autem *lite pendente nihil innovetur* a iudice iuxta vulgarem Iuris regulam, qui litigiosam in eodem statu, in quo ante litis contestationem erat, relinquere post contestationem ad exitum usque iudicii debet (3): haec praxis in foro inolevit, ut antequam terminus ad probandum incumbentia impertiretur, petitor faciat sequestrium: vel saltem in ipso termini decreto sibi iudex reservet provisionem faciendam super petito sequestro in qualibet parte iudicii, quatenus si intra termini probatorii compilationem constiterit de bono iure petitoris, valeat sequestrium rite decernere, explicando provisionem in decreto termini reservatam (4).

VI. Quod vero ad *formale sequestrium*, Clemens V. in Concilio Vienneensi constituit, ut *una contra possessorem definitiva sententia super beneficio* apud Sedem Apostolicam dumtaxat in petitorio, vel possessorio promulgata, *beneficium ipsum a possessore huiusmodi (dum tamen triennio pacifice ab eo antea possessum non fuerit) per loci Ordinarium apud aliquam personam idoneam sequestretur, quae plenam de ipso curam gerens, id, quod de fructibus ipsius (debitis eiusdem supportatis oneribus) superesse contigerit, illi restituat, qui finalem in causa victoriam obtinebit. . . non obstante si contra praefatam sententiam de nullitate forsitan opponatur* (5). Una igitur vel prima sententia, quam pronuntiaverit contra possessorem Curia Romana, non obstante appellatione, vel remedio nullitatum, locum formali sequestro dat: quod beneficii substantiam afficiens omnem penitus possessionem adimit, cautionis medicinam non admittit, nec revocatur umquam, nisi per rem iudicatam in exitu litis (6). At aliorum inferiorum sententia una, quae appellatione interposita, aliove Iuris remedio suspenditur, hunc effectum non parit. Absurdum enim esset, quod per singulas Ordinariorum, vel delegatorum iudicium sententias, quae revo-

(1) Pius IV. in *const. sanctissimus*, apud St. Quaranta verb. *sequestrium*.

(2) Pius V. in *const. cordi nobis*, apud eundem.

(3) Gelasius in *can. quia res* 50., et fin. *C. XI. qu. 1.*

(4) Regens de Rosa in *prax. civ. decretor. in prima inst. ord. iud. cap. 6. n. 14., et seq.*

(5) Clementina un. *de sequestrat. possess.*, et fructuum.

(6) Card. de Luca in *summa de benef. num. 277.* Ius etiam civile vetat sequestro datam semel pro executione sententiae possessionem revocari ante rem iudicatam, l. *si pecuniae* 6. §. un. *D. in possessionem legatorum.* Qui *fideicommissi servandi causa*, Iulianus ibi ait, *in possessionem missus est, non prius de possessione decedere debet, quam ei fideicommissum solutum, aut eo nomine satis datum fuerit, nam quod si integra re fieret, in possessionem non mitteretur id cum offeretur, discedere a possessione debet.*

cantur saepius, et facilius, possessores ab eis appellantes possessione sua interea priventur: dum appellatione lis ad contestationis terminum redierit. Triennalem vero possessorem ab omni etiam formali sequestro palam eximit expressa Clementinae constitutionis littera.

VII. Si quis autem, idem Clementinae textus ait: *sequestrationem huiusmodi impedire, vel fructus sequestratos quoquo modo praesumpserit occupare: excommunicationis incurrat sententiam ipso facto, a qua (nisi impedimento prius amoto, et occupatis per eum fructibus restitutis) nullatenus absolvatur. Et nihilominus si de litigantibus fuerit: iure (si quod in huiusmodi beneficio, vel ad ipsum forsitam competeat eidem) hoc ipso se noverit cecidisse. Censuram hanc maiorem, iacturamque totius iuris in beneficio quaesiti incurrunt violatores formalis tantum sequestri: non alii, qui alias poenas pro modo contumaciae suae, spretaeque iurisdictionis dantur arbitrariae.*

VIII. Suspectum utique sequestrem fas est partibus eiurare, eiusque amotionem rite postulatam cognita suspicione obtinere, ut possessio ad alterius idoneae personae custodiam, curamque transferatur (1), quoadusque iudicata res litem penitus extinxerit.

CAP. XVII.

De fructibus.

- I. *A beneficio, quod spiritualis iuris est, fructibus temporales differunt.*
- II. *Nec non a praediis, et rebus Ecclesiae fructus ipsos parientibus.*
- III. *Stricta notio fructuum distributiones quotidianas non continet.*
- IV. *Incerti distributionum fructus labore personali quaeruntur, certi secus.*
- V. *Distributiones quotidianae instar diurni stipendii ad heredes transmittuntur.*
- VI. *Fructus generatim suos facit beneficiarius a die adeptae possessionis, qui suum impleat officium, secus qui idipsum non implet, nec residet.*
- VII. *Facere suus idem sonat, quod dominium adquirere.*
- VIII. *Eosque profanos efficit, statim ac perceptos eum rebus suis commississet, et distrahit ad libitum, suisque creditoribus obligat.*
- IX. *Locare praedia ad triennium beneficiario licet sine anticipatis solutionibus, et sine successorum praeiudicio.*

(1) Ridolphin. in *prax. iudic. par. 2. cap. 12. n. 75.*, et 331.

- X. *Locationes ecclesiasticae ex indulto ultra unicum annum cum anticipata solutione non valent, nec obligant successorem.*
 XI. *Cessio exactionis fructuum beneficii ad vitam, vel in longum tempus irrita nunc est, simul, et cessio pensionis intra sex menses a die possessionis.*
 XII. *In pauperes, et fabricam Ecclesiae, aliosque pios usus a fundatore volitos sunt beneficiorum fructus ex parte impendendi.*
 XIII. *Portionum istarum administratores, et dispensatores sunt ipsimet beneficiarii.*
 XIV. *Solis primum Episcopis qua saecularibus, qua regularibus concedita fructuum omnium ecclesiasticorum administratio libera, tum ad omnes beneficiarios extensa.*
 XV. *Clericis beneficiariis adimere partem administrationis fructuum beneficiorum etiam de iurepatronatus non licet respectu pauperum, et fabricae.*
 XVI. *Negligentibus refectionem Ecclesiarum beneficiariis Clemens VII. partem fructuum sequestro dare iussit.*
 XVII. *Aliis quoque oneribus subiguntur fructus beneficiorum, Seminarii taxae, et stipendio Canonici theologi, simul et grammaticae magistri.*
 XVIII. *Usufructuariis beneficiarios clericos alii aequant.*
 XIX. *Usuarios alii eos esse maximopere contendunt.*
 XX. *Horum sententia non minuit liberalitatem clericorum erga suos consanguineos pauperes.*
 XXI. *Alii usufructuarios quoad vivunt, usuarios tempore mortis existimant probabilius.*
 XXII. *Donationes inter vivos fructuum ecclesiasticorum idcirco valent, at quae mortis causa, vel tempore fiunt non item.*
 XXIII. *Fructuum scilicet spirituales, quod hactenus expensum est, et alterum temporale, quod corpoream utilitatem solummodo spectat (2), mox edisserendum. Hinc patet, cur fructus beneficii temporales ab ipso beneficio, suaeque ipsorum causa producento abscissi, et seiuncti instar rerum profanarum censeantur in contractibus humanis, et dispositionibus (3).*
 XXIV. *Rursus dividuntur in consumptos, et extantes in perceptos, seu exactos, et pendentes, seu inexactos.*

I. Quoniam spirituale ius percipiendi ecclesiasticos redditus propter spirituale ministerium in beneficiis ecclesiasticis a fructuaria perceptione reddituum distinguitur (1): duo proinde iura in eisdem singulis separatim considerant: alterum scilicet spirituale, quod hactenus expensum est, et alterum temporale, quod corpoream utilitatem solummodo spectat (2), mox edisserendum. Hinc patet, cur fructus beneficii temporales ab ipso beneficio, suaeque ipsorum causa producento abscissi, et seiuncti instar rerum profanarum censeantur in contractibus humanis, et dispositionibus (3).

(1) Liqueat ex supradictis cap. 2. n. 1., et seq.

(2) Rota dec. 200. n. 11. par. 6. rec., et dec. 36. n. 31. par. 12. rec., alibi que.

(3) Ex traditis a Card. de Luca de regal. disc. 11. n. 10., et infra dicendis.

II. A rebus praeterea Ecclesiae non alienandis, hoc est praediis quae urbanis, quae rusticis, et capitalibus pecuniariis (non aliter, quam effectus a causa) distinguendi sunt fructus ecclesiastici, quos suum ad libitum distrahunt, et consumunt clerici beneficiarii. *Fructus enim a ferendo dictus est, ut sit omne, quod res ferat* (1). Quidquid ergo emolumenti, ac redditus tam ex praediis, statisque censibus, et pensionibus, quam ex incertis proventibus, et distributionibus etiam quotidianis (2) beneficiarius quotannis percipit intuitu Ecclesiae, suique beneficii, sub lata, et generali fructus ecclesiastici notione continetur.

III. Si vero specialis, et stricta eiusdem vocis significatio spectetur: fructum nomenclatura quotidianas distributiones minime complectitur. Quidquid enim sine personalis laboris, aut servitii necessitate ad beneficiarium obvenit ex sola beneficii possessione, ac titulo, *fructus* dicitur specialim. Quod autem is acquirit in dies ob suam in choro, officiove sacris praesentiam operosam, seu diurnum quotidiani laboris stipendium, atque singulos in dies, vel horas dividitur in pecunia, aliave specie his tantum qui personaliter intersunt divinis officiis, muneribusque sacris obendis, *distributionis* quotidianae nomen, et naturam proprie habet (3). Hac inter utrumque vocabulum differentia fit, ut inter fructus fere non aggregentur quotidianae distributiones in rebus odiosis, quae strictam postulant interpretationem, quoties iura, vel statuta, vel pontificiae litterae fructus alicui oneri obnoxios faciunt (4). Itaque si tertiam, vel mediam, vel aliam quamlibet partem *fructuum* beneficii Pontifex annua pensione in alicuius favorem solvenda oneraverit: ea ad quotidianas distributiones non extenditur (5). Et beneficium adeptus ab Apostolica Sede, cuius annuos fructus praenarraverit non excedere certum valorem tot florenorum, non cogitur certorum fructuum quantitati addere valorem incertarum huiusmodi distributionum, ubi veritatem expositi valoris debet exequutori apostolicarum litterarum ipse ostendere (6).

IV. Fructus incertos, et varios esse distributiones quotidianas nemo dubitat. Sed eas a fructibus certis, et fixis praediorum, rerumque immobilium, vel quasi stabilium ideo discernunt Doctores, quia incertum nimis est, an ipsas actu servantibus debitas beneficiarius personalis praesentia, suisque laboribus, et operibus sit reapse lucraturus. Certos vero fructus is tuto percipit continenter, nulla fere habita ratione laboris personalis, vel praesentis muneris.

V. Qui divinis intersunt officiis, ex integro percipiunt distributiones: qui vero aliter de hisdem quidquam receperint (exceptis infirmis, et legitime impeditis), earum tunc receptorum *dominium non acquirit, nec facit eas suas*, ex textu Bonifacii VIII. (7). Cum itaque beneficiarius distribu-

(1) Ex sententia Varronis lib. 4. de lingua latina.

(2) Eas manualia beneficia, seu victualia Bonifacius VIII. appellat in cap. un. de cler. non resident. in VI.

(3) Et cit. cap. un. Videsis quae dixi lib. 1. Inst. Canon. tit. de Canonicis.

(4) Covarr. lib. 3. var. cap. 13. n. 1.

(5) Flamin. Paris. de resign. benefic. lib. 7. qu. 2. num. 29.

(6) Rota dec. 79. par. 4. rec., et alibi. Videsis dicta superius cap. 12. n. 6., et seq.

(7) Bonif. VIII. in cap. consuetudinem un. de cler. non resident. Consonant Conc.

tionum emolumenta lucretur non secus, quam laboris mercedem, et stipendium personalis operae: eas iure merito ad profanos etiam heredes transmitti Doctores putant (1).

VI. Ministerium qui suum impleat, et onera Ecclesiae, beneficiique sui ferat a die adeptae possessionis, is *facere fructus suos* in sacris canonibus dicitur (2): et e contrario non facere suos, qui ex. gr. horas canonicas non persolvunt quotidie (3), suumque officium, propter quod sit beneficium cuiusque institutum, non impleant, nec qui suscepta cura animarum intra duos menses a die possessionis publicam fidei professionem non fecerint, vel non resident (4). Tridentina Synodus declaravit non residentem vel Episcopum, vel Parochum pro rata temporis absentiae fructus suos non facere, nec tuta conscientia illos sibi detinere posse: sed teneri illos fabricae Ecclesiarum, aut pauperibus loci erogare (5). Sanxitque iisdem non residentibus nec privilegia, neque indulta perpetua de non residendo, aut de fructibus in absentia percipiendis suffragari (6). Absentes itidem a choro Canonici non lucrantur distributiones, fructusque amittunt primi anni dimidios, alterius deinde integros (7).

VII. *Fructus facere suos* idem sonat apud iureconsultos, quod ipsos iure domini acquirere, ac liceri cum arbitrio de iis disponendi suum ad libitum. Iulianus docuit possessorem bonae fidei, et fructuarium perinde facere fructus suos, atque dominum praedii (8). Quo enim iure humano cum S. Augustino dicimus: *haec villa mea est, haec domus mea, hic servus meus est* (9): eodem ipso post divisa iam inter homines dominia rerum, alius hoc suum esse dixit, et alius illud (10). Ad dominium porro indicandum spectant potissimum vocabula *meum*, et *tuum*, et *meus* (11).

VIII. Iulius III. aperte declaravit fructus ecclesiasticos, postquam ad manus beneficiatorum pervenerint, et cum aliis ipsorum rebus commixti fuerint, et incorporati, non alterius in ecclesiasticis, sed potius ipsorum beneficiatorum propriis, et ab eis acquisitis bonis iudicandos esse, eosque adeo pro saecularibus, et profanis haberi, ut de eis testamento, aut alias disponendi facultas beneficiatis per Sedem Apostolicam concedi consueverit (12). Propterea eis beneficiarius quisque utitur, fruitur ad consumptionem u-

Lateran. sub Leone X. sess. 9., et Trid. in cap. *Episcopi* 3. sess. 22., et cap. 1. sess. 23. de ref.

(1) Covarr. in cap. *cum in officio de testam. num. 4.*, et Card. de Luca in *summa de benef. num. 288.*

(2) *Cit. cap. un. de cler. non resid.*

(3) Ex S. Pii V. const. 135. edita an. 1571., et communi Doctorum sententia.

(4) Trid. in cap. *cum dignitates* 12. sess. 24. de ref.

(5) Trid. in cap. *cum praecepto* 1. sess. 23. de ref.

(6) Idem in *cit. cap. cum dignitates* 12. sess. 23. de ref.

(7) Idem in *cit. cap. cum dignitates* 12. sess. 24. de ref.

(8) Iulian. in l. *qui sent.* 25. D. de usuris, et fructibus.

(9) S. Aug. in can. *quo iure dist.* 8.

(10) Clemens in can. *dilectissimis* C. 12. qu. 1.

(11) Glos. in *cit. can. quo iure*. Verbum suum ambiguum est, Pomponius ait, utrum de toto, an de parte signifret: et ideo qui iuxta suum non esse dicit, adice-
re debet, neque sibi communem esse, l. *pupillus* 239. §. *fin.* D. de verb. sign.

(12) Iulius III. in const. *cum sicut nobis*, die 26. Iunii 1550.

aque, eosque non dum ipse consumendi facultatem habet, sed distrahendi etiam per quoslibet contractus legitimos quum onerosos, tum lucrativos, aliisque donandi inter vivos irrevocabiliter, non secus, quam profanos (1). Quumque illos semel alienaverint, vendiderint, vel aeris alieni hypothecae, aut pignori supposuerint: ita obnoxios creditoribus suis afficiunt, ut iudices ecclesiastici eosdem saepe dari sequestro iubeant pro cautione creditorum, vel creditoribus tradi pro executione rei iudicatae (2).

IX. Locare item praedia Ecclesiarum possunt, ut accipiant a conducto-ribus annuum pensionis canonem, fructum scilicet civilem vice fructuum naturalium (3). Sed locatio ultra triennium extendi sine adsensu apostolico nequit (4). Synodus Tridentina animadvertens magnam Ecclesiis perniciem affirri, quum earum bona, representata pecunia, in successorum praesudicium alii locentur: decrevit, ut omnes locationes si anticipatis solutionibus fiant nullatenus in praesudicium successorum validas intelligantur, quocumque indulto, aut privilegio non obstante; nec huiusmodi locationes in Romana Curia, vel extra eam confirmantur. Saepe etiam non licere iurisdictiones ecclesiasticas, seu facultates nominandi, aut deputandi Vicarios in spiritualibus locare, nec conductoribus per se, aut alios eas exercere, aliterque concessionem etiam a Sede Apostolica factas subreptitias consequantur (5).

X. Tum Cancellariae Regula LXIX. novus quisque Pontifex indemnitati Ecclesiarum, et successorum in beneficiis, consulere volens, revocat casusque omnia, et singula indulta, et facultates in ea parte, qua nondum veris, et realiter suum sortitas sunt effectum, per quoscumque Romanos Pontifices praedecessores suos hactenus ad favorem quarumcumque personarum concessas, quibus eis vel earum singulis ullo modo, et ex quavis causa, vel praetextu permittitur fructus certos, vel incertos, iura, obventiones, et emolumenta quascumque quorumlibet beneficiorum per eos obtentorum anticipatis solutionibus ultra unicum annum elocare, arrendare, ad firmam, vel responsionem concedere, vel eos ad favorem quarumcumque personarum quomodolibet obligare, vel hypothecare, in solum dare, aut de eis quomodolibet, et ex quavis causa disponere pro tempore ad vitam beneficiorum et tempus, quo beneficia huiusmodi obtinuerint, minime restricto, et coar-

(1) Rota dec. 442. part. 4. dec. 386. par. 9., et dec. 368. par. 12. rec., alibi passim.

(2) Ex decretali epistola Lucii III. in cap. pervenit 2. de fideiussoribus.

(3) Innoc. III. in cap. vestra 2. de locato, et conducto, rescripsit valere consuetas proventus ecclesiasticorum locationes ad firmam, dummodo ad feudum, vel alienationem non extendantur.

(4) Coelestin. III. in cap. ad audientiam 9. de reb. Eccl. alien., vel non rescripsit locationes praediorum Ecclesiarum, quas quidam Canonici in perpetuum fecerant, rescindendas esse. Paul. II. in extravag. ambitiosae un. cod. tit. concessionem, hypothecam, locationem, et conductionem ultra triennium veluit, nec non infeudationem, vel contractum emphyteuticum.

(5) Trid. in cap. magnam 11. sess. 23. de ref. Conferenda huc sunt decreta Conc. Romani sub Bened. XIII. in cap. un. de reb. Eccl. non alien. pro locationibus ecclesiasticis, et contractibus emphyteuticis, eiusque constitutio ex quo pro indemnitate, et utilitate Eccl. Benev. dioecesis.

ciato (1). Hinc patet, cur valeant statuta, et consuetudines locorum, si quae sint, et synodica decreta, quod fructus beneficiorum primi solius anni ad heredes defuncti beneficiarii, non ad successorem beneficiarium pertineant (2). Colligitur etiam, quod successor in beneficio possit canonico iure conductorem praedecessoris beneficiarii repellere a locatione ultra annum extensa, perinde ac usufructuarius iure civili (3).

XI. Ad cohibendam vero clericorum prodigalitatem, fraudesque foenerantium Benedictus XIV. prohibuit: ne in posterum audeant clerici sub nomine alienandi utilitatem, et commodum percipiendi fructus, vel alio quovis titulo, et colore vendere, ac distrahere suorum respectiva beneficiorum redditus, et proventus vel ad vitam, vel in longum tempus, respecta ab emptore per unam, vel plures solutiones pecuniarum quantitate, quam ipsi beneficiarii per eiusdem temporis, vel vitae spatium probabiliter consequi potuissent, sub poena excommunicationis, et nullitatis contractus, et omnium inde consequutorum (4). Idemque alia constitutione sua irritat cessiones commodi pensiones ecclesiasticas exigendi, quae fiant intra sex menses a die captae possessionis resignati beneficii (5).

XII. Onus habent singuli beneficiarii, sacris canonibus impositum distribuendi pauperibus partem fructuum, alteramque impendendi in Ecclesiae fabricam, et sacram suppellectilem, aliosque pios usus a fundatoribus volitos (6). Fit exinde, ut in utroque foro beneficiarius ex ea solum parte fructus faciat suos, quae ad eum ipsum pertinent pro alimentis, et congrua sustentatione: reliquos vero debeat, ut fidelis administrator erogare iuxta sacrorum canonum dispositionem, et fundatoris voluntatem. Fructus, et obventiones sunt impendendi in usus Ecclesiae necessarios, et stipendia ministrorum, ait Innocentius III, ubi rescipit non licere novam pensionem imponere, vel antiquam augere super Ecclesia sine licentia Romani Pontificis (7). Suo ne defraudetur obsequio beneficium, quod sit magistris etiam theologiae, et grammaticae assignatum, iure censuerunt Patres Tridentini (8), Hospitalumque fructus, ubi nequeat primaeva voluntas fundatoris impleri ex personarum defectu, convertendos in alium pium usum eidem voluntati conformiorem (9).

XIII. Quoties ergo portionem vel pauperibus, vel fabricae, aliisve piis usibus addictam fraudaverint Ecclesiarum Praelati, rectores, beneficia-

(1) Reg. 69. de revocatione indulgentiarum superventientiae. Secundum huius Regulae partem firmavit Urbanus VIII. const. 28., et 80.

(2) Ex traditis a Benedicto XIV. lib. 7. de Synodo dioec. cap. 20. num. 3, post Rotam coram Seraphino, etc.

(3) Ad exemplum venditionis, ait Paulus Ictus, nisi fuerint specialiter exceptae pensiones, potest usufructuarius conductorem repellere, l. arbores 59. D. de usufructu.

(4) Bened. XIV. in const. universalis 29. to. 1. Bullar.

(5) Idem in const. in sublimi 30. eodem to. 1.

(6) Ex supradictis cap. 1. num. 17., et seq.

(7) Inoc. III. in cap. pastoralis 9. de his, quae sunt a Prael. sine cons. Cap. Nihil etiam patronis deberi super fructibus ecclesiasticis, nisi in fundatione reservatum eis aliquid sit. Lucius III. rescipit in cap. praeterea 23. de iurepatr.

(8) Trid. in cap. 1. sess. 5. de reform.

(9) Idem Trid. in cap. admonet 8. sess. 25. de ref.

rii: eam sibi suam non faciunt in foro interno. *Si privatim possidemus quod nobis sufficiat*, ad Bonifacium inquit S. Augustinus, *non illa nostra sunt, sed pauperum: quorum procuracionem quodammodo gerimus, non proprietatem nobis usurpatione damnabili vindicamus* (1). Priscis canonibus cautum liquet, ut Episcopus curam totius ecclesiasticae pecuniae gereret, eamque indigentibus dispensaret per presbyteros, et diaconos cum Dei timore, et omni sollicitudine ministraret (2). Postquam inolevit eiusdem partitio in Episcopum, Clerum, pauperes, et fabricam Ecclesiarum: quum Praelatis, tum clericis ipsis libera, et plena reddituum ecclesiasticorum administratio concedita est cum facultate sustentandi semetipsos, et pauperes, et cum onere sartas tectas habendi Ecclesias. Tum aeo Innocentii III. constitutum expresse, ut portiones pauperum, Ecclesiarumque a portionibus Episcopi cuiusque, et Cleri ne seiungerentur, relicta his ipsis cura eleemosynarum, expensarumque fabricae (3).

XIV. Talis autem administrandi, et dispensandi potestas adeo libera solis Episcopis ab initio fuit, ut rationem ipsi ea de re Deo soli redderent (4). Eos hinc vel dominos proventuum ecclesiasticorum putabant, vel dominis comparabant (5). Qua in re ab Episcopo clericalis Ordinis saecularis nil differt Episcopus regularis professus, quem suos etiam facere fructus episcopales cum libertate administrandi, ac disponendi iustar saecularium Praelatorum Rota definivit, communem christiani Orbis consuetudinem sequuta (6). Quamvis enim professi regulares ad episcopatum promoti ex voto paupertatis capaces domini non sint: tamen liberam, plenamque fructuum Ecclesiae administrationem obtinent sacris canonibus concessam, cum iure alendi semetipsos, et erogandi superfluum in pios tantum usus: Quidquid autem parcius vivendo quaesiverint, id eos posse ex benignitate Ecclesiae donare inter vivos, et absumere in usus etiam non pios, tenent Doctores (7). Eiusdem libertati participes processu

(1) S. Aug. ep. 50. alias 185. ad Bonifacium scribens contra Donatistas, qui catholicos Episcopos calumniabantur sibi vindicare possessionem bonorum Ecclesiae, in can. si privatum 28., et ult. C. 12. qu. 1., et can. quod autem 3. C. 23. qu. 7. Idemque S. Doctor. ep. 126. haec habet. « Ego secundum multorum sensum comparantiam nosmetipsos sibi metipsis, non divitias dimisisse, sed ad divitias videor venisse. Vix enim vigesima particula res mea paterna existimari potest in comparationem praediorum Ecclesiae, quae nunc ut dominus existimor possidere. Nos rebus Ecclesiae dominari existimamur, nos opibus frui. Deus testis est, istam omnem rerum ecclesiasticarum procuracionem, quarum credimur amare dominatum, propter servitutem, quam debeo charitati fratrum, et timori Dei, tolerare me, non amare: illa ut ea, si salvo officio possim, carere desiderarem ».

(2) Can. 41. vulgo Apostolor. in can. praecipimus C. 12. qu. 2.

(3) Id quod pluribus comprobatur Thomassinus to. 3. lib. 2. cap. 23.

(4) Ex supradictis cap. 1. num. 16., et seq., Gelasius in can. concesso 26. C. 12. qu. 2. Clero, ordini, et plebi Brundusii rescribens, ait, quod Iulianus Episcopus redditus, et oblationes fidelium in quatuor partes divisurus, sibi, clericis, fabricis, et pauperibus, eorum rationem divino eet redditurus examini.

(5) Rota coram Ludovisio in Usselens. spoliis. die 15. Febr. 1609. apud Redoanum dec. 3. num. 11. et 12.

(6) Cum Navarra, et Sanchez Layman. lib. 4. theol. mor. tract. 2. cap. 4. num. 11.

(7) Liquet ex epistolis S. Augustini paulo superius iam recitatis.

temporum facti sunt inferiores Ecclesiarum rectores, beneficiarii quoque singuli.

XV. Leo X. pontificia sanctione providendum censuit: ne beneficiati per saeculares Principes eorumve officiales, et iudices etiam ecclesiasticos impediuntur sub praetextu instaurationis fabricae, aut eleemosynarum, seu quovis alio colore, aut fuco, quominus de fructibus suorum beneficiorum, ut antea, libero disponent: neve fructus, et proventus Ecclesiarum, monasteriorum, ac beneficiorum sequestrarentur, vel aliquo modo detinerentur sub eodem praetextu fabricae sine Romani Pontificis expressa licentia (1). Paulo post Tridentina Synodus decrevit: ut patroni beneficiorum cuiuscumque ordinis, et dignitatis, etiamsi communitates, universitates, collegia quaecumque clericorum, vel laicorum existant, in perceptione fructuum, proventuum, obventionum quorumcumque beneficiorum, etiamsi vere de iure patronatus ipsorum ex fundatione, et donatione essent, nullatenus, nullae causa: vel occasione se ingerant: sed illos libere rectori, seu beneficiato, non obstante etiam quaecumque consuetudine, distribuendos dimittant (2).

XVI. Hoc in Regno Neapolitano, ubi negligerent Praelati, rectores, beneficiarii suas reficere Ecclesias, Clemens VII. litteras sub annulo Piscatoris dedit die 20. Ianuarii, 1526, regnante Carolo V., pro eaque temporis conditione urgentibus Ecclesiarum necessitatibus consulturus indulgit, mandavitque Marcello Galello Regenti Cancellariae, et Hieronymo Cantelles Nuntio Apostolico potestatem capiendi quartam partem fructuum omnium Ecclesiarum huius Regni tam Cathedralium, Collegiatarum, et parochialium, quam beneficiorum simplicium, a viris locupletibus, et idoneis custodiendam, et detinendam, qua ipsae reficerentur Ecclesiae, deque sacra supplicili, rebusque necessariis providerentur. Cumque illas Romani Pontificis litteras promulgasset Prorex S. Severinae Comes (3), suis inde litteris ad omnes huius Regni magistratus, officiales, et Universitates datis die 20. Februarii eiusdem anni 1526, earum executionem imperavit.

XVII. Alia tamen onera aliquando subire beneficiarii coguntur super ecclesiasticis fructibus, ratione publicae necessitatis, vel utilitatis. Ex. gr. taxae quotam pro sustentando dioecetano Seminario adolescentium contribuere, non minorem tribus, nec maiorem quinque in centum (4). Nec non pro stipendio tam Canonici Theologi in Cathedralibus Ecclesiis, et Collegiatis alicuius insignis oppidi, ubi Clerus adsit numerosus, S. Scripturae lectionem obituri (5): quam magistri, qui grammaticam doceant in Ecclesiis egenis, locisque non populosis (6).

XVIII. At certant adhuc Doctores, num ecclesiastica beneficia obtinentes usufructuarii eorundem sint, an usuarii tantum? Qui usufructuarios esse teneant, facultatem eis pleniorē adstruunt disponendi ad libitum

(1) Leo X. in const. *supernae* 7. §. 39. 3. nonas Maias 1513.

(2) Trid. in cap. *sicuti legitima* 9. sess. 25. de ref.

(3) Cui et legum, et canonum custodiam a Deo concreditam fassus est Iustinianus initio Nov. 137.

(4) Ex supra dictis cap. 4. num. 14., et 15.

(5) Ex supradictis eodem cap. 4. num. 20., et seq.

(6) Trid. in cap. 1. sess. 5. de ref.

de omnibus beneficiorum fructibus, iisque utendi, et fruendi ultra necessitatem non aliter, quam de rebus profani patrimonii (1): eosque abutentes non peccare contra iustitiam, sed contra charitatem duxit (2). Suamque isti sententiam conantur ex eo firmare; quia Ecclesiarum bona sunt principaliter in sustentationem, stipendiumque sacrorum ministrorum destinata. *Dignus est enim operarius mercede sua*, vel cibo suo, ex Christi Domini oraculo (3). *Et quis militat suis stipendiis umquam?* ex Apostoli sententia (4). *Qui constituerunt*, Iustinianus Imperator inquit, *vel fundarunt sanctissimas Ecclesias pro sua salute, et communis reipublicae, reliquerunt illis substantias suas, ut per eas debeant sacrae liturgiae fieri, et ut in illis a ministrantibus piis clericis Deus colatur* (5). Sicuti ergo miles, quamvis locuples, et necessariis alimentis non indigens suis non debet expensis alteri militare: ita clericus, cui bona profani patrimonii, unde vivat decenter, suppetant, debet de proventibus altaris, cui aervit, ac militat, vivere, stipendiumque laboris accipere eo etiam non indignus. Quidquid vero clericus pro sua sustentatione, ac stipendio accipit, instar profani militis adeo aum facit, ut pro libito distrahat, et praeter necessitatem absumat, perinde ac quisque rei suae moderator, et arbiter (6). Adde beneficiario iure possidere idem apud philologos esse, ac per usufructum (7).

XIX. *Uvarios* eatenus mavult altera DD. opinio, ut clericis vix relinquat usum congruae portionis, quae sufficiat ad quotidianam ipsorum, familiaeque sustentationem honestam: arbitrium vero denegat distrahendi ad libitum reliquos fructus, quos pauperibus, et Ecclesiae, aliisque pils operibus fideliter esse dispensandos ex iustitiae lege contendunt (8). *Quod superest, dats elemosynam*, ex Christi Domini praeepto (9). *Victu, et tegumento, his contenti simus*, Apostolus ad Timo-

(1) L. 2. §. 9., et 12. D. de usufructu. Minus porro ius in usu, quam in usufructu statutum est iure civili §. 1. Inst. de usu, et habit.

(2) S. Carolus in Conc. IV. Mediolanensi par. 3. cap. 1. ad clericos ecclesiastica redditibus affluentes converso sermone, ait: « Christi visceribus substantiam ecclesiasticam erogate, pauperibus scilicet, peregrinis, viduis, pupillis, aegrotis, » in vineula coniectis, captivis: quibus egentibus, et esurientibus quum subvenire possitis, si alimenta necessaria denegatis, violatae charitatis rei estis in conspectu Domini. » Sylvius in 2. 2. D. Thom. qu. 185. art. 7: concl. 5., nemro plane Doctorum dissentit, ait, sive inter theologos scholasticos, sive morales sive inter iurisperitos, quod peccatum grave in dispensatione superfluum aliter, quam ad pios usus beneficiarius admittat: quamvis dissideant DD. adhuc, dominium ne fructuum superfluum is habeat, an pauperes, et Ecclesia 71.

(3) Apud Luc. cap. 10. vers. 7., et Matth. cap. 10. vers. 10.

(4) Quam initio huiusce tractatus exscripsi Sylvius pag. 2.

(5) Iustin. in l. omnem 42. §. 10. C. de Episc., et clericis.

(6) Constantinus in l. in re mandata si. C. mandati. Ila rationibus freti hanc tenent opinioem Dominicus Sotus, Sylvius, Molina, Wasquez, Covarr. Sarmiento, Marsilius, Gonzalez apud Bened. XIV. de Syn. dioc. lib. 7. cap. 2. num. 7. Pagnanus in cap. si quis sane de pecul. clericor. et Thom. de Rosa de rect. distribut. cap. 2. num. 87., et seq.

(7) Carolus du Fresnoy in glossar. verb. beneficium.

(8) Navarrus, Azarius, Comitulus, N. Alexander, Genettus. Card. Capisucchius apud Bened. XIV. de Synod. dioc. lib. 7. cap. 2. num. 6.

(9) Lucae cap. 11.

theum scripsit (1). Tertullianus de spontaneis fidelium oblationibus loquens : *haec quasi deposita pietatis sunt*, ait; nam non epulis, non potaculis, nec in gratiis dispensantur : sed egenis alendis, humandisque, et puellis, re, ac parentibus destitutis, astatque domitis senibus item naufragis, et si qui in metallis, insulis, custodiis dumtaxat ex causa Dei sectae alumni confessionis suae sunt (2). A B. Hieronymo dicitur rapina pauperum in domibus sacerdotum, qui sibi Ecclesiae opes thesaurizant. S. Prosper, non proprias sunt, inquit, sed communes Ecclesiae facultates : *si ideo quisquis praepositus fuerit factus Ecclesiae, efficitur dispensator* (3). Ioannes III. in Conc. Lugdunensi f. res Ecclesiae gentium substantiam appellavit (4). Martinus Bracaraensis de potestate Episcopi in rebus Ecclesiae dispensandis ait : *participare cum oportet, quae necessaria sunt. Si tamen ipse, aut qui cum eo sunt fratres, indigerint aliquo, ut necessitatem nullo modo patiantur, secundum Apostolum dicentem : victu, et tegumento his contenti simus. Sin autem Episcopus, vel qui cum eo sunt presbyteri, aut diaconi ea, quas vel ex redditu, vel ex quolibet actu Ecclesiae veniant, in sinus suos colligunt, et pauperes fraudant, et fame conficiunt, hos corripit oportet* (5). Itaque sanctorum Patrum traditione novimus res Ecclesiae vota esse fidelium, pretia peccatorum, et patrimonia pauperum (6). S. Bernardus inde colligit : *quidquid praeter necessarium victum, ac simplicem vestitum de altari retines, tuum non est, rapina est, sacrilegium est* (7). Adde canonem Concilii Toletani II, quo clericis permisum fuit agellos, vel vineolas in terra Ecclesiae constructas possidere usque ad sui obitus diem sustentandae vitae causa, non fruendi (8). Si ergo res Ecclesiae non quasi proprias, sed quasi communes habendae sunt, quum de communi nullus dicat, hoc est nec de rebus Ecclesiae, haec est mea... pis, et religiose possunt distribui, ut ex his, quae sibi assignata sunt, primum sibi necessaria percipiat : si quas vero suis necessitatibus supersunt, in communes usus Ecclesiae expendat, Gratianus docet (9). Ita stipendium clericis collaborantibus debitum ad necessaria vitae alimenta redigitur, non ultra extendendum. Nam oportet eos gratis dare, quod gratis a Domino acceperunt (10).

(1) Ep. I. ad Timotheum cap. 6.

(2) Tertullian. in apologet. cap. 39. Ex Concilio Antioch. an. 341. can. 25. Episcopus habet rerum Ecclesiae potestatem, ut eas in omnes indigentes dispenset. Videntur, ait S. Augustinus ep. 50, alias 185, quod male fecerint Principes, et alii dando divitias et Praelatis. Dicendum, quod non dederunt propter se, sed propter pauperes, et ideo non dederunt eis, sed pauperibus : Praelatis autem dantur tamquam dispensatoribus.

(3) S. Prosper in can. expedit 13. C. 12. qu. 1., et rursus in can. si quis 8., et can. sacerdos 9. C. 1. qu. 2.

(4) Conc. Lugd. I. an. 570. in cap. qui res Ecclesiae 2. de reb. Eccl. non alien.

(5) Conc. Martini Papae an. 649. in can. Episcopus 7. C. 10. qu. 2.

(6) Ex lib. 1. Capitular. Gratian. in can. quia iuxta C. 16. qu. 1.

(7) S. Bernard. ep. 2. ad Fulconem.

(8) Tolet. II. an. 83. in cap. fin. de pecul. cleric.

(9) Gratianus suis ita verbis docet post can. 27. C. 12. num. 1, ubi quaerit utrum liceat clericis proprium habere.

(10) Apostolus I. ad Corinth. cap. 9. vers. 15., et seq. haec habet : « Si evangelizavero, non est mihi gloria, necessitas enim mihi incumbit. Vas enim mihi est,

XX. Haec sententia quidem in foro poli tutior non vetat Praelatis, et clericis beneficiariis suis alere domesticos, et consanguineos pauperes, sed locupletari solum eos proventibus ecclesiasticis, nimirum communi pauperum patrimonio. Quia, ut monet S. Ambrosius, *perfecta liberalitas fide, causa, loco, tempore commendatur, ut primum operis circa domesticos fidei* (1). Est probanda illa liberalitas, ut proximos seminis tui non despicias, si egere cognoscas. Melius, ut ipse subvenias tuis, quibus pudor est ab aliis sumptum deprecere, aut alicui postulare subsidium necessitati: non tamen, ut illi ditiores eo fieri velint, quod tu posses conferre inopibus. Neque enim propterea te Domino dicasti, ut tuos divites facias: sed ut vitam tibi perpetuum fructu boni operis adquiras, et pretio miserationis peccata redimas tua (2). Idipsum docet S. Augustinus (3), suoque decreto firmat Tridentina Synodus (4).

XXI. S. Thomas in eiusmodi quaestione distinguens, aliter dicendum est, ait, primum in quodlibetis, de illis ecclesiasticis bonis, quae principaliter sunt attribuenda necessitatibus pauperum, et ex consequenti necessitatibus ministrorum, sicuti sunt bona hospitalium, et aliorum huiusmodi, et aliter de illis bonis, quae sunt principaliter attributa usibus ministrorum, sicuti sunt praebendae clericorum, et alia huiusmodi. Nam in primis bonis peccatum committitur non solum ex abusu, sed etiam ex ipsa rerum conditione, dum aliquis in suos usus assumit quod est alterius: et ideo tenetur ad restitutionem, tamquam defraudator rei alienae. In secundis vero bonis non committitur peccatum, nisi per abusum, sicut et de bonis patrimonialibus dictum est: unde non tenetur quis ad restitutionem, sed solum ad poenitentiam peragendam (5). Deinde in summa theologica eandem resumens quaestionem: de suis autem ecclesiasticis proventibus, inquit, quae sunt specialiter suo usui deputata, videtur esse eadem ratio, quae

1 si non evangelizavero, si enim volens hoc ago, mercedem habeo: si autem invitus, dispensatio mihi credita est. Quae est ergo merces mea? ut Evangelium praedicans sine sumptu ponam Evangelium, ut non abutar potestate mea in Evangelio 2 Hanc Apostoli sententiam S. Augustinus exponens lib. de Pastoribus, et ovis cap. 2. ait: 3 Clericis ergo non redditur substantia necessitatis a populo, quasi merces illis, qui sibi in charitate servant, sed tamquam stipendium, 4 quo ut possint laborare, pascantur. Quare veri Christi ministri non evangelizant 5 ut manducent, et propterea secundum Apostolum non in victu constituunt finem evangelizandi, sed ipsius victus sui finem in Evangelio collocant. 6

(1) S. Ambros. in can. non satis est 14 dist. 86.

(2) Idem in seq. can. 16.

(3) S. Aug. lib. 1. de doct. Christ. cap. 29. e Omnes aequae diligendi sunt, ait, sed quum omnibus prodesse non possis. his potissimum consulendum est, qui pro locorum, et temporum, vel quarumlibet rerum opportunitate constrictius tibi quasi quadam sorte iunguntur 2.

(4) Trid. in cap. optandum 1. sess. 25. de ref. Episcopis interdictum, ne ex redditibus Ecclesiae consanguineos familiares suos augere studeant, cum et Apostolorum canones prohibeant, ne res ecclesiasticas, quae Dei sunt, consanguineis donent, sed si pauperes sint, iis ut pauperibus distribuunt, eas autem non distrahant, nec dissipent illorum causa. Quae vero de Episcopis dicta sunt, eadem in quibuscumque beneficiis ecclesiasticis tam secularia, quam regularia obtinentibus pro gradus sui conditione observari decrevit.

(5) S. Thom. quodlibet. 6. qu. 7. art. 12. ad 3. Id quo scripsit circa an. 1257.

est de bonis propriis (1). In partes quisque suas Anglicum Doctorem vertere studet, qui alterutram sectatur opinionem.

XXII. Distinctione tandem alia alii opiniones discordes componunt, et arbitrantur beneficiarios cum libera administratione proventuum ecclesiasticorum, quales sunt Episcopi etiam regulares, Praelatique inferiores post mortem subiecto spolio inferius explicando, quamdiu vivunt incolumes, aequari usufructuariis, quoniam suum utendi fruendi ius morte finitur: infirmos vero, mortique proximos comparari usuariis, quippe qui causa mortis disponere de fructibus intuitu Ecclesiae quaesitis, spolioque subiectis nequeant, nisi in Ecclesiae suae utilitatem. Ceteros vero beneficiarios annuam pro transacto spolio quotam Camerae apostolicae solventes, quibus Apostolica Sedes, vel consuetudo induisit facultatem testandi ob onerosam spoli transactionem, fructuariis omnino pares faciunt in vita perinde, ac tempore mortis, cum pleno iure utendi fruendi fructibus omnium iam perceptis, atque a solo separatia beneficiorum suorum, de hisque ad libitum disponendi inter vivos, et causa mortis, et suos ad heredes profanos ab intestato etiam transmittendi. Hanc distinctionem a Glossa traditam (2) probavit Rota Romana (3), et usu receptam in foro externo, Ecclesiaeque disciplinae recentiori conformem esse Doctores plerumque affirmant (4).

XXIII. Apparet exinde conditio beneficiarium, qui apostolicum testandi indultum non habeant, in vita, quam in morte potior. Propterea quod inter vivos donare irrevocabiliter, ac distrahere possunt fructus ecclesiasticos iam sibi quaesitos, ac causa mortis donationes ipsorum, et quae post mortem sint effectum consecuturæ, quamvis instrumento inter vivos cum clausula *nunc pro tunc* fuerint conceptae, quemadmodum et legata, et dispositiones testamentariae nullo pacto sustinentur. Clemens VIII., et Benedictus XIII. invalidas ipso iure declarant donationes inter vivos etiam factas cum reservatione usufructus, vel usus ipsimet Episcopo, seu Praelato donanti, quae scilicet in vita donantium sortitae suam non sint executionem (5). Ut enim usufructus ipse utendo re ipsa, et consumendo fructus facit suos, quum personale ius suum utendi nequeat ab se in alios, nec etiam ad heredes transmitti: ita fructus Ecclesiarum non consumpti, sed extantes a morientibus clericis usuariis non possunt ad profanos heredes, vel donatarios transire, sed ad ipsius Ecclesiae dominium, ac proprietatem redeunt, statim ac desierit eorum administratio, et usus per mortem. Profecto canones non patiuntur liberam administrandi, ac dispensandi potestatem clericis, donec vivant, concreditam extendi, vel conferri in tempus, quo ipsi nec beneficiarii, neque admini-

(1) Idem in summa theologiae, quam hortante Clemente IV. conscripsit, absolutique anno circiter 1269. in 2. 2. quæst. 185. art. 7.

(2) Gl. in cap. *praesenti de off. ord. in VI. verb. reservari.*

(3) Rota apud Redoanum *de spoliis* in Romana, seu Vercellensi pecuniar. dec. 1. num. 7. in Usellensi spoliis coram Lodovico dec. 3. num. 1. et 2. coram Blanchetto in nullius, seu Romana pecuniaria dec. 4. n. 7, apud Cavalcantum dec. 104, tum dec. 442. num. 4. par. 4. rec. to. 1, alibi que passim.

(4) Thom. de Rosa in tract. *de recta distribut. cap. 3. n. 124.*

(5) Rota apud Redoanum cit. dec. 3. num. 31. Videtur dicenda inferius.

stratores sunt amplius. Id autem patebit apertius in capite de spolio beneficiorum, in quo varias fructuum species distinguere oportet.

XXIV. Sane fructus alii sunt *naturales*, aliique *civiles*. Dicuntur *naturales*, quos Natura producit ex ipsa re frugifera, aut sponte magis, quam diligentia hominum, ut poma, nuces, ligna. foenum: *industria* magis hominum, quam naturali foecunditate, ut aegetes, legumina, cetera in agris sata, quae sine labore, industriaque humana quam non producantur, iure merito dicuntur *industriales* (1). Qui vero non ex corpore foecundo rei naturaliter, sed extrinsecus occasione rei locatae, aut operae, vel pecuniae creditae percipiuntur, eos appellant *civiles*, quales sunt usurae, annui pecuniarum redditus, mercedes, pensiones. Si peculiaris vocabuli notio spectetur, iste *fructus* proprie non sunt (2): sed quia vicem fructuum supplent, inter fructus numerantur (3).

XXV. Agros etiam frugiferos, et foecunda praedia, quoties dominus vel fructuarius locaverit, certum canonem, seu pensionem a conductore accepturus, aut pecuniae numeratae, aut frumenti, vini, olei, aliusve rei: non naturales tunc fructus percipere ab suis, sed *civiles* a manu conductoris aestimatur. Nam species frugum, et rerum, quae persolvitur pro convento canone, ad qualitatem fructus indicandum non spectatur, sed sola pactio constituti canonis, et pensionis (4). Terminum vero locationis figit mensis potissimum, in quo fructus naturales conductor a fundo separat, et colligit: non dies ad solvendum canonem conductus vel ante, vel post tempus collectionis, aut messis (5). Nam Scaevola Ictus respondit non ad Rempublicam, cui proprietates fundi legata fuerat, sed ad heredem usufructuariae integram pertinere pensionem annuam, quamvis mense Decembri ante Kalendas Martias, quibus solvi pensiones debeant, ipsa decessisset, sublati Octobri mense iam praeterito fructibus (6).

(1) Pomponius in l. fructus 45. D. de usuris. Ut enim canit Virgilius Georg. lib. 2.

Principio arboribus varia est natura creandis.

Namque aliae nullis hominum cogentibus ipsae

Sponte sua veniunt, camposque, et flumina late

Curva tenent: ut molle siler, lentaeque genistae.

Populus, et glauca canentia fronde salicis

Pars autem posito surgunt de semine, ut altae

Castaneae . . .

Scilicet omnibus est labor impendendus, et omnes

Cogendae in sulcum, ac multa mercede domandae.

Sed truncis oleae melius, propagine vites

Respondent. . . .

Pecundum foetus, lac, pilum, lanam alii inter fructus naturales spontaneos, inter industriales alii referunt.

(2) Pomponius in l. usurae 121. D. de verb. sign. *usura pecuniae*, quam percipimus, inquit, *in fructu non est: quia non ex ipso corpore, sed ex alia causa est, nimirum ex nomine debitoris.*

(3) L. 19., 34., et 36. D. de usuris, l. mercedes 29. D. de petit. heredit.

(4) Covarr. 10. 2. lib. 1. var. cap. 15. n. 11.

(5) Cavalean. dec. 104. n. 5. Quidquid contra senserit Ventriglia in praxi par. 2, adnotat. 16. n. 36.

(6) Scaevola in l. defuncta 58. D. de usufructu. Ceterum si imperfecto tempore

XXVI. Consumatos praeterea fructus distinguere ab extantibus debemus: nec non *perceptos*, seu *exactos a pendentibus*, et *inexactis*. Quandoquidem clerici beneficiarii de *consumptis* Deo soli rationem reddunt, *extantes* autem inter vivos distrahunt, causa mortis donare prohibentur, qui nullum de iis testandi indultum habeant, *pendentes*, et *inexactos*, vel Ecclesia, vel Camera apostolica percipit iure spoli.

C A P. XVIII.

De vacationibus beneficiorum.

- I. *Vacat Ecclesia, quae suo caret beneficiario.*
- II. *Vacatio autem vel voluntaria est ob renunciationem, et permutationem:*
- III. *Vel necessaria: quae aut contingit de iure, aut de facto, aut de iure simul, et facto, aut per sententiam iudicis.*

I. Vacare beneficium, et Ecclesia dicitur, quae suo caret beneficiario, seu Praelato, seu rectore: quemadmodum Iureconsulti *vacare* aiunt loca, et *vacantia* bona nuncupant, quae vacua sunt, suumque possessorem, vel heredem non habent (1).

II. Duobus generatim modis, praeter obitum naturalem, vacatio beneficiorum contingit, vel scilicet *voluntariis*, vel *necessariis*. Voluntarii sunt *renunciatio*, seu *resignatio*, et *permutatio*, quae nonnisi libera beneficiorum voluntate fiunt.

III. Necessarii autem, invitis fere possessoribus, aut ob *pluralitatem* incompatibilium beneficiorum, aut in *poenam* patrati criminis, vel desertae militiae clericalis contingunt multipliciter: nimirum vel *ipso iure*, vel *ipso facto*, vel *ipso iure simul, ipsoque facto*, vel *per sententiam iudicis*. De omnibus singularim dicendum superest, et primo de vacationibus voluntariis.

C A P. XIX.

De renunciatione (*)

- I. *Renunciatio, et resignatio pro spontanea beneficii dimissione: cessio pro commendae abdicatione accipitur.*

locationis usufructus interierit morte fructuarii; quod superest ex tempore condito, ad proprietarium pertinebit; quod praecessit interitum, ad heredem fructuarii, ex responso Pauli in l. si operas 26. D. eodem. Consonat Ulpianus in l. sed etsi quid 25. §. 2. D. eodem.

(1) Ex tit. C. de bonis vacantibus, et tit. D. de vacationibus munerum.

(*) Ad tit. IX. lib. I. Decretalium.

- II. Invitos quandoque ad renunciandum, et cedendum beneficia, et commendas cogi clericos iura statuunt.
- III. Sine Superioris auctoritate ab Ecclesia propria recedere canones vetant clericis, quemadmodum leges decurionibus, et magistratibus derelinquere sedes suas.
- IV. Imperfecta, et irrita quaevis renunciatio est, quoadusque a Superiore admittatur.
- V. Ea ideo potest re integra revocari, nisi ex causis legitimis eam debeat Superior perficere.
- VI. Pura, et simplex renunciatio, cuius est usus antiquissimus, longe differt a conditionali, quae recentior est.
- VII. Puram, et simplicem Ordinarii locorum communi iure approbant, servata forma Tridentini, et constitutionum apostolicarum.
- VIII. Conditionalem in alicuius favorem, aut cum reservatione pensionis potest Papa solum admittere, nullo etiam simoniaco pacto, aut pensionis onere affectam.
- IX. Nec personis a renunciente quomodolibet designatis, nec illius, aut suis consanguineis, vel familiaribus possunt Ordinarii resignata beneficia libere conferre.
- X. At patronis licet suos etiam consanguineos, familiaresque praesentare ad beneficia iurispatronatus sine ulla conditione coram Ordinariis renunciata.
- XI. Post perfectam liberi etiam beneficii renunciationem renuncianti licebit citra fraudem Ordinario commendare aliquem nec sibi, nec Ordinario consanguineum, vel familiarem.
- XII. Beneficia resignari cum onere pensionis, et pacto eam cassandi nullatenus possunt, nec vacatura ob imminentem incompatibilis assecutionem.
- XIII. Undecim causas resignandi beneficia inferiora S. Pius V. probavit, sex in episcopalibus Ecclesiis dimittendis Innocentius III.
- XIV. Coram Ordinariis intra mensem perficiendae sunt renunciationes, intra menses tres publicandae.
- XV. In favorem certae personae resignans debet suum in Cancellaria apostolica consensum praestare, datisque ab eo pluris mandatis ad resignandum, et consentiendi expeditioni bullarum, primus consensus praevalebit.
- XVI. Procuratori suo resignans debet inter alia tribuere facultatem expressam consentiendi bullarum expeditioni, et vicissim resignatarius acceptandi resignationem cum onere pensionis, et consentiendi bullae pensionis.
- XVII. Mandata hinc ad resignandum, hinc ad acceptandum nul-

lo temporis lapsu olim expirabant: nunc post octo menses citramontana, intra duodecim ultramontana expirant: simul, et morte resignantis re integra.

XVIII. Si resignantis quum sani, tum infirmi mors intra 20. dies a die consensus in Cancellaria praestiti decurrens acciderit: mandatum resignandi, re etiam non integra, evanescit.

XIX. Revocatio insuper mandatum extinguit re integra, statim ac erit rite nunciata.

XX. Mandato ad resignandum in Papae Cancellaria exhibito, non licebit amplius Ordinariis dioecesanis puram quoque renunciationem admittere.

XXI. Simulas, occultasque resignationes multi Pontifices quum vetassent, orta inde fuit Cancellariae Regula de publicandis resignationibus, quam Galliae Senatus acceptavit, legemque illius regni perpetuum fore statuit.

XXII. Ea et rationi, et Iuri etiam communi consentanea videtur.

XXIII. Necessitatem, et formam publicandi resignationes, poenasque non publicantium edixit curatius perpetua constitutione Gregorius XIII, amota Regulae mobilitate. Sex menses citramontanis apud Sedem Apostolicam resignantibus praefixit ad publicandum in Cathedrali, et beneficiati Ecclesia, vel parochiali inter Missarum solemnia, et per edictum ad earundem Ecclesiarum valvas. Irritas voluit resignationes ita non publicatas, et resignata beneficia vacare ipso facto, et impetrantibus conferri. Annalem, ac triennem possessionem resignatariis nil suffragaturam. Resignationes coram Ordinariis intra mensem perficiendas fore sub poenis eisdem sanxit.

XXIV. Impetrationes beneficiorum vigore constitutionis Gregorinae vacantium ex neglecta publicatione resignationis iamdudum heic usu viquerunt.

XXV. Benedictus XIV. tandem Gregorii VIII. constitutionem firmavit, fraudesque in eam detectas abolevit.

XXVI. Omissam publicationem debet impetrans probare.

XXVII. Pactiones illicitas, et simoniacas apostolici executores inquirant.

XXVIII. Dimissa beneficia recuperant, qui ea dimiserint ignorantes reservationem, affectionemve alterius nulliter obtenti.

XXIX. Ad renunciata, vel dimissa beneficia regressum canones vetant generatim.

XXX. Papa nonnumquam indulget regressum, praetereaque accessum, et ingressum.

XXXI. Praesertim in odium eorum, qui pensionem resignati non solverint.

XXXII. Improbas pactiones resignantium numquam probat, sed immo proseribit Sedes Apostolica.

XXXIII. Sine consensu patronorum beneficia resignare in favorem non licet.

I. Renunciatio apud Canonistas est spontanea dimissio beneficii ecclesiastici ob causam a Superiore cognitam, et probatam. Ipsam Innocentius III. (1), et Bonifacius VIII. (2) resignationem appellant. Eamque Doctores a cessione distinguentes, aiunt beneficia in titulum obtenta renunciari, vel resignari: commendata rectius cedi, quam renunciari. Huiusmodi distinctionem Cancellariae Regula de viginti inferior explicanda (3) sectatur apertissime. Hinc mandatum in Cancellaria apostolica exhibitum renunciandi beneficia non extendi ad commendas, observat Rebuffus (4). Ab utraque distinguere insuper oportet abdicationem, et dimissionem officii, quae spontanea est repudiatio muneris, declaratio se nolle magistratum amplius gerere, sine cuiuspiam iudicio, et approbatione.

II. Spontanea esse debet renunciatio, non coacta. Si enim extorta per vim fuerit, irrita est, et compellentes nedum excommunicationis poenam incurrunt, verum etiam si Praelati fuerint, suspensionem ii a percipiendis fructibus per triennium incurrunt, inferiores obtentis beneficiis ipso iure privantur (5). Attamen Episcopi diffamati pro vulgatis criminibus, vitandisque scandalis cogi a Papa ad dimittendam Ecclesiam possunt (6): idemque dicendum de Parochis scandalosis (7); retinens praeterea quilibet praebendam ipso iure vacantem cogendus est ea resignare ex textu Innocenti III. (8).

III. Ex Apostoli praecepto unusquisque in sua vocatione maneat (9), olim in omnibus beneficiorum titulis erat grave pisculum deserere Ecclesiam, cui inserviebant clerici, ad eamque redire censuris ecclesiasticis cogebantur ex Nicaeno canone (10). Istamquo disciplinam studuit Concilium Tridentinum innovare, ubi sanxit, ut quivis ex ordinatis clericis suum inconsulto Episcopo locum deseruerit, ei sacrorum exercitium in-

(1) Innoc. III. in cap. apud in dubiis 8. de renunc.

(2) Bonif. VIII. in cap. quoniam 1. eod. tit. in VI.

(3) Num. 19.

(4) Rebuff. in prax. benefic. tit. de commenda num. 37.

(5) Clem. tantorum 2. de poenis.

(6) Innoc. III. in cap. nisi cum pridem 10. de renunciati.

(7) De Nigris lib. 2. cap. 3. n. 17.

(8) Innoc. III. in cap. litteras 9. de concess. praeb.

(9) I. ad Corinth. cap. 7. vers. 2., et 24.

(10) Conc. Nicaenum can. 15., et 16. relato in can. non oportet 19., et can. si qui vero 23. C. 7. qu. 1, ibi: si qui vero recesserint ab Ecclesia sive presbyter, sive diaconus, vel in quocumque ecclesiastico ordine positi fuerint, hi non debent suscipi in alia Ecclesia: sed omni necessitate cogantur, ut redeant ad Ecclesiam suam: quod si permanserint, excommunicari eos oportet. Consonant alia plura Concilia ibidem relata per Gratianum, et decretales Alexandri III. in cap. admonet 4. de renunc. Conc. Lateranen. IV. sub Innoc. III. cap. 28., et Basileense sess. 23.

terdicatur (1). Id consentaneum legibus etiam civilibus est (2). Ex Codicia rubrica *si curialis omissa civitate rus habitare mauerit*, facile colligitur subditos posse ad Urbem incolendum compelli. Adscriptitii pariter, et conditionales homines suum deserere officium prohibentur (3): qui suo a munere si recedant, furtum sui facere dicuntur, et velut fugitivi repetendi sunt (4). Desertores etiam militiae ad auxilium ducem cum elogio, seu litteris testimonialibus remittendos lex iubet (5). Barones pariter, et feudatarii e Regni finibus, regique ministri e loco iudicii nequeunt impunes sine Regis permissu discedere.

IV. Iure hinc merito clericeis, inconsulto Episcopo, vel Summo Pontifice eatenus non permittitur beneficia sua renunciare (6): ut renunciatio habetur irrita, nisi ab ecclesiastico Superiore probata ea sit, et quousque pendeat Superioris admisso; nullam beneficii vacationem pariat, sed possessionem resignans ipse retineat, fructusque percipiat. At rerum experientia nunc docet, quod locorum Ordinarii; et Praelati ecclesiastici potius exoptant, quam respuunt, libentissimoque magis, quam aegro animo accipiunt spontaneas, et liberas beneficiorum renunciationes, cessantesque commendarum, ut valeant suam erga alios munificentiam exercere in conferendis vacantibus beneficiis.

V. Praeterea resignanti licebit re integra poenitere, a resignatione rescilire, mandatumque procurationis ad resignandum revocare (7). Qui tamen cedendi licentiam cum instantia postulantes cedere promittunt, quum in postulatione huiusmodi, aut Ecclesiarum commoda, quibus praesunt, aut salutem videantur propriam attendisse, eos ad renunciandum decrevit compellendos Innoc. III. (8). Nam illusio, et variatio in personis ecclesiasticis vitandae maxime sunt (9). Et quamvis Innocentius idem (10) rescripsit eum beneficio spoliandum fore, qui illud in manum laicam resignasset: inferri exinde nequit renunciationem sine consensu Episcopi in manus patroni laici factam valere, quum *resignatio facta laico nullam obtineat firmitatem* (11). Spoliabitur ergo renuncians beneficio invalide renunciato in poenam renunciationis in manibus laici attentatae. Sed antequam revocatio mandati ad renunciandum, vel poenitentia renunciationis innotescat mandatario, vel superiori, poterit utique Superior eam adprobare, beneficiumque renunciatum, ut vacans alteri conferre: nisi dolus, vel ma-

(1) Trid. sess. 23. cap. 16. de reform.

(2) Ulpian. in l. 1. D. de curionibus, et filiis eorum sic censuit: *decuriones, quos sedibus civitatis, ad quam pertinent, relictis in alia loca transmigrasse probabitur. Praeses provinciae in patriam solum revocare: et muneribus congruentibus fungi curet*. Insuper ex l. 35. §o. 2. et 35. C. eod. tit. decuriones obstringuntur in originariis Curia perseverare.

(3) L. defensionis C. de iure fisci.

(4) L. eum satis C. de agricolis, et censitis.

(5) L. 3. D. de re militari.

(6) Cap. admonet 4. de renunciatione, quod supra laudavi cap. 5. num. 63.

(7) Flam. Parisius lib. 1. q. 12. n. 6.

(8) Innoc. III. in Conc. Later. IV. cap. quidam cedendi 10. de renunc.

(9) Clem. un. de renunc.

(10) Innoc. III. in cap. quod in dubiis 8. de renunc.

(11) Innoc. III. ibidem.

litia impetrantis intercesserit occultando revocationem, ac poenitentiam (1). Stylus tamen invaluit (2) in Romana Curia non perficiendi negotium inceptum resignationis etiam admissae per Papam, et signatae in favorem alterius per rescriptum fiat, ut petitur, si resignans eam revocaverit, antequam consensum in Cancellaria apostolica super expeditione bullarum ipse praestitisset (3). In coadiutoriis etiam requiri eiusmodi consensum coadiuti, monet Riganthus (4).

VI. Duplex est renunciatio: *simplex* videlicet seu *pura*, et *conditionalis*, seu *in favorem*. Renunciatio *simplex* in Superioris manibus pure fit sine reservatione aliqua, sine pacto, et sine conditione. *Conditionalis* fit in favorem alicuius certae personae, hoc pacto, ut si ea ipsa persona beneficium ita renunciatum tum reapse obtinuerit, renunciatio habetur irrita, et infecta ob deficientem eiusmodi conditionem, et clausulam non aliter, nec alio modo. Nam conditio, vel modus quoadusque impleatur, beneficium manet resignanti, ab eoque nullum omnino ius abdicatur, nisi postquam resignatarius vere sit illud adeptus (5). Quin etiam potest resignans incumbere possessioni, et fructus sibi reservare ad illum usque diem, in quo resignatarius actu acceperit possessionem (6). Addit Parisius (7) resignationes in favorem usu non fuisse temporibus Alexandri III, Innocentii III, et Clementis V, nullumque vetustiores canones verbum de ea fecisse, quum de simplici tantum resignatione loquantur textus Decretalium, et Clementinarum: sed invaluisse circa initium saeculi XVI (8).

VII. *Simplices*, et *puras* renunciations quilibet Episcopus, et loci Ordinarius potest generatim admittere: dummodo renuncians ad sacros Ordines promotus non sit ad titulum illius beneficii, quod dimittere velit (9). Eo enim casu Concilium Tridentinum (10) sancivit renunciationem talis beneficii nullatenus admittendam, nisi constiterit renunciantem aliunde posse commode vivere, aliter facta renunciatio irrita est. Exprimere hinc oportet renunciantem ipsum titulo illius beneficii, quod resignatur, fuisse ordinatum. Si quis forte Religionem ingressurus, ait, Benedictus XIV, beneficium suum dimitteret (quo casu potest Episcopus per constitutionem LV: S. Pii V. huiusmodi renunciationem admittere) vel etiamsi tempore novitatus huiusmodi dimissionem expleret servatis omnibus, quae ex praescripto S. Trid. Conc. cap. XVI. sess. 25. de Regul. tam in bonorum temporalium, quam in beneficiorum ecclesiasticorum renunciationibus servari debent: nihilominus omnia in suspenso remanere deberent, neque posset Epi-

(1) Clemens V. in Conc. Vienn. in *Clem. un. de renunci.*

(2) Ex regula 45. Cancellariae de consensu in resignationibus.

(3) Parisius cit. q. 12., et Io. Kochier in *comm. add. Reg. n. 24.*

(4) Riganthus tom. 3. pag. 386. n. 38.

(5) Parisius lib. 3. n. 11., et seq.

(6) Paris. *ibid.* q. 7. n. 9.

(7) Paris. lib. 1. de resignatione benef. qu. 2. num. 3.

(8) Videsis Thomassinus de vel. et nov. Eccl. discipl. par. 2. lib. 2. cap. 57. 58., et 59. Ubi de Episcopis, et Abbatibus quandoque nonnisi urgente utilitatis causa, aliave canonica, sedes suas ad favorem resignabant, et successores denominabant.

(9) Fagnanus ad cit. cap. 4. de renunci. n. 12.

(10) Conc. Trid. sess. 21. cap. 1. de reform.

scopus ad beneficii sic dimissi collationem devenire, nisi post factam a dimittente solemnem professionem (1).

VIII. At conditionales resignationes in favorem cuiuslibet Summus tantum Pontifex potest hodie adprobare de stylo Curiae Romanae (2). Nam ea in beneficiis resignanda conditio, ut alicui certae personae conferantur, continet in re spirituali aduexam pactionem illicitam, et humano canonum iure prohibitam, cui non alius, nisi Papa poterit dispensationem indulgere (3), et Sedia Apostolicae delegatus. Bonifacius VIII. Episcopo Praenestino suo in Gallias legato facultatem mandavit recipiendi auctoritate apostolica resignationes beneficiorum liberas in manibus suis faciendas, et conferendi resignata personis idoneis (4). S. Pius V. aperte prohibuit, ne resignationes in favorem coram Ordinario umquam fierent etiam in casibus, in quibus canones probant coram Ordinario simplicem renunciationem. Sacris enim canonibus quum sit ecclesiasticis personis prohibitum quaerere, aut eligere sui vel officii, vel beneficii successorem; necessaria ideo est apostolica dispensatio in admittenda resignatione ad favorem cuiuslibet, etiamsi resignatarius ad obtinenda beneficia sit idoneus, et capax, atque a renunciente nominetur sine ulla pactione simoniacae, qui nullam scilicet pecuniam, aliamve rem temporalem dederit, vel promiserit, et sine ulla reservatione pensionis. Id quod in beneficiis quoque iurispatronatus locum habet, etiamsi ea ad regiam pertineant praesentationem, aut collationem. Quare Xystus V. die 28. Iulii 1587. canonicatum Ecclesiae Lucerinae de regio iurispatronatus contulit Jo. Mariae Pallavicino, in cuius favorem Aloysius Wasquez illud renunciaverat (dummodo ad id accederet Regis consensus) annuatim sibi pensionem reservans. Pluribus aliis etiam resignationibus decanatus, archidiaconatus, aliarumque dignitatum, et canonicatum eiusdem Ecclesiae Lucerinae in manibus Summi Pontificis factis cum reservatione pensionis suum Reges ad sensum impertiti sunt, in bullis etiam pontificiis reservatum, et expressum (5). Excipe personatus hispanos provinciae Cataloniae, ubi consuetudo viguit erigendi beneficia ecclesiastica (personatus inibi appellantur) hoc pacto, ut possessores eorumdem possent usque ad tertiam nominationem sibi successores designare, dein personatus huiusmodi extinguerentur, eorumque bona in causam piam erogarentur (6).

IX. Caveant autem Episcopi (S. Pius V. ait), et alii praedicti, itemque omnes electores, praesentatores, et patroni tam ecclesiastici, quam laici quicumque sint, ut non verbo quidem, aut nutu, vel signo futuri in huiusmodi beneficiis, et officiis successores ab ipsis resignantibus, aut aliis eorum si-

(1) Bened. XIV. in const. ex quo dilectus 25. to. 2. Bullarii, ubi collaudat auctoritatem Io B. Riganti. in comm. ad Reg. 46. Cancell. n. 2. tom. 3. Videsis dicta superius cap. 10. n. 31., et dicenda mox num. 13.

(2) Rebuffus in praxi par. 3. tit. de resignatione conditionali, et Garzia de benefice. par. 11. cap. 3.

(3) Cap. fin. de pactis.

(4) Bonif. VIII. in cap. dudum 14. de praebendis in VI.

(5) B. Chioccarelli. tom. 7. Archiv. tit. 3.

(6) Ex Rota coram Aldovrando, et Millino, ex Synodo Terraconensi, et DD., quos laudat, et sequitur Rigantius in par. 1. Reg. IX. Cancell. §. 2. n. 21. et seq. Videsis dicenda inferius.

gnificatione, vel hortatu designentur, aut de his assumendis promissio inter eos, vel etiam intentio qualiscumque intercedat. Praeterea interdixit ibidem Pontifex, ne ipsi Episcopi, aut alii collatores de beneficiis, et officiis resignandis aut suis, aut dimittentium consanguineis, affinibus, vel familiaribus etiam per fallacem circuitum multiplicatarum in extraneos collationum, valeant providere: quod si secus, ac etiam quidquid praeter, vel contra formam praedictorum fuerit a quocumque temere attentatum, id totum nunc vires, et effectum decernimus non habere (1).

X. Gregorius XIII. autem declaravit beneficia iurispatronatus non comprehendi in Piana ista constitutione (2), qua prohibetur Episcopis beneficia in eorum manibus resignata tam ipsorum Episcoporum conferentium, quam resignantium affinibus, consanguineis, vel familiaribus conferre (3).

XI. At resignatione confecta posse Ordinarium a resignante rogari, ut conferat beneficium certae nominatim personae sine peccato in foro conscientiae, et sine labe simoniae, censuit Rota (4): laqueum enim humanis animis iniicere non debemus ex Apostoli monito (5).

XII. Benedictus XIV. beneficiorum resignationes cum reservatione pensionis, et pacto eam cassandi prohibet, et irritat (6). Et quoniam Sedi Apostolicae reservata sunt beneficia eorum, qui alia incompatibilia assecuti fuerint (7): fraus irrepserat in anticipatis resignationibus, quas imperatores beneficiorum incompatibilium faciebant, ut instantem eluderent reservationem. At Paulus V. irritavit anticipatas eiusmodi resignationes, iisque non obstantibus, ea ipsa beneficia declaravit reservata foro (8). Tum Gregorius XV. eandem constitutionem inter suas Cancellariae Regulas inseruit, eiusque exemplum successores Pontifices sequuti, quum in nuperis Clementis XII. Regulis (9) etiam innovata legatur talis reservatio beneficiorum, quae in antecessum resignentur in fraudem reservationis per extravagantem ad regimen inductae, et quae vacarent reservationi obnoxia per pontificiam assecutionem incompatibilis beneficii: Regulam istam habere locum, etiamsi bona fide resignatio facta fuerit, et citra fraudem docet Rigantius (10). Secus vero, si resignaret quis in manibus Summi Pontificis cum clausula *provideri sperans* de altero incompatibili: vel si Ordinarius, non Papa, vel indultarius collator secundum incompatibile contulerit. Nec in beneficiis iurispatronatus laicorum eam vigere, contraria reiecta sententia, tenet ipse Rigantius (11).

(1) S. Pius V. in const. *quum Ecclesiae Dei* 53.

(2) Scilicet in §. *veterum cit.* constitutionis Pianae.

(3) Id ex libris S. Congr. Concilii testatus est Cardinalis Matthaeus, postulante Archiepiscopo Salernitano, et refert Steph. Quaranta in *summ. Bullarum ver. beneficiorum resignationes*.

(4) Rota penes Cassador. *dec. n. de simonia*, et Navarra *cons. 36.*, et 16. *de simonia* in antiquis.

(5) Apostolus I. ad Corinth. cap. 7. *vers. 35.*

(6) Bened. XIV. *const. 30. pag. 4. tom. 1.*

(7) Extravag. *ad regimen de praeb.* innovata per. Reg. I. Cancell.

(8) Paulus V. in *const. 62.*

(9) Clem. XII. in *Reg. 3. Canc.*

(10) Ioannes Baptista Rigantius in *comm. ad d. Reg. 3. n. 74.*

(11) Rigant. *ibidem* n. 106.

XIII. Ex praelaudata bulla S. Pi V. edita die 10, Aprilis 1568. Episcopi, et alii facultatem habentes eorum duntaxat resignationes recipere, et admittere possint, qui aut senio confecti, aut valetudinarii, aut corpore impediti, vel vitiiati, aut crimini obnoxii, censurisque ecclesiasticis irretiti non debent Ecclesiar, vel beneficio inservire. Qui unum aliud, vel plura beneficia obtinuerint, vel quos ad aliud contigerit promoveri. Religionem quoque ingressuri, vel matrimonium contracturi, si statim postea id reipsa exequantur. Denique cum aliquis ex aliis casibus acciderit, qui constitutione fel. rec. Innocentii Papae III. de dimittendis cathedralibus Ecclesiis edita continentur (1). Qui etiam ob capitales inimicitias nequeunt, vel non audent in loco beneficii residere securi: sed nec horum ullus sacro Ordini mancipatus, nisi religionem ingressurus, valeat ullo modo beneficium, vel officium ecclesiasticum resignare, nisi aliunde ei sit, qua in ista possit commode sustentare. Qui vero contra fecerint, ut in eo, in quo deliquerint, puniantur, a beneficiis, et officiis collatione, necnon electione, praesentatione, confirmatione, et institutione, prout cuique competierit, tandiu suspensi remaneant, donec remissionem a Romano Pontifice meruerint obtinere, et qui talia beneficia, seu officia resceperint, eos praedictis poenis volumus subiicere. Et nihilominus in eos, qui sic suspensi conferre, eligere, praesentare, confirmare, vel instituere ausi fuerint, excommunicationis quoad personas: quo vero ad Capitula, et conventus, a divinis suspensionis sententiam ipso facto pronulgamus, Romano Pontifici reservatam (2). Undecim causas resignandi, ex quibus possunt locorum Ordinarii resignationes beneficiorum inferiorum puras admittere, Parisius colligit Pianam constitutionem declarans latissime (3). Sex tantum causas probavit pro Episcopis resignantibus Innocentius III (4), quae his verisiculis in epigraphe eiusdem textus relatis comprehenduntur:

*Debilis, ignarus, male conscius, irregularis, occupatus,
Quem mala plebs odit, dans scandala cedere possit.*

XIV. Gregorius XIII. de beneficiis, quae in manibus Ordinariorum collatorum etiam Cardinalium, et delegatorum etiam specialium Sedis Apostolicae extra Romanam Curiam resignari, etiam ex causa permutationis contigerit, sancit, ut ipsi intra mensem negotium universum admissionis, vel reiectionis resignationis huiusmodi, et (si per eam facienda erit) provisionis resignati beneficii iuxta apostolicas, et alias canonicas sanctiones omnino absolvant. Et qui sic provisorius fuerit, intra tres menses a die tibi factae provisionis illam publicet, et possessionem beneficii capiat modo, et forma supradictis: alioquin illis elapsis nulla sit eius provisio, et beneficium vacare censeatur eo ipso: Ordinariique, et alii praedicti, qui haec non perfecerint, eo casu potestate disponendi de ipsis beneficiis sint ea vice privati, eorumque dispositio sp ipso ad Sedem Apostolicam devoluta existat, et aliis idoneis ab ipsa Sede duntaxat concedatur (5). Sed publicandae resignationis

(1) Innoc. III. in cap. nisi cum pridem 10. de renunc.

(2) Pius V. in const. quanta Ecclesia Dei 58.

(3) Parisius par. 1. lib. 5. q. 6., et Steph. Quaranta ibidem.

(4) Innoc. III. in cit. cap. nisi cum pridem 10. de renunc.

(5) Gregorius XIII. in const. humano viz iudicio §. 12., et 13. De qua fusius infra n. 24.

lex explicationem postulat accuratiorem inferius. Beneficium litigiosum potentiori ne cedatur, legibus, et canonibus cautum est (1): alias irrita cessio erit. Quemadmodum et si cuius fiat ab aliquo reo criminis, quod privationem beneficii ipso facto secum ferat (2).

XV. Conditionalis resignatio ad favorem certae personae in manibus Summi Pontificis tantum fieri potest, ac solet, vel per ipsum resignantem, si in Romana Curia sit praesens, vel per procuratorem euni speciali mandato in forma publici instrumenti, quod Notarius apostolicus debet manu resignantis subscriptum exarare ad vitandas fraudes. Cancellariae enim Regula XLV. voluit, et ordinavit, quod super resignatione cuiuscunque beneficii ecclesiastici, seu cessione iuris in eo, quam in manibus Papae, vel in Cancellaria apostolica fieri contigerit, apostolicas litteras nullatenus expediantur, nisi resignans, vel cedens, si praesens in Romana Curia fuerit, personaliter, alioquin per procuratorem suum ad hoc ab eo specialiter constitutum expeditioni huiusmodi in eadem Cancellaria expresse consenserit, et iuraverit, ut moris est. Et si ipsum resignantem, seu cedentem pluries super uno, et eodem beneficio in favorem diversarum personarum successive consentisse contigerit, voluit, quod primus consensus tenere debeat, et alii posteriores consensus, ac litterae nullius sint momenti. Nec litterae reservationis, vel adsignationis etiam motu proprio cuiusvis pensionis annuae super alicuius beneficii fructibus expediri possint, nisi de consensu illius, qui pensionem persolvere tunc debebit.

XVI. Istud speciale mandatum debet facultatem continere tam renunciandi, vel simpliciter, vel in favorem certae personae certum beneficium, cuius describi, ac exprimi nomen debet, seu titulus, et locus dioecesis, vel Ecclesiae, ubi positum est, et valor annuorum reddituum, nisi coepistoriale sit, ut animadversum supra est (3) quam praestandi consensum renunciationi in Cancellaria pontificia, atque novarum expeditioni bullarum in resignatarii favorem vel simpliciter, vel cum reservatione pensionis annuae tot scutorum cum clausula non aliter, nec alio modo, et iurandi in animam ipsius renunciantis, et constituentis nullam in eadem resignatione fraudem, aut simoniam labem intercessisse. Nec sufficeret mandatum generale cum libera potestate renunciandi omnia beneficia mandantis, ea si per titulum, et locum minime descripta sint. Vicissim resignatarius, nisi praesens in Curia fuerit, mandato etiam speciali constituet procuratorem ad resignationem acceptandam eum eodem iuramento de fraude, ac simonia inde procul habita, et consentiendum reservationi pensionis in favorem resignantis, et litteris apostolicis desuper expediendis. Istiusmodi mandatorum formulae habentur in appendice ad formularium instrumentorum Florentiae impressum anno 1576.

XVII. Mandatum eiusmodi speciale ad resignandum quovis lapsu temporis non expirat, nec dissolvitur umquam: voluntas enim resignandi praesumitur in mandante semper perseverare, quoadusque fuerit revocata, quum nonnisi mutata voluntate mandatum extinguatur (4). Expirat

(1) L. 1., et 2. C. ne liceat potentiori.

(2) Rigant. in Reg. 29. §. 1. num. 25., et seq. tom. 2.

(3) Cap. XII. n. 10.

(4) L. 12. §. penult. D. mandati.

nihilominus per mortem resignantis re integra sequuntur (1), scilicet ante gratiam a Pontifice signatam. Post illam vero poterit procurator specialis inchoatum resignationis negotium perficere, et bullae apostolicae expeditioni consensum rite praestare (2), nisi mora resignantis acciderit intra viginti dies a praesentatione mandati in Cancellaria pontificia computandos. Quandoquidem Regula XX. Cancellariae statuit: *quod si quis in infirmitate constitutus resignaverit aliquod beneficium sive simpliciter, sive ex causa permutationis, vel alias dimiserit, aut illius commendae cesserit, seu ipsius beneficii unionis dissolutioni consenserit, etiam vigore supplicationis, dum esset sanus, signatae, et postea infra viginti dies a die per ipsum resignantem praestandi consensus computandos, de ipsa infirmitate decesserit, et ipsum beneficium quavis auctoritate conferatur per resignationem sic factam, collatio huiusmodi sit nulla, ipsumque beneficium nihilominus per obitum censeatur vacare* (3).

XVIII. Ut ergo vim, effectumque suum habeat resignatio, debet resignans supervivere viginti dies, qui non computantur a tempore mandati procuratoris ad resignandum in favorem certae personae dati, sed a die praestiti consensus in Cancellaria apostolica, seu exhibiti in ea mandati: quum resignationem perficiat huiusmodi consensus, non vero simplex mandatum, seu constitutio procuratoris ad resignandum. Ab hac tamen regula excludebant glossatores olim sanos resignantes (4). At Clemens VII. eandem simpliare coepit ad causam etiam vigore supplicationis, dum esset sanus, signatae. Cuiusmodi verba sequentes Pontifices in eadem Regula quum usurpaverint: ea proinde et infirmorum, et sanorum resignationes aequo iure afficiunt.

XIX. Expirat etiam, quovis tempore ante bullas expeditas revocetur mandatum. Ut vero valeat revocatio irritare procuratoris consensum: debet ea rite nunciari vel officialibus Cancellariae, vel ipsi procuratori. Nam si quis ad cedendum cuiuslibet dignitati, vel beneficio procuratorem sponte constituerit, et ipsum ignorantem postea duxerit quomodolibet revocandum: valida tunc erit cessio per eum facta, priusquam ad notitiam ipsius, eiusve, in cuius manibus esset ea peragenda, revocatio huiusmodi pervenisset (5).

XX. Constituto procuratore ad resignandum in manibus Romani Pontificis, deinceps tunc nequit resignatio fieri coram Ordinario, nisi post mandati revocationem rite nunciatam: quum non liceat recedere a postulatione Papae praesentata, ne Sedi Apostolicae illudatur (6). Adde, quod possit Papa resignationem inchoatam istis ex causis perficere, ubi voluntatem resignantis irrationabiliter, et contra utilitatem Ecclesiae mutata agnovit.

XXI. Simulas, occultasque beneficiorum resignationes multifariam prohibuerunt Summi Pontifices Xistus IV. Innoc. VIII, Clemens VII.

(1) *Clemen. ult. de procurator.*

(2) *Flam. Parisius lib. 9. quaest. 13. n. 18.*

(3) *Regula XIX. Cancellariae de viginti, et olim de infirmis resignantibus.*

(4) *Gomes. ad hanc Regulam q. 7., et Rebuffus gl. 2. n. 13., et seqq.*

(5) *Clemen. un. de renunc. cui consonat l. 15. D. mandati.*

(6) *Innoc. III. in cap. gratum 2. de postul. Praelat.*

Pius IV. et V. (1); alique per Cancellariae Regulam de publicandis resignationibus. His ea veltis occupata fuit. Idem D. N. statuit, et ordinavit, quod quaecumque beneficia ecclesiastica sive in Romana Curia, sive extra eam sint resignata, nisi de illis factae resignationes (si in eadem Curia infra sex menses a data supplicationis, et non praestiti consensus computandos: si vero extra dictam Curiam factae sint, infra mensem ex tunc, ubi talia beneficia consistant) publicatae fuerint. Collationes quoque, et aliae quaecumque dispositiones de illis tamquam per resignationem vacantibus factae, et inde secutae nullius sint roboris, vel momenti (2). Haec Regula, ait Rebuffus in Galliis fuit recepta, et in Curia Parlamenti registrata anno 1493. die 27. Augusti (sub Innocentio VIII): unde est lex Regni effecta, indeoque per mortem Papae non tollitur (3).

XXII. Ab iure communi erant haec Regula videtur. Nam Innocentius III. ad Milani Archiepiscopum rescribens, irritas censuit occultas beneficiorum donationes, et collationes, improba suspicione affectas (4). Idemque in generali Concilio electiones quoque clandestinas reprobavit, statuens ut quam cito electio fuerit celebrata, solemniter publicetur (5). Idque firmavit etiam Bonifacius VIII (6).

XXIII. Ut Regulae illudarent, et iacturam beneficiorum evaderent quum negligentes, tum contemnentes solenniore publicationem: contendebant eam satis expleri ab eo, qui palam in resignati beneficii possessionem coram duobus, tribusve testibus immitteretur. Doctores autem cordatiores, in his Abbas, Panormitanus, et Rebuffus, peculiarem publicandi in ritum ab actu possessionis quantumlibet publicae separatum omnimodis exquirebant (7). S. Pius V. solennem publicandi formam primus edixit, eamque perpetua lege imperavit (8): Dein Gregorius XIII. suam

(1) Pii IV., et V. const. explicui lib. 4. Can. Inst. tit. de simonia.

(2) Eam ita exscriptam habent Sarnus, lo. K. hier, Rebuffus, alii: quam a Xysto IV. proflitam primum fuisse tenent Flaminius Parisius lib. 11. de resign. in praefat. n. 1. post Sarnum, et Rigantius in Reg. IX. tom. 2. n. 172. Ab Inn. VIII. Xysti successore Wanespenius par. 2. tit. 27. cap. 6 n. 2.

(3) Rebuff. in prax. benef. tit. Regula de public. resignat. Hinc pontificias ei Regulae derogationes locum in Galliis inde non habuisse commonent idem Rebuff. Gl. 13. n. 23. Ludovicus Charouda lib. 1. resp. 23. Z. paeus de renunc. n. 2. Georg. Lovetius ad Molineum nota 6.

(4) Innoc. III. in cap. un. ne ecclesiastica benef. sine deminut. confer.

(5) Idem in cap. quia propter 42. de electione.

(6) Bonif. VIII. in cap. quoniam 47. et ult. de elect. in VI. Nos volentes, ait, huic morbo, et fraudibus (puta clandestinae electionis) obviare, sancimus, et confirmationes tales viribus omnino carere, ipsasque decernimus irritas, et inanes. Glossa in eodem cap. quoniam verb. observari loquens de ritibus in electione, et confirmatione publicanda constitutis ait: in provisionibus, vel collationibus tantum puto, et haec fieri.

(7) Rebuffus anno 1540, commentarium Regularum Cancellariae sub Paulo III. aggressus in prax. benef. tit. de publicand. resignat. gl. 10. n. 19, haec scribit contrariam refellens opinionem: aliter parum serviet haec Regula volens resignationem publicari: nam de iure testes debent interesse in adeptione possessionis, sicut in aliis actibus, alias actus non posset probari. Ergo haec Regula requirens publicationem aliquid addit iuri communi. Et quod non dicatur publicatio coram duobus, aut tribus testibus, consuluit Panormitanus cons. 99.

(8) S. Pius V. in const. cogit nos, quam motu proprio tulit die 13. Martii 1567,

edidit constitutionem IX. Kal. Januarii 1583. promulgatam sequenti anno 1584: (1), qua modus, et forma publicandi resignationes explicatius, et accuratius praescribitur perpetuo iure servanda. Posthac omnes, et quaecumque resignationes (ait) etiam causa permutationis, ac commendarum, et etiam litteris apostolicis non confectis, et possessione non habita, nec non litis, et iurium quorumcumque cessiones, ac retrocessiones, quae deinceps de quibuscumque beneficiis ecclesiasticis in nostris, seu Romani Pontificis pro tempore existentis manibus, ac etiam coram notario publico, et testibus fiet, et super eis provisiones, et quaecumque alias dispositiones sive temporales, sive perpetuas publicari debeant cum litteris apostolicis desuper confectis intra sex menses, si beneficium citra montes fuerit: ultra vero, intra novem a data concessionis gratiae, non autem a die praestiti super ea consensus numerandos. Ipsa autem publicatio in Cathedrali, et in beneficii Ecclesia, vel Ecclesiis; si in pluribus illud sit, fiat: ibique dum frequens populus ad Missarum solennia convenerit, palam omnibus litteras apostolicas praedictas, earumque transumptum authenticum exhibeatur, claraque, et intelligibili voce resignatio, seu cessio huiusmodi, ac beneficii qualitas, et invocatio, nominaque, et cognomina resignantis, sive cedentis, ac illius, in cuius favorem gratia huiusmodi facta est, pronuncietur: ut haec omnia possint ad notitiam omnium ibi existentium verisimiliter pervenire, scriptoque de his omnibus exemplo collato, valvis dictarum Ecclesiarum allixum relinquatur. Si vero Ecclesia beneficii ruralis sit, aut populo, conventuque careat: eo casu in parochiali, intra cuius parochiae limites beneficium ipsum consistit, et in Cathedrali Ecclesia, vel si locus bello, seu peste, aliisve manifestis periculis subiaceat, tunc in proxima parochiali, ac etiam in Cathedrali Ecclesia; vel si aditus ad illas, aut utrumvis minime sit securus, in alia Cathedrali, vel parochiali, viciniori periculis immuni publicatio huiusmodi peragatur (2). Quod si quidquam praedictorum omnium omisum fuerit dictis terminis elapsis, omnes dispositiones, et gratiae resignationum, vel cessionum beneficiorum, aut iurium huiusmodi cum omnibus inde secutis, sive de pacificis, sive de litigiosis, sint irritae, et inanes, nullaque, alia gratia super huiusmodi beneficio, sive iure cesso suffragetur: sed ipsi inhabiles, et incapaces sint ad huiusmodi beneficia sic resignata, et cessa quandoque obtinenda: illaque ab ipsa statim prima resignatione, seu cessione, etiamsi alias nullae, et invalidae essent, vacavisse, et vacare cessantur eo ipso: nec resignantibus, seu cedentibus, si postea in sua possessione remanent, constitutiones de annali, et triennali possessore, nec praesumptae, aut facilitae retrocessionis etiam propter diuturnam continuatae possessionis huiusmodi, tolerantiam ullo tempore suffragentur: sed ipsa beneficia, sive iura sic a principio vacantia a Sede Apostolica praedicta dumtaxat impetrari taceant, ac concedi (3). Illorum vero impetrationes nunquam sub clausulis generalibus, vel implicitis comprehendantur, sed specialiter, et expresse ob non servatam praesentis constitutionis formam, et cum declara-

et const. quanta Ecclesiae Dei, edita an. 1568, quas collaudat Benedictus XIV. in Const. Ecclesiastica 10. tom. 2. Bull.

(1) Gregor. XIII. in const. humano vix iudicio 85.

(2) Ibidem §. 8.

(3) Ibidem.

tione nominum, et cognominum resignantis, seu cedentis, et gratiam habentis dispositivae, et non conditionaliter fieri omnino debeant (1). De beneficiis autem, quae in manibus Ordinariorum collatorum etiam Cardinalium, et delegatorum etiam specialium Sedis Apostolicae extra Romanam Curiam resignari, etiam ex causa permutationis contigerit: ipsi intra mensem negotium universum admissionis, vel refectionis resignationis eiusmodi, et (si per eos facienda erit) provisionis resignati beneficii iuxta apostolicas, et alias canonicas sanctiones omnino absolvant. Et qui sic provisorius fuerit, intra tres menses a die sibi factae provisionis illam publicet, et possessionem beneficii capiat modo, et forma supradictis: alioquin illis elapsis nulla sit eius provisio, et beneficium vacare censeatur eo ipso, Ordinariusque, et alii praedicti, qui hoc non perfecterint, eo casu potestate disponendi de ipsis beneficiis sint ea vice privati, eorumque dispositio eo ipso ad Sedem Apostolicam devoluta existat, et aliis idoneis ab ipsa Sede dumtaxat concedantur (2).

XXIV. Ex rebus quidem gestis liquet Apostolicae Sedis litteras pro impetrantibus beneficia (exceptis iis, quae sunt iurispatronatus) ob neglectam resignationis publicationem vacantia ipso iure vigore eiusmodi Gregoriana constitutionis: executioni mandatas hoc in Regno fuisse ad nostram usque aetatem, regiumque iis placitum continue, nemine contradicente, aut reclamante concessum. Petrus Blancardus quum beneficium Sanctissimae Trinitatis intra parochialem Ecclesiam Fractae maioris ipse Aversanae dioecesis ab Urbano VIII. impetrasset anno 1629. uti vacans ob publicationem a resignatario possessore non factam: Archidiaconus Aversanus executor apostolicus pontificiae collationis litteras sine obstaculo exequens; eum, amoto resignatario, in possessionem illius beneficii immissit, ut patet ex actis in Episcopali archivio Aversano servatis eiusdem beneficii familiae olim de Fusconis, hodie de Spenis (3). Codices autem Curiae Capellani maioris redundant impetrationibus eiusmodi ab ea relictis ad Proreges olim, et Collaterale Consilium, mox ad Regem nostrum cum voto indulgente super iis regia placita, de stylo exinde concessa, quoties nemo laesa patronatus iura, nec alias Regni leges conquestus esset. Unde sancto Gregoriana, quae ipso iure vacationem beneficiorum infert ex neglecta eorumdem resignatorum publicatione, videtur usu iamdudum viguisse. Quum vero nec petatum, nec datum, nec denegatum constitutioni Gregorii XIII. placitum regium, quemadmodum nec plerisque Pontificum constitutionibus ante, ac post comitia Tridentina editis, quae prostant in Bullario M. nullatenus ferant rerum nostrarum scriptores, statui exinde nequit eam hoc in Regno non acceptatam. Quinimmo ex tali scriptorum silentio magis praesumitur eam tacito, saltem regiae Potestatis placito receptam usu, quam non in iis partibus, quae nullum patronatus vel regis, et laicorum iuribus detrimentum inferant.

XXV. Benedictus XIV. aegro ferens animo fraudes ad eludendam Gre-

(1) Idem in seq. §. 9. Constitutionem hanc explicant, versantque in primis Parisius tom. 1. de resign. benefic. lib. 21. per tot. et Steph. Quaranta in sum. bullar. verb. benefic. resign. public.

(2) Greg. XIII. ibidem §. 12. Videbis dicta superius num. 14.

(3) Ex arch. Avers. filz J. n. 2.

gorii XIII. sanctionem adinventas, ab se ipso in iudicio detectas, videlicet *expeditionem litterarum* apostolicarum ad preces resignantium prorogari solitam, *restitutiones* in integrum saepe largitas ad publicandam, ut resignantes interea fructus beneficiorum resignatorum perciperent, *iterationem praesentatas* super una, eademque resignatione ad profrahendam signaturae gratiam, *possessionem*, et publicationem usque ad obitum resignantis dilatam, atque ea radicitus amovere. Propterea constitutionem saepe dicti Gregorii de publicandis intra certum tempus resignationum gratiis, et capienda resignatorum beneficiorum possessione confirmans, et innovans constitutione sua itidem perpetua vetuit Notario Datariae, ne recipiant umquam consensus super resignationibus, quoties mandata pronuntiationum hinc ad resignandum, hinc ad acceptandum data videantur ante menses octo a citramontanis, vel duodecim ab ultramontanis. Tum iussit ab eo die, quo rescripserit Pontifex admittendam esse resignationem, ut intra duos ad summum menses quum applicatio signetur, tum litterae apostolicae desuper expediantur, max a die signatae gratiae intra sex menses possessio resignati beneficii citra montes, et intra novem ultra montes revera capiatur, litteraeque apostolicae simul publicentur ad formam Gregorianam. Utque nulla temporis prorogatio ad publicandum amplius indulgeatur prima etiam vice, nisi antea constiterit in officio Subdatarii apostolicas litteras fuisse iam expeditas. Iosuper ut prima, et secunda dumtaxat prorogatio tunc liceat concedi, tertia nequaquam, nisi patens impedimentum sine culpa petentis interiectum aliter Datario suaserit. Si quid contra gestum erit, irritum omnino fuit, et beneficia ipsa ut vacantia impetrationibus fore abnoxia (1).

XXVI. Onus probandi omissam publicationem non resignatario, sed impetranti beneficium incumbere, Doctores consentiunt (2): quum is qui negat aliquid, in quo suam fundat intentionem, debeat idipsum plene probare.

XXVII. S. Pius V. dum formam imperavit expediendi litteras super resignationibus Ecclesiarum, praesertim parochialium in forma dignum, studuit omnem simoniae suspicionem, et labem ab eisdem amovere, mandans executoribus apostolicis, ut ea de re diligentius inquirant (3). Hinc ea in litteris pontificiis resignationum adiaci clausula suavit inferius exponenda, ut sedulo circumspiciant singuli executores, an in resignationibus beneficiorum apud Sedem Apostolicam gestis, atque admissis *intercesserit simoniae labes, aut aliqua alia illicita padio, seu etiam corruptela* (4).

XXVIII. Si quis bona fide beneficium Sedi Apostolicae reservatum, vel affectum, vel alicui a Papa collatum acceperit ab Ordinariis collatoribus ignorans, tum post agnitam reservationem, collationemve pontificiam sine mora dimiserit: Bonifacius VIII. statuit eos ad sua propria beneficia, ea etiam, quae sponte dimisisset, regressuros esse, non obstante quavis collatione eorumdem aliis interea impetrantibus facta (5). Nam Cancellaria-

(1) Bened. XIV. in const. *ecclesiastica ministeria* 10. die 15. Iunii 1746. to. 2. Bullarii.

(2) Apud St. Quaranta in *summa bullar. verb. benef. resign. public.* n. 18.

(3) S. Pius V. const. 32.

(4) Rigant. in Reg. 45. §. 1. n. 44. tom. 3.

(5) Bonif. XIII. in cap. *si beneficia* 20. de praeb. in VI.

riae Regula III. superius exposita eos, qui beneficium incompatible iam iam adepturi ab Apostolica Sede in fraudem reservationis beneficia sua vel dimiserint, vel resignaverint, coerceat (1): non alios bona fide dimittentes.

XXIX. Ad beneficium semel renunciatum nullatenus poterit renunciatus amplius regredi, nec illud umquam repetere. *Quam periculosum sit in divinis rebus, ut quis cadat iure suo, et potestate, Scriptura sancta declarat, quum in Genesi Esau primatus suos inde perdiderit, nec recipere id postmodum potuerit, quod semel cessit, regressum, Nicolaus I. rescripsit ad Iubaianum* (2).

XXX. Iure hinc merito Patres Tridentini omnino accessum, et regressum ad beneficia damnarunt, et submoverunt (3), in quo Episcopis nulla est dispensandi facultas. Plenaria tamen Sedis Apostolicae auctoritate Romanus Pontifex poterit ex causa, et solet resignantibus indulgere regressum, seu facultatem repetendi Ecclesiam, seu beneficium, quoties renunciatio obenti, vel illud dimittendi superstes erit resignas. Quemadmodum et ingressum, ut aiunt pragmatici, potest Papa concedere ei, qui antequam possessionem apprehenderet beneficii sibi collati: illud in alicuius favorem renunciaverit sub hac conditione, ut praemoriens renunciatio fas ipsi renunciati esset ingrediendi, et auctoritate sua apprehendendi possessionem illius. Praetereaque accessum quandoque Papa largitur vel aliis incapacibus ad ecclesiasticam dignitatem, eius administrationem interea dignae personae conferens eo pacto, ut puer, aliusve incapax postquam ad aetatem pervenerit legitimam, vel capax effectus erit, valeat ad eam ipsam accedere (4).

XXXI. In pontificiis bullis pensionum super beneficiis reservatarum do stylo Curiae Romanae solet reservari regressus, si contingerit, quod resignatarius pensionem solvere detraxerit, per hanc clausulam. *Si vero per sex menses dictos triginta dies immediate sequentes (puta post cessum, ventumque diem solutionis) sententiam ipsam excommunicationis animo, quod absit, sustinuerit indurato: ex tunc effluxis mensibus eisdem dicto beneficio perpetuo privatus existat, illudque vocare censeatur eo ipso, tibi que liceat ad idem beneficium liberum habere regressum, et liceat tibi etiam vigore tui prioris tituli possessionem propria auctoritate apprehendere, ac si illud minime resignasses.* In praxi tamen cum regressus eiusmodi nec postuletur, nec postulatus obtineri soleat, clausula idcirco nullam vim reapse habere videtur. Et ubi efficax iudicaretur, ante sententiam iudicis declaratoriam nequiret renunciatus regredi ad beneficium, ut decisum a Rota refert Flaminus Parisius (5). At renunciations, cessionesque cum ingressu, et regressu a reservatione omnium fructuum, ut Cardinalibus tantum indulgeantur, statuit Alexander VI. a Rebuffo laudatus (6).

XXXII. Ad improbas resignantium pactiones, et fraudes extirpandum

(1) Ex supradictis cap. 5. n. 40.

(2) Nicol. I. in can. *quam periculosum c. 7. qu. 1.* Vide Rebuff. in praec. *benef. cap. de regressibus.*

(3) Trid. in cap. 7. sess. 25. de ref.

(4) Rebuff. loc. cit.

(5) Flam. Parisius lib. 6. qu. 3.

(6) Rebuff. ibidem.

cum lege Gregoriana conspirat Cancellariae Regula XL, statuens, quod si committatur alicui beneficii resignationis receptio, ponatur clausula: *attente quoque provideas, etc.* quod nimirum in resignatione praedicta dolus, vis, metus, vel aliqua simoniaca pravitas non intervenerint (1). Eam hisce ipsis verbis exprimi olim consuevisse in pontificiis litteris bullatis, monent scriptores (2). At hodierno stylo his aliis conceptam Rigantius ibidem tradit: *Ceterum nō, dum prodesse studemus, aliqua forte irrepit iniquitas in exitium animarum: tu istic attente circumspicias, an ex parte N. N. praefatorum super dicta resignatione, ut feret, quam nos nullo hucusque vitio laborare deprehendimus, intercesserit simoniacae labes, aut aliqua alia illicita pectio, seu etiam corruptela.* Ex huiusmodi verbis plane intelligimus, quod Romani Pontificis dum apostolica dispensatione adprobant conditionales in favorem resignationes, conventasque pensionum reservationes humano iure prohibitas, admittere numquam intendant aliquam ex illicitis pactionibus Iuri divino, vel naturali adversantibus, quas nulla hominum Potestas valet probas efficere. Neque subreptitias preces, nec falsam valoris expressionem (3).

XXXIII. Dicendum superest de beneficiis iurispatronatus, quae invitis patronis cuilibet conferri non patiuntur communes Ecclesiae leges, quaeque a cunctis Apostolicae Sedis derogationibus quum generalibus, tum specialibus exempta videntur. Tametsi ergo vacare apud Sedem dicuntur beneficia in manibus Papae resignata in alicuius favorem, eaque Pontifices consueverint resignataria conferre singulatim cum derogatione iurispatronatus pro illa vice tantum (4): collatio tamen pontificia sine derogatione expressa, nisi praecesserit, vel subsequatur patronorum consensus irrita, nulliusque momenti erit ex Cancellariae Regula XLII.

CAP. XX.

De permutatione (*).

- I. *Mutua beneficiorum resignatio heic permutatio dicitur.*
- II. *Permutationem canones vetant, nisi eam Ecclesiae necessitas, vel utilitas postulaverint.*
- III. *Eamque sine auctoritate Episcopi irritam, et improbam habent.*
- IV. *Nonnisi permutantibus possunt Episcopi beneficia mutuo resignata conferre.*

(1) Rigant. in *comm. eiusdem Reg.* 40. num. 2. tom. 3.

(2) Sotus, Rebuffus, et Quesada in *comm. eiusdem Regulae.*

(3) Ex supradictis *cap.* 12. num. 12.

(4) Mandus. *de signat. grat.* verb. *dum vacant.*, et Rigant. in *Reg. I. Canc.* §. 1. num. 322.

(*) Ex lib. III. *Decretal.* tit. 19.

V. Neutri ius in permutato beneficio adquiriitur, nisi alter alterius beneficium reapse obtinuerit.

VI. Regressum hinc iure habet alteruter ad beneficium suum, non adeptus alienum.

VII. Episcopi, locorumque Ordinarii cum territorio separato, Vicarii Episcopales cum speciali mandato, et Capitulares possunt permutationes adprobare, secus alii Praelati.

VIII. Necessitatis, vel utilitatis Ecclesiae causam oportet inquire, antequam dioecesanus loci Ordinarius permutationi adsentiat.

IX. In beneficiis iurispatronatus permutandis requiritur patronorum consensus.

X. Eo vel maxime, si ea patronatus regii sunt. Consensus autem praesentationi aequipollet.

XI. In fraudem reservationis pontificiae permutatio non valet.

XII. Fraudulentos Cataloniae personatus abolevit lex Concordatorum.

XIII. Publicari permutationes oportet.

L. Mutua, et reciproca beneficiorum resignatio, quae inter duos vicissim fiat cum adsensu, et auctoritate Superioris ecclesiastici, permutatio a Canonistis speciatim dicitur. Mutuam vero unius rei pro altera praestationem ea generatim significat (1), et quandoque translationem Episcoporum (2). Quoties ergo suum alter alteri beneficium Superiore annuente resignat eo pacto, ut alterum pro suo resignato, ac dimisso beneficium sit adepturus, permutari tunc dicuntur beneficia. Nam duae res permutationem constituunt, mutua permutantium resignatio, et nova Superioris ecclesiastici in utriusque favorem collatio.

II. Et dignitatum, et praebendarum permutationem in Turonensi Concilio Alexander III. interdixit: Sicut in magnis, ait, ita quoque in minimis membris suis firmatam Ecclesia habet universitatem: divisionem praebendarum, aut dignitatum permutationem fieri prohibemus (3). Mox rescripit Urbanus III., quod commutationes praebendarum de iure fieri non possunt: praesertim pactione praemissa, quae circa spiritualia, vel connexa spiritualibus labem semper continent simoniae. Si autem Episcopus causam inspererit necessariam: licite poterit de uno loco ad alium transferre personas, ut quae uni loco minus sunt utiles, alibi se valeant utilius exercere (4).

III. Qui attentaverint auctoritate propria, inscio, vel invito Superiore permutare, ambo sua perdunt beneficia (5). Quoniam in eiusmodi permutationibus compertum est crebro aliquam simoniae labem; aliamve illicitam intercedere corruptelam (6). Sola igitur partium conventio satis non

(1) Ex rubrica 19. lib. 3. Decretal. de rerum permutatione.

(2) Anterus Papa in can. mutationes 34. C. 7. qu. 1. de ord. abbat. c. 1.

(3) Conc. Turonense in cap. maioribus 8. de praeb. et dignit.

(4) Urbanus III. in cap. quaesitum est. 5. de rerum permut.

(5) Innoc. III. in cap. cum olim. 7. de rerum permutat.

(6) Boetius tractatum edidit de Saturnino permutationis beneficalis iure, quem

est ad permutationem perficiendam: sed requiritur omnimodis, ut Episcopus ex integro conferat ambobus permutantibus beneficia invicem resignata.

IV. Si autem aliis, quam permutantibus ea is conferret, irrita esset penitus collatio. *Ne concessione iuris utentibus praesertim circa spiritualia illudatur, si qua beneficia ex causa permutationis ab aliquibus resignata aliis, quam ipsis permutare volentibus conferantur, nullius hoc esse volumus firmitatis*, Clemens V. decrevit in Concilio Viennensi (1).

V. Et quoniam permutatio perficitur, quoties alter alterius beneficium sit realiter assectus, si permutatio completa sit ex una parte, et per alteram steterit, quominus impleatur, restituitur ille ad suum beneficium, amoto quolibet detentore: quum deceptis, et non decipientibus intra subveniant, et simplicitati venia tribuatur (2). Hinc manavit Reg. LX. *Can-cellariae, qua praescribitur, ut si ex causa permutationis resignationes fiant, ponatur clausula, quod neutri permutantium ius adquiratur, nisi quilibet ipsorum ius habuerit in beneficio per ipsum resignato* (3). Nullius ergo momenti permutatio erit, ubi alterutram ex permutatis beneficiis litigiosum erit, aut ab alio evincatur etiam ex intervallo, aut fictum sit, et simulatum, aut legatum pium, seu capellania laicalis (4).

VI. Hinc est, cur permutantes habeant regressum iustitiae ad sua dimissa beneficia, quoties suum permutatio effectum plene non sortiatur, novaeque collatione, seu institutione canonica non perficiatur (5). Non obtinet locum in hoc casu decretum Tridentini, quod accessum, et regressum in beneficiis omnino submovit (6). Tametsi enim resignans in favorem alterius nequit sibi regressum, praemoriente resignatario, reservare ad beneficium resignatum, quum talis regressus aperte soveat successorem canonibus inimicum, ea tamen ratio videtur in regressu permutantium nil urgere, quum sui singuli permutantes beneficia retineant, donec permutatio utriusque suum sortiatur effectum. Et quoties eam semel effectum sortitam revocari contigerit, vel irritari ex qualibet causa nullitatis: alteruter permutantium ad suum redit beneficium ipso facto absque novo collationis titulo, statim ac sententia gestam permutationem irritans, vel rescindens transiverit in rem iudicatum (7).

VII. Facultas autem approbandi permutationes Episcopis data est communi Iure Decretalium, quod nullum de inferioribus Praelatis, locorumque Ordinariis verbum facit (8). S. Pius V. autem nedum Episcopis, sed

ideo sic inscripsit, et nominavit, quia permutatio suos foetus in summum solet adducere discrimen, non aliter, quam Saturnus crudeliter foetum devorat proprium, ut est in fabulis: licet id ad naturam temporis, quae edax est rerum omnium, perique referant. Frequenter enim permutantibus scrupulos adeo duros, ut vehementes, eosdemque iustos ingerit, ut Saturni voracitas nullos unquam consimiles genuerit cruciatu illis ipsis, qui devorarentur.

(1) Ex Clementina un. *de rerum permut.*

(2) Innoc. III. in cap. *cum universorum* 8. *de rerum permut.*

(3) Reg. XL. *de clausula ponenda in litteris permutationis beneficiorum.*

(4) Rigant. in Reg. 40. num. 19., et aeq.

(5) Rebuff. in cit. *praxi tit. de permutat.* num. 12., et aeq.

(6) Trid. sess. 25. cap. 7. *de refor. relatum supra cap. 20. num. 34., et 35.*

(7) Rigant. loc. cit. num. 44.

(8) Ex cit. cap. *quaesitum*, ibi: *Si autem Episcopus causam ec.*

aliis etiam Ordinariis collatoribus declaravit fas esse eas permutationes beneficiorum admittere, quae canonicis sanctionibus, et apostolicis constitutionibus permittuntur (1). Si vero contra formam sacrorum canonum, et apostolicarum constitutionum Episcopi, alique Ordinarii collatores permutationes admisserint: nullius eae momenti erunt, et permutata eorum eis beneficia ipso iure vacabunt, Sediquae Apostolicae reservata manebunt ex alia S. Pii V. constitutione (2). Usu hinc receptum est, ut inferiores etiam Praelati in iurisdictione quasi episcopali cum territorio separato potentes, et Vicarii episcopales speciali ad id mandato praediti permutationes beneficiorum canonicas adprobare valeant (3). Simul et Vicarii capitulares quod ad ea beneficia, quae ad communem Capituli cum Episcopo collationem pertinent: secus quod ad alia episcopalis tantum collationis (4). Inferiores enim Praelati praescribere possunt eandem potestatem iurisdictionis (5): Quod si neque collatio, neque institutio pertineat ad dioecesanum Episcopum: ipsius adhuc auctoritas requiritur: etiamsi illi, ad quos aliquo in loco pertinet beneficiorum provisio, consenserint (6). Si per gratiam, ut aiunt expectativam, seu mandatum de providendo, quod Sedes Apostolica concesserit, quispiam alterutrum ex permutandis beneficiis proxime vacaturum expectet: adhuc poterit Episcopus permutationem adprobare. Nam Bonifacius VIII. rescripsit illos, qui secundum formam iuris beneficia in eadem dioecesi ad Episcopi collationem spectantia permutare volentes, libere, ac sine fraude in manibus Episcopi resignarent, non impediri, ne facerent permutationem beneficiorum huiusmodi: quae alias minime resignassent, licet alicui auctoritate apostolica eadem beneficia proximo vacatura expectarent (7).

VIII. Caussam vero utilitatis, vel necessitatis Ecclesiae debet Episcopus inquirere, antequam permutationi suae impertiatur assensus: quum non nisi pro spirituali causa, ut melius videlicet Deo serviat, et Ecclesiae, sint admittendae permutationes, ex B. Thomae sententia (8). Mutationes communi utilitate, atque necessitate licere, Anterus Papa rescripsit (9): Si Episcopus causam inspexerit necessariam, tunc plane eas indulget Urbanus III. (10). Utilitati utriusque permutantium profuturas non improbat Innocentius III. (11), quae nimirum redundare simul in Ecclesia utilitatem videantur.

IX. Consensus itidem patronorum requiritur: illorumve, ad quos nominandi, praesentandi, vel eligendi lus pertinet: alias irrita foret permuta-

(1) S. Pius V. in *const. quanta Ecclesiae Dei* 58., quam retuli in superiori cap. 20. num. 9.

(2) Idem in *const. effectum creditae* 42., et Rigant. in *Reg. 40. num. 43. to. 3.*

(3) Rigant. in *Reg. 40. num. 65.*

(4) Idem *loc. cit.* num. 68.

(5) Glos. in *Clem. 1. de reb. Eccles. non alien.*

(6) lo. Kokier in *tract. de permut. benef. num. 7.*

(7) Bonif. VIII. Biterensi Episcopo in *cap. un. h. tit. in VI.*

(8) S. Thom. in *4. dist. 25. qu. 3. art. 3.*

(9) Anterus in *cit. can. mutationes.*

(10) Urban. in *cit. cap. quaesitum.*

(11) Innoc. in *cit. cap. cum universorum* 8.

tio (1). Itaque si patronus intra quatuor, vel sex menses ad praesentandum a sacris canonibus concessos contradixerit, et iustam contradicendi causam exposuerit, nullam puta urgere Ecclesiae necessitatem, nullamque utilitatem: quaevis permutatio apud Sedem quoque Apostolicam facta sine consensu patroni, et sequuta exinde collatio pontificia vel ipso iure invalida est, iuxta opinionem Panormitani (2), aliorumque, vel per sententiam iudicis saltem rescindenda, ut censuit Rochus de Curte (3), et Rota Romana laudata per Covarruvium (4). Qua in re derogationem iurispatronatus tacitam oportet ab expressa distinguere. Si enim Summus Pontifex ob tacitam iurispatronatus qualitatem adprobaverit permutationem, novamque fecerit permutantibus collationem beneficiorum, quorum vel alterutrum, vel utrumque sit de iurepatronatus: collatio, tamquam subreptitia nullimode valebit (5), nec poterit ei tacita derogatio prodesse: praesumitur enim extorta contra voluntatem Pontificis. Lapus (6) testatur quemdam Cardinalem a Gregorio XI, nequivisse umquam impetrare derogationem iurispatronatus laicorum ex causa permutationis. Si vero ad expressam Sedes Apostolica devenierit derogationem: tunc locus erit disputationi, utrum canonicae patronorum querelae valeant, nec ne excoquutionem novae collationis impedire, et utrum nullitas ipso iure, vel potius rescissio gratiae competat.

X. Quod vero ad beneficia de iurepatronatus regio, expeditissimum esse affirmat Episcopus Covarruvius (7) permutationem in Romana etiam Curia cum expressa derogatione iurispatronatus peractam, nisi accesserit regius assensus, nequaquam admitti. Addit Stephanus Quaranta esse patroni consensum adhibendum in permutatione, eoque suppleri vicem praesentationis, et conservari quasi possessionem praesentandi (8).

XI. Permutationes in fraudem futurae vacationis apud Sedem ex decreto, vel promotione ad dignitates, et beneficia incompatibilia, non secus quam resignationes pariter fraudulentas ex Cancellariae Regulis III., et XXVI. vetitas iam monui superius (9): easque ideo nullius fore momenti.

XII. Fraudes in personatibus Cataloniae frequentiores detexit, retulitque sub Alexandro VII. Balneoregiensis Episcopus apostolicus in Hispania Nuntius litteris ad Cardinalem Corradum Prodaturum datis die 10. Aprilis 1660. (10). Consueverant Hispani temporaneos personatus, cum adsensu dioecesanorum fundare ea lege, ut eorumdem primus quisque possessor posset ad tertiam usque vicem successorem sibi designare, dein titulus extinguere continuo, fructusque omnes cum integra dote in aliquod pium opus perpetuo erogarentur, eosque ut ecclesiastica beneficia habebant. Sed eo

(1) Glos. in *Clem. un. hoc tit.*, et Rebuff. *loc. cit. num. 12.*

(2) Panormitan. in *cap. cum dilectus de iurepatr.*

(3) Rochus de Curte in *tract. de iurepatr. verb. honorificum qu. 3.*

(4) Rota laudata per Covarruvium *tom. 2. pract. qu. cap. 36. num. 9.*

(5) Ex traditis supra *cap. 12. num. 4.*

(6) Lapus *alleg. 69. num. 4.*

(7) Covarruvius *loc. cit.*

(8) Steph. Quaranta in *summ. bullar. tit. benef. permutatio.*

(9) *Cap. 5. de reservat., et affect. num. 57.*

(10) Rigant. in *par. 1. Reg. IX. §. 2. num. 26.*

plerumque studio tales fiebant fundationes, ut personatum ille suum cum alterius dignitate, vel canonicatu, aliove beneficio ecclesiastico permutaret: id quod simoniam redolet (1). Nunc temporaneae eiusmodi fundationes, erectionesque beneficiorum aboletae inibi iam sunt Concordatis inter Romanam, et Hispanam Curiam initis anno 1717. Clemente XI. (2).

XIII. Resignatio duplex cuilibet permutationi adnexa postulat, ut ea sit eo etiam ritu publicanda, quem Gregoriana constitutio imperavit, una eademque poena in resignantes, aequae ac permutantes, qui publicare omiserint, sancita: ut fraudes inde, pactionesque improbae delegantur facilius.

CAP. XXI.

De pluralitate et incompatibilitate beneficiorum.

- I. Plura ne unus officia ecclesiastica simul retineat, prius sanxerunt canones, divino, et naturali lure suffulti.
- II. Nonnisi ob inopiam hominum, Ecclesiarumque indulserunt uni presbytero curam alterius Ecclesiae in commendam accipere, vel titulo unionis.
- III. At ea indulgentia sensim innoxit abusum serviendi per substitutos pluribus ab uno retentis Ecclesiis, absque ulla earum utilitate, aut necessitate.
- IV. Ut nonnisi unam unam Parochiam, vel dignitatem, vel personatum retineat, alteram dimittat, et unusquisque per sese inserviat, contrariis moribus omnino obrogatis, cautum est sacris novae disciplinae canonibus sub Alexandro III.
- V. Necnon beneficia, et pensiones cuiuslibet promoti ad episcopales, vel abbatiales Ecclesias, exceptis titularibus, eo ipso vacare.
- VI. Innocentius III. ambobus beneficiis, vel curatis, vel non curatis in eadem Ecclesia erectis eos privari auxit, qui utrumque simul retinuerint.
- VII. Bonifacius VIII. contrarias ea in re consuetudines delevit, constituens licere nemini duo beneficia, vel officia Cleri quum saecularis, tum regularis absque dispensatione apostolica retinere.
- VIII. Ioannes XXII. praedecessorum suorum constitutiones instauravit.
- IX. Synodus Tridentina legem vetitae pluralitatis in curatis, et residentialibus firmavit: in aliis sine causa, et residentia tenuibus indulsit duo vix beneficia singulis retinere.

(1) Rigantius loc. cit. num. 17., Pilon. discept. 28. num. 8.

(2) Ex Rota in Seguntina Archidiaconatus coram Aldrovando 4. Feb. 1729. Rigant. loc. cit. num. 33.

- X. *Incompatibilia sunt duo beneficia cum residentia, vel cura, nisi unum ab altero pendeat, vel sit alteri adnexum.*
- XI. *Simul et uniformia sub eodem tecto.*
- XII. *Quum liberae collationis, tum iuris patronatus beneficia incompatibilia tenuis etiam redditus eadem lege obstringuntur.*
- XIII. *Simplicia duo exigua probe retinentur, tria nequaquam sine dispensatione pontificia.*
- XIV. *Quaenam fructuum quantitas congruae sustentationi sufficiat, arbitrio boni viri definienda est.*
- XV. *Iuris patronatus beneficia simplicia lex pluralitatis non afficere putatur.*
- XVI. *Nec etiam pensiones, nec legata pia, et laicales capellanias.*
- XVII. *Utraque lex incompatibilitatis, et pluralitatis non collationem secundi incompatibilis, vel tertii simplicis prohibet, sed solum utriusque, vel trium retentionem.*
- XVIII. *Incompatibile primum nonnisi post pacificam secundi possessionem vacat.*
- XIX. *Post Tridentinum adepto secundum incompatible non licet optare primum ipso iure vacans.*
- XX. *At ei permittitur primum retinere ad duos usque menses: illudque interea impetrans nonnisi post bimestre pacificae possessionis reapse adquiret.*
- XXI. *Apostolica Sedes dum confert primum ipso iure vacans, iubet ei, qui secundum incompatible inferioris ordinis obtinuerit, ut illud intra duos menses de facto dimittat, vel decernit ipso facto vacare illud ipsum per assecutionem Cathedralis, vel Abbatialis Ecclesiae.*
- XXII. *Retentionem incompatibilium Papa solum ex causa indulget.*
- XXXIII. *Incompatibilis collatio pontificia retentionem indulgere non praesumitur, nisi eam exprimat.*
- XXIV. *Indultum retinendi subreptione, vel obreptione evanescit.*
- XXV. *Simul et dissensu patronorum in beneficiis de iure patronatus.*

1. Plures ab uno simul Ecclesias detineri, sacris canonibus est assidue vetitum. Audivimus ex ipsa Christi Domini voce, quod nemo potest duobus dominis servire (1). Unusquisque, in quo vocatus est, fratres, ait Apostolus, in hoc permaneat apud Deum (2) in hoc debet manere, et in una locari Ecclesia, explicans inquit Synodus VII. (3). Singula ecclesiastici iuris officia singulis quibusque personis singulatim committi iubemus, ait S. Gregorius M. Sicut enim in uno corpore multa membra non eundem

(1) Matth. cap. 6. vers. 24.

(2) 1. ad Corinth. cap. 7. vers. 24.

(3) Synodus VII. in can. clericis ab instanti 1. C. 21. qu. 1.

artum habent: ita in Ecclesiis corpore secundum veridicam Pauli sententiam in uno, eodemque spiritu alii conferendum est hoc officium, alii committendum est illud. Neque uni quantumlibet exercitatas personae uno tempore duarum rerum officia committenda sunt: quia si totum corpus est oculus, ubi auditus? . . . Sicut indecorum est, ut in corpore humano alterum membrum alterius fungatur officio: ita nimirum noxium, simulque turpissimum, si singula rerum ministeria personis totidem non fuerint distributa (1). Quandoquidem ius naturale non patitur, quod unus duabus Ecclesiis praesens inserviat, qui duobus in locis nequit naturaliter uno, eodemque tempore esse, quodque unus, qui unum vix officium valeat in una Ecclesia implere, plurimorum sibi vindicet stipendia, quae multis litteratis viris vitae puritate, ac testimonio bonae famae praestantibus, qui mendicant, possunt abunde sufficere: dum ei uni paratur vagandi occasio, divinus cultus, et ministrorum numerus minuitur, hospitalitas in ipsis beneficiis debita non servatur, aliaque mala exinde obvenire lassus est Ioannes XXII. (2). Iure hinc merito, ne clericus unus, eodem tempore inter ministros in matricula duarum Ecclesiarum conscriberetur, canones sanxerunt quum novae, tum veteris disciplinae, praesertim in Concilio Nicaeno, Antiocheno, Chalcedonense, et septima Synodo (3).

II. Vix poterat obinopiam hominum idoneorum indulgeri olim, quod Sacerdos unus duabus Ecclesiis inserviret ita in villis, aut locis extra civitatem, quarum singula singulos habere presbyteros nequibant (4). Tunc autem una uni Ecclesia in titulum, altera in commendam concedebatur (5), aut ob Ecclesiarum evidentem paupertatem, vel desolationem, aliamve necessitatem per viam unionis plurium Ecclesiarum cura uni mandabatur (6).

III. Fraudibus tamen viam latiore aperuit subsequuta lex unionum, et commendarum, ex qua sensim invaluit abusus extendendi priscam illam indulgentiam extra casus iure permissos ad privatam personarum utilitatem sine aliqua Ecclesiae necessitate, vel utilitate: scilicet uni presbytero plurium Ecclesiarum quoque parochialium regimen concedendi cum facultate inserviendi per substitutos antiquis Patribus penitus incognitos. Saeculo XI. Synodus Placentina legi eiusmodi adhaerens affirmavit Episcopi dispositione unum posse diversis praeesse Ecclesiis (7).

IV. Quum vero quod una via prohibetur alicui, ad id per aliam admitti non debeat (8): tantum studuit malum corrigere, ac reformare Alexander III. in Concilio Lateranensi III. Iussit enim, ut Episcopi omnimodis emendarent intolerandam eorum ambitionem, qui non duas, vel tres, sed

(1) S. Greg. M., seu rectius Io. diaconus in vita S. Greg. can. singula 1. dist. 89.

(2) Ioann. XXII. in extravag. execrabilis de praebendis in communibus. Ioann. a Lignano librum de pluralitate beneficiorum circa ann. 1365. mandante Urbano V. edidit.

(3) Conc. Nicaen. can. 15., Antioch. can. 3., Chalcedon. can. 10., septima Synod. can. 15. apud Gratianum in cap. 1., et seq. C. 21. qu. 1.

(4) Ex cit. can. 1.

(5) Ex supradictis cap. XI. num. 2.

(6) Ex supradictis cap. 1. num. 3., et 31.

(7) Urban. II. in Syn. Placentina can. sanctorum 2. §. omnino dist. 70.

(8) Bonif. VIII. in cap. cum quid 84. de Reg. iur. in VI.

plures Ecclesias haberent, quum nec duas possent debitam provisionem impendere (1). Simul inhibuit districtius, ne quis dignitates diversas ecclesiasticas, et plures Ecclesias parochiales contra sacrorum canonum instituta deinceps acciperet. Additque, ut quaelibet Ecclesia, et ecclesiasticum ministerium ei committatur tali personae, quae residere in loco, et curam eius per seipsum valeat exercere. Quod si aliter actum fuerit: et qui receperit, quod contra sacros canones acceperit, amittat, et qui dederit, largiendi potestate privetur (2). Idem inde Pontifex rescripit, ut presbyter duas habens Ecclesias, quam vellet, unam sibi retineret, alteram omnino dimitteret (3): Burdelagensi etiam Archiepiscopo rescripit, ut presbyterum G. in Burdelagensi, ac Tolosana Ecclesia Archidiaconum constitutum altero, quem is maluisset, archidiaconatu faceret esse contentum (4). Mox conqueslus est eiusmodi abusum in Galliis non posse prae multitudine delinquentium emendari, dum Genuensi Episcopo exprobat, quod in sua ipse Ecclesia attentaret eam improbam Galliae consuetudinem inducere (5). Talem igitur corruptelam quamvis Ecclesia diu toleraverit, attamen probare nunquam potuit: quum multa per patientiam tolerentur, quae si deducta fuerint in iudicium, exigente iustitia non debeant tolerari (6).

V. In eodem Concilio Lateranensi III. constituit Alexander III. beneficia omnia eius, qui in Episcopum eligitur, eo ipso vacare post consecrationem, adeptamque episcopatus possessionem: et quandoque ante consecrationem, si electus tres menses neglexerit sese consecrari (7). Translati etiam Episcopi de una ad aliam Ecclesiam, et beneficia, et pensiones omnes continue vacare Benedictus XII. edixit (8). Insuper omnium quorumlibet, qui ad concistoriales Ecclesias, vel abbatias promoventur ab Apostolica Sede, apud eandem perinde, ac promotorum ad Cathedralis Ecclesias beneficia cuncta, et pensiones ecclesiasticas ipso facto vacare ex decreto, quod iam consuevit in singulis eiusmodi promotionibus, ac translationibus adponi de vacatione apud Sedem beneficiorum, et pensionum eo ipso, iam exposui superius (9). Quum titulares vero Episcopi in partibus infidelium nequeant possessionem adipisci Ecclesiarum eiusmodi titularium: consequitur eos hae lege non obstringi, eorumque beneficia non vacare ob suam eiusmodi promotionem, nullaque dispensatione indigere pro eis retinendis (10), quia opus omnino habent Episcopi, Praelati, Abbaesque omnes possessionem Ecclesiarum adepturi.

VI. Concilium Lateranense IV. sub Innoc. III. sanxit primo, ut quicumque receperit aliquod beneficium curam habens animarum adnexam, si

(1) Alexand. III. in Conc. Lateran. III. cap. quia in tantum 5. de praebendis.

(2) Ibidem in cap. quia nonnulli 2. de cler. non resident.

(3) Idem in cap. referente 7. de praeb.

(4) Idem in cap. praeterea 14., eod. tit. I.

(5) Id liquet ex integra Alexandri III. epistola ad Genuensem Episcopum penes Ant. Augustinum, et Emm. Gonzalez cuius mutilum fragmentum extat in cap. cum non ignores 15. de praeb.

(6) Innoc. III. in cap. cum iamdudum. 18. eod. tit.

(7) Alex. III. in cap. cum in cunctis 7. §. cum vero de elect.

(8) Bened. XII. in extravag. ad regimen 13. de praeb.

(9) Cap. 5. de reservat., et affec. num. 56., et 57.

(10) Card. de Luca disc. 118. de beneficiis num. 5.

prius alterum tale beneficium habebat, eo sit ipso iure privatus: et si forte illud retinere contenderit, etiam alio spoliatur. Praeterea, ut in eadem Ecclesia nullus plures dignitates, aut personatus habere praesumat, etiamsi curam non habeant animarum (1). Tum Innocentius idem rescripsit, ut Praepositus quidam in eadem Ecclesia priorem sicut canonibus praebendam retinens cogeretur, appellatione remota, eam sine difficultate resignare, quam clericus, uti vacantem ab ipso Pontifice iam impetraverat (2).

VII. Bonifacius VIII. consuetudinem, ait, quam in vestra Ecclesia seroatam asseritis tanto tempore, quod in contrarium memoria non existit: videlicet, quod ipsius Ecclesiae canonici duos personatus, aut dignitates, vel praeposituras, seu administrationes, aut duo officia, vel eorum alterum cum reliquo insimul et praebendam possint in ea licite absque dispensatione Sedis Apostolicae obtinere: corruptelam (quum sacris sit inimica canonibus, et de ambitionis radice processerit) merito reputantes, eam auctoritate apostolica reprobamus: vosque ad ipsius observantiam, etiamsi iuramento firmato extiterit, quum iuramentum iniquitatis vinculum non existat, decernimus non teneri statuentes, ut quum unum officium vix digne aliquis valeat adimplere, nulli liceat de cetero, nisi unicum personatum, vel dignitatem, aut praeposituram, sive administrationem, vel officium perpetuum, quocumque nomine ceantur, cum praebenda insimul absque dispensatione dictae Sedis in eadem Ecclesia obtinere, vel iam oblata tenere: Quod si a quoquam secus praesumptum fuerit, irritum sit omnino (3). Idemque insuper prohibuit, ne aliqui monachi, vel religiosi alii pluribus prioratibus, vel Ecclesiis curam habentibus animarum, etiamsi eadem cura non per ipsos, sed per presbyteros ad eorum praesentationem per Episcopos institutos habeat exerceri, absque Sedis Apostolicae auctoritate praesesse praesumant, nisi forte unus ex eis ab alio dependeat, vel ad invicem sint adnexi (4). In eosque simul eadem vacationis, et incapacitatis sanxit: Gratia vero, inquit, quam super beneficio a Sede Apostolica te impetrasse proponis, vitiosa reputari non debet, quomodo de alio beneficio ab Episcopo tuo antea tibi absenti, et ignoranti collato nullam (cum tempore impetrationis nescires) feceris mentionem. Utrumque tamen, si talia sint beneficia, quae simul nequeant de iure teneri, habere non potes: sed eligas, quod ex his malueris retinere (5).

VIII. Ioannes XXII. plura enumerans mala, quae obveniunt ex pluralitate beneficiorum, statuit, ut absque mora unusquisque in manibus Ordinariorum intra mensem dimittat alterutrum ex obtentis beneficium ipso iure vacans: alioquin ex tunc sit ambobus etiam ipso facto privatus, atque inhabilis fiat ad Ordines, et beneficia deinceps obtinendum. Nos itaque, ait, tot malis, tantisque discriminibus occurrere cupientes, omnes, et singulas dispensationes super receptione, aut retentione plurium dignitatum, personatum, aut beneficiorum, quibus cura animarum sit adnexa, a nobis, vel praedecessoribus nostris cuicumque personae concessus (Cardinalibus

(1) Conc. Lateranen. IV. in cap. de multa providentia 28, de praebend.

(2) Inn. III. in cap. litteras 9. de concess. praebendar.

(3) Bonif. VIII. in cap. 1. de consuet. in VI.

(4) Idem in cap. cum singula 32. de praebendis in VI.

(5) Bonif. VIII. in cap. gratia 7. de rescriptis in VI.

tantum exceptis) duximus moderandas. Statuimus itaque, quod obtinentes nunc ex dispensatione legitima pluralitatem huiusmodi dignitatum, personatum, officiorum, aut prioratum, seu beneficiorum, quae alias absque dispensatione obtinere nequibant, unum tantum ex dignitatibus, personatibus, officiis, prioratibus, Ecclesiis, vel beneficiis huiusmodi, quibus cura imminet animarum, cum dignitate, personatu, vel officio, prioratu, Ecclesia, vel beneficio sine cura, quae habere maluerit, praetextu dispensationis sufficientis circa id eisdem induitae possint licite retinere: quos tamen teneantur eligere intra mensem: ceteris beneficiis cum cura, vel sine cura, quae de iure absque dispensatione licite retinere non poterant, quae nos ex tunc vacare decernimus, coram Ordinario intra idem tempus cum effectu dimissis. . . alioquin tam his, quam omnibus aliis beneficiis sint ipso iure privati, et prorsus inhabiles ad similia beneficia obtinenda. . . Qui vero deinceps receperint dignitatem, vel personatum, seu officium, aut aliud beneficium animarum curam habens adnexam, si antea simile beneficium obtinebant, illud (quo ipso iure postquam secundi possessionem habuerint, vel per eos omni dolo, et fraude cessantibus quominus habeant steterit, privati noscuntur) absque morae dispendio in Ordinariorum manibus dimittere debeant pari modo, alioquin ex tunc sint ipso iure secundo privati, et nedum ad sacros suscipiendos Ordines, quin etiam ad habendum quodcumque beneficium ecclesiasticum inhabiles reputentur (1).

IX. Tandem Synodus Tridentina pluralitatem beneficiorum cum cura animarum, aut alias incompatibilium specialim inhibuit, et priscam Ecclesiae disciplinam ad normam iam dictae constitutionis Innocentii III. reduxit. In primis porro decrevit: ut nemo quacumque etiam dignitate, gradu, aut praeceminentia praefulgens plures Metropolitanas, seu Cathedralis Ecclesias in titulum sive commendam, aut alio quovis nomine contra sacrorum canonum instituta recipere, et simul retinere praesumat (2). Et quicumque de cetero plura curata, aut alias incompatibilia beneficia ecclesiastica, sive per viam unionis ad vitam, seu commendae perpetuae, aut alio quocumque nomine, et titulo, contra formam sacrorum canonum, et praesentem constitutionis Innoc. III., quae incipit de multa, recipere, ac simul retinere praesumpserit, beneficiis ipsis iuxta ipsius constitutionis dispositionem ipso iure etiam praesentis canonis vigore privati existat (3). Dein generatim quamlibet pluralitatem abolendi studio in simplicibus quoque beneficiis constituit, ut in posterum unum tantum beneficium ecclesiasticum singulis conferatur. Quod quidem si ad vitam eius, cui confertur, honeste sustentandam non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferri. Hocque non modo ad Cathedralis Ecclesias, sed etiam ad alia omnia beneficia tam saecularia, quam regularia quaecumque, etiam commendata pertineant, cuiuscumque tituli, ac qualitatis existant (4).

X. Ex recitalis Ecclesiae legibus statuenda differentia est inter incom-

(1) Ioann. XXII. in extravag. execrabilis un. de praebendis in communibus, et extravag. ut quos de officio Ordin.

(2) Trid. in cap. nemo 2., et cap. inferiora 3. sess. 7. de ref.

(3) Idem in cap. quicumque 4. ead. sess. 7.

(4) Idem in cap. cum ecclesiasticus 17. sess. 24. de ref.

patibilitatem, et pluralitatem. Plane incompatibilia sunt duo beneficia, quae residentiam exigunt praecisam, et necessariam ratione vel spiritualis curae animarum, vel servitii Choro, et Ecclesiae: cuiusmodi sunt episcopales, et quasi episcopales Ecclesiae, parochiae, dignitates, personatus, et canonicatus Cathedralium, et Collegiarum: insuper abbatiae, ac prioratus monasteriorum. Nam eae ipsae leges nunc usu vigentes nullo pacto patiuntur, ut promoti ad Cathedrales, aut abbatiales Ecclesias alia beneficia vel simplicia, nec pensiones retineant sine apostolica dispensatione: eoque minus, ut duas unus vel Cathedrales, aut abbatiales, aut parochiales Ecclesias, vel dignitates praebendae canonicae, vel Parochiam cum dignitate, aut canonicatu simul retineat sine Apostolicae Sedis dispensatione. Nisi forte una ex iisdem Ecclesiis, vel dignitatibus curatis ab alia dependeat, vel in eam sint adnexae, inquam, excipiens eum Bonifacio VIII. (1). Hinc S. Congregatio Concilii declaravit dignitatem cum adnexe canonicatu, quae nullos vel tenues habeat fructus, posse (2), ubi adsit consuetudo, retineri, nec Tridentinam eo casu legem ob stare (3). Beneficia etiam curata aliis beneficiis adnexa censuit in simplicium naturam transire, dummodo cura illorum per Vicarium ab Ordinario deputatum exerceatur (4).

XI. Ex his autem, quae nec residentiam praecisam, neque adnexam habent curam animarum, duo beneficia, vel officia *uniformia sub eodem tecto* intra eandem Ecclesiam sub uno, eodemque titulo, seu nomine fundata, et erecta ad eundem finem, idemque ministerium, sunt etiam incompatibilia (5). Videtur enim rerum natura non pati, ut unus in eodem loco simul habeat duorum ministeria, et stipendia ordinario canonum iure, cui potest Summi Pontificis tantum dispensatio derogare (6).

XII. Locum habet incompatibilitas in beneficiis *nedum liberae collationis*, sed iuris etiam patronatus (7). Praeterquam quod fundator potest incompatibilitatem inducere in beneficiis quoque iurispatronatus, ubi residentiam praecisam, et continuam, et servitium personale beneficiario imposuerit, etiam si residentiae onus rigore iuris non adesset in beneficiis

(1) Bonif. VIII. in cap. cum singula 3a. de praeb. in VI.

(2) Glos. in eodem cap. cum singula 3a. verbo adnexi.

(3) Gallemart in declarat. ad cit. Trid. cap. 12. sess. 24. de reform. n. 1.

(4) Gallemart ibidem num. 3.

(5) Gallemart loc. cit. num. 3. Plura beneficia, inquit, non possunt obtineri, licet simplicia sint, sine dispensatione Papae: intellige sub eodem tecto, ac requirentia residentiam. Idemque num. 5.: distributiones quotidianae, aut, cuiuslibet capellaniae arguunt residentiam in choro, ideo huiusmodi capellania incompatibilis est cum aliis beneficiis residentiam requirentibus. Idemque num. 1. inquit: Capellania, cui adiunctum est onus deservendi in choro, obtineri non potest cum canonicatu per hoc decretum Trid., etiam si haberet tantum onus celebrandi Missam: cum enim est sub eodem tecto, opus est dispensatione.

(6) Fagnan. in cap. litteras 9. de concess. praeb. num. 13, 39., et seq. et 64.

(7) Apud Gallemart loc. cit. num. 2. verb. singulis conferuntur. S. Congregatio die 2. Febr. 1588., respondit eandem incompatibilitatis legem Tridentinam fore in beneficiis iurispatronatus observandam, in quibus non collatio, sed institutio fit.

simplicibus, et sine cura (1). Capellania igitur, cui adiunctum sit onus choro inserviendi, delineri non potest cum canonicatu, etiamsi eo solum celebrandae Missae onus habeat (2). Nulla etiam tenuitas, et inopia fructuum valet incompatibilitatem excludere in tribus iam expositis beneficiorum generibus cum cura, et residentia, ac uniformium sub eodem tecto (3).

XIII. Sed aliter se habet mora pluralitas beneficiorum simplicium sine cura, et sine residentia, ac difformium sub eodem tecto. Nam ex Tridentinae legis sequitate usu probatissima quum Episcopi, locorumque Ordinarii collatores potestatem habeant unum, et alterum dumtaxat beneficium uni cuilibet conferendi, quoties primum non sufficiat ad congruam vitae sustentationem, et alterutrum sit simplex: sit exinde, ut habenti cuique dignitatem unam, vel canonicatum, vel curam animarum liceat ab Ordinario, aliove collatore accipere, ac sine apostolica dispensatione retinere, alterum quantumvis pingue beneficium simplex, et versa vice possidens primum simplex beneficium tenuis redditus nulla etiam dispensatione indigeat ad secundum cum adnexa cura, vel residentia adipiscendum pariter, ac retinendum (4). Tertium vero beneficium licet nemini sine pontificia dispensatione retinere. Tameñsi amborum fructus insimul coacervari congruae sustentationi pares, non sunt (5). Eodemque iure nullus prohibetur difformia duo sub eodem tecto exigua, et simplicia auctoritate ordinaria obtinere (6): tria nequaquam. In pontificiis autem litteris collationum stylus invaluit semper indulgendi retentionem trium exiguorum beneficiorum quibuslibet: etiam non petentibus dispensationem apostolicam (7), ea adiecta clausula: *qui duo, vel tria simplicia, et personalem residentiam non requirunt beneficia, quorum insimul fructus valorem ducatorum . . . de Camera non excedunt, forsitan obtinet.*

XIV. Quantitatem reddituum, quae ad beneficiarios clericos decenter sustentandos sufficiat, quum Tridentini Patres non taxaverint eam cuiusque boni viri arbitrio definiendam videntur pro variis personarum indigentis, et qualitatibus reliquisse (8). Factum hinc est, ut quisque sibi

(1) Rota coram Bichio dec. 313. num. 2.; Garzia de benef. par. II. cap. 5. num. 230., Card. de Luc. de benef. disc. 119., num. 4., Piton. discept. eccl. 142. num. 2.

(2) Gallemart loc. cit. num. 1.

(3) Id colligitur ex Tridentini decreti limitatione, quod indulget habentibus primum tenue beneficium obtinere aliud simplex sufficiens, dummodo utrumque personalem residentiam non requirant.

(4) Gallemart. ibidem num. 3.

(5) Garzia cit. cap. 5. num. 310. M. A. Genuens. in prax. arch. Cur. Neap. cap. 64. num. 3.

(6) Gallemart in remission. ad cit. cap. 17. Trid. lit. E. Fagnanus loc. cit. num. 47. Garzia cit. par. 11. cap. 5. num. 246. fert a S. Congr. probari consuetudinem, quae uni in eadem Ecclesia indulgeat simul retinere dignitatem cum canonicatu, et duo quacunque beneficia difformia. Quidquid aliter senserit Hoiada de incompatibilitate, cuius opinionem adversam refellit Card. de Luca de benef. disc. 17. num. 6., cum Parisio Gonzalez, Rota, et aliis.

(7) Hoiada par. 2. cap. 1. num. 3., et seq., aliquo apud Gallemart in remission. loc. cit. lit. E.

(8) Hier. Gonzalez ad Reg. Vill. Cang. gl. 15. num. 39. Prosp. de Augu-

nimis indulgeat, et ex uno simplici beneficio sive multos, sive tenues redditus percipiens arbitretur sibi licitum sine pontificia dispensatione aliud simplex retinere. Et nemini unquam in foro moveri quaestionem super eiusmodi retentione duorum beneficiorum simplicium, etiamsi alterutrum sufficientes ovidenter fructus praebeat, ex consuetudine, quam putat legi Tridentinae iam derogasse, animadvertit Wanespenius (1). Addit Gallemartius, quod habens canonicatum, et duo simplicia beneficia ecclesiastica, quorum omnium annui redditus secundum communem aestimationem non excedunt scuta 125., non prohibetur a Concilio, quin ea omnia retinere possit (2). M. Ant. Genuensis arbitratur Canonicum Neapolitanum posse beneficium sine dispensatione obtinere, cuius annui fructus ascendant ad quingentos ducatos: nullamque habendam de patrimonio ipsius rationem esse, quod in alios a subsistentia sua diversos usus erogare fas est (3).

XV. Beneficia iurispatronatus simplicia ex universali observantia non afficit lex pluralitatis. Quum enim Tridentinum *conferri* singulis singula beneficia demandasset, non ideo prohibuit clericis a patronis praesentatos in secundo, tertio, pluribusque aliis beneficiis patronati subiectis *institutui* (4). Caesar Lambertinus Episcopus Insulanus scribit institutum seso fuisse in triginta septem beneficiis, quorum maxima pars erat iurispatronatus laicorum, et clericorum; eorumque fructus ducatos 130. de camera non excedebant, et ea sine dispensatione retinuisse (5).

XVI. Nec pensiones ecclesiasticas, nec legata pia, et capellanias laicales afficit lex pluralitatis, et incompatibilitatis ex decretis S. Congregationis (6). Sunt qui pensionem sub eodem tecto incompatibilem cum beneficio putarunt (7), et antiquus Datariae stylus ad exprimendas pensiones in apostolicis beneficiariorum litteris, perinde ac beneficia cogere impetrantes iamdudum consueverat, adiecta pro palatinis clausula *etiam sub eodem tecto*, et pro exponentibus in supplicatione pensionem, *non tamen in eadem Ecclesia consistentem* (8). Sed contraria tandem ita praevalet sententia, ut sub Innocentio X. deleta sit, atque in desuetudinem abiit huiusmodi clausula (9).

stino in *addit. ad St. Quaranta in sum. Bullarum verb. beneficiorum resignationes caus. 8.*, Navarra *miscell. 62. de oratione*, et ceteri.

(1) Wan-Espen *par. 2. tit. 20. cap. 3. num. 18. et 19.*

(2) Gallemart in *cit. declarat. num. 7. §. habens.*

(3) Genuensis in *prax. Cur. archiep. Neap. cap. 65. num. 3.*, edit. Rom. ann. 1609.

(4) Vivianus in *prax. iurispatr. part. 2. lib. 6. cap. 10. num. 20.*, et 27.

(5) Lambertinus *de iurispatr. par. 1. lib. 2. qu. 7. art. 15. num. 15.*

(6) Apud Gallemart. in *remission. ad cit. cap. 17. Trid. sess. 24. de ref. lit. B.*, et Y. Hinc Lotterius *de re benef. lib. 1. qu. 45.*, et Clericatus *de pensionibus discurs. 15.* commentent non esse pensiones in beneficiorum impetrationibus exprimendas.

(7) Rebuffus, Hoieda, Garzia, Corradus, Fagnanus apud Rigant. *to. 1. in Reg. I. Can. §. 3. num. 117.*, et seq.

(8) Corrad. in *prax. benef. lib. 2. cap. 6. num. 54.*

(9) Ex traditis a Rigantio *loc. cit. num. 111.*, et seq.

XVII. Incompatibilitas beneficiorum non collationem, seu impetrationem, neque institutionem canonicam impedit: sed solam duorum, vel plurium retentionem submovet (1). Nullo siquidem iure prohibetur Ordinarii locorum cuius alterum beneficium incompatible, aut tertium simplex arbitrato suo conferre, immo iuris necessitate adiguntur in beneficiis iurispatronatus eos instituere a patronis praesentatos, qui alterum incompatible, aut duo simplicia reapse habeant.

XVIII. Unam praebendam per assequutionem alterius praebendas in eadem Ecclesia ipso iure, non autem de facto vacare. Innocentius III. rescripsit dubitanti, an quum aliquis de una praebenda eligatur ad aliam, prior vacare statim incipiat, an per sententiam debeat ea spoliari (2). Gregorius X. collationem personatus, dignitatis, vel beneficii cum cura factam sine dispensatione apostolica ei, qui alterum possideret beneficium incompatible, illudque sponte non resignaret, nullius penitus esse momenti sanxit in Concilio Lugdunensi (3). Eiusmodi autem vacatio iuris non incurritur, nisi post pacificam secundi beneficii possessionem, vel nisi per beneficiarium steterit, omni dolo, ac simulatione litis cessante, quominus pacifice possideat (4). Hac etiam ratione titulares Episcopi sua, ut dixi, non amittunt beneficia, quum per eos non stet, quominus ad suas in partibus infidelibus Ecclesias accedant.

XIX. Ioannes XXII. (5) privat utroque illum, qui adepta possessione secundi incompatibilis curati non dimiserit primum. Firmum optandi arbitrium ei, qui dignitatem, et beneficium curatum obtinuerit, relictum eadem constitutione Fagnanus affirmat (6). Illud vero ipsum ademit Synodus Tridentina, dum sanxit primum ipso iure vacare per assequutionem secundi incompatibilis cuiuslibet sive curati, sive non, sive dignitatis, sive canonicatus: dein utrumque per contumacem utriusque retentionem (7).

XX. Itaque secundum beneficium incompatible quivis assequi nullo iure impeditur, illudque obtinenti permissa etiam est retentio ad duos usque menses a die adeptae pacificae possessionis computandos (8). Nam si vacatio de facto alterius incompatibilia beneficii non inducitur ex antedictis constitutionibus, nisi post adeptam secundi pacificam possessionem: pacifica nonnisi post aliquod temporis intervallum iudicatur. Nam obvenientibus interea molestiis iudicialibus, possessor non cogitur primum post

(1) Rota par. 3. rec. dec. 721. num. 2, par. 4. dec. 337. num. 9. to. 2. par. 16. dec. 116. num. 11, apud Merlinum dec. 6. num. 10. Cassador. de caus. possess. dec. 9.

(2) Innoc. III. in cap. litteras 9. de concess. praeb.

(3) Greg. X. in cap. Ordinarii 3. de offc. Ord. in VI.

(4) Clem. fin. de praebendis, Extravag. execrabilis, et extr. quos eod tit.

(5) Ioann. XXII. in extravag. execrabilis de praeb. §. qui vero deinceps.

(6) Fagnan. in cap. referente 7. de praeb. num. 7., et 8.

(7) Trid. cap. 4. sess. 7., et cap. 17. sess. 24. de ref. Id quod explicat Fagnan. loc. cit. In Gallia vero beneficium ipso iure non vacare per assequutionem secundi incompatibilis, sed dari optionem eligendi alterutrum inter annum, et diem, observant Wan-Espen. par. 2. tit. 20. cap. 4. num. 11., et 15., et Franc. le Roy cap. 16.

(8) Rota apud Merlinum dec. 9. n. 19., et Cassador. dec. 9. de caus. posses.

lapsum quoque duorum mensium dimittere, sed utrumque retinebit, donec fuerit lis extincta (1): Rigantius multis ostendit concessum ideo spatium duorum mensium ad primum incompatible dimittendum, ut possit interea quispiam experiri, an molestiae superveniant: ne istis inopinato obvenientibus post primum dimissum incidat in utriusque iacturam (2). Datariae autem stylo ante duorum mensium lapsum impetratio primi beneficii tamquam ipso iure vacantis per assecutionem secundi indulgetur eo pacto, ut apostolicae litterae executioni demandentur post lapsum pacificae possessionis bimestre, vel post extinctam super secundo beneficio litem: ne utriusque beneficii iacturam incurrat sine culpa sua provisos (3).

XXI. Ad vitandas vero ambiguitates in praxi duplex Datariae decretum discerni debet in litteris pontificiis. Alterum profecto adponitur de dimittendo primo beneficio intra duos menses, ubi inferiora sint beneficia. Alterum in provisionibus Cathedralium, et Abbatialium Ecclesiarum, aliorumque arbitrio Papae beneficiorum exprimit, ut primum eo ipso vacet, eodemque momento alteri conferatur (4). Secundum hocce decretum consonat cum canone Lateranensi sub Alexandro III. (5), quod beneficia electi, et promoti ad episcopatum definivit eo ipso vacare, utque vacantia conferri posse. Fagnanus inde monet, quod executor litterarum apostolicarum immittere in possessionem secundi incompatible eum non debeat, qui primum antea non dimiserit (6).

XXII. Super retentione plurium beneficiorum tam simplicium, quam incompatibleum Papa tantum dispensat (7), cui solum; praeterea nemini, facultas est derogandi sacris Ecclesiae canonibus. Verum, ubi non subsit causa rationalis, non excusatur clericus plura obtinens beneficia in foro poli ex dispensatione Papae: sed tutus vix est in foro externo militantis Ecclesiae, iuxta communem sententiam relata a Panormitano (8). Quandoquidem Apostolus nonnisi eis, qui bene praesunt presbyteri, et qui maxime laborant in verbo, et doctrina, duplici honore (seu sportula, aut stipendio) dignos pronunciat (9). Concilium inde Lateranense IV. censuit circa sublimes, et litteratas personas, quae maioribus sunt beneficiis honorandae, cum ratio postulaverit, per Sedem Apostolicam posse dispensari (10).

XXIII. Quoniam vero collatio, et provisio alicui de secundo beneficio, quam Sedes quoque Apostolica faciat conscia, quod aliud is beneficium habeat incompatible, fere non continet dispensationem utriusque retinendi, nisi eam expresserit (11): ad vitandas fraudes iure merito Gregorius X

(1) Piton. *discept.* 134. to. 4.

(2) Rigant. in *Reg. I. Canc.* §. 8. n. 115.

(3) Rot. coram Merlin. *dec.* 713., Ant. M. de Nigris *hb.* 1. de vacat. benef. n. 6.

(4) De Nigris *loc. cit.* n. 19., et seq.

(5) Conc. Lateran. III. in cap. cum in cunctis 7. §. cum vero de elect.

(6) Fagnan. in cap. litteras 9. de concess. praeb. n. 20., et seq.

(7) Ridolf. in *prax. benef. par.* 2. tit. de dispensat. ad plura beneficia n. 2.

(8) Panormitan. in cap. dudum de elect., et cap. quum adeo de rescript. et Fagnan. ad cap. nimis de filiis presbyt. n. 8.

(9) Apostol. 1. ad Timoth. cap. 6. vers. 17., et 18.

(10) Conc. Lateranen. in cap. de multis 28. de praeb.

(11) Cap. non potest 21. de praebendis in VI.

statuit: Ordinariis locorum dispensationes eiusmodi exhibere compellantur dispensati infra tempus arbitrio Ordinariorum congruum examinandas: quas si non ostenderint, procedatur perinde, ac si nullas haberent; si autem sufficientes ostenderint, amplius non molestentur; quod si de sufficientia dubitetur, super hoc ad Sedem Apostolicam recurratur (1). Hanc constitutionem innovavit Tridentinum (2).

XXIV. Ut valeat hinc dispensatio pontificia prodesse, procul ab ea omnino sit subreptio, et obreptio. Nequit enim dispensatio super pluralitate beneficiorum ei suffragari, qui aliquod quamvis modicum beneficium subleuit in ea impetranda, ut Bonifacius VIII. declaravit (3).

XXV. Si agatur de beneficiis patronatus laicorum dubitatur, novus ne consensus patronorum requiratur ad dispensationem super iis retinendis? Rigantius monet decreto, quod solet Apostolica Sedes adicere in provisionibus beneficiorum ob incompatibilitatem vacantium, ut scilicet nemo alius praeter Pontificem de illis disponere possit, non adimi patronis facultatem praesentandi: sed Ordinariis inhiberi institutionem, et patronos adigi ad praesentandum in Curia, et apud Sedem (4). Nam Cancellario Regula XLII. generatim vetat expediri litteras de quovis beneficio ecclesiastico iurispatronatus laicorum, nisi patronorum accedat adsensus.

C A P. XXII.

De necessariis vacationibus.

- I. Vel ab homine, seu sententiâ iudicis obveniunt necessariae vacationes beneficiorum.*
- II. Vel a lege ob admissa crimina, quae privationem beneficiorum inferunt.*
- III. Harum vacationum aliae de iure, aliae de facto, aliae de iure, et de facto simul contingunt.*
- IV. Unus vacationis modus pro alio narratus pontificiam collationem fere vitiat.*
- V. Mors naturalis vacationem de iure, et facto parit, civilis non item.*
- VI. Ex quinque generatim causis multiformes vacationes ipso iure profluunt.*
- VII. Primum ex desertione status clericalis.*
- VIII. Ob matrimonium rite contractum.*

(1) Gregor. X. in Conc. Lugdunensi cap. 3. de officio Ordin. in VI.

(2) Trid. sess. 7. cap. 5. de refor.

(3) Bonif. VIII. in cit. cap. non potest. Ea in quaestione variasse Rolac auctiores dec. de praebend. in novis, refert Rigant. to. 1. in Reg. 1. Canc. §. 7. n. 178.

(4) Rigant. in Reg. 4s. Canc. num. 64., et 65. tom. 3.

- IX. Ob solemne in aliquo Regularium Ordine professionem, excepta Societate Iesu.
- X. Ob saecularem militiam.
- XI. Ob investituram feudi.
- XII. Quidquid aliter sit de regibus aliis ministeriis.
- XIII. Ob derelictum Ecclesiae famulatum, vestemque clericalem.
- XIV. Secundo, ex neglecta promotione ad sacros Ordines, vel gradus canonicatibus, et curis animarum adnexos.
- XV. Tertio, ex incompatibilitate, et pluralitate.
- XVI. Sub eiusdem Ecclesiae tecto clericis illegitimis nec unum licet habere beneficium, ubi eorum parentes beneficiarii fuerint.
- XVII. Quarto, ex defectivis impetrationibus, vel conditionibus earum non impletis, praesertim in provisionibus Parochiarum, vel resignationibus non publicatis, vel possessione sine litteris adprehensa.
- XVIII. Quinto, ex criminibus aliquot gravioribus. Ea nimirum sunt haeresis, schisma, et apostasia.
- XIX. Simonia, et falsitas.
- XX. Cardinalium, aut Episcoporum offensio, assassinium, caedes beneficiariorum, aut innoxii pro noxio, abortus, duellum, iniusta ecclesiasticarum rerum usurpatio, tum coactio clericorum ad beneficia dimittenda.
- XXI. Nefandum crimen, et tertia blasphemia.
- XXII. Ab homine privantur beneficiis clerici ob non residentiam, ministerium derelictum, Ordinesque non susceptos.
- XXIII. Ob homicidium, sacrilegium, Ecclesiae violationem, sortilegium.
- XXIV. Ob falsatas monetas, alchimiaeque artem, ob falsitatem, mutationem nominis, usumque falsarum litterarum.
- XXV. Ob adulterium, raptum, incestum praesertim sacrilegium, concubinatum.
- XXVI. Ob vitae turpitudinem, ebrietatem, larvas.
- XXVII. Ob furtum, latrocinium, rapinam, usuram.
- XXVIII. Ob violationem censurarum, spretumque dignitatis episcopalis.
- XXIX. Ob lites pro aliis contra Ecclesiam suam susceptas.
- XXX. Ob crimina depositionem promerentia.
- XXXI. Nonnisi ubi Ecclesiae leges privationem sanxerunt, Episcopis licet eam decernere.
- XXXII. Ipsamque iudices putantur remisisse, quoties ipsam in sententia non exprimant, nisi lex eam ipso facto sanxerit.
- XXXIII. Nam ferendas ab homine privationes beneficiorum arbitrio iudicis remittit canonica aequitas.

XXXIV. Perpetuitas beneficiorum fere excludit arbitrarias privationes.

I. Necessariae beneficiorum vacationes vel ab homine, vel a lege promanant. Quoties poenam privationis beneficii ecclesiasticus iudex beneficiario ob crimen aliquod infligit in casibus iure permissis, clericumque rite damnatum beneficio spoliaret vigore sententiae, illius vacatio tunc dicitur ab homine inferri: quoniam nonnisi post pronunciatam a iudice sententiam privationis, et postquam ea transiverit in rem iudicatam, vacare illud incipit (1).

II. Vacationes a lege saepius contingunt, statim ac beneficiarius crimen admisit aliquod, cui canones, Ecclesiaeque sanctiones privationem beneficii ipso iure, ipsoque facto incurrendam addixerint, antequam iudex suam in eum ferat sententiam, adeo ut valeant expiscatores illud ab Apostolica Sede exemplo impetrare. Et quamvis nova provisio beneficii, seu vacantis ob crimen eiusmodi nequeat suum sortiri effectum, nec possessionem expiscator accipere, nisi plena praecesserit probatio criminis vacationem inducentis, auditis interesse habentibus in iudicio ordinario, vel exequutore apostolico, vel Ordinario loci, et sententia inde promulgetur, quae beneficiarium declarat eisdem criminis rerum, vel convictum, vel confessum incidisse in poenam privationis beneficii ipso iure infligendi, eoque fore ipso facto spoliandum: attamen eam beneficii vacationem, et privationem non habemus, seu iudex inferre tunc dicitur, sed ius ipsum. Nam factum aolummodo sententia sua iudex declarat, quod privationem parit ipso iure: quum ex facto ius sponte sua oriatur sine iudicis ministerio. Secus porro est in aliis criminibus, in quibus a iure facultatem habet iudex irrogandi poenam privationis beneficii. Nam si alia poena reos afficere is maluerit, atque a privatione beneficii abstinuerit: nullus post talem sententiam vacationi locus erit. Quoniam pro variis personarum meritis, et criminum qualitatibus poenam quoque depositionis, et privationis beneficiorum poterit iudicantis discretio moderari (2).

III. Vacationis autem a lege tripliciter contingere iam praemonui: vel scilicet de iure tantum, vel de facto tantum, vel de iure simul, et facto (3). Quoties possessio beneficii contra ius detinetur sine titulo iusto, puta per invalidam collationem, aut omissam publicationem resignationis, aut quamlibet transgressionem pontificiae legis vacationem eo ipso infligentis, aut post ademptionem secundi incompatibilis: beneficium de iure solum vacare, non de facto (4): quum expiscator illud valeat, ut vacans impetrare, ipsiusque iam illegitimum possessorem exinde manu iudicis repellere (5). Praeterea si habens quis titulum, et ius plene quaesitum in beneficio per canonicam collationem, vel institutionem, illud antequam possessionem

(1) Innoc. III. in cap. proposuit 4. de concess. praeb. ait: quae post cassationem concessionis a vobis factae intelligebatur vacare.

(2) Innoc. III. in cap. inquisitionis 21. de accusat.

(3) Videbis dicta superius cap. 5. n. 54.

(4) Innoc. III. in cap. litteras 9. de concess. praeb.

(5) Bonif. VIII. in cap. licet Episcopus 28. de praeb. in VI.

capiat, cesserit, vel amiserit ob crimen, vel reliquerit per obitum: *de iure* vacans, non *de facto* putabitur (1). E contrario, ubi vacua sit possessio beneficii derelicta per eius obitum, vel renunciationem, qui illud subreptione, vel obreptione, vitiove alio nulliter impetrasset, aut qui ab Ordinario, aliove potestatem conferendi non habente obtinisset invalidam reservationi, vel affecti collationem, vacare *de iure* solum dicimus: quia plus facti, quam iuris habet possessio (2). Eoque casu impetrator ostendere non cogitur titulum praedecessoris vel mortui, vel resignantis, sed probare sibi sufficit, quod is diu beneficium possederit cum fama tituli, scilicet pro legitimo beneficii possessore, ac beneficiario sit communiter habitus (3). Dum vero et titulus, et possessio caret beneficiario, et vacua revera haec est per cessum, vel decessum eius, qui iusto cum titulo beneficium possidebat, vacatio *de iure* simul, et *de facto* tunc datur (4) successori beneficiario magis, quam aliae simplices profutura. Qui tamen impetravit beneficium, illudque asseruerit vacare per obitum, vel renunciationem alicuius, sat ei erit pro veritate precum ostendenda probare vacationem alternatim vel *de iure*, vel *de facto* (5).

IV. Multos, et varios modos cuiusque istarum vacationum generis distinguere nunc oportet, ex quibus tacite dignoscitur, quatenam beneficiorum impetrationes vitentur, nec ne ob falsam, aut erroneam vacationis expressionem (6). Unus enim expressus modus alium non expressum fere excludit (7).

V. Per obitum primis beneficiariorum omni modis reapse vacent: species ista vacationis non ad civilem, sed ad naturalem spectat obitum (8). Itaque per captivitatem Episcopi apud paganos, aut schismaticos episcopalis Ecclesia non vacans nequit cuiquam in titulum conferri, sed Capitulum eam interea in spiritualibus, et temporalibus perinde administrabit, ac si Sedes per mortem vacaret, donec is libertati restitutus ad suam iure postliminii rediderit Ecclesiam: nisi aliud Sedes Apostolica, cuius interest Ecclesiarum omnium providere necessitatibus, consuerit pro ea interim administranda disponere (9). Eodemque iure in Ecclesiis omnibus vel sine cura, vel cum cura animarum captivitas Parochi, vel beneficiarii quum vacationem non inferat, facit, ut Episcopus debeat Vicarium, vel coadiutorem deputare, qui Ecclesiae onera ferat. Hac enim in re absenti ex iusta causa captivus comparatur (10). Quemadmodum et deportati, seu ad

(1) Rota dec. 52, par. 3. div. lib. 2.

(2) Innoc. III. in cap. cum nostris 6. de concess. praeb.

(3) Ex sententia Lapi alleg. 89., quam Rota probavit coram Io. B. Coccino dec. 189. n. 2., et dec. 348. par. 3. rec.

(4) Ex cit. cap. cum nostris.

(5) Rota coram Coccino dec. 263. n. 3., et coram Ubaldo dec. 212.

(6) Ex supradictis cap. 22. n. 14., et 15. Innoc. III. in cap. cum nostris 6. de concess. praeb. rescripsit inanem ei fuisse collationem apostolicam vitio subreptionis, et obreptionis, qui uti devolutum ex diuturna vacatione beneficium obtinuerat, quod promolus ad episcopatum possidebat.

(7) Bonif. VIII. in cap. susceptum 6. de rescript. in VI.

(8) Idem in cap. si Episcopus 3. de supplen. neglig. praelat. in VI.

(9) Idem ibid.

(10) Gl. in cit. cap. si Episcopus verb. libertati.

perpetuas triremes, aut carceres damnati beneficia eo ipso non amittunt, quamvis mortui civiliter, et servi poenae: nisi per sententiam iudicis expresse illis priventer (1).

VI. Species quamplurimae vacationum ipso iure a quinque capitibus ortum ducunt, a desertione status clericalis, a neglecta susceptione Ordinum beneficii adnexorum, ab incompatibilitate, ab impetratione defectiva, seu irrita collatione, vel institutione, tandem ab exceptis quibusdam criminibus.

VII. In primis ad desertionem quod attinet status clericalis, hanc teno regulam, unde plura fluunt consecraria fluunt consecraria. Quoties beneficiarii statum clericalem dereliquerint, consequens est, ut beneficia etiam clericalia pro derelictis habeant.

VIII. Hinc eo ipso die, quo matrimonium verbis de praesenti contraxerit beneficiarius clericus latini ritus, beneficia eius confestim ipso iure vacare Alexander III (2), et Innocentius III (3) rescripserunt. Cancellariae tum Regula LVIII. cautum est, ut nisi sequatur matrimonium, non vacare beneficium nec censi specialiter reservatum, vel affectum (4). Dignitatem Cardinalitiam cum omnibus beneficiis ipso iure post contractum a Cardinale matrimonium vacare, ita ut resignandi locus non detur amplius, declaravit S. Pius V. cum D. Vinc. Card. Gonzaga, et Urbanus VIII. cum Nic. Franc. Cardinale a Lotharingia (5). Et quamvis clerici coniugati cum unicis, et virginibus clericalia privilegia fori, et canonis hoc etiam in Regno retineant (6): nullo tamen pacto possunt ad retentionem, vel adeptionem beneficiorum ex relatis canonibus extendi. Si matrimonium clerici ex aliquo impedimento canonico irritum fuerit: beneficia eius vacare non secus, quam ex matrimonio valido, tenent Doctores (7). At sponsalia de futuro nullam beneficii vacationem inducunt (8).

IX. Transeuntes ad statum regularem, solemnem emissam professione,

(1) Ex infra dicendis.

(2) Alex. III. in cap. 1. de cleric. coniug. ait: «Si qui clericorum infra subdiaconatum acceperint uxores, ipsos ad relinquenda beneficia ecclesiastica, et retinendas uxores distractione ecclesiastica compellatis. Quam enim (idem Pontifex inquit in cap. quod a te 3. eod. tit.) simul voluptatibus, et carnalibus desideriis, ac diurnis, et ecclesiasticis obsequiis vacare non valeant: ecclesiasticis procul dubio beneficiis sunt privandi.

(3) Innoc. III. in cap. diversis 5. eod. tit. rescripsit «quatenus huiusmodi clericos beneficiis ecclesiasticis, quae in aliqua dioecesi sunt adepti, privet Episcopus, appellatione remota: nisi forte Episcopus talibus scienter contulisset ecclesiastica beneficia, quibus tunc eos non per Episcopum ipsum, sed per Saepiorem decrevit spoliandos». Observat Glos. in cap. 1. eod. tit. verb. relinquenda, quod privatio, spoliatio, et compulsio ista ad corpoream solummodo possessionem beneficii dimittendam spectat, quum ipso iure beneficium, matrimonio contracto, statim vacet.

(4) Reg. LVIII, quam supra exposui cap. 12. num. 15.

(5) Rigan. in comm. ad Reg. LVIII. n. 11. ad 14. tom. 4.

(6) Bonif. VIII. in cap. un. de cler. coniug. in VI. Trid. in cap. nullus 6. sess. 23. de reformat., et Concordata an. 1741. cap. 3. art. 2.

(7) Staphilaeus de iur. gratiae tit. de var. mod. vacat. §. quintus vacat. modus num. 4., et seq. Vivian. de iurep. lib. 5. cap. 5. n. 63.

(8) Rota dec. 772. par. 2. rec.

amittunt ipso etiam iure omnia beneficia Cleri saecularis (1). Regularia enim Regularibus, et saecularia secularibus committenda sunt (2): nisi dispensatio apostolica regularem professum ad obtinenda saecularia idoneum quandoque faciat (3). Religiosi tamen Societatis Iesu elapso probationis biennio post emissa etiam tria vota regularia, licet eosdem vere religiosos esse definiverit Gregorius XIII (4): saecularium clericorum beneficia adhuc retinere ex probatis Ordinis constitutionibus possunt, quae antequam in societatem cooptarentur, obtinebant. Quoniam prae laudatus Pontifex expresse indulsit emittentibus tria vota simplicia facultatem retinendi ius, dominiumque bonorum suorum, et consequenter beneficia, eaque in pios usus distribuendi: ut Superior generalis eosdem professos (qui semper esse in probatione dicuntur, quoadusque sese quarto voto obstrinxerint) a Societate dimittere ob causam etiam innoxiam sine ipsorum culpa possit liberius, utque dimissi exinde sese bonis nudatos non luceant (5). Eoque minus beneficia cuiusque Religionem ingressi vacant intra probationis annum (6), ei ne libertas redeundi ad saeculum immineatur.

X. Sola militiae saecularis assumptio absque homicidio, vel saevis, beneficiorum, et pensionum amissionem quoque parit, nulla etiam contracta irregularitate (7). Quoniam amissio pensionis, vel beneficii propter militiam saecularem cum ecclesiastica incompatibilem obvenit non ratione irregularitatis, sed propter desertionem clericalis militiae: quia non possumus Deo simul, et saeculo militare (8). Propterea huic regulae vacationis locus non erit, si miles clericus fiat pro defensione Sedis Apostolicae, vel pro defendenda patria obsessa, vel adversus infideles (9). Ad saecularem

(1) Bonif. VIII. in *cap. beneficium 4. de Regular. in VI.* Quod laudat, et firmat Benedictus XIV. in *const. ex quo dilectus 25. de libero ingressu cleric. saecul. in Ord. regul. to. 2. Bullar.*

(2) Idem in *cap. cum de beneficio 5. de praeb. in VI.*, Clement. 1. *de elect. Conc. Hispal. II. in can. in nona 22. C. 16. qu. 7.* Videsis dicta superius *cap. 9. n. 3a., et seq.*

(3) Rebuff. in *prax. benefic. tit. de dispensat. cum Regular.*

(4) Greg. XIII. in *const. quanto fructuosius*, edita Kal. Febr. 1582., et *const. ascendente Domino*, 8. Kal. Iunii 1654.

(5) Rota in nullius, seu Caputaquensi pensionis 18. Aprilis 1616. penes Vivian. *de iurepatr. par. 2. lib. 5. cap. 5. post. n. 164.*

(6) Ex *cit. cap. beneficium de Regular. in VI.*

(7) Card. de Luca in *adnot. ad S. Conc. Trid. disc. 12. n. 6.*

(8) Ex *Conc. Meldensi in can. quicumque ex Clero 6. C. 23. qu. 8. Conc. Chalcedonense in can. eos qui C. 10. qu. 3. sanxit eos, qui semel in Clero taxati fuerint, vive in monasterio deputati, neque ad militiam, neque ad honores saeculares venire.*

(9) Card. de Luca loc. cit., et de pensionib. disc. 46. « Noli existimare (ad Bonifacium scribens S. Augustinus ait in can. noli C. 23. qu. 1.) neminem Deo placere posse, qui in armis bellicis militat. In his erat S. David, cui Dominus tam magnum perhibuit testimonium. In his etiam plurimi illius temporis iusti. In his erat et ille Centurio. Nam si christiana disciplina (eiusdem S. Doctoris verba sunt in can. praecedenti) omnia bella culparet, hoc potius militibus consilium salutis petentibus a S. Praecursore Io. Baptista in Evangelio datum esset, ut abicerent arma, seque militiae omnino subtraherent.

vero militiam transiliens, non nisi postquam cingulo militari praecinctus rite sit, ac iuramentum fidelitatis praestiterit, atque in cathalogo militum conscriptus erit condito stipendio (1), vel postquam saeva exercere is coeperit, ecclesiastica amittit beneficia (2).

XI. Et quoniam Barones, et feudatarii per investituram feudi recti, et nobilis, quod *quaternatum* nostri appellant, veri efficiuntur milites Regis investientis, eique in militia personaliter inservire obstringuntur: ipsi exinde si clerici fuerint beneficiarii, statim ac feudum saeculare acceptaverint, ecclesiastica eorum beneficia ipso iure vacabunt (3). Id quod hoc etiam in Regno viget, quamvis cuncti Barones militiae personaliter non inserviant: sed pro suo ipsorum equite armato *adhoam* regio fisco solvunt quotannis, conventam scilicet pecuniae quantitatem alendo equiti parem, operisque extraordinariam quoque possint per alios tempore belli praebere. Quemadmodum versa vice si feudi possessor ecclesiasticis initiatur Ordinibus, feudum illico amittit: nisi consuetudo loci, regiaque simul, et pontificia dispensatio alicui speciatim indulserit feudi retentionem in statu clericali (4).

XII. Officia tamen regii ministerii, et magistratus, puta iudicis, vel consiliarii, vel gubernatoris usque adeo in clericis tolerantur, ut sua ipsi beneficia non amittant talia obeuntes ministeria: dummodo se abstineant a poenis sanguinis infligendis, et mutilationibus membrorum, aliisque saevae repugnantibus ecclesiasticae lenitudini. Nam Alexander III. probavit, quod Archiepiscopus Panormitanus, alique Episcopi ex commissione Siciliae Regis posset Saracenos puerorum, mulierumque raptores pecuniaria poena mulctare, et flagellis etiam afficere citra sanguinis vindictam, reservaturi poenam capitis, membrorumque mutilationem regiae potestati (5). Si ergo poenam sanguinis inflixerit clericus; vel suam quomodolibet operam in iudicio capitali praestiterit, ipso iure beneficiis privatur (6). Idemque Archiepiscopo Cantuariensi rescripsit, ut *honore priventur, et loco*, qui aut per se truncationes membrorum faciat, sive iudicent inferendas. Officium vero vicecomitis, aut praepositi saecularis inhibuit Sacerdotibus sub interminatione anathematis (7).

1 Interrogantibus autem eum, et militibus dicentibus: *quid faciemus et nos?*
2 ait illis Lucae 3. *Neminem concutatis, neque calumniam faciat, et contenti estote stipendiis vestris* Quibus proprium stipendium sufficere debere praecipit, militare utique non prohibuit. 1

(1) Ulpianus in l. ex eo 42. D. de testam. milit. ex tempore, ait, *quis iure militari incipit posse testari, ex quo in numeros relatus est: ante non. Proinde qui nondum in numeros sunt, licet etiam lecti tyrones sint, et publicis expensis iter faciunt, nondum milites sunt: debent enim in numeros referri.*

(2) Tondutus quaest. benefic. cap. 174. n. 5. Glos. in l. milites D. quibus ex caus. milites in integr. restit.

(3) Rota dec. 158. par. 1. rec. n. 16., ex Glos. in cap. 1. §. qui clericus tit. si de feudo defuncti.

(4) Id quod fusius explicabitur in tract. de feudis.

(5) Alex. III. in cap. in Archiepiscopatu 4. de raptor.

(6) Rota dec. 279. par. 16. rae. n. 4., et 5.

(7) Alex. III. in cap. clericis 5. ne clerici, vel monachi negot. sneent. se immisceant.

XIII. Clerici minorum ordinum Ecclesiae non servientes, clericalem habitum non gestantes, cetera Concilii Tridentini adiuncta necessaria non servantes, deque tabella, seu matricula clericorum a dioecesano Episcopo deleti ad formam novissimae legis Concordatorum (1), an similiter ob deficientem clericatum, amittant ipso facto, beneficia ecclesiastica una cum omnibus privilegiis clericalibus, an potius privandi eis per sententiam sint? non immerito dubitatur. Quod ob publicam, et continuatam vestium laicalium delationem ipso etiam iure beneficia fiant vacantia, sanxit Xystus V. (2). At posterior Innocentii XIII. constitutio edita die 13. Maii 1723. super ecclesiastica disciplina Regnorum Hispaniae (3), quam Benedictus XIII. confirmavit, atque ad cetera Orbis catholici Regna extendit (4), eos monitionibus praemissis, servatisque de iure servandis foro beneficiis privandos maluit: ubi reperiantur Benedictus XIII. ait clerici capellanas, vel beneficia cuiuscumque etiam tenuis redditus obtinentes, quorum improba vita aliis offensionem praebens destruat potius, quam aedificet: vel concubinariis, aut foeneratores, vel ebrietati, ludere alearum dediti, vel satores rixarum, vel negotiatores, vel arma gestantes, vel incertis sedibus vagantes, vel clericalem habitum, tonsuramque non deferentes, vel ecclesiastica immunitate in fraudem tributorum, et vectigalium a laicis non exemptis solvendorum temere abutentes, vel qui demum similia, aut maiora crimina patrant numero magis, quam merito ad Ecclesiam pertinere visi fuerint: Episcopi, praemissis tamen necessariis monitionibus, servatisque aliis de iure servandis, contra ipsos ad poenas a Romanis Pontificibus praedecessoribus, et a sacris Conciliis impositas, et etiam ad privationem beneficiorum, capellaniarum, et ecclesiasticorum officiorum in omnibus illis casibus, in quibus praedicta privatio a sacris canonibus imposita est, humanis quibuscumque rationibus posthabitis, procedant: memores seipsum neglectas subditorum emendationis condignas Deo vindici poenas persoluturos. Quare clericus in minoribus a clericatu deiectus per sententiam, quae transitum fecerit in rem iudicatam, eo ipso beneficiis omnibus expoliatur, quemadmodum exauctoratus miles a militia expellitur omni stipendio simul, et honore nudatus (5). Quum vero lex nostra Concordatorum edixerit eos, quorum nomina e publica tabella clericorum deleantur, continuo amittere cuncta privilegia clericalia, nimirum canonis, fori, et immunitatum, nullasque praevias ea in re monitiones imperaverit: videtur sub vocabulo privilegii noluisse beneficia complecti, nec beneficiarios clericos e tabella deletos, beneficiis etiam nulla praemissa monitione spoliare, aed privationem beneficiorum adhuc reliquisse decernendam in iudicio, auditis partibus, et servatis iudiciorum ritibus.

XIV. Secundo: Neglecta ordinum susceptio vacationem ipso etiam iure non semel infert. Repugnat enim beneficia cum cura animarum, dignita-

(1) Concordata cap. 4. art. 8.

(2) Xystus V. in const. cum sacrosancta, apud St. Quaranta in sum. Bullar. verb. habitus clericalis.

(3) Innoc. XIII. in const. apostolici ministerii, 13. Maii 1723.

(4) Bened. XIII. in const. in supremo militantis, 1. Octobris. 1724.

(5) Gl. in l. 2. verb. exauctorasse D. qui not. infamia, de Nigris lib. 2. de vacationibus benef. cap. 1. num. 27.

tes, ac canonicatus, et cetera suavia Ordinibus adnexa eos possidere, qui ad presbyteratum, vel sacros Ordines intra annum promoveri non curant, nec alias adsumunt qualitates ad ea retinenda necessarias (1).

XV. Tertio: Incompatibilitas, et pluralitas quando vacationem ipso iure producat, iam explicatum est in praecedenti cap. IV.

XVI. Illegitimis clericis, quos clerici progenierint, speciatim sacri canones vetant, et ministrare sacris, et ecclesiasticum habere beneficium illis in Ecclesiis, in quibus patres eorum ministraverint, vel quodcumque etiam dissimile beneficium obtinuerint aliquando, ut paternae incontinentiae memoria a locis Deo consecratis, quos maxime puritas, sanctitasque decet, longissime arceatur (2). Hisque nil suffragabitur apostolica dispensatio ad Ordines, et beneficia generatim indulta.

XVII. In quarto vacationum genere sunt, quae accidunt ex defectibus, vel impetrationibus beneficiorum, vel non impletis earum conditionibus, quas pontificiae aut litterae, aut constitutiones, aut Regiae Cancellariae adiecerint, et impetraverint cum clausula irritante quicquid aliter gestum erit. Videlicet in provisionibus parochialium Ecclesiarum, non servata forma concursus a Tridentina Synodo, tum a Pontificibus S. Pio V, Clemente XI, et Benedicto XIV. praescripta (3). In resignationibus beneficiorum, quoties intra viginti dies decesserint resignantes (4); atque in resignationibus ad formam bullae Gregorii XIII. non publicatis (5). Id impetrationibus a Sede Apostolica subreptitiis, ob falsam valoris expressionem, aliamque falsitatem expositam, vel tacitam veritatem (6). Ob adprehensam beneficii possessionem sine litteris apostolicis cum sola signatura gratiae (7). Id quod pluribus Pontificum sanctionibus cautum est (8). Et generatim quoties non impleantur conditiones in litteris apostolicis adiectae cum clausula irritante, seu poenam vacationis eo ipso comminante.

XVIII. Ad quintum genus vacationum ipso iure pertinet (9): haeresis (10), quae non modo haereticos ipsos, sed filios etiam eorum innoxios

(1) Ex cit. cap. cum in cunctis 7. §. inferiora de elect., cap. licet 14., et cap. commissio 35. eod. tit. in VI., Clement. un. de offic. Vicarii.

(2) Innoc. I. in can. propositi 2. dist. 82., Alex. III. in cap. praesentium 3., et seq. de fil. presbyter., Trid. in cap. ut paternae 15. sess. 26. de ref.

(3) Ex supradictis cap. 10. n. 19., et seq.

(4) Ex ante dictis cap. 20. n. 19.

(5) Videsis dicta in eodem cap. 19. n. 24., et seq.

(6) Qua de re dixi saepius cap. 12.

(7) Ex antedictis cap. 10. n. 6.

(8) Bonif. VIII. in cap. eum, qui 28. de praeb. in VI.; privit eo ipso beneficiis violentis eorumdem occupatores, atque intrusos. Inno. III. const. 83. Paulus III. const. 49. Innoc. X. const. 50., die 3. Febr. 1652., sanxerunt ex solo supplicationis transumpto capi non posse beneficii possessionem sub poena vacationis ipso iure, nisi expresse indulerit Papa, quod simplex signatura sufficiat. Rota dec. 268., et 287. par. 6o rec.

(9) Ex supradictis cap. 13. n. 9., et seq. post Alex. III. in cap. si constituerit 10. de accusat.

(10) Luc. III. in cap. ad abolendam 9. de haereticis cap. ut commissi 12. eod. tit. in VI. Rigant. in Reg. I. Conc. num. 66., et seq. tenet beneficia eorum, qui in haeresim prolapsi sint, atque in Curia Romana damnati, quamvis

usque ad secundam generationem beneficii eo ipso expoliat (1). Quin etiam clericos quoslibet beneficia precibus haereticorum scienter impetran-tes (2). 2: schisma, et apostasia (3).

XIX. 3: Simonia quum realis, et conventionalis (4), tum confidentia- lis (5). Pro aliis quoque si dignitates ecclesiasticas, et officia cum inrudi- ctione, mediante pecunia ab Apostolica Sede Praefati, et Romanae Curiae officiales impetraverint, omnia ipsorum beneficia eo ipso vacabunt (6): aut si alios se simulaverint, atque examini supposuerint (7). 4: Falsitas lit- terarum apostolicarum (8). Qui tamen eiusmodi litteris utuntur, non eo quidem ipso, sed per sententiam beneficiis privandi sunt (9).

XX. 5: Percussio, et realis offensio Cardinalium (10), aut Episcopo- rum (11). 6: Assassinium (12), seu caedes hominis alicui mandata, vel alie- no mandato gesta. 7: Homicidium in personas beneficiariorum a patronis eiusdem Ecclesiae beneficalis patratum (13). 8: Caedes innoxii pro noxio ad vindictam transversariam (14). 9: Abortus inanimis etiam foetus (15). 10: Duelum sive solemne, sive privatum, et provocantes, et provocatos ipso iure expoliat beneficiis, morte quamvis non sequuta (16). 11. Injusta bonorum Ecclesiae, et beneficii usurpatio (17). 12: Coactio clericorum ad sua dimittenda beneficia (18).

reservata aliunde, vacare non in Curia, quoties extra eam alibi admissum haer-esis crimen sit: quam sententia damnationis praeteritam ipso iure vacationem declaret, non infert per sese. Videsis dicta superius cap. V. in 58.

(1) Alex. IV. in cap. quicumque 2. §. haeretici de haeret. in VI. Extr. un. §. filii de poenis, Nicol. III. in const. noverit universitas. Videsis quae scripsi lib. VI. Inst. can. tit. 14. num. 24.

(2) Cap. quicumque 2. §. adhaec de haeret. in VI.

(3) Cap. 1. de schismat. in VI. Paul. IV. const. 19. Videsis quae dixi lib. IV. Inst. can. loc. cit. num. 3., et 4.

(4) Extr. cum detestabile 2. de simonia inter eorum. Qui iniustam redimit vexationem post ius quaesitum, illudque certum, et firmum, simoniacus non est ex Benedicti XIV. sententia de Syn. dioec. lib. 7. cap. 69. num. 8.

(5) Videsis quae tradidi cit. lib. IV. Inst. tit. 16. num. 32., et seqq. et n. 50.

(6) Ex S. Pii V. const. 104.

(7) Ex Pauli IV. const. inter ceteras, quam exposui eodem lib. IV. Inst. tit. 16. num. 36.

(8) Cap. ad falsarium 7. de crim. falsi.

(9) Ex eodem cap. 7.

(10) Bonif. VIII. in cap. felici 3. de poenis in VI.

(11) Clement. si quis suadente 1. eod. tit.

(12) Conc. Lugd. in cap. 1. de homicidio in VI. Videsis quae dixi lib. III. Inst. Can. tit. 6. num. 20.

(13) Conc. Later. IV. sub. Innoc. III. in cap. in quibusdam 12. de poenis.

(14) Paul. II. const. 4.

(15) Ex const. 8. Xysti V. Videsis quae dixi lib. IV. Inst. Can. tit. 6. §. 2. n. 51.

(16) Ex novis Pontificum sanctionibus, praesertim Iulii II. const. 19., Leonis X. const. 32. Pii IV. const. 21. Greg. XIII., et Clem. VIII. Antiquo iure non- nisi per sententiam iudicis duellantes beneficiis privabantur, ubi mors, vel mu-tilatio membrorum contigisset, ex cap. 1. de cler. pugnanti. in duello.

(17) Ex Trid. in cap. si quem clericorum 11. sess. 22. de refor.

(18) Clement. multarum 2. §. quod si inferiores de poenis.

XXI. 13: Nefandum crimen (1). 14: Tertia in Deum, et Beatissimam Virginem blasphemia (2).

XXII. Hucusque de vacationibus a lege inflictis. Nunc superest alias ab homine infligendas inquirere. Multa enim sunt crimina, in quibus Ecclesiae leges nominatim comminantur privationem beneficiorum, quae nisi per sententiam exprimitur, nullum dabit locum vacationi. In primis ob non residentiam (3); Episcopi, Praelati, Parochi, sive quorumvis curam habentes ubi non resederint, praeviis tribus monitionibus, nedum subtractione fructuum, et censuris ecclesiasticis, sed privatione etiam Ecclesiarum suarum coercentur (4). 2: Ob ministerium Chori, vel Ecclesiae neglectum, et servitium non praestitum (5). praesertim ob lectiones sacras a Canonico theologo non expletas (6). 3: Ob Ordines non susceptos canonicatibus Cathedralium, et Collegiatarum annexos, vel a fundatoribus imperatos (7).

XXIII. 4: Propter homicidium ab ipso beneficiario, vel eius opo, aut consilio patratum (8) 5: sacrilegium (9). 6: Ecclesiae violationem (10). 7: sortilegium (11).

XXIV. 8: Ob adulteras supremae Principis in Italia monetas (12). 9: ob artem alchimiae exercitam, argentumque alchymisticum, seu fictum pro vero venditum (13). 10: ob quamlibet falsitatem cum dolo, et alterius damno admissam (14). 11: ob dolosam nominis mutationem sine causa (15). 12: qui praeterea falsis litteris etiam apostolicis utitur, officio et beneficio privari debet (16). Ob collusionem in causa beneficii (17).

XXV. 13: Ob adulterium (18). 14: raptum (19). 15: incoestum (20), vio-

(1) Ex S. Pii V. const. 78.

(2) Leo X. in Conc. Later. Iul. III., et S. Pius V. const. 5.

(3) Ex cap. 1., et seq. de clerico non resident. Infirmitatis causa non residentes loco suo privari non debere, S. Greg. M. rescripsit in can. praesentium 3., et Nicolaus I. in can. pontifices 4. C. 7. qu. 1.

(4) Trid. in cap. 1. sess. 6. cap. 1. sess. 23., et Cap. 22. sess. 24. de ref.

(5) Alex. III. in cap. conquerente 6. de clerico non resident.

(6) Trid. in cap. 1. sess. 5. de reform. De qua dixi lib. I. Inst. Can. tit. 29. num. 19.

(7) Alex. III. in cap. quaeris a nobis 6. de aetate, et qual., ibique Fagnanus. Videsis dicta superius cap. IX. num. 19.

(8) Innoc. III. in cap. ex litteris 10. de excessu Praelati.

(9) Ex const. Martini in can. si quis presbyter 22. dist. 50.

(10) Eugen. III. in cap. super eo 2. de raptoribus.

(11) Conc. Tolet. IV. in can. si quis Episcopus 5. C. 36. qu. 5. Videsis quae dixi lib. IV. Inst. Can. tit. 15. num. 43.

(12) Coelest. III. cap. cum non ab homine 10. de iudiciis, et Urban. VIII. in const. 75.

(13) Extravag. un. de crimine falsi inter com.

(14) Synod. Agath. in can. si Episcopus 7. dist. 50.

(15) Ex can. 62. vulgo Apostolor.

(16) Innoc. III. in cap. ad falsarios 7. de crimine falsi.

(17) Alex. III. in cap. audivimus 3. de collus. detegenda.

(18) Syn. Aurelian. III. in can. si quis clericus 10. dist. 81.

(19) Conc. Babilon. in can. de puella 4. C. 26. qu. 1.

(20) Coelestin. can. non debet 10. C. 30. qu. 1. ibique Gloss.

lationemque monialium sacrilegam (1) 16: Ob concubinatum post trinam monitionem, et correctionem (2).

XXVI. 17: Ob turpes, et pravi exempli mores, si post monitiones adhuc, et correctiones in sua clerici nequitia perseveraverint obdurati, beneficiis privandi sunt per Episcopum, remota quacumque appellatione (3). 18: Ob ebrietatem post trinam monitionem (4). 18: Qui muliebres, comicas, satyricas, vel tragicas personas, et larvas induerunt (5). Quique in superfluitate, scissura, aut colore vestium, ac tonsura adspectum intuentium offendunt, si moniti ab Episcopis, emendare noluerint, ecclesiasticis careant beneficiis, ex decreto Concilii Lateranensi sub Innoc. II. (6).

XXVII. 19: Ob furtum, et latrocinium (7). 20: Rapinam (8). 21. Usuram, post contemptas monitiones (9).

XXVIII. 22: Ob violatam censuram excommunicationis, vel interdicti (10). Cuiuslibet etiam excommunicato proventus ecclesiastici merito subtrahuntur, cui Ecclesiae communicatio denegatur (11). 23: Ob denegatam Episcopo reverentiam, et invasionem iurium episcopalium (12).

XXIX. 24: Ob advocati, vel procuratoris munus a clerico contra Ecclesiam suam, a qua beneficium, vel praebendam obtinet, pro extraneis susceptum, et exercitum: is tamquam ingratus potest beneficio spoliari (13).

XXX. Denique ob quemlibet excessum depositione, vel degradatione dignum. Profecto Ecclesiam si iuste quis adeptus fuerit, eam non nisi ex gravi culpa in episcopali foro canonica severitate amittit (14). Quoties autem fuerit gravis excessus beneficiariorum, etsi non degradentur ab Ordine, ab administratione tamen Ecclesiae, seu possessione beneficiorum amoveantur omnino: id quod est secundum sententiam evangelicam villicum amovere; qui non potest villicationis suae dignam reddere ratio-

(1) Trullana Syn. in can. si quis Episcopus 6. C. 27. qu. 1.

(2) Alex. III. cap. sicut 4., et cap. si autem 6. de cohabit. cler. et mul., cap. ut cleric. de vit., et hon. cler. Trid. in cap. quam turpe 14. sess. 23. de ref.

(3) Trid. in cap. quia 6. sess. 21. de ref.

(4) Innoc. III. in cap. a crapula 14. de vit., et hon. cleric., et Alex. III. cap. si constitueris 12. de accusat.

(5) Trullana Synod. can. 62.

(6) Innoc. II. in Conc. Later. can. praecipimus 5., et ult. C. 21. qu. 4.

(7) Ex can. 25. vulgo Apostolor., can. presbyter 12. dist. 81., Coelestin. III. in cap. cum non ab homine 10. de iudic., et Innoc. III. cap. tuae 6. de poenis.

(8) Eug. III. in cap. super eo 2. de raptor.

(9) Alex. III. in cap. praeterea 7. de usuris. Videsis quae dixi lib. IV. Inst. Can. tit. 17. num. 26., et seq.

(10) Innoc. III. in cap. fraternitati 6., et cap. postulastis 7. de cler. excomm. depos., vel interd. ministr. Videsis lib. IV. Inst. tit. 18. n. 22, 90., et 106.

(11) Innoc. III. in cap. pastoralis 53. de appellat. Praesertim insordescen-
tibus Conc. Carthag. in can. rursus 36., et Gelasius in can. quicumque 37. C. 11. qu. 3. Coelest. in cap. cum bonae 8. de aet., et qual., Alex. IV. in cap. cum contumacia 7. de haeret. in VI.

(12) Honor. III. in cap. gravem 15. de excessibus Praelatorum.

(13) Greg. IX. in cap. cum Sacerdotis 3., et fin. de postulando.

(14) Syn. Colon. in can. inventum est 38. C. 16. qu. 7. Videsis lib. IV. Inst. tit. 18. n. 97., et 104.

nem, ait Innocentius III. in Concilio Lateranensi (1). Idemque Pontifex praeterea rescripsit clericos in latrociniis, aliisve magis generatim sceleribus deprehensos, a suis Ordinibus degradatos detrudi in arctis monasteriis debere ad agendam poenitentiam.

XXXI. Pro aliis vero minoribus criminibus, et delictis regulariter privationem beneficii non potest iudex infligere contra quempiam criminaliter convictum, nisi fuerit expresse in iure constituta: vel nisi crimen Ordinis suscepti exercitium, aut retentionem beneficii post peractam quoque poenitentiam impediat (2).

XXXII. Et si quem ipse reum aliquo de crimine pronunciaverit, ac damnaverit per sententiam: privasse illum non praesumitur officio, et beneficio, nisi id expresserit in sententia (3). Ideoque damnatus ad perpetuos carceres, vel triremes, beneficium eo ipso non amittit (4). Et consequenter sola infamia vel facti, vel iuris, quae promanat ex sententia, et re iudicata in criminibus gravioribus, damnatum clericum suis beneficiis non expoliat: quidquid contra senserit Fagnanus (5). Dummodo ex illis crimen non fuerit, in quibus lex inflinxerit ipso iure vacationem, iam supra expositis.

XXXIII. Quum vero ex facto hominis, et voluntate iudicis pendeat privatio ab homine: possunt quidem Episcopi, ceterique locorum Ordinarii ab ea abstinere: quin immo de beneficiis misericorditer agere studeant cum clericis criminosis, ne substantatione privati, ad saeculi negotia reverti cogantur (6). Nam potest Episcopus de adulteriis, et aliis criminibus, quae sunt minora, cum clericis post peractam poenitentiam dispensare (7).

XXXIV. Humana lex perpetuitatis cunctis beneficiorum collationibus, et institutionibus adnexae postulat, ut aequi, et boni Ecclesiae Pastores clericos in crimina prolapsos ad resipiscentiam, frugemque meliorem redacturi consueverint censuris medicinalibus, poenisque potius revocabilibus, quam firmis, et immotis ad vindictam plectero. Hinc est, cur beneficiorum privationes vel ipso facto, vel futura sententia secundum canones infligendae, nonnisi ex causis in iure nominatim expressis locum habeant in foro ecclesiastico. Enimvero cuiusque in sua vocatione stabilitatem commendavit Apostolus (8). Priscis inde saeculis quum canones imperassent clericos tunc mancipari ad perpetuo inserviendum: certae

(1) Innoc. III. in Conc. Later. IV. cap. qualiter 24. de accusat.

(2) Idem in cap. inquisitionis 21. eod. tit. Gloss. in cap. fin. de iurepatr., et DD. passim.

(3) Garzia de benef. par. 11. cap. 10. num. 2.; Rebuff. in prax. benef. par. 2. cap. de modis amittendi beneficia: Diaz. in prax. crim. canon. cap. 133. num. 2.

(4) S. Congr. Conc. in Apsulana distributionum 3. Iunii, et 23. Iulii 1707., Ricc. in prax. Cur. Arch. Neap. dec. 94., et 95.

(5) Fagnan. in d. cap. qualiter, et quando de accusat. num. 90., et seq.

(6) Urban. III. ad Legion. Episc. in cap. ex litteris 2. de cler. non ordin. ministr.

(7) Alex. III. ad Salernit. Archiep. in cap. etsi clerici 4. de iudiciis.

(8) I. ad Corinth. cap. 7. vers. 20.

Ecclesiae cum adnexo itidem perpetuo iure accipiendi ab ea congruam sustentationem, quum ad Ordines iidem ipsi promoverentur: id in causa fuit, ut singulis eorum sacra officia, seu ministeria ecclesiastica in titulum quoque perpetuum Ordines Episcopi conferrent, antequam a sacris ordinationibus collationes praebendarum seiuingerentur (1). Quumque arbitrium Episcopis tunc liberrimum esset clericos, et presbyteros ab Cathedralibus, et urbanis ad rurales, et suburbanas, et oppidaneas etiam Ecclesias mittendi, et ablegandi ad nutum episcopalem mobiles, et revocabiles: tamen quarto ab inde saeculo canones quum orientales, tum occidentales constituendum censuerunt, ut in singulis Ecclesiis, etiam oppidaneis instituerentur, qui ad vitam perpetuo servirent ibidem cardinali, et irrevocabiles (2). Quod canones vulgo apostolici, tam Nicaeni sanxissent, ne quis clericorum ab Ecclesia sua descisceret unquam, invito Episcopo, tam superius dixi (3). Quinto saeculo Gelasius Papa non revocandas iussit usufructuarias praediorum Ecclesiae concessionem, quas clerici a decessoribus Episcopis obtinuissent (4). Concilium Aurelianense III. an. 538. vetuit, ne quod clerici ex Episcoporum decedentium munificentia possiderent, agros nimirum, et praedia Ecclesiarum ad usum fructum quoad viverent, eis adimerent successores: ut beneficiis eiusmodi gaudentes officia Ecclesiae, obedientiam, et affectum Sacerdotibus praebant: sed contumacibus auferri posse decrevit, quae benemeritis Episcopi concessissent (5). Id ipsum in Concilio Cabilonensi II. firmatum saeculo IX. iam dixi alias (6). Mercenarios quum negligere etiam ovium non sinant, furari, et mactare, Christus Dominus praemonuerit: iure meritissimo Innocentius II. in Synodo Romana an. 1130. statuit, ne conductitii presbyteris Ecclesiae committantur: et unaquaeque Ecclesia proprium habeat Sacerdotem (7). Recentioris aevi leges ecclesiasticae, perpetuam cuique beneficio naturam constabiles, satis superque potent ex antedictis. Eam vero non destrunt privationes accidentariae ipso iure inflictae vel iudicis arbitrio infligendae ex causis iam explicitis: ut enim rebelles Principi seu feudatarii, vel militiam deserentes iure spoliantur feudis perpetua investitura acceptis: ita deseiscentes a clericali vita, et honestate clerici beneficia, quantumvis perpetua merito amittunt.

(1) Ex antedictis cap. 1. num. 15. ubi dicitur, quod omnes ecclesiae, quae sunt in christiana religione, debent esse perpetuae, et non subiectae temporali potestati. (2) Ex dictis eodem cap. 1. num. 28. ubi dicitur, quod presbyteri, qui sunt in ecclesiis, debent esse irrevocabiles, et non subiecti temporali potestati. (3) Cap. II. num. 5. ubi dicitur, quod episcopi, qui sunt in ecclesiis, debent esse irrevocabiles, et non subiecti temporali potestati. (4) Gelas. (an. 492) in can. illud statuendum 8. C. 16. qu. 6. (5) Conc. Aurel. III. can. 17, apud N. Alexandrum in Hist. saec. VI. cap. 5. art. 15. (6) Cit. cap. 12. num. 5. lit. D. ubi dicitur, quod episcopi, qui sunt in ecclesiis, debent esse irrevocabiles, et non subiecti temporali potestati. (7) Innoc. III. in can. praecipimus 5. et 4. C. 1. ubi dicitur, quod episcopi, qui sunt in ecclesiis, debent esse irrevocabiles, et non subiecti temporali potestati.

C A P. XXIII.

De spolio decedentium beneficiariorum et fructibus beneficiorum vacantium (*).

- I. Iniustam rei alienae occupationem, et exuvias defunctorum significat spoliū vox.*
- II. Heic accipitur pro ecclesiastico peculio decedentium clericorum ad Ecclesiam, vel Cameram Apostolicam pertinente.*
- III. Quarti saeculi canones nihil ex rebus Ecclesiae proprium clericis indulserunt, nisi usum alimentorum.*
- IV. Iis vetuit Synodus Calcedonensis peculium defuncti Episcopi subripere.*
- V. Quinto saeculo Gelasius curam vacantis Ecclesiae episcopalis Archidiacono, et defensori simul demandavit.*
- VI. Tum Synodus Ilerdensis curam spoliū episcopalis Oecono-
mo, et duobus clericis, Valentina Metropolitae addixerunt.*
- VII. De rebus profanis aliunde obvenerint liberam disponendi
facultatem Episcopis, et clericis reliquerunt prius canones, le-
gesque Iustiniani, et Theodorici.*
- VIII. S. Gregorius M. ut inventarium spoliū episcopalis facerent
administratores ecclesiastici, et Synodus Toletana, ut partem
profanam heredes Episcoporum profani sumerent, decreverunt.*
- IX. In sexta Synodo cautum, ut res defuncti Episcopi, Ecclesiae-
que Clerus custodiret, eoque deficiente, Metropolitanus.*
- X. Octava Synodus reos sacrilegii declaravit laicos rerum Eccle-
siae usurpatores.*
- XI. Urbanus II. in eos anathema inflixit, curamque spoliū episco-
palis Archidiacono, vel Archipresbytero, Clericorum, et Sacer-
dotum iisdem, aut Episcopo dedit.*
- XII. Innocentius II. in Concilio Lateranensi Oecono-
mo, et clericis
administrationem spoliū episcopalis confirmavit.*
- XIII. Rogerius I. Utriusque Siciliae Rex eam basilis regis ademit,
et ecclesiasticis viris restituit ad normam canonis Lateranensis.*
- XIV. Imp. Emmanuel Comnenus eundem canonem Lateranensem,
legesque pro ecclesiastica spoliū administratione firmavit.*
- XV. Alexander III. de spoliis ecclesiasticis testari vetuit clericis,
ea Ecclesiis vindicavit, exclusis Episcopo, et successoribus: con-
suetudines pro egenis, et piis operibus probavit.*

(*) Ad tit. XXV. lib. Decretal. de peculio clericorum.

- XVI. Privilegio, et consuetudini ea in re deferendum censuerunt Innocentius III., et Bonifacius VIII.*
- XVII. Fridericus II. Imp. regios administratores a spoliis clericorum cohibuit.*
- XVIII. Ius regaliae in Ecclesiis vacantibus ex privilegio apostolico, vel pacto foundationis, vel consuetudine ortum habuit.*
- XIX. Illud autem in hoc Regno nullum obtinuit locum, obsistentibus investiurae pactis.*
- XX. Gregorius X. in Concilio Lugdunensi regalia, et custodiam laicam in vacantibus Ecclesiis anathemate proscripsit, ubi nulla foundationis lex, aut consuetudo vigeret.*
- XXI. Bello sacro impulsus Innocentius IV, reservavit Sedi Apostolicae spolia clericorum.*
- XXII. Mox Gregorius X. Nuntium, et collectorem spoliiorum hoc in Regno habuit, consentiente Carolo I. Andegavensi.*
- XXIII. Bonifacius VIII. iniustos spoliiorum occupatores censura suspensionis coercuit, qui nullo privilegio, vel consuetudine, aliove iure potirentur.*
- XXIV. Clemens V. in Concilio Viennensi Praesules, et Abbates ab iisdem usurpationibus compescuit.*
- XXV. Idemque hoc in Regno pontificios collectores decimarum, et patrimonii Ecclesiae Romanae cum Roberti Regis placito deputavit.*
- XXVI. Ioannes XXII. statuit, ne decimae rationem excederent, qui privilegio, vel consuetudine, vel statuto fructus ecclesiasticos alicuius anni obtinuissent.*
- XXVII. Sed fructus vacantes, Ecclesiis regiae collationis tantum exceptis, ut exigerent Ioannis XXII. collectores pontificii, Rex Robertus consensit.*
- XXVIII. Idemque suum impertitus brachium est pontificiis Benedicti XII. collectoribus spoliiorum, fructuumque vacantium.*
- XXIX. Clemens VI. inde suos etiam Nuntios, et collectores heic habuit.*
- XXX. Tum Innocentius VI, qui contrariis privilegiis consuetudinibus, et statutis derogavit.*
- XXXI. In Concilio Pisano sub Alexandro V. actum frustra de submovendis spoliiorum reservationibus.*
- XXXII. In Concilio Constantiensi Martinus V. fructus vacantes dispositioni iuris communis reliquit, nil de spoliis edixit.*
- XXXIII. In conclave Martini mortem sequuto compactum de reservationibus spoliiorum abolendis Eugenius IV. iuravit, mox Alphonso I. Aragonio census, et spolia ab eo exacta condonavit.*
- XXXIV. Sub Carolo V. regium placitum Prorex Nuncio, et col-*

- lector pontificio concessit, sibi reservans in singulis casibus quoad spolia exigenda maiorem deliberationem.
- XXXV. Sub Clemente VII. regium placitum pontificiis collectoribus datum excipit Ecclesias, et beneficia iurispatronatus regii, et baronum, et alia reservata.
- XXXVI. Idem Pontifex ius nominandi ad XXIV. Ecclesias Cathedralis, et decimas Carolo V. largitus regium placitum pro colligendis in hoc Regno spoliis sine ulla exceptione obtinuit.
- XXXVII. Resumpta deinde clausula in sequentibus Nuntiorum placitis, excipiens beneficia iurispatronatus regii, et baronum.
- XXXVIII. Paulus III. spolia clericorum, et Praesulum ubilibet decedentium sine speciali indulto testandi Camerae Apostolicae reservavit constitutione perpetua.
- XXXIX. Julius III. fructus exactos, et commixtos ad heredes, et legatarios clericorum indulto testandi fruentium: inexactos, et incommixtos, quamvis maturos ad Camerae Apostolicam pertinere declaravit.
- XL. Idemque a iure spoliū exemit hoc in Regno beneficia annuus ducatos centum, et hereditates beneficiariorum ducatos mille non excedentes.
- XLI. Romanos tum civēs, incolas, et curiales a spolio exemit, causasque spoliorum thesaurario apostolico iudicandas mandavit.
- XLII. Paulus IV. beneficia infra ducatos auri 50, et hereditates infra ducatos 200, a spolio item exemptas voluit.
- XLIII. Pius IV. privilegium civium, et incolarum Urbis firmavit, testandi vero indultum Episcopis Sedis Apostolicae scriptoribus ad ducatos sex mille reduxit.
- XLIV. Bona illicitae negotiationis subiecit spolio.
- XLV. Potestatem coactivam collectori suo generali mandavit pro colligendis beneficiariorum spoliis cuiuslibet valoris.
- XLVI. Irritas pronunciavit dispositiones testamentarias, et caussa mortis de spoliis ecclesiasticis sine apostolico indulto factas.
- XLVII. Fructus a die vacationis, praeterquam per cessum, usque ad successoris possessionem Camerae Apostolicae reservavit, et perceptos ex beneficiis confidentia-simoniaca obtentis.
- XLVIII. S. Pius V. res sacras ad Ecclesiae ornatum, et mobilia grossa, et beneficia 30. duc. auri non excedentia exemit a Camerae iuribus.
- XLIX. Nuntiis eorundem Pontificum concessum regium placitum exequendi munia sua contra personas tantum ecclesiasticas, et exigendi fructus Ecclesiarum regiae nominationis, vel praesentationis, eosque novis beneficiariis tradendi.
- L. Gregorius XIII. spolia Regularium extra claustra degentium

etiam Episcoporum sine valoris discrimine Camerae suae reservavit.

- LI. Regia Camera Summaria anno 1585, quo Xistus V. electus Papa est, fructus episcopatum collectos ad dies usque obitus ad Camera apostolicam iure spoli, reliquos deinceps usque ad possessionem successoris Episcopi in Ecclesiis regiae nominationis ad successorem ipsum pertinere censuit.
- LII. Regiae collationis Ecclesias a camerali iure spoli exemptas fore maluit Potestas Regia.
- LIII. Sub Xisto V. transactiones spoliolum dudum optatas Ioannes Angelus Aegyptius praeparavit.
- LIV. Confectis Romae transactionibus Capitula sere omnia cathedralium Ecclesiarum huius Regni certae pecuniae summam pro spolio composito super omnibus cuiusque dioecesis canonicatibus, et beneficiis sponponderunt, indultumque vicissim obtinere amplissimum testandi, praeterquam de rebus illicitae negotiationis.
- LV. Quatuor tantum dioeceses a transactionibus huiusmodi se abstinerunt.
- LVI. Onerosi contractus naturam istae transactiones habent.
- LVII. Quae fructus pendentes atque a die vacationis obvencuros non amplectuntur, ut Xystus V. idem declaravit.
- LVIII. Episcopi, Praelatique inferiores, et pontificii, et regii nullam de spolio transactionem inierunt, hinc utrorumque spolia vindicabat sibi Camera apostolica, una cum rata fructuum etiam naturalium usque ad diem vacationis.
- LIX. Exceptis tamen Ecclesiis, et beneficiis regiae collationis.
- LX. Innocentius XII. spolia decedentium Praelatorum Ecclesiis restituit, Praelatisque ipsis vix arbitrium disponendi usus in utilitatem Cathedralium, vel Parochialium suarum indulsit.
- LXI. Quod ad bona extra Regnum extantia, et Praelatis extra suam dioecesim obeuntibus locum non esse Innocentianae constitutioni disputabant Doctores.
- LXII. Benedictus XIII. declaravit eam servandam esse morientibus etiam extra residentiam suam Praelatis, et proscripsit eorum dispositiones inter vivos gestas favore cuiuslibet, reservato sibi ad vitam usu, vel fructu.
- LXIII. Benedictus XIV. custodiam spoli aegrotantium Praelatorum Vicariis eorundem generalibus mandavit, post mortem, Vicariis Capitularibus, et Canonice deputatis inventaria, aestimationes rerum omnium curaturis, simul et venditionem post novi Praesulis adventum, cui praelationem in spoli rebus emendis indulsit.
- LXIV. Quod res extantes illicitae negotiationis nullam cuiuslibet suffragari exemptionem a spolio sanxit.

- LXV.** *Episcopi, Praelatique omnes regnicolas nonnisi favore Ecclesiarum disponunt de spoliis suis, nisi habeant speciale indultum testandi favore cuiuslibet.*
- LXVI.** *Beneficarii omnes inferiores in dioecesibus compositis annuam spoliis ratam solventes spolia sua ad profanos heredes testati, intestatique transmittunt.*
- LXVII.** *Exempti aliunde a spolio reali debent in eisdem dioecesibus consuetam spoliis compositi taxam contribuere.*
- LXVIII.** *Nulla fructuum tenuitas a contributione spoliis compositi eisdem beneficiarios exemit.*
- LXIX.** *In quatuor dioecesibus Aquini, et Sorae, Sulmonis, et Valvae non compositis spolia post obitum clericorum colligit Camera, iis exceptis, qui suam ad vilam cum ea transactionem onerosam iniverint, vel 30. duc. auri annuos non exegerint.*
- LXX.** *Bona Regularium extra claustra degentium, negotiationis illicitae, et confidentiae simoniacaе, et beneficiorum incompatibilium non amplectitur spoliis transactio.*
- LXXI.** *Spoliis ecclesiasticis consanguinei heredes clericorum in dioecesibus compositis duo iam saecula potiti hucusque sunt.*
- LXXII.** *In spolio non sunt fructus pendentes, et inexacti, et vacationis tempore obvenientes, qui ad Ecclesiam, vel Cameraam spectant iure alio potiore.*
- LXXIII.** *Pendentes, tamquam pars fundi ad heredes usuarii, vel fructuarii numquam pertinent.*
- LXXIV.** *Fructus a solo separatos faciunt suos fructuarius, et bonae fidei possessor, hic per fortuitam quoque separationem, ille nonnisi per suam, vel alienam operam.*
- LXXV.** *Beneficiarios alii fructuario, alii possessori bonae fidei comparabant.*
- LXXVI.** *Ex Iulii III., et Xysti V. constitutionibus nonnisi collectos, et commixtos non faciunt suos beneficiarii omnes, quamvis Innocentius XII, et Benedictus XIII. Episcopis, Praelatisque tantum indulserint dispositionem de maturis etiam inexactis, et incommixtis in Ecclesiarum favorem.*
- LXXVII.** *Commixtio nedum vera, sed aequipollens etiam sufficit, ut fructus collectos, et commixtos, licet extantes lucrentur beneficiarii.*
- LXXVIII.** *Collectos, sed non commixtos ipsi non adquirunt.*
- LXXIX.** *Eos enim cum aliis pendentibus, et vacationis tempore maturandis Camera apostolica sibi vindicat in Ecclesiis Cathedralibus, aequae ac beneficiis inferioribus.*
- LXXX.** *Non integros autem Nuntiatura eisdem fructus, et spolia, sed tertiam fere partem pro Camera percipit, duas reliquas tran-*

sigentibus cum ea vel successoribus, vel heredibus defunctorum remittens.

LXXXI. Excipiuntur Ecclesiae, ac beneficia patronatus regii, et feudalis, quorum fructus pendentes, et vacantes successoribus reservantur: quidquid aliter sit de spoliis Praesulum regionum, et feudalium.

LXXXII. Idipsum servat Nuntiatura ipsa in vacationibus per cessum, seu per resignationem, ac translationem, nisi resignans inexactos sibi maturatos expresse reservaverit.

LXXXIII. Quota fructuum pendentium naturalium usque ad possessionem successoris Camerae imputatur a die, quo terraincipere eos incipit, civilium a condito die solutionis.

LXXXIV. Fructus aestimantur, deductis impensis, et oneribus.

LXXXV. Aes alienum ob Ecclesiae utilitatem, suamque substantiationem a beneficiariis contractum tiadem fructibus solvendum est.

LXXXVI. Quoties versum illud in eiusmodi causas probetur.

LXXXVII. Quidquid ex alieno aere praeter utilitatem Ecclesiae suos in usus expenderit Episcopus, quoad vivit, satisfactionem ex fructibus episcopalibus creditores iure obtinent: post mortem secus.

I. Apud recentiores iureconsultos spoliū accipitur pro iniuriosa cuiusque deiectione, sive violenta, sive clandestina a possessione rei (1). Antiquiores latini exuvias, quae occisis hominibus, vel victis in bello hostibus detrahuntur, hoc appellarunt nomine, easque Cicero *cruenta spolia* eleganter dixit (2). Natura tamen significatio admissim congruit spoliis decedentium clericorum, et monachorum incruentis, scilicet cunctis nodum exuviis vestimentorum, sed pecuniariis etiam eorumdem rebus intuitu Ecclesiae quaesitis, ipsorumque obitu vacantibus, quas vel Ecclesia, seu monasterium, vel Praelati, successoresque beneficiarii, vel Camera apostolica pro variis temporum, et locorum conditionibus humano iure consueverunt sibi vindicare sine violentia, sine cruore, sine iniuria. Ad hanc ecclesiastici spoliū notionem fortasse respexit Propheta inquit: *Domini dabit verbum evangelizantibus virtute multa, Rex virtutum dilecti, et speciei domus dividere spolia* (3). His enim verbis praedixit futuram in Ecclesia Christi, quae domus Domini est, divisionem spoliorum, rerum scilicet temporalium, quas ea esset adeptura post Evangelii praedicationem.

(1) Eo sensu Ioannes Papa Zachariae Archiep. rescripsit, *redintegranda esse omnia expoliatis, vel eiectis, can. redintegranda* 3. C. 3. qu. 1. Huc spectat rubrica Decretalium de restitutione spoliatorum.

(2) Cic. *orat. pro Sexto Roscio*. Idemque in *orat. pro lege Manilia* descripsit templum nostrorum exuviis nauticis, et classium spoliis ornatum.

(3) *Psal. 67. vers. 12., et 13.* Bellarminus hunc versiculum ex communi Patrum sententia ita exponit contra Io. Calvinum haeresiarcham in *antidoto Conc. Trid.*, qui Prophetae sensum detorqueus hanc aliam effudit versionem: *Reges exercituum fugerunt, et habitatrices domus dividerunt spolia.*

Quandoquidem clerici, et monachi lethaliter decumbentes quum conste-
vissent secundum canones, et regularia statuta sese panniculariis suis, ro-
busque peculiaribus exuere ultro, ac spoliare, nulla ut fraus Ecclesiae,
vel monasterio strueretur: factum inde est, ut res eiusmodi *spolia* dice-
rentur.

II. Itaque spoliū ecclesiasticum est succedendi ius, quod habet Ec-
clesia, vel nomine Ecclesiae Camera apostolica ad bona omnia per defun-
ctum quemlibet clericorum beneficiarium qua inferiorem, qua superiorem
intuitu Ecclesiae, et beneficii quaesita. Nimirum vel iure *proprietas*,
quam ipsa sibi retinet Ecclesia in rebus ad usum clericorum, ut inde a-
lantur concessis (1); vel instar *peculii* profectitii filiorum familias, aut
servorum, quod iis morientibus ad patrem, aut dominum redit (2); vel
hereditario iure, quod ecclesiasticae leges constituerunt (3).

III. Ante quantum Aerae Christianae saeculum canouem, legemque
frustra quaeres de clericorum spolio disponentem; quum exploratam ha-
beas tribus martyrum saeculis non licuisse christianorum Ecclesiis, vel
collegiis clericorum iure successionis quidquam acquirere, neque clericis
propriū nisi habentibus opima relinquere. At postea quum Constantinus
M. indulsit Ecclesiis hereditates, et legata capere ex testamento, et prae-
dia possidere (4); quaesita deinde Ecclesiis latifundia, fructusque inde u-
berrimi a clericis ea administrantibus percepti varias leges de peculio cle-
ricorum postularunt. Antiochena Synodus an. 341. quum Episcopis, tum
presbyteris, qui praedia, et bona Ecclesiae administrarent, portionem ad
propriū cuiusque victum necessariam indulsit, nudumque rerum usum,
ubi vetuit eis res Ecclesiae, agrorumque fructus vertere in suos ipsorum
usus domesticos, et commodos personalis (5). Nil proinde propriū cleri-
cis habere tunc licebat: sed usum tantummodo alimentorum quoad vive-
rent, sine ulla testandi facultate (6). Quandoquidem clerici ad commu-

(1) Ex Conc. Tolet. II. in *cap. fin. de peculio cleric.*

(2) Iustinianus in l. cum oportet 6. C. de bonis, quae liberis in potest. con-
stitutis adquiruntur, et eorum administratione, et §. 3. Inst. Civ. per quas
personas cuique acquiritur.

(3) Greg. III. in const. *effectū nostrū*, quam dedit die 21. Ian. 1577, insertam
a Petro de Matthaeis in *cap. 3. Septimi decretalium de spoliis clericorum*.

(4) Const. Imp. iu l. 1. C. de sacros. Eccles. superius recitata cap. 1. n. 10.

(5) Syn. Antioch. in can. *Episcopus* 23. C. 12. qu. 1. «Episcopus ecclesia-
sticarum rerum (aut) habeat potestatem ad dispensandum.... participet autem
» et ipse quibus indiget... quod si convortat res Ecclesiae suos *usus domesti-*
» *cos*, et eius *commodo*, vel agrorum fructus non cum presbyterorum conscien-

» tia, diaconorumque pertrahet: Synodus provinciae poenas iste persolvat: » Seu
» ut alia huius canonis versio habet: « reatum hunc apud Metropolitanum Pro-
» vinciae praestare debebit ». Additque presbyteros etiam Provinciae a Synodo,
» vel a Metropolitano corrigendos fore, « qui ea, quae pertinent ad Ecclesiam,
» vel ex agris, vel ex aliqua qualibet ecclesiastica facultate sibi met usurpent. »

(6) S. Aug. in can. nolo 10. C. 12. qu. 1. *Enthebam nobis, ait, habere non*
» *licet.* « Quisquis inventus fuerit habens *propriū*, non illi permitto, ut inde fa-

» ciat *testamentum*: sed delebo eum de tabula clericorum. Idemque serm. 49.
» cap. 2. Ecce quomodo vivimus, inquit, nulli licet in societate nostra habere
» aliquid propriū. Nulli licet. Si qui habent, faciunt, quod non licet... Te-
» stamentum fecit presbyter, socius noster nobiscum manens, de Ecclesia vi-

nem vitam demigrantes antea suis sese bonis omnibus abdicabant, ut spontaneam inirent paupertatem: legitimis nimirum filiis, et consanguineis distribuebant, portionem addicendo Ecclesiae, a qua essent alimenta recepturi: vel deficientibus filiis, cuncta bona in Ecclesiam conferebant (1), aut pauperibus largiebantur (2).

IV. Quoad ergo viguit communis vita clericorum, paupertas ipsis nullum fere locum dabat colligendi ex obventionibus ecclesiasticis peculium, quod idcirco videntur canones coaevi silentio praeterivisse. At Episcopi communium Ecclesiae rerum administrationem potissimum obtinebant. Hinc Synodus Chalcedonensis oecumenica an. 451. sanxit clericis non licere post mortem Episcopi sui rapere res pertinentes ad eum, sicut iam

vens, communem vitam proficiens. Testamentum fecit, heredem instituit. Ohi dolor illius societatis! Sed Ecclesiam scripsit heredem. Nolo munere ista. . . magnus mihi dolor: propter hunc dolorem statui hereditatem ipsam in Ecclesia non suscipere. . . Ambos exheredavit filios. . . litem inter illos cito finimus: audio illos, ut pater. . . Videbo quid sit iuris cum paucis fratribus fideliis honoratis de numero vestro, idest de plebe ista. »

(1) De Faustino Diacono loquens S. Augustinus *serm.* 50. ait: « Cum consilio meo divisit ipsam rem, et dimidiam donavit fratribus suis, et dimidiam Ecclesiae pauperi in eodem loco constituta. . . Sed sunt (addit ibidem) qui de sua qualicumque paupertate, quod statuerat, nondum fecerunt. Illi sunt Valens diaconus, et nepos meus subdiaconus Patricius nomine. Expectabatur in illo etiam legitimas aetatis accessus, ut quod faceret, firmissime faceret. Nepos meus ex quo conversus est, et mecum habitare coepit, impediebatur, et ipso aliquid de agellis suis agere in vita, usufructuaria matre sua, quae hoc anno defuncta est. . . Inter nepotem meum, et sororem eius sunt quaedam causas in Christi adiutorio cito finiendae, ut et ipse faciat quod Deo servum decet; et quod ista professio, et ista exigit lectio. Cuiusque Ianuarius presbyter filium, et filiam superstites habens in monasteriis professos impuberes; totam hereditatem suam reliquisset, S. Augustinus expectari pubertatem filiorum iussit, eisque interea integras servari portiones. « Quamvis videre mus, ait, fulgorem professionis, tamen lubricum timebamus aetatis, factum est, ut ipsam argentum quasi puellae servaretur, ut cum ad legitimos annos veniret, faceret inde quod virginem Christi deceret, quando optime iam facere posset. Commendavi Ecclesiae, ut non accipiat ipsas portiunculas, quae pertinent ad exheredatos, nisi cum ad legitimam aetatem pervenerint. Hoc eis reservat Ecclesia. »

(2) Divus Paulinus in vita B. Ambrosii n. 19 nullum testamenti Ambrosiani verbum facies, sat ostendit S. Archiepiscopum nil suisse testatum, quippe qui tempore, quo Episcopus ordinatus est, aurum omne, atque argentum, quod habere poterat, pauperibus, vel Ecclesiae contulit. Praedia etiam, quae habebat, reservato usufructu germanae suae donavit Ecclesiae, nihil sibi, quod suum hic diceret, derelinquens. Possidius in vita S. Aug. cap. 31. haec scribit. « Testamentum nullum fecit, quia unde faceret, pauper Christi non habuit. Ecclesiae bibliothecam, et omnes codices diligenter posteris custodiendos semper iubebat. Si quid vero Ecclesia vel sumptibus, vel in ornamentis habuit, fidei presbytero, qui sub eodem domus Ecclesiae curam gerebat, dimisit. Nec suos consanguineos vel in proposito, vel extra constitutos in sua vita, et morte vulgi more tractavit. Quibus dum adhuc esset superstes, id si opus fuit, quod et ceteris rogavit: non ut divitias haberent, sed ut, aut non, aut minus egeret. »

praecedentibus regulis constitutum habetur. Si vero hoc fecerint, periclitari se noverint in proprio gradu (1).

V. Gelasius I. Pontifex, qui prope finem quinti saeculi aedit, curam, et administrationem patrimonii Ecclesiae Vulteranae post depositionem Episcopi Eucharisti demandavit Archidiacono Iustino, et Fausto defensori (2). Iam invaluerat enim ex decreto Concilii Milevitani II. mos postulandi ab Imperatoribus Defensores scholasticos, qui causas, et iura Ecclesiarum in foro agerent, ac tuerentur (3).

VI. In Synodo Ilerdensi an. 524. Hispani Patres decreverunt, ut curam spoliiorum cuiusque decedentis Episcopi susceperet Oeconomus Ecclesiae una cum duobus probatae fidei clericis (4). In Valentino autem Concilio eam auctoritati Metropolitae subiecerunt (5).

VII. Ecclesiastica, non profana clericorum bona prisci canones hucusque memorati spectant. Quae enim ad clericos obveniebant ex parentum, affiniumque suorum hereditatibus, et patrimoniis, vel aliunde sine intuitu Ecclesiae; de illis suum ipsi ad libitum secundum leges disponere quum inter vivos, tum causae mortis consueverunt (6). Id quod sexto decurrente saeculo Iustiniani leges firmarunt, quibus constitutum est, Episcopis, et presbyteris, ceteris item clericis licere bona sua ante, vel post clericatum iure cognationis quaesita, velut castrense pecullum, ex testamento, ad quos ipsi voluerint, transmittere: aliunde vero quaesita dominio Ecclesiae reservari (7). Cuiusmodi leges ut servarentur, pluries rescriptis

(1) Syn. Chalced. in can. non liceat 43. C. 12. qu. 2.

(2) Gelas. in can. Vulteranae 25. C. 12. qu. 2. « Vulteranae Ecclesiae actus, aut, vel patrimonium, quod hactenus comperimus destitutum post damnationem Eucharisti, quo fuerat depravaute dispersum, curiae vestrae decrevimus esse delegandum: ut diligentia (qua vos pro utilitatibus Ecclesiae existimamus esse vigilantes) praedia culturae restituatis antiquae, et revocetis, si qua sunt vendita, aut donata mancipia ».

(3) Concilium Milevitau. II. an. 416 expetendum a gloriosissimis Imp. (ait) Defensores scholastici, qui in actu sint, vel in officio defensionum causarum ecclesiasticarum ingredi iudicum secretaria. Eos memorat S. Greg. M. in cap. qualiter 7. de pactis. Ex l. 7. Pipini Italiae Regis in II. Longobard. Talis sit ipse advocatus: liber homo, bonae opinionis, laicus, aut clericus, qui sacramentum pro causa Ecclesiae, quam peregerit, deducere possit iuxta qualitatem substantiae, sicut lex eorum habet. Lud. Murator. dissert. 63. hanc recitans legem ita legit: laicus autem, non clericus.

(4) Syn. Ilerdensis in can. haec huius 38. C. 12. qu. 2.

(5) Concil. Valentin. an. 524. can. 2.

(6) S. Ambrosius in orat. de obitu Satyri fratris sui, « ego te frater, ait, heredem feceram, tu me heredem reliquisti. Ego te superstitem optabam, tu me superstitem dimisisti. Ut pauperibus tantum distribuere, quantum nobis iustum videretur, rogasti. Postulando quod iustum est, non exiguum, sed totum relinquent. Haec est enim summa iustitiae, vendere quae habeas, et conferre pauperibus: qui enim dispersit, dedit pauperibus iustitia eius manet in aeternum. Ergo dispensatores nos heredes reliquit. Nam haereditas suaveri quaeritur, dispensatio pauperibus erogatur ».

(7) Iustin. in l. omnem 42. C. de Episc. et cler. licentiam habeat Episcopus, quaecumque ante episcopatum probatus fuerit habuisse, et quaecumque post episcopatum iure cognationis usque ad quartum ad eum pervenerent, ad quos voluerit, ultima voluntate transmittere. Ceteris rebus alio modo adquisitis ab

B. Gregorius M. (1). Intestatis vero morientibus Episcopis, et clericis, et monachis sine legitimo herede, ad profanam eorum hereditatem succedere Ecclesiam leges quoque indulserunt, quas Theodoricus Italiae Rex edicto suo innovavit (2).

VIII. Ut vero fraudes inde profligarentur, B. Gregorius M. rescripsit, morientibus Episcopis, vel sua sede deiectis inventarium publicum rerum ad Ecclesiam pertinentium fieri gratis debere a hierarchicis Ecclesiae administratoribus coram clericis eiusdem (3). Mox in Synodo Toletana IX.

» eo dominio Ecclesiae reservatis, nisi in utilitatem Ecclesiae, vel opera pie-
» talis consumptae sint. Eadem distinctione habita in administratoribus cuiuscum-
» que loci religiosi. Presbyteros autem (ait idem Imperator Nov. 123. cap. 19.)
» et diaconos, et subdiaconos, cantores, et lectores, quos omnes clericos ap-
» pellamus, res quolibet modo ad eorum dominium venientes habere sub sua
» potestate praecipimus ad similitudinem castrensium peculiorum, et donare se-
» cundum leges, et in his testari, licet sub parentum sint potestate: sic ta-
» men ut horum filii, aut his non exantibus, parentes eorum legitimam par-
» tem ferant.

(1) Cum Episcopus Agrigentinus obiisset filio superstitute, B. Gregorius M. lib. 3. ep. 36. ad Maximianum Syracusanum Episcopum rescripsit, ut bona legitima successionis parentum filio restituerentur. « Si quid apud praedictam Ec-
» clesiam, ait, de rebus matris ipsius inveniri potuerit, et secundum leges
» suam faciat portionem, restitui. Proinde et de rebus paternis, quas ante epi-
» scopatum dignoscitur habuisse, si eas in ius Ecclesiae suae quolibet modo non
» transtulit, ei quantum portioni eius legaliter scit competere, ut satisfieri pos-
» sit, immincat. Nam quod praeceptum dixerat decessor noster, ut lapso eo
» omnes res eius Ecclesiae remanerent, hoc ideo eum credimus praecepisse, ne
» per eam amplius deperisset. Nunc vero aequum esse pensamus, ut filium pa-
» tris culpa non ingravel. » Idemque Papa mandavit Cypriano diacono, Nuntio suo in Sicilia, ut bona Ecclesiae deminuta, vel consumpta per Episcopum Theodorum, qui testamentum fecerat, de bonis profanis eius reparari curaret: lib. 4. ep. 22. Praeterea S. Gregorius Anthemium subdiaconum in Campania Nuntium monuit, ut res Ecclesiae a rebus profanis in hereditate Atellani Episcopi remansas separaret, qui condito testamento in octo uncis totius substantiae suae nurum suam heredem instituit, et Ecclesiam suam in residuis quatuor: lib. 7. ep. 53. Pariter mortuo Ioanno Episcopo Ravennate cum testamento, ad successorem Episcopum Marinianum scripsit Gregorius lib. 5. ep. 1., ut ea, quas de Ecclesia sua, vel de acquisitione episcopatu rebus contra legem fieri statuta disposuit, fraternitas vestra nec auctoritatem praebeat, nec aliqua in his ratione consentiat. Si quid autem de propriis rebus, quas ante episcopatum habuit, quod quidem prius Ecclesiae suae non contulit, fieri voluit, vel decrevit, firmum per omnia robur obtinere necesse est. Consonat ep. 14. lib. 9., et ep. 42. lib. 10., in qua loquitur de Adeonato Mediolani Episcopo.

(2) Theodoricus apud Cassiodorum cap. 26. Clericos, ait, religiosasque personas intestatas deficientes, quoties defuerit qui iure succederet, locum Ecclesiae suae secundum leges facere debere praecipimus.

(3) Idem Gregorius M. ad Marinianum in can. charitatem 44. C. 12. qu. 2. haec rescripsit. Si quispiam Episcoporum de hac luce migraverit, vel (quod abest) pro suis fuerit excessibus, convenientibus Oeconomis (seu hierarchicis, ut legendum esse movent Romani Correctores ex mss. emendationibus) cunctisque clericis prioribus, atque in sui praesentia inventarium Ecclesiae rerum facientibus, omnia quae reperta fuerint, subtiliter describantur: nec (sicut antea fieri dicebatur) species quaedam, aut aliud quodlibet de re-

cautum est anno 651, ut profani decedentium Episcoporum heredes partem rerum profanam ex eorundem spoliis, nonnisi conscio, et permittente Metropolitano, sibi sumerent (1).

IX. Sexta vero Synodus oecumenica Constantinopolitana III. an. 680. constituit: non licere alicui Metropolitano, mortuo Episcopo, qui sub eo est, aut res eius, aut Ecclesiae suae auferre: sed sint, ait, sub custodia Cleri Ecclesiae defuncti Episcopi, usque dum alius ordinetur Episcopus. Si vero Clerici in Ecclesia non fuerint: tunc Metropolitanus illibata omnia Episcopo, qui ibi ordinabitur, reddat (2).

X. Dein VIII. Synodo itidem oecumenicae, Constantinopolitanae IV. anno 869. sub Hadriano II. Papa, et imperante Basilio Macedone, placuit laicoa, qui rea, vel privilegia Ecclesiarum usurparent, violarentque, tamquam sacrilegos fore indicandos (3).

XI. Sacrilegas autem rapinas, et expilationes hereditatum, spoliiorumque episcopalium, quas in occidentalibus Ecclesiis quaquaveram laici facere dudum consueverant, Urbanus II. in Concilio apud Alverinam in Gallia coacto an. 1095, speciatim coercuit anathemate: simulque statuit, ut Episcoporum obuentium res Archipresbyteri, seu Archidiaconi custodirent successoribus, vel pauperibus dispensarent, clericorum vero, et sacerdotum res Episcopi per sese, vel per suos deputatos pariter administrarent (4).

bus Ecclesiae, quasi pro faciendi inventarii labore tollatur. Verbum hierarchicis a Correctoribus emendatum indicat curam rerum Ecclesiarum vacantium ecclesiasticis personis non inferiorem, sed eminentem, et conspicuum in hierarchia gradum obtinentibus demandari consuevisse sexto ab indo saeculo. Et N. Alexander in Hist. saec. FI. cap. 6. art. 3. n. 2. observat eo abhinc tempore Pontificem Romanum in Ecclesiis suburbicariis, et per totam Italian Episcopis vicinioribus curam viduarum Ecclesiarum commendassa.

(1) Syn. Tolat. IX. can. 7. in collect. Labbacena Conc.

(2) Conc. Const. III. in can. non liceat 48. C. 12. qu. 2.

(3) Conc. Constantin. IV. can. 18. « Placuit, ut res, vel privilegia, quae Dei Ecclesiis ex longa consuetudine pertinent, et sivo a divao rec. Imporatoribus, sivo sub aliis Dei cultoribus in scriptis, vel sino scriptis donata, et ab eis por triginta annos possessa sunt, nequaquam a potestate Praesulis eorum quaecumque persona saecularis per potestatem subtrahat, aut per argumenta quaelibet auferat. Sed sint omnia in potestate, ac usu Praesulis quaecumque intra triginta annorum spatium ab Ecclesiis possessa fuisse noscuntur. Quisquis ergo saecularium contra praesentem definitionem ogerit, tamquam sacrilegus indicetur. »

(4) Urban. II. in Conc. Alverniae can. de laicis 46. C. 12. qu. 2. « De laicis, ait, quaestio facta est, qui morientibus Episcopis, sive aliis clericis res defunctorum invadas Ecclesiae, pauperibusque subripiunt: contra quos commune totius Concilii anathema prolatum est, ipso Papa huiusmodi sententiam promulgante. . . Episcoporum vero deficientium res per Archipresbyterorum, seu Archidiaconorum manus, aut secundum mortuorum indicium pro ipsorum salute in elemosynas dispenseatur, aut successori, qui futurus est, reservetur. Idipsum de presbyterorum, seu clericorum aliorum rebus per Episcopum, vel supradictas personas, aut cui deficientes commiserint, fiat. » Stephan. Balutius in addit. ad Petrum de Marca lib. 8. de concordia cap. 18. « Pessimam illam consuetudinem, ait, qua receptum ubique in Occidente erat, ut bona morientium Episcoporum diriperentur a laicis coercitam esse ab Urbano II. »

XII. Saeculo XII. Innocentius II. in Conc. Lateranensi an. 1139. illud, quod in S. Chalcedonensi Concilio constitutum est, irrefragabiliter conservari praecipit: ut videlicet decedentium bona Episcoporum a nullo omnino hominum diripiantur, sed ad opus Ecclesiae, et successoris sui in libera Oeconomia, et clericorum permaneant potestate. Cesset igitur de cetero illa detestabilis, et saeva rapacitas (1). Isto quidem Concilio oecumenico damnata haeresis Arnaldistarum fuit, qui omnem Ecclesiae iurisdictionem evertendi studio declamabant nefas esse tam clericis, et monachis opes, ac bona temporalia possidere, quam Episcopis feuda, et iura regalia: laicosque simul extimulabant ad rapienda spolia Praesulum, et clericorum, et bona vacantia Ecclesiarum (2).

XIII. Sequenti mox anno 1140. Rugerius I. Rex Neapolitanus in comitiis Arianensibus Baronum, et Praesulum huius Regni custodiam, et curam spoliolum episcopaliolum, bonorumque vacantium Ecclesiarum tribus ecclesiasticis personis gerendam fore constituit, qui rationem inde redderent Praelatis successoribus, Pervenit ad audientiam nostram, ait, quod baiuli, qui olim statuti fuerant super Ecclesiis Pastoribus carentibus ad custodiendas, et salvas faciendas res Ecclesiarum, quamdiu eisdem de Pastoribus provideantur, non ita fideliter, et studioso, sicut a nostra Curia erat iniunctum, ipsum servitium peragebant, sed male tractabant, et custodiabant res ipsarum Ecclesiarum. Verum quia omnes Ecclesias Regni nostri, et specialiter ipsas, quas Pastoribus carent, in manu, et protectione nostra habemus, nolentes, ut res Ecclesiarum illarum in aliquo minuantur, vel defraudentur: statuimus, et sancimus, ut deinceps si quis Archiepiscopus, vel Episcopus Regni nostri decesserit, res ipsius Ecclesiae in custodia, et cura trium de melioribus, et fidelioribus, et sapientioribus ipsius Ecclesiae personis ad custodiendas, et conservandas eas ad opus Ecclesiae, usque dum de Pastore in eadem Ecclesia provideatur, committantur. Eo tamen modo, ut de redditibus, et proventibus ipsius Ecclesiae ad usum servientium ibidem morantium necessaria rationabiliter, et sufficienter subministrantur: et ex iis ipsi Ecclesiae multum bene, et rationabiliter seruiatur, residuum ab ipsis custodibus ad opus ipsius Ecclesiae salve, et integre custodiatur, donec ibi Pastor fuerit constitutus. Constituto autem in Ecclesia Pastore, quidquid de rebus, et introitibus ipsius Ecclesiae remanserit: ipsi Pastori

» et ab Innocentio II., recte adnotat Illustrissimus Archiepiscopus. . . Post Urbanum, et ante Innocentii tempora Callixtus II. idem statuit anno 1129. in Conc. Tolosano. »

(1) Conc. Lateran. II. in can. illud 47. C. 12. qu. 2. Paucos post annos S. Bernardus apud Eugenium III. insinulatus, quod Cardinalis in Gallia legati morientis privatis affectibus indulgens testamentariam dispositionem de spolio ipsius probam iudicasset, Pontifici respondens ita scripsit: *Audivi ab iis, qui adfuerunt, quod ipse fecerit suum testamentum, quod fecit, et scribit, et de rebus suis quae voluit, quibus voluit, ipse divisit. Quod residuum fuit, duobus Abbatibus dividendum commisit, illi diviserunt. Non sum tam hebes, ut ignorem Ecclesiae esse quidquid ille rerum suarum non dedit.*

(2) Ex traditis ab Othone Frisingense lib. de reb. gest. Friderici Imp. cap. 20., et S. Bernardo ep. 196. ad Guidonem Cardinalem, quos collaudat N. Alexander in hist. saec. XI., et XII. cap. 4. de haeresibus art. 8.

eorum assignent, et ei rationem inde reddant (1). Nonnulla operae pretium est in hac constitutione animadvertere. 1: quod Rugerius quoad partes Arnacleti Antipapae lueretur contra Innocentium II. Pontificem legitimum, armis Lotharii Imperatoris Innocentio adhaerentis vexatus, manum extendit suam ad bona temporalia Ecclesiarum vacantium hoc in Regno, eaque ut baiuli, nimirum laici magistratus custodirent, et administrarent, impetraverat: mox compresso schismate post generale Concilium Lateranense quum agnovissot abusum laicae administrationis rebus ecclesiasticis perniciosum, baiulos amovit, curamque spoliis ecclesiastici personis ecclesiasticis restituit hac lege, ut rationem nonnisi Praelatis successoribus redderent. 2: quod idem Rugerius Normannorum parentum successor, qui Ecclesias episcopales Utriusque Siciliae ex invasionibus Patriarcharum schismaticorum Constantinop. exemptas in libertatem Romano apostolico throno vindicaverant, sub protectione ipsius Regis generali, et mediata consistere, non ut laicos magistratus institutos in bonis earum vacantium custodiendis sustineret, sed ut ecclesiasticis Oeconomis curam eorum secundum canones in Lateranensi Concilio repetitis dimitteret.

XIV. Imperator Emmanuel Comnenus Novella constitutione, quam edidit anno 1151, iam dictum Lateranensem canonem firmitus, et amplius corroboravit. profligavitque penitus potentium laicorum, et imperialis etiam Fisci procuratorum usurpationes improbas ecclesiastici spoliis obeuntium Episcoporum: *Relatum est*, Imperator inquit, *in excessu e vita eorum, qui ubique pontificatum gerunt in sanctissimis Dei Ecclesiis, partim quidem antequam funus efferatur, partim vero postquam elatum fuerit, eos, qui in ea regione fisci procuracionem exercent, ipsorum mortis praetextu eorum cellas inhumane invadere, et immobilia, quae sunt sub Ecclesiis, quod eis obligarent, et omnes quidem facultates, quae in illis inventae fuerint, auferre: universam autem eiusmodi immobilium exactionem facere, et ea alioqui omnino contere. Imperium ergo meum ne vel auditu quidem ferendum eorum esse audaciam existimans, ne quum damnum, et calamitas ex Antistitum morte ad eorum Ecclesias pervenerit, hi multo maiorem calamitatem invehant, et ea sint, quam iam habent, molestia longe molestiores: statuit per hanc praesentem constitutionem, ne ab iis, qui ducales magistratus gerunt, vel descriptiones, vel aliqua alia publici iuris exercent, tale quod in sanctissimas Ecclesias, vel earum immobilia, vel Antistitum cellas in eorum morte deinceps amplius innovetur; sed si testati quidem moriantur Antistites, eorum voluntate, et ordinatione omnia fiant, quod ad ea attinet, quae in eorum cellis inventiuntur. Quod si forte etiam intestati decesserint: omnia quoque fiant, ut sacris canonibus, et legibus videtur. Atqui in viduarum Ecclesiarum immobilia ne pedem quidem omnino immittat aliquis ex duobus, vel aliquibus aliis, ut dictum est: sed nec quaelibet illinc pars quomodocumque adprehendatur, sed omnia a partibus eiusmodi Ecclesiarum in ipsis administrabuntur, quemadmodum de ea legitime, et canonice edictum est: donec scilicet qui post mortuos Antistites in Ecclesias renunciati sunt; in regione fuerint, et eorum administrationem adprehenderint (2). Si testandi arbitrium esse cle-*

(1) Ruger. l. in const. pervenit 15. de administrat. rer. Eccles. post mortem Praelator.

(2) Dionysius Gothofredus inter Novellas constitutiones imperatorias, quas vul-

ricis dixit Imperator Emmanuel illud ad profanum dumtaxat patrimonium referre secundum canones, et Iustiniani leges oportet.

XV. Alexander III. in Concilio Lateranensi III., an. 1180, priscis canonibus inhaerens, constituit spolia clericorum ad Ecclesias omnino pertinere, eosque de illis disponere non posse: *Quidam clerici, ait, cum ab Ecclesiis suis multa beneficia perceperint, bona per eos adquisita in alios transferre praesumunt. Hoc igitur quia antiquis canonibus constat inhibendum, nos indemnitati Ecclesiarum providere volentes, sive intestati decesserint, sive aliis conferre voluerint, penes Ecclesias eadem bona praecipimus remanere* (1). Idemque consultus rescripsit Episcopo, et Capitulo Cassanensi in Calabria, quod generaliter bona quaelibet per Ecclesias adquisita, ei debent iuxta Lateranense Concilium post adquirentis obitum remanere. *Nomine autem Ecclesiae non Episcopus, vel successor clerici morientis, ubi est collegium clericorum, sed communis congregatio intelligitur, quas rerum illarum debet canonicam distributionem, et curam habere. Ubi autem in loco defuncti tantum unus est ordinandus, is ea bona (sicut et alia ipsius Ecclesiae) in Dei timore dispenset. Licet autem mobilia per Ecclesiam adquisita de iure in alios pro morientis arbitrio transferri non possint: consuetudinis tamen est non improbandae, ut de his pauperibus, et religiosis locis, et illis, qui viventi servierant, sive consanguinei sint, sive alii, aliqua iuxta servitii meritum conferantur. Ceterum quae ex hereditate, vel officio, aut doctrina, proventunt, distribuuntur pro arbitrio decedentis: Quia vero nonnulli in diversis Ecclesiis beneficia possident, dividantur, quae habuerint, per destinationem congruam inter ipsas* (2).

XVI. Studuerunt nihilominus Episcopi bona clericorum ab intestato decedentium interea sibi vindicare vel privilegio Sedis Apostolicae, vel consuetudine. Perspicuum privilegii exemplum ab Innocentio III. traditum accepimus, qui rescripsit Altissidiorensi Episcopo indultum benignitate Sedis Apostolicae fuisse, quod ordinatio rerum, quas clerici ab intestato morientes relinquerent, in eius arbitrio, ac dispositione permaneret (3). Instar Episcoporum Abbates quoque regulares spolia priorum percipere sibi consueverunt. Utramque postea exceptionem privilegii, et consuetudinis probavit Bonifacii VIII. constitutio inferius recitanda (4).

XVII. Saeculo XIII. Fridericus II. Imperator, et Utriusque Siciliae Rex.

gavit in appendice ad Corpus Iuris Civilis tom. II. Emmanuelis Comneni §. 7. de non rapiendis ab exactoribus bonis, quae ad defunctos Episcopos pertinuerunt.

(1) Alex. III. in Conc. Later. III. in cap. cum in offeris 7. de testam.

(2) Idem in cap. relatum est 13. eod. tit.

(3) Innoc. III. in cap. cum tibi 18. de verb. signif.

(4) Nicolaus IV. ad restaurandam Cluniacensem disciplinam quum dedisset bullam anno 1289., ea Cluniacensi Abbati confirmavit consuetam spoliis perceptionem in obitu Priorum. « In prioratibus, ait, per mortem, aut amotionem Priorum vacantibus, Abbas Cluniacensis palafredum, cappam, et breviarium Prioris praemortui secundum antiquam consuetudinem habeat. Et deductis debitis ante omnia, si qua sint, et solatis, monachis etiam ibidem commorantibus, et Priori futuro, ac familiae domus pro se, et necessitatibus suis usque ad fructus novos, congrua sustentatione dimissa, relictis etiam ad excolendas possessiones necessariis, et ad refectionem domorum, si necesse fuerit, de rebus mobilibus possit recipere quartam partem. »

abusum, qui iam irrepserat, emendavit regiorum administratorum in bonis decedentium Praelatorum, Ecclesiarumque vacantium, nedum constitutione augustali promulgata anno 1213. (1), sed etiam aurea bulla, quam dedit ad Honorium III. anno 1219. (2), *Illum quoque dimittimus, Imperator ait, et refutamus abusum, quem in occupandis bonis decedentium Praelatorum, aut etiam Ecclesiarum vacantium nostri consueverunt antecessores committere pro motu proprias voluntatis. Omnia nos spiritualia vobis, et aliis Ecclesiarum Praelatis relinquimus libere disponenda, ut quae sunt Caesaris Caesari, et quae sunt Dei, Deo recta distributione reddantur* (3).

XVIII. Interea fuere, qui studebant Potestati Regiae bona Ecclesiarum viduarum temporalia praesertim feuda subigere, aequantes conditionem Episcoporum, et Abbatum decedentium, qui feuda a Regibus accepta possiderent, baronibus feudatariis: eaque ratione innixi ius *regaliae* (ignotum praeis legibus, et canonibus vocabulum) in Ecclesiis vacantibus statuere aggressi sunt. Ius istud propugnaturus Galliae Rex Philippus IV. pulcher mandavit Episcopis Senonensi, et Antissiodorensi suis ad Bonifacium VIII. legalis, ut hocce responsum hac de re darent: *Sicut feudus vasallo vacans interim cum suis redditibus a dominio licite occupatur, et propter defectum hominis, ut vulgari patriae nostrae verbo utamur, de iure, et generali consuetudine Regni nostri per dominium quousque superveniat persona, quae illi serviat, licite retinetur: sic nos, et nostri antecessores, vacante Ecclesia Carnotensi, et temporalem iurisdictionem, et bona temporalia accipimus, et nostros facimus omnes fructus, qui proveniunt ex iisdem* (4). Renatus Chopinus ius istud *regaliae* privilegio tantum Sedis Apostolicae adquiri censuit (5), aut pacto in limine foundationis expresso, aut longaeve consuetudine, quae legitimam privilegii apostolici facit coniecturam (6). Idipsum vero ius regium ad cunctas Galliarum Ecclesias extendendum

(1) Quae exlat lib. 2. *feudor. tit. de statutis, et consuetud. contra libertatem Ecclesiae.*

(2) Apud Petrum de Marca lib. 8. *concord. Sacerd. et Imp. cap. 23. n. 1.*

(3) Matthaeus Paris. historicus Anglicanus in *vita Henrici III. fert, Alexandrum IV. Papam conquestum, quod Conradus I. Rex Neapolitanus Friderici Imp. filius bona Ecclesiarum vacantium occupasset: Regem vero ei reposuisse, quod ipse nihil ea in re innovasset, exempla societatis praedecessorum suorum, qui suis consueverant laicis magistratibus curam eorumdem bonorum commendare. Quum nullam vero Conradi constitutionem de spoliis ecclesiasticis habeant monumenta nostra: suspectum nimis, et improbable videtur illud alienigenae testimonium. Ex historia plane liquet, quod Conradus Neapolim ditioni suae subegit Septembri mense an. 1252.; mortemque cito oppellit Septembri etiam mense sequentis anni 1253: Alexander IV. autem ad pontificium solum proventus est mense Decembri eiusdem anni 1253. duos post menses ab obitu Conradi. Praeviae simul constitutiones Rugerii, et Friderici suspicionem fictae rei plus augent.*

(4) Ex mandatis Philippi IV. ad Episcopos Senonensem, et Antissiodorensem, apud Petrum de Marca lib. 8. *de concord. cap. 22. n. 6.*

(5) Renatus Chopinus lib. 1. *de sacra potestate tit. 8. n. 13., ego quidem enixe optassem, ait, regalia haec sacerdotalia attribui Sanctae Sedis privilegio posse, si quae fide digna chartula proderetur, sive Pontifici maximo collibuisse illud certo, perpetuoque velut edicto sancire.*

(6) Idem loc. cit. n. 8., et P. de Marca cit. lib. 8, cap. 24.

fore, quum edixissent Reges alii, reclamantibus et contra nitentibus Gallicanis Episcopis, quaestio tandem composita hoc pacto est, ut Reges in iis tantum Ecclesiis, ubi ea fuisset consuetudo, eo iure uterentur; aliae omnes, antiquae, et communi exemptione, ac libertate fruerentur.

XIX. Ea peculiaris Gallorum consuetudo ad Regnum hoc Neapolitanum demigrare non valuit, nullo umquam privilegio apostolico nec expresso, nec tacito, nulloque praescriptionis canonicae auxilio munita, quin et saepe depulsa quum regiiis constitutionibus, tum pactis investiturarum inter Pontifices Romanos, Regesque nostros conventis, et iuramento firmatis: quae laicas rerum Ecclesiae invasiones penitus compresserunt. Quam Clemens IV. ad Carolum I. Andegavensem dedit anno 1265. investiturae bullam, ea hoc inter alia pactum habet: *In Ecclesiis in dictis Regno, et terra vacantibus tu, vel tui in Regno haeredes, nulla habita regalia, nullos fructus, redditus, et proventus, nullas etiam obventiones, ac nulla prorsus alia recipientes ab eisdem, custodia Ecclesiarum earundem interrim libera remaneat penes personas ecclesiasticas iuxta canonicas sanctiones* (1). Id quod repetitum legitur in posterioribus omnibus investituris Regum Andegavensium, Aragoniorum, et Austriacorum (2). Quo spectare etiam videntur articuli duo Concordiae inter Honorium IV., et Carolum II. Andegavensem initae anno 1285. Ut scilicet *iura concessa Ecclesiis, in quorum possessione sunt, serventur illaesa: de illis vero, in quorum possessione non sunt, non fiat eis iustitia in Curia Regis, sed fiat a Curia competente. Utque possessiones Ecclesiae non auferantur, nec turbentur per Curiam* (3).

XX. Concilium Lugdunense II. oecumenicum sub Gregorio X. an. 1274. regaliam, et custodiam laicam bonorum in Ecclesiis, et Abbatiiis vacantibus anathemate protrivit iterum: et extrusit, praeterquam ubi eam lex foundationis, aut consuetudo antiqua invexerit. *Universos, et singulos, ait, qui regaliam, custodiam, sive guardiam, advocacionis, seu defensionis titulum in Ecclesiis, monasteriis, seu quibuscumque aliis piis locis de novo usurpare conantes, bona Ecclesiarum, monasteriorum, aut locorum ipsorum vacantium occupare praesumunt, quantaecumque dignitatis honore praesuleant, eo ipso excommunicationis sententiae decernimus subiaccere... Qui autem ab ipsarum Ecclesiarum, ceterorumque locorum fundatione, vel ex antiqua consuetudine iura sibi huiusmodi vindicant: ab illorum abusu sic prudenter abstineant, et eos ministros in eis sollicito faciant abstinere, quod ea, quae non pertinent ad fructus, sive redditus provenientes vacationis tempore, non usurpent: nec bona cetera, quorum se asserunt habere custodiam, dilabi permittant, sed in bono statu conservent* (4).

XXI. Magna subsidia decimarum super omnibus ecclesiasticis redditibus etiam pontificiis ab Innocentio IV. primum decreta in Concilio Lugdunensi I. an. 1245. (5), instante Balduino II. Imp. Constantinop. pro

(1) Ex B. Chioccarello to. 1. arch. n. 24.

(2) Apud eundem loc. cit.

(3) Ista Honorii Papae, et Caroli Regis capitula exscripsimus lib. 1. Inst. Canon. tit. 10. num. 3. lit. c.

(4) Cong. Lugdun. II. in cap. generali constitutione 13. de elect. in VI.

(5) Innoc. IV. in Conc. Lugd. I. const. quae inquit afflicti corde pro deplorandis terrae sanctae periculis.

bello sacro contra Tartaros terram sanctam invadentes, auxilioque nutantis in ea imperii catholicorum in causa fuere, ut idem Pontifex primus omnium anno 1246, reservaret Romanae Sedis Apostolicae spolia clericorum ab intestato decedentium (1).

XXII. Tum Gregorius X. in Concilio Lugdunensi II. ann. 1274. decimas omnium ecclesiasticorum reddituum pro subsidio eiusdem belli sacri ad sex alios annos quum imperasset: spolia inde ecclesiastica suae pariter Camerae Apostolicae destinavit. Hoc enim in Regno Carolus I. Andegavensis an. 1275, postulante clerico Finitio Gregorii X. Nuntio mandavit Carolo primogenito suo Salernitano Principi, ut res defunctorum clericorum sequestro datae instantibus eorumdem creditoribus, qui concordiam cum eo Nuntio Sedis Apostolicae iam iniverant, eidem Nuntio traderentur (2).

XXIII. Bonifacius VIII, ad Petri cathedram promotus anno 1294, regnante Carolo II. Andegavensi, execrans frequentiores tunc rapinas, et dilapidationes tam spoliolum episcopaliolum, et sacerdotaliolum, quam fructuum Ecclesiarum vacantium, sanxit hos in utilitatem Ecclesiarum expendi, vel futuris debere successoribus fideliter reservari, auspensos ab officiis, et beneficiis ipso facto declaravit iniustos occupatores (3), nisi de speciali privilegio, aut consuetudine iam praescripta legitime, seu alia causa rationabili hoc vel Episcopis, vel Abbatibus, vel quibuslibet aliis ecclesiasticis personis competere dignoscantur (4).

XXIV. Saeculo XIV. Clemens V. in Concilio Viennensi an. 1311. inter

(1) Matth. Paris. in *hist. rer. Angl. ad annum 1246.*, ibique enarrat tres Angliae Archidiaconos immensas opes intestato reliquisse, quas sibi arripuerunt laici heredes, Papa vero studuit ad Camerae pontificiam vindicare.

(2) Id liquet ex monumentis archivii Regiae Siciliae, seu monetalis officinae.

(3) *Bonif. VIII.* in cap. quia saepe 40. de elect. in VI. c. Quia saepe contingit, ait, quod Cathedralibus, et Regularibus, ac Collegiatis Ecclesiis vacantibus. Capitula, Conventus, Collegia, et singulares earundem personarum bona a Praelatis ipsarum dimissa, vel vacationis tempore obvenientia (quae in utilitatem dictarum Ecclesiarum expendi, vel futuris deberent successoribus fideliter reservari) occupant, inter se dividunt, subripiunt, dilapidant, dissipant, et consumunt in earum grave dispendium, et iacturam... decernimus, ut hi, qui praemissa de cetero praesumpserint, eo ipso sint, et tam diu maneant ab officio, et beneficiis quibuscumque suspensi, donec plene restituerint quidquid de bonis perceperint supradictis. Non obstantibus quibuslibet privilegiis, vel indulgentiis, aut contrariis consuetudinibus, constitutionibus, vel statutis iuramento, confirmatione Sedis Apostolicae, aut alia quacumque firmitate vallatis: quae omnia quoad hoc auctoritate apostolica revocamus, cassamus, et irritamus: ac nullius deinceps volumus esse firmitatis.

(4) *Idem* in cap. praesenti 9., et fin. de offic. Ordin. in VI. retulit, et ne Episcopi, vel eorum Superiores, aut abbates, seu quivis alii regulares, vel saeculares Praelati, vacantibus dignitatibus, personatibus, prioratibus, vel Ecclesiis quibuscumque sibi subiectis, eorumdem bona (morientibus eorum rectoribus, vel ministris) in ipsis inventa, sine tempore vacationis obvenientia, quao in utilitatem earundem expendi vel futuris debent successoribus fideliter reservari, occupare, aut in usus suos convertere quoquo modo praesument: nisi de speciali privilegio, aut consuetudine (ait) iam praescripta legitime, seu alia causa rationabili hoc eidem competere dignoscatur.

alia permulta gravamina Praelatorum delatas a subditis utriusque Cleri usurpationes spoliatorum, et fructuum vacantium compressurus merito decrevit, ut Episcopi, Abbates, alique Praesules eas omnino desinerent, suis contenti iuribus (1).

XXV. De reservatis Camerae pontificiae spoliis clericorum, fructibusque vacantium Ecclesiarum constitutum nihil in eo Concilio fuit. Idem vero Clemens V., qui Romanam Sedem in Gallias iam transtulerat, duos huc Nuncios pontificios misit, Canonicum Gulielmum de Battero, et Iosephum de Bononia, eisque mandavit speciatim, ut hoc in Regno Neapolitano exigerent a cunctis Episcopis, Abbatibus, et quibilibet ecclesiasticis census Ecclesiae Romanae quavis causa debitos, et bona quarumvis personarum ad eam spectantia: simul collectores decimarum papalium ad rationes de illis reddendas, earumque debitores ad solutionem compellerent; impiorato prius brachio saeculari (2). Nullum at verbum fecit de spoliis, et fructibus vacantibus. Robertus autem Rex Neapolitanus Caroli II. filius, quem Salomonem alterum appellabant (3), regium placitum pontificiis litteris in forma brevis concessit eodem anno 1311, indulgens, ut Papae mandata iam dicti Nuntii exequerentur (4).

XXVI. Expilationes interea Ecclesiarum vacantium in dies gliscebant, obstrepentibus quaquaersus querelis, et contentioneibus inter Praelatos, et subditos bona earum certatim subripiantes, atque privilegia, consuetudinem, statuta iactantes ad colorandam usurpationem fructuum nedum vacationis tempore obvenientium, sed unius anni post vacationem novis beneficiariis exclusis. Eos proinde pontificia constitutione compescuit Ioannes XXII., iubens, ut non ultra decimam e fructibus Ecclesiarum amplius acciperent, qui ex privilegio, vel consuetudine, vel statuto integros unius anni fructus vindicabant (5).

(1) *Clement. un. de excess. Praelator.* Praeterea iuterdum, ait, iniuste Abbates, priores, ac alios beneficiatos beneficiis suis privant, ut sic fructus beneficiorum illorum percipere valeant *primo anno* praetextu privilegii, quod asserunt se habere, quod usque ad certum tempus fructus beneficiorum vacantium possint percipere *primi anni*. Quibus non contenti, equos, boves, thesaurum, et alia bona monasteriorum, et beneficiorum vacantium illicite occupant, quae essent iuraris *successoribus* reservanda... Universis itaque Praelatis Ecclesiarum praesentis sauctionis edicto districto praecipiendo mandamus, quatenus ipsi a praedictis gravaminibus censeant.

(2) Quod variis census, annuosque redditus patrimonium B. Petri, Ecclesiaeque Romanae in huius Regni etiam Provinciae obtinuerit, liquet ex B. Gregorii M. epistolis, quas laudavi lib. 1. *Inst. Can. tit. 22.*, et rebus inde gestis, et relatis in codices Regum Andegavensium.

(3) Sicuti Baldus tradit in l. 3. *C. de suis, et legitimis.*

(4) Ex rebus vestis Andegavensium in Codices Regiae Siciliae relatis.

(5) *Ioannes XXII. in cap. suscepti 2. de cler. in extravag.* Cum itaque in nonnullis, ait, Ecclesiis observetur... quod fructus *primi*, vel *secundi*, aut alterius cuiuscumque sequentis anni beneficiorum vacantium in eisdem, defuncto, vel fabricae, aut Ecclesiae, vel personae habentibus *annalis* de consuetudine, privilegio, vel statuto applicentur in totum, statuimus de fructu nostrorum consilio, quod illi, qui fructus praedictos sibi hacenus *integre* vindicabant ex privilegio, consuetudine, vel statuto nihil exin ultra *summam*, pro qua unumquodque beneficiorum ipsorum consepit in solutione de-

XXVII. Hoc autem in Regno ecclesiastica spolia, et fructus vacantes exigere pro Camera Apostolica non intermiserunt pontificii collectores, annuente Rege Roberto. Verum Carolus Dux Calabriae Roberti filius, et Vicarius generalis anno 1320. regiis litteris hortatus est Stephanum de Pino pontificium collectorem fructuum, ut se non ingereret in colligendis fructibus earum vacantium Ecclesiarum, quae ad collationem Regis patris sui pertinerent.

XXVIII. Dein Benedictus XII. Ioannis successor Avenione itidem sedena collectores heic suos creavit in primis Canonicum Neapolitanum Gerardum de Valle, cui idem Rex Robertus die 29. Decembris 1335. placitum suum concessit. Mox die 28. Novembris 1339, cunctis Regni officialibus mandavit, ut suum ipsorum auxilium, brachiumque impertirent Guilielmo a S. Paulo commissario apostolico pro colligendis tam fructibus Ecclesiarum vacantium, et spoliis ecclesiasticis Praesulum, et beneficiorum, quam aliis Ecclesiae Romanae redditibus in perpetuum: Post anno 1341. brachium suorum quoque magistratum indulsit Raymundo Camerato Amiens Canonico, et Pontio Parreto Carnotensi ab eodem Pontifice huc ablegatis ad colligenda spolia Raymundi Cassanenais Episcopi, et Leonardi Episcopi Aquinatis, eorumque credita, fructus scilicet maturos, et non exactos.

XXIX. Clemens IV. 13. Kal. Iulii 1346. litteris suis Avenione datis, dum heic regnaret Ioanna I. Caroli Ducis Calabriae filia, mandavit Morerio de Moreris Agennensi Canonico, ut bona quaelibet Raymundi Episcopi S. Pinti Thomeriarum tunc infirmi, postquam hac de vita migrasset, colligeret, servaretque fideliter arbitrio ipsius Papae disponenda, et reservata speciatim, ne ea per quospiam alios occuparentur, aut asportarentur indebite, aut consummarentur inutiliter (1). Fertur etiam in quodam rescripto Ioanne I. Doctor Decreti Ioannes de Pereris Apostolicae Sedis in hoc Regno Nuntius mandatam habuisse potestatem puniendi Raynerium monachum.

XXX. Innocentius VI. anno 1352. pontificatus sui primo sibi, suaeque Sedi Apostolicae specialim reservavit disponendi auctoritatem de bonis mobilibus, ac debitis, et creditis quorumlibet Episcoporum, Abbatumque monasteriorum omnium huius Regni Siciliae citra Pharum, quae ipsimet Episcopi, Abbatesque obitus tempore haberent, vel ad eos quomodocumque pertinerent, mandavitque Petro Archiepiscopo Beneventano, ut ea per se, vel per alios a quibusvis detenta exigeret, ac perciperet: etiamsi eadem bona, debita, et credita ex privilegio, consuetudine, vel statuto for-

1 cimarum taxari, percipiant... totali residuo praedicta obtinentibus beneficia remansuro. In illis vero Ecclesiis, et partibus, in quibus decimarum taxatio non est facta, servetur quod fructus, et obventiones beneficii tunc vacantis, quod decimam solvere consuevit, per medium dividantur, quorum medietatem habet is, cui annuallim perceptio est concessa: reliquam vero medietatem habet is, cui beneficium est concessum pro sustentatione sua, et aliis Ecclesiae oneribus supportandis.

(1) Has litteras incipientes perlatas nuper fert Redoanus in appendice ad tract. de spoliis, pag. 242.

san Ecclesiarum, et monasteriorum conventibus, aliisve quibuscumque debeantur (1).

XXXI. Ludovicus II. Dux Andegavensis Reginae Ioannae I. heres (2) fertur in charta anni 1509, ex tabulario S. Victoris Massiliae deprompta iussisse, ut Praelati solverent Camerae Apostolicae omnia spolia defunctorum Praelatorum secundum decreta Alexandri Papae V. in Concilio Pisano habito (3). In eo tamen Concilio an. 1409. Alexander V. dicitur notificasse omnibus per organum Archiepiscopi Pisani, quod non intendit amodo, ut antea, reservare bona, seu spolia Episcoporum, et aliorum morientium Praelatorum (4).

XXXII. Reservationes, quae nihilominus invaluerant, pontificias amovere Patres Constantienses decreverunt anno 1417. (5). Et Martinus V. in eodem Concilio electus Pontifex votis Patrum indulgens, fructus, ait, et proventus Ecclesiarum, monasteriorum, et beneficiorum vacationis tempore obvenientes iuris, et consuetudinis, vel privilegii dispositioni relinquitur, illosque nobis, vel Apostolicae Camerae prohibemus applicari (6). De spoliis vero ecclesiasticis, seu bonis intuitu Ecclesiae quaesitis, et extantibus post obitum beneficiariorum, et Praesulum nil Pontifex edixit.

XXXIII. Postquam e vivis excessit Martinus an. 1431. Cardinales in eo conclave, ubi electus Eugenius IV. est, inter alia providendum censuerunt, ut Cardinalium morientium bona Apostolicae Camerae non applicarentur, sed testandi libertas iis, qui ex Ordinibus regularibus assumpti non essent, remaneret: aliorum omnium ecclesiastica spolia iuris canonici, et consuetudinis locorum dispositioni relinquerentur. Mox Eugenius IV. iuratos in conclave articulos omnes litteris suis confirmavit (7). Quum vero Alphonsus I. Aragonius ob adoptionem Ludovici III. Andegavensis a Regina Ioanna II. gestam, et a Martino V. confirmatam offensum videretur, collationibus pontificiis hoc in Regno tunc obstitit, ne spolia ecclesiastica decedentium Episcoporum, et Abbatum ea perciperet. Rebus deinde compositis, ab Apostolicae Sedis Legato Cardinale Ludovico Scarampo anno 1443: Pontifex Eugenius litteris ad Regem Alphonsum datis die 25. Septembris eiusdem anni, ei condonavit nedum praeteritos investiturae census annuos Apostolicae Sedi non solutos, sed omnes etiam pecuniarum quantitates, quas idem Rex ad illum usque diem exegerat ex bo-

(1) Innoc. VI. in litteris incipit olim 12. Kal. Maii 1352., apud Redbanum loc. cit. pag. 243.

(2) Eum in Regem Neapolitanum unxit, et coronavit an. 1382. Avenione Robertus Gebennensis Episcopus antipapa, dictus Clemens VII.

(3) Apud Carolum du-Fresne in glossario verbo spoliolum.

(4) Ex actis Conc. Pisani sess. 22. in collect. Labbæana.

(5) Conc. Constant. an. 1417. sess. 39. Per Papam, ait, facta reservatio, et exequio spoliolum decedentium Praelatorum, aliorumque clericorum, gravia Ecclesiis, monasteriis, et aliis beneficiis ecclesiasticis detrimenta intulit... praesenti declaramus edicto, rationi fore consentaneum, et reipublicae commodum tales per Papam reservationes, ac per collectores exactiones, seu perceptiones de cetero nullimode fieri, seu attentari.

(6) Martinus V. in eodem Conc. Constant. sess. 40.

(7) N. Alexander in hist. saec. XV. cap. 2. art. 4. de Eugenio IV.

nia, et iuribus Camerae Apostolicae, aut ex Ecclesiis, praelaturis, dignitatibus, beneficiis, et quibuslibet personis ecclesiasticis (1).

XXXIV. Sub Austria tandem instauratae reservationes apostolicae spoliolum, et fructuum vacantium invaluerunt consensione utriusque Potestatis. Quandoquidem Hadrianus VI. qui fuerat Caroli V. Imp. praeceptor, suum hoc in Regno Nuntium deputavit an. 1523. Hieronymum Cantelles Canonicum Neapolitanum, cum speciali mandato colligendi nedum annatas, census, et iura Camerae Apostolicae, sed spolia etiam ecclesiastica deredentium clericorum, et Praeaulum. Prorex autem Carolus de Lanoy die 25. Maii 1523. regium placitum pontificiis litteris ipsius concessit, hac adiecta clausula, ut quod ad spolia ipsi Proregi reservata foret in singula casibus maior deliberatio (2).

XXXV. Clemens VII. sequenti anno duobus suae Sedis Nuntiis, et Camerae collectoribus, scilicet Canonico Cantelles, et Hieronymo Orillae Canonico Measanensi mandavit una cum spoliis ecclesiasticis fructus Ecclesiarum vacantium, et vacaturarum colligere, istarumque idcirco possessionem capere nomine Camerae Apostolicae. Regio tamen placito, quod eis indulsit, Prorex Andreas Carafa S. Severinae Comes die 28. Februarii 1524. excepta fuere beneficia, Ecclesiaeque tum regiae, tum iurapatronatus Baronum, et alia reservata (3). Ut autem quarta pars fructuum omnium Ecclesiarum in fabricam, aliasque necessitates per viros locupletes locorum custodienda impenderetur, indultum a Clemente VII. die 20. Ian. 1526, cum regio placito eiusdem Proregis, iam dictum superius est (4).

XXXVI. Romanus idem Pontifex regiam nominationem Episcoporum ad vigintiquatuor huius Regni Ecclesias Cathedrales Carolo V. eiusque Successoribus indulsit die 15. Iunii eiusdem anni 1527. Mox decimas super bonis ecclesiasticis die 31. Octobris eiusdem anni ei concessit, pluraque atreorum centena millia legionibus imperialibus pontificio aere persolvit. Imperator autem detrimenta Camerae pontificiae aliquantulum reffecturus favit pontificiis reservationibus ecclesiasticorum spoliolum. Hinc Episcopo Aversano Scaglione Pontificis commissario Prorex Carolus de Lanoy die 22. Iulii 1527. regium placitum, nulla exceptione interiecta, largitus est pro exigendis omnibus in hoc Regno spoliis ecclesiasticorum.

XXXVII. Sed anno sequenti 1528. quum Fabium Arcellam clericum Camerae Clemens VII. Nuntium, et collectorem creasset cum expresso mandato exigendi nedum decimas, sed spolia etiam Ecclesiarum vacantium, et deinceps vacaturarum in toto hoc Regno: Princeps Arausicanus Prorex placito regio, quod ei dedit die 24. Decembris eiusdem anni, hanc adiecit clausulam: *dummodo non sint beneficia regia reservata, aut de iurapatronatus Regis, vel Baronum* (5). Eademque limitatione concessum regium placitum fuit anno 1537. litteris Pauli III, quae Suessano Episcopo suo heic Nuntio, et collectori idipsum mandaverant.

(1) Apud B. Chioccarelli to. 1. arch. reg. iurisd. de investituris num. 53.

(2) Chioccarelli. to. 3. tit. 4. n. 1.

(3) Apud Chioccar. *ibid.* n. 2.

(4) Cap. 17. de fructibus num. 6.

(5) Apud B. Chioccarelli. *ibidem* n. 6.

XXXVIII. Quum vere in dubium nonnulli revocarent, an bona, et spolia Praelatorum, aliorumque ecclesiasticorum qua saecularium, qua regularium extra claustra degentium, quae tempore mortis extarent, ad Cameram Apostolicam generatim pertinerent ex aliqua generali constitutione, propterea quod suos in multis, sed non universis Provinciis collectores Romani Pontifices deputarent: Paulus III. tandem III. Non. Januarii 1542. constitutione perpetua declaravit, et iussit bona eiusmodi Praelatorum, clericorumque utriusque Cleri sine facultate de iis testandi decedentium ubilibet, quae iam consueverant spolia nuncupari, in quibusvis Regnis, ac dominiis tam citra, quam ultra maria ad Cameram Apostolicam, et non ad alios, in quibus etiam Cathedralibus, et Collegiatis, aliisque Ecclesiis, et monasteriis, ceterisque beneficiis ecclesiasticis cum cura, et sine cura, saecularibus, et regularibus spectare, et per Collectores apostolicos exigi debere (1).

XXXIX. Eamque confirmavit proximus eiusdem successor Iulius III. duabus itidem perpetuis constitutionibus anno 1550, et 1553: declarans insuper fructus beneficiorum exactos, et cum reliquis clericorum bonis profanis commixtos, et incorporatos ad liberam beneficiariorum dispositionem, ubi a Sede Apostolica ipsi obtinuerint indultum disponendi, spectare: fructus vero tam inexactos, quam non commixtos ad Cameram Apostolicam reservari debere in locis, ubi collectores adsint apostolici. Ad clericorum autem heredes profanos sive ab intestato, sive ex testamento vigore quarumcumque facultatum condito, aut legatarios nequaquam pertinere fructus maturatos in ipsorum clericorum vita, sed non exactos (2).

XL. Pro hoc tamen Regno Neapolis, in quo Paulina constitutio recepta est Iulius III. die 10. Augusti 1550. suis litteris in forma Brevis motu proprio indulsit, ne spolia Praelatorum, et clericorum Regni pro Camera Apostolica fierent, nisi eorum redditus, et proventus annuos ducatos centum attingerent, et nisi bona spolia post mortem cuiusque beneficiarii remansua ducatos mille excederent (3). Redoanus testatur praedictum Iulium III. molum proprium iam vidisse, eoquo specialiter indultum, ut hoc in Regno spolia exigerentur ab heredibus Praelatorum, clericorumque defunctorum, et nulla isti molestia a collectoribus apostolicis afficerentur pro bonis praescriptum valorem non excedentibus.

XLI. Praeterea Iulius III. liberam indulsit facultatem quibusvis Praelatis, et ecclesiasticis personis Urbem Romam incolentibus, vel Curiam sequentibus, si in dicta Curia, vel districtu decesserint, disponendi, ac testandi de quibuslibet rebus intuitu etiam Ecclesiae quaesitis in favorem quarumlibet personarum: nec non transmittendi res easdem ecclesiasticas ab intestato ad suos proximiores agnatos, et legitimos successores (4). Id

(1) Paul. III. in *const. Romani Pontificis providentia* 29. to. 1. Bullarii magni, fol. 658., quam Petrus de Matthaeis inseruit in septimo Decretalium cap. 1. de spolio clericorum. Eam in Gallia, alibique non receptam ferunt scriptores: hoc in Regno secus.

(2) Iulius III. in *const. cum sit nobis* an. 1550., et *const. dudum ex certis* an. 1553., apud cit. de Matthaeis cap. 3. septimi Decretal. de fructuum beneficii restitutione.

(3) Eas collaudant Chiocearellus loc. cit., et Redoanus de spoliis qu. 1. n. 52.

(4) Iul. III. in *const. cupientes*, VI. Idus Martii 1550. apud Redoanum impressa pag. 254.

Paulo V. etiam placuit, qui clericos quoslibet cives, et curiales, sive incolae Romae a spolio exemit quoad bona in ea Urbe, eiusque districtu intra decem millia passuum consistentia ex redditibus etiam ecclesiasticis quaesita (1). Sed hanc eis constitutionem pro rebus ex illicita negotiatione congestis nil suffragari sanxit Benedictus XIV. (2). Praedictus insuper Iulius III. die 10. Ianuarii 1553, motu proprio ad se advocavit causas spoliatorum coram aliis, quam Thesaurario pontificio, eiusve ministeria pendentes, easque eidem Thesaurario commisit, generali spoliatorum in tota Italia collectori (3).

XLII. Paulus IV. suis deinde litteris sub annulo Piscatoris datis die 8. Ianuarii 1555. deputavit Hieronymum Fuscarium Episcopum Torcellanum Camerae Apostolicae thesaurarium in collectorem generalem spoliatorum in tota Italia cum facultate compellendi per censuras, componendi, et concordandi, quietandi, et absolvendi. Tum aliis litteris die 21. Octobris 1557. datis cognitionem causarum super spoliis in tota Italia delegavit Christophoro Cincio suo thesaurario generali, et spoliatorum in tota Italia collectori. Idemque Pontifex die 16. Martii 1558, indulsit spolia in favorem Camerae Apostolicae locum hoc in Regno non obtinere in beneficiis annuos ducatos auri quinquaginta non reddentibus, neque in bonis clericorum, quae ducentos auri non exuperarent (4).

XLIII. Tum Pius IV. Nonis Februariis 1560. confirmavit, et innovavit, privilegia incolarum, et curialium Urbis super libera facultate disponendi. Deinde per bullam Idibus Martiis eiusdem anni facultatem testandi, quam de qualibet summa Episcopis officia scriptoris Sedis Apostolicae obtinentibus largitus fuerat Iulius III. reduxit ad summam ducatorum sexmillium, antea ipsis a Paulo III. concessam (5).

XLIV. Bona insuper a clericis quibuscumque per illicitam negotiationem quaesita spolio ecclesiastico subiecit Pius IV. (6). Idem vero quum exemptisset ab sanctione sua Praelatos, et clericos quoslibet, qui speciale indultum testandi ab Apostolica Sede obtinuerint (7): hanc posteriorem eius constitutionem abrogans maluit cunctos etiam indultum testandi habentes de bonis interdicta negotiatione comparatis disponere numquam posse, etque ad Cameraam Apostolicam iure spoliis pertinere (8).

XLV. Insuper Pius IV. primis iam dictis litteris Franciscum Odescalcum creavit collectorem generalem spoliatorum ad Cameraam Apostolicam pertinentium in tota Italia super quibuscumque generatim rebus mobilibus, et immobilibus, ac semoventibus clericorum, qui beneficia obtinuissent sive simplicia, sive cum administratione, cum facultate compellendi censuris quoscumque debitores, auxiliumque brachii saecularis, si opus fuisset, implorandi: nullamque adhibuit distinctionem valoris annui bene-

(1) Paul. V. in *const. in eminenti*.

(2) Bened. XIV. die 25. Febr. 1741. in *const. apostolicae* 1340. t. Bull. sui.

(3) Videsis Iulii III. litteras impressas apud Redonum, pag. 256.

(4) Apud Chioccarell. et Redon. *ibidem*.

(5) *Ibidem*.

(6) Pius IV. in *const. decens esse*.

(7) Idem in *const. Romanus Pontifex*.

(8) Benedict. XIV. in *cit. const. apostolicae* § 4.

ficiorum, sed Immo contrariis Sedis Apostolicae praeviis constitutionibus expresse derogavit (1).

XLVI. Idem quoque Pontifex litteras in forma Brevis dedit die 26. Maii 1560, quibus ex proborum, et fide dignorum hominum relatione accepisse profitetur quamplurimos Praelatos, presbyteros, et alias ecclesiasticas personas diversarum Provinciarum, et praesertim Regni Neapolitani, nullo Sedis Apostolicae indulto suffultos temeritate propria, et forsan ad suorum importunam suggestionem impulsos in eorum ultimis voluntatibus testamenta sua condidisse, ac donationes, seu legata, aut codicillos faciendo de bonis suis diversimode disponere ausos fuisse, licet id facere nullimode possint, nec debeant in Camerae Apostolicae grave, et maximum damnum. Ut autem dictae Camerae indemnitati consulere, singula testamenta, donationes, et quascumque alias dispositiones ultimae voluntatis titulo per quoslibet Episcopos, vel personas ecclesiasticas facultatem a Sede Apostolica non habentes, in favorem quoque piorum locorum factas de rebus ecclesiasticis, nullas esse, et irritas declaravit, deputavitque collectorem generalem in universa Italia Franciscum Odescalcum ad res ecclesiasticas eiusmodi exigendum, contrariis quibuscumque non obstantibus, et praesertim Provinciarum, locorum, dominorumque Regni Neapolis, et praesertim pauperum incurabilium, et aliorum piorum locorum cuiusvis civitatis, etiam Neapolis, iuramento, confirmatione apostolica, vel quavis alia firmitate roboratis statutis, et consuetudinibus, privilegiis quoque, et indultis (2).

XLVII. Mox aliam sub annulo Piscatoris constitutionem tulit die 7. Decembris 1550, qua universos fructus omnium beneficiorum saecularium, et regularium in Regno Neapolis, et quibusvis eiusdem Provinciae per obitum, aliove quovis modo, praeterquam per cessum illa obtinentium, pro tempore vacantium a die vacationis pro rata temporis usque ad diem possessionis novi beneficiarii, vel Praelati ad Cameraam Apostolicam reservavit, et applicavit, quatenus a Paulo Odescalco tunc huius Regni Nuntio apostolico, et collectore, et successoribus collectoribus exigere deberent (3). Eamque iisdem fere verbis S. Pius V. confirmavit (4). Sanxit etiam Pius IV., 17. Kal. Decembris 1564. ad Cameraam Apostolicam in u-

(1) Redoanus in *cit. qu.* 1. num. 52. testatur aevo suo spolia indistincte per Cameraam Apostolicam exacta hoc in Regno fuisse vigore Brevium Pii IV. cum clausulis derogatoriis, neque obtitisse antecedentes litteras Iulii III., et Pauli IV. in forma Brevis etiam expeditas.

(2) In aliquibus huius Regni Ecclesiis consuetudinem viguisse, quod clerici decedentes ab intestato etiam ad suos heredes consanguineos transmitterent fructus praebendarum pendentes, et post eorum obitum recolligendos, contestatur Andreas de Isernia in *usibus feudor. lib. 3. §. is consequenter*, Innocentius in *cap. relatum de testam.*, et *cap. fin. de pecul. clericor.* Geminianus in *cap. praesenti de offe. Ord. in VI.*, et Redoanus de *spoliis qu. 4. num. 22.* Sed posterioribus ea constitutionibus pontificiis usui receptis abrogata est. In statu Mediolani, et Hispania fructus inexactos beneficiorum ex consuetudine ad heredes transmitti, Rota probavit coram Coccino *dec. 476.*, et Card. de Luca *disc. 200. num. 9.*

(3) Pius IV. in *const. apud Redoanum impressa.*

(4) S. Pius V. in *const. cupientes 26.*, edita die 8. Ian. 1567. *fo. 2. Bullar.*

troque foro pertinere omnes beneficiorum fructus, quae per confidentiam simoniacam obtineantur, animo scilicet resignandi, et transferendi ea ad favorem certae personae per illicitam exercendae beneficentiae viam in fraudem apostolicarum constitutionum (1).

XLVIII. Tum S. Pius V., III. Kal. Septembris 1567, nullam generatim disposuit favore Ecclesiarum, et pro moderanda spoliolorum exactione. I: videlicet omnia, et singula ornamenta, et paramenta, vasa, missalia, gradualia, et libros omnes cantus, aliasque res sacras etiam auri, et argenti, et bona quaelibet ad usum, et cultum divinum etiam in privatis decedentium clericorum aedibus, et capellis, vel oratoriis destinata, tempore eorum obitus ex testamento, vel ab intestatu relicta ad singulas Ecclesias, et monasteria, et beneficia eorundem decedentium clericorum, non vero ad Camera Apostolicam pertinere. II: Pariter scamna, cathedras, arcas, mensas tam ligneas, quam lapideas, dolia, et vasa vinaria vacua, et domestica suppellectilia, sub spoliolorum appellatione minime comprehendi. III: Nec quidquam a quibusvis spoliolorum Camerae collectoribus exigi posse super relictis bonis clericorum, qui annos triginta ducatos auri de camera ex beneficiis, vel pensionibus ecclesiasticis non excesserint: dummodo tamen se ab omni illicita negotiatione abstineant (2).

XLIX. Nullum videtur obstaculum ab regia potestate interiectum exequendis hoc in Regno recensitis constitutionibus, litterisque Pauli III., Iulii III., Pauli IV., Pii IV., et S. Pii V. Enimvero B. Chioccarellus enarrans placita regia Nuntiis eorundem Pontificum simul, et collectoribus apostolicis concessa, nimirum Bartholomeo Capiblanco Litterensi Episcopo an. 1541., Bernardino Sandrino an. 1560; Nicolao Episcopo Savonae an. 1561, Antonio Episcopo Nolano an. 1563., Cypriano Pallavicino S. Pii V. a secretis, Ianuensi Archiepiscopo an. 1566., nullam refert superadditam clausulam, seu limitationem. Praefato solum Episcopo Nolano edictum an. 1563. scribit, quod mandata, et munia exequeretur *contra personas ecclesiasticas tantum*. Cumque S. Pius V. in sui Pontificatus initis an. 1568. iam dicto Odescalco Nuntio, et collectori suo inter alia mandasset speciatim, ut possessionem beneficiorum omnium hoc in Regno vacantium, quae ad regiam collationem, vel praesentationem pertinerent, ingrediens, fructus eorundem exigeret, eosque mox traderet novis beneficiariis regias collationis, vel praesentationis litteras exhibituris (3): regium ipse placitum sine ulla pariter exceptione obtinuit die 24. Febr. 1568.

L. Praeterea Gregorius XIII. iura Camerae pontificia in spoliis firmare potius, quam diminuire studuit, perpetuamque edidit constitutionem die 21. Ianuarii 1577., qua declaravit secundum Pauli III., aliorumque praedecessorum Pontificum litteras Camera Apostolicam in spoliis ecclesiasticis Regularium quoque extra claustra degentium, etiamsi dignitates, et

(1) Pius IV. apud Redonnum in *const. Romanum Pontificem*. Videsis quae dixi lib. IV. *Inst. Can. tit. 16. de simonia*, num. 32., et seq.

(2) S. Pius V. in *const. Romani Pontificis* 42., apud Redonnum impressa ex to. 2. Bullarii M.

(3) Apud Chioccarell. cit. to. 3. tit. 4. num. 11.

praebendas in Ecclesiis saecularium obtinuissent, vel episcopali fuissent dignitate, post eorum obitum universaliter succedere, et res quascunque sive mobiles, sive immobiles undecumque, et quomodolibet quaesitas post obitum Episcoporum etiam regularium, et quorumvis regularium extra claustra decedentium relictas, ad Cameram ipsam indistincte pertinere; abrogatis Pii IV., et Pauli IV. constitutionibus paulo ante dictis, quae bona eorundem Regularium monasteriis, ubi suam ii emiseraut professionem, applicasse ad trames iuris communis putabantur (1).

LI. Sub Xysto V., qui summum iniit pontificatum anno 1585. regia Camera Summariae eodem anno 1585. censuit in Ecclesiis tunc vacantibus Puteolorum, Materae, et Cotrooi, quae ad regiam nominationem plane pertinent, fructus omnes maturos, reollectos tamen, et a solo separatos tempore mortis Episcoporum spectare ad Cameram Apostolicam, et pro ea ad Nuntium pontificium, licet fructus nondum essent repositi in horreis, vel uva non fuisset conversa in vinum, et oliva in oleum, et adhuc essent in area. Verum si fructus fuissent maturi, et pendentes, sed non reollecti; censuit illos non facere spoliū, sed spectare ad successorem futurum in beneficio, ex consuetudine antiqua. Quod vero ad pensiones domorum, locationesque molendinorum, herbarum, et similium, ex quibus fructus percipiuntur quotidie, spectare usque ad diem mortis ad Cameram Apostolicam, tamquam heredem Praelati; post mortem vero ad successorem in beneficio (2). Ex antiqua igitur consuetudine, quam pontificiae constitutiones hactenus expositae invexerunt, regionum tribunalium sententiis obfirmata, in beneficiis, et Ecclesiis omnibus etiam regiae nominationis hoc in Regno Camera Apostolica spoliū per collectores suos habuit, res nimirum extantes post obitum cuiusque beneficiarii, et quotam fructuum ad diem usque mortis: reactivis cuque novo Praesuli, et beneficiario regiarum Ecclesiarum fructibus vacantibus a die obitus.

LII. Quae tamen ad regiam collationem pertinent pleno iure beneficia, in eis nulla penitus exactio spoliū a collectoribus pontificiis facta est. Quapropter in dignitatibus, et canonicatibus Ecclesiae Lucerinae (3) locum non esse spolio decreverat etiam Commissarius apostolicus anno 1547., eiusque sententiam retulit Capellanus Maior die 26. Iunii 1587.

LIII. Interea temporis exoptata de spoliis concordia prospere successit. Huc advenit anno 1585. Ioannes Angelus Aegyptius binis Xysti V. litteris in forma Brevis instructus ad varia gerenda Camerae Apostolicae negotia: regiumque placitum pro utrisque obtinuit die 31. Ianuari, et 9. Augusti eiusdem anni hac plane clausula limitatum: *quoad personas ecclesiasticas tantum, dummodo non operetur directo, vel indirecte contra personas laicas; neque super praelaturis, et beneficiis, monasteriis, hospitalibus, et capellanis, quae sunt sub protectione regiae* (4).

(1) Greg. XIII. in *const. officii nostri* 49. to. 2. Bull. M., et in septimo Decretal. cap. 3., et 4. de spolio clericor.

(2) Hanc regiae Camerae Summariae consultationem habet B. Chioccarell. to. 3., et collaudant Regens de Ponte dec. num. 13., Regens de Marinis lib. 1. de resol. 15a. n. 15., Regens de Curto in *divers. feud. par.* 3. cap. 3. num. 15.

(3) Huius Ecclesiae canonicatus ab Rege nostro alterius cum Episcopo vicibus conferri palam est ex supradictis cap. 7. num. 25.

(4) Ex Chioccarell. loc. cit.

LIV. Aegyptius iste impiger Provincias Regni peragratus pronos iam animos regnicolarum flexit, incenditque ad ineundas cum Apostolica Sede transactiones de spoliis hoc pacto, ut qui Apostolicae Camerae annum pecuniae quotam persolverent pro spolio composito, indulto ii apostolico fruerentur nedum testandi, ac disponendi de bonis quibuslibet intuitu Ecclesiae quaesitis, sed ea ad profanos etiam heredes ab intestato transmittendi, nullam deinceps molestiam neque a collectoribus pontificiis, nec a novis beneficiariis passuros amplius. Precibus inde Capitulorum cathedralium fere omnium id expetentium pro Canonicis, simul et beneficiariis, cuiusque dioecesis annuit Xystus V. Publicis tandem instrumentis per solemnem stipulationem Romae confectis cum Camera Apostolica, praeviis Papae cedulis, ut aiunt, Capitula singula Ecclesiarum cathedralium sponderunt certam pecuniae quantitatem (1) pro spolio Canonicorum, et beneficiariorum omnium totius dioecesis composito persolvere quotannis Camerae Apostolicae, et exigendi a cunctis totius dioecesis beneficiariis annuas eiusdem spoliis quotas, habita ratione reddituum uniuscuiusque partiendas, in ea summa communi comprehensas, et vicissim Apostolica Sedes praecoptatum indultum testandi, atque ad heredes profanos ab intestato etiam transmittendi spolia ecclesiastica universis tam Dignitatibus, et Canonicis Capitulorum transigentium, quam beneficiariis Inferioribus dioecesium compositarum largita est, exceptis tantum rebus illicita negotiatione quaesitis, quoties indicium de hisce rebus illicito quaesitis inceptum rite fuerit ante obitum eorundem clericorum, alias contra heredes ipsorum non liceat actionem propterea intentare. Verum Xystus ipse V. litteris ad Nuntium hinc suum Glorierum datis die 16. Aprilis 1590. declaravit, quoties constiterit perinde in vita, ac post obitum clericorum res in spolio clericali iam extantes ex illicita negotiatione obvenisse, pactum eiusmodi transactionis heredibus nil suffragaturum (2).

LV. Nonnullae tamen adhuc sunt in Regno dioeceses, quarum Capitula, Clerique nullam de spoliis transactionem iniverunt, ubi tunc pristinum ideoque viget spoliis realis post obitum cuiusque ex Canonicis, et beneficiariis: videlicet Sulmonensis, et Valvensis, Sorana, et Aquinas (3). Qui vero ex beneficiariis harum dioecesium suos ex testamento, vel ab intestato heredes eximere maluissent a futuris post obitum molestiis Camerae Apostolicae bona spoliis vindicaturae, peculiatem pro seipsis transactionem ineundi cum R. Camera libertas data eis etiam est, et datur adhuc (4).

(1) Scilicet Capitulum Neapolitanum annuos ducatos Regni 400, Aversanum duc. 495, et asses 55, Salernitanum duc. 300, Caveuse duc. 40, Acerranum duc. 30, Muranum duc. 70: aliam cetera quantitatem congruam conditioni locorum, et proventus ecclesiasticis.

(2) *Xystinae epistolae exemplum fert Steph. Quaranta in summa bullarii verb. spolia clericorum.*

(3) In his quatuor dioecesium ergo subcollectores apostolici spolia realia post mortem cuiusque beneficiarii colligunt pro Camera Apostolica, ad normam instructionum, quas nuper typis Muciauis recudit Sedes Apostolicae Nuntius novissimus Iosephus Lucatellius Archiepiscopus Carthaginensis.

(4) In dioecesi Sorana personales eiusmodi transactiones pro spolio composito stipulati nuper sunt Sabbatius Bevilacqua Parochus terrae Gallitari, Meusa Celsus Abbas curatus S. Mariae, et S. Angeli de Posta, simul beneficiarii Ec-

LVI. Naturam contractus onerosi ultro, citroque obligantis inesse iam dictis spoliis transactionibus utique patet: easque libero, et spontaneo consensu Capitulorum inhaerentibus clericis dioecesanis gestos fuisse. Exinde consequitur, quod ii dumtaxat ecclesiastici sentiant ex indulto speciali commodum testandi de rebus quibuslibet intuitu Ecclesiae quaesitis, qui pro spolio transacto sentiunt incommodum annuae contributionis, ceteri secus. Nam individuum transactionis contractum scindere non licet: nec frui apostolico indulto testandi per eam obtento quisquam poterit, qui onus ea impositum annuae solutionis respuat. *Non enim debet melioris conditionis esse, quam actor meus, a quo ius in me transit* (1).

LVII. Fructus pendentes, nimirum a mortuis beneficiariis non exactos, quamvis maturos, non complectitur ea spoliis transactio. Nam contentendibus Clericis dioecesum compositarum, eorumque heredibus, quod pendentes beneficiorum fructus maturi, et inexacti, atque a solo non separati, ad seipsos exclusa Camera Apostolica pertinerent: Xystus idem V. litteras sub annulo Piscatoris dedit die 1. Ianuari 1589, iisque declaravit, et sanxit: omnes, et singulos fructus, redditus, et proventus quorumcumque beneficiorum ecclesiasticorum cum cura, et sine cura, saecularium; et regularium in hoc Regno consistentium, quocumque mense pro tempore vacantium, tam ante obitum illorum possessorum pendentes, et maturatos, ac etiam a solo minime separatos, seu nondum exactos, quam etiam post eorum obitum usque ad diem captae possessionis dictorum beneficiorum per successores in eis maturandos, seu decurrendos, pro rata temporis a die adeptae possessionis sorundem beneficiorum ad ipsam Cameram nostram (ait) spectare, illosque eidem Camerae applicatos esse, et per ven. fratrem Iohannem Patritium Archiepiscopum Seleucia modernum, et pro tempore existentem Nuntium Apostolicum in Regno praedicto pro eadem Camera; et eius nomine percipi, exigi, et levari, ac etiam pro faciliiori illorum exactio, si videbitur, in fine anni cum successoribus in dictis beneficiis computari, dividi, et illorum sic divisorum... ratas partes... respective tangentes etiam percipere, exigere, et levare posse, et debere: ac de cetero perpetuis futuris temporibus, ita et non aliter in praemissis observari volumus, ac etiam perpetuo statuimus (2). Tum Urbanus VIII. an. 1623. fructus pendentes numquam ad heredes, aut legatarios beneficiorum transmitti declaravit, sed ad Cameram Apostolicam pertinere (3).

LVIII. Episcopos, Abbates, Praelatos inferiores transactionis eiusmodi constat numquam participes fuisse. Hinc propria eorum spolia, seu res omnes post obitum ipsorum extantes una cum quota fructuum omnium recolligendorum usque ad diem obitus consueverunt usque ad an. 1693. pro Camera pontificia subcollectores exigere in cunctis Ecclesiis episcopalibus, et abbatialibus ad regiam quoque nominationem, et presenta-

clesiarum S. Andreae, S. Michaelis, et S. Mariae Civitatis terrae Arpini, et S. Simonis terrae Alviti. Tum in dioecesi Aquini Marcus Gallinello canonicus Roccae Siceae, ceteri.

(1) Paulus ait in l. in his 175. D. de Reg. Iur.

(2) Xystus V. in const. cum sicut accepimus 1. Ian. 1589, impressa ad eadem Instruct. pro subcollector.

(3) Urbanus VIII. in const. aeternus rerum Conditor 80., die 3. Aprilis, 1628.

tionem pertinentibus. Quandoquidem anno 1663, regalis iurisdictionis Delegatus, auditis partibus, et re cognita ad regium Oeconomum vacantis archiepiscopalis Ecclesiae Salernitanae, in qua Rex noster ius nominandi habet, litteras dedit inbentes, ut pendentium fructuum, et civilium, et naturalium ratas usque ad diem mortis Archiepiscopi consignaret Commissario Nuntiaturae Apostolicae: quoties vero fructuum naturalium scilicet *frumenti*, et *frugum* supplicaret a primo die Septembris, vitiis ab initio Novembris, *olei*, et *fructuum hyemalium* a primo die Decembris, *herbas asatinae* ab initio Aprilis, *hyemalis* ab initio Octobris. Bene statuta haec tempora observare simul consuevit Nuntiaturae tribunal in aliquandis etiam ratis portionibus fructuum vacantium ad Cameram Apostolicam a die vacationis usque ad possessionem novi cuiusque Episcopi, et beneficiarii spectantibus in quibuslibet Ecclesiis, et beneficiis: dummodo excipiantur quae sunt de iurepatronatus regio, vel baronali: spolia vero ecclesiastica decedentium clericorum, ex beneficiis etiam regis, et baronali quaesita, pontificiis subiecta reservationibus, et dispositionibus manerent.

LIX. Ad regium solummodo collationem pertinentia beneficia maluit Potestas Regia ab omni iure spoli, atque a cunctis Sedis Apostolicae reservationibus excipere, ut recitatae clausulae regis adiectae placitis Nuntiorum, et collectorum Sedis Apostolicae patefaciant (1).

LX. Innocentius XII. Neapolitanus inopiam Ecclesiarum huius Regni aus oculis exploratam, et asperitates Cameræ Apostolicae subcollectorum experimentis deprehensas aegro ferens animo censuit iura Cameræ Apostolicae in spoliis Praelatorum huius Regni ab suis praedecessoribus constituta fore penitus abolenda, ut pristina iura Ecclesiarum redintegraret secundum canones constitutione perpetua anno 1693. concessa Praelatis arbitrio disponendi in utilitatem Cathedralium suarum, et parochialium dumtaxat: *Motu proprio*, inquit, *ab omni, et quocumque iure, quod ad Cameram nostram Apostolicam ex antiquissima consuetudine, et constitutionibus apostolicis hactenus spectasse dignoscitur, percipiendi, exigendi, et assequendi quascunque pecunias, res, effectus, iura, semoventia, et bona etiam stabilia cuiuscumque pretii, valoris, speciei, qualitatis, et quantitatis, per Archiepiscopos, Episcopos, et Praelatos inferiores, etiam ex Ordinibus regularibus assumptos, ex redditibus, fructibus, et proventibus suarum Ecclesiarum quomodocumque vere, et proprie adquisita, apolia nuncupata: necnon fructus naturales a solo separatos, et civiles tempore mortis perceptos, seu exactos ex redditibus praefatarum Ecclesiarum etiam inconsumptos, et incommixtos, non tamen pendentes, seu inextinctos, specialis dono gratias perpetuis futuris temporibus dictos Archiepiscopos, Episco-*

(1) Ex supradictis: Valenzuela to. 2. const. 196. num. 59. idipsum tradit. Sic passim fuit observatum, ait, et observatur in Regno Neapolis, ita ut in omnibus beneficiis cuiusvis qualitatis etiam simplicibus existentibus ad collationem Regis ex praedicto privilegio apostolico collector apostolicus non habet aliquod ius pro spoliis, prout de hac diuturna observantia adtestatur Iacobus Antonius Maurus iuriconsultus Neapolitanus alleg. 34. in fine: ea plene constant ex registris litterarum executorialium, quae conceduntur in eodem Regno commissionibus collectorum apostolicorum, in quibus excipiuntur Praelaturae, Abbatiae, dignitates et beneficia, quae sunt de iurepatronatus regis.

pos, et Praelatos inferiores Regni praefati omnino eximimus, et liberamus... ad effectum tamen, et non alias, ut praemissa omnia, et singula ad praefatas metropolitanas, aliasque Cathedralas, et reliquas, quibus praesiderint, illisque non indigentibus, ad parochiales Ecclesias eorum regimini commissas spectare, ac ad earundem favorem, et in utilitatem cedere, applicari, converti, seu erogari debeant. Praefatis tamen Archiepiscopis, et Praelatis, ut congruos usus, applicationes, et erogationes in utilitatem huiusmodi Ecclesiarum designare valeant, permittimus, indulgemus, et opportunam facultatem concedimus. Quod si ad huiusmodi dispositionem devenire noluerint, vel nequiverint... adhuc praemissa omnia in utilitatem earundem Ecclesiarum prudenti Praelatorum suorum arbitrio cum suorum Capitulorum consilio applicanda esse mandamus (1). At firmas, et illibatas fore voluit constitutiones Pii V. super rebus sacris, et ornamentis ad Ecclesias spectantibus, Iulii III. Xysti V. et Urbani VIII. super fructibus pendentibus, vel inexistis, tum Pii IV. et Xysti V. super fructibus vacationis tempore obvenientibus.

LXI. 1. Constitutionem hanc Innocentii XII. pro rebus spoliis extra hoc Regnum, praesertim Romae existentibus non suffragari Ecclesiis viduatis Camerales contenderunt in causa spoliis Squillacensis anno 1694, et Thesaurarius apostolicus id Innocentium quoque sensisse asseverabat ex vivae vocis oraculo ipsius (2). Tum Clemens XI. an. 1720. loca montium Romanorum sexaginta in spolio Francisci de Aste Archiepiscopi Hydruntini remansa adiudicavit Camerae Apostolicae, exclusis Capitulo Hydruntino, et Barone de Aste defuncti Archiepiscopi germano. Sub eodem Clemente XI. interpretes adstruere nitentur locum Innocentianae huius bullae tunc esse, quotiescumque suam intra dioecesim Praelati obirent, his vero extra dioecesim decedentibus, spolia ipsorum, fructusque perceptos, posthabitis eorumdem dispositionibus, novi Praesules arbitrium sibi arrogabant disponendi ad libitum, adeo ut Ecclesiae vel nihil, vel parum utilitatis exinde esasperent.

LXII. Benedictus XIII. controversias eiusmodi definiens statuit iam dictam Innocentii constitutionem de spoliis decedentium in hoc Regno Praelatorum integrum, et plenarium effectum obtinere perpetuo debere, etiam quoties ipsos extra fines Ecclesiarum, dioecesumque suarum obire contingerit (3). Idemque Pontifex damnavit, et proscripsit opinionem, et abusum eorum qui sibi licere putabant in fraudem Ecclesiarum suarum inter vivos disponere de bonis, et in rebus ex redditibus Ecclesiarum suarum acquisitis, seu obvenientibus, et eaque donare, seu aliter alienare, et distrahere, reservatis sibi, quamdiu in humanis egissent, bonorum eiusmodi fructibus, seu usu, et commoditate earum rerum, quas donatione, vel alio contractu inter vivos nuncupato a se abdicassent (4).

LXIII. Tandem Benedictus XIV. praepropas rerum episcopalium contractiones, viventibus adhuc Praesulibus attentatas ab Ecclesiarum

(1) Innoc. XII. in *const. inscrutabili*, edita 3. Kal. Febr. 1693.

(2) At nullius momenti habenda talis assertio est, quum leges generales non cretenus, sed rescripto legislatoris abrogeniur, l. 1. c. de mandatis Principum.

(3) Bened. XIII. in *const. Romanum decet Pontificem* die 12. Octobris 1726.

(4) Bened. XIII. in *cit. const. Romanum decet Pontificem*.

Capitulis, et Canoniceis removendi studio, simul et fraudes Ecclesiis detrimentosas, vetuit constitutione perpetua Capitulis, et curatoribus spoliatorum huius Regni, ne Praelatorum viventium, quamvis lethali morbo affectorum, res, et bona praecoccupare, aut sequestro dare audeant sub specie securitatis, nec ipsorum decumbentium domesticos, familiares, aliosque servientes vexare, aut molestia afficere, neque usu, et commoditate rerum suarum eosdem vivos Pastores ullatenus privare, quorum animos tunc perturbare impium est. Vicario solum aegrotantis cuiusque Antistitis custodiam rerum mobilium, eas ne subripiantur, demandavit, ipsas in uno, pluribusque cubiculis, quae clavibus obserrata sigillo episcopali communiantur, conclusuro coram duobus testibus, publicoque notario, qui desuper instrumentum conficiat. Post obitum Praesulis iussit, ut claves obsignatorum cubiculorum Vicarius generalis Vicarii Capitulari, et Canoniceis ad id deputandis tradat in praesentia eiusdem notarii, et testium: mox curatoris, ut inventarium rerum omnium, seu descriptio fiat, quas aestimare inde debeant periti. Dein cavet, ne quid rerum spolia alienetur ante novi Praesulis adventum, praeterquam quae servando servari non possunt: sed cuncta servantur in cubiculis Vicarii Capitularis sigillo obsignatis, et obserratis, quorum claves notarius deinceps detineat. Denique post captam a novo Praesule possessionem res omnes vendantur pretio a peritis aestimato, in necessitates, et restorationem Ecclesiarum episcopali, seu abbatiali erogando, aut his non indigentibus, in utilitatem parochialium egenarum. Novus autem Antistes in eisdem emendis, quas sibi usui fore conspexerit, praeferatur soluto eodem pretio a peritis definito. Idemque diligenter inquirat, an a Vicario Capitulari, et aliis a Capitulo deputatis praedicta omnia rite, ac recte gesta sint, in delinquentes pro modo culpae animadversurus (1).

LXIV. Idem quoque Benedictus XIV. sanxit quoslibet a spolio exemptos Praelatos, officiales, clericosque saeculares, aut regulares, cives etiam, et curiales, seu incolae in Urbe, Curiaque Romana decedentes, qui testandi, et quomodolibet disponendi, vel suos ad consanguineos ab intestato transmittendi, indultum speciale Sedis Apostolicae, vel suorum officiorum privilegio, aliove quovis titulo illud habeant, non suffragari quodvis tale indultum, ac privilegium, quod ad bona ex illicita negotiatione provenientia, quamvis ea in Urbe etiam, eiusque districtu existant: sed ea Camerae Apostolicae iure spoliū vindicavit, abrogatis Pii IV., et Pauli V. contrariis constitutionibus (2).

LXV. Operae nunc pretium est consecraria ex recensitis canonibus, constitutionibus pontificiis, regiis placitis, moribus nostris, rebusque gestis colligere usui profutura. Hoc in Regno in primis Episcopi, Praelati, et inferiores nullum testandi indultum adepti, nec privilegio, nec oneroso transactionis titulo spolia sua, resque omnes intuitu Ecclesiae quae sitas in obitu suo ad Ecclesias, quibus ipsi praefuerint, ipso iure trans-

(1) Bened. XIV. in *const. pastoralis sollicitudo*, 28. Aprilis. 1756. Postremo huiusce constitutionis articulum in Concilio Tridentino statutum commonet cap. 16. sess. 25. de *reform.* Adde Conc. Chalced. in *can. non liceat* 43. C. 12. qu. 2., et Bonif. VIII. in cap. *quia saepe* 40. de *elect.* in VI.

(2) Bened. XIV. in *const. apostolicae servitutis* 13. to. 1. Bullarii.

mittunt ab intestato. 2: de iisdem rebus ipsi arbitrium habent disponendi usum in utilitates dumtaxat earumdem Ecclesiarum, vel Cathedralium, vel Parochialium secundum constitutiones Innocentii XII; et Benedicti XIII; et XIV. 3: hac spoliis realis lege obstringuntur Episcopi omnes, nedum libera Papae electione, sed regia etiam nominatione promoti. 4: nequeunt vero de rebus eiusmodi inter vivos etiam disponere in fraudem Ecclesiarum favore cuiuslibet, reservato sibi metipsis, quoad vixerint, usu. 5: qui tamen privilegio Praelati solio pontificio adstantis potiuntur, si facultatem habent disponendi inter vivos, et causa mortis, ac testandi sine solemnitatibus etiam Iure civili statutis in favorem cuiuslibet, posthabitis Ecclesiis, de mille ducatis auri de Camera, quique officium Scriptoris Apostolicae Sedis obtinent, de sex millibus ducatorum auri disponunt, tam super fructibus maturatis, et inexactis, quam suis episcopalis spoliis rebus (1): si vero ii ab intestato decesserint, ad ecclesiastica tantum spolia succedit Ecclesia, ad profana matrimonii bona heredes legitimi. 6: S. R. E. Cardinales generatim privilegio ampliori potiuntur testamenta condendi sine solemnitatibus, et legandi ad libitum spolia sua universa ecclesiasticis fructibus quaesita, iis tamen exceptis, qui ex Regularium Ordinibus adsumuntur (2): sed ab intestato morientes ea ad suas Cathedralis, principalesque alias Ecclesias transmittunt.

LXVI. Omnes autem ecclesiastici abbatias, dignitates, canonicatus, praebendas, beneficia quaelibet in dioecibus huius Regni compositis obtinentes, qui certas dum vivunt annas quotas spoliis transacti solvunt Camerae Apostolicae, seu Canonico per Capitulum cuiusque Cathedralis Ecclesiae deputato, indulto quidem amplissimo utuntur, et testandi, et ab intestato transmittendi ad suos consanguineos, legitimosque heredes bona omnia ex proventus ecclesiasticis quaesita, fructusque beneficiorum suorum perceptos dumtaxat, et exactos: eorumque profani heredes, ac legatarii quoad eiusmodi spolia, et fructus ecclesiasticos tuti, inimpunesque omnino sunt a molestiis tam Ecclesiae, novorumque beneficiariorum, quam Camerae Apostolicae.

LXVII. Ut omnibus vero, et singulis clericis indultum iatid suffragetur quaesitum oneroso titulo transactionis, seu contractus nomine omnium in Romana Curia concelebrati: ratio postulat, ut omnes, et singuli beneficiarii quotas pro beneficiis suis semel taxatas reapo contribuant, ii etiam, qui ex personali privilegio exemptionem a spolio reali per accedens obtinuerint: puta Romani cives, incolae, et curiales, ceteri id genus. Aequum porro, et iustum videtur, ut cuncta beneficia praedictarum dioecesium tempore transactionum sub Xysto V. taxata consentientibus tunc possessoribus ad spoliis compositi ratas contribuendas transeant cum opere

(1) Huiusmodi privilegio Praelatorum Solio pontificio adstantium consuevit Regia Potestas placitum suum hac lege dare, ut valeat episcopale testamentum sine Iuris civilis solemnitatibus factum de rebus tantum spoliis, et Iuris ecclesiastici: quod vero ad profana Episcoporum bona, secus ad heredes ipsorum legitimos ab intestato spectantia, quoties dispositio episcopalis ex defectu solemnitatum irrita secundum leges videbitur. Id quod liquet ex relationibus Curiae Capellani Maioris super placito regio a Praelatis ipsis expetito.

(2) Ex art. V. compactorum in conclavi Eugenii IV., quae Cardinales iuraverant, firmavitque mox Eugenius pontificio diplomate.

isto proficuo in successores quoslibet beneficiarios: quum istorum quodvis privilegium personale, ac varium aliis communis transactionis consortiis nocere non debeat, nec quotae onus istis angere, nec annum spoliolum exactionem cum Apostolicae Camerae detrimento reddere difficultatem (1).

LXVIII. Hac ipsa ratione visa est nulla tenuitas fructuum excusare quempiam ex beneficiariis, aut eximere a rata spoliolum quotannis persolvenda. Nam Xystus V. Capitulis, quae de spoliis transegerunt, quum generatim induisisset potestatem exigendi congruas ratas super omnibus, et singulis beneficiis propriae dioecesis sine ulla exceptione tam exiguis, quam pinguibus: abrogavit consequenter contrarias Iulii III., et Pii V. constitutiones modica beneficia eximentes a lege spoliolum realis, quas Gregorius XIII. Xysti praedecessor ea in re iam abrogaverat. Quandoquidem saepe contingit, ut plura unus beneficia retinens ex Apostolica dispensatione annuos redditus ex singulis quidem percipiat minores dec. 30, ex unitis vero summam longe maiorem spolio semper obnoxiam. Communis autem utilitas transactionis postulans perpetuam contributionis annuae stabilitatem absorbere visa est privatam aliquorum utilitatem, qui unicum quandoque beneficium tenue obtineant. Quod enim accidit raro, consueverunt legislatores praeterire (2).

LXIX. Quibus autem in locis nulla de spoliis transactio confecta est, nec annuae a Capitulis, et beneficiariis contributiones Camerae Apostolicae persolvuntur, nimirum in iamdudum quatuor dioecesibus Aquini, et Sorae, Sulmonis, et Valvae; inibi subcollectores pontificii adhuc spolia colligunt, exiguntque post obitum cuiusque Canonicorum, Abbatum, et beneficiariorum secundum pontificias constitutiones generales Pauli III; Iulii III; aliorumque Pontificum. Excipiuntur aliquot particulares tantum personas earundem dioecesium, quae peculiarem pro se ipsa transactionem de spolio cum Camera Apostolica inierint, sique nunc solventes conventam pecuniae quantitatem pro spolio composito congruam proventus suis ecclesiasticis indulto fruuntur testandi, auosque heredes profanos liberat a iuribus Camerae super spolio reali post suam ipsorum mortem.

LXX. Regularium insuper extra claustra degentium bona omnia eis obeuntibus ad Cameraam Apostolicam iure spoliolum pertinent. Quemadmodum et bona extantia per illicitam negotiationem a clericis quibuscumque qua saecularibus, qua regularibus quaesita (3). Fructus omnes beneficiorum, quae per confidentiam simoniacam obtenta sint (4). Praeterea si va-

(1) Id quod observat Card. de Luca de *benefic. disc.* 87. num. 4., scribens disceptatum in Curia Romana fuisse, an Fabritius Carafa Bituntinus Episcopus deberet spoliolum ratam Capitulo Capuano contribuere pro quadam abbacia de iurpatronatus Principis Ostiliani. Tum instaurata ea de re controversia, Cardinalis ipse de Luca Octavianum Carafa eiusdem abbaciae successorem defendens contra Capitulum Capuanum, censuit non contributionis onus penitus abicere, sed excessum laeae oppugnare, illiusque reductionem petere.

(2) Ex Theophrasti sententia in *l. quod enim* 6. *D. de legibus*.

(3) Ex const. Greg. XIII. superius dicta n. 54.

(4) Ex Pii IV. const. superius relata num. 48. Videsis dicta *lib. IV. Inst. Canon.* tit. 16. n. 32., et seq.

catio acciderit ex retento beneficio incompatibili, fructus primi anni ex utroque beneficio obvenientes Camerae Apostolicae reservatos voluit Ioannes XXII. (1).

LXXI. Consanguineos clericorum heredes in dioecesis compositis per duo iam saecula spoliis ecclesiasticis pacifice potitos, et frui hactenus, clericorumque dispositiones omnes testamentarias, et causa mortis effectum suum sortitas ex oneroso indulto, vident omnes: quum virtute transactionum siluerint omnino lites innumerae: quae laicos una, et Clericos in obitu cuiusque beneficiarii vexabant quotidie. Enimvero populi, Clerique sentientes communem spolii compositi utilitatem studuerunt proficuas observasse transactiones bonum publicum foventes.

LXXII. At vero fructus pendentes beneficiorum, qui scilicet maturati fuerint, sed non exacti, vivente beneficiario, aut vacante beneficio maturescunt, ad spolia quidem non pertinent, neque sunt cum spoliis confundenda: tametsi ad successorem in beneficio, et Ecclesiam spectant (2), vel ad Camerae Apostolicam ex novis Pontificum constitutionibus. Nam utrique fructus, quos defunctus beneficiarius non fecerit perceptione suos, non iure spolii ad Ecclesiam devolvuntur, sed iure domini ad consolidandum eum proprietate usum, vel usumfructum.

LXXIII. Sane fructus pendentes fundi pars esse videntur Caio (3). Ius autem percipiendorum fructuum, vel utendi fruendi ad heredem non transmittit tamquam personale, suisque ossibus infixum usuarius, vel fructuarius, cuius morte amitti usumfructum, et ius fruendi penitus extinguui, sicut aliud quidpiam, quod personae cohaeret, explorata res est ex Ulpiani sententia (4). Idque locum obtinet, etiamsi maturis fructibus, sed ante collectionem, seu perceptionem illorum is decesserit, ex Pauli responso (5).

(1) Ex Io. XXII. const. extravag. in cap. nonnullae 12. de praeb., et dignit.

(2) Cop. quia de elect. in VI., et cap. praesenti de off. Ord. in VI.

(3) Caius in l. fructus 44. D. de rei vindic.

(4) Ulpianus in l. sicut 3. §. ult. D. quib. mod. usufruct. vel usus amitt.

(5) Paulus in l. si fructuarius 13. D. eod. si fructuarius messem fecit, et decessit, stipulam, quae in messe iacet, heredis eius esse: Labeo ait: spicam, quae terra tenetur, domini fundi esse: fructumque percipi, spica, aut foenum caeso, aut vna adempta, aut excussa olea: quamvis nondum tritum frumentum, aut oleum factum, vel vindemia coacta sit. Sed ut verum est, quod de olea excussa scripsit, ita aliter observandum de ea olea, quae per se decidit. Iulianus ait fructuarii fructus tunc fieri, cum eos perceperit: bonae fidei autem possessoris mox, cum a solo separati sint. His verbis Paulus conciliasse videtur adversantes Labronis, et Iuliani sententias, distinguendo separationem operosam fructuum a solo fructuarii opera, vel per alium eius nomine factam, a fortuita separatione, quae casu, vel beneficio furis contigerit. Probatque, ut verum cum Labrone fructuum perceptionem ab usufructuario perfectam, statim ac eos a solo separaverit, vel opera sua, vel per alium, qui eius nomine sic perceperit: qui propterea fructuarius suam facit spicam caesam, etsi nondum ex ea frumentum tritaverit, uvam e vitibus ademptam, licet nondum ex vris vindemiam coegerit, foenum caesum, licet nondum in horreo illud eundiderit: namque percipisse revera fructus videtur usufructuarius, qui per semetipsum, vel per alium mandato suo illos excusserit, atque a solo separaverit. Secus vero sensit de fructibus casu, vel per se decidentibus, et separatis, quos fructuarius non facit suos, nisi suam in illis percipiendis operam praestiterit.

LXXIV. At bonae fidei possessor sine sua percipiendi opera fructus facit suos per quamlibet a solo separationem quoque fortuitam. Inanis ergo labor antiquatam excitare quaestionem, partesque adversas hinc, et hinc indistincte sustinere, quod faciunt in primis Azo, et Accursius super interpretatione Pauliani responsi (1). Siquidem Azo tenet sufficere simplicem a solo separationem fructuum tam in fructuario, quam in bonae fidei possessore, ut eisdem ad heredes transmittat, etiamsi suo in horreo non recendiderit. At Accursius (2) opinatur puram a solo separationem in possessore quidem bonae fidei sat esse: in fructuario secus, cui requirit etiam in horreo repositionem.

LXXV. Ex istis DD. concertationibus originem ducunt in re nostra dubitationes in dividendis fructibus Ecclesiae maturis, sed non collectis inter profanos beneficiariorum heredes, et Ecclesiam, vel Cameram, et successorem in beneficio. Doctorum alii cum Redoano (3) disputant, an clericus potius debeat possessori bonae fidei, quam fructuario comparari. Alii autem communiter cum Glossa (4), et Calderino (5) sequentes praedictam Accursii opinionem, et comparantes beneficiarium usufructuario, non solum a fundo fructuum separationem requirunt, sed exigunt perceptionem ab ipso beneficiario, vel ab alio eius nomine consummatam, seu repositam in horreo: quoniam usufructuarius non vi possessionis, sed fructuonis, et perceptionis facit fructus suos (6).

LXXVI. Sed omnis dubitandi ratio recentioribus Pontificum constitutionibus submota est. Nam Iulius III. declaravit fructus Ecclesiarum, et beneficiariorum collectos, vel exactos, et cum bonis profanis commixtos, et incorporatos tantum ad liberam beneficiariorum dispositionem, qui a Sede Apostolica obtinuerint indultum disponendi, spectare: fructus vero non exactos, non collectos, non commixtos ad Cameram Apostolicam esse reservatos (7). Requiritur ergo iuxta litteram Iulianae constitutionis aedum exactio, quae nudae fructuum a solo separationi aequatur: sed etiam commixtio, quae repositio in horreo, perfectaeque collectioni respondet, ut valeat Praelatis vigore indulti pontificii de fructibus ab Ecclesia perceptis, et quaesitis disponere. Verum ex constitutionibus Innocentii XII. et Benedicti XIII. de fructibus exactis etiam inconsumptis, et incommixtis Episcopi disponunt in favorem Cathedralium, et parochiarum. Itaque ubi agitur de successione Cathedralium, et parochialium Ecclesiarum ad fructus collectos non requiritur commixtio iuxta expressas Innocentii, et Benedicti constitutiones: secus ubi de dispositione a Praelatis facta in favorem consanguineorum, vel extraneorum vigore indulti.

LXXVII. Ex multiformi tamen rerum mixtura, quam distinguit Pomponius ob tria corporum genera (8), commixtio vel vera, vel aequipollens

(1) Paul. in cit. l. si fructuarius.

(2) Accurs. in l. si fur D. usufruct. ver. percipiatur..

(3) Redoan. de spoliis cap. 3. num. 22.

(4) Gl. in cap. si propter ver. primi anni de rescript. in VI.

(5) Calderin. cons. 2. de pecul. clericorum.

(6) Card. de Luca disc. 81. de benef. num. 10., et seqq.

(7) Iul. III. in bullis iam expositis.

(8) Pompon. in l. rerum mixtura 30. D. de usurp. et usucap. Tria autem genera sunt corporum, ait. Unum, quod continetur uno spiritu, et graeca qu-

esse potest. *Vera*, seu materialis dicitur, quoties nequit in defuncti clerici patrimonio discerni, unde fructus obveperint, ex Iavoleni definitione (1). Ubi Gothofredo videtur immixtio habere vim consumptionis. *Aequipolens*, seu formalis dicitur, quoties in horreo vel suo, vel alieno repositi ab ipso beneficiario sint fructus, quamvis lidem ipsi revera extant seorsim, vel ad eiusdem manus reapse pervenerint, vel pecunia in banco deposita extet adhuc in faciem ipsius beneficiarii cum libertate disponendi sine reali mixtura. Istamque sufficere ad Iulii III. mentem implendam, censuit Rota (2). Ideoque pecuniam a conductoribus, et inquilinis Ecclesiae exactam, atque in banco in faciem beneficiarii depositam, licet extantem, quemadmodum et fructus plene perceptos, et extantes in horreis, nondum consumptos sub spolio comprehendendi, quatenus de iis recto disponat Praeclatus, indultum habens disponendi: alias eo indultum non obtinente, ad Ecclesiam, vel Cameram devolvuntur (3).

LXXVIII. Collecti autem, sed in eodem solo adhuc existentes ad successorem, vel Ecclesiam, vel Cameram indefinite pertinent in beneficiis tam habentibus, quam non habentibus adnexam curam animarum. Et quamvis in beneficio curato dividi fructus pendentes pro rata inter praedecessoris heredes, et successorem in beneficio censuissent Covarruvias (4), Parisius (5), aliique, attamen Cardinalis de Luca (6) testatur minime admissam in praxi distinctionem eiusmodi beneficiorum in puncto iuris probabilem, ex qua beneficiarius curatus marito potius, quam usufructuario comparetur, transmissurus heredi suo portionem fructuum ex causa onerosa pertinentium, instar fructuum dotialium, qui soluto matrimonio inter mariti heredes, et uxorem dividuntur pro rata temporis, quo matrimonium stetit sine distinctione perceptorum, vel inexacto-

rum unitum vocatur, ut homo, lignum, lapis, et similia. Alterum quod ex contingentibus, hoc est pluribus inter se cohaerentibus constat, quod *ovvuxuvov*, id est connexum vocatur, ut aedificium, navis, armarium. Tertium quod ex distantibus constat, ut corpora plura non soluta, sed uni nomini subiecta veluti populus, legio, grex.

(1) Iavolenus in l. si alieni 78. D. de solut.

(2) Rot. coram lo. Bapt. Coccino dec. 476., et Card. de Luca disc. 81. de beneficiis num. 13.

(3) Calder. in cons. 2. de pecul. clerico. ad rem hanc quinque casus distinguit. I: scilicet de beneficiario moriente fructibus separatis, sed in arca, vel campo iacentibus. II: fructibus a colono reconditis, sed nondum beneficiario traditis. III: fructibus beneficiario assignatis, sed nondum consumptis. IV: fructibus a solo separatis, et a colono reconditis, sed minime traditis beneficiario mortuo, postquam cesserit, sed antequam venerit dies solutionis, qui mensem unum, vel plures concessisset colono ad fructus consignandos, vel pretium solvendum: V: denique moriente post elapsam quoque terminum dilationis, fructibus in specie ipsa, vel in pecunia minime solutis. Ex quibus in cit. dec. tertium casum tantummodo exceptit de fructibus perceptis nondum consumptis, quos clericus indultarius fecit suos, et ius quesivit disponendi, ac transmittendi ad profanos heredes: in aliis vero casibus fructus inexactos haberi, atque ad Ecclesiam, vel successorem declaravit inspecto iure communi spectare, vel novo iure ad Cameram.

(4) Covarruvias lib. 1. ver. cap. 14. num. 12.

(5) Parisius lib. 1. de resignat. qu. 6. in fin.

(6) Card. de Luca disc. 100. de benef. num. 30.

rum, quum merito cedant propter onera matrimonii compensanda, non ob simplex perceptionis lucrum (1).

LXXIX. Inde patet, cur hoc in Regno Neapolitano super omnibus regulariter Ecclesiis, nedum Cathedralibus, et abbatibus nullius dioecesis, verum etiam parochialibus, praebendis, canonicatibus, et quibusvis beneficiis quoque simplicibus Camera Apostolica pereipiat fructus pendentes, itemque vacationia tempore obvenientes, quos generalis spoliatorum transactio non complectitur ex supradictis. Quoties propterea contingunt Ecclesiarum, beneficiorumque vacationes, Nuntiaturae commissarii, seu subcollectores in sua quisque dioecesi sequestrum ex officio imponunt fructibus eorumdem universis, eosque satagunt mox durante vacatione, quoad valent, percipere pro Camera Apostolica, ac rite vendere sub hasta sine fraude, rationem de iis Nuntio pontificio, eiusque officialibus reddituri (2). Sed mora debitorum frequentissima, et solutionum diebus cedentibus, et venientibus post possessionem a novis beneficiariis captam fit, ut Nuntiaturae tribunal tam inexactos, quam tempore vacationis maturatos fructus ad Cameram Apostolicam spectantes numquam integre colligat per suos commissarios, sed vix tertiam eorumdem partem.

LXXX. Mos quippe inolevit, ut Nuntius Apostolicus eosdem utriusque generis fructus camerales transactione consueta, vel heredibus decedentium clericorum, vel successoribus beneficiariis, Praelatisve eum ea ipsa transigentibus dimittat sub conditione solvendi Camerae Apostolicae certam pecuniae summam arbitrio ipsius Nuntii definiendam, quae tertiam fere partem fructuum camerales numquam excedit. Et quoties fructus iidem deductis oneribus duceas decem monetae huius Regni non excedant: eos tunc condonat integros postulanti cuique vel heredi, vel successori rescribens: *oriet pro Sanctissimo*. Saepo fit etiam, ut Romanus ipso Pontifex alicuius Capituli, Clerique, vel novi Praelati precibus indulgens ratam eorumdem fructuum cameralem in tribunali Nuntiaturae aut liquidatam, aut liquidandam per litteras Thesaurarii pontificii condonet ex toto, vel ex parte, ut erogetur in restorationem ipsius Ecclesiae vacantis (3). Ut manifestae pateant camerales ratae, Commissarii Nuntiaturae per dioeceses constituti de singulis beneficiorum vacationibus certiores

(1) Ulp. in *l. fructus* 7. *D. soluto matrim.*, et *l. un. §. cumque C. de rei uxoriae actione*.

(2) Paulus V. die 23. Aprilis 1610. sanxit, in venditionibus rerum ex obvenientibus ad Cameram spoliis, ut fiant edicta publica, et plus offerenti sub hasta publica vendantur, sub poena excommunicationis ipso facto incurrendae, aliisque poenis arbitrio Nuntii infligendis. *Prohibemus*, inquit Papa, *ne subcollectores, commissarii, auditores, vel alii officiales, et ministri quicumque tribunalis ipsius Nuntii, minusque ipsius consanguinei, vel affines in primo vel secundo gradu, aut familiares tam Nuntii praedicti, quam aliorum praedictorum dicti tribunalis per se, vel suppositam personam bona, et res spoliatorum huiusmodi emere praesumant. Si quid autem contra quomodocumque attentatum fuerit, illud ex tunc irritum, et inane decernimus, ac eisdem ad omne, et quaecumque damnum, et interesse, quod Cameram propterea pati contigerit, teneri volumus*.

(3) Id quod pontificia liberalitate Bened. XIV. usu iam viguisse testatur Pontifex idem in const. *pastoralis* art. 4.

cito faciunt Nuntium Apostolicum: mox acceptis ab eo litteris relationem fructum iubentibus, referunt omnes vacantis Ecclesiae, aut beneficii fructus, et onera cuncta, explicando propria messis, seu collectionis naturalis tempora peculiaris, moribus locorum constituta, diesque a partibus conductos ad solvendum civiles fructus locationum, seu pensionum, annuosque redditus (1). Inde ratiocinator Nuntiaturae supputans rates ad Camerae spectantes, deductis oneribus, puram putam earum summam colligit. Eaque vis Nuntius ipse rescribit, quod ex ea summa solutis Camerae ducatis tot infra mensem, qui vel aequant tertiam, vel infra eam sunt suo boni viri arbitrio, reliqui fructus omnes camerales in commissarii relatione descripti relaxentur oratori. Tandem soluta Camerae depositario pecunia designata, solutisque simul taxis consuetis officialium, dantur a Nuntio litterae ad commissarium tollentes sequestrem, et perfectam promulgantes transactionem.

LXXXI. In Ecclesiis vero Cathedralibus regiae nominationis res aliter se habet. Fructus enim pendentes, totoque vacationis tempore obvenientes per oeconomos regios colliguntur, et successoribus reservantur, subductis oneribus, praetereaue ducatis centum, qui persolvuntur in singulis istarum vacationibus huic regiae Studiorum Universitati, et centum alia ducatis pro cuiusque collectoris oeconomi stipendio. Idem quoque servatur quoad inferiores Ecclesias, abbatias, et beneficia de patronatu regio, vel feudali Baronum ex vetustissimis praesertim clausulis regii placiti supra memoratis.

LXXXII. Si tamen beneficium, aut Ecclesia per resignationem vacaverit, inexactos, et pendentes fructus resignans poterit sibi metipsum reservare: alias praesumitur eos ipsi etiam resignatorio dimisisse una cum renunciato beneficio: sibi tunc imputet, cur illos ipse non sibi reservaverit (2). Nam Pius IV. fructus beneficiorum per cessum vacantium Camerae attribuere noluit (3). Hoc tamen in Regno successoribus ad beneficia resignata exigere non permittit Nuntiaturae tribunal tam fructus pendentes, et inexactos, quoties neglexerit resignans eos sibi reservare, quam ratam aliorum fructuum, et naturalium, et civilium a die admissionis per Summum Pontificem resignationis usque ad possessionem successorum: nisi transactionem ipsi antes postulaverint, et obtinuerint ab eo, et solverint Apostolicae Camerae tertiam deductis oneribus partem, vel aliam arbitrio Nuntii transigentis conditam summam.

LXXXIII. Divisionem fructuum pendentium inter Ecclesiam, vel Camerae Apostolicam, et successorem perinde faciendam esse, ac fructuum praediorum dotalium, tradit Card. de Luca (4) pro rata quidem temporis, annum computando a die, quo terra incipit fructus concipere natu-

(1) Formam, et methodum eiusdem relationum videsis in cit. libello *instructionum pro subcollectoribus, et commissariis Archiepiscopi Carthaginensis Iosephi Lucatelli* Sedis Apostolicae Nuntii, typis Mutianis recuso Neapoli an. 1769.

(2) Card. de Luca *disc. 84. de benef. num. 5.*

(3) Pius IV. in *const. superius relata 48.* Ad Episcopum dimittentem fructus Ecclesiae dimissae usque ad diem admissionis resignationis pertinere, postea secus, multis probat Riganlius *to. 1. in Reg. v. §. 3. num. 18., et seq.*

(4) Card. de Luca *disc. 100. de benef. num. 4. et 5.*

rales, frumentum scilicet, ac frugos initio Septembris, vinum Novembris, oleum, et fructus hyemales Decembris, herbae aestivae Aprilis, hyemales Octobris. Si ubi autem celerius, vel tardius ii producuntur, conditio illius regionis ab aliis varians spectanda est (1). *Utique in fructibus a viro retinendis, neque dies dotis constitutae, neque nuptiarum observabitur: sed quo primum dotalis praedii tradita possessio est*, respondit Ulpianus (2). Igitur ante diem possessionis suse nullos suo iure fructus novus beneficiarius percipit ex praediis beneficiariis, perinde ac vir ex dotalibus praediis: sed pendentes dividit cum Camera Apostolica, vel Ecclesia. Quoties autem fructus in uno, eodemque anno vacationis partim naturales, partim civiles colligantur ex iisdem praediis: confundendi tunc utriusque sunt, nimirum fructus integri ex dotali praedio collecti naturaliter cum civili eiusdem locati praedii pensione instantis anni exigenda insimul aggregantur, ut quota ex utriusque pro ratione temporis, et confusarum quantitatum exinde viro dotis fructuario contribuaturs secundum regulam a Papiniano traditam (3). Sed nullius ea usus est inter novos beneficiarios et Cameram, vel Ecclesiam, quae integros praeteriti anni fructus a morientibus beneficiariis non collectos, nec exactos quum naturales, tum civiles sibi vindicet. *Illos enim fructus, quos mulier percipit, antequam nuberet, non debere in contributionem venire*. Ulpianus respondit (4). *Quod in anno dicitur, potest dici et in sex mensibus, si bis in anno fructus capientur: ut est in locis irriguis. Et in pluribus annis idem dici potest, ut in sylva caedua, ex eiusdem Iureconsulti sententia* (5). Civiles vero fructus, qui videntur singulis diebus decurrere, ac percipi, fructuario, eiusque heredi acquiri pro rata dierum, quibus mansit ususfructus, sequentium dierum ratas ad proprietarium transire, Ulpianus etiam docet (6).

LXXXIV Fructus eos esse constat, qui deducta impensa supererunt (7).

(1) Ex cit. Instruct. Subcollect. num. 16.

(2) Ulp. in *l. de divisione* 5. D. *solut. matr.*

(3) Papinianus ab Ulpiano laudatus in *l. fructus* 7. §. 1. D. *solut. matr. quemadmodum dos petat.* et Divortio facto fructus dividi ait, non ex die locationis, sed si vindemiae praecedentis temporis, quo mulier in matrimonio fuit. Neque enim si vindemiae tempore fundus in dotem datus sit, eumque vir ex Kal. Novemb. primis fruendum locavari, mensis Ianuarii suprema die, facto divortio, retinere virum, et vindemiae fructus, et eius anni, quo divortium factum est, quartam partem mercedis aequum est: alioquin, si coactis vindemiis altera die divortium intercedat, fructus integros retinebit. Itaque si fine mensis Ianuarii divortium fiat, et quatuor mensibus matrimonium steterit, vindemiae fructus, et quarta portio instantis anni confundi debebunt, ut ex ea pecunia tertio portio viro relinquatur. Hunc textum explicant Cuiacius *lib. 4. feudor. cap. 30.*, et Perexius ad *tit. C. soluto matr. num. 11*. Eandem proportionis regulam praedocuit Euclides *lib. 7. reg. 13.*, ubi eandem esse, ait, rationem confusorum antecedentium, puta 12. \times 3. = 15. ad confusa consequentia 4. \times 1. = 5., quae cuiusque antecedentis est cum suo consequenti, puta 12., ad 4., vel 3. ad 1.

(4) Ulp. in *cit. l. fructus* 7. §. 4.

(5) Ibidem §. 6., et 7.

(6) Ulp. in *l. sed et si quid.* 25. §. 2., et Paulus in *l. si operas* 16. D. *de usufructu.*

(7) Ulpian. in *dict. l. 7. D. solut. matrim.*

Ideo reficere impensas culturae, et fructuum gratia factas debet Ecclesia, vel successor, vel Camera super fructibus ex vacante beneficio obvenientibus, vel eas exinde detrahet profanus indultarii Praelati heres; simul, et debita ipsius (1). *Ubi ex privilegio, ait Bonifacius VIII., vel consuetudine, seu alia de causa rationabili sibi aliquis asserit bona competere supradictae Ecclesiae vacantis, hoc de illis bonis solum debet intelligi, quae soluta debitis, si qua sunt, et iis, quae fuerint necessaria pro servitoribus, et ministris, ac incumbendis oneribus usque ad novos redditus supportandis, congrue reservatis, ex ipsis reperta fuerint superesse* (2). Tum Iulius III. generatim statuit ex fructibus beneficiorum inexactis, et pendentibus, si aliunde ex aliis ipsorum beneficiariorum bonis solvi non possint, persolvenda esse debita omnia decedentium beneficiariorum (3).

LXXXV. Dubitari exinde contingit, utrum ea etiam debita, quae ante praelaturam, et possessionem Ecclesiae, vel quovis tempore sint sine ulla utilitate Ecclesiae, et beneficii contracta, debeat successor, vel Camera Apostolica persolvere? Sed sententia negans usu invaluit. Nam pro Ecclesiae necessitate, vel utilitate aolum contracta praedecessoris debita solvere ex fructibus ecclesiasticis successorem debere, non secus, quam filius debita patris, Alexander III. rescripsit (4). Aes proinde alienum in primis pro substantiatione Praelati, seu in eius alimenta, vestes, valetudinem, et similia impensum aestimatur pro necessitate, vel utilitate Ecclesiae acceptum. Nam cibarium impensae, ait Caius, naturali ratione ad eum pertinent, qui utendum accepisset hominem (5). Et Ecclesia eam ob rem suis altari inservientibus Clericis, proventus altaris, unde vivant, largitur (6). 2: pro tuendis Ecclesiae iuribus, et negotiis legitime promovendis (7). 3: pro remuneratione impensi obsequii quidquid promiserint Episcopi de proventibus ecclesiasticis, id totum oportet eos solvere (8); quale est honorarium advocati ob patrocinium defuncto Praelato praestitum, et salarium famulorum, quod infra annum a morte Praelati computandum petatur super spolio (9). 4: pro impetratione quoque dignitatis, vel beneficii, et pro bullarum expeditione, vel pro negotio electionis instruendo, et exequendo: quum in eiusmodi rebus Ecclesiarum avarum persequi utilitatem censeantur (10). Quidquid ergo pro utilitatibus Ecclesiae clericus expenderit, aut dispendii, vel detrimenti pertulerit, totum ex rebus Ecclesiae reficiendum censuit Concilium Bracaraense III. (11).

LXXXVI. Versio autem aeris alieni in utilitatem Ecclesiae, antequam fiat solutio, probanda est. Contrahentes ideo cum Praelatis, et beneficia-

(1) Ex Paulo in l. Titius Maevio 50. D. de usufr.

(2) Bonif. VIII. in cap. praesenti de off. Ord. in VI. d. consue.

(3) Iul. III. in dict. bull. cum sicut nobis, aliaque incipiente dudum.

(4) Alexander III. in cap. 1. de solutionibus.

(5) Caius in l. rebus 18. §. 2. D. commodati.

(6) Cap. cum secundum 16. de praebendis.

(7) Cap. cum pro causa 6. de procuratoribus.

(8) Can. quicumque C. 12. qu. 2.

(9) Ex const. Pauli III. cum sicut nobis die 21. Aprilis 1545., et Redoan. qu. 10. num. 33.

(10) Cap. cum non debeat 30. de electione, et Redoan. d. qu. 10. n. 37.

(11) Conc. Bracarae, III. in can. quicumque C. 12. qu. 4.

riis, praesertim qui mutuam illis dant pecuniam, satagere debent, ut ea in utilitatem Ecclesiae convertatur; id enim nisi constiterit, Ecclesiam nequibunt ad satisfactionem compellere (1). Idem quoque dicendum de iis, qui res, vel pecunias deposuerint in manibus clericorum. Ex hisce iuribus consequitur alia clericorum debita praeter Ecclesiae utilitatem contracta, et quae in ipsius utilitatem cessisse non constiterit, neque a successore, neque a Camera esse persolvenda tam super ecclesiasticis bonis spoliolum, quam super fructibus inexactis, ac pendentibus, et vacationis tempore obvenientibus. Siquidem iure peculii potius, quam hereditatis titulo, Ecclesiae vel Camera, vel successor spolia Clericorum, ut bona intuitu Ecclesiae quaesita percipiunt (2). Et quoniam ex contractibus, negotiisque gestis filiorum familias non datur in patrem actio, nisi iussu patris gestum negotium sit, vel in ipsius utilitatem res versa, vel denique in quantum vires peculii suppetant (3); dicendum est, nisi aes alienum decedentium Praelatorum ostendatur cum adsensu apostolico rite acceptum fuisse ob necessitatem Ecclesiae, vel redundasse in eius utilitatem, peculii ecclesiastici vires omnino defecisse per eorum obitum. Quia beneficiarii omnes inortis tempore instar usuariorum habentur, quibus Ecclesia morientibus administrationem peculii ecclesiastici omnino adimit (4).

LXXXVII. Tamen si Lucius III. rescripsit, quod debita profana, et fideiussiones quoque a clericis praestitas debeant ei persolvere, unde praxis mandavit sequestro dandi redditus etiam ecclesiasticos, instantibus quibuslibet creditoribus (5); nihilominus decretalis isthaec locum obtinet non utique post mortem beneficiariorum, sed ipsis (ut littera textus palam ostendit) viventibus, qui fructus faciunt suos, utque suos distrahunt, quoadusque sua ipsorum duret administratio, et concessio peculii ecclesiastici. Quod ergo ius quaeaverunt creditores clericorum, permittente Ecclesia super fructibus, et peculio ecclesiastico, experiantur in iudicio contra viventes debitores, et quod sibi debetur, persequantur in tempore opportuno. Mortuis enim clericis peculium eorum evanescit, et Ecclesia res suas vindicando iniuriam creditoribus profanis nullam infert, suo dum ea iure ntitur: nec lucrari quidpiam videtur eorum iactura, dum nihil utilitatis ex ipsorum pecunia sensit. Si tamen clericis Ecclesia, seu Apostolica Sedes iudicium testandi, vel ad profanos heredes transmittendi bona intuitu Ecclesiae quaesita conceaserit: haeres omnia quaevis debita exolvit ex fructibus, quos defunctus clericus fecerat suos. Nam propterea beneficiarii nullum super fructibus ecclesiasticis ius habere dicitur, donec non fuerint a solo separati, et collecti, et commixti: et nonnisi postquam beneficiarius eosdem fecerit suos, adquirunt hypothecam super illis, tamquam bonis privatis, et saecularibus, quae sunt in commercio (6) (*).

(1) *Cap. quod quibusdam 4. de fideiussoribus.*

(2) *Cap. gratis 1. de deposito.*

(3) *Causa in l. 1., et Ulpian. in l. 2. D. quod cum eo, qui in aliena potestate est, negotium gestum esse dicatur.*

(4) *Ex supradictis cap. 17. n. 23.*

(5) *Ex supradictis eodem cap. 17. n. 8.*

(6) *Card. de Luca de pensionibus disc. 9. num. 2.*

(*) *Concordatorum lege an. 1818. art. XVII. constitutum:*

1. Quod d'occesane Administraciones in qualibet Episcopali, vel Metropoli.

Haec satis ad huius opusculi secundas, aegro quidem animo susceptas curas, multum, et saepe intermissas, vix hodie tandem deposito calamo emancipatas. Priorem ipsius formam si tenuem, et rudiorum usque modo boni, et aequi non despexistis: futurum inde spes mihi aliqua subest, ut hanc triplo maiorem quoad aenescentes iam, pluribusque intentae vires tulerunt, subsecivis horis expolitam, accipietis aequiores. Neap. Kal. Iun. 1765.


tana Ecclesia constituendae ferent, suppresso iam Monte frumentario, sive regia administratione spoliurum, et reddituum Mensarum episcopalium, Abbatiarum, ac aliorum titulorum.

II. Cautum Administrationes easdem duobus Canonice constare, qui tertio quoque anno a Capitulis per suffragiorum pluralitatem essent eligendi, ac renovandi: nec non regio Procuratore ab Augustissimo Utriusque Siciliae Rege Nostro designando.

III. Sancitum, quod cuiusvis Dioecesanæ Administrationi Episcopus, vel eius Vicarius generalis praesentet: in Ecclesia vero viduata Pastore Vicarius Capitularis.

IV. Tandem decretum, quod servata dimidia parte reddituum Mensarum episcopalium pro eligendo earundem Antistite fructus percepti ex titulis vacantibus, in Ecclesias ipsas, Seminaria, hospitalia, aliosque pios usus erogari debeant.

FINIS



INDEX CAPITUM

CAP. I.	<i>De origine beneficiorum</i>	8
	<i>ADDITAMENTA de titulo in Ordinationis requisito.</i>	21
CAP. II.	<i>Quid, et quotuplex sit beneficium.</i>	24
	<i>ADDITAMENTA de Ecclesiis Recaptitiis</i>	29
CAP. III.	<i>De fundatione, et erectione beneficiorum.</i>	32
	<i>ADDITAMENTA de Ecclesiis Collegiatis.</i>	40
CAP. IV.	<i>De unione beneficiorum</i>	44
CAP. V.	<i>De reservationibus, et affectionibus pontificiis.</i>	62
CAP. VI.	<i>De collatoribus.</i>	126
CAP. VII.	<i>De collatoribus ex indulto extraordinariis.</i>	131
CAP. VIII.	<i>De ordinariis collatoribus.</i>	146
CAP. IX.	<i>De beneficiariis</i>	157
CAP. X.	<i>De collatione.</i>	175
CAP. XI.	<i>De commenda</i>	195
CAP. XII.	<i>De precum veritate, subreptione, et obreptione impetra- tionibus.</i>	210
CAP. XIII.	<i>De clausulis.</i>	218
CAP. XIV.	<i>De executione litterarum apostolicarum</i>	231
CAP. XV.	<i>De possessione, eiusque effectibus.</i>	240
CAP. XVI.	<i>De sequestratione possessionis, et fructuum.</i>	250
CAP. XVII.	<i>De fructibus.</i>	253
CAP. XVIII.	<i>De vacationibus beneficiorum.</i>	266
CAP. XIX.	<i>De renunciatione.</i>	ib.
CAP. XX.	<i>De permutatione.</i>	282
CAP. XXI.	<i>De pluralitate, et incompatibilitate beneficiorum.</i>	287
CAP. XXII.	<i>De necessariis vacationibus</i>	298
CAP. XXIII.	<i>De spolio decedentium beneficiariorum, et fructibus bene- ficiorum vacantium</i>	312

CONSIGLIO GENERALE

Napoli 26 ottobre 1852.

DI

PUBBLICA ISTRUZIONE

RIP.°

CAR.°

N.° 36.

Oggetto

Vista la domanda del tipografo Giosuè Vernieri, il quale à chiesto di porre a stampa l'opera intitolata *Tractatus de Beneficiis Ecclesiasticis Domini Caroli Gagliardi cum annotationibus atque additamentis Ill. et Rev. Domini Josephi Romani Episcopi S. Angeli Lombardorum et Bisacciensium.*

Visto il parere del Regio Revisore D. Alessandro Gualtieri.

Si permette che la suindicata opera si stampi; però non si pubblichi senza un secondo permesso che non si darà se prima lo stesso Regio Revisore non avrà attestato di aver riconosciuto nel confronto esser l'impressione unilorme all'originale approvato.

Il Presidente Int.°

FRANCESCO SAVARIO APPEZZO

Il Seg.° Int.°

GIUSEPPE PILTROCOLA

COMMISSIONE ARCIVESCOVILE

PER L.

REVISIONE DE' LIBRI

Nihil obstat
Padre M. Fr. Ludovico Soreca
Revisore

Imprimatur
Pel Deputato
Leor. Rucalano Seg.

